

ՊԼՈՒՏԱՐԻՆԱՅ

ՔԵՐՈՎՆԱՅԻՈՅ

ԶՈՒԳԱԿՇԻՌԻՔ



ՀԱՏՈՐ Գ.

THE UNIVERSITY OF CHICAGO

LIBRARY

PHYSICS DEPARTMENT

1925

Պ Լ ՈՒ Տ Ե Ր Կ Ե Լ Յ

9(37)

ՔԵՐՈՎԼԱՅԻՈՅ

770

ԶՈՒԳԱԿՇԻՌԻՔ


ԹԱԳՄԱՆԵԱԼ Ի ԲՆԱԳՐԻՆ
Հ. ԵՂԻԱՅ ՎԱՐԴԱՊԵՏԻ ԹՈՄԱՃԱՆ
Ի ՄԽԻԹԱԲԵԱՆ ՈՒԽՏԻՆ

ԱՐԴԵԱՄԲԻՔ ՔԱԶԱՓԱՅԼ ԱՊՊԵՏԻ
ՊԱՐՈՆ ԱՂԵՔՍԱՆԴՐԻ ՌԱՓԱՅԷԼԻ
ՂԱՐԱՄԵԱՆ



Ի ՎԵՆԵՏԻԿ
Ի ՏՊԱՐԱՆԻ ՄՐԲՈՅՆ ՂԱԶԱՐՈՒ

ՌՄՁԲ



Պ Լ Ո Ւ Տ Ե Ր Ք Ե Ա Յ

ԶՈՒԳԱԿՇԻՌՔ

ԱՐԻՍՏՈՒԵԱՅ

ԵՒ

ՄԱՐԿՈՍԻ ԿԱՏՈՎՆԻ

W. B. E. & C. O.

NEW YORK

1857

BY

W. B. E. & C. O.

ԱՐԻՍՏՈՒԴԻՍ

ԱՐԻՍՏՈՒԴԻՍ Լիւսիմաքեան էր յԱն-
 տիոքեան ցեղէն, և յԱլոպիկեան ժողո-
 վըրդենէ: Իսկ յաղագս գոյից և ընչից նո-
 րա տարբերեալ են բանք: Կէսք ասեն՝ ե-
 թէ ՚ի վերջին աղքատութե եկեաց այրն .
 և յետ մահուն գատերք նորա երկու՝ այն-
 պէս հարուստ մի ժամանակ մնացին ան-
 ինչք: Այլ ընդդէմ կայ Փաղերէոս Դե-
 մեարիոս ՚ի Սոկրատէսն, և ասէ՝ տեսեալ
 իւր ՚ի Փաղերոն գաստակերտ յանուն Ա-
 ըիստիդեայ, ուր և թաղեցան իսկ. իսկ
 զբազմահարուստ լինել տան նորա ցուցա-
 նէ առաջին՝ զի եկաց նա իշխանապետ
 յորմէ անուանեալ կոչէին զտարին. և յայն
 իշխանութիւն վիճակաւ ընտրեցաւ նա
 յարս աւագս քաղաքին, որոց անուն կար-
 դային Փէնդառոսիւսի: Եւ երկրորդ
 անգամ՝ զի իսեցեկոյտ վճռով վտարեցաւ

նա . իսկ խեցեկոյտ վճիռ ո՛չ տան վասն աղքատի , այլ որոց քաջազգիք իցեն և ահանաւորք : Իսկ և երրորդ անգամ , զի կան նորա եռոտանիք հանգիսածութեան կախեալք 'ի ձօն 'ի մեհէնին Դիոնիսեայ վասն յաղթութեանն . և ցուցանեն զայն մինչև ցայսօր ժամանակի վերտառուծք այսպիսի .

“ Անտիոքեան ցեղն յաղթեաց .

Արիստիդէս հանգէս էած .

Արքեստրատոս վարժեաց “ :

Այլ հաւաստիք այսոքիկ՝ թէպէտ և 'ի վերին երեսս անգրժեղիք՝ չեն ինչ հաստատունք : Քանզի և Եպամինոնդաս ինքնին , որ քաջ իսկ սնաւ և եկաց 'ի մեծի աղքատութեան , դարձեալ և Պլատոն իմաստասէր , հատուցին և դոքա զհանգիսին ծախսն ըստ արժանեաց . առաջինն հատոյց սրնգահար որերոյն , և վերջինգ՝ մանկանց դասուն : Սակայն վասն Պլատոնին հատոյց Դիոն Սիրակուսացի . և վասն Եպամինոնդէայ՝ Պեղոպիդէս : Եւ քանզի և ո՛չ միշտ արք լաւք հրաժարեն յընծայից բարեկամացն . այլ զոր օրինակ անարգ և դժպատեհ համարին զպարգևսն ընչաբաղցս և զօշաբաղս , սասպէս և ոչինչ խորշին նոքա առնուլ ինչ՝ յորմէ պարկեշտաբար հանդերձին պատիւք :

Բայց և Պանետիոս յայտ առնէ՝ եթէ վասն եռոտանւոյն սխալէ Դեմետրիոս 'ի

համանուանցն . քանզի 'ի մարտից անտի Պարսից մինչև 'ի վախճան Պեղոպոննիսեան մարտին արձանագրին միայն երկու Արիստիդէսք հանգիսածուք յալթականք , և ոչ մի ոք 'ի նոցանէն չէ Արիստիդէսն Ալեքսիմաքեան . այլ մին ունի հայր զԲսենոփիլոս , և միւսն եկաց բազմօք զկնի . ըստ որում յայտնի կայ 'ի տառագրութենէն՝ որ եկաց զկնի քերականին Եւկղիդէայ : Դարձեալ և յանուանէն Արքեստորատոսին , զոր չնք դտանել 'ի մատենագրութիւնս իբրև վարժիչ դասուց առ պատերազմօքն Մարաց , այլ յաճախ Պեղոպոննիսացւոց : Այլ զբան զայս Պանեատեայ 'ի գէսկ իցէ արդեօք մանր ևս ճշգրտել :

Իսկ յաղագս խեցեկոյտ վճռոյն , զոչն պատուհաս կրեն առհասարակ վէհագոյնք խուժանին 'ի համբաւն և 'ի զարմին և 'ի ճարտարաբանութեանն . ուստի և վտարանդութիւն զնոյն կրեաց և Դամոննայն՝ վարժապետ Պերիկղէայ , զի միայն կարի զգօն և հանճարեղ թուեցաւ այրն : Առայս և Իդոմէնեւս ասէ , եթէ իշխանաց իշխան կարդեցաւ Արիստիդէս ոչ վիճակաւ , այլ յընտրութենէ Աթենացւոցն : Եւ արդեօք եթէ յայն աւագութիւն ամբարձաւ նա յետ Պղատեան մարտին՝ որպէս պատմէ մեզ Դեմետրիոսգ այդ , ապա 'ի գէսկ է ասել՝ եթէ դեղեցիկ նահատակութիւն այնպիսի նահատակեալ նորա անդունոր , և վառս այնչափ ժառանգեալ անձին , արժանի վասն առաքինութեանն հա-

մտարեցաւ բարձին այնմիկ, զոր վիճակաւ վասն ընչաւէտութեանն առնուին այլք: Սակայն յայտնի դա ինքն Դեմետրիոս՝ ոչ զԱրիստիդէս միայն, այլ և զՍոկրատէս ինքնին ճգնի ազատ յաղքատութենէ առնել իբրև ՚ի մեծէ չարէ. քանզի պատմէ ունել Սոկրատայ ոչ տուն միայն, այլ և եօթանասուն մնասս՝ ՚ի վարձու տուեալ Կրիտոնի:

Արդ Արիստիդէս ընկեր Կղիսթենեայ՝ որ քաղաքականութիւն հաստատեաց յետ բռնաւորացն, գեղեցիկ նախանձաւոր առաւել քան զամենայն քաղաքագէտս՝ Լիւկուրգոսի Լակեդեմոնացոյ, թէկն ածէր աւագպետականին. և սատան իւր ունէր զԹեմիստոկղէս՝ Նէոկղեան թիկնածու ռամկին: Իսկ կէսք ասեն՝ անդստին ՚ի սղայ ախոց երկոցուն դոցա սննդակցաց՝ յամենայն ՚ի գործ և ՚ի բան անմիաբան եղեալ եթէ ՚ի լուրջս, և եթէ յուճակտոս: Եւ ապա ՚ի հակառակութենէ աստի յայս մանէ ՚ի վեր երևէր բոյս բարուց երկոցուն նոցա: Թեմիստոկղէս՝ ժիր և յանդուգն և նենդաժէտ, և հեշտին և արագ ձգէր յամենայնն: Իսկ Արիստիդէս՝ հաստատուն և անդրդուէլի ՚ի բարս, անդուլ հակամիտեալ յարգարութիւն. երբէք սուտ չասէր՝ թէպէտ և ընդ կատակս. և խաբանս չնիւթէր՝ թէպէտ և ՚ի խաղոյ: Այլ Արիստոն Քիացի ասէ, եթէ նոցա հակառակութեան սկիզբն կալաւ անդստին ՚ի պատճառաց սիրոյ, և ապա ըստ նմանէն ա-

Ճեայ : Քանզի երկոքին նոքա 'ի սէրն հա-
րեալք Ստեսիղէյոսի ազգաւ Կէացւոյ ,
դիմօքն և կերպարանօքն քան զամենայն
պատանխս հոյակապ և երևելի , ոչինչ կա-
րացին նոքա չափաւորապէս բերել զկիրան .
ասլա և ոչ յետ այնորիկ 'ի նուազել գե-
ղոյ պատանւոյն գաղարեցան ինչ նոքա 'ի
հակառակութենէն , և իբրու բնաւորեալք
'ի գժտութիւն՝ այնպէս և 'ի գործս քա-
ղաքին գրգռեալք անմիաբան կային այր
ընդ ընկերի :

Ապա գուն գործեալ Թեմիստոկղէս
հաստել բարեկամութիւնս և ընկերչակել ,
արար իւր Թիկունս և զօրացաւ ոչ սակաւ .
ուստի և յասել անդ ուրումն առ նա , ե-
թէ գեղեցկապէս ուրեմն նա իշխէ 'ի վե-
րայ Աթենացւոց՝ զուգահաւասար ամե-
նեցուն ցանդ յարգարելով զանձն , ետ
պատասխանի . “ Քա՛ւ՛ եթէ երբէք 'ի գահ
բազմեցայչ ես յայն՝ յորում ոչինչ կալ-
ցեն բարեկամք իմ աւելի քան զօտարան ” :
Իսկ Արիստիդէս ինքնին միայնակ՝ իբրու
ընդ առանձին շաւիղ այնպէս գնայր 'ի
քաղաքականութեան իւրում . առաջին՝
զի մի Թերևս միաբանեալ ընդ բարեկամսն
գործ անիրաւ ինչ գործեսցէ . և զի մի գար
ձեալ՝ և ծանրատաղտուկ ինչ լինիցի առ
նոսա՝ ոչ շնթելով նոցա . և երկրորդ՝ տե-
սեալ զի զօրութիւն ամրածածուկ 'ի բա-
րեկամսն՝ ածէր ձգէր զբազումս գործել
զանիրաւս , ուստի և ինքն անձնապահ լի-
նէր՝ արժանի քաղաքացւոյ բարւոյ համա-

րեալ զմեծապէս աներկեանութիւն նորա
'ի գործել և 'ի խօսել միայն զբարին և
զարդարն :

Այլ քանզի թեմիատողէս շատ ինչ
իրս յանդուգն շարժէր և յուզէր, և ցանդ
հակառակ նմա ամբառնայր 'ի գործս քա-
ղաքին և կարճէր զնա, ապա այնուհետև և
Արխտիդէս հարկաւորեցաւ զխնադարձ
լինել ամենայն գործոցն թեմիատողէայ՝
'ի պաշտպանել անձին և 'ի խափանս ար-
կանել զօրութեան նորա, որ 'ի թիկունս
ռամկին գնալով գնայր յառաջագէմ. լաւ
ևս համարեցաւ եղծանել զնորա ինչ ինչ
ձեռնարկութիւնսն զպիտանիսն անգամ
քաղաքին, քան թոյլ առնել զօրանալ նմա
յամենայնի և յաղթել: Եւ ապա էր զի ա-
ռաջի արկեալ թեմիատողէայ իր մի 'ի
վայելահանաց անտի, ընդդէմ դարձեալ
Արխտիդէայ և յաղթեալ, չհանդուրժեալ
ասէր յելանել իւրում արտաքս յեկեղեց-
ւոյն. եթէ՝ փրկութիւն չկը վասն Աթե-
նացւոցն գործոց, մինչև զթեմիատողէս՝ 'ի
նոյն և զինքն ոչ խարդաւանեացեն 'ի վիհ
անդր: Դարձեալ և յայլում նուագի ա-
ռաջի արկեալ խուժանին զկարծիս իւր, և
ամենայն զխնամարտութեանցն յաղթեալ,
այն ինչ բարձերեց ժողովոյն հարցանէր
վասն այնորիկ զժողովուրդն, նա 'ի բանից
անտի նոցա խելամուտ եղեալ փնասուն
հանդերձելոյ՝ ինքնակամ յետս կայր 'ի
վճռոյն: Ե՛ր և բազում անգամ զի զխոր-
հուրդս իւր առաջի առնէր յայլոցն բերա-

նոյ, զի մի թերևս անդուստ թեմիստոկղ-
ղէս անկակից հակառակութեամբն խոչ
ընդ ոտն լինիցի պիտանեացն :

Բայց սքանչելի էր նորա անդրդուելի
հատտատութիւնն յամենայն 'ի փոփոխու-
թիւնս քաղաքականութեանն . ոչ 'ի շուք
սրատուոյն հպարտութեամբ երբէք փքա-
նայր . դարձեալ և յորժամ ոչ յաջողէր՝
կայր մնայր անդորր և անխռով . զմտաւ ա-
ծէր եթէ պարտ և արժան է ցանդ զնոյն
օրինակ սպաս տանել հայրենեացն ձրի և
անվարձ՝ ոչ 'ի շահուց միայն այլ և 'ի փա-
ռաց դիտովն : Ուստի և 'ի վերժանել եր-
բեմն 'ի տեսարանին զմեծավերջնս զայն
զՈղբերգութեանն Եսթիւղէայ որ վասն
Ամփիարոսին, եթէ . « Քանզի ոչ եթէ
երևել կամի արդար՝ այլ լինել . զևոր ա-
կօսն պտղաբերեալ զհանճարոյն, յորմէ
արգոյքն այն բողբոջեն խորհուրդք » .
անդ առհասարակ դարձաւ եկեղեցին և
հայէին յԱրիստիղէս . իբրու որ նմա յա-
ւէա 'ի դէպ դայցէ առաքինութիւնն, այն՝
որ 'ի շնորհս արդարութեանն ոչ բարեկա-
մուցութեանն և սիրոյ ինչ երեսս առնէր, և
ոչ բարկութեանն և թշնամուցութեանն :
Քանզի և պատմեն՝ եթէ էր զի ամբաստա-
նեալ նա յատենի զթշնամին, և լուեալ
զամբաստանութիւնն՝ իբրև ոչ կամեցան
դատաւորք ունկն անգամ մատուցանել
ամբաստանելոյն՝ այլ հանդերձեցան ան-
դէն 'ի դատակնիքն՝ ինքնին յայնժամ Ա-
րիստիղէս 'ի միասին ընդ ամբաստանելոյն

յողոք անկանէր դատաւորացն տալ խօսել և յանցաւորին, և զիրաւունսն օրինացն չնորհէլ նմա: Սասկէս և դատաւոր երբեմն նստեալ Արիստիդէս՝ ի հակառակութեան երկուց ոմանց, իբրև մի ոմն ՚ի նոցանէն ասէր վասն ընկերին՝ եթէ և Արիստիդէայ նա վիշտս բազում հասուցեալ է, ետ պատասխանի. « Ասա մանաւանդ ո՞վ քաջց, եթէ քեզ ինքնին չար ինչ հասուցեալ իցէ դորա. քանզի վասն քո աւագիկ նստիմ՝ դատաւոր և ո՞չ վասն իմ »:

Իսկ յետ այնորիկ կարգեալ Արիստիդէս խնամակալ ՚ի վերայ մտիցն հասարակաց, եցոյց եթէ ո՞չ որք միանգամ առ նովաւ կային ՚ի պաշտամանն յայնմիկ, այլ և որք ՚ի նախնումն, շատ ինչ խորեցին ՚ի գրամոցն. և յաւէտ թեմիստոկղէս՝ որ թէպէտև այր հանձարեղ՝ չէր ձեռին իւրում իշխան: Ուստի և թեմիստոկղէս միաբան ընդ բաղմաց ամբաստան զնմանէ կացեալ ՚ի տալ զհամար պաշտամանն, հնարս հնարեցաւ իբրև գող դատասպարտել զԱրիստիդէս. ըստ որում գրեաց Իգոմենեւս: Յայնժամ յոյժ ՚ի խոր խոցեալ և բողոք կալեալ աւագ և լաւ որեար քաղաքին վասն այնորիկ, դէպ եղև՝ զի ո՞չ միայն յամենայն պատուհասէն արձակեցաւ Արիստիդէս, այլ և կրկին աւագացաւ նա ՚ի նոյն պաշտոն: Իսկ Արիստիդէս ՚ի ժամանակին կեղծաւորեալ՝ իբրու սարջացեալ ընդ առաջին գնացսն, և հեշտընկալ ցուցեալ զանձն և ամոք՝ հաճոյ գտանէր առ.

հասարակ ամենեցուն նոցա՝ որ խորէին 'ի հասարակաց ընչիցն, ոչ քննէր և ոչ ճշգրիտ պահանջէր համար. որպէս զի և լիացեալ նոքա այնուհետև 'ի հասարակաց գոյիցն, մեծապէս 'ի գովութիւն առնուին զԱրիստոիդէս. դարձեալ և վստն նորա թախանձ առաջի արկանէին ժողովրդեան՝ փութոյ պնդութեամբ միւսանգամ զնա հատատել իշխան: Ա՛յն ինչ նոքա հանդերձեալ էին տալ նմա զքուեայն, կայր նա և կշտամբէր զԱթենացիսն այնպէս. «Մինչ ես ինքնին հաւատարիմս և գեղեցիկս վարեցայ 'ի գործ իշխանութեան, խոտան գտայ. իսկ յորժամ յանհոգս կացի՝ խորել շատ ինչ 'ի հասարակաց ընչիցն, քաջ համարիմ ձեզ քաղաքացի զարմանալի: Այլ իմ զարդիս առաւել զամօթի հարեալ է ընդ առաջիկայ պատիւդ, քան ընդ առաջին դատակնիքդ. և ցաւ է ինձ վստն ձեր՝ առ որս փառք ե՛ն առաւել՝ թիկունս տալ չարաց, քան պահել զհասարակացն»: Չայս ասաց, և զգողութիւնսն նշաւակեալ՝ խցանէր զքերանս գովչացն, և գովութիւն ճշմարիտ և արդար ձգէր յայնժամ յանձն զլաւաց արանցն:

Իսկ յետ այնորիկ Դատիս առաքեալ 'ի Դարեհէ՝ 'ի վերին երեսս իբրև վրէժխնդիր լինել Աթենացւոցն վստն հրկիզութեանն Սարգիոյ, այլ 'ի ներքոյ նուաճել ունել առհասարակ զհեղենացիս, եկն եհաս նա 'ի Մարաթոնի հանդերձ ամենայն նաւուքն՝ յաւարի առեալ առհասարակ ըզ-

գաւառն : Յայնժամ 'ի զօրավարսն Աթե-
նացւոց այրընտիր վասն մարտին՝ աւագու-
թեամբ վեհագոյն էր Միլտիադէս . իսկ
երկրորդ 'ի շուք համբաւոյն և 'ի զօրութե
էր Արիստիդէս . որ և համաշունչ Միլ-
տիադէայ դիմագրաւ խաղալ ընդդէմ թըշ-
նամւոյն՝ մեծապէս զօրավիղն էր կողմանն
Միլտիադէայ : Այլ իբրև օր ըստ օրէ այր
այր 'ի զօրավարացն զանձամբ առնոյր զա-
ռաջնորդութիւն բանակին , կարգ հասեալ
Արիստիդէայ՝ նա կամակար տայր զայն 'ի
ձեռս Միլտիադէայ . և այնպէս ուսուցա-
նէր իշխանակցացն եթէ հնազանդ իմաստ-
նագունիցն կալ արանց՝ զժսպատեհ՝ չէ ,
նա փառաւոր է և մեծապէս շահ . ուստի
և ամոքեալ զնոցա նախանձաւորութիւնն ,
մտադիւրագոյնս կալ ընդ քաջախոհիցն ա-
ռաջնորդութեամբ՝ զօրացուցանէր զկողմն
Միլտիադէայ , և հաստատուն ևս զնորա
գործէր հրամանատարութիւնն . և այր այր
այնուհետև զաւուրն զկարգ իւրաքանչիւր
տայր մտադիւր հլութեամբ 'ի ձեռս նորա :

Բայց 'ի մարտին յայնմիկ վատթարեալ
Աթենացւոցն , և առաւել ևս՝ 'ի միջոցին ,
և հարուստ մի անդանօր բարբարոսացն 'ի
դիմի հարեալ Լևոնեան և Անտիոքեան ցե-
ղիցն , Միլտիադէս 1 Լևոնեան և Արիս-
տիդէս Անտիոքեան կացին կարգեցան ա-
ռնթեր միմեանց՝ մարտ եղեալ կռուէին
քաջապէս զօրութեամբ : Ապա վանեալ
զբարբարոսն մինչև 'ի ներքս անդ նաւաց
նոցա , տեսեալ՝ զի ոչ դէպ ուղիղ նաւէին


'ի կղզիան, այլ բուռն 'ի հողմոյն և 'ի ծովէն բերելին նորա յԱտտիկէ կոյս. զանգիտեալք գուցէ հասեալ ըմբռնեոցեն նորա զԱթէնս թափուր 'ի զօրականէն, շտապեցան անկան յուղի յոստանն հանդերձ ինն ցեղիւք՝ և 'ի նմին աւուր ժամանեցին անդր:

Իսկ զԱրիատիգէս թողին յայնժամ 'ի Մարաթոն հանդերձ իւրով ցեղիւն 'ի սահ պանութիւն գերւոյն և աւարին, ոչինչ 'ի դերևա ելեալ 'ի գեղեցիկ կարծեացն վասն առն. քանզի 'ի վրանսն և 'ի նաւն գերեալս ամբաւ էին մթերք արծաթոյ և ոսկոյ և պատմուճանք հանդերձեալք գուհակ գուհակ, և այլ ինչ բազում յոյժ. ոչ ինքն մերձեցաւ 'ի նոսա, և ոչ այլոցն թոյլ ետ. բայց եթէ ոմանք զանխուլ 'ի նմանէն կալան ինչ անտի, յորոց մի էր և Վալլիաս Զահրնկալ: Քանզի առ ոտս սորա եկեալ անկեալ մի ոմն 'ի բարբարոսաց անտի, 'ի գիսակացն և 'ի վարսակալէն կարծեալ զնա թագաւոր և երկրպագեալ նմա և զաջոյն կալեալ ցուցանէր նմա մթերս ոսկոյ թաղեալ ուրեք 'ի գբի: Յայնժամ Վալլիաս յոյժ անագորոյն գտեալ և ամբարկչո առաւել՝ առնուլ էառ զոսկին, և զբարբարոսն անդէն սպանանէր՝ զի մի 'ի վեր ելցէ բանն: Եւ վասն այսորիկ՝ ասեն՝ եթէ ճեպին սորա Վատակերդակ քերթողք անուն կարդացին Նաբոլեոն, այս է՝ Գբահարուտք, կատակեալ 'ի տեղւոյն՝ ուր զուկին եգիտ Վալլիաս:

Զայսու ժամանակաւ Արիատիգէս ամ

3

2



բառնայր վաղվազակի յաւագութիւն մեծ՝
 յորմէ զտարին յորջորջեն . թէպէտ և Փա-
 ղերեւս Դեմետրիոս ասէ՝ ունել նմա զա-
 շագութիւնն զայն սակաւ մի յառաջ քան
 զմահ վախճանին յետ Պղատեան մարտին :
 Սակայն յԱրձանագրութեն յետ Քսան-
 թիպիդէայ՝ առ որով պարտեցաւ Մարա-
 դոնիոս ՚ի Պղատէա, ՚ի բազումնն որ ըստ
 նմանէն՝ չլիք գտանել զանունդ Արիստի-
 դէս . իսկ անդէն յետ Փաննիպպոսի առ
 յաղթութեամբն Մարաթոնայ՝ է գտանել
 իշխանաց իշխան զԱրիստիդէս :

Բայց յայլ ամենայն առաքինութիւնս
 նորա՝ առհասարակ զհամբաւի հարեալ է
 արդարութիւն առն . զի և յաճախ են
 պէտք առաքինութեանդ և յընթանուրս
 ծաւալեալ . ուստի և նա թէպէտև աղքատ
 և ՚ի սոսկականաց, ժառանգեաց անձին
 զմեծարքայականն զայն և զաստուածային
 յորջորջումն Աբդաբ . զորոյ և թեկն չէած
 դք ոչ ՚ի թագաւորաց և ոչ ՚ի բռնաւորաց,
 մեծապէս հեշտացեալ նորա յանուանա-
 կոչութիւնն՝ Փելիօր+իդէ, այն է՝ Քաղա-
 քամարտ . և Քէրասի, այն է՝ Շանթք . և
 Նի+արո+էս, այն է՝ Յաղթողք . և կէսք
 դարձեալ՝ Աբծո+ի+ և Բազէ+ . և սիրեցին
 նորա առաւել զփառս զիսնութեանն և
 զզօրութեանն, քան զառաքինութեանն :
 Եւ այն զի յերկց անտի՝ յորս թուի թէ
 ինքնին աստուածութիւնն (որում տեն-
 չացան նորա նմանութեանն և ընտանու-
 թեանն) առաւել փայլէ, յանապակա-

նութիւնն ասեմ՝ և ՚ի զօրութիւնն և յա-
 ռաքինութիւնն, արգոյ և պատուական է
 առաքինութիւնն և աստուածայնագոյն :
 Քանզի անապականութեան հաղորդք են
 և Դատարկն, դարձեալ և Տարերքք . իսկ
 զօրութիւն մեծ ունին և գեանաշարժքն և
 շանթք կայծականց և հողմոց միրիկք և
 զայրացելոց գետոց հոսանք . սակայն ար-
 դարութեան և ուղղութեան հաղորդ լի-
 նեւ չիք հնար առանց հանճարեղ և աս-
 տուածային խորհրդոյ : Եւ քանզի մարդիկ
 երբակի զգածեալք առ աստուածութիւն,
 վասն երանութեանն, վասն երկիւղին, և
 վասն պատուոյն . թուի թէ՛ հիացեալք ե-
 րանեն զնա ՚ի պատճառս անապականու-
 թեանն և յաւիտենականութեանն . իսկ
 երկնչին դողան՝ ՚ի պատճառս ինքնակալ
 զօրութեանն . իսկ սիրեն և պատուեն
 և պաշտեն՝ ՚ի պատճառս արդարութեանն :
 Այլ թէպէտ և օրինակ զայս զգածեալք
 իցեն, ոչ այլ իմիք տենչան նոքա՝ բայց
 անմահութեան, զոր բնութիւնս մեր չն-
 դունի 2 . նոյն և զօրութեանն՝ այն որ ա-
 ռաւելագոյն մասամբն կախի զբախտէն .
 և անփոյթ լինին զառաքինութենէն՝ այն
 որ միայն յաստուածային բարեացն ՚ի մեզ
 յինքեանս է, սխալեալք ՚ի խորհուրդս իւ-
 բեանց . զի և որք ՚ի զօրութեան վայելեն
 և ՚ի յաջողութեան և ՚ի տէրութեանն,
 զայնպիսեացն զկեանս արդարութիւնն ինք-
 նին գործէ աստուածային, իսկ անիրաւու-
 թիւնն՝ գազանական :

Եւ արդ 'ի մականուանէ այտի զԱրիստիդէս՝ զառաջինն սիրեցին, և ապա խանտացան ընդ նա. առաւել ևս՝ յորժամ անդուատ Թեմիստոկղէս ձայն համբաւէր՝ եթէ Արիստիդէս 'ի բաց զատեանս խորհրդոյ բարձեալ՝ առ 'ի դատել և տանել բերել զամենայնն, գաղտաբար միապետութիւն անձին գրաւեալ իցէ անպահասպան և անզէն: Առ այս՝ և ժողովուրդն ինքնին փբացեալ 'ի յազթութեանէն զոր տարան՝ և ամբարտաւանեալ խեռայր ընդ ականաւոր որեարն և ընդ փառաւոր: Վասն որոյ և 'ի կողմանց կողմանց մարդիկ 'ի մի վայր եկեալ 'ի քաղաքն, խեցեկոյս վճռով վտարանդի առնէին զԱրիստիդէս. 'ի վերին երեսս առ ահի բռնաւորութեանն, խկ 'ի ներքոյ առ նախանձուն փառացնորա: Քանզի խեցեկոյս վճիռ ոչ պատուհաս ինչ էր չարութեան, այլ նազելի կոչ մամբ անուն կարգային նմա՝ խոնարհութիւն և սանձակոծել պերճութեան և զօրութեան. և էր այն սիրփանս իմն և գիւր նախանձուն կրկց ընդդէմ փառաւորացն. ոչ պատուհաս վերջին 'ի վերայ ածեալ նոցա, այլ տանամեայ տարաշխարհիկ առնելով զնոսա: Բայց յորժամ օրինակ զնոյն վտարանդութեան առին և արբ անաւադբ և անզգամբ՝ և 'ի վերջէ ուրեմն և իւպերբողոս, ապա յետ այնորիկ կասեցան Աթենացիք 'ի բանէն յայնմանէ: Իսկ իւպերբողոսին իբբ այսպիսի են: Աղկիբիադէս և Նիկիաս յայնժամ մեծապէս ճոխացեալք

էին 'ի քաղաքին, և էին նոքա հերձեալք 'ի միմեանց: Արդ հանդերձեալ ժողովուրդք 'ի խեցեկոյտ վճիռն, և յայնի իսկ միում 'ի նոցանէն հասանէր վտարանդութիւնն, եկեալ նոքա առ միմեանս և զբանիւք անկեալ և միաբանեալք՝ զվճիռն զայն առեալ կուտեցին 'ի գլուխ անդք Իւպերբոդէայ: Յայնանէ զարեալ ժողովուրդք՝ զի վտարանդութիւն այնպիսի տուեալ ընդդէմ անաւագ առն Իւպերբոդոսի՝ անպառուչակ գտաւ, իսպառ այնուհետեւ իսպիանեցին զայն:

Եւ էր վտարանդութիւնդ այդ՝ կարճ 'ի կարճոյ պատմութեամբ՝ այսպիսի ինչ: Այր այր 'ի ձեռն առնոյր խեցի, և 'ի վերայ գրեալ զանուն առն քաղաքացւոյ՝ զոր վտարեւն կամէին, առեալ զխեցին բերէր 'ի վայր մի խորհրդարանին վանդակապառ շուրջանակի: Ապա աւաղանին նախ 'ի հաշիւ արկեալ զկոյտ խեցեացն, եթէ պակաս քան զվեց հազար գտանէր, անվճար էր վճիռն: Բայց գտեալ և ուրոյն զատուցեալ զմէն մի յանուանցն՝ զոր ոք գտանէին 'ի բազմագունիցն գրեալ, վտարանդի առնէին ընդ ամս տասն, տուեալ նմա վայելէլ 'ի հասս իւր: Արդ և յայնժամ օրինակ զայս գրեալք 'ի խեցիս, ասեն՝ եթէ այր ոք անդրադէտ և բնաւ իսկ գուհիկ անդանօր զիւր խեցին առեալ կարկառեաց Արխատիդէայ՝ իբրու սոսկականի առն, ազաէր գրել 'ի վերայ զԱրխատիդէան. զարմացեալ Արխատիդէս հարցանէր ցայրն,

միթէ Արիստիդէսդ այդ չար ինչ երբէք
 գործեալ իցէ նմա. ետ սկստասխանի այրն
 և ասէ. « Ոչինչ. այլ և ոչ ճանաչեմ իսկ
 զայրն. սակայն տաղակացեալ եմ՝ զի ա-
 մենայն ուրեք արդար լսեմ զնա » : Չայն
 լուեալ Արիստիդէս, լուռ եղև ամենևին .
 և զիւրական անունն առեալ գրէր 'ի խե-
 ցին և տայր առն : Իբրև օրինակ զայս վտա-
 րանդի գնաց Արիստիդէս, յեւանել իւ-
 րում 'ի քաղաքէն խնդրուածս առնէր ներ-
 հակաբար Աքիլլեայ . 'ի վեր զձեռս ամ-
 բարձեալ աղօթէր, մի երբէք ստատահել
 ժամուն՝ յորում տօխպեսցին Աթենացիք
 յիշատակ ածել զԱրիստիդէայ :

Յետ այսորիկ յամին երրորդի չու արա-
 րեալ Քսերքսէս տագնապաւ ընդ թեաա
 զիս և ընդ Բիովաիս յԱտտիկէ կոյս, Ա-
 թենացիք զիւրեանց օրէնսն եղծեալ՝ վճիռ
 տային դարձի ամենայն վտարելոցն . խի-
 թացեալք առաւել ևս յԱրիստիդէայ,
 գուցէ միաբանեալ ընդ թշնամիսն և զբա-
 ղումս 'ի քաղաքացեացն յանկուսցէ նա 'ի
 բարբարոսն . ոչինչ ուղղապէս դատաստան
 վասն այնպիսոյ առն դատելով, այն՝ որ
 և մինչև եղեալ դարձի վճռոյն՝ հանապա-
 զորդեալ իսկ էր 'ի քաջալեր հեւենաց-
 ւոցն և թելագրէր 'ի պաշտպանութիւն
 ազատութեանն : Նա և յետ վճռոյն՝ զօ-
 րավար ինքնակալ կացեալ թեմիստոկղէս,
 սա այս Արիստիդէս գործակից և խորհրդ-
 դակից էր նմա յամենայնի . և այնպէս վասն
 հասարակաց փրկութեան շքեղ յարգարէր

նա զիւր ոխերիս՝ թշնամին : Քանզի յոր-
ժամ Եւրիւբիադէս խնդրէր Լքանել զՍա-
ղամինա, և գիշերի յառաջ խաղացեալ է-
ռաթիք բարբարոսացն շուրջանակի հա-
սեալ կալան զանցս և զկողինս փակեցին,
մինչդեռ իրազգած չէր ոք բանին՝ ինքնին
Արիաաիդէս գիշերայն անցեալ քաջութիւն
ընդ մէջ նաւաց թշնամեացն, եկն եհաս
յԵդինեայ առ Թեմիստոկղէս, և կոչեալ
զնա միայնակ արտաքս 'ի վրանէն, ասէր
այսպէս .

“ Մէք ինքնին, ո՞վ Թեմիստոկղէս, եթէ
մտացիք իցեմք, 'ի բաց զարգիս զմերն է-
գեալ զանտաին զայն գժտութիւն և զման-
կականն, բունն հարցուք աւաղիկ մրցել
ընդ միմեանս գեղեցիկ և ողջախոհ սա-
տուասիրութեամբ 'ի փրկութիւն Ելլա-
գայ, գու ինքն հրամայելով բանակին, և
ես գործակից քեզ գոլով և խորհրդակից :
Եւ քանզի որպէս իրազգած լեալ է իմ,
գու միայն քաջախորհուրդ աւաղիկ յոր-
գոր 'ի ներքս ետուր՝ անդէն յանձուկս
յայտոսիկ նաւամարտ ընդ թշնամիսն լինել,
այլ քեզ չանսան նիզակակիցք . թուի թէ
և թշնամիք ինքնին գլխովին գործակից
ճգնին 'ի բանիդ յայգմիկ . քանզի և ծովդ
ահա ողջոյն շուրջանակի ծածկեալ կայ 'ի
նաւաց թշնամեացն . որպէս զի և որք ոչն
անգամ կամեսցին, 'ի հարկէ ուրեմն մարտ
եղեալ կռուեսցին այժմ քաջութեամբ,
զի և ուղի փախստեան չմնաց ” : Ետ սա-
տասխանի Թեմիստոկղէս և ասէ . “ Եւ ինձ

ևս չեն կամք ո՛ւր Արիստիդէս, զի 'ի մրցանս յայս յաղթեցես գու ինձ. վասն որոյ և եւ և եւս զքեւ արարից 'ի գեղեցիկ սկզբանդ՝ գուն գործեալ յաղթել արդեամբք " : Եւ պատմեալ նմա միանգամայն զ՛նարիմաց խորհուրդն իւր 'ի պատրեւ զբարբարոսն , յորդորեաց զնա գնալ հաւանեցուցանել զԵւրիբիադէս, և խելամուտ առնել եթէ չէք փրկութիւն՝ բայց նաւամարտիկ լինելով. քանզի և Արիստիդէայ մեծապէս հաւատայր Եւրիբիադէս : Վասն որոյ և 'ի ժողովի անդ խորհրդոյ զօրավարացն, իբրև Կղէոկրիտոս Կորնթացի ասէր առ Թեմիստոկղէս՝ եթէ ընդ խորհուրդ նորա յաղագս մարտի՝ և ո՛չ Արիստիդէս հաւանեալ է՝ զի աստ մերձ է և լուռ կայ, ետ պատասխանի Արիստիդէս՝ եթէ անշուշտ ինքն չուէր, եթէ Թեմիստոկղէս քաջիկ խօսեցեալ չէր. ուստի և լուռ կայ՝ ո՛չ շնորհս առնելով նմա, այլ լուռ թեամբն հաստատէ զխորհուրդ նորա : Զայս ինչ յայնժամ գործէին նաւապետ իշխանք հեղե՛նացւոց :

Բայց Արիստիդէս տեսեալ զՊսիւտտա լիա կզղի ոչինչ մեծ՝ յանցան 'ի հանդիպոյ Սաղամինոյ՝ ողջոյն գրաւեալ 'ի թշնամեաց, առեալ 'ի քաղաքացեաց զնահատակսն և զքաջամարտիկսն, մուծանէր 'ի մակոյկսն և խաղայր գնայր 'ի կզղի անդրմարտ եղեալ կռուէր ընդ Բարբարոսսն և առհասարակ 'ի սուր մաշէր, բայց 'ի փառաւորաց անտի որ կենդանւոյն ձերբակալ եղին. յորս էին և որդէք երեք քեռ թա-

դաւորին՝ որում անուն կարգային Սան-
դաւիէ : Առեալ զնոսա Արիստիդէս վաղ-
վաղակի արձակէր առ Թեմիստոկղէս . և ա-
սեն՝ էթէ լը հրամանի Եւախրանախիդէայ ըղ-
ձին՝ ՚ի պատգամէ իմեմնէ յազեցան նոքա
՚ի զո՛հ Գիոնիսեայ Գիշախանձին : Իսկ Ա-
րիստիդէս պատեալ շուրջ զօրականօք զկրղ-
ղէակն, կայր և պահ ունէր առհասարակ ՚ի
վերայ ամենեցուն՝ որ հասանէին անգր,
զի մի ոք ՚ի բարեկամացն կորիցէ, և մի ոք
՚ի թշնամեացն փախստեամբ զերծանիցի :
Քանզի և քաջ իսկ ՚ի վայրսն Թեալոսիէին
նաւք, և զայրանայր անգանօր դոռ պատե-
րազմին . և ապա նշան յաղթութեան անդ
՚ի Պսիւտտալիա կանգնէր Արիստիդէս :

Այլ ՚ի վճարել մարտի պատերազմին
փորձեաց Թեմիստոկղէս զԱրիստիդէս և
ասէր, գեղեցիկ արդեօք է գործ նահա-
տակութեան նոցա, սակայն և լաւ ևս այլ
կայ նոցա առաջի ՚ի գործել . այն է՝ առ-
նուլ փակել զԱթիա յԵւրոպա՝ փութա-
պէս նաւարկեալ ՚ի հելլեսպոնտոս և խոր-
տակեալ անգանօր զկամուրջն : Բայց Ա-
րիստիդէս բողոք բարձեալ առ Թեմիստոկ-
ղէս ասէր՝ ՚ի բաց թողուլ համբուն զխոր-
հուրդն, և հնարս մանաւանդ հնարել
վանել զՄարն յԵլլադայ, զի մի ՚ի ներքս
փակեալ և փախստեան վայր չգտեալ, մո-
լեգինս այնուհետև հորդան ահագին տայ-
ցէ բանակին մարտ դնել կռուել : Իբրև նա
զայս ասաց, Թեմիստոկղէս առեալ միւ-
սանգամ առաքէ առ Թագաւորն զԱնա-

կէս ներքինին 'ի գերւոյն . հրաման տայր նմա ասել արքային գաղտաբար , եթէ՛ յանդորր Թեմիստոկղէս զարքայն կամելով հանել արդէլ Հելենացւոցն նաւել 'ի կամուրջն կոյս , ուր նոքա բուռն դէմ եղեալ խաղային առհասարակ : 'Ի լուր բանին զահի հարեալ Քսերքսէս՝ 'ի խուճապ տագնապի չու առնէր 'ի Հելլեսպոնտոս . սակայն և մնայր անդէն Մարդոնիոս հանդերձ բանակաւ երեսուն բիւրուց քաջամարտիկ զօրականաց :

Այս Մարդոնիոս այր ահաւոր և մեծապէս յօրացեալ 'ի բանակ ցամաքին , ոտնհար եղեալ սպառնալիս 'ի վերայ ածեր Հելենացւոց , գրեալ առ նոսա օրինակ զայս . “ Յաղթեցէք գուք ծովական լաստափայտիւք ցամաքային մարդկանդ՝ անգէտք 'ի Թիավարել . այլ արդ աւաղիկ կայ մեր առաջի լայնատարր տահման Թեսաղացւոց , և դեղեցիկ դաշտագետին Բիովտիոյ՝ 'ի կռիւ մարտի քաջաց այրուձիոյ և հետևակաց “ : Իսկ առ Աթենացիսն տայր նամականի մասնաւոր , և ասէր և կռէր խոստումն յանուն արքային՝ նորոգել շինել զքաղաքն նոցա և տալ նոցա մթերս ամբաւ դրամոց , և տեարս առնել զնոսա՝ 'ի վերայ ամենայն Հելենացւոց , եթէ միայն նոքա 'ի բաց կացցեն 'ի մարտէն :

Իրազեկ լակեդեմոնացիք եղեալք , զանգիտեալ՝ եթէ երբէք հաւանեացին Աթենացիք , հրեշտակս արձակեցին յԱթէնս աղաչել զնոսա աւաբել 'ի Սպարտիա ըզ-

մանկուհիս իւրեանց և զկանայս, և առնուլ
 'ի նոցանէ զամենայն զպէտա կերակրոյ
 վասն ծերունեացն, զի չքաւորեալ էին
 ժողովուրդք և միանգամայն 'ի կալուա-
 ծոցն և 'ի քաղաքէն վերսկալ էին նոքա:
 Իսկ Աթենացիք լուեալ զայս 'ի հրեշտա-
 կացն՝ պատասխանի արարին ձեռնագրու-
 թեամբն Արխաթիգեայ սքանչելի. եթէ՛
 ողորմեալք ներեն նոքա թշնամեացն բար-
 բարոսաց, եթէ՛ գնոց համարեացին առ-
 նուլ զամենայնն արծաթովք և դրամովք՝
 քան զոր լաւագոյն ոչինչ ճանաչէն նոքա.
 սակայն սրտնեալք ցասնուն ընդ Ղակեդե-
 մոնացիսն՝ որք միայն յաղքատութիւն և 'ի
 չքաւորութիւն Աթենացւոցն դէտակն կա-
 լեալ, իսկ զառաքինութիւնն նոցա 'ի մոռա-
 ցոնս դարձուցեալ և զնոցա պատուասիրել՝
 խրախոյս կարդան նոցա մարտ դնել կռուել
 'ի վերայ Ելլագայ 'ի շնորհս ցորենոյն՝ զոր
 ջամբենն նոցա: Չայս ինչ պատասխանի
 տուեալ Արխաթիգէս, և մոռձեալ ապա
 զհրեշտակսն յեկեղեցին՝ հրաման տայր
 նոցա երթալ ասել Ղակեդեմոնացւոց, ե-
 թէ՛ մթերք չիք ոսկւոյ այնչափ ո՛չ 'ի վե-
 րայ հողոյդ և ո՛չ 'ի ներքոյ, զոր երբէք
 առցեն Աթենացիքն՝ իբրև նախապատիւ-
 քան զհելլենացւոց ազատութիւնն: Ապա
 և առ հրեշտակս Մարդոնիոսին՝ մատնա-
 նիչ զարեգակն ցուցեալ՝ ասէր այսպէս.
 “ Յորչափ դա զդոյն բոլորէ շրջան, ցանդ
 և Աթենացիք մարտ եղեալ կռուեսցին
 ընդ Պարսից. զի քանդեցին դոքա զդա-

ւառն նոցա, և սղծեալ հրկէզ արարին և զմեհեանսն“ : Առ այս և վճիռ գրեաց, նշովս քահանայից կարգալ 'ի վերայ մարդոյ՝ որ առաքեսցէ խօսել խաղաղութիւն ընդ Մարս, կամ որ 'ի բաց օձտեսցի 'ի նիզակակցութենէ հելէնացւոց :

Ապա հորդան տուեալ թշնամութեամբ Մարդոնխոս յԱտտիկէ այս երկիցս անգամ, յայնժամ միւսանգամ անցին Աթենացիք 'ի Սաղամինէ : Բայց Արխատիդէս առաքեալ 'ի Ղակեդեմոնիա բողոք բառնայր վասն դանդաղկոտ յուլութեանն Սպարտացւոց, զի այնպէս միւսանգամ 'ի բարբարոսին ձեռս լքանեն զԱթէնս, և աղաչէր ձեռն տալ մասին Ելլադայ՝ որ ցայն վայր յանդորրու կայր : Լուեալ զայն Պարետայն, աղք արարին՝ եթէ զցերեկ հասանէ նոցա պարասլել 'ի սփոփութիւնս տօնախմբութեանն, քանզի և էին իսկ նոցա յայնժամ աւուրք Յակինթեան : Զայս ասացին, և զցայգն այրընտիր զէնընտիր արարեալ հինգ հազար 'ի Սպարտացւոց, որոց մէն մի 'ի նոցանէն առ ընդ իւր ոգիս եօթն յիլոտաց անտի, առեալ արձակեցին զնոսա արտաքս զանխուլ յԱթենացւոց . որոց ասպա յանգիման եկեալ Արխատիդէս և զնոյն բողոք բարձեալ, նոքա 'ի ծաղր հատեալ պատասխանի առնէին, եթէ ցնորեալ ուրեմն բանդաղուչէ նա և 'ի քուն կայ . զի աւաղիկ բանակ նոցա հասեալ կայ յՈրէստիոն, և խաղայ ընդ առաջ եկացն, (զի եկք կոչեն նոքա ըլ

Պարսս) : Վասն որոյ և Արիստիդէս սպասասխանի առնէր, տարաժամ ուրեմն կատակել զոցս՝ իսաք գործեալ փոխանակ թշնամեաց՝ ընդ բարեկամսն : Չայսոսին դրէ մեզ Իգոմէնեւս . այլ ՚ի հրովարտակին Արիստիդէայ չէ նա ՚ի կարգ հրեշտակացն, այլ Կիմոն և Քսանթիպպոս և Միւրոնիդէս : Ապա կարդեալ նորա զօրավար ինքնակալ ՚ի մարտին, իսաղաց գնաց ՚ի Պղատէա ութ հազար հետևակօք Աթեննացւոց : Իսկ Պաւսանիաս սպարապետ ողջոյն բանակին հելլենացւոց՝ ածեալ ընդ իւր զՍպարտացիսն եկն յարեցաւ ընդ Արիստիդէայ . անդանօր և բազմութիւն ևս այլոց հելլենացւոց դայր իռնէր կուռ ըզհետ միսեանց : Այլ ամբոխ բարբարոսաց զօրուն բանակ հարեալ առ Ասովպ դեատոլն՝ պատնշափակ չեղէն առ ամբաւութեանն . սակայն կարասիք և գոյք նոցա պատուականք յասրահովի եդան ՚ի պատուար մի չորեքկուսի, մէն մի ՚ի կողմանցն տանն ասպարիսաց :

Յայնժամ գուշակ ՚ի մէջ արձանացեալ Տիսամենոս Եղէոս՝ նախասպատում յաղթութեանն լինէր Պաւսանեայ և առհասարակ հելլենացւոցն, եթէ միայն պաշտպանեալ անձանց, և դիմագրաւ ոչ շահատակեսցեն ընդդէմ թշնամոյն : Բայց Արիստիդէս առաքեալ ՚ի Դեղպիա, պատգամ առնոյր յաստուծոյն՝ յաղթական լինել Աթենացւոց, եթէ ուխտիւք խրնդրեալ յԱրամազդայ և ՚ի Կիթերովեան

հերայ, և 'ի Պանեայ, և 'ի Յաւերժահարսանցն Սփրադիտեանց, և զոհս յազեսցեն զիւցազանցն Անդրոկրատեայ, Լեւկոնեայ, Պիսանդրեայ, Դամոկրատեայ, Իպսիոնի, Ակտեոնեայ, և Պողիւղեայ. և մարտ մղեսցեն յերկրին իւրեանց, 'ի դաշտին Դեմեարի Ելեւսինեան և Պերսեփոնեայ:

Այլ 'ի պատգամէն վարանեցաւ յոյժ յայնժամ Արիստիդէս: Քանզի զիւցազունքն՝ որոց զոհ հրամայէր, էին նահապետք Պղատացւոցն. և քարանձաւ Յաւերժահարսանցն Սփրադիտեանց էր 'ի բլուր մի Կիթերոնեայ՝ 'ի կոյս ամարայնոյ մտից արևուն. և էր 'ի քարանձաւին՝ որպէս ասեն՝ 'ի նախնուսն պատգամախօս, յորմէ և կոկոզանային բազումք 'ի դաւառականաց անտի, և անուն կարգային նոցա՝ Նիճօւլիքի, այս է՝ Յաւերժահարսնաւ մուք: Առ այս և ըստ պայմանի յալթութեանն, այն՝ եթէ յերկրի իւրեանց մարտ մղեսցեն Աթենացիք և 'ի դաշտին Դեմեարի Ելեւսինեան, սխարտ էր անդրէն ըզմարտն առնուլ տանել յԱտտիկէ: Մինչդէռ յայս վարանս կային, Արիմնեստոս զօրավար Պղատացւոց 'ի քունել իւրում՝ թուէր նմա հարցանել 'ի նմանէ Արամազդայ Ռիկոզի վասն խորհրդոյ մտացն հելլենացւոց, և նմա պատասխանի առնել, եթէ՝ «Առ վաղիւն ո՞վ տէր, առեալ ածցուք մէք զզօրն յԵլեւսինէ, և անդ ըստ պատգամին Պիւթեան՝ մարտ եղեալ կրօնեացուք ընդ բարբարոսաց» . բայց Ա-

բամազդ կրկնեաց առ նա, եթէ ընաւ խակ սխալէն հելէնացիք. զի Պիւթեան պատգամախօսեալց մերձ կայ անդանօր 'ի Պղատէա. և եթէ խնդրեսցեն՝ գտցեն :

Տեսիլ ապա զայս յայանապէս տեսեալ Արիմնեստոս՝ զարթեաւ 'ի քնոյն. և առաքէր վաղվաղակի կոչէր զտեղեակսն 'ի քաղաքացեաց և 'ի հինաւուրց ծերունեաց. և առաջի նոցա պատմեալ և 'ի խորհուրդ մտեալ վասն բանին, գտանէ մօտ 'ի Նիւսիոյն առ ստորոտով Արթերոյնի մեհեան մի վաղնջուց յոյժ, որում անուն կարգային Դեմետրի Ելէւսինեան և Օրիորդին Պերսեփոնեայ : Ապա փութանակի առեալ ընդ իւր զԱրիատիգէս ածէ զնա 'ի վայր անդր՝ վայր դիպաւոր յոյժ 'ի կարգ ճակատու փաղանգի հետևակազօրուն. քանզի զառ 'ի վայրք Արթերոյնին անմատոյց այրուձիտյն գործէին զաւարտս դաշտագետնոյն սահմանակից մեհենին : 'Ի նմին վայրի էր և շիրիմ Անգրոկրատեայ պատեալ շուրջ 'ի թաւ ծառոց անտառախիտ : Եւ զի սրահաս մնացէ և ոչինչ 'ի պատգամէն՝ 'ի յոյս անխաբ յաղթութեն, հաճոյ թուէցաւ Պղատացւոց ձեռնարկութեամբն Արիմնեստեայ բառնալ զսահմանսն զայն Պղատեայ՝ անջրպէս Ատտիկոյ, և տալ զայն վայր Աթենացւոյն՝ զի այնպէս ըստ սրատգամին մարտ մղեսցեն նոքա յերկրին իւրեանց 'ի վերայ Ելլագայ : Եւ ապա այնչափ իմն զհամբաւի հարաւայս մեծանձնութիւն Պղատացւոց, որպէս

զի և 'ի հոլովէլ ամաց բազմաց, Ազէք-
սանդր մեծ կալեալ զԱսիա և եկեալ պա-
տուար ամեալ զՊղատեալ, 'ի ձայն քա-
րոզի յՈղոմայիականն հռչակէր՝ զքաղաք
զայն տալ Պղատացւոց՝ շուք եդեալ առա-
քինի մեծանձնութեան նոցա, զի մտադիւր
ետուն նոքա հելլենաց զդեաին իւրեանց
'ի մարտին Մարայ:

Բայց յայնժամ 'ի դասաւորել զորա-
կանին՝ հակառակութիւն յուզէր ընդ Ա-
թենացիս և ընդ Տեդէացիս վասն տեղւոյն .
զի Նակեդեմոնացիք կալեալ անդանօր զա-
ջոյ թիւն, խնդրէին և Տեդէացիք ըստ սովո-
րութեանն զձախոյն՝ պանծացեալք ընդ
նախնին իւրեանց: 'Ի սրամտութիւն բըր-
դեցան Աթենացիք ընդ խնդիրն և ընդ
պարծանն. յառաջ եկաց Արիստիդէս
խօսեցաւ և ասէ. « Ժամանակդ՝ որ առա-
ջի կայ՝ ոչինչ ներէ 'ի պայքար ընդ Տեդա-
րացւոցդ մտանել վասն ազնուականութե
և քաջութեան: Այլ առ ձեզ ո՞վ Սպար-
տացիք են բանք մեր և առ ամենեսեան .
զքաջութիւն ո՞չ տեղին բառնայ և ո՞չ
տայ: Որ զինչ և տեղի հրամայեալիք մեզ
'ի դասուդ՝ մեք զնոյն կալեալ և շքեղ յար-
դարեալ, դուն գործեսցուք ստուերածս
'ի վերայ առաջնոցն մերոց չածել նահա-
տակութեանց: Քանզի հասեալ կամք ո՞չ
գժտել ինչ ընդ նիզակակիցս, այլ մարտ
դնել կուուել ընդ թշնամիս. ո՞չ պարծել
յօրանալ ընդ նախնիս, այլ զմեզ ինքեանս
յանդիմանել ողջոյն Ելլագայ իբրև արս

զօրութեան. զի մարտս այս ցուցցէ՝ քանի՞օն արդոյ 'ի Հելլենացիս մէն մի 'ի քաղաքացն իցէ, մէն մի 'ի զօրավարացն, և մէն մի 'ի զօրականէն": Չայս բանս լուեալ առհասարակ եկեղեցին և զօրավարք, հաճեալք ընդ Աթենացիսն՝ ետուն նոցա զմիւս թին:

Իսկ անդ մինչդեռ Ելլադա ողջոյն վարանեալ կայր ընդ ելս իրացն, և առաւել իրք Աթենացւոցն 'ի մեծապէս վտանգի կային, արք ոմանք տոհմիկք և ընչաւտք երբեմն՝ և յայնժամ տնանկացեալք, տեսեալ զի միանգամայն ընդ ընչից վրիպեցան նոքա 'ի զօրութենէ իւրեանց և 'ի փառաց, և այլք ոմանք 'ի սպտուի կան տիրացեալք, եկին ժողովեցան գաղտաբար 'ի տուն մի 'ի Պլատէա. անդանօր երգմնակուռ դաշնաւորք լինէին ընդ միմեանս քակել տապալել զուսկին պետութիւնն. իսկ 'ի կամագիւտն չլինել, եղծանել ողջոյն և մատընտու առհասարակ լինել 'ի ձեռս բարբարոսաց: Իբրև այս իրք յուզէին 'ի բանակին և բազումք ևս յանկուցեալ էին 'ի բանն, իրաղեկ լինէր Արիստիդէս և զահի հարեալ վասն ժամանակին՝ եզ 'ի մաի ոճ իսպառ անփոյթ առնել, և ոճ իսպառ նշաւակել. զի և գիտէր իսկ ոճ՝ քանի՞ որերոյ հասցէ 'ի վերայ փուրջիչ դատաստանին. լաւ համարեցաւ 'ի ժամուն սահման դնել արդարութեանն, քան մեծապէս շահուն:

Ապա 'ի բազմաց դաշնաւորաց անախ ետ ձերբակալ առնել ոգիս ութ միայն,

և 'ի սոցանէն երկուք ոմանք՝ Եսքինէս
 Լամարեւս և Ագեսիսս Աբարնեւս՝ որոց
 մեծ էր դատաստանն փաստուն՝ փոխստեամբ
 մազապուր լինէին . բայց և զայլնն ինքնին
 Արիստիդէս արձակեաց յազատութիւն .
 քաջալեր և ապաշաւանաց ժամանակ տու-
 եալ այսուիկ մարդկանն՝ որ յաներևոյթս
 'ի ժամուն կարծէին զանձինս . սակայն և
 զայն տայր գիտել նոցա՝ զի ատեան մեծ
 աւագիկ արդարութեան կալցեն նոքա ան-
 ձանց զմարտն զայն՝ 'ի դերես զամբատա-
 նութիւնսն հանել, ողջախոհ մտածութի-
 նահատակեալ իրաւապէս 'ի վերայ հայ-
 բենեացն :

Այսոցիկ այսպէս եղէլոց, ձեռնամուխ
 այնուհետև 'ի կռիւն լինէր Մարգոնիոս,
 հորդան տուեալ ամբաւ այրուձիոյն ընդ-
 դէմ հելլենացւոցն՝ որ բանակեալ կային
 առ ստորոտովն Արիթերովնի յամուր վայրս
 և յառապարս, բաց 'ի Մեդարացւոցն ե-
 ըից հազարաց որ բանակ 'ի դիւրի հարեալ
 էին . վասն որոյ և տագնապեցան յերե-
 սաց այրուձիոյն, որ 'ի կողմանց դիմեալք
 պատեցին զնոսա : Ապա հրեշտակ մի փու-
 թապէս արձակէին Մեդարացիք առ Պա-
 սանիաս ձեռն տալ նոցա, զի չէին խկ բա-
 ւական միայնակ զդէմ ունել այնչափ բազ-
 մութեան գնդին բարբարոսաց : Զայն
 լուեալ Պասանիաս և տեսեալ ևս զՄե-
 դարացիսն 'ի տեղատարափն ծածկեալ
 նետից և 'ի տագնապի, ոչ կարացեալ 'ի
 ժամուն ձեռն տալ սպարաացի սպառա-

զէն փաղանդաւն, փորձ փորձէր 'ի գեղեցիկ նախանձ գրդէլ որ զիւրև զըօրագլուխս և զգնդապետս հելլէնացւոց՝ դիմագրաւ ձեռն տալ Մեգարացւոց . իբրև այլք դանգաղեցան՝ Արիստիդէս յԱթենացիսն իւր ապսպարեալ զբանն, առեալ արձակէր զՈղիւմպիոդովրոս այր նահատակ գնդապետ՝ և գունդ մի ընդ նմա երեքհարիւր ընտիր ընտիր զօրականին . էին ևս ընդ նոսա խառնեալք դիպաղեղունք քաջք :

Իբրև սոքա փութապէս խաղացին յարձակեցան 'ի վերայ թշնամեացն, անդուստ Մասիստիոս զօրավար այրուձիոյն բարբարոսաց յակն արկեալ՝ այր անհնարին հուժկու և հասակաւ վիթխարի և գեղով մարմնոյն հոյակապ, դարձուցեալ զերիվարն մորակ 'ի կուշտ խաղայր ընդդէմ նոցա : 'Ի դիմի հարեալ Աթենացիք և մարտ եղեալ՝ բուռն և սաստիկ լինէր գոռն, իբրու եթէ 'ի ժամուն սահմանել զյաղթու թիւնն : Բայց անդանօր նետահարեալ երկավարն ընկէնոյր 'ի վայր զՄասիստիոս . և անկեալ առ 'ի յոյժ զինուցն ծանրութի՛ն՝ ոչ ինքն հեշտին կանգնէր յոտին, և ոչ դարձեալ Աթենացիք հեշտեաւ մահ 'ի վերայ ածէին առն . զի և համակ 'ի մարմնին՝ և ոչ 'ի լանջան միայն և 'ի գլուխն՝ ողջ սպառազէն էր այրն յոսկի, 'ի պղինձ, և յերկաթ . ապա 'ի զօրականէն ոմն 'ի սայր աշտէին խոցեալ զնա ընդ ծակ աչացն 'ի տաղաւարտին, այնպէս դիտապատտ առնէր զնա : Իսկ այլք 'ի Պարսիցն թողեալ

անդէն զմեռեալն՝ խուճապեալ 'ի փա-
խուստ դառնային :

Բայց զմեծութիւն նահատակութեանն
գիտացին Հելլենացիք ոչ 'ի դուրնաբէից
անտի տապաստ անկէլոցն, այլ 'ի կոծոյն
և յաշխարհ բարբարոսացն . քանզի 'ի պատ-
ճառս մահուն Մասխտիոսին հասին կտրե-
ցին նոքա զվարսս իւրեանց և զերիվարացն
և զջորւոցն, և յողբ և 'ի լալիւն լցին առ
հասարակ զշաշտագետինն . իբրու որբ
ղերկք մնացին յառնէն, որ քաջութեամբ
արութեամբ և տէրութեամբ՝ բնաւիցն էր
վեհագոյն յետ Մարդոնիոսին : Այլ զկնի
հեծեւամարտին այնորիկ՝ բանակք երկո-
քին դադարեցան 'ի կռուոյն հարուստ
ժամանակ . քանզի և իլձք և լերդահմայք 'ի
սպանդից անտի՝ յաղթութիւն հմայելին և
Պարսից և Հելլենացւոց՝ եթէ 'ի պաշտպա-
նութեան միայն կացցեն . դարձեալ պար-
տութիւն՝ եթէ առաջին դրդուեցին նո-
քա 'ի մարտ :

Բայց քանզի նպարակ և վայրիկ մի ևս
պակասէր Մարդոնիոսի, իսկ անդուստ
Հելլենացւոցն գունդ երթալով երթայր և
ստուարանայր 'ի նորեկ զօրականէն, չհան-
դուրժեալ Մարդոնիոս՝ եղ 'ի մտի անդէն
'ի ծագել աւուրն խաղալ անցանել ընդ
Ասովպ և յոնակնկալ ժամու անկանել 'ի
վերայ Հելլենացւոց . և ընդ երիկունն կան-
խեալ ազգ առնէր զօրագլխացն : Այլ 'ի
մէջ գիշերոյն ձիաւոր ոմն այր մերձեցեալ
անշունջ 'ի զօրն Հելլենացւոց մօտ առ

պարեկապանան, ասէր կոչել առ ինքն զԱրիստիդէս Աթենացի. նա իբրև մտադիւրագոյնս դայր անդր, խօսել սկսաւ այրն և ասէ. « Աղէքսանդրոս եմ ես արքայ Մակեդոնացւոց, և աստ հասեալ կամ՝ ոչինչ զանգիտեալ ՚ի մեծէ վտանդէ առ մեծապէս սիրոյն իմոյ առ ձեզ. զի մի թերևս հրոսակ անկարծ զարհուրեցուցէ զձեզ, և լքջիք ՚ի մարտիս: Քանզի առ վաղիւն Մարգոնիոս մարտ հանդերձի մղել ընդ ձեզ, ոչ եթէ յուսով ինչ վտահուածեան՝ այլ զի նորա նուազեցան ամբարք. առ այս՝ և իղձք և գուշակք ՚ի ձախողակ սպանդիցն և ՚ի սպառամաց՝ յետս զնա կասեցուցանեն, և բանակն ողջոյն սրտաբեկ կայ: Սակայն և ՚ի հարկէն ստիպի նա փորձ փորձել ըզբաղդին, կամ թէ զտեղի ունել և վերջին կարօտութեամբն տուայտիլ »:

Չայս ասաց Աղէքսանդրոս և խնդրէր յԱրիստիդէայ մի ումէք այլ պատմել, այլ ինքնին գիտել և յուշի կապել զբանն: Արիստիդէս ասէր, դեղեցիկ չէ ՚ի ծածուկ պահել ՚ի Պաւսանեայ (զի նմա անդ է զօրավարութիւնդ), բայց յայլոց զանխուլ կայցէ բանդ յառաջ քան զմարտն. իսկ ՚ի յաղթել Ելլագայ, և ոչ ոք այնուհետև անծանօթ կայցէ փութոյն և առաքինութեանն Աղէքսանդրի վասն նոցա: Իբրև զայս ասաց Արիստիդէս, յայնժամ արքայն Մակեդոնացւոց անդրէն մեկնէր ՚ի բաց. և Արիստիդէս եկեալ ՚ի վրանն Պաւսանեայ՝ պատմէր յունկն նորա զամենայնն:

Յայնժամ կոչեալ զգորադըւխան՝ հրաման տային ՚ի կարգի զգորն ունել, իբրու որ արագ արագ խառնեացին ՚ի մարտ: Բայց ՚ի նմին պահու՛ ըստ որում Հերոդոտոսն պատմէ՝ հարցանէր Պաւսանիաս զկամոն Արիստիդէայ, անցանէ՛լ արգեօք նմա յաջոյ թին հանդերձ իւրովքն Աթենացւոյք և ճակատել ընդդէմ Պարսից, զի լաւ ևս մարտ մըլեսցեն ընդ նոսա՛ զփորձ փորձեալ զնոցա և արիացեալք յառաջին յաղթութենէն. իսկ ինքեան տալ զձախոյն՝ ՚ի դիմի հարկանել Հելլենացւոցն՝ որ ՚ի կողմն անցեալ էին Մարաց: Լուեալ զայս զորագըւոխք Աթենացւոց, այր անխորհուրդ ասէին զՊաւսանիաս և դժոխըմբերելի, զի առհասարակ զայլն անփոփոխ ՚ի կայան պահեալ՝ միայն նա զԱթենացիսն ՚ի վեր և ՚ի վայր առեալ շքշքէ՛ դիմագրաւ զնոսա առնելով իբրև զգերին Իդոսաց ընդդէմ այրընաիր զորուն թշնամեաց: Բայց Արիստիդէս ՚ի մէջ եկեալ խելամտեցուցանէր զնոսա, զի որք վայրիկ մի յառաջ ՚ի պայքար մտեալ ընդ Տէգէացւոց վասն ձախոյ թեկն և ճոխացան ՚ի պատուին, իսկ յորժամ Լակեդեմոնացիք մտագիւր տեղի սանն նոցա վասն աջոյն՝ իբրու զառաջնորդութիւնն տուեալ նոցա, գժկամակս բերեն զուքն. և ոչ մեծ համարին մարտ դնել կռուել՝ ոչ ընդ ցեղակիցսն և ընդ ազգակիցսն, այլ ընդ խժդժիցն և բնակաւոր թշնամեացն:

՚ի բանից աստի նորա ՚ի գեղեցիկ՝ կա-

մակարութեամբ Աթենացիք փոխեցին զկայս իւրեանց ընդ Սպարտացւոցն. և առ հասարակ քաջալերէին զմիմեանս և ասէին, թշնամիք աւադիկ դիմեալ գան ոչ զօրաւորագոյն ինչ զինու կամ կորովի ևս մարմնով քան զՄարաթոնեան մարտին, այլ են գոցա աւադիկ աղէղունք՝ նոյն, և հանգերձք նոյն խայտաճամուկք, և զարդք ոսկւոյ՝ նոյն, և մարմինք դարձեալ նոյնօրինակ գիրգք, և ոգիք նոյնպէս անարիք: Ապա յաւելեալ ՚ի բանս ասէին. « Իսկ և մէք ինքնին զնոյն ունիմք զէնս և զնոյն մարմին. առ այսոսիկ՝ և արիութիւն մեծ ևս վասն յաղթութեանցն՝ զոր տարաք. և մարտ այժմիկ ոչ մարտնչիմք մէք իբրև ըզդոսա ՚ի վերայ քաղաքի միայն և գաւառի, այլ և ՚ի վերայ յաղթանակացն Մարաթոնայ և Սաղամինոյ, զի մի քան Աթենացւոցն՝ առաւել Միլտիադեայ և բախտին նահատակութիւն կարծեսցին յաղթանակքդ այդոքիկ: Իբրև այնպէս փութապէս փոփոխութիւն առնէին կարգաց և կայիցն, իրազեկ այնմ թեբայեցիք եղեալ ՚ի գասալք զօրացն, իսկ և իսկ ազգ առնէին Մարդոնիոսի: Իսկ նա՝ կամ զի յԱթենացւոցն զանգիտեալ, կամ թէ թեկն ածեալ ՚ի կռիւ ընդ Սպարտացւոցն կաքաւել, փոխէր և ինքն զպարսիկս և ճակատեցուցանէր ընդդէմ Ակեդեմոնացւոցն յաջոյ թէն. և հրաման տայր որ ընդ իւրև յունացն՝ ճակատել ՚ի միւս թէն ընդդէմ Աթենացւոց: Այլ Պաւսանիաս իրազգած

փոփոխուածեանն Պարսից, անդրէն փոխեցաւ յաջոյ թէն. զնոյն առնէր և Մարդոնիոս՝ կրկին անցեալ 'ի ձախոյն ընդդէմ Լակեդեմոնացւոց. և այսպէս ապա անցեալ կարճատէր օրն առանց ինչ դործոյ պատերազմի:

Բայց յետ այնորիկ Հելլենացիք խորհուրդ 'ի մէջ առեալ՝ հաստատեցին խաղալ և 'ի բացեայ բանակ հարկանեւ 'ի վայր մի բարեջուր, զի աղբիւրք՝ որ անդանօր՝ խանգարեցան յայրուձիոյ բարբարոսացն: Իբրև գիշեր 'ի վերայ հասանէր նոցա, և զօրագլուխքն ածէին 'ի տեղի բանակհարու թեանն, զօրականք ոչինչ այնպէս մտագիւր և միախուամբ դէտ խաղացեալ, բազմուծիւն 'ի նոցանէն յառաջին պատնշացն 'ի դուրս ելեալ միանգամ՝ դէմ եզեալ գնային 'ի քաղաքն Պլատեացւոց. ուստի և աղմուկ շփոթից յուղէր 'ի նոսա՝ մինչդեռ յայսկոյս յայնկոյս օձտեալք՝ անկարգաբար հարկանէին վրանս: Իսկ Լակեդեմոնացիք յակամայ կամս մնացին անգվերջոտնեալք: Քանզի Ամոմիարետոս այր վայրագ և դիմագրաւ 'ի վտանգս, անգրտին գոռ պատերազմասէր, չհանդուրժեալ ընդ բազում դեգերանս մարտին, և յայնժամ զայն չու զօրուն՝ փախուստ անշուշտ կոչէր, և ասէր՝ իւրով խակ գընդաւն անդէն զտեղին կալեալ անշարժ՝ ըզդէմ ունեւ Մարդոնիոսի: Իսկ յասել առնա Պաւսանեայ վասն չուոյն այնորիկ՝ իբրև 'ի վճռոյ անտի Հելլենացւոց և 'ի

քուեայց նոցուն, յայնժամ Ամոմիարե-
տոս վէմ մի մեծ կալեալ 'ի ձեռան՝ ձգէր
առ ոտան Պաւսանեայ և ասէր. « Դա՛ այդ
է իմ քուեայ վասն մարտի սլատերազմին,
ոչինչ ուշ եղեալ այլոցն անարի խորհրդոց
և վճռոց»: Յայնժամ վարանեալ
Պաւսանիաս՝ առաքէր առ Աթենացիան՝
որ յառաջադէմ չուեալք էին, խնդրէր
վայր մի զտեղի ունել զի 'ի միասին խա-
ղասցեն, և ինքն դէմ եղեալ չու առնէր
հանդերձ մնացելովքն 'ի Պղատէա, զի այն-
պէս ինքնին և զԱմոմիարետոս յօժարե-
ցուցէ յուղին:

Իբրև այդն մերկանայր, յայնժամ Մար-
գոնիոս իրազդած չուոյն Հելլենացւոց՝
խաղայր 'ի վերայ Լակեդեմոնացւոց, յորի-
նեալ 'ի կարգ սլատերազմի մեծաւ աղա-
ղակաւ և ահագին դղորդմամբ խուժա-
դուժ հրոսակին, իբրու ոչ 'ի կռիւ՝ այլ
յաւարել յափշտակել զՀելլենացիան 'ի
փախչել նոցա, և արդեօք վայրիկ մի ևս
և այնպէս յաջողէր դործն: Բայց անդուստ
Պաւսանիաս դէտ ակն կալեալ և զտեղի ա-
ռեալ զօրօքն, հրաման տայր առն առն
կալ յակաստանի կազմ և սլատրաստ 'ի
մարտ սլատերազմի. սակայն և ոչ ուշ կա-
լաւ նա (կամ առ ցասման սրտմտութեանն
ընդդէմ Ամոմիարետեայ, կամ զի խու-
ճապեցաւ 'ի հրոսակէ անտի բարբարո-
սացն) տալ նշան առհասարակ Հելլենաց-
ւոցն. ուստի և ոչ միահամուռ ամենեքին,
այլ մեկին և տակաւ յորդէր զօրականն

ձեռն տալ օգնականութեան, մինչդեռ անդ խառնեալ խի էր գոռ սպառերազմին:

Արդ իբրև յայնժամ 'ի զոհն իւրում պարապեալ կայր Պաւսանիաս և բարեգուշակք չէին զոհքն, հրաման տայր Լակեդեմոնացոցն 'ի բաց զվահանան դնել առ ոտս իւրեանց, և զտեղի կալեալ ակնկառոյցք առ ինքն՝ չքնկրկել զ[Թշնամիսն. և ինքն դարձաւ 'ի զոհել: Այլ անդուստայրուծի Թշնամոյն յանդուգն խիզախեալ միջամուխ մօտ նետաձիգ լինէին, զի և 'ի սպարտացոց անախ ոմն այր խոցեալ, անդանօր և Վալ լիկրատէս այր՝ որպէս ասեն՝ յոյժ գեղաւոր քան զամենայն հելլենացիս և հասակաւ բարձր քան զորս 'ի բանակին՝ աղեղնահար եղեալ, մինչդեռ յոգւոցն պարզել սկսաւ՝ ասէր ոչ զմահն ողբալ ոյր աղագաւ հասեալ կայ 'ի փրկութիւն Ելլադայ, այլ զի անդործ 'ի նահատակութենէն մեռանի: Եւ Թէպէտև այն պէս բռն էր տագնապ աղետից նոցա, սակայն և յոյժ սքանչելի էր համբերատար ժուժկալութիւն Սպարտացոցն 'ի ժամուն, զի չքնկրկեցին զ[Թշնամիսն որ 'ի վերայ խուժէին. այլ կացին մնացին այնպէս ակնկալեալք դեղեցիկ ժամուն յայտնութեան նոցա առ 'ի յաստուծոյ և 'ի զօրավարէն, քաջութեամբ բերեալք անդանօր նետահար տապաստ անկանել անշարժք յիւրաքանչիւր կարգին:

Եւ պատմեն բազումք՝ եթէ 'ի զոհել անդ Պաւսանիասայ և կալ յաղօթս վայր

մի 'ի բացեայ 'ի զօրուէն, 'ի լիւրդացւոց
անտի յանկարծ գիմեալք անդր՝ յափշտա-
կեալ ցիր և ցան առնէին զիրս զոհիցն առ
հասարակ . իսկ Պաւսանիաս յայնժամ և
որք շուրջ զնովաւ՝ չունելով զէնս՝ դաւազա-
նօք և խարազանօք հարեալ վանէին զնոսառ
Եւ վասն այսորիկ 'ի յիշատակ հրոսակին
այնորիկ՝ և մինչև ցայսօր կատարի 'ի Սպար-
տիա տօնախմբութիւն, խարազանելով ըզ-
պատանիսն որ շուրջ գան զսեղանովն, և
ապա զհանդէսն կատարէն զլիւրդացւոցն :

Արդ յայնժամ 'ի զոհին 'ի խոր խո-
ցեալ յոգին Պաւսանիաս, մինչդեռ և ի զճն
պարապեալ սպանդս 'ի սպանդից վերայ
յազէր ցանգ, դարձաւ հայեցաւ 'ի մե-
հեանն կոյս լի արտասուօք, 'ի վեր զձեռան
ամբարձեալ հեղոյր խնդրուածս Կիթերո-
նեանն հերայ և այլոց ևս դիցն Պղատաց-
ւոց երկրին . յաղերս անկեալ մաղթէր, զի
եթէ և նախասահման չիցէ յաղթութիւն
տանել հելլենացւոց, գոնեա այնպէս քա-
ջութեամբ նահատակեալ անկանիցին . և
գիտասցեն թշնամիք՝ եթէ ընդդէմ քաջաց
և նահատակաց մարտ եղեալ կռուին :
Այն ինչ զգիսն կարգայր Պաւսանիաս, և
անդէն զոյգ աղօթիցն հմայք բարենշանք
երևեցան, և իղձք և դուշակք յայտ առ-
նէին զյաղթութիւնն, ապա տուեալ նշան
առհասարակ շարժել խաղալ ընդդէմ
թշնամեացն, անդ էր տեսանել ողջոյն ըզ-
փաղանգ զՍպարտացւոցն՝ իբրև գազան ա-
հագին՝ անգառագեղ որ մաղիւքն և բա-

չիւքն և մարմնովն առհասարակ դիզացեալ խոյացեալ կազմ զամենայն ոյժն ճգնեսցի թափել ՚ի ժամուն :

Խեղամուտ անդուստ լինէին բարբարոսք՝ եթէ ընդ մարդկան այնուհետև ՚ի վէդ գալ հասանէ նոցա, որ զկեանս ՚ի բռին կալեալ մահուչափ մարտ սաստիկ եղեալ կուուեսցին : Յայնժամ ՚ի հանդիպոյ ըզպարսկական վահանսն խիտ առ խիտ կալեալ այնպէս նետաձիգ ՚ի Սպարտացիսն լինէին : Իսկ սոքա ասպար առ ասպար կուռ և հոժ՝ այնպէս յառաջադէմ խաղային շարժէին, և դիմեալք ՚ի վերայ՝ զպարսիկ վահանսն հարեալ ընդոտնէին, և աշտէիւն խոցեալք ՚ի դէմս և ՚ի լանջս նոցա՝ թաւալցւոր արկանէին զբազումս ՚ի նոցանէ. նոքա թէպէտ և տասպատ անկեալք, արութիւն նահատակութեան ցուցեալ՝ մերկ ձեռօք բուռն զաշտէիցն հարեալ ջարդէին. և սուսերամերկք ևս եղեալ ոչինչ վայրապար, միանգամայն և զկտրոցս իւրեանց ՚ի գործ առեալ և զգաշնակսն՝ և զասպարսն վանեալք և ՚ի վէդ եկեալք այնպէս հարուստ ժամս կուուեալք ՚ի դիմի հարան :

Բայց անդուստ Աթենացիք դէտ ակն կալեալք Սպարտացւոցն, իբրև ձայն մարտի ահագին աղաղակին հասանէր առ նոսա, միանգամայն և հրեշտակ մի ևս՝ որպէս ասեն՝ պատգամաւորեալ գայր առ նոսա ՚ի կողմանէն Պաւսանեայ վասն անցիցն անցելոց, փութապէս արագ արագ շարժեցան խաղային նոքա գալ թիկունս

տալ նմա : Իբրև յառաջ գիմեցին ընդ գաշան 'ի կողմն ձայնի աղաղակին , 'ի վերայ նոցա յարձակեալ խաղացին յայնժամ հելենք որ 'ի կողմն անցեալ կային Մարաց : Անդ Արիստիգէս յակն արկեալ զնոսա , յառաջ նահատակեցաւ եկաց՝ ձայն բարձեալ մեծագոչ կարգայր նոցա յանուն գիցն Ելադայ՝ 'ի բաց կալ 'ի կռուոյն . մի խոչընդոտն լինել որոց գիմեալ դնան՝ ձեռն տալ նահատակելոցն 'ի մարտ 'ի փրկութիւն Ելադայ : Իբրև նոքա ունկն չմատուցին և կարգեցան ճակատեցան 'ի կռիւ , թողեալ Արիստիգէս զլակեղեմոնացիան՝ դիմեաց անկաւ 'ի վերայ . և էր նոցա թիւ իբրև հաղարաց յիննից . և անդէն 'ի նոցանէն բազմագոյնք վերջոտնեալք յետս կացին . և բարբարոսք ինքնին յայնժամ տեղեւտուեալ իսկ էին :

Ասեն՝ եթէ 'ի գոռին յայնմիկ սատիկ արութեամբ մարտ եղեալ կռուեցան , և առաւել 'ի թև անդր թեբայեցւոց՝ որոց արք աւագք և ճոխք թիկունս տային Մարաց՝ ձգեալք յայն կռիւ և զլուրեանց ամբոխն ճոխաբար իշխանութեամբ : Եւ այսպէս սպա յերկուս բաժանեալ մարտ սպա տերազմին , առաջին լակեղեմոնացիք ընկըրկեալ վանեցին զՊարսս . իսկ 'ի Սպարտացւոց անտի ոմն Արիմնեստոս անուն անդանօր տապաստ արկանէր և զՄարգոնիոս՝ վիմաւ հարեալ 'ի գլուխն . ըստ որում և նմին Մարգոնիոսի նախագուշակ լեալ իսկ էր սպագամախօսն Ամփիարեան

'ի ձեռնն առն լիւրացւոյ՝ զոր Մարգոնիոս
 ինքնին արձակեաց առ նա, ըստ որում և
 առ Տրոփոնեանն՝ զայր ոմն Կարիացի :
 Կարիացւոյն պատասխանի տայր հարցուկն
 'ի բարբառ Կարիացի . իսկ լիւրացւոյն՝
 մինչդեռ 'ի քուն կայր 'ի գաւթին Ամիիա-
 րեայ, թուէր իմն այնպէս մտեւ առ նա
 պաշտօնէի ուրումն աստուծոյն, և հրա-
 մայել նմա գնալ 'ի բաց . իսկ 'ի կալն նո-
 րասնդէն տակաւին՝ վէմ մի մեծ 'ի գլուխն
 արձակել նորա, և կարծել դիտասպատ 'ի
 հարուածոյն լինել : Օրինակ զայս պատմեն
 պատահել բանին :

Իսկ փախստեայքն հալածեալ վանե-
 ցան մինչև 'ի ներքս 'ի շերտափակն իւ-
 րեանց : Այլ յետ տակաւուց և Աթենա-
 ցիք թիկնադարձոյց առնէին զթեբայեցիս,
 տասպատ արկեալ 'ի դաշտին ոգիա երեք-
 հարիւր յաւագաց անտի նոցա և 'ի փա-
 ռաւորացն : Ապա զհետ մտեալ փախըս-
 տէիցն և լուր առեալ զբարբարոսացն՝ պա-
 շարել 'ի պասնչին, թողեալ զփախստեայսն
 հելլենացոց՝ դիմեցին նիզակակիցք ընդ-
 դէմ պասնչացն . և հասեալք առ Լակե-
 դեմոնացիսն որք բնաւ իսկ վերջացան պատ-
 նըշամարտ լինել, սոքա հասին կալան ըզ-
 բանակեաղն և հարուածս անհնարինս ա-
 ծէին 'ի վերայ . քանզի և ասէն իսկ յերե-
 սուն բիւրուց անտի բարբարոսաց՝ քառա-
 սուն հազարաց միայն ապրել փախստեամբ
 ընդ Արտաբազայ :

Բաց որք յայնժամ 'ի վերայ Ելլագայ

մարտ եղեալ կռուեցան, հազար երեք հարիւր և վաթսուն ոգիք տապաստանկան 'ի նոցանէ. յորոց յիսուն և երկու էին Աթենացիք՝ առհասարակ յԷանտիդեան ցեղէ մեծապէս արութեամբ նահատակեալք՝ որպէս Աղիդեմոս ասէ. և վասն այնորիկ Էանտիդեանք զո՛հ զո՛հէին Սփրագիտեան Յաւերժահարսանցն 'ի Պիւթեան պատգամէ վասն յաղթութեանն 'ի հասարակաց գանձէն: Իսկ 'ի Լակեդեմոնացւոց անկան իննսուն և մի, և 'ի Տէգէացւոց անախ՝ վեշտասան: Այլ զարմանալի է Հերոդոտոս. եթէ զիարդ սոցա միայն ասէ կռուել ընդ բարբարոսացն, և ո՛չ այլոց Հելլենացւոց. քանզի բազմակոյտ գիականցն անդանօր և նոցուն շիրիմք՝ առհասարակ Հելլենացւոց վկային զյաղթութիւնն. և եթէ արդարև այլք առհասարակ հանդիսատեպ կացին անդանօր և միայն քաղաքք երեք նահատակեցան, ո՛չ արդեօք 'ի վերայ սեղանոյն արձանագրեալ էին, եթէ « Զայս երբեմն Հելլենացիք՝ յաղթական զօրութեամբ 'ի գործ Արեսի զՊարսս վանեալք, ազատն Ելլադայ՝ զհասարակացն կանգնեցին Արամազդայ սեղան ազատողին «: Այլ զմարտ զայս մարտեան՝ ըստ Աթենացւոցն՝ 'ի չորրորդի աւուր Պոէդրոմիոյնի. և ըստ Բիովտացւոց՝ 'ի քսաներորդի եօթներորդի Պանեմոնի, յորում աւուր և մինչև ցայսօր 'ի Պղատէա կատարի աշխարհաժողն Հելլենացւոց, և քաղաքացիքն զո՛հ յաղեն Արամազդայ

փրկողի վասն յաղթուածեանն : Իսկ յազազս տարբերելոյ աւուրն չեն զարմանիք, զի և առ մեօք՝ ուր ճշգրտագոյն ևս են այժմիկ իրք աստեղաբանութեանն, աւուրք նոյն՝ առ ոմանս յաւարտ ամսոյն են, և առ այլս՝ ՚ի սկզբանն :

Յետ այսորիկ իբրև Աթենացիք չետուն տեղի Սպարտացւոց ՚ի փառս քաջութեան՝ և թոյլ չտային նոցա կանգնել սեպհական նշան յաղթութեան, արագ արագ յայնժամ խանգարեալ տապալէին արդեօք իրք Հելլենացւոց՝ գրգռեալք և օձտեալք ՚ի միմեանց և ՚ի զէն ընթացեալք, եթէ ՚ի մէջ եկեալ Արիստիդէս չէր մեծապէս ամբեալ զզօրագլուխսն՝ առաւել ևս զլէով կրատէս և զՄիւրոյնիդէս, զպայքարն զայն ՚ի դատաստան ասպարել Հելլենացւոց : Ի խորհուրդ ասպա մտեալ Հելլենացւոց վասն բանին, յարեաւ եկաց թէոգիտոյն Մեգարացի և ասէր՝ զփառս յաղթութեան ո՛չ Աթենայ ընծայել և ո՛չ Սպարտոյ՝ այլ այլոյ ումեմն ՚ի քաղաքաց, եթէ մարտ ընտանի յուզել չկամեսցին : Յետ նորա յարեաւ Վղէոկրիտոս Վորնթացի . և մինչդեռ այր այր սպասեալ մնայր՝ խնդրել նմա զփառսն զայն վասն իւրոցն հայրենեաց, (քանզի և յետ Սպարտոյ և Աթենայ) քաղաք համբաւատենչ էր ինքնին Վորնթոս), բարբառեցաւ նա հեշտալուրս ամենեցուն և զարմանալի . քանզի թեկն ածեալ Պղատացւոց, խորհուրդ ետ վախճան առնել գժտութեան, և զնոյն փառսն

ընծայել Պղատացւոց . քանզի և ընդ շուքն նոցա ոչինչ խեռային կողմանքն երկոքին : Չայս ասաց Վորնթացին, և նախ Արիստիդէս տեղի տայր յանուն Աթենացւոցն, ապա և Պաւսանիաս՝ ՚ի Սպարտացւոցն :

Օրինակ զայս ՚ի հաշտութիւն բերեալք, առին ութսուն քանքար և ետուն ՚ի ձեռս Պղատացւոց . նոքա առեալ շինէին նովաւ տաճար Աթենասայ, և դրօշեալ ձուլէին նմա, և զտաճարն ևս սլծնեալ զարդարեցին նկարուք, որ և ցայսօր անթթարք կան : Ապա և Սպարտացիք մասնաւոր կանգնէին ասիոյեան, և ուրոյն դարձեալ Աթենացիք : Եւ առաքեալ յայնժամ հարցանել զպատդամասիօսն վասն զոհին, տայր պատասխանի Պիւթիաս՝ կանգնել բազին Արամաղղայ ազատողի, և մի ինչ յաղէլ զոհ՝ մինչև անցուցեալ ողջոյն զկրակ դաւառին . իբրու որ սլծեալ իսկ էր ՚ի բարբարոսաց անտի, և կրակ լուցանել սուրբ՝ առեալ ՚ի Դեղփեայ ՚ի հասարակաց վառարանէն : Ապա զօրագլուխք Հելլենացւոց փութապէս շուրջ ընթացեալ այսր անդր՝ հարկ ՚ի վերայ ածէին ամենեցուն անցուցանել զկրակն : Իսկ Եւքիդաս ոմն ՚ի Պղատացւոց յանձին կալեալ ՚ի դից անտի բերել կրակ ՚ի շտապ տագնապի, ել չոքաւ ՚ի Դեղփիս : Անդ սրբութիւն տուեալ մարմնոյն և սրակեալ ջրով և սրակեալ դափնեաւ և առեալ ՚ի սեղանոյն զկրակն, յուղի անկանէր անգրէն արագավազ ՚ի Պղատէա . եկն եհաս անդր մինչև արևուն մը-

տեալ, ասպարէզս հատանեւ լով հազար 'ի միում աւուր: Ողջոյն տուեալ քաղաքացեացն՝ ետ զկրակն, և ինքն անդէն տապատտ անկանէր. և վայր մի այնպէս կացեալ՝ փչէր զողին: Չնա Պղատացիք առին թաղեցին 'ի մեհենին Եւկղիայ Արտեմիդեայ, և արձանագրեցին զայս քառաչափ. « Չոքաւ Եւֆրիզաս 'ի Դեղփիս, և դարձաւ 'ի նմին աւուր «: Այլ բազումք այն են՝ որ Եւկղիա կոչէն և իմանան զԱրտեմիս. իսկ կէսք՝ եթէ էր նա դուստր հերակլեայ և Միւրտեայ՝ դստեր Մենեստիոսի և քեռ Պատրոկղեայ. և զի կոյս մեռաւ՝ շուք մեծապէս ընկալաւ առ Բիովտացիս և առ Լոկրացիս. զի և յամենայն հրասպարակս նոցա կանգնեալ կայ բազին և դրօշեալ նորա, ուր փեսայք և հարսունք զո՛հ զոհէն՝ մինչև ածեալ հարսանեացն:

Իսկ յետ այնորիկ եկեղեցի աշխարհօրէն խմբեալ 'ի Հելլենացոց, վճիռ զայս արձանագրեաց Արիստիդէս. զի ողջոյն յԵլլադայ ամի ամի խմբեացին 'ի Պղատէս արք աւագք խորհրդականք և սպառուիբակք, զի անդ յամենայն հինգ տարւոջ մըցեացին խաղք Ազատականաց. և առհասարակ յԵլլադայ զօրաժողով լիցին 'ի մարտ ընդդէմ բարբարոսաց, ասպարաւորք բիւր մի, և այրուծի հազար, և նաւք հարիւր. և զի՝ և Պղատացիք յազատութիւն գրեալք՝ համարեացին նոքա իբրև որեար անկապուտ և նուիրական աստուծոյ, և դործ նոցա լիցի զո՛հ զոհել վասն Ելլա-

գայ : Իբրև հաճեալ հաւանեցան առհասարակ, մտադիւր և Պրատացիք յանձին կալան ամի ամի յուղարկաւորութիւն կատարել հէլլենացւոցն՝ որ անդ թաղեցան . զոր և առնեն նոքա մինչև ցայսօր ժամանակի օրինակ զայս :

'Ի վեշտասաներորդի աւուր Մեմաքտերիոնի՝ զոր Բիովտացիք կոչեն Ալակիոմենիոն, յուղի անկեալ ածեն հանդիսաւոր թափօր ընդ այգանալ աւուրն . յառաջոյ փողարն հարկանէ զմարտ պատերազմի . ածեալ գան զինի կառք լի մրտենեօք և բոլորիւք պսակաց, և ցուլ մի սեաւ : Չհետ գան սափորք ձօնից նուիրաց գինւոյ և կաթին, և սրուակք իւղոց և օծանեւեաց՝ բարձեալք յազատ պատանեաց . (զի և օրէն չէ ումէք 'ի ծառայից մտանել 'ի հանգէսն յիշատակի մեռելոց 'ի վերայ ազատութեան) : Յետ ամենեցուն անցեալ գայ իշխանապետ Պրատացւոց . սա երբէք իշխան չէ մերձենալ յերկաթ, և հանդերձ այլ չարկանէ բայց սպիտակ . այլ յայնժամ պատմուճան արկեալ ծիրանի, բարձեալ 'ի ձեռին կուժ մի 'ի գիւանէն, սուսերաւոր անցեալ ընդ քաղաքն գայ 'ի գերեզմանն : Ապա ջուր առեալ յաղբերէն՝ ինքնին լուանայ զսիւնսն և օծանէ իւղովն, և փողոտեալ զցուլն 'ի վերայ խարուկին, և յաղթս կացեալ առ Արամազդ և առ հերմէս երկրային՝ հրաւէր կարգայ քաջորերոյն այնմիկ որ մեռան 'ի վերայ Ելլագայ՝ 'ի ճաշ և 'ի ճաշակ յարենէ

անտի: Ապա լցեալ բաժակ մի գինի և հեղեալ զայն, ասէ զայս. «Ես ինքնին մատուակեմ քաջորերոյն այնմիկ, որ տապաստ անկան ՚ի վերայ ազատութեան հեղինացոց»: Արդ Պղատացիք զնոյն կարդ պաշտամանն պահեն մինչև ցայսօր ժամանակի:

Եւ կատարեալ զայսօսիկ՝ իբրև դարձ յԱթէնս արարին Աթենացիք, տեսեալ Արխաթիգէս՝ զի ուսմկապետութիւն իրն գրեն նոքա. և զմտաւ ևս ամեալ զարժանիս ուսմիին ՚ի պատճառս արութեան քաջութեան նոցա. և զի՝ և հեշտին չէր ՚ի ժամուն բռնանալ ՚ի վերայ նոցա, զի զէն ՚ի ձեռին ճոխացեալք էին, և պերճացեալք ՚ի վերայ յաղթութեանցն զոր տարան, գրեաց վճիռ՝ զի վարչութիւն քաղաքին հասարակ կացցէ ամենեցուն, և իշխանապետք ընտրեսցին առհասարակ յամենայն Աթենացոց: Եւ յասել երբեմն թեմիստոկղեայ առ ժողովուրդն, եթէ խորհուրդ անկաւ ՚ի միտս իւր ՚ի գաղտնեաց կարգի՝ սակայն օգտակար քաղաքին և վրկաւէտ, ասաց նմա ժողովուրդն՝ պատմել զխորհուրդն յունկն Արխաթիգեայ միայն, զի նա ՚ի քնին առցէ: Իբրև ՚ի վեր Արխաթիգեայ հաներ թեմիստոկղէս զխորհուրդն՝ եթէ հրկէզ զնաւահանդէսն պարտ է առնել զհեղինացոց, զի այնպէս ՚ի բարձրութիւն մեծ ելցեն Աթենացիք և առհասարակ տիրացին, եկն եկաց յայնժամ Արխաթիգէս յանդիման ժողովրդեանն և

ասէր . Գործ՝ զոր Թեմիստոկղէսն խորհի,
 չիք ինչ քան զայն առաւել օգտակար, և
 չիք ինչ քան զայն առաւել անիրաւ : Իբ-
 րև զայն լուան ժողովուրդք, պատուիրե-
 յին Թեմիստոկղէայ՝ մի ևս այլ ամենևին
 ժտել վասն բանին այնորիկ : Այնչափ իմն
 արդարասէր էին ժողովուրդք, և այնչափ
 վստահացեալք յԱրիստիդէս :

Յետ այսորիկ առաքեալ Արիստիդէս ՚ի
 զօրավարութիւն ՚ի միասին ընդ Վիմոնի,
 դէտ ակն կալեալ տեսանէր՝ զի Պաւսա-
 նիաս և այլ ևս զօրագլուխք Սպարտացւոց
 ճոխաբար գնային ընդ նիզակակիցսն . այլ
 ինքն հեզաբար ցուցանէր բարս, և զՎիմոն
 ինքնին հեշտ յարգարէր և հասարակորդ ՚ի
 զինուորութիւնսն . և այնպէս սա այս Ա-
 րիստիդէս ոչ զէնս շարժեալ, ոչ նաւս
 խողացուցեալ և ոչ այրուծի, քաղցր և
 հեշտալուր քաղաքավարութեամբն զգօ-
 նացաւ հանել առնուլ ՚ի Ղակեդէմոնաց-
 ւոցն զնախաթող աւագութիւնն, և նոքա
 չիմացան : Քանզի և անգատին Աթենացիք
 վարելիք գտեալ այլոցն հեղենացւոց ՚ի
 պատճառս արդարութեանն Արիստիդէայ
 և մարդասիրութեանն Վիմոնի, իսկ յայն-
 ժամ առաւել ևս՝ ՚ի պատճառս ընչա-
 քաղցութեանն Պաւսանէայ և վայրենու-
 թեանն, այն՝ որ ցանգ սրտմտութեամբ և
 յայրատագոյնս գնայր ընդ զօրագլուխս
 նիզակակիցաց, և պատուհաս ՚ի վերայ կա-
 պէր զօրականին ՚ի գանս հարուածոց, կամ
 թէ խարիսխ երկաթի արկանելու զան-

ձամբ նոցա՝ այնպէս յոտին տայր նոցա
կալ զօրն ողջոյն . և նախ քան զՍպարտա-
ցիան ումեք այլ չտայր թոյլ առնուլ խըշ-
տիս , և ո՛չ խոտ , և ո՛չ դնալ ջուր առնուլ
յաղբերաց . այլ անդանօր ոստիկանս կա-
ցուցանէր վարոցաւորս 'ի բաց վանել զմեր
ձեցեալն : Ասան այսոցիկ ապա իբրև յա-
ւուր միում բողոք բարձեալ Արիստիդէս՝
խնդրէր խրատ 'ի ներքս բերել նմա , նա
խեթիւ հայեցեալ ասէր՝ չունել ժամա-
նակ միտ դնելոյ բանիցն . և ո՛չ լուաւ նմա :

Ապա յետ այնորիկ խմբեալ առ Արիստի-
դէս նաւապետք և զօրավարք Հելլենացւոց ,
մանաւանդ Քիացիք և Սամոսացիք և Լէս-
բացիք , ածեալ հաւանեցուցանէին զնա
առնուլ զանձամբ զբարձերեց աւագու-
թիւնն և ժողովել զնիզակակիցսն , որք 'ի
վազնջուց իսկ խնդրէին լծրնկէց 'ի Սպար-
տացւոցն լինել՝ հնազանդեալք Աթենաց-
ւոց : Իբրև սպտասխանի առնէր նոցա Ա-
րիստիդէս՝ հարկ և արդարութիւն նկա-
տել նմա 'ի բանս նոցա , սակայն և ար-
գեանց պէտք իցեն 'ի ժամուն ցուցանել
'ի վստահութիւն , և 'ի լինել այնմ՝ ոչինչ
թոյլ տացէ և ինքն խուժանին փոխել միւ-
սանգամ 'ի կարծեացն . յայնժամ երդ-
մնակուռք դաշնաւորք լինէին Սամոսացիս
Ուղիադէս և Քիացիս Անտագորատ , և մօտ
'ի Բիւզանդիոն գիմեալք յարձակեցան 'ի
վերայ եռաթիոյն Պաւսանեայ որ յառա-
ջոյ խաղայր այլոցն , և զնա 'ի մէջ փակե-
ցին : Յայն տեսիլ Պաւսանիաս 'ի վեր վա-

զեալ՝ ՚ի մեծ բարկութիւն սրամտութեան
 սպառնալիս ՚ի վերայ կապեր, վայրիկ մի
 ևս և ցուցանել նոցա՝ և թէ մեղս նոքա յար-
 ձակամմբն մեղան ընդդէմ իւրեանց հայ-
 րենեացն, և ոչ եռաթիոյն նորա: Այլ
 նոքա հրամանն ՚ի վերայ ածէին նորա եր-
 թալ չուէլ ՚ի բաց, և գոհ եղեալ ՚ի ժա-
 մուն՝ երթալ շնորհս ունել զեղեցիկ բախ-
 տին իւրոյ ՚ի Պղատեան մարտին, ոյր աղա-
 գաւ միայն չուք նմա եղեալ Հելլենացիք՝
 չածին նմա զարժանահասան պատուհաս:
 Եւ այսպէս սպա ընդվզեալք անցին նո-
 քա առ Աթենացիս:

Այլ յայնժամ դբանչեւապէս երևեր
 մեծանձնութիւն Սպարտիոյ և հանճար-
 քանզի լուր առեալ զիւրոց զօրավարացն
 վատթարութեանն ՚ի պատճառս մեծի ա-
 ւագութեանն, անդէն ինքնակամ հրա-
 ժեշտ տայր նա ՚ի նախաթող զօրավարու-
 թենէն՝ ոչ ևս արձակեալ զօրավարս ՚ի
 մարտ. լաւ համարեցաւ քաղաքացիս ու-
 նել պարկեշտս և հայրենեաց աւանդա-
 պահս, քան հրամանատար ողջոյն լինել
 Ելլադայ: Արդ Հելլենացիք անդուստ ՚ի
 վերուստ առ զօրավարութեամբն Ալկե-
 դեմոնացւոց հարկս հարկանելին ՚ի պէտս
 մարտից. իսկ իբրև կամեցան զնոյն հարկ
 բաշխել ՚ի մէն մի քաղաքացն արդարապէս
 չափմամբ, ինդրեցին զԱրիստիդէս յԱ-
 թենացւոց և ՚ի նա յանձն առնելին յառ-
 նել գնալ և քննել զննել զգետիմնն և ըզ-
 հասս, և այնպէս սպա սահմանել իւրա-

քանչիւր զհարկան ըստ չափու գոյին և բա-
 ւականու թեանն : Ապա Արիստիդէս զմեծ
 զայն աւագու թիւն առեալ յանձն, և ՆԵ-
 լադա յայնժամ իբրու եթէ զիւրն զամե-
 նայն 'ի մին յայն Արիստիդէս աւանդեալ,
 եւ նա 'ի քաղաքէն աղքատ, և անդրէն
 դարձաւ առաւել աղքատ. 'ի նոյն գործ
 դրամահաշուին քաղաքավարեալ ոչ միայն
 անարատ սրբութիւն և արգարութիւն, այլ և
 մարդասէր բարոյիւք և ամենեցուն փարելի :
 Այլ աղագաւ՝ զորօրինակ անդ ուրեմն
 ծերունիք մեծապէս 'ի գովութիւն առնուին
 զժամանակ կենայն Վոռնոսեան, սնապէս
 և յայնժամ նիզակակիցք Աթենացւոց
 զբաժ հարկին Արիստիդէայ, և անուն կար-
 դային՝ Երանոսիւն Եւստայ. մանաւանդ՝
 և յորժամ յետ սակաւուց կրկնեալ տե-
 սին զայն, և ապա՝ երեքկնեալ ևս : Քան-
 զի բաժն Արիստիդէան էր չորեքհարիւր
 և վաթսուն քանքարաց. և ապա Պերիկղէս
 աճեցուցանէր իբրու երրորդ մասամբ. որ-
 պէս թուկիդիդէս պատմէ՝ 'ի սկիզբն մար-
 տին տալ նիզակակցաց Աթենացւոցն քան-
 քարս վեցհարիւր. իսկ յետ մահուն Պերիկ-
 զէայ՝ վարիչք ժողովրդեան տակաւ յաւե-
 լեալ հասուցին 'ի չափ քանքարաց հազարաց
 և երկից հարիւրոց. ոչ զի այնչափ ինչ բազ-
 մահանդերձ էր մարտն յերկարաձգութիւն
 և բազմադէմ պատահարօքն, այլ զի սովո-
 րեցուցին նոքա զժողովուրդն 'ի բայն դբա-
 մոց. առ այս՝ և 'ի պէտս Տեսարանացն, և
 'ի կանգնել գրօշեւոցն և մեհենիցն :

Արդ համբաւ ժառանգեալ սքանչելի Արիստիդէս 'ի բաժ անդր հարկացն, աւսեն՝ եթէ Թեմիատոկղէս ունչս առնէր. իբրու եթէ՝ քան մարդոյ՝ ոսկեպահ արկեղացն առաւել 'ի դէպ գալ գովութեանն: Եւ դժպատեհս Թեմիատոկղէս վրէժ խնդրեաց բանին զազդողաբանու. Թեանն՝ զոր երբեմն Արիստիդէս նմա 'ի դէմն եհար: Քանզի էր զի՝ լուեալ Արիստիդէայ ասել Թեմիատոկղէսի, եթէ առաքինութիւն վեհագոյն զօրավարի՝ որպէս ինքն համարի՝ է ճանաչել և թշնամոցն նախատես խորհրդոցն լինել. կրկնեաց Արիստիդէս և ասէ. « Դա այդ ո՞վ Թեմիատոկղէ քաջ 'ի կարևորաց է. իսկ որ դեղեցիկ ևս է և արդարև արժանի զօրավարի՝ է ժուժկալութիւն ձեռաց »:

Իսկ յետ այսորիկ տայր Արիստիդէս հէլլենացւոցն երդմնի լինել 'ի նիզակակցութեանն: Վռէր և ինքն երդումն յանուն Աթենացւոցն. և անէծս ևս կարգացեալ՝ առեալ հրաշէկս երկաթոյ ամայր 'ի ծով: Այլ ապա հարկաւորեալ Աթենացւոց՝ որպէս թուի՝ յիրաց անտի տիրագոյն ևս իշխանութիւն 'ի ներքս բերել, յորդորեաց Արիստիդէս՝ 'ի գլուխ իւր առնուլ կուտել զերդմնահարութիւնն, եթէ այնպէս օգտակար իցէ՝ զայնօրինակ վարել յիշխանութեանն: Այլ Թէոփրաստոս հասարակ իօսելով վասն առնա, ասէ եթէ թէպէտ և բնաւ յառտնինսն և առքաղաքացիս արդարութեամբ սքանչելի էր

Արիստիդէս, սակայն 'ի հասարակացն՝ շատ
ինչ գործէր նա ըստ պիտոյից հայրենեացն,
որպէս զի ստէպ հարկաւորել յինչ մի ան-
արդար: Քանզի և սլաամէ, եթէ 'ի խոր-
հել խորհուրդ յաղադս փոխադրութեան
գանձուն 'ի Դեղոսէ յԱթէնս ընդդէմ
գաշանցն կռելոց, և 'ի Թելադիր լինել
Սամոսացոցն, ասէր Արիստիդէս՝ եթէ
արդար չէ բանդ, սակայն օգտակար:

Արդ՝ Թէպէտ և այնչափ վերացաւ
բարձրացաւ քաղաքն՝ հրամանատար 'ի վե-
րայ բազմաց ժողովրդոց, նա եկաց մնաց
յիւրում աղքատութեանն. և յամենայն
'ի կեանս յաւերժացաւ սիրել զփառս
զաղքատութեն՝ ոչինչ պակաս քան զյաղ-
թանակացն. որ և յարգեանցն վկայեցաւ:
Քանզի Վալլիաս ջահընկալ աղքական էր
Արիստիդէայ, իսկ Թշնամիք Վալլիասայ
ամբաստան կացեալ յատենի զնմանէ յա-
ղադս գլխապարտ մնասոց, իբրև չափով
առաջի եղին զամբաստանութիւնն, ապա
'ի բուն ամբաստանութեանն զարտուղեալ
սկսան խօսել առ գատաւորսն զայս ինչ և
ասել. « Դուք ինքնին ճանաչէք քաջ զԱ-
րիստիդէս Լիսիմաքեան, այր սքանչելի առ
ամենայն հելլենացիս: Արդ զիսորդ համա-
րիցիք կալ գմա 'ի տան իւրում, տեսեալ
զդա 'ի հրապարակիդ արկեալ գրդլեակ:
Թերևս ո՛չ՝ որ 'ի հրապարակիդ պաղեալ
տեսանի 'ի ցրտոյ, յիւրում տան նքթեալ
կայցէ՝ կարօտեալ կարևորացն: Յայսր ամ-
ենայնի վերայ՝ Վալլիասդ այդ քեւորդի

նորա և բազմահարուստ քան զամենայն Աթենացիս, անտես զնովաւ արարեալ և զկնանն և զորդւովքն՝ ձեռն չտայ նմա յայնչափ կարիս նորա: Վալլիասդ այդ՝ որ 'ի շատ ինչ իրա զնա գործի 'ի ձեռն առեալ է, և շատ անգամ 'ի զօրութենէ նորա առ ձեզ՝ վայելեալ իսկ է: Յայնժամ իբրև ետես Վալլիաս զդատաւորսն՝ մեծապէս վասն այնորիկ սրտնէլ և զչարել, կոչեալ զԱրիստիդէս՝ ոլոքէր աղաչէր տալ վկայութիւն առաջի դատաւորացն, եթէ շատ ինչ իրս բազում անգամ նա 'ի ներքս մատոյց նմա և ժտեաց ևս առնուլ՝ այլ ինքն հրաժեշտ ետ. սպտասիսանի առնելով եթէ քան Վալլիասայ ընչաւէտութիւնն, մեծ ևս փառք են նմա աղքատութիւն նորա. զի և շատ զոք է տեսանել 'ի լաւն և 'ի յոռին միանգամայն վարել զմեծութիւնն, այլ հեշտին չէ գտանել՝ որ քաջաբար բերցէ աղքատութեանն. քան զի ընդ աղքատութիւն ամաչեսցեն արդեօք նոքա՝ որ միանգամ ակամայ աղքատքն իցեն:

Իբրև զայսոսիկ բանս վկայեաց անգանոր ինքնին Արիստիդէս 'ի կողմն Վալլիասայ, այր այր ապա յայնժամ յունկնդրաց անտի մեկնէր 'ի վայրացն՝ մտադիւրագոյնս յանձն առեալ զաղքատութիւնն զԱրիստիդէայ, քան զընչաւէտութիւնն Վալլիասայ: Եւ զայսոսիկ մեզ արձանագրէ Եսքինէս Սոկրատեան: Նաև Պլատոն ինքնին՝ յաւագան Աթենացւոց և 'ի հոյակապսն՝

միայն զԱրիստիդէս զայս՝ ասէ արժանափառ և մեծարոյ: Քանզի թեմիստոկղէս և Կիմոն և Պերիկղէս սրահիւք իմն լին զեղին զքաղաքն և ընչէղութեամբք և այլ ևս բազմադէմ՝ ումպէտիւք: Իսկ Արիստիդէս յառաջնորդութեան քաղաքին՝ զառաքինութիւնն ցանգ կալաւ կէտ նպատակի: Էւ արդեօք հաւաստիք մեծամեծք հէզութեան նորա՝ ՚ի ներքս ընծային մեզ ՚ի քաղաքավարութենէ անտի նորա առ թեմիստոկղէս: Քանզի թշնամի անդուռ ունելով զնա իւր յամենայն ՚ի գործս քաղաքին, և ՚ի սադրելոյ ևս նորա վտարանդի եղեալ, համայն և այնպէս յորժամ և զնոյն անցս անցուցանել ձեռնհաս իսկ էր Արիստիդէս ընդ թեմիստոկղէս ամբաստանեալ իւր րև շնասակար ընդդէմ հայրենեաց, երբէք նա ոչ յուշ ամ զանիրաւութիւնսն՝ զոր կրեաց. այլ մինչ անգանօր Աղկմէովն և Կիմոն և շատք ևս ամբաստան կային զնմանէ, միայն Արիստիդէս ինչ մի ՚ի տուգանս առն ոչ գործեաց և ոչ ասաց. երբէք և ոչ ինդաց տեսեալ զթշնամին յաղէտս ամբաւս, որպէս և ոչ իսանդացաւ յառաջն տեսեալ զնա ՚ի փառս:

Իսկ յաղադս մահու վախճանին Արիստիդէայ՝ կէսք ասեն պատահեալ ՚ի Պոնտոս, ուր չոքաւ նա ՚ի պէտս ինչ հասարակաց. և կէսք՝ յԱթէնս ՚ի ծերացեալ հասակէն, մինչդեռ ՚ի շուք սլատուոյն կայր և սքանչացեալ իսկ էր առ քաղաքացիսն: Այլ Կրատերոս Մակեդոնացի յաղադս

մահուան նորա ունի պատմութիւն օրինակ
 զայս : Յետ վտարանդութեանն, ասէ,
 Թեմիստոկղեայ ստահակեալ ժողովըր-
 դեանն, 'ի վեր բուսաւ բազմութիւն զըր-
 պարտչաց ընդդէմ արանց լաւաց և քաջաց
 և ճոխից՝ նախանձուկս արկեալ ամբօխին՝
 որ բարձրապարանոց ևս էր 'ի գեղեցիկ
 բախտ իւր և 'ի զօրութիւն. արդ՝ 'ի միա-
 սին ընդ արան ընդ այնոսիկ, ասէ, դասեալ
 և Արիստիդէս և ամբաստանեալ 'ի Դիո-
 փանդեայ Ամփիտրոպոսացւոյ՝ իբրև կաշա-
 ռաբեկ 'ի Յոնիացւոց 'ի բաշխի անդ հար-
 կացն, և անձեռնհաս գոլով 'ի հատուցա-
 նել զպատուհաս տուգանացն մնասից յիւ-
 նից, մտեալ 'ի նաւ ել դնաց. և անդ ու-
 բեք 'ի Յոնիա վախճան հասանէր նմա :
 Այլ 'ի պատմութեանդ ոչ հաւաստիս ինչ
 արձանագրութեան ածէ մեզ Արատերոս,
 և ոչ վճիռ ինչ, և ոչ հրովարտակ ինչ.
 Թէպէտ և ինքն Արատերոս միշտ բնաւորե-
 ցաւ տալ մեզ ճոխաբար յայսպիսեաց
 հմտութեանց, և ծանօթս ևս տայ զպատ-
 մագրացն՝ յորոց առեալ աւանդէ : Բայց
 և այլք առհասարակ գոգցես՝ որ միանգամ
 գրեն զժողովրդեանն զայնորիկ զանշոր-
 հակալութեանն ընդդէմ զօրավա-
 րացն, Թէպէտ և զԹեմիստոկղեայ վտա-
 րանդութիւնն պատմեն, և զԱլիստիդեայ
 բանտարգելութիւնն, և զՊերիկղեայ ըզ-
 դատակնիքն, դարձեալ և զՊաքետայ ըզ-
 մահն յատենի անդ, որ յաղթահարեալ
 'ի բեմին անձին առնէր, և շատ ևս յայս-

սխեւաց ատօի աւանդէն նորա և բողոք ևս բառնան, դարձեալ և յաղադս Արիստի դեայ ասեն զխեցեկոյս վճիռ վտարան դուժեանն, սակայն յիշատակ չառնեն նորա դատապարտութեանդ այդմիկ:

Արդ զգերն զման նորա ցուցանեն 'ի Փաղերոն, և ասեն զայն պատրաստեալ նմա 'ի դրամոց քաղաքին. զի և ոչ 'ի թաղումն բաւական ինչ եթող նա: Եւ պատմեն եթէ զգտերս նորա հարմնացոյց Պրիւտանիոն 3, և քաղաքն ինքնին երաշխաւոր լինէր վասն հարսանեացն, և առ մէն մի հարսանցն տայր օժիտ երկոց հազարաց դրամա կըչուոց: Իսկ Լիւսիմաքեայ որդւոյն Արիստիդեայ ետուն ժողովուրդք հարիւր մնաս արծաթոյ, և նոյնչափ օրավար ծառատունկ գետնոյ. առ այս՝ և դրամակչիոս ևս չորս աւուր աւուր կարգեաց նմա և զվճիռն դրեաց Ալկիբիադէս: Հանդերձ այսու՝ և դուստր մի ևս թողեալ Լիսիմաքեայ՝ անուն Պողիւկրիտէ, տալ ետուն վճիռ ժողովուրդք՝ որպէս Վալլիսթենէս պատմէ՝ կարգել և դատերն զհաւասար պարէնս զյաղթականացն Ողիմպիականաց:

Իսկ Դեմետրիոս Փաղերէոս և Հերոնիմոս Ռոդացի, և Արիստոքսենէս երաժիշտ, և ինքնին Արիստոտէլ (սակայն եթէ որ յաղադս Ալեուականութեանն գիրք՝ իցէ 'ի հարազատացն Արիստոտէլի), աւանդէն եթէ զՄիւրսոնէ թոռնուհի դատերն Արիստիդեայ բնակակից իւր արար Սոկրատէս խնաստուն. զի թէպէտ և կին այլ

ունէր Սոկրատէս, Ժողովեաց և զսա զայ-
րիացեալն 'ի պատճառս տնանկութեանն
և 'ի կարևորսն կարօտութեանն : Սակայն
Պանեախոս շատ խակ ընդդէմ դառնայ սո-
ցա՝ 'ի բանն յաղագս Սոկրատայ : Սա այս
Փաղերէոս յիւրում Սոկրատին ասէ ինք-
նին տեսեալ և զլխիմաքոս զոմն թոռն
դստերն Արխտիդեայ, յոյժ աղքատ . զի
և զպարէն զաւուրն պատրաստէր անձին
յերազահան իմն պնակէ՝ որով մեկնէր նա
զերազս՝ նստեալ մօտ 'ի վայրն՝ անուն
Եակքիոն . և թէ՛ ինքնին Փաղերէոս թա-
խանձ արկեալ Ժողովրդեան վասն մօր սո-
րա և մօրաքեռն՝ կարգէ նոցա յաւուրն 'ի
պարգև նաքարակիաս երիս : Եւ ասա սա
ինքն Դեմեարիոս օրինադիր եղեալ էա
վճիռ՝ կարգել միում միում 'ի նոցանէ
դրամակշիռ մի :

Եւ արդեօք չէ՞ ինչ զարմանալ ընդ մե-
ծապէս ինամս Աթենացոց 'ի տնանկա
քաղաքին . ուր նոքա լուր առեալ և վասն
թոռնուհւոյն դստերն Արխտոգիտոնին՝
հիքաբար վարել կեանս 'ի լեմնոս ամուրի
'ի պատճառս աղքատութեանն, առա-
քեալ կոչեցին զնա յԱթէնս . և առեալ
հարսնացուցին քաջազգի առն, տուեալ
նմա 'ի պաշտատական կալուած մի 'ի Պո-
տամոն : Իսկ զմարդասիրութեանն և զա-
ւութեանն իւրոյ և մինչև ցայսօր 'ի ներքս
ընծայէ մեզ այս քաղաք օրինակս շատ,
ոյր աղագաւ և իրաւսպէս սքանչելի է և
նախանձելի :

ԾԱՆՕԹՈՒԹԻՒՆԻ

1. Յայժմեան Քսիւչանգրեան բնագրին
Յն. է՝ Թեմիատոկէս: Բայց յայտնի է
վրիպակն:

2. Բնութիւն մարդոյ չընդունի զան-
մահութիւն՝ անհաղորդապէս իբրև զԱս-
տուած, այլ ընդունի հաղորդաբար ՚ի
բուն աղբերէ անմահութեանն Աստուծոյ,
ըստ որում հոգիս մեր անմահ:

3. Պրիւտանիոն: Տեղի յԱթէնս՝ ուր
բուծանէին ՚ի հասարակաց գանձէ արք ար-
գիւնաշատք քաղաքին:

ՄԱՐԿՈՍ ԿԱՏՈՎՆ

Օ ՄԱՐԿՈՍ Կատուին ասեն ծնունդ
 լինել ՚ի Տուսկուղեայ . և քաղաքավարու-
 րութիւն և կեանս վարել նմա ՚ի կալուածս
 հայրենիս մօտ առ Սաբինացիս , մինչև նո-
 րա ձեռնամուկի լեալ ՚ի զինուորութեան
 իրս և ՚ի քաղաքականութեան : Եւ քան-
 զի նախահարք նորա գլխովն անծանօթք
 են մեզ , ինքնին Կատուին զհայր իւր զՄար-
 կոս իբրու այր լաւ և քաջամարտիկ ՚ի գո-
 վութիւն առնու . առ այս՝ և զԿատուին
 զնախահաւ իւր՝ ասէ՝ բազում անգամ
 մրցանակս տարեալ զքաջութեանն , և երբ
 վարս հինգ մարտիկս կորուսեալ ՚ի մարտս
 պատերազմաց , զորոց զգինն հատուցանէր
 նմա քաղաքն վասն արութեան քաջու-
 թեան առն : Եւ քանզի սովորեցան հոռ
 մայեցիք Ն՞ր Դ՞ր կոչել զորս միանգամ
 շուք ինչ չունելով զզարմին , անձամբ ան-

ձին նորա ականաւորք լինէին, ուստի և զայս անուն կարդացեալ և Կատողին, ասէր ինքնին Կատողն՝ Եթէ թէպէտ և նոր է ըստ աւագութեանցն և ըստ փառացն, սակայն ըստ արութեանց քաջութեանց և առաքինութեան նախնեացն՝ վաղնջուց յոյժ է :

Բայց կոչէր նա յառաջն երրորդ անուամբ՝ ոչ Կատողն, այլ Պրիսքոս 1, և ապա մականուն զուշիմութեանն ընկալաւ նա՝ զԳաբուշէ : Քանզի Հռովմայեցիք զայր փորձ և զհմուտ անուանեն Գաբուս : Եւ էր նա ՚ի դէմս կերպարանացն շառագոյն և խաժակն . ըստ որում զայս յայտ առնէ պրն, որ թշնամութեամբ քերթեաց նմա զվերտառիկն զայն, ասելով, Եթէ « Չշառագոյնն զայն, զխածանողն, զխաժակնն, և ոչ ՚ի մահուն արդեօք, զՊրիսքոսն՝ ՚ի Դժոխս ներքինս Պերսեփոնէ առեալ ժուղվեսցէ » : Առ այս և զըոյս մարմնոյն՝ աչխատութեամբն և ժուժկալութեամբն և անգստին յառաջին տիոց սննդակից զինուորութեան կարգօքն՝ յոյժ աւոյդ յարգարեաց նա և կորովի և քաջաւորջ : Այլ զճարտարախօսութիւն համարեալ իբրու երկրորդ մարմին և գործարան գեղեցիկ և կարեոր այնմ՝ որ ոչն կեանս հանդերձեալ իցէ վարել անաւագ և անգործ, մարդէր զանձն ՚ի նմա՝ փաստաբան եղեալ մերթ ընդ մերթ ՚ի գիւղս գաւառին և յաւանսն՝ որոց միանգամ պէտք ինչ էին . և այնպէս նախ իբրև պայքարող քաջ համբաւեցաւ

նա, և ապա յետ այնորիկ իբրև ատենաբան քաջուշիմ :

Այլ կենակիցք նորա համօրէն 'ի վերայ կային նորա բուսոյ բարուցն ծանրութեան և ուշիմութեան, քաջադէպ 'ի նահատակութիւնս մեծամեծս և յառաջնորդութիւն իրաց մեծաց քաղաքի : Քանզի ոչ միայն վարձս չառնոյր նա զաշխատութեանն 'ի պայքարսն, այլ և ոչ մեծ ինչ համարէր և խնդայր ընդ փառսն որ յայսպիսեաց պայքարաց . և հռչակաւոր ևս՝ թեկն ածեալ՝ լինել 'ի մարտս և 'ի նահատակութիւնս, նա լի 'ի սպիտ վերաց ունէր զիւր մարմինն ողջոյն յառաջոյ կողմանէն՝ մինչդեռ տակաւին պատանեակն էր . և ասէր՝ ամաց եօթանց և տասանց առաջին խաղալ նմա 'ի մարտ՝ յորժամ Աննիբաղ նահատակեալ 'ի սուր 'ի հուր դատէր զյտալիտա Բայց 'ի կռուին երևէր նա կորովի 'ի բազուկս և անդրդուելի յոտս և ահրնկէց 'ի դէմն և գոռայր սպառնալիս և ուժգնակի արձակէր ձայն ընդդէմ թշնամեաց . քաջ զմտաւ ածեալ և ուսուցեալ ևս՝ եթէ է բազուամ անգամ զի քան 'ի սուսերաց՝ յայսպիսեաց աստի առաւել զահի հարեալ կան ակոյեանք : Իսկ 'ի չուն խաղայր գնայր նա ինքնին բարձեալ զզէնսն . և սպասաւոր մի զհետ իւր ընթացուցանէր՝ բարձեալ 'ի նա զպարէնս կերակրոյն . ըստ որում և երբէք՝ որպէս ասեն՝ ոչ զայրացաւ, և ոչ կշտամբեաց՝ զիտրդ և կազմէր նա նմա զձաշն և զընթրիսն . նա և 'ի պարսպել իւրում 'ի

զինուորականէն՝ ինքնին գործակից նմա
սպարաստէր զերսն բազմագոյն մասամբ :
'Ի բանակին՝ միայն ջրըմբու էր . խակ 'ի
սաստիկ ծարաւոյն տանջել, ինգրէր քա-
ջախ . կամ թէ 'ի վատել յուժոյն՝ առ-
նոյր սակաւիկ մի և գինի :

Մօտ անդ յագարակս նորա էր ամա-
րանոց Մարկիոսի Կուրիոսի, այն՝ որ յազ-
թանակ կանգնեաց երկոցս : Անգանօր ճեմ
առեալ ստէպ գնայր Կատովն, և դէտակն
կալեալ հայեր 'ի փոքրիկութիւն կալուա-
ծոյն և 'ի տուն նորա այնպէս անսպաճոյճ,
յորմէ և խելամուտ ևս լինէր քաջալաւու-
թեան առն . որ հռոմայեցւոյն բնակից
վէհագոյն և ընդ լծով ազգս նուաճեալ
քաջամարտիկս և զՊիւռոս ինքնին վանեալ
յաաալիոյ, եկեալ ասպա ինքնին իւրովք
ձեռքն մշակէր զկալուած իւր փոքրիկ . և
յետ զյաղթանակսն տանելոյ՝ յայն տաղաւ-
ար օթագայեր . և 'ի նմին դարձեալ դես-
պանք Սաննիտացւոց գտանէին զնա նստեալ
մերձ վառարանին և եփել շողգամս . և 'ի
մատուցանել նմա ոսկի շատ, նա չառնոյր
յանձն . և ասէր ևս՝ ոսկւոյ սէտս ամենևին
չունել մարդոյ՝ որում այն ճաշ շատ իցէ .
և թէ՛ նա զէղեցիկ ևս համարի՝ քան զստա-
նալ ոսկւոյ՝ յաղթել ստացողացն նորա :
Յայտոսիկ մտախոհ՝ Կատովն դառնայր
գայր . և զիւր տունն յակն արկեալ և զկա-
լուածսն և զծառայան և զօրինակ կենացն,
առաւել ևս տքնէր 'ի վաստակս, և զբազ-
մահանդերձ զծախան նուազեցուցանէր :

Իսկ 'ի ժամանակին՝ յորում՝ Փարիսոս Մաքսիմոս առնոյր զՏարանտացւոց քաղաքն, Կատոլիկն պատանեակ՝ 'ի զինուորութեան կայր նորա . անդանօր Հիւր երբեմն եղեալ նորա 'նէարքոսի ուրումն Պիւթագորեան՝ ունկն զնէր բանից նորա . և լուեալ 'ի նմանէ խմաստասիրել զնոյն բանսն, զոր և ինքնին Պղատոն ասէր, կոչեալ զՀեշտութիւնն՝ հրապոյրս սաստիկ 'ի չարանդր, և կոչէր ևս զմարմինն՝ առաջին աղէտս հոգւոյն, յորմէ մաքրեալ ազատանայ հոգին խորհրդովք՝ որք անշատիչքն իցեն 'ի կրից մարմնոյ . յայնժամ Կատոլիկն սաստիկ ևս հարաւ 'ի սէր գեղեցիկ անտեսութեան և ժուժկալութեանն : Սակայն ասեն՝ անագան ուրեմն պարապել Կատոլիկ 'ի դպրութիւնս Հելլենացիս . և անցեալ ևս էր զաւուրբք՝ յորժամ բուռն եհարնա 'ի մատեանս նոցա, և շահ մեծապէս առթեաց անձին 'ի ճարտարաբանութենէն Թուկիդիդեայ, և առաւել ևս 'ի Դեմոթենեայ : Եւ արդեօք մատենագրութիւնք նորա լի և զեղուն են զըուցիւք և պատմութեամբք Հելլենացւոց . և յառակաց նորա և յառածիցն բազում այն են՝ որ թարգմանեալ իսկ են ըստ բառին :

Չայնու ժամանակաւ էր այր ոմն քաջատոհմիկ յոյժ 'ի Հռոմայեցիս և աւազամեծար : Սա այր կորովամիտ՝ իսկամուտ էր դեռաբուսիկ առաքինութեանն և քաջամոյն բարոյիւքն բուժանէր զայն, և 'ի փառս ևս յառաջադէմ առնոյր ածէր :

Եւ էր սա Վաղերիոս Փղակկոս : Ինն սո-
րա արարք սահմանակիցք Կատովնին .
լուեալ սա յընտանեկացն զվատտակ ձե-
ռին նորա և զքաղաքավարութիւն կենացն՝
զարմանայր , զխարդ նա վաղ քաջ ընդ-
առաւօտն յարուցեալ էր թայր ՚ի հրապա-
րակ անդր ձեռն տալ կարօտելոցն . և ապա
դարձեալ յադարակն՝ վատտակէր ՚ի միա-
օին ընդ ընտանեացն՝ կողոբ արկեալ զան-
ձամբ ձմերանի , խակ մերկ՝ ամարայնի . և ՚ի
միասին ընդ նոսա նստել և ուտել զնոյն
հաց և ըմբել զնոյն գինի . և լուեալ ևս էր
՚ի նոցանէ զնորա մարդասիրութենէն և
զչափաւորութենէն , և ինչ ինչ ևս ՚ի հան-
ճարեղ զրուցացն . ապա հրաւիրէ Վաղե-
րիոս զԿատովն յընթրիս : Անդ անօր կենա-
կից գոլով նմա , և քաջիկ ևս ՚ի վերայ կա-
ցեալ հեզ և մարդասէր բարոյից նորա ,
իբրև տունկ գոլով նա նորատունկ՝ որում
ժշակութեան պէտք իցեն և քաջաբեր
գեանոյ , յորդոր ՚ի ներքս տայր նմա յառ-
նել գնալ ՚ի Հռոմ քաղաք և ձեռնամուխ
՚ի գործս լինել :

Իբրև չոքաւ նա ՚ի Հռոմ , անդէն ՚ի
ձեռն գործակցացն գտանէր իւր թիկնա-
ծուս և բարեկամս . և ՚ի Վաղերիոսէ դար-
ձեալ շուք յաւելեալ նմա և աւագութիւն ,
առաջին կարգեալ ընտրեցաւ հազարա-
պետ զօրականին , ապա գանձաւոր , ապա
ականաւոր ևս եղեալ ՚ի միասին ընդ Վա-
ղերիոսի մեծաց հասանէր աւագութեանց ,
և ընդ նմա լինէր հիւպատոս , և ապա հա-

մարակալ = Այլ 'ի մէջ ծերունեացն քա-
ղաքին 'ի Փաբիոս Մաքսիմոս նա գլխովին
հակամիտեալ՝ այր մեծափառ և աւագ ա-
ռուէլ, և զնա եղեալ իւր կէտ նալատա-
կի՝ հանգունատիպ նորայն լինէր վարուցն
և կենացն՝ իբրև արդարև ամենագեղեցիկ
օրինակաց = Եւ վասն այսորիկ ներհակա-
բար բերեալ լինէր նա մեծին Սկիպիոնի,
որ յայնժամ երիտասարդ՝ թուէր իմն 'ի
նախանձաւոր իրիցն քահանապետ ելանել
աւագութեանն Փաբիոսի = Ապա առա-
քեալ Կատովն ընդ Սկիպիոնի գանձաւոր
'ի մարտն Ալեքիոյ, և տեսեալ զնորա զանխը-
նայարար բաշխ դրամոց զօրականին, եկաց
և ազատադէմ խօսէր. եթէ ոչ վասն ա-
ռուէլազանց ծախուցն փոյթ այնչափ իցէ
նմա, որչափ զի դովին աւագիկ վատ-
թարեալ եղծանի հայրենաւանդ չափաւո-
րութիւն կենաց զօրականին, որ յաւելորդ
գոյիցն 'ի գրգանս փափկութեան անկղի-
տասցի = Պատասխանի առնէր Սկիպիոն,
եթէ այնպէս կարի ճշգրիտ գանձաւորի
չէն ինձ պէտք՝ որ առագաստալից խաղամ
'ի մարտ պատերազմին, համար տալ քա-
ղաքին ոչ զգրամոցն՝ այլ զգործոց նահա-
տակութեանն = Իբրև նա զայս ասաց, Կա-
տովն դարձ 'ի Սիկիլիոյ արարեալ 'ի հռոմ՝
բողոք կալաւ 'ի Սինկղիտոսին 'ի միախին
ընդ Փաբիոսի, եթէ դրամս ամբաւ վատնէ
Սկիպիոն, և մանկաբար գեգերի յրմբչա-
բանս և 'ի թատերս. իբրու որ անդր երթեալ
իցէ ոչ 'ի զօրավարութիւն, այլ 'ի հան-

գէսս տօնից : Ապա արձակեցան 'ի Սիկիլիա
 Ժողովրդապետք առնուլ ածել զնա 'ի
 Հռոմ, եթէ Ճշմարիտ դոյցեն զամբաստա-
 նութիւնսն : Այլ Սկիպիոն յայտ արա-
 բեալ, զի յաղթութիւնն գլխովին 'ի մե-
 ծաց հանդերձանաց կատարեսցի մարտին .
 և զի՝ նա ընդ բարեկամացն թէպէտ և զբու-
 նուցու ևս պարապեալ ոչինչ պղերգացեալ
 կայ առատաձեռնութեամբն 'ի գործան
 կարևորս և 'ի մեծամեծան . խօսեցաւ և
 ամբարձեալ 'ի նաւ խաղայր 'ի մարտ պա-
 տերազմին :

Բայց Կատովն երթալով երթայր և բար-
 դաւաճէր 'ի պատճառս ճարտարաբանու-
 թեանն, զի և բազումք անուն նմա կար-
 դային՝ Դեմոսթենէս Հռոմայեցի : Իսկ որ
 առաւել համբաւէր զայրն՝ օրինակ քաղա-
 քավարութեան կենաց նորա : Քանզի ճար-
 տարախօսութեան ըղձացեալ պատանիք
 առհասարակ 'ի Ժամանակին, մի զմիով
 ելևելս առնէին . այլ դուն ուրէք դք յանձն
 առնոյր մշակել ինքնին զիւր անդն ըստ
 հայրենի սովորութեանն, և ընթրիս առ-
 նուլ գուղնաքեայ, և ճաշ ոչ եռաց : ալ
 'ի հուր, և հանդերձ արկանել անպաճոյճ,
 և տուն ունել գուհիկ, և քան զաւելա-
 ստացութիւնն՝ մեծ ևս համարել զհրա-
 ժեշտն յայնմանէ : Քանզի 'ի բարգաւա-
 ճել յայնժամ քաղաքին՝ խրթնացաւ և
 'ի բնակաւոր սրբութեանն . նա՝ 'ի ձգել
 տարածել տէրութեանն 'ի բազում ինչ
 իրս և 'ի վերայ ազգաց ազգաց, խառնեցաւ

նա 'ի բազմադիմակ սովորութեանց և 'ի քաղաքավարութեանց դունակ գունակ :
 Ուստի և իրաւասպէս սքանչացաւ Կատովն . յորժամ այլք վատեցան 'ի վաստակս և փափկացան 'ի գրգանս, նա յերկոսին միանգամայն անսլարտելի մնաց . ոչ միայն 'ի պատուասէր պատանութեանն՝ այլ և յորժամ ծեր էր ալևոր, յետ հիւպատեան բարձին և յետ յաղթանակին փառաց . զոր օրինակ ըմբիշ յաղթանակաբէր, որ միանգամ նահատակեալ՝ տակաւին 'ի նոյն կարգ կրթանացն յաւերժացի, և նոյնօրինակ զամենայն աւուրս կենացն կացցէ մնացէ : Քանզի և ինքնին Կատովն պատմէ, եթէ հանդերձ չարկաւերբէք աւելի քան զգրամակչոց հարկւրոց . և 'ի զօրավարութեանն և 'ի հիւպատուութեանն զնոյն գինի ըմպէր զգործաւորացն . իսկ թէ երեսուն գրամոց պատրաստէր սպաս 'ի հրապարակէն վասն ընթրեացն, վասն քաղաքին առնէր՝ կորովացուցանել զմարմինն 'ի վաստակս զինուորութեանն : Առ այս՝ և պատմէ եթէ ժառանգութեամբ հասեալ նմա վերարկու բարեւացի երփն երփն նկարէն, առեալ վաճառեաց զայն . և ամարանոց չունել նմա բռեալ . և սորուկ նա ոչ գնեաց գրամակչոց աւելի քան հազարաց և հինգհարիւրոց՝ և ոչ գիրգս խնդրեաց զնոսս և գեղեցիկս՝ այլ ժիրս և կորովիս, իբրուորում պէտք իցեն ձիադարման որերոյն և խաշնադարման . իսկ 'ի ծերանալ նոցա,

լաւ համարէր վաճառել զնոսա և ոչ բու-
 ծանկել զանպէտան: Եւ ասէր ևս՝ դիւրագնի
 և ոչ զմի ինչ յաւելորդացն համարել, այլ
 ծանրագնի՝ թէպէտ և միոյ դրամոյ իցէ
 այն. և թէ՛ լաւ ևս է դեափն առնուլ սեր-
 մանական և արօտական, քան վայրս ջրա-
 էտս և պաղպաջունս: Այլ կէսք ճղճիմ
 բարոյից առն տան զայսոսիկ. և կէսք դար-
 ձեալ եթէ առ ՚ի չափու պահել զայլս՝
 այնպէս ինքն ճշդելով գնայր:

Իսկ յաղադս ծառայեցուցանելոյ զժա-
 ոայնն՝ իբրու գրաստս ոմանս և պաճարս,
 և ՚ի բաց հանելոյ և ՚ի վաճառ հանելոյ
 ՚ի ծերանալ նոցա, ինձ թուի յոյժ վատ-
 թար սովորութիւնդ և անաւագ. և գործ
 առն՝ որ ՚ի պէտս կարեաց միայն կարծեսցէ
 մարդոյ ընդ մարդոյ հաղորդ լինել: Այլ
 ես՝ քան զարդարութեանն ընդարձակ ևս
 ասպարէզ գիտեմ զմարդասիրութեանն.
 քանզի զօրէնս և զիրաւունս միայն առ մար-
 գիկ վարեմք, այլ է զի և ՚ի վերայ անբա-
 նից պաճարաց տարածեմք մէք բարիս և
 շնորհս բղխեալ ՚ի հեզութենէս մերմէ՝
 իբրև ՚ի բազմահարուստն աղբերէ: Եւ
 արդեօք քաջ ՚ի գէպ է առն բարւոյ դար-
 մանկել զերիվարսն վատեալնս յաշխատու-
 թիւնս, և զանց դարձեալ ոչ զկորիւնս
 միայն՝ այլ և զճերացեալնս: Իսկ ժողովուրդ
 Աթենացոց ՚ի շինել զԵկատոմպեդոն,
 ազատ արձակեաց յարօտ առատ զջորիսն
 վաստակաբեկս. իսկ մին ՚ի ջորեաց անտի՝
 ասեն՝ վազեալ ինքնին յաշխատութիւն

ընթացայր 'ի միասին ընդ այլոց լծածիդ ջորեացն՝ որ ձգէին զայլան 'ի դղեակ անդր, և յառաջոյ կարապետեալ նոցա, իբրու խրախոյս կարդայր նոցա . ուստի և Աթե նացիք վճիռ տային՝ բուծանել զայն ջորի ցմահ 'ի հասարակաց դրամոց: Առ այս՝ և մերձ շիրմին Կիմոնի են և դերեզմանք մատակ երկվարաց նորա, որովք յաղթական գտաւ նա յՈղիւմսիականսն: Եւ յայտնի՝ բազումք ևս թաղումն ետուն իւրեանց շանց բուծելոց և ընդելացելոց . և առ այսոսիկ՝ նախնին այն Քսանթիսպոս, որ առ նաւուն 'ի լիւզ անկելոյ շանն մինչև 'ի Սաղամինէ՝ 'ի Լքանէլ Աթենացւոց զքաղաքն, ետ նմա թաղումն ընդ հողով 'ի հրուանդանին, որում և ցայսօր անուն կարդան՝ Շիբի՛ Շան:

Քանզի և արժան չէ արդեօք զնչաւորան վարել ըստ օրինակի կօչկաց ոմանց և սպասուց անօթոց, զոր 'ի բաց ձգեմք 'ի խորտակելն և 'ի հնանալն և 'ի մաշելն. այլ թէպէտ և ոչ յայլինչ՝ գոնեա 'ի կրթանս մարդասիրութեան՝ հեղ և համբոյր սովորել արժան է և առ ազգդ սլաճարաց: Բայց ես առանձին՝ և ոչ զմի յանդէոցս վաստակաւորաց 'ի վաճառ հանեմ 'ի շահուն սակս, թող թէ զմի 'ի ծառայիցն ծերացելոց յաղաքս որ անտի դուզնաբեայ շահուն, տարադէմ՝ զնա արձակելով իբրև 'ի հայրենեացն՝ 'ի բնականունդ յարկէն և 'ի բնակակից քաղաքավարութենէն . նա զի և անսխտան արդեօք իցէ նա ստացողին,

ըստ որում և վաճառողին : Այլ Կատովն իբրու պանծալով ասէր, եթէ ելիք եթող նա յԻբերիա և զերիվարն՝ զոր վարեաց ՚ի զինուորութեան հիւպատոս դոլով, զի մի քաղաքին ծանրասցի նաւալարձն նորա Արդ թէ մեծանձնութեան արդեօք այդոքիկ իցեն կամ ճղճիմ բարոյից, այր այր ինքնին խեղամուտ լինիցի :

Սակայն ՚ի բաց թողեալ զայս՝ յոյժ սքանչելի էր նա ՚ի անտեսութեան իւրում, չառնոյր ՚ի զօրավարութեանն վասն իւր և վասն իւրոցն աւելի քան զերիա դրիւս Ատտիկէցիս զցորենոյ՝ ամսոյ յամիս, և առնոյր պակաս քան զմի և կէս զգարւոյ յաւուրն վասն դրաստուցն : Իսկ իբրև զՍարգոնեայ զէպարքոսութիւնն զանձամբ առնոյր, յորում իւրն նախորդ զօրավարք վրանս կալան ՚ի հասարակաց դրամոց, և մահիճն անկողնոց և պատմուճանս, և սպասարկութիւն մեծ, և բազմութիւն ըզբարեկամաց, և ծանրանալ ՚ի ծախս մեծահաց ընթրեացն և ՚ի հանդերձանան, սա այս Կատովն տարբերութիւն անպատում գործեաց սակաւապէտ չափաւորութեն. զի և ոչ վասն ինչ իրաց պէտք եղեն նմա հասարակաց ընչից. և ՚ի գնալն ՚ի քաղաքս՝ ոչ ՚ի կառս այլ հետի ընթանայր. զհետ իւր առեալ զմի յարքունի պաշտօնէիցն՝ բերել զհանդերձ նորա, և անօթ մի ՚ի ձօն նուիրապործութեան :

Եւ այսպէս ասպա հեշտ և բաղձալի և անպաճոյճ ընծայէր յայտոսիկ հնազան-

դէլոց իւրոց . սակայն պէրձ՝ կերպարան և անաչառ և անողոքելի 'ի դէմն բերէր յիրս արգարութեան, և խստամբեր և անդրդոուելի 'ի կատարումն հրամանաց . որպէս զի և զհռոմայեցւոցն իշխանութիւն ո՛չ անհրնկէց յոյժ առագրէր ժողովրդոց և ո՛չ յոյժ վարելի : Հանգունատիպ այամ և զրոյցն՝ միանգամայն և հէշարնկալ և ծանր, քաղցր և սաստիկ, զուարճաբան և հանձարաւոր, առակաբան և պայքարող . ըստ որում վասն Սոկրատայ ասէ Պլատոն, եթէ որում ումէք պատահէր՝ 'ի վերին երեսս շինականագոյն երևէր նա և երգիծաբան և թշնամանադիր . բայց 'ի ներքոյ լի էր նա հանձարով և բանիւք՝ որ յատասուս հատանէր զգտելիսն և գորովէր զսիրոս : Վասն որոյ և չգիտեմ՝ ուստի արդեօք շարժեալ կէսք ասացին զՎատովնին ոճ՝ բանին՝ յոյժ հանգունատիպ լիսիայն : Սակայն վասն այսորիկ դատեսցեն՝ որք համօրէն և ոճով 'ի վերայ կացեալ իցեն հռովմայեցւոց բարբառոյն : Իսկ մէք որ համարիմքս՝ քան 'ի դիտակէ կերպարանաց՝ (որպէս կէսք կարծեն) առաւել 'ի բանիցն յայանէլ բուսոյ բարուց մարդկան, առաջի արկցուք սղագունիւք՝ 'ի նորայն բանիցն՝ զոր պատմեն :

Իբրև էր երբեմն 'ի բաց զհռոմայեցւոց խուժանն քեցել 'ի բաշխից ցորենոյ, զոր փութոյ սնդութեամբ 'ի տարաժամու խնդրէր խուժանն, սա այս Վատովն սկիզբն ասենաբանութեանն առնէր այս .

պէս . “ Դժնդակ է արդեօք ո՞վ քաղաքացիք խօսել առ որովայնն՝ որոյ չիք ականջք” :
 Իսկ և յայլում նուազի կշտամբեալ զծայրայեղ զծախան , ասէր . գործ դժուարին է պահել զքաղաքն՝ յորում առաւել ծանրագնի վաճառի ձուկն մի՛քան եղն միս :
 Ասաց դարձեալ Հռոմայեցիք նմանօրինակ խաչին են . քանզի զոր օրինակ առանձինն չիք ածել զնա , այլ տաւաղեալք հորդան տան նոքա զհետ առաջնորդին , “ Սապէս՝ ասէր՝ և դուք ինքնին միախումբ ածեալ բերիք ՚ի խորհրդականացդ . որոց ոչինչ արդեօք անսայիք խորհրդոցն՝ առանձինն” : Իսկ երբեմն ՚ի պայքար մտեալ նա վասն իշխանութեանն՝ զորոյ թեկն ածէին կանայք , ասէր . “ Արք առ հասարակ իշխեն կանանց , մէք ամենայն արանց , և կանայք մեզ գլխովին : “ Այլ է դա յառածիցն Թեմիատոկդեայ , որ ՚ի տալ նմա որդւոյն առնել շատ ինչ միջնորդաւ մօրն , “ Ո՞վ կին դու , ասէր , Աթենացիք աւադիկ իշխեն Հելլենացւոց . ես ինքն Աթենացւոց . դու՝ ինձ գլխովին . և քեզ որդին . այլ դա վերջացեալ իցէ յիշխանութենէն , որով անխորհրդաբար տարասպայման տիրանայ Հելլենացւոց” :

Եւ ասէր դարձեալ Կատուին . Եթէ ժողովուրդ Հռոմայեցւոց ո՞չ միայն ծիրանեաց գին հատեալ յարգէ , այլ և վարժիցն ուսմանց : “ Քանզի զոր օրինակ՝ ասէր՝ ներկարարք զառաւել հեշտալին ներկանէն , սասպէս և պատանիք ուսանին՝ զմիմեամբք

ելեալ յառաւել դովանիան առ ձեզ " :
 Ապա յորդորակ 'ի ներքս տայր Հռոմայե-
 ցոց, զի թէ առաքինութեամբ և ժուժկա-
 լութեամբ այնպէս բարձրացան նոքա , մի
 սպա վատթարեալք բերցին 'ի յոռե-
 դոյնան . ապա եթէ անժուժկալութեամբ
 և մոլութեամբ եղծան , փոփոխեսցին 'ի
 լաւագոյնան . քանզի և շատ խկ նոքօք
 մինչև ցայնժամ բարգաւաճեցան նոքա :
 Իսկ վասն որոց ստեպ թեկն ածէին զհիւ-
 սրատոսական բարձին , ասէր . եթէ են խկ
 դոքա նման որերոյն , որ ճանապարհին ան-
 տեղեակք գոլով խնդրեսցեն միշտ յառա-
 ջոյ դաւազանակիրս՝ զի մի յանկարծ մո-
 լորեսցին : Բայց կշտամբելով և զբաղաբա-
 ցիան , զի յաճախ զաւագութիւնն զայն
 զմեծ 'ի ձեռս տային նոցուն արանցն ,
 ասէր . " Թուի թէ կամ շատ ինչ ար-
 ժանաւոր չհամարիք զբարձգ զայդ , կամ
 թէ կարծէք չլինել շատից արժանաւորաց
 բարձիդ այդմիկ " : Իսկ խօսելով նա երբեմն
 և վասն միոյ ուրուք 'ի թշնամեացն , որ ա-
 նարգաբար վարէր կեանս , ասէր . " Մայր
 դորա անէծս արդեօք համարի և ոչ օրհ-
 նութիւն , թողուլ զգա յետ մահուն 'ի
 վերայ երկրի " : Այլ և երբեմն մատնա-
 նիշ ցուցեալ զայր ոք՝ որ վաճառեաց զանդ-
 իւր առ ծովեղերքն՝ ժառանգութի յայրե-
 նի , հիացեալ ընդ այրն՝ իբրու որ զօրաւո-
 րագոյն ևս իցէ քան զծով , ասէր . " Քանզի
 զոր ծովդ ինքնին դժուարաւ կարէր ողո-
 զել , դա աւագիկ հեշտին եկուլ ծախեաց " :

Իսկ յորժամ Եւմենէս արքայ եկեալ
 'ի Հռոմ քաղաք հիւրընկալութիւն մե-
 ծապէս դասներ 'ի Սինկլիտոսէն, և այր
 զարամբ ուղի հորդէին նմա ճոխք քաղա-
 քին, անդուստ Կոտոփն ընդ ակամբ հայէր
 և խորչէր. իբրև ասացին, " Այլ դա թագա-
 ւոր բարի է և Հռովմէասէր, " ետ պատաս-
 խանի. " Այդպէս իցէ արդեօք. սակայն
 այր թագաւոր գազան շողղակեր է. և
 չիք ոք արդեօք յերջանկաւէտ արքայից՝ որ
 զուգակչիւ Եպամփնոնդեայ իցէ, և Պե-
 րիկլէայ, և Թեմիստոկլէայ, կամ Մար-
 կոսի Կուրթոսի, կամ Ամիլիէայ՝ մակա-
 նուանեալն Բարկայ, ,, : Եւ ասէր նա՝ նա
 խանձել ընդ նա թշնամեացն իւրոց, զի
 զամենայն գիշերն յառնէր նա 'ի հասարա-
 կաց դործն՝ անփոյթ զառանձնականօքն
 արարեալ. և զի՝ կամէր մանաւանդ 'ի բա-
 րեգործել իւրում ոչ ունել նմա շնորհս,
 քան 'ի չարագործելն՝ անպատուհաս ար-
 ձակիլ. և զի՝ ներէր յանցանաց առհասա-
 ռակ ամենեցուն՝ բայց յիւրայնոցն : Իսկ
 իբրև երբեմն գեսպանս երիս ընտրեցին
 Հռոմայեցիք առաքել 'ի Բիթիւնիա, յո-
 րոց մին ոսնառու թեամբ տանջէր, և միւսն
 'ի ծակելոյ և 'ի հատածէն՝ խոռ ունէր ըզ-
 գլուխն, իսկ երրորդն 'ի մորոսաց ոմն
 երևէր, Կատոփն 'ի ժամուն ծիծաղեալ
 ասէր. Հռովմայեցիք աւագիկ հրեշտա-
 կու թիւն մի առաքեն, որում ոչ ոտք են և
 ոչ գլուխ և ոչ սիրտ :

Իսկ յորժամ Սկիպիոն 'ի շնորհս Պո-

զիւբեայ միջնորդ լինէր վասն Աքայեցւոցն վտարանդեւոց, և սայքար մեծ էր 'ի Սինկղիստոսին, և էւսք ասէին դարձուցանել զվտարանդեւան, և ևէսք դարձեալ ընդդէմ դառնային, յոսն եկաց Կատոնն և ասէ. « Իբրու եթէ մեր չունելով ինչ գործ՝ նստիմք աւադիկ զօրն ողջոյն սայքարեալ վասն ծերացելոցդ այդոցիկ Յունաց, եթէ արդեօք մեզ ինքնին հասանիցէ յուղարկել զգոսա 'ի գերեզման, եթէ մեռելաբարձիցն Աքայիոյ «: Իբրև վճիռ տուաւ դարձին նոցա, յետ ոչ բազում ինչ աւուրց Պողիւբիոս ինքնին 'ի վտարանդեւոց անտի, գուն գործէր միւսանգամ մտանել 'ի Սինկղիստոսն, և վտարանդեւոցն ունել անդրէն զառաջին պատիւն. և հարցեալ վասն այսորիկ խորհուրդ 'ի Կատոնէ՝ ժպտեցաւ Կատոնն և ասէր. Պողիւբիոս ինդրէ իբրու զՍղիւսեւան անդրէն մտանել 'ի քարայր անդր Կիւղովսայ, իբրու զարտախուրակն և զկամարն անդանօր մտնացեալ իցէ:

Եւ ասէր դարձեալ Կատոնն, եթէ քան յիմասանոց անմիտք՝ իմաստունք առաւել օգտին յանմտաց. քանզի սոքա զգուշանան անձանց 'ի խակութեանց նոցա. իսկ նոքա ճնմանին ուղղութեանց սոցա: Իսկ 'ի պատանեկաց ասէր նա, առաւել սիրել զօրս շառագնինն, քան որք դեղնին: Եւ ասէր դարձեալ՝ չեն նմա պէտք զօրս կանի որ զբազուկան շարժեսցէ 'ի չուէլ իւրում, և զոսա՝ 'ի կռուել իւրում. և որ

աստիկ ևս խորդասցէ 'ի քուն, քան որ
 դռասցի 'ի դռին: Էր երբեմն՝ և այլա-
 նեալ զայր ոմն յոյր յոյժ, ասէր. « Յի՛նչ
 իրս օգտակար քաղաքին եղիցի մարմին այդ-
 պիտի, յորում ողջոյն որ ընդ որկորն և
 որ ընդ երանսն՝ գրաւեալ կայ յորովայ-
 նէն «: Իսկ այր ոմն հեշտասէր կամեցեալ
 ընտանի լինել նմա, նա օտարանայր ասե-
 լով. Չէ մարթ բնակել նմա ընդ մարդոյ՝
 որոյ քիմք ազդողագոյն իցեն քան զսիրտն:
 Եւ ասէր նա դարձեալ. Հոգի սիրողին
 կեայ 'ի մարմին օտարին. և [Թէ՛] Չամե-
 նայն աւուրս կենաց իւրոց ասրաշաւեալ է
 վասն երկց ինչ միայն. մի՛ զի զԾածուկս
 դաղտնեաց հաւատաց կնոջն. և միւս ևս՝
 զի նաւագնաց եղև, յորժամ մարթէր ընդ
 ցամաք գնալ. և երբորդ՝ զի օր մի անցոյց
 անգործ :

Իսկ ծերոյ ումեմն՝ որ վատթար կեայր,
 ասէ «. Ա՛յր դու, ծերու[թիւնն ինքնին շատ
 ինչ աւագիկ ունի 'ի յոռեաց. մի՛ դու և
 ևս յոռեցուսցես զգա չարու[թեամբ] «: Դարձեալ
 և առ ժողովրդասպետ մի՛ զորմէ
 կասկածէին դեղատուութիւն գործեալ,
 և որ փութոյ անգութեամբ օրէնս չարա-
 չար առաջի առնէր, ասէր. Ո՛վ սպասա-
 նեակ դու, չքիտեմ՝ ո՞ր այն վատթար ևս
 իցէ. ըմբել՝ զոր խառնես, ե[թէ] վաւերա-
 կան գործել՝ զոր գրես «: Եւ յիշոցս ա-
 ռեալ երբեմն 'ի մարդոյ՝ որ խառնակեցիկ
 վարէր կեանս, ասէր. « Անհաւատար է
 որ ընդ մեզ սատերազմ. զի դու հեշտին

լսես նախատինս, և մտադիւր ասես նախատինս. իսկ ես ո՛չ ասել ատորժեմ, և ո՛չ լսել սովորեմ: Արդ այսպիսի ինչ էն հանդէսք բանիցն Կատովնի՛ զոր պատմեն:

Իսկ յեա այնորիկ կարգեալ նա հիւպատոս ՚ի միասին ընդ Աղլերիոսի Փղակկոսի իւրում մտերմի, առնոյր զկուսակալու թիւն գաւառին՝ որում անուն կարգան հռոմայեցիք՝ Յայնիոյս Սոանիս: Անգանօր ՚ի նուաձել իւրում զինուք ժողովուրդս բազումս, և շատ ևս՝ ճարտարաբանու թեամբ, բանակ մի ՚ի բարբարոսացն ՚ի վերայ դիմեալ՝ տաղնապէցաւ նա յետս ընկրկիլ: Առաքեաց կոչեաց ՚ի թիկունս զմերձակայ Կեղտիբերացիան. իբրև նոքա ՚ի վարձ խնդրեցին տաղանգս երկերիւր, առհասարակ իրս իմն դժոխումբերելի հռոմայեցւոց համարէին՝ տալ վարձս բարբարոսաց վասն օգնականութեան: Այլ Կատովն ոչինչ դժնդակ ասէր զիրան. զի թէ յաղթեցեն՝ ասէ, հատուցեն ո՛չ յիւրեանց դոյիցն, այլ ՚ի թշնամեացն. ապա եթէ յաղթեցին, այնուհետև չիք՝ ո՛չ հատուցանող դք և ո՛չ պահանջող: Այլ գտաւ նա յաղթական ՚ի մարտին, և այլն ամենայն գեղեցիկ յաջողեցան նմա: Բայց Պողիւբիոս ասէ՝ ՚ի հրամանէ նորա քանդել ՚ի միում աւուր պատուարաց քաղաքացն՝ որ յայս կոյս գետոյն Բեանայ, քաղաքաց բազմաց յոյժ և լցեալ մարտիկ որերով: Իսկ Կատովն ինքնին ասէ, եթէ բազմաթիւ ևս էին քաղաքքն՝ զոր կա-

լաւ , քան զաւուրան՝ զոր գեգերեցաւ նա յԻբերիա . և չեն սարժանք բանքն . քանզի թուով չորեքհարիւր էին քաղաքքն : Եւ թէպէտ և 'ի զինուորութեան յայնմիկ մեծապէս շահեցան զօրականք , 'ի վերայ այսր և լիտր մի արծաթոյ ևս առեալ բաշխեր միում միում 'ի նոցանէ . և ասէր՝ լաւ ևս է բազմաց Հռոմայեցոց դառնալ արծաթով , քան սակաւուց ոմանց՝ ոսկւով : Իսկ վասն անձին վկայէ իսկ ինքն , եթէ ողջոյն յաւարէն կալաւ նա և ոչինչ , բայց զոր եկեր յայնժամ և էարբ : “ Իսկ ես ինքնին՝ ասէ՝ ոչինչ մեղադիր լինիմ որոց յայսպիսեաց աստի ինդրեն շահավաճառ լինել . այլ կամիմ ես մանաւանդ ել և ելա առնել յառաքինութեան ընդ առաքինեացն , քան յընչաւէտութեան՝ ընդ ընչէղիցն , և յարծաթսիրութեան՝ ընդ արծաթասիրացն “ : Եւ այսպէս ասա ոչ զանձն միայն , այլ և զիւրան չեթող մեծանալ յաւարէ անտի : Եւ էին նորա 'ի բանակին ծառայք հինգ մին 'ի նոցանէ Պակկոս անուն գնեալ սաւտանիս երիս 'ի գերւոյն , գիտաց՝ եթէ իրազէկ եղև Կատոն , մինչև յանդիման ելեալ նորա՝ խեղդ առնոյր անձամբ . ասա Կատոն վաճառեալ զսատանիան , զգինան առեալ կուտէր 'ի գանձն արքունի :

Այլ մինչդեռ տակաւին գեգերէր նա 'ի կողմանան Իբերիոյ , անդուստ Սկիպիոն մեծ՝ սատան գեղեցիկ նահատակութեանց նորա փոխանորդել զնա 'ի մրցանան Իբերիայ , հետամուտ եղեալ ընտրեցաւ 'ի

յաջորդ նորա . ուստի և 'ի շտապ տաղնա-
պի փութացաւ խաղալ գնալ առնուլ զիշ-
խանութիւնն 'ի Կատոլիկէ : Բայց Կատոլիկ
առեալ ընդ իւր գունդս հինգ զինուորաց
և այրուծի հինգ հարիւր 'ի կարապետ , վա-
նեալ նուաճէր զԼակենտացիան , և 'ի
ձեռս բերեալ զդասալէք զօրականն զվեց-
հարիւրան , առհասարակ 'ի մահ վարէր .
և անդ հեղնեալ զՍկիպիոն կարեկից հիբա-
ցեւոցն , ասէր . զայսօրինակ ապա բարձրացի
հռոմ՝ յորժամ արք տոհմիկք յառաքի-
նութեան ոչինչ վերջացին քան զվատա-
տոհմիկան . և յորժամ 'ի նմա ել և ելս ա-
րացեն և ժողովրդականք՝ որպիսի որ ինքն
է՝ ընդ քաջազարմիցն և ընդ աւաղացն :
Իսկ իբրև և վճիռ ետ Սինկլիտոսն՝ ինչ մի
'ի կարգաց անտի Կատոլիկի մ' շարժել
Սկիպիոնի , հիբացաւ նա անփառունակ
յառաջնորդութեան անդ իւրում , անցու-
ցեալ անգործ ողջոյն զայն ժամանակ :

Յետ այսորիկ յաղթանակի հանդէս
կատարեալ Կատոլիկի , ոչ ինչ վատացաւ
իբրև զբազումն՝ որք ոչ յառաքինութեան
սակս մրցեալ՝ այլ 'ի փառաց , 'ի ժա-
մանեւն 'ի ծայրն և 'ի հիւպատոսանալն
միանգամ և 'ի յաղթանակելն , մենացեալք
տեղի տան այնուհետև 'ի գործոց քաղա-
քին , և յանգորրու և 'ի գրգութեան ան-
ցուցանեն զնշխարեալ աւուրան . այլ սա
անդուլութեամբ առաքինացաւ . իբրև ար-
դարև որք ձեռնամուխք միանգամ 'ի հա-
սարակաց գործս՝ իբրև 'ի սաստիկ ծարաւոյ

բերեալք իցեն գեղեցիկ փառաց և սատուոյ, մեծաքայլս և անդագոյնս խաղայր 'ի սպասարկութիւնս բարեկամացն և քաղաքայնոցն, և յառաջագէմ միւէր և 'ի փաստարանութիւնս և 'ի նահատակութիւնս զինուորութեան: Եւ թիկունս ևս տայր նա իւրով ջանիւն Տիբերիոսի Սեմպրոնիոսի հիւսարատոսին 'ի խաղալ նորա 'ի Թրակիա և Երասորոս, և նիզակակից երթայր ընդ նմա: Ապա յետ այնորիկ և Ելլադա խաղաց նա իբրև հազարապետ 'ի միասին ընդ Մանեայ Ակիլիոսի ընդգէմ մեծին Անտիոքոսի. այն՝ որ 'ի մեծ արհաւիրս պաշարեաց զՀռոմայեցիս, որպէս և ոչ դք այլ յետ Աննիբաղայ:

Քանզի սա այս Անտիոքոս անդրէն ընդ բռամբ կալեալ վայրիկ մի և ողջոյն զԱսիա, զոր 'ի վաղուց դրաւեալ իսկ էր Նիկանովր Սելևկոս, և շատ յոյժ 'ի մարտիկ ազգաց բարբարոսաց նկուն արարեալ՝ վիքացաւ բարձրացաւ. զի և մինչև ընդ Հռոմայեցւոց մարտ դնել կռուել, իբրու որք միայն բաւական էին 'ի ժամուն 'ի վեգալ ընդ նմա. և ցուցանէր իմն այնպէս՝ իբրև 'ի գեղեցիկ սպասաճառաց մղել ըզմարտն և յազատութիւն իւրեանց զՀելլենացիսն փոխել, որում և ոչ պէտք ինչ էր նոցա. քանզի Հռոմայեցւոց յազատութիւն ինքնիշխանութեան հանեալ իսկ էր զնոսա յայնժամ 'ի ձեռաց Փիլիպպոսի և Մակեդոնացւոց: Ապա Անտիոքոս խաղայր գնայր անդր սաստիկ զօրու, և անդէն ող-

Քոյն Ելլադա յուղեալ ծփեցաւ դիւթեալ
'ի հռետորաց անտի՝ որ գեղեցիկ յուսոյն
արքային թակարթեցին զխուժանն : Այլ
Մանիոս առեալ հրեշտակս արձակէր 'ի
քաղաքս, և Տիտոս Փլամինիոս անշունջ
սանձակոծեալ խաղաղացուցանէր զաղ-
մուկս շփոթիցս՝ որպէս 'ի վարս նորա ար-
ձանագրեալ է . անդուստ և Կատոյն նկուն
առնէր զՎորնթացիան և զՊատրացիս և զԵ-
գիացիս, և շատ ևս ժամանակ եկաց նա
յԱթէնս :

Եւ պատմեն՝ ճառս խօսեալ անդանօր
Կատոյնի Հելլենացի առ Ժողովուրդն՝ 'ի
գովութիւն առեալ զառաքինութիւն ըզ-
ծերունեացն Աթէնացւոց . և մեծապէս
ևս գոհ ցուցեալ զանձն 'ի վերայ քաղա-
քին՝ վասն մեծութեանն և գեղեցկու-
թեանն : Այլ չէ ճշմարիտ . քանզի թարգ-
մանաւ խօսեցաւ նա ընդ Աթէնացիս, ոչ
զի անտեղեակ էր հելլեն բարբառոյն, այլ
զի զսովորոյթ պահեաց զճայրենեացն .
ծիծաղեալ զնոքօք՝ որ հիացեալ իմն էին ընդ
իրս Հելլենացւոցն : Ուստի և Պուստոմիոսի
Ալքինոսի յարձանագրելն երբեմն պատ-
մութիւն 'ի Հելլենականն և 'ի խնդրելն
ներումն, հեգնեալ Կատոյնի ասէր . Ար-
գարև դա ներողութեան արժանի է, եթէ
արդեօք 'ի վճռոյ անտի Ամիիկաթիոնեանցն
ստիպեցաւ առնել այնպէս : Եւ ասէն ևս՝
սքանչանալ Աթէնացւոցն ընդ լակոնա-
բանութիւնն Կատոյնի և ընդ կորովու-
թիւն խմաստիցն . զի զոր նա սղագունիւք

վճարէր, զնոյն թարգմանն բաղմամանուած մերկանայր և երկարս . և համբուն՝ կարծեցին եթէ հելլենացւոցն ՚ի շրթանց վաղեն բանքն, իսկ հռոմայեցւոցն՝ ՚ի սրտէն :

Իսկ իբրև Աստուծոս պատեաց փակեաց զօրօքն զանձուկսն շուրջ զԹերմոպոլիտաւ, և շերտափակ և պատուարափակ ամրացոյց զամուրս անխաբ վայրացն, և անդէն բանակ հարեալ նստաւ յանդորրու, յայնժամ ասլա բնաւ իսկ յուսահատ լինէին հռոմայեցիք վանել զանձուկսն : Բայց Կատոլիկ յուշ ածեալ զսարաղայ շրջանսն՝ զոր անդ երբեմն արարին Պարսիկք, առեալ ընդ իւր հատուած ՚ի զօրուէն՝ անկաւ յուղի գիշերի : Իբրև եկին հասին նոքա ՚ի կատար անդր բարձանցն, ուղեցոյցն որ ՚ի գերւոյն՝ մոլորեալ յուղոյն, յայս կոյս յայն կոյս թափառեալ ընդ դժուարս և ընդ անկոխս, յայնժամ խաղառ սրտաբեկ լինէին զօրականք յահի մեծի ըմբռնեալք . առեալ Կատոլիկ զվիշտ վտանգին՝ հրաման տայր առհասարակ զտեղևունել անշունջ . իսկ ինքն առեալ ընդ իւր զլէւկիոս զոմն Մալլիոս՝ այր յաջողակ ՚ի մագլէլ ՚ի վեր ընդ լերինս, գնայր զուղին զայն մեծապէս վտանդաւ և անձկու թեամբ յանլուսին ՚ի խոր գիշերի՝ ընդ ժանտաձի թենին և ընդ կոթողսն՝ որ ցցուեալք խոչընդակն ևս լինէին և խոչընդոտն ճանապարհին . մինչև հասեալ ժամանեալ ՚ի պողոտայ մի զոր կարծէին իջուցանել ՚ի բանակ անդր թշնամեացն, նշանս առեալ

կանդնէին 'ի ծայրս երևելիս կարկառացն
 Կալլիդրոմեայ . անդուստ ապա դար-
 ձեալք յետս և առեալք զգորականն ա-
 ծին բերին մինչև 'ի նշանն . կալան զՊո-
 ղոտայն , և ընդ այն խաղային 'ի վայր : Իբ-
 րև վայր մի յառաջ խաղացին , կարճատեր
 պողոտայն և եկեալ աւարտէր յանդուճոս
 իմն ահագինս : Ապա անդրէն միւսանդամ
 տագնապեցան և զահի հարեալ դողային ,
 ոչ գիտելով եթէ մօտ իսկ հասեալ իցէ
 նոցա առ թշնամիսն : Իբրև այդն մերկա-
 ցաւ , թուէր այնպէս լսել լինել ձայնից
 աղաղակաց , և արագ արագ յակն իւրեանց
 արկանել և զղակիչ զհելլենացւոցն , և զա-
 ռաջապահս նոցա 'ի ներքոյ ավախայիցն :

Անդանօր ապա բանակեցուցեալ Կա-
 տովնի զգորն՝ հրաման տայր յառաջ մատ-
 չել միայն Փիլոմիացւոցն , զորոց և զփորձ
 գիտէր զհաւատարմութեանն և զնահա-
 տակութեանն : Իբրև նոքա խոնկեցան զնո-
 վաւ , խօսել սկսաւ և ասէ . « Պարտ է ինձ
 զայր մի ձերբակալ կենդանւոյն ունել 'ի
 թշնամեացն , իմանալ՝ ոյք ոմանք իցեն յա-
 ռաջապահեալոքդ , քանի՞նք բազմութիւն
 նոցա , զինչ այն իցէ և յորինուած և կարդ-
 ողջոյն բանակին , և կազմածք՝ որով մեզ
 սպասեալ մնան : Բայց առ 'ի հասանել
 ունել ձեզ զայրդ՝ արագավազ յափշտա-
 կութեան և քաջարութեան պէտք են ըստ
 անդէն առ իւժուցդ օրինակի , յորժամ նո-
 քա թէթեք և յանձնապատանք խոյսա-
 ցին յերկչոտան 'ի գազանաց » : Ասաց Կա-

տուին, և անդէն Փիրսիացիք՝ որպիսիք ԴԸ-
տանն 'ի ժամունն՝ յարուցեալ խուժէին առ
հասարակ ընդ զառ 'ի վայրն 'ի վերայ
յառաջապահիցն. և յեղակարծումն 'ի վե-
րայ անկեալ՝ խռովս հարեալ աստ անդ
վարատեալ ցիր և ցան առնէին. և զայր
ումն 'ի նոցանէն զինու զարդու ձերբակալ
արարեալ՝ ամեալ կացուցանէին առաջի
Կատուինի: 'Ի նմանէն ասպա իրազեկ եղեալ
Կատուինի՝ զի բանակ ողջոյն թշնամեացն
յանձուկսն անդր զտեղի կալեալ նստի
հանդերձ թագաւորան, և յառաջա-
պահք վեցհարիւր են թուով այրընտիր յԵ-
տովզացոց, նա ունչա արարեալ սակաւա-
ձեռն գնդին նոցա և անհոգութեանն,
անդէն առաջին ինքն մերկացեալ զսուրն՝
խաղայր ընդդէմ նոցա 'ի ձայն աւագափո-
ղոցն և մեծ աղաղակաւ: Նոքա տեսեալ
զհռոմայեցիան 'ի վայր դռոյթ 'ի ժայռիցն
տուեալ, զոտս արձակեալ փախչէին 'ի
բուն բանակ անդր, և զնա խռովութեամբ
ընուին: Յայնմ սահու անդուստ և Մանիոս
'ի ներքոյ նեղէր տագնապէր զպատնէչան,
և հարկանէր վանէր զանձուկսն միահա-
մուռ ամենայն զօրութեամբ. ուրանօր և
Անախորոս վիմով հարեալ 'ի բերանն, և
ատամանցն սարսեալ և թափեալ, յան-
հնարին ցաւոցն՝ առեալ ընդ կրունկն զար-
ձուցանէր զերիվարն: Անդ ասպա և ոչ
գունդ մի 'ի զօրաց նորա 'ի դիմի հարաւ
հռոմայեցոցն. այլ թէպէտ և ոչ դաշտ
փախստեան էր անդանօր և ոչ տե-

զի թաքստեան, զի և գթեալք 'ի վայր հո. սէին ընդ ափափայսն և ընդ վախսն և 'ի ճահիճս ճախճախուտս, այնպէս ցիր և ցան ընդ անձուկսն ընդ այնոսիկ և ընդ միմեանս ընդ հարեալք, և յահէ հարուստոցն և երկաթոյ թշնամւոյն վանեալք, 'ի միմեանց հարեալք սատակէին :

Իսկ Վատոլն՝ անդատին իսկ երևեալ անձնագով, և յայնժամ յայտնի ևս պանծայր ընդ գործն՝ իբրու ընդ ելս մեծագործ նահատակութեանն և պերճանայր ընդ մրցանսն ընդ այն և սսէր. եթէ և որք յայնժամ ականատեոք եղեն նահատակութեանն նորա առ 'ի թշնամիսն, քաջ իսկ վկայէին՝ եթէ քան Վատոլն ժողովըրդոց, ժողովուրդք առաւել պարտական կացին Վատոլնի. և թէ՛ ինքնին Մանիոս հիւպատոս դեռ ևս ջերմին 'ի յալթութեանն՝ փարեալ զժերաջերմ Վատոլնի և ժամն հարուստ այնպէս գիրկ ընդ խառն՝ ձայն բարձեալ գոչէր առ խնդին, եթէ ոչ ինքնին և ոչ ժողովուրդք առհասարակ չունին զուգակշիռ չափել մրցանացն Վատոլնի :

Ապա յետ մարտի պատերազմին՝ զնա ինքնին առեալ արձակէին 'ի հռոմ քաղաք՝ աւետարեր իւրոց նահատակութեցն : Նա յաջողակս նաւեալ 'ի Բրենտէսիոն, անախ զմի օր անցանէր 'ի Տարանտոն. և ճանապարհ արարեալ այլ ևս աւուրս չորս՝ եկեալ հասանէր 'ի հռոմ յաւուրն հինգերորդի ելիցն իւրոց 'ի նաւէն, և լինէր

ինքն նախընծայ աւետարտոր յալթութէն: Եւ ընդր յայնժամ քաղաքն ուրախու թեամբ 'ի տօնախմբութիւնս և 'ի նուէրս զոհից, և խնդայր ժողովուրդն 'ի խորհուրդս իմն մեծամեծս, իբրու առհասարակ տիրել ծովու և ցամաքի:

Եւ արդ 'ի պատերազմական մրցանայն Կատուինի՝ այդոքիկ են հոյակապքն: Իսկ ըստ քաղաքական կարգացն յայնժամ թուի թէ ոչ դուղնաքեայ ինչ համարէր նա՝ ամբաստան կալ և հալածիչ արանց չարաց. զոր և արար իսկ առ բազումս 'ի նոցանէ. դարձեալ և գործակից լինէր հալածչացն, և այլոց ևս թելադիր 'ի նոյն. ըստ որում և զՊետիղղիոսն գրգեաց ընդդէմ Սկիպիոնի: Այլ քանզի 'ի մեծ զարմէ էր Սկիպիոն, և բնաւ իսկ յանձնապատան՝ առ ոտս զամբաստանութիւնսն հարկանէր, ոչինչ ուժեալ ընդդէմ նորա՝ եթող և այլ ամբաստան առեալ ընդ իւր յարեալ ընդդէմ Ղեւկիոսի եղբօր նորա, և շատ գրամոց տուգանէր զայրն՝ տալ 'ի գանձ արքունի. որում անձեռնհաս այրն և արգելեալ 'ի բանտի, ապա հազիւ որեմն բողոք կալեալ առ ժողովրդապետսն՝ արձակէր յազատութիւն: Եւ էր երբեմն՝ զի 'ի պատանեկաց ոմն պատուհաս 'ի վերայ ածելով թշնամւոյն հօր իւր վախճանելոյ, ասեն՝ եթէ Կատուին ընդառաջ ելեալ պատանւոյն 'ի հրասպարակին յետ վճռոյ պատուհասին, կալաւ զաջոյն և առէր նմա, եթէ՝ Այդպիսի յուղարկաւ.

բուժեամբ սարտ է զոհել ծնողացն ո՛չ գառինս և ո՛չ ուլս, այլ զարտասուս և ըզգատակնիք արանց թշնամեաց նոցա :

Սակայն և ո՛չ ինքնին Կատողն ՚ի քաղաքականութեանն անբամբաս գտաւ . այլ պատճառս երբէք տուեալ թշնամեացն, ցանգ քարչեցաւ նա ՚ի դատաստան և ՚ի վտանգս սաշարեցաւ՝ ցորչափ և եկեաց Քանզի պատմեն՝ ամբաստանութիւնս կրել նորա դո՛գ յինիցս անգամ . և զվերջին նուագն՝ լեալ նա ամաց ութսուն և վեցից, բարբառել նմա յայնժամ զհռչակելին զայն առած, եթէ « Գժնդակ է՝ որ ՚ի մէջ այլոց մարդկան կեցեալ իցէ, և այլոց առաջի՝ վասն անձին պատասխանի արասցէ » : Այլ և ո՛չ ցայս վայր սահման եգ նա իւրոց միցանացն . այլ ամբաստան եկաց նա և վասն Սերվիլիոսի Գալբայ յեա չորից ամաց՝ մինչդեռ զիննանամենիւք ուրեմն էր . քանզի և եկեաց նա իբրու զայլ ոմն Նեստոր մինչև յերրորդ ազգ, և ցանգ պարսպեալ ՚ի դործ . ՚ի վէգ եկեալ բազում անգամ՝ որպէս ասացաքն՝ յառաջնորդութեան քաղաքին՝ ընդ մեծին Սկիպիոնի, և ժամանեալ մինչև ՚ի Սկիպիոն կրտսեր՝ որ էր որդեգրեալ թոռն առաջնոյն և որդի Պաւղոսի, այն՝ որ զՊերսէոսն վանեաց և զՄակեդոնացիսն :

Բայց տասն ամօք զկնի հիւպատոսութեանն զհետ կրթեցաւ Կատողն համարակալութեան : Եւ արդեօք այս բարձ սասկ է ամենայն փառաց, և լուսն ամե

նայն սպաշտամանց քաղաքին . քանզի և է
 իսկ ինքնին համարակալն՝ հանգերձ բա-
 զում այլ իշխանութեամբն՝ և ոստիկան
 քննիչ կենաց և վարուց մարդկան : Քանզի
 և ոչ լաւ համարեցան հռոմայեցիք թո-
 ղուլ զայր այր ըստ հաճոյս՝ կին ածել կամ
 զաւակս առնել կամ զհանապազօրեայ
 կեանսն վարել կամ կոչունս առնել ըստ
 ցանկութեան և ըստ կամաց անձինն , ա-
 ռանց ուրուք խորհրդոյ և քննութեան .
 այլ զմտաւ ածեալ էթէ քան ՚ի գործսն
 հասարակաց և ՚ի քաղաքականսն՝ առաւել
 յայնոսիկ բոյս բարուց մարդոյ ՚ի վեր ե-
 րևի , ուստի և զմի ոք ՚ի սպասրկաց անտի և
 զմիւս այլ ՚ի ժողովրդականացն՝ կարգէին
 սահապան և ուղղիչ և սպատուհասադիր
 վարուց . զի մի ոք թերևս ՚ի բնաշխարհիկ
 և ՚ի տնկակից քաղաքավարութենէն զա-
 ռածեալ՝ կեանս ըստ հաճոյից վարեացէ .
 և նոցա անուն կարդային Համարակաւ . որք
 և իշխան էին՝ յասպետաց ՚ի բաց զերկարն
 առնուլ , և ՚ի Սինկղիտոսէն ՚ի բաց զան-
 ժուժկալսն և զխառնակեցիկսն հանել : Նո-
 քա տքնէին և ՚ի վերայ զոհիցն և զծախան
 սահմանէին . և կարգէին զաշխարհագիրն
 և զսպաշտամունս զքաղաքացն . և իշխանու-
 թիւն մեծ էր նոցա և ՚ի վերայ բազում
 ինչ իրաց : Ուստի և ընդդէմ դառնային
 հետամտութեանն Կատովնի գոգ ամե-
 նայնարք աւագք ՚ի Սինկղիտոսին : Քանզի
 Պատրիկք նախանձաբեկ լինէին , իբրու-
 յանարգութիւն հասանել աշնուականու

Թեանն՝ եթէ արք անաւադք ամբարձցին
 'ի բարձրագոյն պատիւն և զայնչափ իշխա-
 նութիւնն 'ի ձեռին կալցեն : Իսկ այլք դի-
 տակք ևս անձանց վատթարութեանն և
 հայրենի աւանդիցն օրինազանցութեան ,
 զանգիտեալ դողային յանաչառութենէ
 առն՝ որ բնաւ իսկ անողորբելի կայցէ ար-
 դեօք յիշխանապանծ աւագութեանն :
 Վասն որոյ և 'ի խորհուրդ մտեալ նոքա
 ընդ միմեանս՝ քարընդոտն լինել խորհր-
 դոցն նորա , հետամուտս այլ եօթն ընդ-
 դէմ յարուցին նմա . որք շնթեալք խու-
 ժանին յանգուցանէին զնա՝ ինդրել յայն
 աւագութիւն զայր քաղցր և ըստ իւրեանց
 ըզձին :

Իսկ անդուստ Կատովն երբէք ոչ քաղց-
 րութիւն 'ի դէմս բերեալ և ոչ հեզու-
 թիւն , նա և սպառնալիս 'ի բեմէ անտի
 'ի վերայ կապեալ չարացն և բողոք կա-
 լեալ՝ եթէ մեծապէս մաքրութեան պէտք
 են քաղաքին , նախանձ գեղեցիկ արկանէր
 ժողովրդոցն . զի եթէ ուշիմք իցեն՝ ա-
 ուեալ կարգեսցեն իւրեանց բժիշկ զոմն
 ոչ ամոք և հեշտ , այլ անաչառ և անողո-
 քելի . և ասէր զանձնէն՝ այնպիսի ոք լի-
 նել , այնպիսի և 'ի պատրիկս միայն զՓղակ-
 կոս Վաղերիոս . և ասա 'ի միասին ընդ
 նմա ակն ունէր կտրել 'ի բաց և 'ի հուր
 դատել իբրև զԵրայն զայն՝ զուայլութիւն
 զամենայն և զգրգանս , և դործ գործել
 գեղեցիկ . և ինթայր վասն այլոցն հետա-
 մտից վատանալ յիշխանութեանն յայնմիկ՝

իրև զանգիտեալ խուսափեն նորա յանա-
չառ իշխանէն :

Եւ արդ վէճ արդարև գտաւ ժողովուրդ
Հռովմայ, և վէճագունիցն արանց արժա-
նի առաջնորդութեան . զի և երբէք զահի
ջհարեալ 'ի սպառնալեացն և 'ի խրոխտ և
'ի պերճ՝ կերպարանէն Կատովնի, 'ի բաց
միանգամայն մերժեալ զհետամուտ մար-
դելոյզան, առեալ կարգէր Համարակալ
զՓղակկոս 'ի միասին ընդ Կատովնի . իբ-
րու ոչ եթէ հետամուտ ինչ լեալ Կատո-
վնի բարձին այնմին, այլ թէ արդէն իսկ
զնոյն զանձամբ առեալ՝ բուռն հարցէ այ-
նուհետև 'ի գործ զիշխանութիւնն վարել :
Ուստի և Կատովն արագ արագ առեալ
գրէր 'ի թիւ Սինկղիտոսին զիշխանակից
իւր և զբարեկամ զԼեւկիոս Վաղերիոս
Փղակկոս . և անտի 'ի բաց մերժէր զբա-
զումս, յորս և զԼեւկիոս Կուինատո՝ որ
եօթն ամբ յառաջ եկաց հիւպատոս . և
որ մեծ ևս էր քան զհիւպատոսութիւնն,
զի էր նա եղբայր Տիտոսի Փլամինիոսի՝ որ
'ի սարտութիւն մատնեաց զՓիլիպպոս :
Իսկ սրտաճառք 'ի բաց հանելոյն՝ էր այս-
պիսի :

Էր իսկ զօրհանապազ առ Լեւկիոսի
տարփածու 'ի սպտանեկաց ոմն չքնաղա-
գեղ . որում 'ի զօրավարութեան անդ իւ-
րում շուք մեծապէս և իշխանութիւն
տայր Լեւկիոս, որչափ ինչ յառաջին բա-
րեկամացն նորա կալաւ և ոչ որ : Իսկ ու-
րէք 'ի կուսակալութեան իւրում բազ-

մեալ նա 'ի կոչուման, և ընդ նմա՝ ըստ սո-
վորութեանն՝ և սպասանեակն, շատ ինչ
ազուաբանեալ սպասանեկին առ Ղեւկիոս
մեղկեալ 'ի գինեբրբուսն, ասէր՝ այնչափ
իմն սաստիկ սիրել զնա, զի և՝ «Տեսարան
մերձ գոլով աստ մենամարտկաց՝ զոր իմ
բնաւ, ասէ, չիք տեսեալ, 'ի վերայ այսր՝
և ըղձակաթ ընթացայց առ քեզ, թէսկես
և սիրելի յոյժ իցէ ինձ տեսանել զայր մի
'ի սպանդ վարեալ»: Իսկ յայնժամ Ղեւ-
կիոս տարփանս հաւասար փոխարինեալ
սպասանեկին, ետ սպասասխանի. «Այլ մի
գու վասն այգորիկ նեղեացիս յանձն՝ բազ
մեալ առիս. ես հաճեցից զքեզ»: Ասաց,
և տայր հրաման զմի ոք 'ի մահապարտաց
ածել զառաջեալ, և զսակրաւոր պաշտօ-
նեայն. ապա հարցեալ ցպատանին՝ կա-
մել տեսանել զհարուածն, իբրև սպասա-
խանեաց՝ Այո՛. հրաման տայր պաշտօ-
նէին գլխատել զայրն: Եւ զայտոսիկ սպա-
մեն մեզ բազուիք. և Կիկերոն ինքնին 'ի
Տրամախօսութեան յաղագս ծերութեան՝
տայ զայս սպամել նմին Կատուիլի: Իսկ
Ղիվիոս ասէ, եթէ սպանեալն յայնժամ
էր դասալիք ոմն Գաղատացի. և եթէ՝ ոչ
սպաշտօնեայն՝ այլ ինքնին Ղեւկիոս ձեռօք
իւրովք սպան զայրն: Եւ զայտոսիկ արձա-
նագրեաց Կատուիլի յիւրում Ատենաբա-
նութեանն:

Ապա տարագիր 'ի Սինկղիտոսէն հա-
նեալ Ղեւկիոս, եղբայր նորա մեծասկես
սրտնեալ՝ բողոք առ ժողովուրդն բառնայր՝

ինդրէր տալ Կատովնի զհամար զտարա-
 գրութեանն . իբրև անդ Կատովն կայր և
 պատմէր ոճով զամենայն զբանս զկոչնոցն .
 անդուստ Լեւկիոս ժխտեալ յուրաստ լի-
 նէր . սակայն յերգումն հրաւիրեալ 'ի Կա-
 տովնէ՝ տեղի տայր . և այնպէս կնքեցաւ
 արժանահաս պատուհանն : Այլ ասպա եր-
 բեմն 'ի Թատրոնի սա այս Լեւկիոս 'ի բա-
 ցեայ յոյժ 'ի կարգէ հիւպատեանցն՝ գնա-
 ցեալ բազմեալ ուրեք , այնչափ իմն 'ի կա-
 րեկցութիւն շարժեաց զժողովուրդն , զի
 և ձայն բարձեալ բռնագատեցին զնա մատ-
 չեւ յառաջ , գարման զայս՝ ըստ կարի՝ տա-
 նելով վտինն նորա : Առ այս՝ և զՄանիւ-
 լիոս , որում ըստ առհասարակ ակնկալու-
 թեանն հասանէր բարձ հիւպատոսութեն՝
 'ի բաց 'ի Սինկղիտոսէն եհան Կատովն . զի
 'ի տունջեան յանդիման դատերն համբոյր
 ետ նա կնոջ իւրում : Եւ ասէր Կատովն՝
 եթէ գիրկս ինքն երբէք չեամ իւրում
 կնոջն , բայց 'ի մեծ յորոտալ ամպրո-
 պացն . և ընդ խաղ դարձեալ ասէր նա , ե-
 թէ երջանիկ է նա յորժամ Արամազդ
 որոտայ : Իսկ որ ստգիւտ նախանձու արկ
 զԿատովնիւ , զի զերիվարն 'ի բաց եհան
 նա յեղբօրէն Սկիպիոնի 'ի Լեւկիոսէ 'ի
 յազթանակող առնէն . զի այնպէս իմն
 թուեցաւ՝ նովին թշնամանել նմա զԱփրի-
 կանոսն Սկիպիոն : Բայց որ դժոխքմբերե-
 լի յոյժ գտաւ բազմաց , զի կարճել խըն-
 դրեաց նա զնայլութիւն գրգանացն՝ յո-
 րում անկղիտացեալ առհասարակ բազ-

մուծիւնն և ոչինչ կարացեալ Կատուիւի յայտնի 'ի դիմի հարկանեւ, շուրջանակի սանձ ածեալ բանին՝ ետ հրամանն զի ամենայն պատմուճանն և ամենայն կառք, և ամենայն կանացի զարդ, և ամենայն կահք սեղանոյ՝ աւելի քան դրամակշռոց հազարաց և հինգհարիւրոց, տասնպատիկ առաւել արժեացեն. և ըստ այնմ՝ ածցի 'ի վերայ և սակ առաւել. և էր սակն՝ ընդ հազար պղինձս երիս. որպէս զի ծանրացեալ սակին նոցա, և տեսեալ զի արք սակաւապէտք և ժուժկալք՝ թէպէտ և հաւասարագոյք՝ հարկս նուազ հարկանէին արքունի գանձուն, 'ի բաց կացցեն նոքա 'ի գրգանացն:

Ապա վասն այնորիկ գրգռեցան ընդ նմա, ոչ միայն որք անդուլք 'ի գրգանացն՝ հարկ զայն ծանր հարկանէին, այլ և որք յազատանալ 'ի հարկէն՝ տեղի ետուն 'ի գրգանացն: Քանզի և բազումք ընչաւետուծեան բացբարձումն կարծեսցեն ըզսանձակոծել սնապարծուծեանն, յորում և յօրանան նոքա ոչ 'ի կարևորսն՝ այլ յաւելորդսն: Եւ վասն այնորիկ՝ աւեն՝ մեծապէս զարմանալ Արիստոնի իմաստասիրի, զի երջանիկ ևս կարծին աւելատուացուք, քան որք կարևորօքն և պիտանեօքն լլեալք իցեն: Իսկ Սկոպաս թեսասաղոս՝ 'ի խնդրել բարեկամին 'ի նմանէ իրս ինչ ոչ յոյժ պիտանացու Սկոպեայ և յասելն եթէ յանպիտանեացն խնդրէ և յանկարևորացն, ետ պատասխանի. « Եւ

սակայն երջանիկ աւագիկ եմ ես և ընչաւէտ սակս աւելորդացդ այդոցիկ և անպիտանեացն” : Եւ այսպէս ապա ցանկութի ընչաւէտութեանն ոչ ՚ի բնաւորական ինչ կրից է, այլ սարգի ՚ի մեզ ՚ի ռամկացն և յօտարին կարծեաց :

Բայց Կատովն երեսս ինչ չարարեալ խաղամարար մարդկանն, և անողոքելի ևս զանձն ՚ի ներքս բերեալ, քանդեաց միանդամայն զամենայն ջրմուղսն՝ որ ջուր զհասարակացն բաշխէին ՚ի տունս և ՚ի պարտեզս, և տապալէր քակէր զամենայն կոճանս շէնուածոց ՚ի քաղաքին. և նուազ առնէր զվարձս աշխատութեանցն, և աճեցուցանէր տուրս ՚ի վերայ վաճառաց : Ուստի և յատելութիւն մեծ գրգռեցան ընդդէմ նորա. և զաշնաւորք ևս ընդ Տիտոսի եղեալ՝ ետուն Սինկղիստոսին եղծանել զսայմանն զոր կռեաց նա ՚ի նորոգութիւն մեհենիցն և հասարակաց շինութեանցն, իբրև սրայմանս իմն ումուկտս : Առ այս՝ գրգռեցին և զյանդգունս ՚ի Ժողովրդապետացն ամբաստան զնմանէ կալ առ Ժողովուրդն և տուգանել զնա քանքարաց երկուց. և շատ ևս ընդդէմ դարձան նորա ՚ի շինութեան արքունեացն, զոր շինեաց նա ՚ի հասարակաց գրամոցն առ երի հրապարակի խորհրդարանին, և անուն կարգայր նմա՝ Արտանի + Պորիէան :

Այլ յայտ ամենայնի վերայ՝ յոյժ պանչացեալ էին Ժողովուրդք ընդ նահատակութիւն առն ՚ի համարակալութեանն.

քանզի և անդրի մի կանգնեցին նմա 'ի տա-
 ճարին Փրկութեան. և առ պատուանդա-
 նին արձանագրեցին ոչ զմարտին մրցանան
 Կատուինի կամ զյաղթանակն, այլ զուղ-
 լութիան. որպէս 'ի վերտառութեան անդ-
 կայ, եթէ 'ի ժամանակին՝ յորում նուա-
 ղեալ Հռովմ' 'ի վատթարն նկրտէր, սա
 այս Կատուին կացեալ Համարակալ, գեղե-
 ցիկ սահմանօքն և հանճարեղ կարգօք, և
 իւրովք իսկ վարժիւք միւսանգամ յոտին
 կանգնեաց զնա : Այլ յառաջ ժամանա-
 կաւ նա ինքն Կատուին ծիծաղէր՝ որք միան-
 դամ տենչայինն ունել յայսպիսեաց աս-
 տի, և ասէր՝ եթէ անստաբար նոքա պար-
 ծին ընդ արուեստակերտս պղնձագործաց
 և նկարչաց. և ինքն պանծայ՝ զի պատկերս
 գեղեցիկս յոյժ զիւրոյ անձինն կանգնեալ
 է յոգիս անդր քաղաքացեացն : Իսկ առ
 որս զարմացեալ էին՝ զի արք բազումք ան-
 փառունակք ունէին անդրիս՝ և ինքն չու-
 նէր, տայր պատասխանի. « քանզի մանա-
 ւանդ կամիմ ես ինդրել, եթէ էր աղա-
 դաւ ինձ անդրի չկանգնեցին, քան եթէ՝
 էր աղագաւ կանգնեցին » : Եւ գլուխ բա-
 նին՝ ասէր նա, առն բարւոյ քաղաքացւոյ
 չիք ժուժալ 'ի լուր գովութեանց՝ որք
 ճյանգեսցին յօգուտ քաղաքին. թէսկէս և
 ինքն առաւել քան զամենեսեան մեծա-
 պէս անձնգով էր. որպէս զի և 'ի կշտամ-
 բանս այլոցն խակութեանց՝ պատմեն ա-
 սել նմա. Կշտամբել է արժան, զի չեն
 իսկ ողբա Կատուինք : Իսկ որք միանգամ

Թևակոսիէին նմանել ինչ գործոց նորա և
 չյաջողէր նոցա, կոչէր զնոսա՝ Կաբո՞ւն
 խա՞ղաիս: Եւ ասէր նա՝ եթէ 'ի գործս
 գժուարինս և 'ի բազմավտանդս՝ ողջոյն
 Սինկղիտոսն ակնկառոյց էր 'ի նա, որպէս
 որք 'ի յուզել մրրկաց դէտ ակն 'ի նաւա-
 պետն կայցեն. և թէ՛ էր բազում անգամ՝
 յորժամ նա մերձ չէր, այնպէս անվճար
 մնային իրք մեծամեծք մինչև 'ի գալուստ
 նորա:

Եւ զայսոսիկ՝ և այլք ևս վկայեն մեզ,
 քանզի և էր իսկ մեծապէս իշխանութիւն
 նորա 'ի քաղաքին, և քաղաքավարութիւն
 կենացն և ճարտարաբանութեամբն և
 ծաղկեալ ալեօքն: Էր նա հայր բարի. և
 ընդ ամուսնոյն գնայր բարեմոյնս. և մտա-
 գիր ևս էր 'ի շահտացութիւն՝ իբրև ոչ 'ի
 հարևանցի պարապեալ գործ և 'ի գուզնա-
 քեայ. ուստի և 'ի դէպ իսկ առ այս պատ-
 մեցից ես համօրէն զնորայն: Քանզի ամ
 նա կին քաջազգի առաւել՝ քան ընչա-
 ւէտ. զմտաւ ամէր, զի թէպէտ և հաւա-
 սար՝ երկու ևս ազգոց այդ կանանց բարձ-
 րայօնք բնաւորեալ են և ամպարհաւաճք,
 սակայն առաջինքդ պատկառեալ 'ի յու-
 ւոյն՝ 'ի գեղեցիկսն և 'ի պարկեշտսն հուք
 առաւել հանգիստեցին և հնազանդք ա-
 ղանց: Եւ ասէր նա՝ եթէ որ զկինն հար-
 կանէ կամ զորդին, ձեռն արձակէ յիրս
 իմն յոյժ նուիրականս և սուրբս. և թէ՛
 արդոյ ևս է նմա լինել ամուսին բարի,
 քան աւագ 'ի Սինկղիտոսին. և սքանչա-

ցեալ յոյժ է ինքն ընդ նախնին այն Սո-
կրատէս՝ ոչ յայլ ինչ պատճառս, քան
եթէ զի ցանդ այնպէս հեղ և հանդարտ
ընդ դժխեմ կնոջն եկեաց նա և ընդ ա-
պուշ զաւակացն: Իսկ իբրև որդի ծնաւ
Կատովնի, միանգամայն զամենայն գործ
կարևոր այնուհետև՝ բայց 'ի հասարակացն՝
'ի բաց թողոյր, զի մերձ կնոջն գտանկցի
'ի լուանալ և 'ի խանձարբել զտղայն. քան-
զի և ինքնին մայրն իւրով կաթամբն գիւ-
ցուցանէր զնա. էր բազում անգամ զի և
տղայոց ծառայիցն իւրոց տայր զիւր բա-
տինսն 'ի դիւել, զի հաւասար կաթնածուծք՝
բարեմոյնս յարդարեացին նոքա առ իւր
զաւակն: Իսկ իբրև յարբունս խելացն հա-
սանէր մանուկն, ինքնին Կատովն առեալ
վարժէր զնա 'ի դպրութիւնս: Թէպէտ և
էր իսկ նորա ծառայ մի Քիզովն անուն
դրամատիկոս քաջ, և վարժապետ ևս կա-
ցեալ էր բազմաց տղայոց, 'ի դէպ չհամա-
րեցաւ՝ որպէս ասէ իսկ ինքն՝ եթէ իւր որ
դեակն կշտամբանս 'ի ծառայէն առցէ,
կամ թէ յամբուս տղայն՝ ունկնատանջ 'ի
նմանէն լինիցի. կամ թէ շնորհս ապա
կալցի ծառային զգեղեցիկ դաստիարակու-
թեանն. այլ ինքն անձամբ անձին էր նորա
վարժապետ, ինքն օրէնսուսոյց, և ինքն դար-
ձեալ ըմբշամարզ. ոչ միայն արդնընկէց
լինել և զնամարտ լինել և ձիաւորել ու-
սոյց որդւոյն, այլև բռնամարտիկ մրցել,
և ջերմին և ցրտոյն ժուժալ բերել, և ընդ
գետս բազմայորձանս և սրնթացս 'ի լիւզ

անցանեւ: Եւ ասէր ևս Կատովն, Եթէ նստաւ ինքն և մատամբք իւրովք արձանադրեաց պատմութիւնս ՚ի տառս խոշորս, զի իւր որդեակն առ տնին հմուտ և անդեակ վաղնջուց իրաց հայրենեացն ընկիցի. և թէ՛ մեծապէս զգուշացեալ էր խօսել բանս դժպատեհ առաջի մանկանն, իբրուոր գլխովին առաջի կացեալ իցէ նուիրական կուսիցն զոր վէստեանս կոչէն. և թէ՛ ինքն ՚ի միասին ընդ մանկանն չեմուտ երբէք ՚ի բաղանիս: Այլ այս հասարակ թուի սովորոյթ Հռոմայեցոց. քանզի և փեսայք նոցա զգուշանային մտանեւանդ ՚ի միասին ընդ աներոցն, չերևէլ մերկ առաջի նոցա. այլ ապա յետ ժամանակաց ուսեալք ՚ի հելլենացոց մերկանալ, փոխարէն և նոքա ուսուցին հելլենացոց առնեւ զնոյն և ընդ կանանց:

Չայս օրինակ ջան եղեալ Կատովին՝ կրթանս բարիս տալ զաւակին, և յառաքինութիւն հրահանգել զնա, թէպէտ և ՚ի յօժարութեան Էռանդանն անսողիւտ էր մանուկն, և ոգւոյ բարւոյ դիպեալ և քաջամոյն և հլու, այլ քանզի մարմնովն տկար էր ՚ի վաստակս, վայր մի ՚ի խստամբերութենէ կենացն թոյլ արար հայրն: Այլ թէպէտ և այնպէս վտիտ, այր քաջ երևեցաւ նա ՚ի զինուորութեան. և մեծապէս արութեամբ մարտ եղեալ կռուեցաւ ընդ Պերսէոսի առ զօրավարութեամբն Պաւլոսի Եմիլիոսի. ուր և հարեալ նորասուսերին և ՚ի քրտնահոծ ձեռացն զեր-

ծեալ 'ի նմանէ, 'ի տաղնապ անկեալ սա-
տանին և հանգերձ նիզակակցօքն միւսան-
գամ յարձակեալ 'ի իռան [Թշնամեացն, և
մեծաւ մրցանօք և բռնու-թեամբ վանեալ
զխոչ և զխու-թ՝ բանայր զվայրն, և 'ի զի-
նակոյտ անդր և 'ի [Թանձրակոյտ զիականց
բարեկամացն և [Թշնամեաց դտանէր զսու-
սերն. ոյր աղագաւ և Պաւղոս զօրավար
մեծապէս զարմացեալ էր ընդ սպատանին :
Եւ նամակ մի ևս նորուն Վատոյնի կայ ար-
ձանագրեալ առ որդին, 'ի գովու-թիւն
յոյժ առեալ զգեղէցիկ ջանսն վասն սու-
սերին : Եւ ապա այս սպատանի ած էր 'ի
կին զՏերաթիա դուստր զԵմիլիոսին և զքոյր
Սկիպիոնի, հարազատու-թեամբ կապեալ
ընդ տոհմիկ զարմին վասն քաջու-թեան
անձինն և իւրոյ հօրն : Եւ ելք այս եղէն
դեղէցիկ դաստիարակու-թեանն Վատոյնի
վասն որդւոյն :

Էլին Վատոյնի և արծաթագինք բազումք
'ի գերւոյ սպատերազմին . և առաւել 'ի
մանկահասակաց անաթի, որք իբրև զսկունդս
կամ զմորուկս՝ զիպողագոյնք ևս իցէն 'ի
մարզս դաստիարակու-թեան : Իսկ 'ի նոցա-
նէն գնայր և ոչ ոք 'ի տուն օտարի, բայց
'ի Վատոյնէ առաքեալ կամ 'ի տիկնոջէն .
և հարցեալ անդանօր ծառայն վասն Վա-
տոյնի, ոչ այլ՝ բայց զանգիտու-թիւն սա-
տասխանէր : Այլ առ տնին սպարտ էր ծա-
ռային կամ 'ի գործ սարապել, կամ 'ի
քուն լինեւ . և յոյժ սիրէր Վատոյն՝ 'ի
քուն տեսեալ զծառայն, իբրու որք հե-

զագոյնք ևս բնաւորեալք իցեն քան զորք նեալն, և յետ վայելից քնոյն՝ յաջողագոյնք ևս իցեն յամենայն սպասարկութիա:

Բայց յառաջն յաղքատութեան իւրում՝ ՚ի զինուորութեանն Կատովն չէր անհամբոյր, և ՚ի սեղանի ճցամոյր երբէք ինչ վասն կերակրոյն. իբրև դժպճի կարծէր կագել ընդ ծառային ՚ի պատճառս պորտոյն: Այլ ապա ՚ի մեծութեանն և ՚ի կոչունսն բարեկամացն և իշխանակցացն՝ անդէն յետ ճաշուն ելեալ սատուհաս ՚ի վերայ ամէր փոկով՝ անհոգացելոցն ՚ի սպասարկութեան: Եւ կամէր նա՝ ծառայիցն ցանդ ՚ի դժտութեան ընել ընդ միմեանս, քանզի խիթայր և զանգիտէր ՚ի համաշնչութենէն նոցա: Իսկ ՚ի նոցանէ զինասակարան մահու՝ լաւ համարէր յետ դատակնքոյն տալ սպանանել յանգիման այլոց ծառայիցն:

Այլ յետ այնորիկ յոյժ հետամուտ եղեալ ՚ի շահստացութիւն, և զերկրագործութիւնն՝ քան եթէ շահ՝ զքօսանս առաւել համարեալ, թեակոխէր ՚ի հասս հաստատունս և աներկեանս. ստացաւ իւր լիճս և աղբերակունս ջերմկաց, վայրս յարմարաւորս թափչաց, և գետինս արօտաբերս և անտառաբոյսս. և այնպէս հասս կըթէր առատ ՚ի կալուածոց անախ. որոց՝ որպէս սովորեցաւ նա ասել՝ և ոչ Արամազդ ինքնին գրժեւ կարօլ էր: Ապա ՚ի գործ արկանէր նա՝ և վաշխ նաւական քան զամենայն վաշխ առաւել խոտան,

օրինակ զայս : Որոց միանգամ տայր 'ի վաչխի՝ կամեր և նոցա առնուէ ընդ իւրեանս յիանիւ չափ նաւակիցս և նաւս, յորս ունէր և զիւր բաժինն . և էր իւր գործակալ Կուխնտիոս ազատագրեալն՝ վաճառակից և նաւագնաց ընդ վաչխառուացն . և այսպէս ոչ ողջոյն վտանգէր նա զգոյսն , այլ մասն միայն , կ[թե]լ անտի մեծապէս շահ : Տայր և դրամ ծառայիցն՝ որ շահավաճառն կամէին լինել . և գնոց գնէին նոքա մանկունս և մարդեալք դաստիարակէին դրամովք Կատոլիսի , և 'ի գլուխ տարւոյն առեալ վաճառէին . յորոց և գնէր իւր ինքնին Կատոլիս՝ որչափ գնոց իրն գրէին նոքա՝ 'ի բաց զիւրն հանեալ դրամ : Յորգոր 'ի ներքս տայր և որդւոյն շահէլ յայնպիսեաց շահից . և ասէր ևս՝ ե[թե] նուազ առնել զգոյս անձին՝ ոչ մարդոյ գործ է , այլ այրի կնոջ : Առ այս՝ ազգողագոյն ևս է և այլ բան նորա՝ զոր ժտեաց ասել , ե[թե]՝ Այր սքանչելի է և աստուածայնոյն արժանի փառաց , որում 'ի մեռանելն՝ մեծ է հաշիւ ստացելոցն ընչից՝ քան զժառանգութեանն :

Իսկ իբրև յալևոյթ ծերութեանն յեցեալ իսկ էր Կատոլիս , եկին հասին 'ի հում քաղաք հրեշտակք յԱթենայ Կարնէադէս Ակադեմեան և Դիոգինէս իմաստասէր Ստոյիկեան , ազատ առնել զժողովուրդ զԱթենացւոց յանպարտ տուգանաց հինգ հարիւր քանքարացն՝ 'ի վճռոյ անտի Սիկիտիւնացւոց ըստ դատախոսզու-

Թեանն Ովրոպեանց : Յայնժամ պատանիք Հռովմայ բանասէրք մտավարժք խրանէին յայց ելանել Հրեշտակացն, և դեբերեալք ընդ նոսա և յակճիւս կացեալք ունկն գնէին նոցա : Առաւել իմն Կարնէադէս յայնժամ շնորհաշուք բարբառովն ազդոյ յոյժ և արգոյ և պատուական, իբրև այնպիսի ունկնդիրս մեծարոյս և քաջամոյնս շուրջ զիւրև տեսանէր, շնչեաց ապա ելից իբրև հողմ՝ ողջոյն զքաղաքն ՚ի դըբդիւն և ՚ի համբաւ մեծ. զի և առհասարակ ՚ի կողմանց կողմանց շնջին լսելի եղև, եթէ Հելլենացի ոմն այր եկեալ հասեալ կայ աւագ այր սքանչելի և ճաշխարհիկ. որ առհասարակ ամոքեալ և նկուն զամենայնն արարեալ՝ սէր ուժգնակի ազդէր ՚ի պատանիան, ՚ի բաց զամենայն գրգանան եդեալ և զսիրոփութիւնս՝ իբրու ՚ի գեղեցիկ մուլութենէ բերել յիմաստասիրութիւն անդր : Եւ ապա առհասարակ Հռոմայեցիք ինդացեալք յոյժ էին, զի իւրեանց պատանեակք ՚ի մարզս պարասեալք Հելլենականին՝ կենակից արանցն լինէին սքանչելեաց : Բայց Կատովն անդստին՝ յորմէ այն տենչ վարժիցն ընթանայր ընդ քաղաքն, դժկամակս բերէր՝ զանդիտեալ եթէ յանկարծ պատանիք ՚ի նոյն զիւրեանց պատուասիրութիւնն շրջեալք՝ սիրեսցեն զփառս զբանիցն՝ քան զարգեանցն և զմարտին նահատակութեց : Իսկ իբրև համբաւ իմաստասիրացն և ևս առեաց, և զի՝ և զառաջին ճառս բանից նո-

յա ինքնին Գայիոս Ակիլիոս ականաւոր 'ի Սինկղիտոսին առ և թարգմանեաց յիւրոց ջանիցն և յայլոցն խնդրոյ, խորհուրդ խորհեցաւ այնուհետև Կատոիւն՝ քաջավայելուչս իմն 'ի բաց զիմաստասէրսն արձակել 'ի քաղաքէն : Ապա յանդիման Սինկղիտոսին ելելալ գանդատէր ընդ աւագանին, զի այնչափ հարուստ ժամանակ անվճար հրեշտակու թեամբ թողին կալ անդէն արանցն . արք՝ որք քաջ իսկ բաւական են կամագիւտ յամենայնն լինել համողակեր բանիւքն . և ասէր ևս՝ փութապէս խորհել սահմանել վասն հրեշտակու թեանն, զի իմաստասէրքդ դարձ յիւրեանց արարեալ վարժարանսն՝ անդանօր զմանկտին վարժեսցեն զհելենացւոց, և հռոմայեցւոց սպատանիքդ դարձցին անդրէն 'ի հնազանդութի օրինաց և աւագանւոյն : Զայս ինչ դործեաց Կատոիւն ոչ չարակամութի ինչ ընդդէմ Կարնէադեայ, որպէս կարծեն ոմանք, այլ զի ինքնին ներհակակիր իմաստասիրականին էր, և բարձրայօնս ընդ վայր հարկանէր միանգամայն և զՄուսայն և զվարժս հելենականին : Եւ ասէր Կատոիւն՝ եթէ և ինքնին Սոկրատէս շաղակրատ և յանդուգն՝ նկրտեալ իսկ էր՝ ըստ կարին՝ բռնաւոր ընդդէմ ամբառնալ հայրենեացն, տապալելալ զվաղնջուց սովորոյթան և յանդուցեալ զքաղաքացիսն 'ի կարծիս իմն հակառակ օրինացն : Առ այս՝ և զՍոկրատեայ վարժարանն հենգնեալ, ասէր՝ եթէ մանկունք ուսանողք առ նմա

ալևորեալք ծերանան . զի գնացեն ասպա վարել զարուեստն և փաստաբանել անդանօր 'ի դժոխս ներքինս : Եւ առ 'ի յաչաց հանել որդւոյն զհելլեն դպրութիան՝ ձայն բառնայր առաւել քան զծերուանոյ առն՝ ձայն պատգամաւոր և նախագուշակ , եթէ կորուսցեն Հռոմայեցիք զքաղաքն 'ի ներկրթիլն իւրեանց հելլեն դպրութեամբք : Այլ սակայն ձախողակի գուշակութիւնդ նանրացաւ , յորժամ քաղաքն 'ի ծագ վերջին բարձրացաւ , և թարթափեալ ևս էր առհասարակ 'ի վարժս և 'ի դպրութիւնս հելլենացւոց :

Բայց Կատովն ո՛չ հելլենացի միայն իմաստասիրացն թշնամի ընդդէմ կբրեցաւ , այլ 'ի կասկածի էր նա՝ և վասն արանցն բժշկաց որ 'ի Հռոմ : Եւ քանզի լուեալ ևս էր՝ զոր Հիպպոկրատէսն ասաց առ թագաւորն՝ 'ի հրաւիրել նորա և քանքարս ևս բազում 'ի ներքս ընծայել նմա : Իսկ Հիպպոկրատէս տայր պատասխանի , եթէ երբէք մի լիցի նմա սպաս բարբարոսացն հարկանել՝ որ թշնամիքն են հելլենացւոց . ասպա ասէր Կատովն՝ եթէ սա այս էր երգումն հասարակ և բժշկացն ամենեցուն . և յորդորէր զիւր որդին՝ անձնապահ լինել յամենեցուն նոցա . և ասէր՝ ինքնին իսկ գրեալ իրատս և մարզս՝ բաւական 'ի բուժել զճլւանդս տանն , և կարգ և սահման գնել կենաց նոցա . երբէք ո՛չ պահս օրինադրելով նոցա , այլ բանջարօք բուծանելով զնոսա և 'ի միս բադից և հաւփալաց և

նապատակաց . զի էն իսկ այդոքիկ փոք-
րոգիք և հիւանդաց շահաւորք . բայց թէ՛
յերազույք ապա յերազեսցեն այնոքիկ՝
որք շատն ուտիցեն ՚ի նոցանէ : Եւ ապա օ-
րինակ զայս բժշկու[թեամբ և դարմանով
ասէր նա պահեալ ցանդ քաջաւորջ զիւր
անձն և զիւրսն առհասարակ : Սակայն և
առ այս ո՛չինչ արդեօք անսողիւտ իցէ
Վատովն ՚ի մեռանէլ կնոջն նորա և որդ-
ւոյն : Իսկ ինքն Վատովն եկաց քաջաւորջ
յոյժ հարուստ ժամանակ , քանզի և առոյգ
և կորովի էր մարմնով . զի և ՚ի ծերու[թե-
պարարտու[թեան մտանէր նա առ կին իւր-
և աժ ևս նա ՚ի կին զօրիորդ՝ անձահ հասա-
կին . և էր պատճառք այսպիսի ինչ :

Յետ մահու կնոջն , ամուսնացուցանէր
նա զորդին իւր ընդ Պաւլոսի դատերն՝ քեռ
Սկիպիոնի . իսկ ինքն մնացեալ անկին՝ մը-
տանէր առ աղախին իւր աղջիկ , որ ՚ի ծա-
ծուկ դնայր առ նա . այլ զի ՚ի միում անդ
յանձուկ տանն բնակէր և հարսնն՝ ՚ի վեր
ելանէր բանն . և անցեալ երբեմն այն ա-
ղախին յանդգնագոյնս իմն և պերճս ՚ի
հանդիպոյ նոցա՝ իբրու որ ՚ի սենեակն եր-
թայ Վատովնի , անդանօր պատանին ասաց
և ոչինչ , սակայն խե[թիւ հայեցաւ ՚ի նա և
դարձաւ ՚ի միւս կողմն . իրազգած այսմ
եղեալ ծերուււոյն և ՚ի վերայ կացեալ
դժկամակու[թեան փեսայի և հարսինն , ո՛չ
սրտնեցաւ և ո՛չինչ կալաւ դանգաւ . այլ
իջեալ՝ որպէս սովորն էր՝ հանդերձ բարե-
կամօքն ՚ի հրապարակ անդր , և ՚ի ձայն

բարձր կարգացեալ զՍալուինիոս զոմն՝ որ
 դպիր կացեալ իսկ էր նորա և մերձ հե-
 տեւեր ընդ նմա, հարցանէր՝ եթէ զդուստրն
 առն տուեալ իցէ . նա սլատասխանի
 տուեալ էթէ ոչ, մինչև հարցեալ զայն՝ ի
 Կատուինէ, ասէ Կատուին. «Քաջէ . իմ քեզ
 աւագիկ ՚ի դէպ դտեալ է փեսայ, [թէ ոչ
 օն և օն Աբամազզ՝ անհաճոյացի քեզ վասն
 հասակին . քանզի անսողիւտ ամենեւին է
 այրն, բայց յոյժ ծեր է՝ : Իբրև Սալուինիոս
 ասէր՝ ՚ի նա ինքն հաւատալ զքանն, ինամ
 ունեւ կուսին և տալ զնա առն և հովանի
 ընեւ կուսին՝ որպէս և գիտէ, զի և ինքն
 կոյսն նորա ինամոցն սէտս ունի . ասա
 Կատուին ոչինչ յամեաց, և ինդրէր ՚ի նմա
 նէ զկոյսն վասն իւր : Յասուչ կրթեցաւ
 Սալուինիոս՝ տեսեալ զԿատուին անցեալ զա-
 լուրքք ամուսնութեանն . առ այս՝ և զան
 ձին վիճակ յոյժ օտար ՚ի հիւպատեան և
 ՚ի յաղթանակող որերոյն : Սակայն փու-
 թաջան ՚ի բանն տեսեալ զԿատուին՝ մտա-
 գիւրադոյնս յանձն առնոյր . և անդէն ի-
 ջեալ ՚ի հրատարակն՝ կուեցին դաշն :

Իբրև հարսանեացն հանդէս ՚ի պատրաս-
 տի էր, որդին Կատուինի առեալ զազգա-
 կանան՝ չոքաւ հարցանեւ ցհայրն, եթէ
 երբէք ինք ինչ կամ վիշա հասուցեալ
 իցէ հօրն, զի մօրու ածէ նմա : Իսկ ընդ
 հարցումն ձայն բարձեալ Կատուինի՝ ա-
 սէր . «Ա՛ղէ դու սիլ որդեակ, ուշխմս խօ-
 սեաց . Ամենայնքն առ ՚ի քէն՝ սիրելիք ինձ
 են . և չիք իմ ինչ դանդաւտ զքէն երբէք .

բայց ես որդիս բազմագոյն ևս այլ, և քաղաքացիս ըղձամ թողուլ հայրենեաց՝ իբրու զքեզդ՝ : Այլ սպասեն՝ զբան զայս շատ ինչ կանուխ ասացեալ Պիսիստրատոսի բռնաւորի Աթենացոց . յորժամ և էին իսկ նորա որդիք յարբունս հասեալք, և անց նա յերկրորդ հարսանիան ընդ Արգոսուհւոյն Տիմոփրասայ, յորմէ և ծնան նմա՝ որպէս ասեն՝ Յովփոնդէս և Թէսսաղոս :

Իսկ Կատովնի ՚ի հարսանեաց աստի ծնաւ որդի, որում և անուն առ ՚ի մօրէն եդ նմա Սալոմիոս : Այլ որդի նորա երէց մեռաւ ՚ի զօրավարութեան . և յաճախ նա ՚ի գիրս իւր յիշատակ առնէ զորդոյն՝ իբրու այր քաջ և լաւ : Սակայն և հեզաբար՝ որպէս ասեն՝ տարաւ նա ցաւոցն իբրև արդարև իմաստասէր, և ոչ վասն այնորիկ լուծաւ ինչ նա ՚ի սպասաւորութենէ քաղաքին : Քանզի և ոչ՝ որպէս յետ նորա Լեւկիոս Լուկուղղոս և Մեակղղոս Պիոս, սպարտասեցաւ ինչ նա առ ՚ի ծերութենէն՝ ձեռնամուխ ՚ի գործս լինել . եդ ՚ի մօր՝ եթէ գործ իւր այն է : Եւ ոչ դարձեալ որպէս յառաջն Սկիպիոնի Ափրիկանոս, այն՝ որ ՚ի նախանձել ընդ փառս իւր՝ ուժացեալ նա ՚ի ժողովրդոցն և զքաղաքավարութիւն փոխեալ զկենացն, յանգործութեան անցուցանէր զնշխարեալ աւուրան . այլ իբրու զայրն՝ որ զԳիոնեսսիոսն իտէլամուտ արար՝ եթէ զէղէցիկ յոյժ թաղումն է բռնաւորութիւնն, այսպէս և Կա-

տունն գործ առնենագեղեցիկ համարէր ան-
ցուցանել զծերութիւնն 'ի քաղաքակա-
նին. և սպա 'ի պարսպեալ ժամն և 'ի
զբօսանան՝ սփոփութիւն էր նմա արձանա-
գրութիւն մատենից և մշակութիւն երկրի:
Եւ գրեաց նա բազմագէտ ճառս, և պատ-
մութիւնս: Իսկ 'ի մշակութիւն երկրի սպ-
րապեցաւ՝ մինչդեռ տակաւին պատանի
էր՝ առ 'ի պէտս. քանզի և ասէր իսկ նա՝
կրկին միայն ունել իւր շահավաճառու-
թիւնս, զմշակութիւն և զտնտեսութիւն.
այլ յայնժամ 'ի ծերութեանն դեգերանս
և մտաց սփոփութիւն էին նմա իրք ազա-
րակին: Եւ արձանագրեաց ևս նա գիրս
զՄշակականին. յորում և վասն գործե-
լոյ պլակինդիս և վասն պահպանութեան
մրգաց, ճշգրիտ սպատուասիրեաց յամե-
նայնի և ոճով:

Իսկ էր նորա ընթրիք 'ի գեղջն առաւել
մեծահաց, ցանդ հրաւիրեալ զմերձակայն
գեղջն և զգաւառականսն, և խնդամտեալ
դեգերէր ընդ նոսա. զի և քաղաքավարու-
թեամբն հեշտ և բաղձալի էր ոչ հասակակ.
ցացն միայն, այլ և պատանեացն գլխովին.
զի և 'ի բազում ինչ իրս՝ այր քաջափորձ
էր, և 'ի գործս բազումս նահատակեալ և
'ի բանս բազումս արժանալուրս: Եւ այն-
պէս իմն համարէր նա զսեղան կոնիոցն՝ իբ-
րու բարեկամութեան առիթ. և զրոյցք
անդանօր՝ դրուատիք էին արանց լաւաց և
առաքինի քաղաքացեաց, և երբէք յիշա-
տակ չլինէր յոռեացն և անպիտանեացն.

զի և թոյլ չտայր երբէք Կատովն յիւր կոչունսն ոչ բամբասանաց ինչ և ոչ գովուածեանց ինչ վասն նոցա :

Բայց նահատակութիւն նորա վերջին յառաջնորդութեան քաղաքին՝ թուի թէ՛ քանդումն եկաց Կարբեգոնին . և ՚ի գլուխ զայն տարաւ Սկիպիոն կրսերն, սակայն ըստ քաջ խորհրդոցն և խելամուտութեանն Կատովնի : Եւ դրդեցան ՚ի նոյն մարտ յայսպիսի ինչ պատճառաց : Առաքեալ Կատովն ՚ի սինկղիստոսէն երթալ իմանալ, զի՞նչ պատճառք մարտին և գժտութեանն իցեն ընդ Կարբեգոնացիս և ընդ Մասսանասա Նոմարացի . քանզի Մասսանասացանդ բարեկամ կացեալ Հռոմայեցոց, բայց և Կարբեգոնացիք դաշնաւորք էին նոցա՝ յետ հարուածոյն իւրեանց ՚ի Սկիպիոնէ, որ զտերութիւնն հասեալ էր ՚ի նոցանէ և ՚ի ծանր հարկի կացուցեալ էր զնոսա : Ապա Կատովնի յակն զԿարբեգոնարկեալ և զննեալ՝ ոչ իբրու վատեալ ինչ յուժոյ, որպէս կարծէին Հռոմայեցիք, այլ բարդաւաճ և բազմաժողով յերիտասարդաց, լի և բազմահարուստ մեծութեմ, և զինուք դունակ դունակ պատարուն և մարտի հանդերձանօք, որով և ոչ խոնարհագոյն ինչ վասն իւր ունէր զկարծիսն : Խելամուտ լինէր Կատովն՝ զի ոչինչ յաջողեսցին Հռոմայեցիք համոզել զիրս զՆոմարացոցն և զՄասսանասայն . այլ թէ ոչ գօտէպինդք վաղվաղակի հասեալ վանեսցեն նոքա զԿարբեգոն զվաղնջուց զայն

զ[թշնամին և զԺանրացասումինն ընդդէմ
նոցա՝ որ մեծապէս բարգաւաճեալ էր
յայնժամ, անշուշտ դարձեալ միւսանգամ
'ի նոյն վտանգ սրաշարեացին Հռոմայեցիք
իբրու զառաջինն :

Ապա փութապէս դարձ արարեալ Կա-
տովնի՝ իրազեկ զՍինկղիստոսն առնէր, ե[թէ
յառաջինն հարուածոցն և յաղէտիցն Կար-
դեդոնացիք նուազեալ ոչ այնչափ 'ի զօ-
րութենէ՝ քան թէ յանմտութենէ իւ-
րեանց, չէն ինչ նոքա վատեալք. նա՛ փորձք
և հմուտք լեալ են 'ի կռիւ մարտի . և ա-
սէր ևս՝ մարտին նոցա ընդ 'Նոմադացիսն
նախամարտութիւն լինել հանդերձեւոց
կռուոյն ընդդէմ Հռոմայեցւոց. իսկ հաշ-
տութեան դաշինքն՝ անուանք մերկ իցեն
դէգերանաց նոցա 'ի կռիւն՝ ակնկալեալք
դէպ ժամանակին : Իբրև զայս բանս ասաց
Կատովն, սրտամէն՝ ե[թէ անդէն թօթա-
փեալ զպատմութեան իւր 'ի Տէջ անդր
Սինկղիստոսին՝ տայր 'ի վայր անկանել թը-
զոցն՝ զոր 'ի Ղիլիոյ բերեալ իսկ էր . և տե-
սեալ՝ զի ընդ սարարտութիւնս ստղոցն և
ընդ գեղն առհասարակ հիացաւ ակումբն՝
յաւել և ասէ . գաւառ ստղոցդ մրգաբեր՝
'ի բացեայ կայ աւաղիկ 'ի Հռովմայ ա-
ւուրց երից նաւադնացութեամբ : Այլ
ազդողագոյն ևս առ այս դործեալ զբանն՝
և յամենայն իսկ իրս տուեալ զիւր խոր-
հուրդն , ցանգ կրկնէր և երէքկնէր նա՝ ըզ-
հետ բերեալ զայս ինչ . « Եւ ինձ թուի՝ ե-
թէ չէ սարտ կալ Կարբեդոնի » : Բայց և

անդուատ Պոպղիոս Սկիպիոն՝ անուանեալն
 Նասիկաս, յանգէր և նա ցանգ զիւր խոր-
 հուրդն յայս բարբառ. « Եւ ինձ [Թուի՛
 եթէ պարտ է կալ Վարքեդոնի » : Այլ
 սորա՝ որպէս հաւանեալս եմ՝ այն կար-
 ծիք էին, քանզի տեսեալ զԺողովուրդն
 առ գեղեցիկ բախտին խրոխտս և բարձրա-
 պարանոցս և վայրիկ մի ևս Սինկղիտոսին
 անսատտ, և մեծապէս զօրութեամբ՝ բուռն
 ըստ քմաց ձգէր տանէր ողջոյն զքաղաքն,
 ինդրէր Նասիկաս՝ զի ահ երկկուլին Վար-
 քեդոնացւոց անկեալ իբրու սանձ գեղե-
 ցիկ՝ զխեռութիւն կոծեացէ խուժանին. զի
 և ոյժ զօրութեան նոցա ոչ ՚ի վանեւ ըզ-
 չռումայեցիս՝ այլ միայն ահիւ չափ իցէ
 և արհամարհելիք իցեն : Իսկ ներհակաբար՝
 [Թուէր իմն այնպէս և Վատովնի, եթէ
 քանզի բանդագուշեալք են ժողովուրդք
 և հաստահարուստք եղեալ՝ գործեն զան-
 պատէհս, վտանգ անշուշտ իցէ [Թողու
 այնպէս կանգուն զքաղաքն՝ որ միշտ բար-
 գաւաճ գտաւ, և յայնժամ առաւել ևս
 զգծնացեալ կայր՝ յիւրոց անտի աղէտիցն .
 և ոչ ազատ գլխովին առնել զնոսա յար-
 տաքին յահէ տերութեան՝ պատճառս տա-
 լով նոցա և խթան ՚ի յանցաւորութիւնս
 ընտանիս : Եւ ապա զայս օրինակ՝ ասեն՝
 Վատովնի տալ ձեռնամուխ լինել յեր-
 րորդն յայն և ՚ի վերջին մարտ Վարքեդո-
 նեան :

Այլ ՚ի սկսանել մարտին մեռանէր Վա-
 տովն, նախագուշակ զառնէն լինելով ո-

րում հասանէր յամբողջ գործոյն ժամանեւ. որ էր յայնժամ տակաւին պատանի և 'ի կարգ զինուորականին հազարապետ լեալ՝ նահատակէր 'ի գործ հանճարոյ և 'ի մրցանս քաջութեան, որոյ և համբաւն 'ի հռոմ մինչև յունկն հասեալ Վատովնի, պատմեն ասել նմա յայնժամ ըզտողն զայն. « Դա հանճարեղ, իսկ այլք ստուերք շարժունք » : Եւ ասպա զնախաձայնութիւն իւր զայն վաղվաղակի արգեամբք ճշգրտէր Սկիպիոն :

Եւ թողոյր Վատովն զարմին իւրոյ զաւակ յերկրորդ կնոջէն՝ Սալտինիոս անուն՝ որպէս ատացաք, և թոռն մի ևս յառաջին որդւոյն՝ որ մեռաւ : Եւ վախճանեալ Սալտինիոս 'ի զօրավարութեան, թողոյր որդի Մարկոս անուն՝ որ եկաց հիւպատոս. նա էր հաւ Վատովնի խնաստասիրի՝ այն որ առաքինութեամբ և փառօք գերազանցեալ գտաւ զամենեքումբք՝ որ առ իւրովքն ժամանակօք :

Զ ՈՒ Գ Ա Կ Շ Ռ ՈՒ Թ Ի Ի Ն

Ա Ր Ի Ս Տ Ի Դ Ե Ա Յ

Ե Ի

Կ Ա Տ Ո Վ Ն Ի Մ Ե Ծ Ի

Եւ արդ զյիշատակաց արժանիան արձանագրեալ մեր վասն երկոցուն գոցա, եթէ զամենայն զնոցայն 'ի կշիռ առցէ ոք միանդամայն ընդ ամենայնին, ոչինչ այնպէս տարբերեալ գացէ արդեօք՝ 'ի պատճառս շատ ինչ և մեծամեծ նմանութեանց: Ապա եթէ ըստ մասին ուրոյն՝ իբրու քերթուած մի կամ նկար մի, տեսցէ՝ զի բարգաւաճել գոցա յիրս քաղաքին և փառք նոցա և համբաւ, քան յաղգատոհմէն՝ առաւել յանձանցն առաքինութենէն իցէ և 'ի քաջութենէն: Այս հասարակ է երկոցուն նոցա:

Սակայն Արիստիդէս ականաւոր եղև՝ յորժամ չև էին մեծացեալ Աթենացիք և յառաջագէմ գտաւ նա 'ի զօրավարս և

'ի ժողովրդապետս, յորժամ ընչիւք չափաւորք էին և հաւասարագոյք. քանզի առաջին կարգին հասն' էր յայնժամ գրուաց հինգհարիւրոց. իսկ երկրորդին՝ ասպետացն, երկից հարիւրոց. իսկ երրորդին՝ լծակցելոցն, երկերիւր գրուաց:

Իսկ Կատոնն 'ի դուզնաբեայ կալուածոյն իւրմէ և 'ի շինական կենացն եկեալ էջ իբրու յահագին իմն ծով 'ի հռոմ քաղաք, յորժամ ոչ Կուրիոսք ոմանք առաջնորդք կային քաղաքին կամ Փաբրիկիոսք կամ Ոստիղիոսք. և ոչ յանձն ևս առնոյր քաղաքն՝ զի աղքատք և մշակք ամբարձցին 'ի ցուկանաւս իւր, կամ թէ յարօրաց և 'ի փայտատից անցեալ՝ կացցեն իւր առաջնորդք և զօրավարք. այլ 'ի քաջազարմուծիւնն նա դէտակն ունէր և յընչաւէտութիւն և 'ի սարգևս և 'ի հետամուտութիւնս, և ամբարտաւանութեամբ և զօրութեամբ պերճացեալ էր, և արհամարհօտ ևս էր նոցա՝ որ 'ի խնդիր ելանէին աւագութեան: Եւ քանզի Թեմիստոկլէս ոչ տոհմիկ ոք էր և ոչ ընչաւէտ (զի ասեն 'ի սկզբանն գոյաւոր լինել նմա երկից տաղանդաց, կամ թէ առաւել հնդից). ուստի և չէ ընդ մի համար՝ ունել անձին նախանձաւոր զԹեմիստոկլէս, և մրցել և ել և ելս առնել ընդ Սկիպիոնից Ափրիկանոսից և ընդ Սերվիլիոսից Գալլայից և ընդ Կուրնատոսից Փլամինիոսից, անզօրավիզն և անթիկունք՝ միայն զհամարձակաձայն լէզուն ունելով և զարգարախօսն:

Գարձեալ առ այս՝ ՚ի Մարաթոն և ՚ի Պղատէա Արխտիդէս տասներորդն էր ՚ի զօրավարս . այլ Կատոլիւ զերկրորդ նուագն ինքն կարգեցաւ հիւպատոս՝ ՚ի հետամտել բազմաց . դարձեալ և զերկրորդ նուագն ինքն եկաց Համարակալ թէպէտ և արք աւագք և ականաւորք եօթն թուով թեկն ածէին զաւագութենն :

Առ այս՝ և Արխտիդէս յամենայն իսկ ՚ի նահատակութիւնն չեկաց բարձրէց . այլ Միլտիադէս՝ ՚ի Մարաթոն . և Թեմիստոկլէս՝ ՚ի Սաղամինէ . իսկ ՚ի Պղատէա՝ որպէս Հերոդոտոսն ասէ՝ Պաւսանիաս տարաւ զգեղեցիկ յաղթութիւնն . նա՛ և յերկրորդ բարձին մրցին ընդ Արխտիդէայ Սովկիանէսք և Ամինէսք և Կալ լիմաքոսք և Կինեգիրոսք , որք արուք քաջութիւնահատակեցան անդանօր : իսկ Կատոլիւ ՚ի մարտին Եբերեան հիւպատոս գորով առաջին եկաց և զամենեքումք գերազանցեաց ՚ի կորովութեան ձեռին և ՚ի խորհրդեան . այլ և ՚ի Թերմոսիւղէ ինքն հազարապետ և այլ որ հիւպատոս , մեծապէս փառօք ինքնին տարաւ զյաղթութիւնն՝ բացեալ առաջի Հոտմայեցւոց հուն մեծ ընդդէմ Անտիոքոսի . և սարազայութեամբն ածեալ մարտ ՚ի թիկանց կուսէ արքային՝ որ յառաջոյ միայն զգուշացեալ կայր : Եւ նահատակութիւն այս Կատոլիւ ՚ի բաց յելլադայ վանեաց զԱսիա . և Սկիպիոնի հորդեաց ճանապարհ յԱսիա :

Բայց և երկոքին սոքա անսպարտելք

կացին 'ի մարտի . սակայն 'ի քաղաքակա-
նին Արխատիդէս նկուն գտաւ 'ի թե-
միստովզէայ, և վտարանդի ևս չղքաւ խե-
ցեկոյտ վճռովն : Իսկ Կատովն գողցես
զամենայն աւագս և զճոխս Հռովմայ ու-
նելով ընդդէմ իւր ատոյեանս, իբրև ար-
գարև ըմբիշ քաջ մինչև յալևոյթն զդէմ
կալեալ ջանդ անդրդուելի մնաց . և բա-
զում յոյժ անգամ յանդիմանեալ ժողո-
վըրդեան՝ իբրև դատախազ և իբրև դատա-
խազեալ, տալ ետ դատակնիք 'ի վերայ
բազմաց, ինքն անձնապուր յամենայն դա-
տակնիցոյ . ոչ այլ ունելով ապաստանա-
րան կամ գործի ազդողական, բայց զճար-
տարաբանութիւնն . որպէս զի և քան բազ-
դին և քան Քաջի ումեմն՝ առաւել ևս
ճարտար լեզուին գրեսցէ ոք՝ զի ինչ մի
յանպատշաճից երբէքնա ոչ կրեաց : Քան-
զի և նմին իսկ Արխատուելի իմաստասիրի՝
բաց յայլոց քաջալաւութեանցն, զճշգրիտ
համոզողականն՝ տայ 'ի մեծապէս գովու-
թիւն Անտիպատրոս՝ գրեալ յետ մահուն
նորա :

Բայց և այս ինչ խոստովանեալ է առ
հասարակ՝ եթէ առաքինութիւն չիք մար-
դոյ առաւել արդոյ քան զքաղաքակա-
նին . և ոչ գուզնաքեայ մասն զնորա՝ զտրն-
տեսականին ունին բազումք : Քանզի և
քաղաքն գլխովին համախմբութիւն գողով
տանց, 'ի գեղեցիկ կարգաց առն առն քա-
ղաքայնոյ՝ միանգամայն և բոլորն զօրա-
ցեալ գտանի : Ուստի և Լիւկուրգոս տա-

րագիր զօսկին և զարծաթն հանելով 'ի Սպարախոյ, և 'ի տեղին դրամն փոխանակելով երկաթի եղծեալ 'ի հուր, ոչ եթէ 'ի տնտեսականէն զքաղաքացիսն յետս ընկրրկէր, այլ զի զգրգանսն 'ի բաց բարձեալ, և զի այսպէս ասել՝ զքնաւ իսկ զաղտ զընչաւէտութեանն, և առհասարակ զամենեսեան լիացուցեալ յօգտակարն և 'ի կարևորան, քաջախորհուրդ ևս դտաւ քան զամենայն օրինագիրս. սիրեաց մանաւանդ ունել քաղաքացի չքաւոր և անհանդերձ և աղքատ, քան ընչաւէտ զոք ունել և գոռոզ, և երկնչել: Արդ թուի թէ Վատոյն ոչինչ պակաս քան 'ի հասարակացն՝ քաջացաւ յառտնին իրս. բարդաւաճ՝ զիւր գոյսն առնելով, և վարժապետ ևս այլոց կացեալ 'ի տնտեսականին և 'ի մշակականին. զորոց և ծաղկաքաղ ամբաւ զպիտանեացն՝ առեալ կուտեաց յիւր մատեանսն:

Իսկ Արխտիդէս աղքատութեամբն՝ սողիւտ արդեօք զարդարութեամբն արկանէր. և կարծեցուցանէր իմն զնա առաքինութիւն քանդիչ տանց, անընչութեան պատճառս, և ամենեցուն շահաբեր՝ բայց յունողացն զնա: Սակայն Հեսիոգոս շատ ինչ արձանագրեալ իրատել զմեզ՝ միանգամայն և 'ի տնտեսութիւն և յարդարութիւն, և խոտեալ այսպանէ զվատութիւնն՝ իբրև աղբիւր անիրաւութեան: Քաջիկ և ինքնին հոմերոս քերթեաց օրինակ զայս 2.

Այլ ինձ երբէք չէր սիրելի
Գործ և վաստակ 'ի ձեռին,
Ո՛չ տանց խընամ՝ յորմէ շահեալ
Ձաւակք արդոյք բուծանին :
Այլ փարեւիք ցանգ ինձ եղեն
Նաւք քաջաթիւք հաստամուր,
Խօշիւնք մարտից ւերեք թևեան
Նետք և սրլաք սայրասուր :

Իբրու արդարև զայնոսիկ՝ որք անհողա-
ցեալքն իցեն յառանինան, և որք զպարէնս
պատրաստեացեն յանիրաւութենէ :

Քանզի և չէ իսկ արդեօք վայելուչ, ե-
թէ զոր օրինակ ձէթ՝ ըստ բժշկացն՝ ար-
տաքնոյն մարմնոյ օգտակար, և ներքնոյն
մնասակար, սապէս և արգարն՝ այլոցն
միայն պիտանի իցէ, իսկ իւրում անձինն
և իւրոյն անպիտան : Ուստի և 'ի մասինգ՝
թուի թէ՛ թերացեալ իցէ քաղաքականն
Արխատիդեայ . բայց զի (որպէս ասեն բազ-
մագոյնք) փոյթ եղև նմա թողուլ ինչ զկնի
յօժիտ դատերաց, և 'ի թաղումն անձինն :
Վասն որոյ և Աատոմի զարմն մինչև յազդ-
չորրորդ ընծայեցոյց հռովմայ և հիւպա-
տոսս և զօրավարս, քանզի և նորա կալան
թռուռնք և թռուռեայք աւագութիւնս
մեծամեծս : Իսկ վերջին չքաւորութիւնն
Արխատիդեայ՝ թէպէտ և ինքն նախապա-
տիւ 'ի հելլենացիս, զկէսս 'ի զարմէն ամ-
ձգեաց 'ի պնակս իմն սուտակասպաս ձեռ-
նածուաց . և զկէսս դարձեալ մուրիկ կա-
ցոյց կարօտեալ գանձուն գիմոսական . և

քաջնափայլս ոչ յարդարեաց զնոսա և
այնպիսեոյ արժանիս ծնողի :

Այլ վասն այսոցիկ 'ի սլայքար ոք թե-
րևս մտցէ : Քանզի ինքն ըստ ինքեան աղ-
քատու թիւնն խոտան չէ. բայց թէ՛ ծնունդ
գոլով դատարկութեան և անժուժկալու-
թեան և դրդանաց և անմտութեան : Իսկ
յորժամ յայր հանճարեղ օթադայեալ
իցէ և 'ի վաստակասէր և յարդար և արի,
և որ առաքինութեամբ զարդարեալ իցէ
յառաջնորդութեան քաղաքին, մեծանձ-
նութեան և մեծախոհութեան նշանակ է :
Քանզի և չէ իսկ այր վաստախորհուրդ բա-
ւական 'ի նահատակութիւնս մեծամեծս .
և ոչ դարձեալ բազմաց կարօտելոց օգնել
կարող է՝ որ բազում ինչ իրաց կարօտ ի-
ցէ : Եւ քաջալաւութիւն առաջնորդի
քաղաքին՝ ոչ յընչաւէտութեանն է, այլ
'ի գոհութեանն և յինքնարաւութեանն .
ուստի և աւելախնդիր չլինելով, երբէք
զմիտան 'ի բաց ոչ քեցէ 'ի քաղաքէն : Եւ
քանզի աստուած ինքնին գլխովին անկա-
րօտ է. ապա և մարդ՝ որ սակաւապէան
իցէ, ամենակատար է և աստուածայնոյն
մեծապէս հաղորդ : Քանզի զորօրինակ
մարմին բարեկազմ և քաջառողջ՝ աւելոր-
դաց պէտս չունի և ճշգրտութեան հան-
դերձի և կերակրոյ. սապէս և կեանք և
գերդաստան քաջառոյգ՝ սովորականօքն
չատացեալ է և դուզնաքէիւք : Ապա սարս
և արժան է շատանալ ըստ պիտոյիցն . իսկ
որ ինչս մթերեալ կուտէ և դուզնաքէիւք

վարի 'ի պէտան, չէ նա գոհ և ինքնաբաւ . այլ թէ պէտս չունի այնոցիկ և չցանկայ, ունայնութիւն է մթերելն . ապա եթէ պէտս ունի և զվարէ զայն առ ագահութեանն, թշուառական է :

Այլ ինձ մտադիւրագոյնս էր հարցանել Վատովնի, եթէ արդարև առ 'ի պէտս գորով ընչաւէտութիւնն և առ 'ի ծախս, առ ինչ դա պարծի կուտեալ մթերս ամբաւ, յորժամ շատ էին նմա չափաւոր ծախքն : Եւ եթէ գեղեցիկ յոյժ է՝ որպէս և է խկ՝ զսովորականն առնուլ հաց, և զնոյն ըմպել գինի զհեակացն և զծառայիցն, և ոչ ինզրել ոչ հանդերձ ծիրանի և ոչ յարկ երևելի և բռեալ, ապա ուրեմն ոչ ինչ թերացան 'ի պատշաճականնն ոչ Արիստիդէս և ոչ Եպամինոնդաս և ոչ Մարիոս Վուրիոս և ոչ Դայիոս Փաբրիկիոս, զի չեղեն հետամուտք ստանալ զայն ինչ, զորոյ զպէտան յանձն չառնուին . քանզի և վասն մարդոյ՝ որում սպաս համեղաճակ էին շողգամք և ինքեան ձեռքն եփեր զնոսա, անգուստ և կինն ինքնին զհայն հարկանէր, չէին ինչ պէտք արդեօք այնչափ բանս շարժել և շառաչիւնս արձակել վասն միոյ խերեւելի . և նստել մատենագրել, եթէ զհարգ ոք արագ արագ ընչաւէտ կարացէ լինել . քանզի սակաւապէտ կեանք և ինքնաբաւութիւնն ինքնին յոյժ մեծ է . քանզի 'ի բաց զմեզ քեցէ 'ի ցանկութենէ և 'ի հոգոյ աւելորդացն : Նաև պատմեն՝ եթէ Արիստիդէս յամբաստանութե

անդ Վալլիասայ ատաց, եթէ՛ ընդ աղքատութիւնն պատկառէն՝ ակամայ աղքատացեալքն . իսկ կամաւորքն՝ որպէս և ինքն գլխովին՝ պարծին նովաւ : Քանզի և ծիծաղեւի արդեօք իցէ կարծել, եթէ Արիստիդէայ անընչութիւնն ՚ի վատութիւնն իցէ . քանզի և անսոգիւտ արդեօք՝ միայն զաւար մի ժողովեալ զբարբարոսի ուրումն, և վրան մի միայն յինքն տարեալ, անդէն ձեռնհաս էր ընչաւէտ լինել : Այլ յաղազս այսոցիկ այսչափ ինչ :

Բայց և զինուորական մրցանք Վատովնի ոչ մեծ ինչ յաւելին քաղաքին, որ բարգաւաճն իսկ էր . իսկ զԱրիստիդէայն տեսանեմք նահատակութիւնս մեծամեծս, գեղեցիկ առաւել և հոյակապ քան զամենայն հէլէնացւոցն . ըստ որում՝ Մարաթոնայն և Սաղամինայն և Պլատոնայն : Առայս՝ և ոչ զԱնտիոքոս պարտէ զուգակշիռ ունեւ ընդ Քսերքսեայ . և ոչ դարձեալ զքաղաքս քանդեալս զԵրեւիոյ՝ ընդ բազում բիւրաւորաց մարդկանն կոտորածի ընդ ծով և ընդ ցամաք : Եւ արդեօք ՚ի նահատակութիւնսն յայնոսիկ ումեք ՚ի մարդկանէ տեղի ոչ ետ Արիստիդէս . այլ տեղի ետ նա ՚ի փառաց և ՚ի պսակաց, ըստ որում և յնչիցն և ողջոյն յաւարէն՝ զոր թողոյր նա կարօտելոցն . քանզի և յայսոսիկ ամենայն ականաւոր էր նա և բնաւ ից վէհագոյն :

Սակայն և ոչ զՎատովն ինչ բամբասեմ ՚ի պատճառս պարծանացն և գիմագրաւու,

Թեանն. Թէպէտ և ինքնին նա 'ի ճառս ուրեք ասէ, և Թէ՛ Օտար է և դժպատեհ՝ և Թէ՛ անձնագոյն լինել և և Թէ՛ անձնանախատ: Այլ ես այնպէս համարիմ, և Թէ՛ քան զայր անձնգով առաւել կատարեալ յառաքինութեան նա է, որ ոչ այլոցն գովութեան պէտս երբէք ունիցի: Քանզի անխառասէր բարբ մեծապէս Թիկունս տայ հեզութեանն՝ որում պէտք են առաջնորդի քաղաքին. ըստ որում և ներհակաբար՝ դժոխքմբերելի է փառասիրութիւնն և ատելութեան և նախանձուն սատար. իսկ 'ի կրից աստի՛ մին գլխովին անբաժ էր, և միւսն՝ մեծապէս դրաւեալ: Ուստի և Արիստիդէս նիղակակից եղեալ Թեմիստոկղէայ 'ի մեծամեծան, և իբրու անձնապահապետ նմին կացեալ 'ի նորա զօրավարութեանն, յոտին կանգնեաց զիրս Աթենացւոցն: Իսկ Վատոյն 'ի վէդ ընդ Սկիպիոնի եկեալ, և վայրիկ մի ևս վեր 'ի վայր տապալէր զնորա արշաւանսն ընդդէմ Վարբեդոնացւոց՝ յորում վանեալ նկուն լինէր յայնժամ անպարտելին Աննիբաղ. և ասպ ցանգ խէթ իմն և բարուր ընդդէմ նորա շարժեալ՝ տարագիր վանէր զնա 'ի քաղաքէն. և անարգաբար դատակնիք ըզգողոյ տայր տալ վասն եղբօրն նորա:

Առ այստսիկ՝ և զայն ժուժկալութիւնն՝ զոր բազմադէմս և դեղեցիկս գովէ Վատոյն, բնաւ իսկ անբիծ և սուրբ պահեաց Արիստիդէս. այլ ոչ նոյնպէս և Վատոյն. որում ամուսնութիւնն այն՝ անձահ ա-

ւաղու[թեանն և հասակին, ո՛չ դուզնա-
 քեայ զնովաւ արկանէր սողիւտ: Քանզի
 և չէ ինչ գեղեցիկ արդեօք՝ յայնչափ ծե-
 րու[թեանն և որդի ևս ունելով յարբունս
 հասեալ և կանամբի, կին իւր ածել զաղ-
 ջիկ զմարդոյ՝ որ վարձու պաշտօնատար ի-
 ցէ քաղաքի: Այլ [թէպէտ և ՚ի ցանկու-
 [թենէն դործեալ զայն իցէ, [թէպէտ և ՚ի
 ցամանէն վրէժ խնդրեալ յորդւոյն ՚ի բան
 հարձինն, միանգամայն ամօ[թալի գոյ և
 գործն և պատճառք դործոյն: Եւ բանն
 զոր յայնժամ առ որդին ասաց, կեղծու-
 պատիր ուրեմն էր և ո՛չ ճշմարիտ: Քանզի
 արդարև ե[թէ կամէր որդիս այլ ծնանել
 հանդիսապատիւս ՚ի լաւու[թեան, սարտ
 էր յառաջագոյն քաջ կշռու[թեամբ զու-
 քել ընդ կնոջ քաջազգւոյ, և ո՛չ հանդար-
 տել մտանել առ կին անհարազատ և ուս-
 միկ, մինչդեռ զանխուլ էր բանն. և ո՛չ
 դարձեալ յորժամ առակեցաւ՝ իւր աներ
 առնել զմարդն՝ որ [թէպէտ և նա մտադիւ-
 րագոյնս յանձն առնոյր, սակայն Վատովնի
 չէր գեղեցիկ ազգակից նմա լինել:

ԾԱՆՕԹՈՒԹԻՒՆՆԵՐ

1. Էինն առաջին անուանք նորա՝ Մարկոս Պորկիոս Պրիսքոս :
 2. Հոմերոս . Հագներդ . ԺԴ . Ողիւսականին :
-

Պ Լ ՈՒ Տ Ա Ր Ք Ե Ա Յ

ԶՈՒԳԱԿՇԻՌՔ

ՊԻՌՌՌՈՍԻ

ԵՒ

Գ Ա Յ Ի Ո Ս Ի Ծ Ա Ր Ի Ո Ս Ի

PLATE 1

THE GREAT WALL

CHINA

1880

THE GREAT WALL

ԼՆԱՆՔԻՆ յետ ջրհեղեղին թաղ կա-
 պեալ 'ի վերայ թեսպրոտացւոց և Մողո-
 սացւոց՝ պատմեն զճայեթոն, որ մի էր
 յընկերացն որք ընդ Պեղասգոսի եկեալ
 հասին յԵպիռոս. իսկ կէսք ասեն՝ եթէ
 Դեւկալիոնն և Պիւռոսս յետ կանգնելոյ
 զմեհեան Դովգոնեայ՝ անգանօր առ Մո-
 ղոսացիս կալան բնակութիւն : Իսկ յետ
 ժամանակաց Նէոպտողէմոս Ա. քիլլեայ որ-
 գի ամեալ ժողովուրդ՝ ինքն զնոյն աշխարհ
 կալաւ ընդ ձեռամբ, և զարմն ևս զար-
 քայլից յիւրմէ թողեալ անգանօր, որոց
 անուն կարդային Պիւռոսսեանք. քանզի
 նա 'ի տղայ տիոցն մականուն կալաւ Պիւռ-
 ոսս. և զնոյն անուն եղ նա միում յորդ-
 ւոց անախ իւրոց հարազատաց՝ զոր ծնաւ
 նմա լանասսա դուստր Վղէոգէոսի Իւլո-
 սեան : Ուստի և շուք աստուածեան կալաւ

Աքիլլէս յԵպիռոս . և 'ի բարբառ աշխարհին անուն կարգային նմա Ա՜ժէրօս այն է՝ Անմատոյց :

Բայց ապա յետ առաջնոց թաղաւորացն այնոցիկ՝ զինի եկեալքն մինչև 'ի Թարրիւտաս՝ խուժադուժք գտեալք և անաւագք, մինչև ո՛չ գիտել նոցա ո՛չ զտէրու թիւն և ո՛չ զկեանս . և սպտմեն՝ եթէ սա այս Թարրիւտաս առաջին զարգարեալ զքաղաքսն հելլենացի բարոյիւք և դպրութեամբք և մարդասէր օրինօք, զհամբաւի հարաւ : 'ի Թարրիւտասայ ծնաւ Աղկետաս, յԱղկետեայ Արիւբաս, և յԱրիբասէ և 'ի Տրովադեայ ծնաւ Էակիդէս՝ որ ած 'ի կին զՓթիա դուտոր Թեսսաղոսի Մենոնեայ, որ ականաւոր գտաւ 'ի լամիակեան պատերազմին, և զինի լէոսթենեայ բարձերէց էր 'ի մէջ նիզակակցացն : Իսկ Էակիդոսի ծնան 'ի Փթիայ դստերք Երկուք Դեդամիա և Տրովադա, և ուտոր մի անուն Պիւռոս :

Ապա ազմուկ շփոթից յուզեալ 'ի Մոլոսացիս և տարագիր զԷակիդէս արարեալ, և փոխանակ զորդիսն կացուցեալ զԷէոպոտոլէմեայ՝ զբարեկամսն զԷակիդեայ 'ի մահ վարէին . սակայն Անդրոկղիդէս և Անդեղոս մաղապուր զՊիւռոս տղայ արարեալ 'ի ձեռաց թշնամեացն, փախստեայք երթային ածեալ ընդ իւրեանս սակաւս ոմանս 'ի ծառայից և 'ի նաժշտաց դիեցուցանել զտղայն : Այլ դանդալեալք 'ի փախստեան՝ 'ի ժամանել

Հետամտիցն՝ առեալ զտղայն տային՝ ի ձեռս
 Անդրոկղևոյնեայ և Իսապիասայ և Նէան-
 դրոսի՝ պատանիք հաւատարիմք և կորո-
 վիք . հրաման տուեալ խուճապել ՚ի փա-
 խուստ շտապաւ, և գնալ ՚ի Մեգարոյն
 յերկիր Մակեդոնիոյ : Իսկ ինքեանք է զի
 յողոք անկեալ Հետամտիցն, և է զի ՚ի գի-
 մի արձանացեալք, այնպէս քար ընդ ոսն
 լինէին նոցա մինչև ցերեկոյ . մինչ հազիւ
 ուրեմն վանեալ զնոսա՝ եկին հասին առ
 պատանիսն որ բարձեալ տանէին զՊիւռ-
 ոսս : Ապա յետ մտից արևուն իբրև յա-
 պահովի կարծեալք զանձինս, անդ յան-
 կարծակի ՚ի յուսոյն ՚ի դերևա ելանէին .
 քանզի գետ ընդ առաջեալ նոցա՝ որ առ-
 երի գնայ քաղաքին, ՚ի ժամանակին սրն-
 թաց յոյժ՝ ահ արկանէր . զի և հնար չէր
 ամենևին անցանել ընդ նա, որ յուղտից
 անձրևաց լցեալ գայր սղտոր դարիւ և դա-
 րիւ . առ այս և մութ գիշերոյն առաւել
 արհաւրոք ընոյր զամենայնն :

Ապա զտեղի կալեալ անգէն և զանդի-
 տեալք անցուցանել զտղայն և զնուցիչն,
 և յայնկոյս գետոյն լուեալ զձայն բարբա-
 ոսոյ դաւառահանացն, սկսան աղաչել օդ-
 նութիւն . և առեալ ցուցանէին նոցա ըզ-
 Պիւռոսս, ձայն բարձեալ յողոք անկա-
 նէին . այլ նոքա ՚ի գրգանս և ՚ի դնգչիւն
 հոսանաց գետոյն ոչ լսէին զբարբառն . մի
 կողմն կայր և աղաղակէր, և միւսն՝ իմա-
 նայր և ոչինչ . մինչև ՚ի միտս եկեալ մի ոմն՝
 գերծոյր կեղև ՚ի կաղնւոյ և առեալ գծէր

'ի վերայ ճարմանդիւն գիրս իմն և նշանա-
կէր զկարիս և զբազդ մանկանն . ապա
զկեղնն պատեալ 'ի քար՝ հատարան 'ի
քարրնկէց անդր, այնպէս առեալ ձգէր 'ի
միւս ափն : Այլ կէդք ասեն՝ եթէ զկեղնն
պարուրեալ շուրջ 'ի նետաբունն՝ այնպէս
արձակեաց յայնկոյս : Իսկ որք յայնկոյս
կային առեալ ընթերցեալ զգիրն և 'ի վե-
րայ կացեալ տազնապին նոցա, անդէն հա-
ռեալ ծառս և լատոս կապեալ, այնպէս
անցանէին ընդ գետն : Արդ որ առաջին
նահատակեցաւ յանցսն՝ անուն էր նորա
ըստ գիպաց Աբիլէս, և առեալ լինքն
զՊիւռոսոս տղայ՝ անցուցանէր . և ապա
այլք ըստ նմանէ՝ ըստ որում պատահէրն՝
անցուցանէին և զայլն :

Եւ այսպէս ապա զերծեալք, չորան 'ի
Վիւրիկեցիս առ Գլաւկիսս արքայ, և
գտեալ զնա 'ի տան ընդ տիկնոջն բազ-
մեալ, եղին 'ի գետնի զմանուկն առաջի
երկոցուն նոցա : 'ի վերայ հասեալ բանին
Գլաւկիսս, կայր և զմտաւ ածէր՝ զանգի-
տեալ 'ի Կասսանդրոսէ՝ որ թշնամին էր
Էակիդեայ . և այնպէս հարուստ ժամա-
նակ անշունջ մտախորհ լինէր Գլաւկիսս
'ի սրտի իւրում : Այլ 'ի սահուն յայնմիկ
յափաթերս գնացեալ Պիւռոսոս առ ար-
քայն և կալեալ ձեռքն զվերարկուն և 'ի
վեր կանգնեալ զծնգովքն Գլաւկիսոսի,
զառաջինն 'ի ժպիտ շարժեաց զարքայն,
ապա 'ի գութ խանդաղատանաց 'ի վերայ
մանկանն՝ իբրու արտասուալից ողորբաւորի :

Իսկ կէսք պատմեն եթէ ոչ առ Գլաւկիաս այնպէս չոքաւ տղայն աղաչաւոր, այլ ՚ի սեղան անդր աստուածոյն՝ յոտին կանդնեալ առննթեր նորա և շուրջ զձեռսն ածեալ զնովաւ. ոյր աղագաւ և Գլաւկեայ այնպէս թուեցաւ՝ աստուածական պատահել իրացն, ուստի և անդէն առեալ զՊիւռոս տայր ՚ի ձեռս ամուսնոյն, հրաման տուեալ սնուցանել զնա ՚ի միասին ընդ իւրոց զաւակացն. և յետ սակաւուց թէպէտ և զմանովն խնդրեցին թշնամիք, և ինքնին Վասսանդրոս քանքարս երկերիւր ՚ի ներքս մատուցանէր, ոչինչ յանձն էառ Գլաւկիաս. այլ յարբունս հասեալ մանկանն ամաց երկոտասանից, ածեալ զնա զօրու ծանու յԵսպիոս՝ անդանօր թագկապէր նմա :

Իսկ էր Պիւռոսին դէմք արքենի կերպարանացն ահրնկէց առաւել քան եթէ պերճ. և չէին նորա շարք ատամանցն ՚ի վերին կողմանն բաժանեալ, այլ ոսկր միաձոյլ իուսն մի քերածով գծեալ անջրպետութիւն ատամանցն : Եւ կարծէր իմն այնպէս՝ ունել Պիւռոսի զօրութիւն ասպաքինելոյ զփայծաղնացաւ՝ յազելով սքալաղ սպիտակ, և յորսայս արկեալ զսպտակիրսն՝ մեղմով աջոյ ոտամբն ճնշելով զսխոնդիս նոցա. և այր այր թէպէտ և ՚ի սինլքքորաց զնոյն դարման գտանէր ՚ի նմանէ, և ապա առնոյր վասն իւր զյաղեալ համն. և էր այն նմա ՚ի վարձ տարփալի : Առ այս պատմեն՝ և բուժ մատին

այնր ոտինն աստուածեան ունել զօրու-
թիւն. իբրու որ յետ մահուն ողջոյն նո-
րա ածիւնացեալ մարմինն, այն մասն նո-
րա անկէզ և անապական մնայր ՚ի հրոյն :
Այլ յաղագս այսորիկ յետոյ ուրեմն 1 :

Ապա ամաց գոլով նա եօթն և տա-
սանց, և աներկեան զանձն կարծեալ յար-
քայութեանն, ել չոքաւ առ Լիւրիկեցիս
՚ի հարսանիս միոյ ուրուք յորդոցն Գլա-
կեայ դայեկորդոց իւրոց : Իսկ յայնժամ
միւսանդամ վտարանջեալ Մոլոտոսացիք՝
՚ի բաց զբարեկամն նորա հալածեն, և յա-
ւարի առեալ զչանձն արքունի՝ նուաճին
ընդ ձեռամբն Նէոպոլոմեայ : Եւ այսպէս
ապա յարքայութենէն զրկեալ Պիւռոս
և լքեալ յամենեցուն, չոքաւ առ Դեմե-
տրիոս որդի Անտիգոնոսի, որոյ կին էր
Դեդամիա քոյր նորա. այս Դեդամիա՝
մինչդեռ մանուկ էր՝ խոստացեալ ՚ի հարս-
նութիւն Ալեքսանդրոսի որդոյ Ռովքա-
նեայ, սակայն ընդ ձախողակս իրք նորա
գնացեալ, հարսնացու եղեալ Դեդամիա՝
ամուսնացաւ ընդ Դեմետրիոսի :

Եւ ապա ՚ի մեծի պատերազմին յԻս-
սոն, ուրանօր մարտ եղեալ կուռէին ամե-
նայն թագաւորք երկրի, Պիւռոս տակա-
ւին պատանեակ միշտ անմեկնելի էր ՚ի
Դեմետրեայ, և նկուն արարեալ զամենայն
հակառակամարտս նորա՝ մեծապէս երևե-
լի ընէր ՚ի զօրականին : Ապա և Դեմե-
տրիոս նկուն եղեալ, նա երբէք չեթող
զքեռայրն. այլ ընդ նորա ձեռամբն հաս-

տատուն սրահէր զքաղաքն Ելլադայ՝ որք
 հաւատացեալքն էին 'ի նա : Եւ ապա
 հաշտութեան պայմանք կռեալ ընդ Պողոս
 մեայ՝ ելեալ նաւէր Պիւռոսս յԵգիպտոս
 'ի պատանդի : Անդանօր յորսս և 'ի վարժս
 մրցանաց 'ի ներքս բերէր նա զկորովութիւն
 իւր և զանվկանդ ոգին . և տեսեալ նա
 յամենայն կանայսն Պողոմեայ զԲերենիկէ
 ճոխ և առաքինութեամբ և հանձարով
 գերազանցեալ, նմա յաւէտ իմն սպաս
 հարկանէր . և քանզի գիտէր իսկ քաջ առ
 շահ անձինն շքագիր աւագացն լինել . ըստ
 որում և արհամարհոտ էր նա խոնարհա
 գունիցն քան զինքն . այլ պարկէշտ և
 ժուժկալ 'ի կերակուրս , առաւել քան
 զբազում արքայորդիսն ընտրեցաւ նա 'ի
 փեսայութիւն Անտիգոնեայ դստերն Բե
 րենիկեայ, զոր ծնաւ նա Փիլիպպոսի մինչ
 չև եկեալ յերկրորդ հարսանիսն ընդ Պրո
 ղոմեայ : Եւ ապա յետ փեսայութեանն
 առաւել ևս արգոյ եղեալ Պիւռոսս , և
 զօրավիգն ևս նմա լինելով ամուսին նորա
 պատուական Անտիգոնէ , արձակեալ լի
 նէր յԵգիպտոս հանգերձ ընչիւք և զօրու
 ծանու հաստատել զաթոռ արքայութե
 իւրոյ . ուր և մտադիւրագոյնս ընկալան
 զնա ժողովուրդք առ ատելութեան Նէո
 պրաղոմեայ, քանզի բռնացեալ էր : 'ի վե
 րայ այսր և զանգիտեալ Պիւռոսս՝ գուցէ
 օգնականութիւն 'ի Թագաւորաց գտցէ
 Նէոպրաղոմէոս , բարեկամութիւն հատուկ
 ընդ նմա՝ Թագ երկոցուն կապեալ միան
 դամայն :

Ապա յետ այնորիկ արք փասքուպ գաղտաբար ընդ միմեանս ձգէին զնոսա . և որ առաւել գրգռեաց զՊիւռոսս՝ որպէս ասեն՝ էր այսպիսի . էր սովորութիւն արքայիցն գնալ 'ի զոհ՝ Արէսեանն Արամազդայ 'ի Պասասարոն՝ վայր գաւառին Մողոս տացոց . և զոհեալ՝ երդումն կուէլ առաջի ժողովրդեանն՝ ըստ օրինացն վարել զտէրութիւնն . նոյնպէս և ժողովրդոցն՝ պահել նոցա զտէրութիւնն ըստ օրինացն ըստ այնոցիկ : Վատարեցան և յայնժամ այսօքիկ յանգիման թագաւորացն երկոցուն՝ որ անդր եկին հասին հանդերձ բարեկամօքն . ուր և մեծապէս ընծայարեբք լինէին նոքա միմեանց : Անդ Գեղովն հաւատարիմ՝ Նէոպոլոմեայ՝ ըղձակաթ առ Պիւռոսս եղեալ՝ պարգևէր նմա ամուս երկու արօրաձիգ եզանց : Զսոսա խնդրեալ 'ի Պիւռոսսէ Միւրախղոս մատուակ նորա, և 'ի յանձն չառնուէլ Պիւռոսսի և 'ի տալ այլում, յոյժ սրանեալ խեթացաւ Միւրախղոս . որում և իրազգած լինէր Գեղովն, և յընթրիս հրաւիրեալ զնա (և որպէս կէսք ասեն՝ գինեհարութեամբն եղեալ ևս ընդ նմա՝ զի էր գեղեցիկ), հրապոյրս արբուցանէր նմա՝ զկողմն կալեալ զՆէոպոլոմեայ՝ դեղել զՊիւռոսս : Անդ Միւրախղոս ընկալեալ զհրապոյրան իբրու 'ի վերին երեսս հաւանեալ ընդ բանն և անդասին ևս կամել զայն, երթեալ ասպա 'ի վեր հանէր զբանն առ Պիւռոսս :

Ապա 'ի հրամանէն Պիւռոսսի Միւր-

տիղոս առեալ ամէր առ Գեղոյն զԱլէք-
սիկրատէս տակառապետ, իբրու սատար
դաւաճանութեանն լինել. քանզի կամէր
Պիւռոս ՚ի բազում վկայից հաւատոխ
ունել զամբարշտութեանն : Ապա թա-
կարթեալ Գեղոյն, թակարթեցաւ ինք-
նին և Նէոպտողէմոս. կարծեալ եթէ յան-
դորրու յաջողակի լարեցան հաղթքն, ոչինչ
հանդուրժեաց առ խնդին մերկանալ ըզ-
բանն առաջի բարեկամացն. ապա և ՚ի գի-
շերի միում դարձեալ ՚ի գինեբբուս ՚ի
տան Վաղմեայ քեռն իւրոյ՝ սկսաւ բան-
դագուշէլ ընդ նմա վասն բանին այնորիկ .
համարեցաւ եթէ լսէ և ոչ ոք, զի և չէր
ոք անդ բայց Փէնարէտէ կին Սամոնի՝ որ
իչխան էր ՚ի վերայ հօտից և անդէոց Նէո-
պտողոմեայ . սա անկեալ ՚ի բազմոցի և ե-
րեպք իւր յորմն կոյս՝ թուէր եթէ նիր-
հեսցէ . սակայն լուեալ նա զամենայնն
լուիկ մնջիկ, ՚ի գալ աւուրն վաղվաղակի
երթեալ առ Անտիգոնէ կին Պիւռոսի՝
սրտամէ նմա զամենայնն զոր խօսեցաւ
Նէոպտողէմոս առ քոյրն : Իրագեկ և այսմ
եղեալ Պիւռոս, լուռ եկաց և հանդար-
տեաց . ապա ՚ի զոհ մի հրաւիրեալ ՚ի կո-
չունս զՆէոպտողէմոս, անդէն սպանանէր
զնա . քանզի և գիտէր իսկ իւր կուսակից
զաւագան Եպիռոսացոց և թելագիր նմա
բառնալ ՚ի միջոյ զՆէոպտողէմոս, և ոչ
չատանալ միայն դուզնաքեայ մատամբ ար-
քայութեանն, այլ ՚ի գործ զքնութիւնն
վարել՝ թեկն ամէլով զմեծաց իրաց : Ու

տի և նա զառաջան առեալ՝ բառնայր ըզ-
 Նէոպատոզէմոս՝ ՚ի կենաց, յորժամ՝ ՚ի միա-
 սին բարդեցաւ և այն խէթ մահահոս :
 Յետ այնորիկ Պիւռոս յուշի կապեալ
 զԲերենիկէ և զՊաղոմէոս, յանուն պտղո-
 մեայ կոչէր զորդին՝ զոր ծնաւ նմա Անտի-
 գոնէ . և շինէր ևս քաղաք ՚ի Քերսոնէսոն
 Եպիւռոսի, և անուն կարգայր նմա Բե-
 րենիկիդէս :

Իսկ յետ այսորիկ բազում ինչ և մե-
 ծամեծ նահատակութիս խնդրեալ Պիւռ-
 ոս և յուսով խնդացեալ, նախ քան զա-
 մենայն՝ որ առ ոսս կայր՝ գտանէր հնարս
 իմն ձեռնամուխ յիրս Մակեդոնացոցն՝
 օրինակ զայս . Էր Անտիպատրոս երէց որ-
 դի Կասսանդրոսի սպանեալ զմայր իւր
 Թեսսաղոնիկէ, և ՚ի բաց զէղբայր իւր վա-
 րեալ զԱլէքսանդրոս : Սա առաքեալ խըն-
 դրէր թիկունս ՚ի Դեմեարիոսէ, կոչէր և
 զՊիւռոս ինքնին . իբրև Դեմեարիոս ան-
 պարասեալ դանդաղէր, գնացեալ առ նա
 Պիւռոս խնդրէր ՚ի վարձ մարտին զՆիմ-
 փէա և զԺովաֆնեայն Մակեդոնիոյ . դար-
 ձեալ և ՚ի Ժողովրդոցն նուաձեւոց զԱմ-
 բրակիա և զԱկարնանիա և զԱնիկիդիա :
 Զորս և առհասարակ առեալ, կարգէր անդ
 պահանորդս . և խաղայր զիսէր այնուհետև
 առնոյր նուաձէր ընդ ձեռամբ Ալէքսան-
 դրի զվայրան՝ հանեալ ՚ի ձեռաց Անտի-
 պատրեայ :

Իսկ Լիւսիմաքոս արքայ կամեցեալ
 ձեռն տալ Անտիպատրոսի և խափանեալ

յանպարտապուծեանցն, ապա գիտելով չափ եթէ ըստ կամս Պողոմեայ երբէք չեւանէ Պիւռոսս՝ առեալ առաքէ առ Պիւռոսս նամակ մի կեղծ իբրև 'ի Պողոմեայ. հրաման տուեալ նմա տեղի տալ յարշաւանաց անտի իւրոց, և վասն այնորիկ քան քարս երեքհարիւր առնուլ յԱնախաարեայ: Իբրև զնամակ զայն բանայր Պիւռոսս, անդէն 'ի վերայ հասանէր նենդին Լիւսիմաքեայ. քանզի զսովորականն չքատնէր 'ի նմա դրեալ զանուանակոչուծիւնն, զայն, եթէ հայր Խրտի, Խնտալ, այլ թէ՛ Արտայ Պարտեոս Խրտայ Պիւռոսս, Խնտալ. Ուստի և կշտամբանս առաքեալ նա առ Լիւսիմաքոս, հակամիտէր ապա և 'ի հաշտութիւնն. և երեքին նորա միանգամայն եկեալ հասին՝ երգամամբ 'ի զոհս կուէլ զապամանսն: Իբրև 'ի զոհսն 'ի մէջ ամին նոխազ մի և ցուլ մի և խոյ մի. դէս եղև խոյին մինչև յազեալ մեռանել ինքնին, և 'ի ծաղո շարժեաց առհասարակ. այլ անդ թէոգոտոս իզձ շտայր թոյլ Պիւռոսսի երդնուլ, և ասէր զայն դէսսն նշանակ մահու միոյ ուրուք 'ի թագաւորացն. ուստի և Պիւռոսս յայնժամ ձեռնթափ լինէր 'ի խաղաղութենէն:

Իսկ յետ այնորիկ 'ի հանդարտութիւն գարձեալ իբք Աղեքսանդրի, համայն և այնպէս Դեմետրիոս եկն եհաս անկոչ 'ի նմանէն և յոչինչ պէտս. ուստի և ահ անկաւ 'ի վերայ նորա: Իբրև աւուրս սակաւ կացին նորա առ միմեանս, յերկուացեալ

այր ընդ ընկեր՝ որոգայթ լարէին միմեանց . այլ Դեմեարիոս դէս ժամանակ գտեալ և կանխեալ՝ բառնայր 'ի կենաց զԱլեքսանդրոս , և ինքն համբաւէր թագաւոր Մակեդոնիոյ : Բայց էր և 'ի վաղնջուց խէթ Դեմեարի ընդդէմ Պիւռոսի , զի և սպատակեալ էր Պիւռոս 'ի Թեսաղիա . առ այս և ցանկութիւն աւելաստացու թեան՝ անկակից ախտ թագաւորաց՝ զնոցա զառ միմեանս մերձաւորութիւնն ահագին և կեղակարծելի յարդարէր , յաւէտ իմն յետ մահուանն Դեդամեայ : Այլ իբրև երկոքին նոքա գրաւեալ զՄակեդոնիա՝ 'ի նոյն և 'ի մի հետամուտք լինէին , և թշնամութեան նոցա այնուհետև մեծամեծք էին բարուքք , Դեմեարիոս խաղացեալ ընդդէմ Ետողացոց և նուաճեալ զնոսա՝ թողոյր անդէն զՊանտաքոս բազում զօրու , և ինքն դիմէր ընդդէմ Պիւռոսի . 'ի նոյն և Պիւռոս ընդդէմ նորա վաղվաղակի՝ իբրև ազգ լինէր նմա . այլ երկոքին մոլորեալք յուղւոյն՝ ոչ սպատակէին միմեանց : Դեմեարիոս մխեալ յԵպիռոս աւար հարկանէր , և Պիւռոս սպատակեալ Պանտաքոսին՝ կարդեցաւ 'ի կռիւ մարտի :

Իբրև սպտերազմն խառնեցաւ , ահագին և մեծ էր գոռն՝ յաւէտ իմն առ կողմամբք զօրավարացն : Քանզի Պանտաքոս արու թեամբ քաջութեամբ և ուժով մարմնոյն և յաջողակի վարժիւքն առաջին 'ի զօրավարսն Դեմեարի՝ մեծապէս գոռ և խի-

զսին՝ աստարէզ Պիւռոսի կարգայր 'ի վէգ ընդ նմա: Անդուստ և Պիւռոս առաջին արգարև 'ի Թագաւորս 'ի կորովու-
 Թեան և 'ի փառս, քան յազգականու-
 Թենէ զարմին՝ առաւել յառաքինութէն
 խնդրեալ զփառսն սեպհականել զԱքիւ-
 լեայ, զիմեալ գայր նահատակ 'ի հանդի-
 պոյ ընդդէմ Պանտաքոսին՝ ուղի իւր հա-
 տեալ յառաջոյ նախամարտկացն: Առա-
 ջին ձգեալ արձակեցան գեղարդունք. ա-
 պա 'ի մօտոյ բռնագոյն ևս 'ի վէգ եկեալք
 և զպոլովատիկան մերկեալք՝ զարուեստ
 զամենայն և զճիգն Թափէին երկոքին նո-
 քա: Անդ վէրս Քի առնոյր Պիւռոս, և
 կրկին զարձեալ տայր ախոյենին. մի՛ 'ի
 զստին, և միւս ևս՝ առ սարանոցան Պան-
 տաքեայ, և Թաւալցւոր յերկիր տապաստ
 արկանէր զքաջն. սակայն և զկեանսն չկա-
 րաց բառնալ, քանզի 'ի բաց 'ի վայրէն ա-
 ռին բարեկամք զՊանտաքոս: Ապա Եպի-
 ռացիք զարմացեալք ընդ քաջութիւն ար-
 քային իւրեանց, բարձրասպարանոցք ընդ
 յաղթութին՝ նահատակեալ վանէին հար-
 կանէին զփաղանդ Մակեդոնացւոցն. և
 հետամուտք ևս եղեալք՝ զբաղումս տա-
 պաստ արկանէին, և ձերբակալ ողիս հինգ
 հազար գերէին 'ի նոցանէ:

Եւ ապա այս հարուած ոչ այնչափ 'ի
 բարկութիւն և յատելութիւն գրդեաց
 զՄակեդոնացիան ընդդէմ Պիւռոսի, քան
 Թէ հիացեալ սքանչացան նոքա ընդ քա-
 ջութիւն նորա. որ և սակալ բարբառեալ

խօսէին որ միանգամ ականատես կացին շահատակութեանցն նորա, և ընդ նմա՛ ՚ի վէգ եկին: Քանզի թուէր իմն այնպէս նօցա՛ ՚ի դէմն կերպարանացն և յարագութեանն և ՚ի դարձսն բերել Պիւռոսի զնմանութիւն զԱղեքսանդրին, զոյր և ըզթափոյն յարձակմանն և զբուռն զօրութեանն ՚ի կռուին զնկարագիրն՝ ՚ի Պիւռոս տեսանել. քանզի զնմանութիւն բերէին զԱղեքսանդրին այլք ՚ի թագաւորաց ՚ի հանդերձս ծիրանեացն և ՚ի բազմակոյտ անձնապահապետան և ՚ի թէքել պարանօցին և ՚ի պերճանալ բարբառոյն. մի միայն Պիւռոս հանգուցափայ եկաց նմա՛ ՚ի զէնս և ՚ի կորովութեան ձեռացն: Իսկ յազագս հմտութեան վարժից նորա ՚ի կարգել և ՚ի վարել բանակաց, գեղեցիկ հաւաստիք գոն մեզ յարձանագրութեանց անտի նորա յազագս իրացս այսոցիկ:

Եւ ասեն՝ եթէ հարցեալ Անտիգոնոս, ո՞ իցէ առաւել քաջ ՚ի զօրավարաց, ետ պատասխանի. Պիւռոս ՚ի ծերանալ իւրում. յայտ արարեալ զնա քաջ՝ որ միայն առ իւրովքն էին ժամանակօք. այլ ապա Անտիգոնոս վկայէր՝ զի և քան զամենայն զօրավարս համօրէն ըստ վարժիցն հմտութեան առաջին եկաց Պիւռոս. և երկրորդ՝ Սկիպիոն. և երրորդ՝ ինքն գլխովին. ըստ որում ՚ի վարսն Սկիպիոնի արձանագրեալ կայ 2: Եւ գլուխ բանին՝ թուի թէ ՚ի զինուորականին՝ անգուլ բանասիրութեամբ պարապեցաւ Պիւռոս, զայն

վարժ գեղեցիկ յոյժ համարելով առն
 թագաւորի առաւել քան զամենայն, և
 այլ բազմաքանդակն մակացուծեանց չտաւ
 նելով փոյթ: Քանզի և պատմեն՝ եթէ
 հարցեալ նա ՚ի կոչունս ուրեք՝ զո՞ դք քաջ
 ևս համարեսցի սրնդահար, արդեօք զՊիւ-
 թովն՝ եթէ զՎասիլիսիաս, տայր պատաս-
 խանի՝ եթէ զՊողիւսպէրքոն զօրավար-
 իբրու որ ՚ի դէպ առն թագաւորի իցէ՝
 այսոցիկ միայն պատկառ կալ և գիտել:
 Եւ էր Պիւռոսոս հեշտ բաղձալի առ ըն-
 տանինն, և հեղ և հանդարտ ՚ի բարկու-
 թեանն, և կազմ յօժարամիտ փոխարինել
 երախտեաց. ոյր ալագաւ և մեծապէս
 ցաւեաց նմա օրհաս մահուն Երոպեայ.
 և ասէր՝ եթէ Երոպոս ՚ի մահուն իւրում
 կրեաց զհասարակաց կիրս կանանցածնաց.
 և միանդամայն կշտամբէր զանձն Պիւռոսոս,
 զի դանդաղագոյնս չէր փոխարինեալ ե-
 րախտեաց նորա: Քանզի զպարտս մարթին
 և ժառանգք հատուցանել պարտատեարց.
 իսկ եթէ դարձ փոխարինի ոչ տացի երախ-
 տաւորացն կենդանեաց, վիշտ մեծապէս է
 այն արանց լաւաց և արդարոց:

Իսկ էր երբեմն ՚ի կարծել ոտանց՝ եթէ
 Պիւռոսոս ինքնին գոլով յՎմբրակիս՝ տա-
 րագիր արասցէ զայր դք լեզուագար և ըզ-
 հայհոյիչ, ասէր Պիւռոսոս. «Նա մանա-
 ւանդ կացցէ մնասցէ այրդ այդ և լեզուա-
 գարեսցէ զմէնջ ՚ի մէջ սակաւ ամբոխից,
 քան եթէ շուրջ ելեալ արտաքս ՚ի մէջ
 ամենայն մարդկան»: Ի՛ր դարձեալ՝ զի

յերիտասարդաց ոմանք ընդ զինի մտեալ և յիշոցս առ նա արձակեալ, և յբարձրիւն իւրեանց՝ հարցանէր Պիւռոսու եթէ ճշմարիտ բարբառեցան յայնպիսեաց անտի, ետ պատասխանի մի ոմն՝ ՚ի նոցանէ և ասէ .

“ Այ՛ յո՛ բարբառեցաք արքայ . այլ արդեօք մեր առաւել բարբառեալ էր, եթէ առաւել ևս արբեալ էր մեր ” : Ծիծաղեցաւ Պիւռոս և արձակէր յազատութիւն :

Յետ այսորիկ առ ՚ի բարգաւաճ ևս զիրս իւր առնել և զգորութիւնն, զինի մահունն Անտիգոնեայ ամ նա և զայլ կանայս, զգուտար Ատոլէոնեայ արքայի Պէոնացոց, և զԲիրկեննա գուտար Բարդիւլիոսի արքային Լիւրիկեցոց, և զԼանասաս զԱգաթոկղէսի Սիրակուացոց, որ եբեր նմա յօժիտ զԿերկիւրացոց քաղաքն՝ զոր էառ ինքնին Ագաթոկղէս : Եղև նմա յԱնտիգոնեայ որդի Պաղոմէոս, ՚ի Լանասայ՝ Աղէքսանդրոս, և ՚ի Բիրկեննայ՝ Եղէնոս կրտսերացոյնն որդւոց : Եւ ապա ինքն գեղեցիկ դասախարակութեամբ առհասարակ զնոսա յարգարեաց ՚ի զէնս, և յարիութի և յաշխոյժս վառեաց ելից զնոսա անդրսաին յառաջին տիոց հրահանգեալ զնոսա : Քանզի պատմեն՝ եթէ հարցեալ ՚ի միոյ յորդոցն՝ տակաւին տղայ, ու՛մ ու՛մք ՚ի նոցանէն թողցէ զարքայութիւնն, ետ պատասխանի . Ոյ՛ր ՚ի յէնչ սրագոյն ևս ի՞նչ սոսնէր : Եւ այս ոչինչ օտար է յողբերգական նշովից անտի, եթէ՛ ՚ի սայրասոսր յերկա՛ն քոսն լի՛ճակեայի եղբարց : Այնչափ

իմն անհաղորդական և դազանական է
 ցանկութիւն աւելաստացութեանն: Այլ
 յետ պատերազմին այնորիկ դարձ 'ի առն
 արարեալ Պիւռոս, այնպէս երևելի 'ի
 փառս և 'ի խորհուրդս մեծամեծարս
 զուարճացեալ բերկրէր. և յԵսպիւացւոց
 ևս վասն այնորիկ անուն առեալ Արծուի,
 ասէր. «Չեօք Արծուի եմ ես. զի զխորդ ա-
 սլանս յաջողեսցի ինձ՝ ձերովք զինուք իբր
 սրաթևովք ոմամբք բարձրաթուիչ լինել»:

Բայց յետ սակաւուց լուր առեալ
 Պիւռոս զգժուարին հիւանդութեանն
 Դեմեարի, յանկարծակի յեղակարծումն
 ժամու հորդան տայր անկանէր 'ի Մակե-
 դոնիա. ասպատակ սփռէր և աւար հար-
 կանէր, և վայրիկ մի ևս առհասարակ տի-
 րանայր անարդէլ 'ի վերայ արքայութեան.
 յառաջագէմ անդ իմամարտ խաղայր գնայր
 մինչև յԵդեսսա, և շատք ևս գային յաւե-
 լուին 'ի նա՝ զինուորեալք ընդ ձեռամբ
 նորա: Ապա վիշտ վտանգին յայնժամ
 դրդէր 'ի վեր կանգնէր զԴեմեարիոս՝ թէ-
 սպէս և վատեալ յուժոյ. և անգէն բարե-
 կամք նորա և զօրավարք բազում ամբոխիւ
 կազմութիւն տուեալ ստուար բանակի՝
 դիմէին 'ի վերայ Պիւռոսի: Իսկ Պիւռ-
 ոս՝ որ աւազակաբար մանաւանդ յասպա-
 տակ անդր հասեալ կայր, խուճապեալ 'ի
 փախուստ դառնայր, և տապատ ևս ան-
 կանէր 'ի զօրուէն նորա. զի և անդուլ
 յուղւոջն 'ի վերայ նորա անկանէին Մա-
 կեդոնացիք:

Այլ թէպէտև այնպէս վաղ ընդ փոյթ վանեաց Դեմեար զՊիւռոս, ոչինչ այնպէս արհամարհէր զնովաւ. այլ 'ի մտի եղեալ զմեծամեծաց թեկն ածեւ, և անդրէն ողջոյն զարքայութիւն հայրենի 'ի բուռն արկանեւ, և հանդերձեալ նաւ հինգ հարիւր և ամբոխ զօրաց բիւրուց տասանց՝ ոչ 'ի կռիւ ընդ Պիւռոսի կաբաւէր, և ոչ դարձեալ մերձաւոր զոք կամեր թողուլ Մակեդոնիոյ 'ի զօրաւորաց անտի. և քանզի ժամանակն չներէր նմա 'ի կռիւ ընդ Պիւռոսի, խաղաղութիւն արարեալ ընդ նմա՝ խաղայր գնայր ընդդէմ այլոց թագաւորաց: Ապա զգաշին կռեալ, և 'ի մեծապէս պատրաստութենէն յերևան ևս եկեալ խորհուրդ կամացն նորա, զահի հարեալ այլք 'ի թագաւորացն՝ առեալ հրէշտակս և նամականի յղէին առ Պիւռոս, զարմացեալք յոյժ՝ իբրու որ զգէպ ժամանակն 'ի ձեռաց հանեալ Պիւռոս՝ սպասեալ միայ մարտ դնել կռուել ընդ Դեմեարի 'ի զօրանալ նորա. և ձեռնհաս առ օրին գոլով 'ի Մակեդոնիոյ զնա 'ի բաց վանել 'ի բազում անսարապութեան նորա, դանգաղէ մինչև 'ի սարապել նորա և 'ի յօրանալ. զի ապա այնուհետև մարտ եղեալ կռուեսցի 'ի վերայ տաճարաց և շիրմաց գերեզմանացն Մողոտտացոց. և նա այսպէս՝ յորժամ անդ Դեմեար վայր մի յառաջ եհատ 'ի նմանէ զՎերկիւրա, դարձեալ և զամուսինն՝ օժտաբեր նորա: Քանզի Լանասսա դժկամակս բերեալ ընդ

Պիւռոսոս, զի յաւէտ իմն հակամիտեր յայլս յամուանացն՝ թէպէտ և ՚ի բարբարոսաց, մեկնեցաւ ՚ի Աերկիւրա. և ՚ի ինդիւր նոր հարսանեաց ելեալ արքայից՝ կոչեաց ըզ- Դեմեարիոս, իբրու որ առաւել հեշտա- լուր ՚ի թագաւորս յամուանու թիւն անդր. և արդեամբք իսկ ելեալ նաւեաց անդր Դեմեար և հարսնացոյց զլանասսա, և թո- ղոյր ՚ի քաղաքին սահանորդս:

Չայս ինչ ապա գրեալ թագաւորաց առ Պիւռոսոս, միանդամայն և ինքնին նո- քա խոչ ընդ ոտն լինէին Դեմեարի ՚ի դե- դերանս նորա: Քանզի Պտղոմէոս նաւեալ նաւաց բազմութեամբ՝ յաստամբու թիւն դրդեաց զհեւեանացի քաղաքսն. անդուստ և Ղիւսիմաքոս ՚ի թրակիոյ գրոհ տայր ՚ի Մակեդոնիա վերին և աւերէր քանդէր. և Պիւռոսոս դարձեալ յարուցեալ խաղաց գնաց ՚ի վերայ Բերրիեայ, զմտաւ ածէր՝ որպէս և եղև իսկ՝ եթէ Դեմեարիոս չու արարեալ ընդդէմ Ղիւսիմաքեայ՝ ամայի էքցէ զվայրագաւառն: Բայց ՚ի գիշերին՝ մինչև խաղացեալ Պիւռոսոսի, թուէր նմա ՚ի քուն կոչել զինքն Ալեքսանդրի մեծի. և ՚ի մօտ երթալ՝ տեսանել նմա զԱլեք- սանդր իօթագին անկեալ ՚ի մահճի. որ և գգուանօք ընկալեալ զնա՝ խոստանալ նմա մտադիւրագոյնս օգնել. իսկ Պիւռոսոսի համարձակեալ ասել, “Եւ զիարդ, ո՞վ արքայ, իօթացեալ դոլով քո, զօրավիգն ինձ եղիցիս”. և տալ սատասխանի Ալեք- սանդրի, եթէ Անասի. և անդէն յերկովար

Նիսեան աշտանակեալ Աղեքսանդրի, հոր
դեւ նմա ճանապարհ : 'Ի տեսլենէն մե-
ծապէս խրախուսեալ Պիւռոս, ճեպով
հատեալ զմիջնավայրսն հասեալ ունի ըզ-
Պերրիա . և անդ բազմակոյտ զօրուն դա-
դար տուեալ, խաղայր և ընդ լծով արկա-
նէր զկողմնս այլ զգաւառին 'ի ձեռն զօ-
րավարացն :

Լուր հասեալ առ Դեմետր, և իրազեկ
ևս եղեալ զի 'ի բանակն խռով հարեալ է
'ի Մակեդոնացիս սաստիկ և մեծ, զահի
հարաւ երկեաւ՝ եթէ և յառաջագէմ ևս
խաղացեալ՝ նոքա մօտ իւրեանց ունելով
զոք արքայ բնիկ Մակեդոնացի և ճոխ՝ (որ
պէսի ոք Լիւսիմաքոսն էր) 'ի նորա կողմն
կացցեն : Ապա չուոյ հրաման տուեալ զօ-
րուն՝ խաղայր դայր ընդդէմ Պիւռոսի,
իբրու որ յօտարաց իցէ այն այր և Մա-
կեդոնացւոց ատելի : Իբրև անդ մօտ բա-
նակ հարեալ նստաւ և Դեմետր, շառք ո-
մանք յայնժամ գնացեալ 'ի Պերրիայ 'ի
բանակ անդր նորա, 'ի դովուծիւն զՊիւռ-
ոս առնուին՝ իբրու անպարտելի այր 'ի
զէնս, և հոյակապ այր և շքեղ, և հեզ և
մարդասէր առ նուաճեալսն : Էին էին
անդր և գաղտաբար արք ոմանք՝ առաքեալք
'ի Պիւռոսէ, որ ասէին զանձինս Մակե-
դոնացիս դու . և թելադիր ևս լինէին՝ իբ-
րու 'ի դէպ ժամանակի յայնժամ թօթա-
փել զուծ ծանր զԴեմետրեայ, և անցա-
նէլ առ Պիւռոս՝ իբրև առ ժողովրդա-
կան այր և զօրականին սիրող :

'ի հրապուրից աստի՛ բազումք այն էին որ
'ի բանակէն շուրջ ակնկառոյցք 'ի բանակ
անդր Պիւռոսի լինէին զօրականք . խըն-
դրէին զնա յակն արկանել : Իսկ էր յայն-
ժամ Պիւռոսի ըստ գիտաց 'ի բաց 'ի
գլխոյն զսաղաւարտն առեալ, մինչև ապա
'ի միտս եկեալ՝ առեալ միւսանգամ դնէր
'ի գլուխն . և յայնժամ ճանաչէին զնա 'ի
հոյակապ ցցունիցն և 'ի նոխազեան եղծե-
րացն . ապա Մակեդոնացիք խուռն գի-
մեալ առ նա խնդրէին նշան . և կէսք ոս-
տովք կաղնւոյ առեալ բոլորէին զգլու-
խըս . քանզի և այնպէս սպակաւորս տե-
սանէին՝ զորս շուրջ զՊիւռոսիւն . իսկ և
կէսք դարձեալ ժտեցան անդ ասել առ
Դեմեար՝ մեծապէս խնասանանալ նմա
եթէ երբէք տեղի և հրաժեշտ տացէ յամե-
նայնէն : Տեսեալ Դեմեարի՝ զի բանիցն նմա
նատիսպ և շարժումն էր բանակին , զահի
հարաւ . Վաւսիաս 3 մի՛ արտասուրակ 'ի
գլուխն արկեալ, և զանձամբ քղամիդ հնո-
տի՛ այնպէս մնջիկ ոտնխթի 'ի բաց ելա-
նէր : Ապա 'ի վերայ հասեալ Պիւռոս՝
անարգել տիրանայր 'ի վերայ բանակին
նորա, և քարոզեալ համբաւէր արքայ Մա-
կեդոնիոյ : Բայց անդանօր և Լիւսիմաքոս
հասեալ, և նիզակակից ևս զանձն 'ի ներքս
ընծայեալ 'ի սպարառութեան Դեմեարի ,
բաժին խնդրէր զթագաւորութեանն . իսկ
Պիւռոս ողջ վստահ չև 'ի Մակեդոնացիսն
եղեալ, յանձն առնու զԼիւսիմաքեայ խըն-
դիրն . և այնպէս ապա զքաղաքսն և ող-

ջոյն զաշխարհն բաժանելին նորա 'ի մէջ
խրեանց . երկոցուն ևս կողմանցն մեծա-
պէս շահ , և դուլ և դադար առ 'ի մար-
տէն , այլ ոչ բազում ժամանակ . զի նոյն
այն բաժանել չարգել իսպառ զթշնա-
մութիւնն . նա և պատճառք գլխովին լի-
նէր կազին և դժտութեանն նոցա :

Քանզի չէ և չէ իսկ հնար , եթէ երբէք
նորա որոց ցանկութեան աւելատոացու-
թեանն ոչ ծով ինքնին համ դնել բաւա-
կան եղև և ոչ լերանցն գօտիք և ոչ անա-
պատք ամայիք , և որոց կիրք ոչինչ գրա-
ւեալ պարանեացին 'ի սահմանացն՝ որ
զԵւրոսպէ անջրպետէն և զԱտիա , եթէ եր-
բէք այնպիսիք դրացիք միմեանց գոլով
յանդորրու կացցեն , և երբէք այր զընկեր
չզրկեսցէ . այլ 'ի հարկէ իմէքէ անդուլ
մարա եդեալ կռուեսցին նորա անկակից
ատելութեամբ և դաւով . և ապա 'ի վար
առնուն նորա զանուանան ղկրկին՝ զմար-
տին և զխաղաղութեան՝ իբրու արդարև
գահեկանս ոմանս , ծախեալ զայնոսիկ ըստ
դէս ժամանակին յանձանց շահ՝ և ոչ յար-
դարութիւն : Սակայն լաւ ևս նորա են՝ որ
յայտնի 'ի մարտն պատրաստին , քան որք
զգուլ և զգադար զանիրաւութեանն՝ ար-
դարութիւն կոչեն և բարեկամութիւն :
Զսոյն յայտնի 'ի դէմն եբեր Պիւռոս :

Քանզի անդրէն միւսանգամ յարու-
ցեալ նա 'ի վերայ 'Դեմետրի՝ որ երթալով
երթայր և զօրանայր , և հակառակ ամբար-
ձեալ նորա զօրութեանն՝ որ իբրև 'ի դը-

Ժուարին խօթուած է իմեմնէ կազգուրեալ՝
անդրէն կորովանայր, ձեռն էարկ թի-
կունս հելլենացւոցն տալ, և վասն այնորիկ
եկն եմուտ նա յԱթէնս: Անդ ելեալ՝ ի
գղեկին, և զոհ գիցուհայն զոհեալ, և ՚ի
նոյն օր դարձեալ իջեալ անտի՝ մեծա-
պէս գոհ ընդ մարդասիրութիւն ժողովըր-
դեանն, ասէր այսպէս. Սակայն եթէ ու-
շիմք իցեն Աթենացիք, զգոյշ երբէք լինի-
ցին մի ևս ումեք ՚ի թագաւորաց բանալ
առաջի զգուրսն և մուտ ՚ի քաղաքն տալ:
Զկնի այնորիկ հաշտութիւն արարեալ ընդ
Դեմետրի, այլ յետ սակաւուց ՚ի գնալ
նորա յԱսիա, ինքնին Պիւռոսս հրապու-
րեալ ՚ի Լիւսիմաքեայ՝ ապստամբեցուցա-
նէր ՚ի նմանէ զԹետտաղիա. և մարտ ե-
զեալ կռուէր ընդ հելլենացի պահա-
նորդսն Դեմետրի. զի և քաջս առաւել
գտանէր զիւր Մակեդոնացիսն ՚ի զինուո-
րութեանն, քան ՚ի պարապորդութեանն.
զի և նորա ևս բոյս բարուցն երբէք ոչ գի-
տէր հանդարտել:

Իսկ Դեմետրիոս հուսկ ապա խորտա-
կեալ ՚ի Սիւրիա, այնուհետև Լիւսիմա-
քոս Ժամ գտեալ խաղայր ՚ի վերայ Պիւռ-
ոսի. և մինչ նա բանակ հարեալ նստէր
յԵգեսսա՝ անկեալ ՚ի վերայ համբարոյն՝
որ գնայր անդր, և տիրեալ՝ նախ սովու-
նեղէր զնա. ապա և նամականի տուեալ,
դարձեալ և ՚ի ձեռն բանբերից յինքն յան-
գուցանէր զաւագս Մակեդոնացւոց. մեզ
գնէր՝ զի արքայ իւրեանց ժողովեցին զայր

օտարական, որ նախնիք ցանգ 'ի ծառայու-
թեան կացին Մակեդոնացոց. իսկ զմե-
ծին Աղէքսանդրի զբարեկամն և զընտա-
նիս հանին վանեցին 'ի Մակեդոնիոյ: Իբրև
բազումք ոմանք հրապուրեցան 'ի բաննն,
զահի հարեալ Պլուռոս ել մեկնեցաւ
հանդերձ Եպիռացուքն և նիզակակ-
ցօքն. և օրինակ զայն 'ի ձեռաց հաներ
զՄակեդոնիա, որով և 'ի բուռն արկ:
Ուստի և արքայից չէ արժան մեղադիր
ուամկին լինել, եթէ երբէք խլտեսցին ինչ
նոքա 'ի շահ անձանցն. քանզի նմանողք
վարժապետացն լինին դրժանացն և մատ
նութեանն, և համարին իմն այնպէս եթէ
չատ ինչ օգտի՝ որ սակաւս 'ի վար զարդա-
րութիւնն առնու:

Ապա յայնժամ մեկնեալ Պլուռոսի
Եպիռոս և թողեալ զՄակեդոնիա, էր
իսկ նմա առ 'ի բաղդէն նստել վայելել
յիւրսն՝ յանդորրու թագ կապեալ սն-
դանօր. այլ սակայն թուէր իմն նմա եթէ
աշխատ զայլս չառնել, և աշխատ յայլոց
չլինել, ժամովաճառութիւն իցէ տաղ-
տուկ. ըստ որում և Աքիլէս ոչինչ հան-
գարտեր պարապորդութեանն. « Այլ
հիւժէր մաշէր 'ի սիրած յողին՝ անդանօր
կալով մնալով, և ցանկայր գոռին և մարտի
պատերազմի », 4: Ապա դէպ եղև ըզձին
Պլուռոսի՝ օրինակ զայս զնորոց բուռն
հարկանել նահատակութեանց:

Չայնու ժամանակաւ մարտ եղեալ
կռուէին հռոմայեցիք ընդ Տարանաինա-

ցւոց . որոց և ոչ ժուժեալ մարտին կամ երբէք վճարեալ ինչ առ դռու թեան և յռու թեան սուտակասպասիցն խուժանին, խորհուրդ հաստատէին զօրավար կարգեալ իւրեանց զՊիւռոս՝ ՚ի նա ասլաստան ըզմարան առնել . քանզի և էր իսկ նա պարապեալ յայնժամ ՚ի թագաւորս , միանդամայն և զօրավարաց ամենեցուն վէհագոյն : Բայց ՚ի քաղաքացեաց անտի արք հինաւուրց և ուշիմք՝ կէսք ըդէմ դառնային խորհրդոյն , սակայն և հարկաւորեալք ըռէին ՚ի բռնութենէ աղաղակի ամբօխին . և կէսք տեղի տային ՚ի ժողովոյն : Իսկ անդ այր ոմն Մետոնն անուն՝ այր լաւ , յորում աւուր սահմանել հանդերձեալ էին զվճիւն , մինչդեռ անդ ժողովուրդք նստեալ կային ՚ի խորհրդեանն , պսակ մի առեալ չոր և թառամ , և զամբար մի ըստ արբեցելոցն սովորութեան , այնպէս չոքաւ յեկեղեցի անդր՝ յառաջոյ իւր ունելով վարձակ մի սրնդահար : Անգանօր ՚ի բաղմակոյտ խառնամբօխ խուժանին , կէսք յայն տեսիլն սկսան ծափս և կայթս հարկանել , և կէսք դարձեալ ՚ի քրքիջ հատանել . և այր այր առհասարկ ուղի բացեալ առաջի առն , ստիպէին ևս հարկանել վարձակին , և երգել Մետոննին՝ անցեալ ՚ի մէջ անդր . մտադիւրագոյնս Մետոնն՝ իբրև յայն պաաճառս առհասարակ նոքա դարձան ՚ի ըութիւն՝ սկսաւ խօսել և ասէ . “ Կարի՛ դեղեցիկ դուք արք Տարանտինացիք թոյլ առնէք , զի որ խաղալն կամի-

ցի՝ որպէս արժանն է՝ և զբօնուլ և կայ-
 թեւ, չարգելուք: Արդ եթէ ուշիմք իցէք,
 առհասարակ ամենեքեան վայելցէք դուք
 յազատութիւնդ՝ զոր ունիմքս աւագիկ,
 քանզի այլ ինչ իրս տրդեօք հասանիցէ
 ձեզ գործեւ և այլ օրինակ վարել կեանս
 և այլ քաղաքավարութիւն, յորժամ Պիւռ-
 ոսս մուտ ՚ի քաղաքս արասցէ, : ՚ի բանից
 աստի շատք ոմանք ՚ի Տարանտինացւոցն
 հաւանէին և շնջիւն էր ՚ի ժողովին իբրու
 գովել զՄետոմին: Բայց որք իսթային՝ ՚ի
 հաստատել խաղաղութեանն՝ անձնատուր
 ՚ի հռոմայեցիսն լինել, սկսան կշտամբել
 զխուժանն՝ զի այնպէս հեղաբար տարաւ
 լրբէնի ոմնհարութեանն և ժպրհութեն.
 և սպա առհասարակ յարուցեալ արտաքս
 վարէին զՄետոմին:

Ասպ կարգեալ զլճիւնն՝ արձակէին
 հրեշտակք սրատարագօք Եպիփոսս ոչ ՚ի
 Տարանտինացւոց միայն, այլ և Եթալա-
 ցւոց անտի, ազդ առնել Պիւռոսի՝ զի
 հանձարեղ և քաջի զօրավարի պէտք են
 նոցա. և զի՝ զօրաժողով մեծ ՚ի գաւառաց
 առ ձեռն կայ, բանակ կազմեալ ՚ի Ղևկա-
 նացւոց և ՚ի Մեսապացւոց և ՚ի Սամնիա-
 ցւոց և ՚ի Տարանտինացւոց՝ այրուծի եր-
 կուց բիւրուց, և հեռակաք՝ երեսուն և
 հինգ բիւրուց: Եւ սպա այս ազդումն ոչ
 զՊիւռոսին միայն ոգին վառեաց, այլ և
 իղձ սաստիկ յորդեաց Եպիփոացւոցն խա-
 զալ գնալ ՚ի կռիւ մարտին:

Իսկ էր զայնու ժամանակաւ Վինէաս

ունն թե տաղացի այր՝ զհամբաւի հարեալ
այր քաջուշիմ և զգօն: Սա այս Կինէաս
աշակերտ կացեալ Դեմոսթենեայ հռե-
տորի, [Թուէր իմն՝ միայն ՚ի մէջ ճարտա-
սանից ժամանակին իբրու ճշգրիտ պատ-
կերաւ յուշ ածել լսողին զճարտարա-
բանութիւն և զգորութիւնն Դեմոսթե-
նեայ: Եւ բնակէր սա ընդ Պիւռոսի, և
՚ի նմանէ առաքեալ ՚ի քաղաքս քաղաքս,
ճշգրտէր զԵւրիպիդեայ զնուագն, եթէ
“ Զամենայնն տապալէ քանդէ բանն,
որչափ ինչ միանգամ զօրէ պողովատիկ
[Թշնամեոյն „: Եւ վկայէր ինքնին Պիւռ-
ոսս, եթէ շատ ևս ՚ի քաղաքաց ժառան-
գեցոյց նմա Կինէաս ճարտարաբանու-
թեամբն, քան եթէ ինքն զինու զարդու-
ուստի և մեծապէս պատուէր զնա, և ստէպ
գործի ՚ի ձեռն առնոյր զնա:

Արդ տեսեալ սա յայնժամ զՊիւռ-
ոսս պատրաստեալ խաղալ յԻտալիա,
ժամ գտեալ զըուցէր ընդ նմա և ասէր.
“ Քաջամարտիկք յոյժ են ո՛վ Պիւռոսս՝
որպէս ասեն՝ հռովմայեցիք. և նուաճեալ
ևս են ժողովուրդս բազումս հզօրս. և ե-
թէ Աստուած ինքնին տացէ մեզ պարտել
զնոսս, զի՛նչ շահ կայցէ մեզ ՚ի յաղթու-
թենէ անտի“: Եւ պատասխանի Պիւռոսս
և ասէ: “ Զյայտնեաց դու հարցումն առ-
նես ո՛վ Կինէաս. ՚ի պարտութիւն մատ-
նեալ հռովմայեցիք, այնուհետև ո՛չ ՚ի բար-
բարոսաց ոք և ո՛չ ՚ի հելէնացւոց քաղաք
երբէք ՚ի վէգ դայցէ ընդ մեզ. այլ անդէն

ողջ զխտալիս 'ի բուռն կալցուք, ոյր մեծութեանն և զօրութեանն և տէրութենն անտեղեակ՝ թոյլ այլ ոք մանաւանդ իցէ, քան թէ դու ինքնին՝ : Անդ Կինէաս վայր մի մտախոհ, կրկնեաց և ասէ . « Այլ ապա զխտալիս կալեալ մեր ո՞վ արքայ, զի՞նչ գործեսցուք » : Չև Պիւռոս համօրէն 'ի վերայ կացեալ մտացն նորա, ասէր . « Անդանօր մերձ կայ Սիկիլիա՝ ձեռնտու զօրավիզն մեր, կողի երանելի և բազմաժողով, զոր և հէշաին կալցուք մէք : Քանզի և զարգիս՝ յորմէհեակ տեղի ետ անախ Ագաթովղէս, ո՞վ Կինէաս, 'ի հերձուածս ամբաւ պաշարեալ նսախ Սիկիլիա, և անխշխանութիւն է անդ քաղաքաց, և անդ ողջոյն թագաւորէ խորագիտութիւն հռատորացն խուժանին » : Կրկնեաց Կինէաս և ասէ . « Եւ կարի իսկ քաջ են բանքդ . այլ կէտ նպատակի զինուորութեանս մերոյ՝ իցէ՞ թերևս առնուլ Սիկիլիոյ » : Պիւռոս ասէ . « Տացէ մեզ Աստուած ինքնին յալթութիւն և ելս գեղեցիկ . և ապա Սիկիլիոյ առնուլ՝ նախամարտութիւն մեծաց նահատակութեանցն իցէ՝ զոր ապա նահատակեսցուք մէք : Քանզի ոք այնուհետև հանդուրժել բաւական իցէ՝ ոչ անցանել անդուստ 'ի Լիբիա և 'ի Կարթէգոն՝ որ այնչափ մօտ կայ . զոր և ինքնին Ագաթովղէս գողցես հասեալ կալաւ, գաղտագնաց 'ի Սիրակուսացոց անցեալ հատեալ սակաւ նաւուք զծովք : Իսկ յորժամ այնց վայրացն տիրացուք, երբէք ո՞

որ այնուհետև ասացէ՛լ եթէ զդէմ մեր
 կալցեն թշնամիքդ որ այժմդ չարչարեն
 զմեզ՝: Ետ պատասխանի Արնէաս և ասէ .
 “ Եւ ո՛չ որ արդեօք . քանզի յայտնի իսկ՝
 մեծապէս զօրութեամբ կալցուք մեք միւ-
 սանդամ զՄակեդոնիա , և յանդորրու տի-
 րացուք ուջոյն Ելլադայ : Այլ յաջողեալ
 մեր յայտոսիկ , զի՛նչ և յետ այնորիկ ա-
 րացուք մեք ” : Յայնժամ Պիւռոս ժըպ-
 տեալ , ասէր . “ Կացցուք ՚ի մեծի յան-
 դորրու , ո՛վ երանեւ լի . քամել անասակին
 զօրհանասազ եղիցի մեր , և ՚ի սփոխու-
 թիւնս կենակից կենցաղակից այր ընդ ըն-
 կերի եղիցուք մեք ” : Իսկ իբրև բան ՚ի բա-
 նէ ցայն վայր ածեալ եբեր նա զՊիւռոս ,
 ասա ասէր Արնէաս . “ Եւ զի՛նչ . զի՛նչ ա-
 պա արդեւուցու մեզ զարդիս անցուցանել
 զաւուրս՝ եթէ կամիցի՛ք՝ յարբումն և ՚ի
 քամել անասակին , և ՚ի մեծի յանդորրու
 կենակից կենցաղակից գոլ միմեանց . յոր-
 ժամ մեզ ինքնին անքիրտն աւազիկ առ-
 ձեռն կալցեն իբքդ . զոր ՚ի պատրաստել
 հասանէ մեզ աւազիկ թաթաւել յապա-
 ժոյժ արեանց , և ընդ քիրտն դալ և ընդ
 ասաւառ և ընդ վտանգս , և գործել ամ-
 բաւս ՚ի դժնդակաց և կրել ամբաւս ” :
 Եւ ասա այս բանիւք վիշտ անհնարին
 Պիւռոսի հասուցանէր Արնէաս , քան ե-
 թէ ՚ի բաց զնա ՚ի խորհրդոցն քեցէր . քան-
 զի անդուլ յայնժամ մտախոհ լինէր Պիւռ-
 ոս , քանի՛ն երանութեանց հրաժեշտ
 հասանէր տալ նմա . սակայն և ՚ի տար-

փալի յուսոյն իւրմէ ուժգինս ձգեալ բերէր յայնժամ այրն :

Ապա առաջին առեալ արձակեաց զՎի նէաս առ Տարանտինացիս հանդերձ երեք հազար զորականօք . և յետ այնորիկ տայր բերել 'ի Տարանտեայ նաւս բազումս ձիաբարձս . և նաւս դարձեալ յարկածածուկս , և զազգ ազգ նսււաց բեռնաբարձից . և առեալ կարգէր 'ի նոսա փիղս քսան , այրուծի երեքհազար , հետևակս երկուց բիւրուց , աղեղնաւորս երկու հազար , և պարսաւորս հինգհարիւր :

Եւ այսպէս կազմ տուեալ ամենայնին՝ անկանէր յուրի . սակայն 'ի մէջն հասեալ Յոնիոյ՝ խուճապեալ պաշարէր 'ի հիւսսին բռնութենէ , որ ուժգինս շնչեալ արտաբոյ ժամանակին՝ ձգեալ ընդ իւր վարէր զնսան : Եւ թէպէտև բուռն և սաստիկ էր հողմն , ինքն 'ի քաջութենէ նաւաստեացն և զեկավարացն՝ հատանէր անցանէր զօրութեամբ և մօտէր 'ի ցամաքն մեծաւ աշխատութեամբ : Իսկ այլք 'ի նաւացն որոշեալք 'ի միմեանց՝ յայսկոյս յայնկոյս ցանեալք ցրուեցան . կէսք վարեալք տարադէմ 'ի ծով լիբիոյ և 'ի Սիկիլիոյ՝ ոչինչ կարացեալ ունել զլտալիս . և կէսք դարձեալ ոչինչ բաւականք զդէմ ունել հրուանդանին Յապիւղեայ՝ պատեալք 'ի մութ գիշերոյն՝ հարեալք ծփային յամէհի կոհակացն ծովուն 'ի խրուտս խմն և 'ի վայրս ծանծաղս . և առհասարակ ամենայնն հարեալք և հարուածեալք՝ բայց յարբու-

նի նաւէն՝ ուր կայր ինքնին Պիւռոսս՝ որ-
 պէս ասացաք. որ և ՚ի ծովէն բաղխեալ
 կայր յակաստանի, իբրև յաղթ էր և քա-
 ջամուր և ժուժայր բերէր բռնութեանն.
 սակայն շնչեալ ՚ի նա հողմոյն՝ որ ՚ի ցա-
 մաքէն, տադնապէջաւ և նա քայքայիլ ՚ի
 բռնութենէ ահագին ալեացն բախեալ
 առաջակողմն նաւուն: Եւ քանզի թողուլ
 միւսանգամ ՚ի ծովն վայրենացեալ և ՚ի
 թափ հողմոյն շնչելոյ բազմօրինակ և փո-
 փոխ՝ յոյժ ահագին էին կիրք, անդէն
 վազեալ Պիւռոսս ՚ի ծով անդր արկանէր
 զանձն, ՚ի նոյն և բարեկամք և անձնապա-
 հապեաք ընդ նմա. և անդ ՚ի ջուրան այր
 զարամք ՚ի խուճապ տադնապին ինդրէին
 ձեռն տալ նմա. սակայն և յաղջամուրջ
 գիշերոյն և ՚ի կոհակացն յահագին գոչ-
 մանէն և ՚ի սաստիկ խորտակելոյ ալեացն՝
 կարի գժնդակ էր զօրավիդն. մինչև ՚ի լու-
 սանալ աւուրն և ՚ի դադարել հողմոյն՝ հա-
 զիւ ուրեմն հասանէր ունէր նա զցամաքն.
 թէպէտ և վատեալ յոյժ մարմինն՝ այլ
 անվկանդ և կորովի ոգին ՚ի կիրս ամբա-
 աղէտիցն: Անդ Մեսապացիք յորոց յա-
 փունսն անկաւ Պիւռոսս՝ փութապէս ըն-
 թացեալ ձեռն տային ըստ ժամուն պի-
 տոյից, որպէս և այլոց ևս նաւացն ապրե-
 ցելոց. յորս և նուազունք յերիվարաց,
 հեռակաք իբրև երկու հազար, և փիղք
 երկու միայն: Զսակաւաձեռն զայն գոմդ
 առեալ Պիւռոսս՝ անկաւ յուղի ՚ի Տա-
 րանտոն:

Լուր առեալ Աինէասայ՝ հանդերձ զօրուն ընդ առաջ խաղաց Պիւռոսի. և այնպէս մտեալ ՚ի քաղաքն, ոչինչ բռնանայր և ոչ դժկամակս ինչ Տարանտինացւոցն դորձէր, մինչև ապրեալք հասին նորա նաւք և ՚ի մի խմբէր զօրն բազմագոյն մտասալք: Եւ ապա տեսեալ Պիւռոսս, զի մինչև ՚ի մեծէ բռնութենէն ստիպեալ Տարանտինացւոց՝ ոչինչ յաջողեցին նոքա ոչ յանձանցն փրկութիւն և ոչ յայլոցն, այլ իբրու որք յանդորր ելեալք ՚ի նահատակութենէն նորա, ինքեանք դադարեալ կային ՚ի տունս՝ պարապեալք զբօսանաց ՚ի բաղանիս և յակումքս բազմականին, տայր ապա Պիւռոսս կնքել փակել զասպարէզս նոցա և զձեմելիսն՝ ուր ձեմ առեալք զբուցելին տարապարտս այր այր իբրու զօրավարք ոմանք զմրցանաց մարտին. արդէլ կնքեաց և զգիներբուս նոցա, և զինձոյս կայթիցն, և զգժպատեհ սփոփութիւնսն. և ձայն տուեալ կարդաց զնոսա ՚ի զէն և ՚ի զարդ, և խիստ և անողոքելի գտանէր նա յայնժամ ՚ի համար զօրաժողովին. որպէս զի և շատք ելեալ մեկնեցան ՚ի քաղաքէն, զի և բնաւորեալ չէին՝ եթէ որ հրամայեաց նոցա, և ծառայութիւն ասէին՝ եթէ ոչ ըստ կամի վարելին կեանս:

Իսկ իբրև լուր հասանէր առ Պիւռոսս, եթէ Լեվինոս հիւպատոս հռոմայեցւոց գիմեալ գայ ընդդէմ զօրու ծանու և քանդէ աւերէ զլեւկանիս. թէպէտ և նիպակակիցքն չև էին հասեալ, դժպատեհ հա-

պատրաստեցան անցանեւ. հետեակք ընդ հունն, և այրուձին ասա անդ 'ի վայրաց վայրաց խուժեցան ընդ գետն. ուստի և հեղե՛նացւոց պահակք զանդիտեալք եթէ 'ի ներքս փակեցին, տեղի տուեալ գնային: Լուր առ Պիւռոս հասեալ՝ 'ի շտապ տագնապի հրաման տայր զօրագլխաց հետեակին վաղվաղակի կարգ տալ զօրուն, և կազմ մնալ հրամանին նորա: Եւ ինքն հանդերձ երեք հազարեան այրուձիօն յառաջ խաղայր. ակն ունէր արհաւիրս ըզհռոմայեցւոյն արկանեւ 'ի վարատական անցն: Բայց առ ափամբն յակն արկեալ նա զփայլուն բաղմախուռն վահանաց, դարձեալ՝ զի և կարգ առ կարգ գեղեցիկ այրուձին այնպէս ընդգէմ նորա խաղայր, խիտ առ խիտ խմբեալ զիւրսն՝ այնպէս ինքն առաջին նահատակեցաւ 'ի թշնամիս անդր. և որպէս ականաւոր և երևելի Պիւռոս 'ի գեղ և 'ի շողուն հրաշագարգ զինուցն, սնպէս և նահատակութեամբն ոչ ինչ նուազեալ լինէր առ ետեղ 'ի գեղեցիկ համբաւոյն, ճիգն մեծաճիգն թափեալ մարտ գնել կռուել կորովի բազկօք և քաջապէս վանել ընկրկել զախոյեանսն. առ այս և անչփոթ զառաջնորդականն կալեալ անվթար ուշիւ մտացն, այնպէս գեղեցիկ իբրու բնաւ իսկ անդրժելի 'ի վտանգաց՝ տանէր բերէր զգոռ մարտին. ընթանայր վազէր առհասարակ, և ձեռն տայր ընդգէմ բռնութեան թշնամեացն:

Յայնմ մեծի տագնապի գէտակն 'ի վեր

ամբառնայր Լէոնատոս Մակեդոնացի ,
 տեսանէր զոմն յԻտալացւոց անտի՝ զի ուշ
 անբժիթ կալեալ մնայր Պիւռոսի , և ան
 դուլ ՚ի նա կոյս զերիվարն մտրակեալ՝ փո-
 խէր շարժէր զուգահէտ Պիւռոսի , ձայն
 տուեալ նմա՝ ասէր . “ Տեսանէ՛ս ո՞վ ար-
 քայ զբարբարոսդ ՚ի սեան աշտանակեալ
 ձի և ՚ի ճերմակոսն . անշուշտ դա՛ մեծ ինչ
 և ահաւոր ՚ի միտսն յուզէ , ՚ի քեզ ինքնդ
 միայն դէտակն կալեալ և քո ՚ի հանգխոյ
 ցանդ արձանացեալ խաղայ՝ զայրագին լի՛
 քաջութեամբ՝ զայլովքն զանց արարեալ :
 Բայց դու յառնէդ սրահ կալցես անձինդ “ :
 Ետ պատասխանի Պիւռոսու և ասէ . “ Յօր-
 հասէն ո՞վ Լէոնատէ փախչել չիք հնար .
 սակայն ո՛չ դա և ո՛չ այլ դք յԻտալացւոց
 ո՛չ խնդասցէ՝ ՚ի վէդ ընդ մեզ եկեալ “ :
 Այն ինչ նոցա բանքն ՚ի բերան էին , ան-
 դուստ Իտալացին զտէգն ճօճեալ և երի-
 վարին ճախր տուեալ՝ թափ արձակէր ընդ-
 դէմ Պիւռոսի . և այնպէս միահէտ հա-
 րեալ խոցէր նա զերիվար արքային , և Լէո-
 նատէս զերիվար նորա : Իբրև երկոցուն ե-
 ըրիվարք տապաստ անկանէին , շուրջ բարե-
 կամացն վազեալ՝ զՊիւռոսու ապրեցու-
 ցեալ ՚ի բաց հանէին . և Իտալացին ՚ի
 կռուել իւրում անդէն դիտապաստ ան-
 կանէր : Էր սա ազգաւ Փրենտացի զօրա-
 պետ միոյ գնդի , Ոպլակոս անուն նորա :
 Իսկ յայնմանէ մեծ ևս զգուշութիւն
 իւրում անձինն առնէր Պիւռոսու . և տե-
 սեալ զայրուձին տեղի տալ՝ յառաջ զփա-

զանգն կոչէր և ճակատ յարդարէր : Ապա
 զիւր քղամիդն և զզէնան՝ Մեգակղեայ
 տուեալ բարեկամին, և զնորայսն ինքն ա-
 ուեալ, այնպէս քողարկեալ հարկանէր ՚ի
 դիմի հռոմայեցւոցն . իսկ նոքա քաջապէս
 ՚ի կռիւ ելեալք զգէմ՝ ունէին, զի և հա-
 րուստ մի ժամանակ այնպէս անվճար լի-
 նէր մարտն . և պատմէին ևս՝ եթէ և երկո-
 քին կողմանք եօթն անգամ քաջ քաջ ՚ի
 փախուստ դարձան, և նոյնչափ դարձեալ
 հետամուտք հալածեցին : Եւ թէպէտ և ՚ի
 ճահ զինուցն փոփոփել արքային՝ պատ-
 ճառք նորա փրկութեանն լինէր, վայրիկ
 մի ևս յայնմանէն խանգարեալ եղծանէր
 առհասարակ ամենայնն և ՚ի դերևս յաղ-
 թութիւնն ելանէր : Քանզի շատք ոմանք
 յայնժամ՝ յարձակեալք ՚ի Մեգակղէս, մի
 ոմն անուռն Ղեսոս՝ առաջին հարեալ սպա-
 նանէր զնա . և զսաղաւարտն և զքղամիդն
 կապտեալ ՚ի նմանէ՝ մտրակ ՚ի կուշտ ձիա-
 ւորեալ առ Ղեվինոս՝ ցուցանէր շքով ըզ-
 կապուան . ձայն բարձեալ ասէր սպանեալ
 զՊիւռոս : Մինչդէռ այն կապուտ շուրջ
 ՚ի դասս զօրականին յերևան գայր՝ ՚ի ձայն
 ցնծութեան ուրախացեալ հռոմայեցիք
 աղաղակ բառնային . իսկ անդուստ հէլե-
 նացիք սրտաբեկք սրտառուչք ՚ի սուգ
 թաղծութեան համակեցան : Ազգ եզեալ
 Պիւռոսի՝ անգէն զգէմն առեալ մերկա-
 նայր և յերիվար աշտանակեալ ընթանայր
 շուրջ զբանակաւն . ձեռս շարժեալ տա-
 տանէր առ մտրախկան, և ՚ի ձայնէն դար-

ձեալ ծանօթս տայր ամինն : Ազգա 'ի վերջէ 'ի գազանաց անտի յաւէտ իմն բախեալ ընդոտնեալ Հռոմայեցիք և նոցուն երկվարք, մինչև 'ի վերայ խուժեալ փրզացն՝ ոչինչ հանդարտեալք և խառն 'ի խուռն աստ և անդ ահաբեկք յախոյենիցն, մինչ այս մինչ այն առհասարակ ամբոխ շփոթից յուզեալ 'ի նոսա, 'ի վերայ անկանէր Պիւռոսս այրուծիովն թէսսազացոց, և 'ի փախուստ դարձուցեալ՝ հարուածս մեծամեծս ամէր 'ի վերայ նոցա :

Արդ Դիոնիւսիոս պատմէ՝ իբրև բիւրուց և հնգից հազարաց Հռոմայեցոց անկեալ անդէն 'ի մարտին. այլ Երոմիւսիոս ասէ՝ եօթն հազարաց միայն : Իսկ 'ի Պիւռոսսեանց՝ Դիոնիւսիոս ասէ՝ մեռեալս երեքտասան հազար. իսկ Երոմիւսիոս՝ և ոչ չորս հազար. սակայն էին նոքա լաւ և քաջ որեար 'ի բարեկամաց անտի Պիւռոսսի և 'ի զօրավարացն՝ պիտանիք նմա և հաւատարիմք յոյժ : Բայց հատեալ կալաւ Պիւռոսս և զքանակ Հռոմայեցոցն զոր լքին նոքա. և քաղաքս ևս յայնժամ յինքն յանդուցանէր 'ի դաշնաւորացն, և աւերէր քանդէր շատ ինչ 'ի դաւառէն, յառաջադէմ խաղացեալ՝ 'ի Հռովմայ ոչինչ 'ի բացեայ աւելի քան երեքհարիւր ասպարէզս : Ազգա յեա մարտին եկեալ հասանէին անդր Ակկացիք և Սաւնիացիք, որոց և 'ի դէմս հարկանէր նոցա զդանդաղէն. սակայն և խնդացեալ յոյժ էր Պիւռոսս՝ զի միայն տարանախնայի գնդաւն և իւրովքն

զատուար զայն բանակ զՀռոմայեցւոցն եւ
հար խորտակեաց :

Բայց Հռոմայեցիք յայնժամ ոչ 'ի բաց
առին զգորավարութիւնն 'ի Լեւինոսէ .
Թէպէտ և պատմեն՝ ասել Գայիոսի Փա-
բրիկիոսի , եթէ ոչ Հռոմայեցիք ինչ յԵ-
պիռացւոց անտի՝ այլ ինքնին Լեւինոս
պարտեցաւ 'ի Պիւռոսոսէ , ոչ զօրականին
գրեալ զհարուածն՝ այլ զօրավարին նո-
ցա : Անդէն ապա զօրաժողով նոր 'ի հան-
դէս արկեալ նոցա , և հռչակ հարեալ
յանձնապատան և անզարհուրելի վասն
մարտին այնորիկ՝ սրտաթափ առնէին ըզ-
Պիւռոսոս . որում և հաճոյ թուեցաւ յայն-
ժամ՝ առաջին ինքն առաքել առ Հռո-
մայեցիս 'ի պայմանս հաշտութեան . զմտա-
ածէր՝ զի առնուլ քաղաքին և ողջոյն գրա-
ւել՝ ոչինչ գուզնաքեայ իցէ նահատակու-
թիւնն . և ոչ գարձեալ առ ձեռն զօրա-
կանօքն վճարեսցին ինչ իրքն . առ այս՝ զի
և հաշտութիւն կուել և բարեկամութիւն
հաստել յետ յաղթութեանն՝ մեծ ևս ըզ-
համբաւի հարցէ զնա :

Ապա առաքեալ առ նոսա Աինէաս՝
երթեալ խօսս 'ի մէջ առնոյր ընդ աւագս
քաղաքին . և ամենեցուն նոցա՝ գարձեալ
և կանանց նոցա՝ առեալ պատարագս 'ի
նեքս մատուցանէր յանուն արքային . այլ
առնոյր և ոչ դք 'ի նոցանէն զպարգևան . և
առհասարակ նորա և կանայք նոցա պա-
տասխանի առնէին , եթէ 'ի հասարակաց
հաստել խաղաղութեն , ապա և ինքեանք

առանձինն յօժարեցին 'ի կամս արքային :
 Իսկ յատենաբանութեան անդ իւրում
 Կինէաս 'ի ծերակուտին՝ շատ ինչ մարդա-
 սիրութեամբ խօսեալ և բանս բարեաց և
 հաւանականս, ոչինչ մտադիւրագոյնս լսե-
 լի լինէր . թէպէտ և խոստումն ևս 'ի ներքս
 բերէր՝ արձակել Պիւռոսի առանց փր-
 կանաց զգերին, և նիզակակից ևս հռո-
 մայեցւոց՝ ընդ նոցա ձեռամբ ողջոյն նուա-
 ձել զԻտալիա, և 'ի դարձ փոխարինին
 միայն զնոցա բարեկամութիւնն խնդրել,
 և զՏարանտինացւոցն անդորրութիւն : Սա-
 կայն էին անդ և բազումք 'ի հաշտութիւն
 անդր հակամիտեալք յայտնասպէս յետ
 պարտութեանն 'ի մեծի պատերազմին . առ-
 այս՝ զի և խիթային ևս միւսանդամ հա-
 բուած առնուլ 'ի մեծէ ևս բանակէ . քան-
 զի և յառաջացւոց անտի նորոգ խմբեցան
 ընդ Պիւռոսի :

Յայնժամ Կղաւդիոս Ապպիոս՝ այր
 հոյակապ, որ 'ի ծերութենէն և առ կու-
 բութեանն տեղի տուեալ 'ի քաղաքին
 գործոց՝ մենայեալ նստէր, լուր առեալ
 զառաջարկութեան արքային և զհակամի-
 տել առ նա ծերակուտին, չհանդուրժեալ՝
 հրաման տայր ծառայիցն շալակաւ ամել
 զինքն մինչև 'ի ծերակոյտ անդր՝ անցեալ
 ընդ մէջ հրապարակին : Իբրև 'ի դուրան
 հասանէր Ապպիոս, անդ որդիք նորա և
 փեսայքն ժողովեալ զնա՝ մուծանէին 'ի
 ներքս . իսկ ծերակոյտն 'ի շուք աւագ առն
 'ի լուութի դառնայր . սպա խօսել սկսաւ

Ազգայինս և ասէ. « Զ առաջինն ես ո՞վ
 Հռովմայեցիք՝ վշաօք մեծօք բերէի զա-
 ղէտս զտեսանելեացս, այլ զարդիս ցաւէ
 ինձ՝ զի կոյր գոլով իմ, չեմ և խուլ .
 այլ լսեմ ես զանարդաբար ձեր զխոր-
 հուրդն և զվճիռն՝ աղարտել եղծանել
 զՀռովմայ զփառան : Ո՞ւր արդ պարծանքդ
 իցեն՝ հռչակ առ հասարակ հարեալ առ
 մարդիկ, որով մեծամեծս կոտորելիք ասել՝
 եթէ յԽոալիս երբէք մեծին մտեալ էր
 Աղեքսանդրի և մարտ ընդ մեզ ընդ պա-
 տանեացս եղեալ և ընդ մերն նախնիս՝ ի
 ծաղկի հասակին նոցա, արդեօք չէր նորա
 իբրև անպարտելի զհամբաւի հարեալ . այլ
 կամ փախստեայ կամ աստէն դիտապաստ,
 շքեղ ևս զմերն յարդարէր Հռովմ : Արդ
 յայննի՝ ի դէմս բերէք, զի ողջոյն մեծա-
 բանք սնտոեայ և կոկոզանք էին՝ որ յայն-
 ժամ բանքդ : Դուք որ զահի հարեալ
 կայք ի Քայոնացւոց և ի Մողոսացւոց .
 ժողովուրդ՝ որ ի հանապաղօրեայ յաւա-
 րի կան Մակեդոնացւոց, և զգողանի հա-
 րեալք ի Պիւռոսէ՝ որ զկեանսն մաշեաց
 սպաս հարկանել միում ումեք ի թիկնա-
 պահաց Աղեքսանդրի, և զարդիս թափա-
 ռեալ չքի դա ընդ Իտալիս, քան ի զօ-
 րավիդն Հելլենացւոց որ աստ՝ առաւել
 ևս փախստեայ ի թշնամեացն որ անդ .
 խոստումն կուեալ՝ մեծ ևս ժառանգեցու-
 ցանել մեզ տէրութիւնն ի ձեռն զօրակա-
 նին՝ որով և ոչ մասն գուղնաբեայ զՄա-
 կեդոնիոյ բաւական եղև պահել վասն իւր :

Մի ինչ կարծես չլիք բարեկամ՝ զգա ունե-
լով ազատանալ ՚ի նմանէ. նա կացէք մնա-
ցէք ՚ի ձեզ յարձակմանն՝ որոց արհամար-
հեցինն զձեզ՝ իբրև ժողովուրդ դիւրավա-
նելի, եթէ Պիւռոստ աստի ՚ի բաց գնասցէ
ոչ անսպասուհաս միայն վասն հարստահա-
րու թեանցն, այլ և զՏարանտինացիս գլխ-
խովին և զՍաւնիացիս տարեալ մրցանակ՝
զի խաղ արարին զՀռոմայեցւոյք՝:

Ի բանից աստի Ազգայիտի զրգեալ Հռոմ
մայեցիք ՚ի կռիւ մարտի, առեալ ՚ի բաց
արձակէին զՎինէաս՝ պատասխանի արա-
րեալ զայս ինչ. եթէ՝ մինչև ՚ի բաց յԵ-
տալիոյ երթեալ Պիւռոստի, մի ինչ դա
աշխատ լիցի վասն առ միմեանս բարեկա-
մու թեանն. այլ մինչ դա զինու զարդու
աստ դեգերեալ կայ, անդու Հռոմայե-
ցիք մարտ եգեալ կռուեսցին ողու չափ,
թէպէտ և Նեվինոսս բիւրս ՚ի մարտին սար-
տեսցէ: Եւ պատմեն՝ եթէ Վինէաս ան-
դանոր յաւուրս հրեշտակու թեանն մանր
դէտակն կալեալ զննէր զքաղաքականու-
թիւն զՀռոմայեցւոցն և քննէր իմանայր
զկարգն նոցա. և կենակից աւագացն ե-
ղեալ և համորէն ՚ի վերայ կացեալ, ապա
բաց յայլոցն բանիցն՝ ասէր առ Պիւռոստ.
Եթէ՝ ծերակոյտդ ինքնին խումբ իմն թուէր
նմա արքայից բազմաց. և զի՝ առ բազմու-
թեամբ մարդկանն՝ թերևս ընդ Ներնեանն
Հիդրայի ինքեանք մարտ եգեալ կռուես-
ցին. քանզի և բանակ ստուար կրկին քան
զառաջինն զորաժողով արարեալ իսկ է

հիւսպատոսին . և զի՛ Հռոմայեցիք յոգնա-
թիւք յաջողակք ՚ի զէնս՝ և շատ ևս այլ
յայտախտեաց կազմեցեն բանակաց :

Ապա յետ այսորիկ դային դեսպանք
առ Պիւռոսս խօսել վասն դերոյն . էր
ընդ նոսա և Գայիոս Փաբրիկիոս , զորմէ
ազգեալ խկ էր Կինէաս՝ յոյժ մեծապէս
չուք նմա գնել Հռոմայեցւոց՝ իբրու լա-
ւի առն և քաջի զորավարի , թէպէտ և աղ-
քատ յոյժ : Արդ Պիւռոսս՝ մասնաւոր
ցուցեալ մարդասիրութիւն զամենայն առ
Փաբրիկիոս , գուն գործէր հաւանեցուցա-
նել զնա՝ առնուլ մթերս զոսկւոյ ոչ ՚ի
դժպատեհս ինչ՝ այլ ՚ի նշան հիւրամեծար
բարեկամութեան . իբրև Փաբրիկիոս չառ-
նոյր յանձն զպարգևան , լռեաց առ ժամն
Պիւռոսս . այլ յաւուրն երկրորդի՝ ահ
իմն խնդրեալ արկանել նմա՝ գիտելով
չափ՝ զի փիղ տեսեալ բնաւ չէք նորա ,
հրաման տայր՝ ՚ի խօսել նոցա ընդ միմեանս՝
զահագինն ՚ի գազանաց անտի սպառազէն
վառեալ՝ ունել ՚ի ծածուկ յետոյ վտա-
ւատին : Այսորիկ այսպէս եղելոյ , տայր
ապա նշան Պիւռոսս՝ և ՚ի բաց զվտաւատն
ձգեալ , անդէն զպատիճն ՚ի վեր առեալ
գազանին՝ առնոյր ածէր զգլխովն Փաբրի-
կիոսի , ձայն արձակեալ՝ պոռոտէր ահեղ
և սոսկալի : Փաբրիկիոս հանդարտ և հեղ
յետս զակն դարձուցեալ և մանր ժպտեալ
ասէր առ Պիւռոսս . “ Ո՛չ երեկ ոսկիդ
չարժեաց զիս , և ոչ այսօր գազանդ . ” :

Ապա ՚ի կոչունս ընթրեացն բազմօրի .

նակ անկեալ զբանիւք, և յաւէտ իմն վասն
 Ելլադայ և վասն իմաստասիրացն, գէս լի-
 նէր Կինէասայ յուշ զԵպիփուրոս ածել և
 զբանս զաղանդոյն զայնորիկ վասն զիցն և
 վասն քաղաքականին. և զի՝ զճայրագոյնն
 ունին գոքա՝ ի հէշտութեան, և ի գործոց
 խոյս տան քաղաքին՝ իբրու որ աղարտիչք
 և խռովիչք երանութեանն իցեն. և զաս-
 տուածակողմնն գլխովն օտարացուցանեն
 նոքա ի շնորհաբաշխութեանց և ի ցաս-
 մանէն և ի խնամոցն առ մեզ, և կեանս
 տան նոցա ողջ անգործ և բերկրապատար:
 Մինչդեռ նա տակաւին խօսէր, Փաբրիկիոս
 ձայն բարձեալ ասէր. « Բարէ Հերակլէս,
 թող Պիւռոս և Սաւնիացիք ձեռն տա-
 ցեն վարդապետութեանդ՝ ցոր վայր մարտ
 եդեալ կռուին ընդ մեզ »: Հիացեալ
 Պիւռոս ընդ գեղեցիկ խորհուրդս մտացն
 Փաբրիկեայ և ընդ պերճութիւն անձինն,
 քան զմարտ պատերազմին՝ սաստիկ ևս ըղ-
 ձայր բարեկամութիւն սերտել ընդ քա-
 ղաքին նորա. և ի կողմն մի ածեալ զնա
 ի բանի առնէր՝ ի խաղաղել իրացն գալ
 բնակել ընդ նմա առաջին ի սիրելիս և ի
 զօրավարս նորա: Առ այս՝ ասեն՝ ի ցած
 պատասխանի զայս առնել Փաբրիկեայ.
 « Այլ ոչ օգուտ քեզ՝ ո՞վ արքայ՝ եղիցի
 բանդ. զի որ այժմդ պատուեն զքեզ և առ
 քեզ յակճիւս կան, յորժամ և զիմ առ-
 ցեն զփորձ՝ անշուշտ քան զքեզ՝ առաւել
 զիս ինքն ինդրեացեն իւրեանց թագաւոր »:
 Այսպիսի դք Փաբրիկիոսն էր:

Այլ Պիւռոսս ո՛չ ցանոյր իբրև բռնաւոր ընդ բանսն . նա՛ առաջի բարեկամացն գովէր զմեծութիւն ոգւոյն Փաբրիկեայ, և 'ի նա միայն հաւատայր զգերին . զի թէ երբէք Սինկղիստոսն ոչինչ հաճեացի ընդ հաշտութիւնն, դարձուցեն զնոսա առ ինքն՝ յետ համբուրի ուջունի ազգականացն, և յետ կատարելոյ Վոսնոսեան տօնիցն, զոր և արարին իսկ նոքա յետ տօնին . դատակնիք մահու ինքնին Սինկղիստոսն 'ի վերայ ածեալ՝ որ միանգամ՝ ո՛չ դարձցի առ Պիւռոսս :

Զկնի այսորիկ Փաբրիկիոս անցեալ 'ի բարձ իշխանութեանն, հրեշտակ մի հասանէր առ նա 'ի բանակին նամակ մի բերեալ նմա 'ի բժշկապետէն Պիւռոսսի . յորում և խոստանայր նա գեղ մահու արբուցանել արքային՝ եթէ վարձ գեղեցիկ տացեն նմա հոռմայեցիք . և այնպէս հեշտին ապրեցուցանել զնոսա 'ի կուռոյն : Այլ Փաբրիկիոս զայրագին լի՛ բարկութեամբ խոժոռեալ ընդ եղեռն առնն, և 'ի նոյն զիշխանակիցն ձգեալ, անդէն նամականի տայր առ Պիւռոսս՝ ազգ առնէր պահ անձին ունել 'ի դաւոյն, օրինակ զայս . « Գայիոս Փաբրիկիոս և Վուինտոս Եմիւլիոս հիւպատոսք հոռմայեցւոց, առ արքայ Պիւռոսս՝ խնդալ : Թուի իմն այնպէս, եթէ քո ոչինչ յաջողեալ իցէ հաւաստի քննութեամբ 'ի վերայ կալ՝ ո՛չ բարեկամացն քոց և ոչ թշնամեաց : Արդ ընթերցեալ քո զնամականիդ առաքեալ առ

մեզ, համօրէն 'ի վերայ կայցես՝ զի մարտ
է դեալ կռուիս դու ընդ լաւաց արանց և
ընդ արդարոց. և զանձնդ հաւատացեալ է
քո արանց անիրաւաց և ամբարշտաց: Սա-
կայն և ոչ 'ի շնորհս ինչ քո 'ի վեր հա-
նեմք քեզ զբանդ. այլ զի մի թերևս 'ի
պատճառս քոց կրիցդ մեզ ինքնին հասցէ
զբարտութիւն, և կարծեսցի՝ եթէ քա-
ջութեամբ անձեռնհասք՝ դաւով վճարե-
ցաք զկռուին: Առեալ Պիւռոսի զնա-
մականին, և ճշգրտիւ 'ի վերայ հասեալ
դաւոյն, պատուհաս 'ի վերայ ամէր յան-
ցաւորին. ապա և Փաբրիկիոսի և Հոռ-
մայեցոց 'ի դարձ փոխարինին ձրի 'ի ներքս
մատուցանէր նոցա զգերին. և անդրէն
դարձեալ զնոյն Աինէաս արձակէր խօսել
վասն հաշտութեանն:

Այլ Հռոմայեցիք յանձն չառեալ ա-
ռանց փրկանաց զգերին, ոչ իբրև շնորհս
իմն 'ի թշնամւոյն և ոչ դարձեալ իբրև
կաշառ առ 'ի չանիրաւել ինչ, արձակէին
և նոքա յազատութիւն նովին չափով 'ի
գերւոյն Տարանտինացոց և 'ի Սաւնիաց-
ոց: Իսկ յաղագս բարեկամութեանն և
հաշտութեանն՝ և ոչ բան մի թոյլ ետուն
խօսել Աինէասայ, մինչև Պիւռոսի 'ի
բաց յառաջի առեալ զգէնան՝ դարձցի
անդրէն յԵպիսոս նովին նաւուք որովք
և եկն:

Ապա միւսանդամ 'ի կռիւ հարկաւո-
րեալ Պիւռոսս, խաղաց և 'ի գիմի Հոռ-
մայեցոցն հարեալ առ Ասկղոն քաղա-

քան, և բուն վանեալ 'ի նոցանէ՝ անկանէր 'ի վայրս իմն գթուարինս այրուծիոյ, և 'ի գետափն մի խորձաւէտ և անկոխ, զի և հնար չէր գազանացն անցանել միանալ ընդ փաղանգին. և անդ բազում վերաւորք և դիտապատք թաւալգլոր խաղային. և մարտ եղեալ կռուէին մինչև 'ի ժամ գիշերոյն, և ապա բաժանէին 'ի միմեանց:

Իսկ յաւուրն երկրորդի մարտ 'ի դուրի յարգարեալ Պիւռոսու, ուր և գազանք ինքնին խառնեացին ընդ թշնամիսն, կանխեաց կալաւ զգթուարս վայրացն գնդաւ միով. և միջամուխ զբազմութիւն մեծ ըզտիգաւորաց և զաղէղնաւորացն ընդ գազանսն արարեալ սաստիկ զօրութեամբ վարէր ստիպէր զգոռն խիտ առ խիտ և գեղեցիկ կարգաւ: Իսկ անդ հռոմայեցիք չունելով վայր թաքտի և ապաստանարանս իբրու զառաջինն, խառնեցան 'ի ճակատ արձակ արձակ և ճիգն թափեալ ընկրկել զհետեակն՝ մինչև խուժեալ գազանացն՝ ահագին մարտ եղեալ կռուէին սուսերօքն ընդդէմ գայիսոնացն, ոչինչ հոգացեալ զանձանցն՝ ուշ միայն եղեալ հարկանել և տապաստ արկանել ոգւով չափ: Բայց յերկարել մարտին՝ ասէն՝ թիկնադարձոյ լինել հռոմայեցւոց 'ի կողմանէ անտի հրոսակին Պիւռոսուի, որ շատաւ տաղնապի 'ի վերայ հասուցանէր նոցա: Իսկ որ յաւէտ իմն զնոսս 'ի փախուստ խուճապեաց, ուժգնակի բազխել գազա-

նացն ամեհեաց . ոյր աղագաւ ոչինչ բաւականք նոքա զտեղի ունել քաջութեամբ՝ լաւ համարեցան առ ժամն տեղի տալ՝ իբրու 'ի բազմակոհակն ալեաց կամ յահագին գեանաչարժէն , քան տարասպարտ կրել անդէն 'ի գժնդակացն : Այլ ոչ 'ի բացեայ գոլով բանակետղն՝ ուր փախըտաւայ անկանէին , ասէ Երովնիմոս՝ մեռեալս 'ի Հռոմայեցւոց յայնժամ ոգիս վեց հազար . իսկ 'ի Պիւռոսեանց՝ ըստ արքունի դիւանացն՝ երեքհազար և յիսուն և հինգ :

Բայց Դիոնիւսիոս գրէ , ոչ կրկին լինել մարտից առ Ասկլոն քաղաքաւ , և ոչ ճշգրիտ լինել հարուածոյն Հռոմայեցւոց , այլ մարտ մի եղեալ նոցա մինչև 'ի մուտս արևուն , հազիւ ուրեմն ապա տեղի տային , տիգահար եղեալ Պիւռոսի 'ի բազուկն և յաւարի առեալ աղխին Սաւնիացւոց . և առհասարակ անկեալքն՝ ընդ Հռոմայեցիս և ընդ Պիւռոսեանսն՝ էին աւելի քան զբիւր մի և հինգ հազար :

Ապա 'ի գաղարեւ գոռին , պատմեն՝ ասել Պիւռոսի ցայրն՝ որ ինգայր ընդ նմա . “ Եթէ մեք՝ միւս ևս մարտ եղեալ յաղթեսցուք , ասէ , Հռոմայեցւոցդ , բնաւ իսկ այնուհետև վճարեալ է վասն մեր ” : Քանզի նորա բաղմագոյն մասամբ անկան զօրականք՝ զոր ընդ իւր ածեալ էր , և գող առհասարակ նորա բարեկամք և զօրավարք . և չէին ևս նորա այլք 'ի փոխանակել , առ այս՝ և զնիզակակիցսն սրտաթափս տեսաւ .

ներ. իսկ անդուատ հռոմայեցւոցն իբրու
յանսպառ աղբերէ բլխեալ 'ի տանէն՝
հեշտ և փոյթ էր ընուլ զտեղին. և քան
լքանել 'ի հարուածոյն՝ սաստիկ ևս առ
ցասմանն կորովանալ և առ սպառուասի-
րութեանն:

Ընչէն յայս տաղնապ տարակուսի
կայր Պիւռոս, անդրէն միւսանգամ սնու-
տի յուսոյն խնդայր. քանզի և հրապոյրք
այլ ընծայեցան նմա, միանգամայն և տաղ-
տապիչք խորհրդոց նորա: Քանզի եկեալ
հասանէին առ նա արք աւագք 'ի Սիկիլիոյ
տալ նմա 'ի ձեռս զԱկրագանտա և զՍի-
րակուսա և զԼէոնտացիս. և աղաչել զնա՝
վանել 'ի վայրացն զՎարքեդոնացիս և 'ի
բռնաւորաց յանդորր զկղզին հանել: 'Ի
նոյն միանգամայն և արք աւագք եկեալ
ժամանէին առ նա յԵլլագայ ազգ առ-
նել՝ զի անկաւ Պտղոմէոս Կերանոս 'ի
մարտին ընդդէմ Գաղատացւոց. և 'ի դէպ
ժամու արդեօք յանդիմանեացի նա Մա-
կեդոնացւոցն՝ որոց թագաւորի անշուշտ
պէտք իցեն: Եւ վասն այսորիկ մեծապէս
Պիւռոս յայնժամ դանգատեր բախտին,
որ այնպէս հանդէսս կրկին այլ և այլ զմե-
ծաց նահատակութեց 'ի միում ժամանակի
'ի ներքս խառնէր նմա. և զմտաւ ամեալ
իբրու որ աներկևան վասն երկուցն ևս՝ վի-
պել 'ի միոյն կամ 'ի միւսոյն, այնպէս օ-
գուտ ժամս յուզէր ծփայր 'ի խորհրդեան
իւրում: Եւլ ապա 'ի վերջէ՝ նահատակու-
թեանց իւրոց վայր լայնասահման զՍիկի-

լիա համարեալ մօտաւոր Լիրիոյ, 'ի նոյն զմիտսն շրջեաց. և անդէն զՎինէաս անդր արձակէր, երթալ կանուխ խօսել՝ որպէս սովոր էր՝ ընդ քաղաքացն : Իսկ ինքն գունդ մի 'ի ներքս թողեալ առ Տարան տինացիան, որ գժկամակս բերեալ խընդրէին նոքա կամ 'ի գլուխ զմարտն տանել ընդ նոսա՝ ոյր ավադաւ եկեալն էր, կամ յառաջին կարգին թողուլ զնոսա. նա սլատասխանի արարեալ նոցա խիտ՝ լռել և մնալ դէպ ժամանակին, ինքն անկանէր յուղի ընդ ծով :

Հասեալ 'ի Սիկիլիա՝ յաջողէր նմա ըստ յուսոյն ակնկալուածեան, և անձնատուր նմա քաղաքքն լինէին, և հակառակուածիւն ինչ չէր նմա զառաջինն. այլ հասեալ նա անդր երկւք բիւրուք հետեակաց, և երկու հազար և հինգ հարիւր հեծելազօրու, և երկերիւր նաւուք, հարկանէր վանէր ըզՖիւնիկեցիան և քանդէր տապալէր զտուրուծիւն նոցա : Իսկ էր անդանօր Երբեկոս՝ անխաբ և ամուր վայր, և բազումք էին 'ի նմա պահակք. ժտեցաւ Պիւռոս սաստիկ գրոհիւ յարձակել ունել զպատուարսն. և մինչդեռ կազմ էր զօրն 'ի շահատակուծիւն անդր, ինքն զղէնան ողջոյն զանձամբ արկեալ և յառաջ նահատակեալ, ուխտ դնէր Հերակլեայ՝ հանդէս կարգել մրցանաց և զոհ զոհել արուծէն, եթէ երբէք չնորհեացի նմա՝ առաջի Հելլենաց բնակաւորացն Սիկիլիոյ այր երևել քաջամարտիկ՝ արժանի զարմին և բախ.

տին . եւտ նշանն 'ի ձայնն փողոյ , ե վարա-
տեալ փարատեալ զբարբարոսանն 'ի տա-
րափա նետից , ե զսանդուղն ածեալ 'ի
պատուարսն՝ ինքն նահատակ խաղայր ե-
լանէր 'ի վեր . անդ 'ի բազմակոյտ ամբոխ
պաշարեալ՝ պաշտպանէր անձին , ե վա-
նեալ յայսկոյս յայնկոյս 'ի վայր ընդ պա-
րիսպն հոսէր ամբոխ մեծ 'ի նոցանէն , ե
շատ եւ 'ի սայր սուսերին հարկանէր սա-
տակէր , ե դիզանէր թանձրանայր դիա-
կոյտ անկեւոցն . այլ ինքն վտանգէր ե ոչ
ինչ . նա ե այնչափ ահագին էր թշնամեացն ,
զի ե 'ի տեսլենէն միայն զարհուրեալ պակ-
չէին . ե այնպէս տպա ճշգրտեաց Պիւռ-
ոսն՝ եթէ ուղղապէս ուրեմն ե իմաստու-
թեամբ գրեաց հովերոս , եթէ յառաքի-
նութիւնս միայն Արիութիւնն՝ է բազում
անգամ զի գեղեցիկ մոլութեամբ վարի ե
յաշխոյժս հրաշանայ : Ապա առեալ զքա-
ղաքն , զոհ զոհեաց դիցն մեծապէս պատ-
րաստութեամբ . ե տեսարան եւ կարգէր
ազգի ազգի մրցանաց խաղուց :

Այլ հեւլենացիք անդ յոյժ նեղեալք
'ի բարբարոսացն Մեսսենայ՝ որոց անունն
կարդային Մամերտեանք , ե 'ի հարկի եւս
կացուցեալ էին զհեւլենացիս , ե բազումք
էին նոքա ե քաջամարտիկք (ուստի ե 'ի
Լատինաց բարբառ կոչէին Արեստանք) .
եւս ապա Պիւռոսն ձերբակալ զհարկա-
հանան նոցա առնել ե 'ի մահ վարէր . ե
զբարբարոսանն 'ի մարտին պարտեալ , հինն
'ի վեր քանդէր շատ ինչ 'ի բերդից նո-

ցա : Իսկ և Փիւնիկեցւոցն՝ որ ՚ի հաշտութիւն հակամիտեալք նաւս և դրամն ՚ի ներքս տային Պիւռոսի հաստել բարեկամութիւն, ինքն ՚ի մեծամեծսն մտաբերեալ տայր պատասխանի, հաճել զնոսա՝ ՚ի թողուլ նոցա ողջոյն զՍիկիլիա, և սահման հելլենացւոց ունել զծով Ղիբիոյ : Եւ բարձրացեալ Պիւռոս ՚ի գեղեցիկ բախտէն և ՚ի զօրութենէն, խրնդայր յուսոյն՝ յորմէ և դրդեցան իսկ յառաջագոյն գէտակն կալեալ ՚ի Ղիբիա. և նաւս ունելով բազում անկազմ և անպատրաստ՝ իբրև սկսաւ զօրաժողով լինել, ոչինչ հէշտ և հէզաբար այնուհետև վարեալ ընդ քաղաքսն, այլ ճոխաբար և ջսամամբ բռնանայր և պատուհասէր, զոր ոչն վարեաց երբէք յառաջն. նա յոյժ իսկ յանկուցեալ էր նա զմարդիկն գեղեցիկ և աներկեան քաղաքավարութեամբն և յանդորրու :

Եւ այսպէս ապա ժողովրդասէրն՝ գտաւ բռնաւոր, և ապառուժ եղեալ կեղտ անուն ժառանգէր անձին զանշորհակալու առն և զանհաւատարիմ. սակայն նոքա ՚ի հարկէն բերեալք՝ տային նմա զինչ և կամէր, թէպէտ և գժկամակս : Այլ ՚ի միտս կասկածոտս եղեալ նա վասն թինոյնի և Ստատրատոսի, ընդ իւր ամէլ կամէր զնոսա և ոչ թողուլ ՚ի քաղաքի անդ զարս զաւագսն զայնոսիկ զՍիրակուսայ. այն՝ որ առաջին հաւանեցուցին զնա անցանել ՚ի Սիկիլիա, և անդ դարձեալ ետուն նմա

զքաղաքն և զօրավիգն եղեն նմա 'ի նահա-
տակութիւնս բազումս : Իսկ յորժամ Սոս-
տրատոս զահի հարեալ մեկնեցաւ, ինքն
մահու դատէր զԹինոնն իբրու որ համա-
խոհ իցէ նմա . և յայմանէ ապա ոչ յու-
շիկ և տակաւ հիմն 'ի վեր շրջեցան իրք
Պիւռոսի, այլ անդէն ռիւերխմս բերեալք
ընդ նմա քաղաքք՝ կէսք ձեռն տային 'ի
Փիւնիկեցիս անդր, և կէսք դարձեալ դաշ-
նաւորք եղեն Մամերտեանցն :

Այն ինչ Պիւռոսու շուրջ զակն յա-
ծեալ՝ առհասարակ տեսանէր ապստամբ-
բութիւնս և խլտիւն և դաւադրութիւնս
ահագին ընդդէմ անձինն, գիր հասանէր
առ նա 'ի Սաւնիացւոց և 'ի Տարանտինաց-
ւոց, ազգ առնէր՝ զի հագիւ ուրեմն նոքա
'ի ներքս 'ի քաղաքսն զդէմ ունէին մար-
տին՝ վանեալք 'ի դաւառէն, և խնդրէին
զօրավիգն : Եւ ապա այս նմա գեղեցիկ
հանդերձեցաւ 'ի վերին երեսս՝ մի փա-
խուստ զչուն համարել կամ յուսահատ
կիրք 'ի նահատակութենէն . սակայն 'ի
ներքոյ՝ անձեռնհաս նա 'ի տիրանալ Սի-
կիլիոյ՝ որ նաւ իմն էր նա ալէտանջ մրրկեալ
ճողոսպրեալ 'ի նմանէ անդրէն միւսանգամ
ծովագնաց անկանէր յԻտալիա : Եւ սլատ
մեն՝ յուղւոջն յետս 'ի կղզի անդր հայե-
ցեալ՝ ասել որոց մերձն կային . « Բաբէ,
զո՞ր ասպարէզ մէք ո՞ բարեկամք թողումք
Կարբեդոնացւոցն և Հոմայեցւոց » : Եւ
քաջ՝ որսէս ասացն՝ ոչ յետ բազմաց ինչ
արդիւնացան բանքն :

Այլ բարբարոսք համաշունչք ընդդէմ նորա, յուղի անկանել նորա՝ դէպ լինէր նմա կռուել ընդ Փիւնիկեցիսն՝ ՚ի նաւահանգստի անդ և շատ ևս կորուսանել ՚ի նաւացն, և այնպէս մնացելովքն անկանել յԽտալիս: Այլ և անդանօր կանուխ Մամերտեանցն աճապարեալ՝ բազմութիւն ոչինչ սլակաս քան զտասն հազարաց, ոչ ճակատեալք ՚ի դիւրի՝ այլ դարանամուտք եղեալ ՚ի վայրս դժուարինս, անդուստղըռոյթ սաստիկ տուեալ ՚ի վերայ՝ առհասարակ վարատեալ ազմիկեցին զըօրն նորա. անդ անկեալ ստոակէին երկուք ՚ի գաղանայն, և շատք յոյժ դիտապատ անկանէին ՚ի վերջապահ գնդէն. զի և ինքնին Պիւռոսս յիւրմէ ճակատէն անդր անցեալ՝ ձեռն տայր նոցա, գոռայր կռուէր ընդ մուկեան գնդին. այլ անդ սուսերահար ՚ի նոցանէն ՚ի գլուխն խոցեալ և վայրիկ մի տեղի տուեալ ՚ի գոռոյն, ապա սաստիկ ևս ոյժ սնդութեան յորդեաց ՚ի նոսաորպէս զի և ՚ի նոցանէն զք այր՝ հարստի մարմնով և ՚ի զէնս երևելի, հարուստ մի քան զնիզակակիցան յառաջ նահատակեալ, ձայն բարձեալ իրոխոս ասպարէզ Պիւռոսսի կարգայր՝ եթէ կենդանի իցէ՝ ՚ի վէզ ընդ նմա: Յայնժամ Պիւռոսս միմուտեալ գաղանացեալ՝ դարձեալ յետս ընդ թիկնասպահայն յարիւն ասպաժոյժ և ՚ի տեսիլ դիմացն ահագին յոյժ, թափ ուղի ընդ մէջ զօրականին հատեալ՝ աճապարեալ ընդդէմ բարբարոսին շէշտ զվաղա-

կաւորն իջուցանէր 'ի կառավին, և այնպէս 'ի բազկին կորովութենէն և 'ի քաջամուխ երկաթոյն՝ յերկուս պողովատիկն ողջ ըզմարմինն կտրեալ, 'ի նոյն միանգամայն աստի և անտի երկոքին հատածքն յերկիր անկանէին: Յայսմանէ յետս նահաջեցան բարբարոսք՝ հրաշացեալք և պակուցեալք 'ի Պիւռոսէ, իբրու որ վեհագունիցն վիճակեալ բնութեան:

Ապա յանգորրու զուլին վճարեալ՝ գայր հասանէր 'ի Տարանտոն քսան հազար հետևակօք և երէքհազար այրուձիով, և առեալ ևս անդ զքաջս 'ի Տարանտինացւոց, խաղայր գնայր ընդդէմ հռոմայեցւոց՝ որ բանակ հարեալ նստէին յերկրին Սաւնիացւոց: Եւ էին Սաւնիացւոցն իրք վատթարեալք յոյժ, և սրտաթափք 'ի բազում հարուածոցն՝ զոր հարան 'ի հռոմայեցւոց, և զչարեալ նորա սակաւ մի ընդ Պիւռոս՝ զի ել նառեաց նա 'ի Սիկիլիա, ոչինչ բազումք խմբեցան ընդ նմա:

Յայնժամ յերկուս զգորն ամենայն բաժանեալ Պիւռոս, զմին առեալ արձակէր 'ի Ղեւկանիա ընդդէմ միոյ 'ի հիւպատոսացն, խափանել զնա 'ի տալ թիկունս իշխանակցին, և ինքն զմիւսն առեալ խաղայր ընդդէմ միւսոյն՝ այն էր Մանիոս Կուրիոս, որ զտեղի առեալ առ Բէնէբէնտ քաղաքաւ յանխաբ վայրի՝ մնայր օգնականութեանն 'ի Ղեւկանիոյ. առ այս՝ զի և իղձք 'ի հաւահամայիցն և 'ի զոհիցն՝ 'ի բաց զնա քեցէին 'ի կռուոյն, և նա անդ

գեղերեալ նստէր անգործ: Ապա աճապարեալ Պիւռոս անկանել 'ի վերայ՝ մինչև հասեալ որոց 'ի Ղեւկանիոյ, առեալ ընդ իւր այրընտիր 'ի զէն 'ի զարգ 'ի քաջաց և զքաջամարտիկան 'ի գազանաց, խաղայր գիշերի 'ի շտապ տագնապի 'ի վերայ բանակի [Թշնամոյն: Եւ քանզի 'ի յամբողջ շուոյն՝ էր նմա շրջան առնուլ ընդ երկայն ուղի անկոխ և անտառախիտ, ոչ բաւեցին նմա զամբարքն՝ և զօրականն այսր անդր վարատեալ օձտէր, և յամեալք՝ կարճատէր գիշերն. իսկ անդուստ [Թշնամիք Էլ լուսանալ աւուրն տեսեալ զնա 'ի կատարաց անտի բարձանցն 'ի վայր գրոհ տուեալ, խուճապեցան տագնապեցան: 'ի վերայ այսր՝ զոհք բարեհմայք պատահեալ յայնժամ Մանիոսի և 'ի Ժամանակէն ևս շտապեալք 'ի կռիւն, եւ նա արտաքս և անկեալ 'ի վերայ յառաջամարտկացն Պիւռոսի և զնոսա 'ի փախուստ դարձուցեալ՝ արհաւիրս մեծամեծս զմնացելովքն արկանէր. անդ և ոչ սակաւք գիտապաստ անկանէին 'ի նոցանէ, և հասեալ կալան և 'ի գազանաց անտի:

Յայսմանէ ապա քաջապէս խրախուսեալ Մանիոս, միջամուխ և 'ի գիւրի կրուներ ընդ Պիւռոսի. և այնպէս խառնեալ մարտին 'ի բացարձակ գաշտի, աստի հարկանէր խորտակէր Մանիոս զ[Թև բանակին [Թշնամեաց, և անտի բուռն և սաստիկ վանեալ ընկրկէր 'ի գազանացն մինչև 'ի բանակեսողն. ապա յառաջ կոչէր ստիպէր

'ի զէն և 'ի զարդ վառեալ զկորովի նահա-
տական 'ի հանդարտեալ զօրականէն, որք
ստուար գնդաւ կային 'ի պահ զգուշութե-
զակչին. նորա յառաջ եկեալ յամուր
վայրացն և 'ի վերայ անկեալ գազանացն,
տագնապէցան գազանքն և ընդ կրունկն
փախստեայք վազէին ընդ մէջ նիզակակ-
ցացն. յորմէ և խռով սաստիկ հարեալ 'ի
նոսա, տանէին հռոմայեցիք գյաղթու-
թիւնն. և այն եղև նոցա մեծապէս բար-
գաւաճել տէրութեանն: Քանզի այնու-
հետև 'ի մարտից անտի և 'ի քաջութեանէ
արութեանն մեծ ևս խրախուսեալք, և
համբաւ ևս առեալ նոցա իբրու զանյաղ-
թից ոմանց՝ իսկ և իսկ տիրացան խտալիոյ,
յես սակաւուց և Սիկիլիոյ:

Եւ այնպէս ապա անկանէր բեկանէր
Պիւռոս 'ի յուսոյն իւրմէ, որով ինդայր
'ի բուռն զխտալիա արկանել և զՍիկիլիա,
ծախեալ ամս վեց 'ի կռուին, և վատթա-
րեալ յիրս իւր: Սակայն և անվկանդ ըզ-
քաջութիւն սրահեալ զոգւոյն յողէտս
հարուածոցն, և քաջիկ հմտութեամբ զի-
նուորականին և բազկացն կորովութեամբ
և սրտին արիութեամբ, արքայիցն որ առ
իւրովքն ժամանակօք՝ զհամբաւի հարաւ
բնաւիցն վէհագոյն: Բայց նա զոր ստա-
ցեալ ժառանգէր առաքինի նահատակու-
թեամբքն, զնոյն 'ի ձեռաց հանէր սնտախ
յուսովքն. չպահէր՝ որ 'ի դէպ իսկ էր՝
զառձեռինսն՝ առ ցանկութեան բացա-
կայիցն: Ոյր աղագաւ և Անտիգոնոս՝

քուարկու առն 'ի տիպ ճշգրտէր զնա . որ
չատ ինչ և գեղեցիկս արկցէ քուէայս , այլ
զարկեալսն՝ ոչինչ գիտասցէ վարեւ :

Ասա չու արարեալ գարձ առնէր յԵ-
սլիւոս ութ հազար հետևակօք և հինգ հա-
րիւր հեծելովք . այլ 'ի դրամոց նուազեալ՝
մարտ խնդրէր՝ 'ի թոշակ զօրուէն : Խմբեալ
ընդ նմա և 'ի Գաղատացւոց անտի՝ ասպա-
տակէր 'ի Մակեդոնիա , ուր թագ կապէր
Անտիգոնոս որդի Գեմետրի , իբրու ամբար
ժողովէլ և աւար կուտէլ : Իբրև յաջողե-
ցաւ նմա հասանել ունել և քաղաքս բա-
զումս , և զօրականք ևս երկու հազար զի-
նուորեցան ընդ նմա , խրախոյս առեալ՝
խաղայր դիմէր 'ի վերայ Անտիգոնոսի և
անկեալ 'ի վերայ նորա 'ի վայրս անձուկս՝
խռով հարկանէր 'ի զօրսն : Իսկ Գաղատա-
ցիք որ ընդ Անտիգոնեայ՝ 'ի վերջ բանա-
կին նորա ճակատեալք՝ խռուն բազմութի
քաջապէս զգէմ կալան . այլ քանզի սաս-
տիկ և ահագին խառնեցաւ գոռն՝ բա-
զումք այն էին որ տասպատ անկան 'ի նօ-
ցանէ . և փղացն ևս ոստիկանք տագնա-
պեալք՝ անձնատուր 'ի թշնամիսն լինէին
հանդերձ գազանօքն : Օրինակ զայս յաջո-
ղեալ Պիւռոսի , քան 'ի հանձարոյն՝ ա-
ռաւել ևս 'ի բախտէն , յարձակէր դիմէր
և 'ի վերայ փաղանդին Մակեդոնացւոց .
նոքա լի էին խռովութեամբ և ահիւ վասն
հարուածոյն Գաղատացւոց . ուստի և զտե-
ղի առեալք՝ ոչ կամէին միջամուխ 'ի մարտն
լինել : Իբրև զայն ետես Պիւռոս , զաջ

Իւր կարկառեալ ձգեալ, առ ինքն միան-
գանայն հրաւիրէր զգնդապետն և զղա-
տապետն . և յիւր կողմն յանգուցեալ
զհետևակազօրն զայն, ապա Անտիգոնոս
ելէալ խոյս տայր 'ի վայրացն . տակայն և
քաղաքս ծովափնեայս 'ի բուռն արկանէր:
Իսկ 'ի փառաց անտի կոստորածին Գաղա-
տացւոց յոյժ ինդացեալ Պիւռոս, ա-
ռեալ զգեղեցիկն յաւարաց նոցա՝ կախէր
'ի ձօն 'ի տաճար Խոռոջեանն Աթենասայ,
արձանագրեալ զՈղբականն՝ սյտպէս .

Զասպարս ըզգոռ Գաղատացւոց՝
Ձօն Խոռոջեանն Աթենասայ՝
Մոլոսացին Պիւռոս կախեաց,
Յորժամ ողջոյն զԱնտիգոնեան
Բանակն եհար և խորտակեաց:
Բայց զարմանաց մեծաց սպառճառք
Չեն ինչ նախաճիրք այս գեղեցիկ,
Զի ցանգ զարդիս՝ և վաղ ուրեմն
Էակիրդեանք են գոռ մարտիկ:

Յետ մարտի սպառերազմին միւսանգամ
գրաւեալ զքաղաքսն և ընդ լծով զԵգէա-
ցիսն արկեալ՝ անհամբոյրս գնայր ընդ նո-
սա, և 'ի Գաղատացւոց իւրոց գունդ մի
Թողոյր անդանօր: Բայց Գաղատացիք՝ ազգ-
ընչաքաղց, միեցան փորել պեղել զչի-
րիսն Թագաւորացն՝ որ անդ, և զհարստու-
Թիւնն կապտեալ 'ի նոցանէ, Թշնամանօք
ևս ցան և ջիր արկին զոսկերսն: Թուէր
իսն Պիւռոսի հեզարար տանել իրացն,

կամ առ մեծի անսպարապութեանն յայն-
 ժամ, կամ զի առ ասին անպատուհաս
 արձակէր զբարբարոսն. ոյր աղագաւ և
 Մակեդոնացիք դառնապէս բամբասէին
 զնա: Այլ քանզի չև էին իրք Պիւռոսի
 հաստատուն յանդորր ելեալ, նա անդրէն
 'ի նորոգ յոյս խնդացեալ և ոտնհար Ան-
 տիգոնոսի եղեալ լիրք և ժպիրհ կարդայր
 զնա, զի ոչ զձորձ՝ այլ ծիրանի տակաւին
 արկեալ է զանձամբ:

Չայնու ժամանակաւ դայր հասանէր
 առ նա Կղէոնիւսիմոս Սպարտացի. և հրա-
 ւէր տուեալ նմա 'ի Նակեդեմոնիա, նա
 մտադիւրագոյնս հաւանէր բանին: Էր այս
 Կղէոնիւսիմոս յարքունի զարմէ, այլ բուռն
 և սաստիկ և 'ի միապետութեան կիրս մե-
 ծապէս հակամիտեալ սիրեաց և մերձե-
 ցաւ 'ի նա և ոչ ոք, և թագ կապէր յայն-
 ժամ ընդ նորա Արեւս. և էր այն նմա
 վաղնջուց խէթ սրտի ընդդէմ հայրենեացն:
 Առ այս՝ և 'ի ծերութեանն կին գեղեցիկ
 էած նա յարքունի զարմէ Քելիգոնիսիդէ
 անուն՝ դուստր Լէոտիքիդեայ. այլ սա
 մոլեգին 'ի սէրն հարեալ Ակրոտատոսի
 որդւոյ Արեւսի՝ քաջառոյգ պատանւոյ,
 յոյժ դժոխումբերելի և անփառունակ զա-
 մուանութիւնն յարգարէր զԿղէոնիւսիմեայ՝
 որ սիրէրն զնա. քանզի և առհասարակ
 Սպարտացւոց ծանօթ էր ոտնհարութիւն
 նորա 'ի կնոջէն: Եւ այսպէս ապա յառաջ-
 նին 'ի կիրսն 'ի վերայ բարդեալ և քաղա-
 քայնոյն, վառեալ 'ի ցամանէն և յանհը-

նարին անձկութենէն, առնոյր ածէր ըզ-
 Պիւռոսս 'ի Սպարաիա քսան և հինգ հա-
 զար հետևակօք, երկու հազար այրուձիով,
 և քսան և չորս դազանօք. զի և յայնչափ
 պատրաստութենէն յայանի էր ապա տե-
 սանեւեացն՝ եթէ ոչ Վղէովնիւմեայ ինչ
 նուաձեւ զՍպարաիա խնդրէր Պիւռոսս,
 այլ իւրում անձին ողջոյն զՊեղոպոննի-
 սոս: Թէպէտ և ինքն 'ի բանսն գողանայր
 զխորհուրդ մտացն 'ի Սպարտացւոց անախ՝
 որ հրեշտակս արձակեցին առ նա 'ի Մե-
 դաղէսօլիս՝ յասել անդ առ նոսա, խա-
 ղալ գիմել նմա անդր 'ի փրկութիւն քա-
 ղաքացն՝ զոր անդ նուաձեւալ ունի Անախ-
 գոնոս. և ասէր, Օ՛ն և Օ՛ն՝ եթէ և յիւրոց
 անախ կրսերագոյն որդւոցն, թէ խափան
 չկայցէ, խնդրէ արձակել 'ի Սպարաիա 'ի
 դատարակութիւն լակոնացի, շուք ու-
 նեւ քան զայլս 'ի թագաւորաց:

Չայս այսպէս կեղծաւորեալ Պիւռոսս
 և առ որս յուղւոջ պատահէին նմա, մի-
 ջամուխ 'ի Ղակոնիա՝ անդէն վաղվաղակի
 աւար հարկանէր և կապուտ կողոպուտ
 թողոյր. անդ բողոք հրեշտակացն կալեալ
 Սպարտացւոց՝ զի մինչև ազգ արարեալ
 մարտ պատերազմի գումարեաց 'ի նոսա,
 ետ պատասխանի Պիւռոսս. « Վա՛ն, և մեք
 գլխովին գիտեմք քաջ. զի և ոչ գուք ինք-
 նին Սպարտացիքդ կանուխ ազգէք այլոց,
 զոր գործեւոցն էք »: Իսկ անդ յեղեւոցն
 ոմն Մանդրիկիդաս անուն ասէր առ Պիւռ-
 ոսս 'ի բարբառ լակոնացի. « Եթէ աս-

տուած ուն իցես դու, ո՛չ տեսցուք մէք 'ի
 քէն չարիս, զի ոչինչ անիրաւեցաք. ապա
 եթէ մարդ իցես, իցէ արդեօք որ զօրաւոր
 ազոյն ևս քան զքեզ" :

Ապա իջեալ Պիւռոսս 'ի Նախեղեմո
 նիս, և թախանձեալ 'ի Աղէոյնիւմեայ՝
 անդէն փութապէս անկանել 'ի վերայ
 քաղաքին, զանդիտեալ Պիւռոսս՝ որպէս
 ասեն՝ թերևս 'ի դիշերային ժամուն զօրա
 կանք յաւարի զքաղաքն առցեն, յանձն
 չառնոյր՝ և զցերեկ ասէր անկանել 'ի վե
 րայ քաղաքին. քանզի և քաղաքացիք ինք
 նին սակաւք են և կազմեալ չեն յանակըն
 կալ սաշարմանէն. առ այս՝ զի և Արեւս
 արքայ չէ անդ և 'ի Արետէ երթեալ է 'ի
 թիկունս Գորտիւնացոց: Եւ ապա այս
 դեգերանք 'ի փրկութիւն լինէր քաղաքին,
 զի այնպէս առ սակաւութեանն և տկա
 րութեանն արհամարհեցաւ նա. քանզի
 և կարծեալ Պիւռոսս եթէ և ո՛չ որ 'ի
 կռիւ կաքաւեսցէ ընդ նմա, անդէն զտե
 ղի կալաւ: Իսկ 'ի ներքս 'ի քաղաքին բա
 րեկամք Աղէոյնիւմեայ և Իղոոք հան
 դերձեալ կազմէին զտուն նորա, իբրու
 եթէ առ նմա Պիւռոսս ընթրէլ հան
 դերձեալ իցէ:

Իսկ 'ի դալ դիշերոյն խորհուրդ հաս
 տատեցին 'ի քաղաքին Սպարտացիք՝ նախ
 քան զամենայն զկանայսն առնուլ արձակել
 'ի Արետէ, այլ կանայքն ընդդէմ դարձան
 խորհրդոյն. և անդ Արքիդամիս ինքնին
 առեալ զսուսերն չոքաւ 'ի ծերակոյտ

անդր, կայր և բողոք բառնայր զարանց յանուն ամենայն կանանց, զի կարծէն նոքա կենդանի մնալ կանանց 'ի կորնչել Սպարտիոյ: Ապա խորհուրդ առհասարակ հաստատեցաւ յայնժամ, խրամ հատանել զքաղաքաւ 'ի հանդիսոյ զուգահէտ բանակի [Թշնամոյն, և աստի անտի հարրստել 'ի նմա կառս մինչև 'ի կէս անուոցն, զի այնպէս [Թաղեալք և պնդեալք քարընդոտն եղիցին գազանացն: Իբրև ձեռն 'ի գործ առնէին, անդր խունեցան և կանայք և կուսանք, կէսք՝ հանդրիձեալք զձորձս և զվտաւակս, և կէսք՝ համակ վտաւակօք այնպէս գործակից վաստակակից լինէին արանց ծերունեաց. և [Թախանձ արկեալ՝ որոց մարտ մղել հանդերձեալ էին՝ զի հանգիցեն, ինքեանք զչափ առեալ խրամոյն՝ ինքեանց ձեռօքն աշխատեցան զերրորդ մասն նորա. և էր խրամն լայն կանգուն վեց, և խոր՝ չորս, և երկայն՝ լծավար ութ, որպէս ասէ Փիւղարքոս. իսկ ըստ Երոմի[իմեայ՝ սակաւ մի պակաս:

Իբրև օրն լուսանայր և [Թշնամիք շարժէին խաղային, անդ կանայք և կուսանք Սպարտացւոց զգէնան 'ի ձեռս տուեալ պատանեացն և նոցա յանձն զխրամն արարեալ, խրախոյս կարգային քաջութեամբ վանել զյարձակեալսն և պահ խրամոյն ունել, և ասէին. Քաղցր է յաղթութիւնս ակն յանդիման հայրենեացն, և փառք են մեռանել 'ի գիրկս մարց և 'ի գիրկս ամուսնաց, և տասպաստ քաջութեամբ անկանել

իրրև արժանիք Սպարտիոյ : Իսկ Քելիդոլ
նիդէ անդանօր մենացեալ 'ի վայր մի՝
կազմ 'ի սպարաատի զխեղճանն ունէր, զի
մի 'ի ձեռս անկցի Վզէոնիւմեայ յառ-
նուլ քաղաքին :

Անդուստ ապա Պիւռոսս ստիպէր յա-
ռաջ խաղայր 'ի ճակատէն հանդերձ հե-
տևակազօրուն ընդդէմ բազմախուռն աս-
պարաց Սպարտացոց, դէմ եղեալ 'ի
խրամ անդր՝ զոր և ո՛չ անցանել կարօղ
էր. և ո՛չ առ ամամբն գտանէին ինչ մար-
տիկք գետին հաստատուն 'ի կռուան,
քանզի խարխարեալ յոյժ էր հողն : Իսկ
Պողոմէոս որդի Պիւռոսսի առեալ ընդ-
իւր երկու հազարս 'ի Գաղատացոց և այլ
ևս այրընտիր զՔասնացոց, և այսր անդր
յաճեալ առ խրամոն՝ յուզէր գտանել
հուն անցից ընդ կառան. որ քաջապէս
հարստեալք խիտ առ խիտ և կուռ առ իրա-
մոն, ո՛չ թշնամեացն միայն քարընդոտն
էին՝ այլ և Ղակեդէմոնացոցն ինքնին
դժուարին էր պաշտպանել նոցա : Ուստի
և Գաղատացոցն ձեռն արկեալ կորզել 'ի
հողոյն զանխան և զկառան՝ թաւալել ձգել
'ի գետ անդր, անդուստ դէտակն կալեալ
վտանդին պատանին Ակրոտատոս՝ ընթա-
նայր վազէր և ընդ մէջ անցեալ քաղաքին
երէքհարիւր զօրականօք, խաղայր գնայր
'ի ներքս փակել պաշարել զՊողոմէոս. և
մօտէր մերձենայր առ նա ընդ վայրս իմն
խորխուլեալս և ընդ դարափոսս, զի և ո՛չ
տեսաւ զառաջինն՝ բայց յանկանել իւրում

'ի վերայ վերջոսնելոց զօրականին . և այնպէս խուճապեցոյց զնոսս՝ դառնալ մարտ զնեւ կռուել ընդ նմա . անդ ընդհարեալ բախէր այր զընկեր յայն աղմուկ շփոթից, և անկեալ հոսեալ 'ի խրամ անգր ընդ մէջ խիտ առ խիտ կառացն, մինչև հաղեուրեմն 'ի մեծ հարուած վանեալք ընկըրկէին : Իսկ անդուստ ծերք և կանանց ամբոխ կային 'ի զննին և տեսանէին զԱկրոտատեայ նահատակութիւնն . մինչև միւսանգամ եկեալ նա այսրէն՝ անցեալ ընդ մէջ քաղաքին դառնայր յիւր կայսն՝ յարիւն և յասպաժոյժ, կայտառ և պերճ 'ի յաղթութէն, թուէր իմն ամենայն Լակոնուհեացն ևս հոյակապ և գեղեցիկ քան զառաջինն, և երանի ևս տային Քելիգոնի զոնխիդեայ վասն նորա . առ այս՝ և 'ի ծերունեաց անախ ոմանք զհետ ընթացեալ նորա՝ աղաղակէին . “ Ե՛րթ գուսմ Ակրոտատէ, էրթ մուտ առ Քելիգոնի նիդէ . միայն եթէ զաւակս քաջս Սպարտիոյ արասցես ” :

Այլ ապա սատիկ և գոռ մարտի եղելոյ 'ի գնդէ անտի Պիւռոսի, շտոք 'ի պահուն դտան երևելիք քաջապէս կռուեալք . ընդ որս և Փիւլլիոս յետ երկար նահատակութեանն և հարուածոց շատից ախոյենիցն՝ որ թևակոխէին զնովաւ, իբրև նուաղեալ այնուհետև տեսանէր զանձն 'ի բազում վերացն, այլում ումէք զիւրկարգն տուեալ ինքն եկեալ անկանէր 'ի մէջ նիգակակցացն, զի մի թշնամիք առցեն ըզ-

դիակն նորա : Բայց գիշերոյն 'ի վերայ հասեալ և դուլ մարտին տուեալ, տեսանէր 'ի քուն Պիւռոսու տեսիլ այսպիսի . Թուէր նմա՝ կայծականց շանթել 'ի Ղակեդեմոնիա, և ողջոյն այրել զնա, և ցնծութեամբ մեծապէս ընուլ զնա : Զարթուցեալ 'ի քնոյն առ աստիկ խնդին, վաղվաղակի հրաման տայր զօրսպետացն կազմ զզօրն ունել. և զտեսիլն պատմէր առաջի բարեկամացն, իբրու որ անկասկած այնուհետե կալցէ զքաղաքն :

Անդ առհասարակ հաճեալք հաւանէին . միայն Ղիւսիմաքոս ոչ լաւ համարեցաւ զտեսիլն և զանդիտէր՝ զի վայրք շանթեալք հրացան բարկութեամբ իբրու անմատոյց նուիրականս իմն համարեալք, սնապէս և աստուածակողմանն՝ ասէր՝ Թերևս նախագգեցիկ Պիւռոսու լինել, մի մտանել նմա 'ի քաղաք անդր : Այլ Պիւռոսու ընդդէմ կրկնեալ, եթէ այդ բանդադուշանք գրգջինք են խաժամուժ ամբօխին, և են իսկ այդոքիկ աղօտահայեացք ոմանք . իսկ առ ժամդ վայելուչ այն է՝ զէն 'ի ձեռս առնուլ և իւրաքանչիւր ասել ցանձն . Գեղեցիկ հմայ, էն՝ մարտ Գնել Կոռնել 'ի վերայ Պիւռոսու . Զայս ասաց և յարեաւ, և անդէն 'ի ծագել աւուրն առեալ խաղացուցանէր զզօրն :

Այլ անդուստ Ղակեդեմոնացիք ոգւով չափ մարտ եղեալ կռուէին՝ խրախուսեալ քան զկար անձանց . էին էին մօտ անդ և կանայք՝ որք նեաս և վիբինս

առեալ մատուցանելին նոցա, և կերակուր և ըմբելի պատրաստելին կարօտելոցն, և 'ի գիրկս իւրեանց առեալ ժողովէին զվերաւորսն : Իսկ Մակեդոնացիք վաստակաբեկ յոգնեալք ընուլ զխրամն՝ արկեալ 'ի նախառն 'ի խուռն նիւթ բաղում, ընդ որովք և ծածկեալ թաղեցան զէնք և դիակունք անկելոցն. աստի գուն սաստիկ եղեալ Սպարտացւոց խափանել զնոսա, և անդուստ Պիւռոսս մեծապէս զօրութեամբ սլացեալ վազէր զխրամովն. թափ հարեալ մտրակէր զերիվարն հանգէպ քաղաքին : Անդ էր լսել զմեծ գոչիւն զղօրականին, և զճչիւն և զվայիւն զկանանւոյն՝ յայսկոյս յայնկոյս խուճապեալ վազեալ, մինչդեռ անցեալ իսկ էր Պիւռոսս, և վանէր ընդօտնէր առհասարակ զախոյեանսն. սակայն 'ի պահուն խոցեալ երիվարին ընդ պորտովն 'ի կրետացի վէքնէ, առ անհնարին ցաւոյն մոլեգնեալ անկանէր տապաստ՝ և 'ի վայր զՊիւռոսս ինքնին սասանեցուցանէր ընդ սահունս և ընդ զառ 'ի վայրս : Ըուրջ զնովաւ բարեկամացն խուճապեալ, անդուստ և Սպարտացիք 'ի վերայ խութեալ նեարնկէցք՝ զնա և առհասարակ զամենեւեան յետս ընկրկէին :

Յայնժամ Պիւռոսս 'ի կողմանց կողմանց դուլ առնէր մարտին. կարծեաց՝ վայր մի տեղի տալ Սպարտացւոցն առ բազմութե անկելոց գիականցն իւրեանց. և զի և առհասարակ գոգցեսս վերաւորք էին : Այլ գեղեցիկ բախտ քաղաքին այ-

նորիկ, (եթէ շատ խակ զփորձ առեալ ըզ-
քաջութեան որերոյն այնորիկ, և եթէ
դարձեալ զզօրութիւնն զմեծ 'ի ներքս բե-
րեալ յամբաւ տարակուսին), մինչդեռ
Սպարտացիք բնաւ խակ յուսակտուրք,
անդր ամեալ հասուցանէր 'ի Վորնթոսէ
զԱմինիաս Փոկէացի զԱնտիգոնեայ զօրա-
վարն հանդերձ եկօք զօրականին. այն ինչ
նոցա 'ի քաղաքն մտեալ, անդր հասեալ
ժամանէր 'ի Վրետեայ և Արեւս արքայ
երկու հազար զօրականօք: Անդէն ապա և
կանանց ամբոխ փարատեալ գնային իւ-
րաքանչիւր 'ի տունս. ոչ այլ 'ի դէպ հա-
մարեցան միջամուխ 'ի կռիւն լինել. և 'ի
բաց ևս արձակեալ զձերունեացն խումբ՝
որ 'ի ժամուն զէն առեալ էին, կարդե-
ցան կային 'ի ճակատ՝ որ եկեալ հասեալն
էին անդր:

Իսկ Պիւռոսս 'ի դալուստ օգնական
գնդին՝ մեծ ևս քաջալերեցաւ և պատուա-
սիրէր հասանել ունել զքաղաքն. այլ յա-
ռաջադէմ չեղեալ 'ի նահատակութեանն
և հարուածս ևս տարեալ, տեղի ետ. և
գնացեալ քանդէր աւերէր զգաւառն, և
խորհէր ձմերել անդէն: Սակայն և ան-
խուսափելի է մարդոյ օրահաս նորա:
Քանզի յայնժամ ազմուկ շփոթից հա-
րեալ յԱրգոս՝ ընդ Արիստէաս և ընդ Ա-
րիստիպպոս. և կարծեալ իմն՝ եթէ Արիս-
տիպպոս միտեալ յԱնտիգոնոս՝ զօրավիգն
կալցի, աճապարեալ Արիստէաս կոչէր ըզ-
Պիւռոսս յԱրգոս: Իսկ Պիւռոսս ցանգ

նորանոր 'ի յուսոյ 'ի յոյս մտաբերեալ, և 'ի գեղեցիկ նահատակութեանց թեակոխեալ յայլ, խնդրէր յաջողութեամբքն զձախողական բուժել. ուստի և ոչ 'ի սարաուութենէն և ոչ դարձեալ 'ի յաղթութենէն՝ երբէք դու անձին կամ այլոցն սրար. և ժողովեալ անդէն զբանակն չուսուներ խաղայր յԱրգոս:

Բայց Արեւս դարան բազում գործեալ նմա և հասեալ կալեալ զգթուարս վայրացն յուզուջ անգ, սուր 'ի վերայ եգեալ կոտորէր 'ի Գաղատացւոց և 'ի Մողոսացւոցն 'ի վերջապահ զօրուն: Արդ էր խի նախապատում եղեալ Պիւռոսի յըզից անտի 'ի զոհն անգլուխ լերդից, եթէ զմի ոք 'ի կարևոր ազգականացն կորուսէ Պիւռոս. այլ յայն աղմուկ մուսացօնք նմա եղեալ գուշակութիւնն, հրաման տայր որդւոյ իւրում Պտղոմեայ դիմել նի զակակցօքն 'ի թիկունս հարուածելոցն. և ինքն 'ի շտապ տագնապի ճեպէր զբանակն յանդորր հանել յանձուկ վայրացն: Բայց մոլեգին մարտի եղելոյ առ Պտղոմեաւ, իբրև 'ի Սպարտացւոց անտի քաջք և կորովիք խառնեցան անգ ընդ զօրավարութեամբ Եվալկոսին, այր ոմն անդուատ յաղթաբազուկ և արագոտն Որիսոս անուն՝ այր 'ի Կրետեայ Ապտերացի, արագավազ քերեալ առ երի սատանւոյն Պտղոմեայ՝ որ գոռայր և կուէր քաջաբար, հար զնա 'ի կողն և անդէն յերկիր տասպալէր: Իբրև նա այնպէս դիտապատ անկանէր, որք

ընդ նմայն էին՝ 'ի փախուստ դառնային .
 և Սպարտացիք յաղթական զհետ մտեալ
 վանէին, մինչև միջամուխ ևս 'ի կռիւն լի-
 նել՝ որոշեալք 'ի սպառազէն վերջոանեալ
 հետեակէն :

Այն ինչ Պիւռոսս զմահ լուեալ զորդ-
 ւոյն և կարի յոյժ 'ի խոր խոցեալ, ա-
 սեալ 'ի վերայ նոցա խաղացուցանէր զայ-
 րուձին Մողոսացւոց, և ինքն առաջին նա-
 հատակեալ վարեաց զերիվարն: Էր նա ողջ
 յապաժոյժ արեանց թաթաւեալ Սպար-
 տացւոցն՝ զոր հարկանէր սատակէր . թէ-
 սկես և միշտ ահագին անկուռէլի 'ի զէնսն,
 այլ յայնժամ սաստիկ ևս հզօր և գոռ-
 անհնարին՝ որպիսի ոչ ուրեք երբէք յա-
 ռաջինսն : Ապա մտրակ 'ի կուշտ երիվարին
 ընդդէմ Եվալկոսին, վայրիկ մի ևս քերեալ
 սորա առ նովաւ՝ հարկանէր վաղակաւո-
 բան զփոկ երասանացն . այլ եհար նա
 զերասանն և 'ի բաց կտրէր : Յայն շտապ
 տագնապի Պիւռոսս շէշտ զգեղարդն 'ի
 նա արձակեալ և թափ յայնկոյս անցու-
 ցեալ զտէգն, 'ի նոյն 'ի թափ հարուածոյն
 վազեալ 'ի վայր յերիվարէն, այնպէս հե-
 տի առանց կազմածոյ առհասարակ զըն-
 տիր ընտիր զՍպարտացւոցն դիաթաւալ
 կացուցանէր՝ որ մարտ եղեալ կուռէին 'ի
 վերայ Եվալկոսին : Եւ այսպէս ապա զօ-
 բավարացն սատուաւիրութիւն սատառք
 լինէր Սպարտոյ այնհնարին տուգանացն,
 մինչ մարտ սատերազմին նորա վճարեալ
 իսկ էր : Ապա Պիւռոսս՝ իբրու որ զոհ

յազեալ 'ի ձօն որդւոյն և յուղարկաւ ըստ թիւն չքեղ կարգեալ նմա, և շատ ինչ ևս գիւրեալ 'ի սաստիկ ցաւոյն՝ թափեալ զցասուսինն 'ի թշնամիս անդր, այնպէս զառաջիկայ ուղին հատեալ խաղայր յԱրգոս :

Լուր առեալ զի Անտիգոնոս զտեղի կալեալ նստի 'ի կատարս բարձանց 'ի վերոյ դաշտին, բանակ հարեալ նստաւ մօտ 'ի Նաւալիւս : Ապա յաւուրն երկրորդի Քարոզ մի առեալ արձակէր առ Անտիգոնոս. կոչէր զնա այր մարդախոշոշ, և ասպարէզ ևս կարգայր նմա 'ի գիւրի 'ի մարտ պատերազմի՝ վճարել վասն արքայութեանն : Պատասխանի տայր Անտիգոնոս, եթէ 'ի զորավարութեան իւրում՝ քան զինուցն՝ առաւել դէպ ժամանակին ինքն պատկառկայ. և եթէ ինքնին Պիւռոս ոչ ևս հանգարտէ յաւերժանալ 'ի կեանս, ե՞ն իսկ նորա բաց առաջի ճանապարհք շտոք առ 'ի մահ :

Այլ 'ի ժամանակին յայնմիկ դեսպանք հասանէին առ նոսա յԱրգոսէ, աղերս արկեալք՝ զի մեկնեալ նոցա իւրաքանչիւր 'ի վայրացն՝ ազատ թողցեն զքաղաքն. և շատ իցէ երկոցուն նոցա բարեկամ հասարակաց ունել զԱրգոս : Հաւանէր Անտիգոնոս, և տայր ևս Արգոսացոց 'ի պատանդի զորդին : Իսկ Պիւռոս թէպէտև խոստանայր ևս 'ի բաց գնալ, այլ գրաւական ոչ տուեալ՝ դտաւ կասկածելի : Յետ այսորիկ և ինքնին Պիւռոս հմայս իմն մեծ

յակն արկանէր. Գանգի գլուխք եղանցն
յազէլոց 'ի բաց կտրեալք, 'ի գուրս զե-
զուան արձակեալ՝ շուրջ լէզուին զարիւն
խրեանց : Առ այս և 'ի քաղաքին Արդո-
սացւոց քրմանոյն Լիւկեանն Ապոլոնի
յայսկոյս յայնկոյս վազս առնոյր, ճիչ
բարձեալ՝ եթէ 'ի բազմակոյս դիականց և
յապաժոյժ արեանց տեսանէ ողջ զքա-
ղաքն. և արծուի մի ևս խոյացեալ 'ի կռիւ
մարտի, և 'ի նոյն անդրէն անհետացեալ :

Ապա 'ի խոր գիշերի մօտ 'ի պատուարս
պարսպացն տարեալ Պիւռուոս զգօրն, և
զգուրան Գիամպերէս անուն՝ բաց գտեալ
յԱրիատէոսէ, առեալ զիւր Գաղատա-
ցիան 'ի ներքս մուծանէր, և անշուրջ հա-
սեալ ունէր զհրապարակն : Այլ քանզի
յանցս գազանացն չէր ինչ բաւական
գուռնն, և պէտք էին 'ի վերուստ զբուրգան
'ի վայր առնուլ և կրկին անդրէն հաստա-
տել 'ի մթանն և 'ի դրնդիւն թնդման,
այնչափ իմն թարթափեցան 'ի գործն՝ մին-
չև ազգ Արդոսացւոցն եղեալ, դիմեալ վա-
զէցին 'ի վայրն՝ որ անուանեալ կոչի Աս-
պիդէ, և յայլ ևս անխաբ վայրս, և անդէն
փութապէս առաքեալ կոչէցին զԱնաիգո-
նոս : Կա խաղաց եկն և զտեղի կալեալ
կայր արտաքոյ քաղաքին. դէտակն ունէր
դէպ ժամանակին տանել զյաղթութիւնն.
ապա առեալ արձակէր 'ի ներքս զիւր որ-
դին և զօրավարս ստուար գնդաւ 'ի թի-
կունս քաղաքին : Անդ գայր մտանէր 'ի
ներքս և Արեւս, առեալ ընդ իւր հազար

մի 'ի Կրետացւոց, և զյոյժ թեթիւնթացս 'ի Սարատացւոց: Ապա միանգամայն նորա անկեալ 'ի վերայ Գաղատացոցն՝ խռովս հարկանէին 'ի նոսա:

Իսկ անդ Պիւռոս միջամուխ եղեալ մօտ 'ի Կիււարաբէ և ձայն խրախուսի բարձեալ և գոչիւն մեծ, իբրև 'ի Գաղատացւոց անտի արձագանդս իմն կրկնէր ձայնից ո՛չ արիագոյնս և քաջս, այլ խուճապեւոց ոմանց և տագնապեւոց, անդր 'ի նոցա կոյս ճեպէր սաստիկ շտապաւ հարեալ վանեալ յառաջոյ իւրմէ զերիվարսն, որ դժուարնթացք և գայթ 'ի գայթն խաղային ընդ ագուգայսն լուալեաց՝ որովք լցեալ իսկ էր քաղաքն: Եւ ապա անդ յաղճամղէան գիշերամարտին ո՛չ արդիւնք գործոց յայտնի ինչ էր, և ո՛չ ձայն հրամանին. և զօրականն յայտնոյս յայնկոյս թափառ վարատեալ գնայր՝ քակեալ այր յընկերէ ընդ անձուկ պողոտայսն. անդ և ո՛չ զօրավարաց քաջութիւն բաւական ինչ էր զգինուորականն 'ի ներքս բերել վարժս յաննշոյլ խաւարին և 'ի խառնաձայն խառնազանջ աղաղակին և 'ի դժուարից վայրացն. այլ առհասարակ ամենեքեան դէտ ակն կալեալք աւուրն՝ կային անդ անգործք:

Իբրև այդն լուսանայր, յակն արկեալ Պիւռոս՝ զի ողջ Ասպիդէ շողէր 'ի փայլիւն զինուոց թշնամեացն, զահի հարաւ. և սաստիկ ևս դարձեալ սրտաթափ լինէր՝ այն ինչ զակն դարձուցեալ 'ի ձօնս անդ

բազումն 'ի հրապարակին՝ տեսանէր գայլ մի պղնձի և ցուլ մի՝ իբրու որ ընդ միմեանս գայլոյն և ցլուն 'ի կռիւ կաքաւեալք . յայն տեսիլ յուշ ևս ածէր Պիւռոսս ըզվաղնջուց զայն պատգամ՝ նախասրատում առ նա եղեալ, եթէ՝ Օրհաս մահուն նմա առ դուրս կայ՝ յորժամ գայլ տեսանիցէ նա ընդ ցլու 'ի վէգ եկեալ : Իսկ պատմեն Արգոսացիք՝ երկուց այն կենդանեաց անդ կանդնեալ 'ի յիշատակ վաղնջուց դիպուա ծոյն : Քանզի ասեն՝ եթէ Դանայոս զառաջին նուազն միջամուխ յերկիր նոցա եղեալ, ճանապարհորդեալ յԱրգոս առ Պիւրամեաւ թիւրեայ, գայլ մի տեսանէ կռուել ընդ ցլու . և անձին 'ի գէս յարմարեալ Դանայոս զգայլն (իբրև որ օտարածին ինքն գոլով, յարձակեալ գայ 'ի վերայ գաւառացի որերոյն՝ իբրև գայլ,) անդ զտեղի կալաւ Դանայոս 'ի զնին կրուուոյն . և յաղթական եղեալ գայլոյն, ինքն յաղթս կացեալ առ Ապողոն Լիկեան և ձեռնամուխ 'ի գործն եղեալ՝ յաղթէր 'ի կռուին, վանեալ զԳեղանոր՝ որ յայնժամ թագաւորէր Արգոսացուց : Արդ անդանօր ձօնք անդրեաց կենդանեացն՝ բան զայս ունին :

Ապա յայն տեսիլ սրտաթափ սրտառուչ եղեալ Պիւռոսս, և զի և ոչինչ ըստ յուսոյ ակնկալութեանն յաջողեցաւ, խորհեցաւ տեղի տալ մեկնել . սակայն յանձկութենէ դրացն զանդիտեալ՝ առեալ հրեշտակ արձակէր առ որդին իւր Եղենոս՝

զոր անդ արտաքոյ քաղաքին թողեալ էր ստուար դնդաւ . հրաման տայր քանդել աւերել զպարիսպն , և առնուլ ժողովել զէլեալն արտաքս՝ վանեալս 'ի թշնամեաց : Բայց 'ի խուճապ տագնապին և յամբոխ շփոթիցն քաջիկ զբանն չնացեալ հրեշտակին և ոչ ճշգրիտ զպատգամս տարեալ , մեծապէս վրիպակ եղեալ 'ի տեղևոջն՝ առեալ ընդ իւր պատանին Եղենոս և զմնացեալն 'ի գազանաց և զկորովսն 'ի զօրականէն՝ դէմ եղեալ խաղայր 'ի ներքս 'ի քաղաքն 'ի թիկունս հօրն : Դէս լինէր 'ի նմին պահու և Պիւռոսի տեղի տալ 'ի միջոյ քաղաքին , և անդ յարձակ քաղաքամիջի վերջոսնեւ և 'ի նոյն դարձեալ մարտ եղեալ կռուել և վանել զթշնամիսն . այլ ապա 'ի հրապարակէն վարեալ մղեալ յանձուկ պողոտայն որ 'ի դուռն հանէր , ընդ առաջ նմա ելանէին՝ որ յայնմ կողմանէ դիմեալ դային 'ի թիկունս նմա : Կա ձայն բարձեալ գոչէր առ նոսա ընդ կրունկն դառնալ . այլ նոքա չնանային , և զի և սոստիկ ևս խրախուսեալք էին 'ի մարտն . առ այս՝ զի և 'ի թիկանց կուսէն նոքա մղօն առեալ տագնապէին՝ յորոց խուռն 'ի ներքս խուժէին :

Անդ և 'ի վիզաց անտի յոյժ ահագինն տապաստ անկեալ ընդ մէջ գրացն գոռայր ահեղ և պոռոտէր , և քարընդոսն դարձելոցն լինէր : Գարձեալ և այլ ոմն 'ի գազանացն որ 'ի ներքս անդ մտեալն էին՝ Նիկոն անուն , գուն մեծ գործեալ առ

նուլ յինքն զիւր փղտպանն տապաստ անկեալ 'ի բազում հարուածոց վերացն, և վաղեալ ընդդէմ խուճապելոյ զօրականին՝ խռով սաստիկ հարկանէր առհասարակ 'ի բարեկամս և 'ի թշնամիսն, հարեալ և բախեալ միանգամայն՝ որ ընդ միմեանս անկանէին. մինչև հուսկ ուրեմն գտեալ գազանին զգիականն, առեալ ամբարձեալ 'ի պատիճն և եղեալ 'ի վերայ երկուց ժանեացն, այնպէս դառնայր յետս մրմռեալ լի բարկութեամբ. վանեալ առաթուր կոխէր՝ որոց միանգամ պատահէր: Եւ անդ տպա այնպէս կուռ և խիտ նեղեալ նոքա, ոչ ոք 'ի պահուն առանձինն գործել ինչ բաւական էր. այլ այն խուժանն իբրու որ անշուշտ մարմին մի բոլոր միասնական իցէ, այնպէս ողջոյն մերթ աստ մերթ անդ միաձոյլ տարուբեր լինէր: Եւ մարտք անդ դուզնաբեայք էին ընդ թշնամիսն՝ որ յառաջոյ անդ պնդեալք և 'ի թիկանց անտի նեղեալք. և զեան մեծապէս էին ինքեանք ինքեանց. քանզի սուր անդ ուրուք մերկացեալ կամ գեղարդն խոնարհեցուցեալ, հնար չէր միւսանգամ ամբառնալ և կամ ամփոփել, այլ խոցեալք վերաւորէին ընդ հարեալքն 'ի նոսա, և այնպէս այր զարամբ՝ հարեալ սատակէին 'ի միմեանց:

Յայնմ մեծի տագնապի ամբառ տարակուսանայ խուճապեալ Պիւռուոս, 'ի վայր 'ի սաղաւարտէն զպսակն առեալ արբունի, տայր միում ումէք 'ի բարեկամացն. և ինքն ապաստան յիւր նժոյգն՝ խոյացաւ 'ի խռան

Թշնամեացն՝ որ վանեինն զնա . անդ գե-
ղարդահար ՚ի պատեան զրահիցն խոցեալ
ոչ մեծ ինչ և մահացու , դարձաւ ընդդէմ
խոցողին . և էր նա Արդոսացի այր ոչ յա-
ւադաց ոք , որդի կնոջ աղքատի և պառա-
ւոյ : Այս պառաւ յայնժամ ՚ի զնին կա-
ցեալ կռուոյն՝ որպէս և այլք ևս ՚ի կա-
նանց ՚ի բարձանց յարկին , տեսեալ զոր-
դին ՚ի վէզ ընդ Պիւռոսի , զահի հարեալ
՚ի վտանգէ զաւակին՝ առեալ կղմինար մի
երկոքումբք ձեռքն արձակէր ընդդէմ
Պիւռոսի : Անկեալ բռնութեամբ կրղ-
մինար ՚ի վերայ գլխոյն ընդ սաղաւարան ,
ջաղխեալ մանրէր զանրական ՚ի խարխախ-
անդր պարանոցին . յորմէ և անդէն նորա
մառախուղ զաջօքն արկանէր , և ՚ի ձեռացն
Թողանային երասանակք . և ինքն մօտ ՚ի շի-
րիմ անդր Նիկիւմնիոսի տասպատ յերկիր
անկանէր անծանօթ ՚ի խուժանէն : Այլ
անդ Չովպիւռոս ոմն զինուորեալ առ
Անտիգոնոսի , և երկուք և երեք այլք ըն-
թացեալք ՚ի վայրն , ծանուցեալք զնա՝ ա-
ռեալ ձգէին ՚ի գաւիթ մի՝ այն ինչ նորա
ոգին դառնայր ՚ի նա : Անդանօր Չովպիւ-
ռոս զսուրն մերկացեալ զլիւրիկեցի՝ ՚ի
բաց զգլուխն հատանել , զաչան ՚ի պահուն
բացեալ Պիւռոս և այնպէս իմն ահագին
տիգօք աչաց խաղաց ՚ի Չովպիւռոս , զի և
սաստիկ զարհուրեալ՝ զգողանի ձեռքն
հարկանէին . այլ դուն եղեալ ՚ի գլուխ
զգործն հանել՝ այնպէս լի արհաւրօք և
խռովութեամբ հարկանէր զսուրն ոչ շեշ

տակի, այլ ընդ մէջ բերանոյն և ծնօտին . մինչև հազիւ ուրեմն վաստակեալ 'ի բաց կտրէր զգլուխն :

Մինչ այս մինչ այն՝ շուկ հարեալ բա նին, վազէր ինքնին և Աղկիւսնեւս որդի Անտիգոնոսի . խնդրէր զգլուխն՝ իբրև ճանաչել զնա . առեալ յինքն՝ անդէն մտաւ կեալ զերիվարն 'ի հայրն կոյս, և դտեալ զնա բազմեալ ընդ բարեկամացն՝ անդ առաջի ընկենոյր զգլուխն : Այն ինչ Անտիգոնոս յակն արկեալ ծանեաւ զնա, յարուցեալ 'ի բաց վարէր զորդին 'ի հարուածս գաւազանի, և նզովեալ և խուժադուժ կարդայր զնա . և ինքն զքղամիդն զաջօքն ածեալ յարտասուս հատաւ . յուշ իւր ածէր զԱնտիգոնոս զհաւ իւր և զԴեմետր զհայր իւր . սպտկերք ընտանիք յարափոխ բաղդին : Ապա զգլուխն զարդու զարդարեալ ողջոյն և զմարմինն Պիւռոսի, այնպէս շքով տայր 'ի խարոյկ հանել :

Բայց յետ այնորիկ նոյն Աղկիւսնեւս պատահեալ Եղենոսի հիբացելոյն, որ քղամիդ դուզնաքեայ զանձամբ արկեալ էր, մարդասիրապէս ժողովեաց զնա և առեալ ածէր առ հայր իւր : Չայն տեսեալ Անտիգոնոսի՝ ասէր . « Քաջ ևս են աւագիկ ո՞վ որդեակ՝ այդոքիկ, քան զառաջինսդ . նա՛ և ո՞չ զարդիս գործես դու համբուն ուղիղ, ո՞չ բարձեալ քո 'ի դմանէ զհանդերձ զայդ, որ քան զնա՛ զմեզ ինքեանս անփառունակ յարդարէ՛ որ յաղթօղս եմք : Ապա ինքն հիւրամեծարու-

Թեամբ ժողովեալ զԵղեճոս, և շքեղ կազմեալ և յարդարեալ զնա, այնպէս առեալ արձակէր զնա յԵպիսոս. և տիրացեալ այնուհետև ողջոյն բանակին և զօրուն Պիւռոսի, հեզաբար և մարդասիրութեամբ գնայր ընդ բարեկամս նորա:

ԾԱՆՕԹՈՒԹԻՒՆՆԵՐ

1. Սակայն յետոյ ուրեմն ո՛չ ևս կրկնին բանք վասն այսորիկ . [Թերևս մոռացօնք է զէալ Պլուտարքեայ 'ի հերքել զառանցիկ զբանսն :

2. Վարք Սկիպիոնի առ 'ի Պլուտարքեայ՝ 'ի համարի է որոց չենն այսօր 'ի միջի :

3. Καυσία . Տեսակ մի Արտախուրակի՝ լայնալուսանցք 'ի սահպանու[թիւն յարևու :

4. Հովերոս յԵղիականն . Հագներդ . Բ :

ԳԱՅԻՈՍ ՄԱՆՈՍ

Օ ԳԱՅԻՈՍԻ Մարիոսի զերբորդն ո՛չ ունիմք ասել զանունն. որպէս և ո՛չ ըզ-
Կուինատոսի Սերտորիոսի, որ հասեալ կա-
լաւ զԻբերիա. և ո՛չ դարձեալ զԼեւկիոսի
Մոմիլիոսի՝ որ առ զԿորնթոս: Քանզի
Աքայիկոսդ՝ նմա գործոյ նահատակութե-
մականունն հանդերձեցաւ. ըստ որում և
Ափրիկանոս՝ Սկիպիոնի. և Մակեդոնի-
կոս՝ Մետեղեայ: Յորմէ և Պոսիդոնիոս
համարի յաւէտ իմն յաղթահարել զայնու-
սիկ, որ զերբորդ անունն՝ Հռովմայեցւոց
սեպհական և տիրագոյն կարծէն անուն,
որպէս՝ Կամիլլոս, և Մարկեղոս, և Կա-
տոն. իբրև զի անանուն ուրեմն հանդի-
սկեացին նորա՝ որ զերկուս առաջինսն միայն
ունիցին: Այլ ոչ ՚ի միտ առնու Պոսիդով-
նիոս, զի այդուիկ դա առհասարակ զկա-

նայս անանունն առադրէ . քանզի ուրուք 'ի կանանց չիք առաջինն անունն , զոր տիրագոյնս Հռոմայեցւոց համարի Պոսիդոնիոս . և յերկուց անտի այլոց զմին կարծէ հասարակ առ 'ի զարմէն , իբրու Պոմպէոսք , Մանդիոսք , Վուռնելիոսք , (որպէս է թէ դք ասէր և Հերակղիտէսք և Պեղոսկիդէսք .) իսկ զմիւսն՝ յարանուանութիւն՝ կամ 'ի բուսոյ բարուցն կամ 'ի գործոց արդեանցն կամ 'ի կերպարանէ և 'ի կրից մարմնոյն , իբրու՝ Մակրինոս , Տորկուատոս , և Սիւղզաս . և առ Հելլեննա՝ Մնեմոնիս , և Գրիւսոս և Վալլինիկոս : Սակայն և յայսոսիկ՝ փաստս և սայքարս 'ի ներքս բերեն սովորոյ թք այլ և այլք :

Այլ զցիտակի երեսացն Մարիոսի՝ մեր իսկ տեսեալ է պատկեր մի նորա 'ի քարէ կանգնեալ 'ի Ռարեննա Գաղատիոյ . ճշջգրիտ մեզ 'ի դէմս բերեալ զաննուէր և զվայրենի բարս նորա՝ զոր ասեն : Քանզի անդատին 'ի բնութենէն կորովի և մարտիկ վիճակեալ , և դաստիարակութիւնն առեալ զգինուորականին՝ քան զքաղաքականին , իբրև իշխանացաւ՝ վայրագ գտաւ և ասպառում : Եւ պատմեն՝ ոչ վարժել նմա 'ի հելլենականն , և ոչ հելլենացի խօսել 'ի կարևորսն . ծիծաղելի համարէր ուսանել զգալութիւնսն՝ որոց վարժապետք 'ի ծառայութեան կայցեն այլոց . և թէ՛ յետ երկրորդ յաղթանակին իւրոյ՝ կարգեալ նա տեսարանաց հանգէսս հելլենացիս 'ի նաւակատիս ասճարի , մտեալ 'ի թատ-

րոն, հազիւ ուրեմն բազմեալ՝ անդէն յա-
րուցեալ մեկնէր ՚ի վայրացն:

Եւ արդ զոր օրինակ Պղատոն ստէպ բնա-
ւորեցաւ ասեւ առ Քսենոկրատէս իմաս-
տասէր, որ և նա կարի խստամբեր վիճա-
կեալ էր բարոյից, եթէ Զնն զննէ՝ Ընդ-
հան, ո՞վ էրանելի՞ր Քսենոկրատէս, այսպէս
եթէ և զՄարիոս ուրուք հրահանգեալ էր՝
զոհ շնհել Մուսայիցն և Շնորհացն հել-
լենացւոց, արդեօք չէր նորա ծիր այնչափ
անգեղեայ՝ շուրջ կարգեալ իւրոց չքեղ
մրցանացն՝ զինուորական և քաղաքական.
յորժամ նա այնպէս ՚ի ցամանէ բարկու-
թեանն և ՚ի դժպատեհ իշխանասիրութէն
և յանյադ աւելատացութենէն վարեալ
նաւակոծեցաւ ՚ի ծերութեանն, անհամ-
բոյրս և անադորոյնս քաղաքավարեալ. որ
և մերձ ընդ մերձ ցուցեալ լինի ՚ի գործոց
անտի առն:

Սա այս Մարիոս ծնաւ յանաւադ և
յաղքատ ծնողաց, որ և զաւուրն պարէն
պատրատէին վաստակօք ձեռացն. նոյն
անուն էր և հօրն, իսկ մօրն՝ Փուլկինիա.
չետես զքաղաքն և չեկաց ևս ՚ի նմա, բայց
անադան ուրեմն. բնակեալ զառաջին ժա-
մանակն ՚ի Վիրրէատոնիւ աւանին Արպի-
նեայ. ուր կեանս վարէր թէպէտև գոե-
հիկ և վայրենի՝ առ քաղաքին պերճ և ո-
ղորկ քաղաքավարութեամբն, սակայն և
սարկեչտ և վաղնջուց կենաց հռոմայեց-
ւոցն հանգունատիպ:

Զինուորեալ առաջին ընդդէմ Վեղաի-

բերացուց՝ ՚ի պաշարել Սկիպիոնի Ափրիկանոսի զՆոմանտիա, ինքնին զօրավարին յայտնի լինէր քաջութիւնն Մարիոսի՝ ամենայն երիտասարդացն վէհագոյն. և գեղեցիկ ևս յարմարէր նա զիւր անձն ՚ի նորասահման տարազ կենացն՝ զոր ետ Սկիպիոն զօրականին, որ ՚ի գրգանս եղծեալքն էին: Եւ ասէն ևս՝ ՚ի վէգ ընդ միում ՚ի թշնամեացն դիտապատ արկանել նմա զխոյեանն յանդիման աչաց զօրավարին, և Սկիպիոնի բազում պատուով յինքն առնուլ զնա: Եւ էր երբէ մն յընթրիս ընդ նմա ՚ի զրուցել վասն զօրավարացն, հարցեալ Սկիպիոն յուսմանէ ՚ի բազմականին, (կամ զի անշուշտ տարակուսեալ վասն բանին, կամ զի հարցուածոն ինչ մի ախորժ կամէր առնել Սկիպիոնի), զո՞ դք յետ նորա ժողովուրդ հռովմայ կալցէ իւր զօրավար իբրև զնա, Սկիպիոն հեզիկ հարեալ ձեռամբն զուս Մարիոսի՝ որ ՚ի վերոյ բազմեալ էր, ասէ. Թէր նա զսա: Այնչափ իմն վէհ երևէր մին անդտաին ՚ի պատանի տիոցն, և միւսն անդուստ ՚ի վերուստ խեղամուտ լինէր բարգաւաճութե պատանուոյն: Եւ պատմեն՝ եթէ Մարիոս յաւէտ իմն ՚ի բանից աստի քաջալերեալ իբրև յաստուածապատումս գուշակութէ, և ՚ի յոյս մեծ մտաբերեալ այնուհետև՝ ձեռնամուխ լինէր յիրս քաղաքին. և ձգէր յանձն զբարձ ժողովրդապետութեանն զօրավիգն սատարութեամբ կեկիլիոսի Մետեղէսոյ, յորոյ ՚ի տան ինքնին ծառայու-

Թիւն հարկանէր նա անդատին 'ի բնէ ժամանակաց հօրն :

Արդ՝ 'ի ժողովրդապետութեան իւրում Մարիոս օրէնս մի գրեալ վասն քուարկութեանն, որ զիշխանութիւն աւագանւոյն նուագէր իմն 'ի դատաստանի, ընդդէմ դարձաւ նորա կոտտաս հիւպատոս և զԺերակոյտն հաւանեցուցանէր յեղծումն օրինացն գրելոց, և կոչ ևս Մարիոսի առաքել յատեան անդր : Իբրև վճիռ ետուն, եմուտ Մարիոս 'ի ծերակոյտն՝ ոչ խռովեալ ինչ և ոչ նկուն, իբրու պատանի այն ինչ ձեռնամուխ յիրս քաղաքին՝ մինչև նահատակութիւն 'ի ներքս բերեալ : նա՝ իբրև պերճ և ճոխ անդէն կանուխ 'ի հանդերձելոց իւրոց նահատակութեացն, կայր և սպառնալիս 'ի վերայ կապէր կոտտասայ, 'ի բանտ զնա արկանել եթէ ըզվճիռն ոչ լուծցէ : Իբրև կոտտաս դարձեալ առ Մետեղղոս և զկարծիսն հարցեալ, և Մետեղղոս յարուցեալ հաւանէր ընդ նա, յայնժամ Մարիոս վարոցաւոր մի 'ի ներքս կոչեալ՝ տայր զՄետեղղոս ածել 'ի բանտ : Բողոք բարձեալ Մետեղղոս առ այլս 'ի ժողովրդապետացն և զօրավիգն չդատեալ, յայնժամ և ծերակոյտն խափանէր զվճիռն : Ապա Մարիոս յանձն իւր զուարճացեալ դառնայր և հատտատէր զօրէնսն . իբրու այր՝ որ ոչ յերկիւղէն սարսեացի և ոչ յամբօթոյն շիկնեացի, հզօր և ահաբեկ ծերակուտին 'ի պայքարս ժողովրդեան : Սակայն և վաղվաղակի յայլ

ինչ գիպուածոյ շրջեցան զնմանէ կարծիք : Քանզի և օրէնս իմն յուզեալ յայնժամ յաղագս բաշխից ցորենոյ 'ի քաղաքացիսն, նա ինքն հզօրագոյնս 'ի դիմի հարեալ և յաղթեալ, զնոյն համբաւ կալաւ առ աւագանւոյն՝ զոր ինչ և առ ռամկին . յայտարարեալ՝ եթէ և ոչ միում կողմանն թիկնածու ոչ է ընդդէմ օգտի քաղաքին :

Իսկ յետ ժողովրդապետական բարձին հետամուտ լինէր Մարիոս ամբարաստութեանն վեհագունին . քանզի կրկին կարգ է ամբարաստաց, մին 'ի թիւրտան աթոռակաց անտի առնու զանու՛ն՝ յոր բազմեալ դատեն . և միւսն՝ խոնարհագոյն, և անուանեն զնա ռամկական : Յընտրել անդ զառաջինն զիառաւոր կարգին, անդէն և վասն երկրորդին արկանեն քուէայս : Իբրև Մարիոս մերժեալ յառաջնոյն՝ հետամուտ լինէր երկրորդին, այլ դատեալ խրոխտ՝ և յայնմանէն վրէպ գտաւ : Եւ այսպէս ապա կրկին մերժեցաւ նա 'ի միում աւուր, զոր կրեաց և ոչ ղք երբէք սակայն և ոչինչ անկաւ բեկաւ 'ի խրոխտ ոգւոյն :

Իբրև յետ սակաւուց թեկն ամեալ նա և զզօրավարութեան, վայրիկ մի ևս և յայնմանէն մերժէր . և անուանեցաւ նա վերջինն յամենեօին 'ի նոսա, սակայն և ամբաստանեցաւ իբրև կաշառատու : Եւ 'ի նոյն առաւել կասկածելի գործեաց զնա մի ոմն 'ի ծառայիցն Վաստիոսի Սաբակոյնեայ, զոր տեսին 'ի ներքս 'ի վանդակապատին

խառն ընդ քուարկու աւագացն . քանզի այս Սաբակոն էր 'ի կարևոր մտերմաց անտի Մարիոսի : Ապա Սաբակոն յանդիման եղեալ դատաւորացն՝ ասէր , եթէ ծարաւեալ ինքն առ տապոյն՝ ջուր ցուրտ խընդրեաց . և մտեալ ծառայն բաժակ մատոյց նմա , և արբեալ՝ անդէն ել նա արտաքս : Այլ զՍաբակոն 'ի բաց ասա 'ի ծերակուտէն հանին համարակալք՝ որ զկնի . և անարդեցաւ 'ի դէպ արդեօք , կամ յաղագս սուտ վկայութեանն կամ յաղագս անժուժկալութեանն : Բայց ընդդէմ Մարիոսի յառաջ կոչեցաւ 'ի վկայ և Գայիոս Երեւնիոս . սակայն ասէր Երեւնիոս՝ չէ օրէն վկայութիւն տալ ընդդէմ պաշտպանաւորացն . և յօրինացն երբէք 'ի նոյն ոչ ստիպին Պատրոնք (զայս անուն տային Հռոմայեցիք պաշտպանացն) . և Մարիոսի նախնիք և ինքնին Մարիոս՝ ցանգ պաշտպանաւորք կացին զարմին Երեւնեանց : Իբրև հաւանեցան դատաւորք , անդուստ Մարիոս ընդդէմ դարձաւ Երեւնիոսի և ասէր , եթէ միանգամ ինքն աւագացեալ ազատ այնուհետև լինէր 'ի պաշտպանաւորն գոլոյ : Սակայն ոչ արդարանայր . զի ոչ ամենայն աւագութիւն յայնմանէն ազատ կացուցանէ զաւագացեալն և զնոցայն զարմ . այլ աւագութիւնն միայն՝ որում զթիւրոտն աթոռակ տան օրէնք : Արդ թէպէտև յառաջին անգ աւուրն ձախողակի գնային իրք Մարիոսի յատենին , զի էին իսկ նորա դատաւորք անա-

չառք . սակայն 'ի վերջնումն յաջողէր նմա յանակնկալս , և զուգահաւասարք ելանէին քուեայք :

Բայց 'ի զօրավարութեան բարձին չափով գովանի ընծայեցաւ Մարիոս . և զկնի այնորիկ վիճակեալ նա վերինն Իբերիոյ , ասեն՝ եթէ մաքրեաց յաւազակաց զգաւառն , որ դեռ ևս բարս վայրենիս և գազանամիտս 'ի ներքս բերէր . զի և այնպէս գեղեցիկ գործ զաւազակութիւնն համարէին Իբերացիք : Ապա դարձ արարեալ Մարիոս և միջամուխ յիրս քաղաքին եղեալ , թէպէտև անբաժ յընչաւէտութէ և 'ի ճարտարաբանութենէ՝ որով ճոխք ժամանակին յինքեանս յանկուցանէին ըզժողովուրդն . 'ի վերայ այսր՝ և շուք եղեալ քաղաքացիքն նորա պերճ և խիզախ բարոյիցն և անդրդուելի ոգւոյն և ժողովըրդական քաղաքավարութեանն , դէպ եղև զի 'ի շուք պատուոյն ժառանգեաց նա ինչս և ճոխացաւ , զի և ամուսնութիւն շքեղ տարաւ նա՝ փեսայացեալ ընդ Յուլիայ 'ի հոյակապ զարմէն Կեսարեանց , ոյր եղբորորդի եկաց Կեսար . այն՝ որ ասաւ բարձրացաւ 'ի վեր քան զամենայն հռովմայեցիս , և մեծապէս թևարկէր զՄարիոսիւ սակս ազգակցութեանն . որպէս արձանագրեալ կայ 'ի վարս Կեսարուն :

Իսկ համբերատար ժուժկալութեանն Մարիոսի հաւաստի ցոյցք են 'ի վերաբուժական դարմանան : Քանզի նորա երկոքին սրունք ոտիցն մեծամեծս այտուցեալք , և

Նա դժկամակս ընդ տգեղութիւնն բերեալ խնդրեաց դարման տանել 'ի ձեռն բժշկաց. և ինքնին առեալ զմի 'ի սրունիցն այնպէս անկապ կարկառէր բժշկին. ոչ խլրտէր ինչ և ոչ յոգւոց հանէր, այլ անդրդուելի 'ի դէմն և լուռ մնջիկ բերէր զանհնարին զցաւան 'ի հատկատւոսն: Իսկ իբրև և միւսումն դարման կամէր տալ բժիշկն՝ ոչ ևս կարկառէր, այլ ասէ. «Տեսանեմ իսկ զասպաքինելդ՝ ոչինչ արժանի ցաւոցդ»:

Յետ այսորիկ Վեկիլիոս Մետեղղոս հիւպատոս 'ի զօրաւար կարգեալ մարտին ընդդէմ Յուդուրթայ, առեալ ածէր ընդ իւր 'ի Ղիբիա երեսփոխան զՄարիոս: Անդ Մարիոս նիւթ բազում գտեալ մեծամեծ նահատակութեանց, ոչինչ հոգացաւ ըստ այլոցն օրինակի առանձին նահատակութեամբն բարդաւաճ զՄետեղղոս գործել. իբրու որ ոչ 'ի Մետեղղոսէ երեսփոխան կարգեալ իցէ, այլ 'ի բաղդէն գլխովին, որ ած տարաւ զնա 'ի ժամուն 'ի լայնարձակ տեսարան գեղեցիկ մրցանացն. ուստի և ճիգն զամենայն թափեաց և զիւր արութիւն քաջութեանն 'ի ներքս բերէր 'ի կռուին, և 'ի դէպս դժուարինս՝ նա ոչ 'ի մեծաց ինչ նահանջէր առահին, և ոչ զփոքումբն անտես առնէր. յառաջագէմ քան զհաւասարս իւր քաջացեալ 'ի խորհուրդ և 'ի հանճար, առ այս և ընդ սոսկական զօրականին ել և ելա առնելով 'ի սակաւապէտ և 'ի ժուժ.

կալ կեանսն, զամենեցուն զսէրն յինքն
 յանկուցանէր: Քանզի արդեօք և առն
 առն քաջալերութիւն մեծապէս է 'ի վաս-
 տական ունեւ իւր կամակար վաստակա-
 կից. քանզի և այնպէս թուի իմն նուա-
 զեւ քրտանց վաստակոցն. նա՛ և յոյժ
 բերկրանք այն են Հռովմայեցի զօրականին՝
 տեսանեւ զիւրեանց զօրավարն՝ զնոյն հաց
 զհասարակացն ուտել յանդիման և հանգ-
 շեւ 'ի գուղնաքեայ խշտի և ինքնին ձեռն
 տալ յաշխատութիւնսն՝ իրամ հատանել
 կամ պատնէշ վազել. զի և ոչ այնչափ
 ինչ սքանչաշեալ են Հռոմայեցւոց զօրա-
 վարք՝ շուք և արծաթ 'ի ներքս բերելով
 զօրականին, որչափ որք բաժանորդք նո-
 ցայն վտանգացն լինիցին և քրտանց. և սի-
 րեն նոքա առաւել զվաստակակից զօրա-
 վարսն, քան զորս անվաստակ թողցեն ըզ-
 նոսա: Այսմ ամենայնի պատկառ կա-
 ցեալ Մարիոս և յինքն զզօրականն յան-
 գուցեալ, անդէն զլիբիա և զհռոմ լնոյր
 նա 'ի հռչակ համբաւոյն. և զօրականն ինք-
 նին առեալ գրէր առ որս 'ի տանն էին,
 ոչ վճարել մարտին 'ի Լիբիա՝ մինչև հիւ-
 պատոս կարգեալ Մարիոսի:

Յայտմանէ 'ի խոր խոցեալ Մետեղեայ,
 առաւել ևս 'ի թաղծութիւն սաշարեաց
 զնա դէպքն Տուրպիղեայ: Սա այս Տուր-
 պիղիոս կապանօք հայրենի հիւրընկալու-
 թեան սերտեալ էր ընդ Մետեղղոսի. և
 էր նա յայնժամ առ նմա զօրագլուխ կար-
 դեալ ճարտարաց գործոյն, և 'ի պահ ըզ-

գուշութեան կայր Բագանայ քաղաքին մեծի: Սա վստահ 'ի քաղաքացիսն եղեալ, իբրու որ ոչ երբէք անիրաւեցաւ առ նոսա և ոչ հարստահարեաց ինչ զնոսա, նա և ամենայն մարդասիրութեամբ վարեցաւ ընդ նոսա, յանկարծակի յեղակարծումն 'ի ձեռս անկանէր թշնամեաց. քանզի քաղաքացիքն 'ի ներքս առեալ ժողովեցին զՅուզուրթաս. սակայն անիրաւեցան և ոչինչ առ Տուրպիղիոս. նա՛ բարեխօսեալ ևս վասն նորա, ո՞ղջ 'ի բաց արձակեցին զայրն: Իբրև մատնտու ամբաստանեցաւ Տուրպիղիոս, և Մարիոս մի 'ի խորհրդակա նացն՝ ոչ ինքն միայն խափու գնացեալ այլ և շատ զոք գրգռեաց ընդդէմ Տուրպիղիոսի, յայնժամ Մետեղղոս յակամայս ստիպէր 'ի մահ դատապարտել զհայրենի հիւրն: Իսկ յետ սակաւուց խայտառակեալ սուտ ամբաստանութիւնն, անդ առհասարակ 'ի խոր խոցեցան 'ի միասին ընդ Մետեղղեայ, որ ոչն՝ կարէր հանդարտել անհնարին վշտին. իսկ անդուստ Մարիոս ինդամիտ անձին գրաւականեալ ըզգործն՝ անպատկառաբար շուրջ եկեալ ասէր. Իւր ինքնին այս չար և անդուլ արձակեալ 'ի վերայ Մետեղղեայ հիւրասպանի:

Ապա յայնմանէ յայտնապէս 'ի թշնամութիւն բերեալք, և պատմեն ասել երբեմն Մետեղղեայ առ Մարիոս իբրու 'ի թշնամանս. "Արդ ուրեմն դու ո՞վ քաջդ աստ թողեալ զմեզ՝ խորհուրդ խորհիս նաւել 'ի տուն, և անդր հիւպատեան բար

ձին զհետ կրթել: Եւ զի՛նչ ապա. ո՞չ շատ
 իցէ քեզ կալ ապա հիւպատոս 'ի միասին
 ընդ որդւոյս ընդ այսմիկ: Եւ էր այս Մե-
 տեղեայ որդին գեռևս պատանեակ յոյժ:
 Բայց Մարիոս կարևոր վառեալ էր 'ի չու-
 անդր, և Մետեղոս յերկարաձգէր. ապա
 'ի վերջէ արձակէր զնա՝ մինչդեռ աւուրք
 երկոտասան մնային այնուհետև յընտրու-
 թիւն հիւպատոսացն: Կա զաւուրս երկու
 և զգիշեր մի հատեալ զերկայնութիւն ծո-
 վափնեայ ճանապարհին ընդ քանակն և
 ընդ խոխկէ, անդ զո՛հ զո՛հէր մինչև նա-
 լեալ. և պատմեն ասել անդ գուշակին
 առ նա. Քաջին՝ ելս գեղեցիկս և մեծա-
 մեծս 'ի վեր քան զամենայն ակնկալու-
 թիւն 'ի ներքս բերել Մարիոսի: Յորմէ
 մեծ ևս քաջալերեալ՝ անկանէր յուղի. և
 անցեալ յաջողակ հողմով ընդ ծովն զա-
 լուրս չորս, եկեալ յանդիման լինէր անձ-
 կացեալ ժողովրդեանն. ապա 'ի ժողովրդ
 դապետաց անտի մի ոմն ածեալ զնա 'ի
 հրապարակ անդր, նա շատ ինչ ամբաստա-
 նեալ զՄետեղեայ՝ խնդրէր անձին զհիւ-
 պատոսութեան բարձն. խոստումն կռէր
 կամ 'ի մահ զՅուզուրթաս վարել կամ
 կենդանւոյն ձերբակալ առնել:

Յայնժամ կարգեալ նա հիւպատոս
 հասարակ հաւանութեամբ, զորաժողով
 լինէր ընդդէմ օրինաց սովորութեանն խրմ
 բել ամբոխ բազում 'ի ծառայից և 'ի մու-
 բիկ որերոյ. ուր զի ոչինչ այնպիսի խմբէին
 առաջին զօրավարք, այլ իբրու զայլն ամե-

նայն արդոյ և սպտուական՝ տային և զէնս սպտուական որերոյն . զմտաւ ածեալ է թէ այր այր՝ ի զօրականէն զդոյսն իւր տացէ առհաւատչեայ լաւութեան անձինն : Այլ ոչ այս տիրադոյնս նախատ արար զՄարիոս, այլ նորա խրոխտ և լրբենի բարբառ, որով յաւակնագոյնս և յայրատագոյնս թշնամանէր զաւագս քաղաքին, և ձայն բարձեալ ասէր՝ էթէ է իսկ իւրն հիւպատոսութեան բարձ՝ նմա կապուտ կողոպուտ գրգանաց ազատորերոյն և ընչաւէտ մարգկանն . և թէ՛ նա զանձին իւրոյ զսպիւս և զվէրսն յանդիմանէ խուժանին, և ոչ զչելիմն ինչ զմեռելոց և զօտարին զպատկերս : Եւ ապա ստէպ բան ճառեալ յաղագս զօրավարացն՝ որք հիգացան ՚ի Ղիբիա . և զԲեստիաս և զԱլլիսոս՝ արս կոչեալ տոհմիկս, այլ ՚ի կռիւ անբաւականս ոմանս, որոց և առ անհմտութեանն ոչ յաջողեցան իրք, հարցանէր առ որս մերձն կային, էթէ արդեօք և նախնիք նոցա խնդրէին ունել զաւակս հանգունատիպս ինքեան . իբրև նոքա ոչ ՚ի զարմին քաջութենէ, այլ ՚ի գեղեցիկ նահատակութեանցն և յառաքինութենէն գտան փառաւորք : Զայս ասէր Մարիոս ոչ ՚ի նանիր և ոչ յաւակնագոյնս, և ոչ տարապարտ հպարտացեալ ՚ի վերայ աւագանւոյն, այլ զի խուժան ռակին խնդացեալն ՚ի նչաւակութեան ծերակուտին և ՚ի մեծաբանս սնտուեաց՝ յորոց և բնաւորեցաւ նա ցանգ չափել զարիւթիւն ոյւոյն, խեռացուցանէր ինք-

նին զՄարիոս և դրդէր մի խորչիլ յերեսաց աւագանեւոյն, զի այնպէս ընդունելի խուժանին լինիցի:

Ապա իբրև անց դնաց նա 'ի Լիբիա, ոչինչ հանդուրժեալ կրիցն Մետեղոս և 'ի խոր ևս խոցեալ, զի 'ի վճար մարտին՝ յորժամ մնայր միայն զՅուդորթաս ձերբակալ առնել, եկն եհաս Մարիոս՝ անշնորհակալու բերմամբ առ ինքն յաւագութիւն ամբարձեալ կապտել առնուլ 'ի նմանէն զպսակն և զյաղթանակն. ապա չհանդուրժեալ լինել ընդ նմա՝ տեղի ետ 'ի վայրացն, և երեսփոխան նորա հռութիղիոս առեալ 'ի ձեռս տայր Մարիոսի զբանակ զօրուն: Սակայն 'ի վախճան նահատակութեանցն հարաւ և ինքնին Մարիոս պատուհաս կրեալ 'ի խեթացեալ Քաջէն. քանզի Սիւղզաս յինքն տարաւ ըզփառան, ըստ որում ինքն ինդրեաց զՄետեղեայն: Իսկ թէ զիմրգ, սղագունիւք անցցուք. քանզի և ոճով արձանագրեալ կայ 'ի վարան Սիւղզայի:

Բոկքոս արքայ բարբարոսաց վերնագաւառին՝ աներ Յուդորթասայ՝ ոչ մեծ ինչ զօրավիզն լինէր նմա 'ի մարտին. դժուարեալ ընդ անհաւատարմութիւն նորա, և զանգիտեալ ևս 'ի զօրութենէն: Իսկ իբրև հիբացեալ Յուդորթաս դնայր փախըտեայ թափառական, յոյս առեալ 'ի վերջինսն՝ եկն ասպաւինեցաւ սո աներն. նա ժողովեալ դնա իբրև աղաչաւոր, քան 'ի մարդասիրութենէն՝ առաւել ևս յամօ-

Թոյն, ունէր առ իւր. ցուցանէր՝ միջնորդ նմա առ Մարիոս լինել. և գրէր ևս ազատօրէն առ Մարիոս՝ երբէք ոչ տալ զնա՝ ի ձեռս. այլ ապա գաղտաբար նենգ լարեալ Յուզորթասայ, առաքեաց կոչեաց զԼեւկիոս Սիւղղաս գանձաւոր Մարիոսի՝ որ ՚ի մարտին սպաս բազում հարեալ էր Բոկթոսի: Իբրև Սիւղղաս համբուն վտահ՝ ՚ի Բոկթոս եղեալ, չոքաւ ել ՚ի վեր. սորըջանայր իմն բարբարոսն ՚ի խորհրդոցն. զի և աւուրս հարուստ այնպէս գեղեւէր ՚ի միտան, արգեօք զՅուզորթաս մատնել, եւ թէ զՍիւղղաս ՚ի գիպահոջ ունել:

Բայց ՚ի վերջէ գաւաճանեալ՝ տայր կենդանւոյն զՅուզորթաս ՚ի ձեռս Սիւղղայի: Եւ ապա այս լինէր առաջին պատճառք աննուէր անհաշտելի հերձուածոյն Սիւղղայի և Մարիոսի, որ վայրիկ մի ևս հիմն ՚ի վեր զհռոմ տապալէր. քանզի բազումք՝ որ նախանձու բերէին առ Մարիոս՝ ողջոյն զնահատակութիւնն տային Սիւղղայի ՚ի ձերբակալութեանն Յուզորթասայ. և ինքնին Սիւղղաս տանէր կնիք՝ քանզակաւ տպաւորեալ ՚ի նմա զՅուզորթաս նմա ՚ի ձեռս տուեալ ՚ի Բոկթոսէ. և ցորչափ եկեաց՝ վարէր զայն կնիք, սաստիկ իմն գրգռեալ զՄարիոս՝ զամբարտաւանայր և զժանտ, որում և զժոխըմբեր էր հաւասարորդս իւրոցն ունել փառաց. զոր և չար ևս զայրացուցանէին թշնամիք՝ Մետեղեայ զառաջին ընծայեալ մրցանան ըզմարտին, և Սիւղղայի՝ զպսակ գործոյն. զի

'ի բաց զխուժանն սարտուացեն յառ նա մեծապէս շքոյն և 'ի հակամիտութենէն :

Սակայն և ընդ հուպ մահանք և ատելութիւնք և ամբաստանութիւնք ընդդէմ Մարիոսի վարատեալ փարատէին յահագին վտանգէ անտի խտալիոյ՝ յուզեալ յարևանից կուսէ, իբրև անդ քաղաքին պէտք լինէին մեծի զօրավարի և քաջի ղեկավարի՝ յանդորր հանել 'ի զայրացեալ մրրկէն. յորում և ոչ ոք 'ի տոհմիկ և յընձեղ զարմիցն ոչ ժտեցաւ թէկն զհուպատոսութեանն ածել. ուստի և 'ի ժամուն հիւպատոս ընտրեալ կարգեցաւ Մարիոս՝ մինչդեռ 'ի բացեայ կայր : Քանզի այն ինչ լուր հասեալ ձերբակալութեանն Յուդորթասայ, անդէն շուինդն ահեղ հարկանէր յաղագս ահագին ասպատակին Տեւտոնեանց և Վիմերացոց. զառաջինն իբրև սուտ համբաւեցաւ լուր ամբոխի զօրականին նոցա և բանակին նոցա. այլ ասպա յայտնի եղև նուազ քան զճշմարտութիւնն լինել : Քանզի մարտիկք 'ի նոսա և 'ի զէն 'ի զարդ վառեալք՝ էին բիւրք երեսուն. և ասէին՝ եթէ բազմագոյնք ևս են բանակք սղայոց և կանանց աղխաղխեալք 'ի չուանդր, 'ի ինդիր ելեալք գետնոյ բաւական 'ի կերակուր ամբաւ խուժանին, և քաղաքաց ևս 'ի բնակութիւն նոցա. որպէս և լուեալ իսկ էր նոցա նախ քան զնոսա ըզչուն Վեղտաց, որ զքաջաբեր կողմն հասեալ կալան զխտալիոյ՝ 'ի բաց հանեալ 'ի ձեռաց Տիւրրենացոց :

Արդ քանզի խուժանին այնմիկ ընդ այլ ժողովուրդս հաղորդութիւն չէր, և զի՛ և ՚ի սահմանաց բացարձակ դաւառի հորդան ետուն նորբա, ոչինչ գիտէին՝ զինչ մարդիկ իցեն որբա, և թէ՛ ուստ ուստեք շարժեալ նորբա այնպէս եկին իջին՝ իբրև ամբ և մէդ ՚ի վերայ Գաղատիոյ և Իտալիոյ. սակայն և ՚ի գէսլ յոյժ կասկածէին լինել նոցա ՚ի սերնդոց անտի Գերմանացւոց բնակաւորաց Ովկիանուն հիւստի, առ ՚ի յաղթանդամ հասակէ անտի նոցա և ՚ի կապուտակ աչացն և ՚ի կոչելոյ անտի Գերմանացւոց զաւազակն յանուն Վիմբրացւոց: Այլ կէսք ասեն՝ եթէ սահման Վեղտաց լայնածաւալ և բացաձիգ՝ յՈվկիանու և յԱքջային կլիմայից անտի թևակոխեալ յարևելս կոյս առ Մէովտեաւ, գայ յօդի ընդ Պոնտոսեանն Սկիւթիա. և ասեն՝ եթէ անդուստ ՚ի միասին խառնեցան այն ժողովուրդք. և թէ՛ ոչ միահամուռ նորբա միանգամայն շարժին ՚ի կայից իւրեանց և այնպէս հրոսակ սփռեն անդուլ, այլ ամբստ ամէ նորբա յառաջադէմ խաղան միշտ ՚ի ժամանակ դարնայնոյ. և գնան ծաւալին այնպէս բազում ժամանակօք մարտիւ պատերազմի ՚ի վերայ ցամաքի. ուստի թէ պէտև առանձին նոցա անուանք իցեն տարբերեալք, հասարակ անուամբ կոչին նորբա ՚ի բանակին իւրեանց Վեղտակիւթացիք: Իսկ և կէսք ասեն՝ եթէ դուզնաբեայ մասն ամբօխին նոցա էր ՚ի Վիմբրացւոց անտի՝ քաջ իսկ ՚ի նախնունն ծանօթք Հելենաց.

ւոց . որք 'ի շփոթից անտի Սկիւթացւոցն՝
 'ի Մէովլաիդեայ անցին յԱսիա՝ ածեալք
 անդր 'ի Լիդիամիոսէ . այլ բազմագոյնք
 'ի նոցանէ և քաջամարտիկքն բնակէին 'ի
 վերջին սահմանս մերձ Ովկիանուն , ուր
 ասեն՝ զերկիրն մառախլապատ և անտա-
 ոամոլ , և ծմակ անարև առ թաւութեան
 և խիտ առ խիտ մայրեացն՝ որ երկայնեալ
 ձգին մինչև յԵրկիրնոյն . և երկրին այն-
 միկ գոլ ընդ երկնիւք , ուր և ամբառնալ
 բևեռացն անդ 'ի հակելոյ անտի զուգա-
 հեռականացն՝ վայրիկ մի տարբերեալ իցէ
 'ի գաղաթահայեացն կիտէ բնակչացն նո-
 րա , և տիւ զուգահաւասար գիշերոյն հա-
 մառօտեալ և երկայնեալ՝ հասարակէ անդ
 զժամանակն . յորմէ և նիւթ 'ի ներքս բե-
 րաւ հոմերոսին կեղծեաց վասն Մեռեւա-
 պատում Ուրուականացն :

Արդ 'ի նոցուն վայրացն ասեն հորդան
 տալ բարբարոսացն յԻսաւլիա , որք յա-
 ոաջն Վիմերացիք՝ և յայնժամ վայրա-
 պար այնպէս կոչէին Վիմերացիք : Այլ
 զայսոսիկ 'ի կարծ ասեն , քան 'ի հաւաս-
 տի պատմութենէ : Իսկ 'ի պատմագրաց
 բազումք զթիւ համարոյ նոցա առաւել
 ասեն քան զհամբաւն : Եւ էին նոքա յա-
 րութեան քաջութեան անվանելիք ոմանք ,
 և յոյժ յաջողաձեռինք 'ի կռուել . խոյա-
 ցեալք յարձակէին սաստիկ թափով և
 բուռն՝ հանդուճաախպ հրոյ , և հանդար-
 տէր և ոչ որ առաջի նոցա . այլ վանեալք
 առհասարակ 'ի հանդիպոյ՝ ձգէին տանէին

իբրև կապուտ կողոպուտ: Արդ բազում բանակք մեծամեծք Հռոմայեցւոց և զօրավարք 1 հարուած անարգաբար առեալ 'ի նոցանէ, որք միանգամ կարդեցան կացին պահ ունել Անդրալպեանցն Գաղատիոյ, առաւել ևս վառեցան խուժադուժքն յայնժամ չու առնել խաղալ 'ի Հռոմ: Քանզի վանեալք զհակառակամարտն առհասարակ և տիրացեալք բազում աւարաց, հատաստեցին ո՛չ դարել դադարել՝ մինչև հիմն 'ի վեր քանդեալ զՀռոմ և յաւարի առեալ ողջոյն զԿատալիա:

Լուր աղէտիցն 'ի կողմանց կողմանց հասեալ առ Հռոմայեցիսն, հրաւեր կարգային Մարիոսի 'ի զօրավարութիւն. և կարդեցաւ նա հիւպատոս այս երկրորդանգամ. այլ արդէլուին օրէնք մի կարդել հիւպատոս զբացականն և զարդէն կարդեալն, մինչև 'ի վերայ անցեալ պարապոյ ժամանակի. սակայն ոչինչ լուան ժողովուրդք, զի ո՛չ այս առաջին նուագ տեղի ետուն օրէնք՝ կարեաց քաղաքին. նա զի և առաջակայն դէսք ոչինչ պակաս վայելուչ էր՝ քան յորժամ Սկիպիոն ինքնին կարդեցաւ հիւպատոս ընդդէմ օրինացն 2, ո՛չ առ ահի կորստեան քաղաքին՝ այլ առ հիմնայատակ զՎարքեդոն առնելոյ:

Ապա չու 'ի Լիբիոյ արարեալ Մարիոսի հանդերձ բանակաւն 'ի կաղանդսն Յունւ վարի՝ զոր տարեգլուխ կատարեն Հռոմայեցիք, առնոյր զհիւպատոսութիւնն և ածէր յաղթանակի հանդէս. ցուցեալ

ակն յայտնի հռոմայեցւոց զանհաւատալին նոցա բան՝ զՅուդորթաս գերեալ, առ որոյ կենդանութեամբն ակն ոք երբէք չունէր նկուն զխուժադուժան առնել. այնչափ իմն այս Յուդորթաս բազմայեղանակ ըստ բաղգիցն գունակ գունակ փոփոխէր, և ընդ լրբէնի յանգնութեանն ունելով և խորամանկութիւն մեծ. այլ յայնժամ քարչեալ ձգեալ նա ՚ի յաղթանակին հանդէս, ասեն՝ եթէ ցնորեալ անկանէր նա ՚ի մտաց: Իսկ յետ յաղթանակին ածեալ նա ՚ի բանտ, կէսք բռնի ՚ի թիկանցն կորզէին զպատմուճանն, և կէսք խուճապեալք ՚ի կորզել զգինդն նորա զօսկի՝ ՚ի միասին կորզէին և զբլթակ ունկանն. և այնպէս մերկ և հիքացեալ ՚ի վերապ մի առեալ խարդաւանէին զնա. նա անդ լի արհաւրոք և բերանաբաց սարսեալ ասէր. « Բա՛րէ հերակէս, զիսորդ ցուրտ է բազանիդ ձեր »: Անդանօր նա զաւուրս վեց կռուեալ ընդ սովուն, և ցյեալին շունչն զհետ կրթեալ կենաց, հուսկ ասա այնպէս լուծանէր զպատուհաս զամբարշտութեանցն:

Եւ պատմեն՝ ՚ի յաղթանակին յայնմիկ ածել լտերաց օսկւոյ՝ երեք հազար և եօթն. և ձոյլ արծաթոյ՝ հինգ հազար եօթն հարիւր և եօթանասուն և հինգ. և դրամակըչոց արծաթոյ՝ եօթն և տասն հազար և քսան և ութ: Իսկ յետ հանդիսին՝ խմբէր Մարիոս զձերակոյսն ՚ի Վապետողիոն. և ինքն կամ ոչինչ ուշ եղեալ կամ թէ

խրոխտագոյնս 'ի դէմս բերեալ զգեղեցիկ զիւր բախան, այնպէս 'ի նոյն սպատմուճան յաղթանակին մտանէր անդր. այլ անդէն իրազգած եղեալ խոթողութեան ծերակուտին՝ յարուցեալ ելանէր արտաքս և դառնայր անդրէն՝ վերարկու առեալ զանձամբ :

Յետ այնորիկ չու 'ի մարտ արարեալ, կրթէր յուղւոյ զզօրականն 'ի վաստակս աշխատութեանց. և յազգ ազգ արշաւանաց և յերկարութիւնս ճանապարհաց. հրաման տայր առն առն զիւր աղինն բառնալ տանել, և ինքեան ձեռօքն զկերակրիկն սպարաստել. և յայնմանէ ապա որք աշխատասիրաբար և անշունջ կատարէին կամակար զամենայն հրամայեալն, անուն կարգային նոցա՝ Զօրի Մարիանն : Սակայն կէսք համարին՝ այլ սպատճառս լինել անուանակոչութեանն, և ասեն՝ եթէ 'ի սաշարմանն Նոմանտիոյ կամեցեալ Սկիպիոնի տեսանել զննել ոչ զգնան միայն զզօրականին և զերկվարսն՝ այլ և զջորւոցն և զկառացն զկազմութիւն զառն առն, անդ Մարիոս ածէր զառաջեալ զերկվար իւր զքաջարոյժ և ջորի մի քաջառոյգ և ընտելութեամբն և կորովութեամբն յոյժ երևելի. զորս տեսեալ Սկիպիոնի և մեծապէս սիրեալ և ստէպ ապա յիշատակ արարեալ զնոցա, դէպ եղև յետ այնորիկ՝ զն որք հեգնել ինչ և դովել միանգամայն ինդրէին զայր անխոնջ և համբերատար, անուն կարգալ նմա՝ Զօրի Մարիանն :

Բայց թուի 'ի Ժամանակին յայնմիկ գեղեցիկս յաջողէլ Մարիտսի . քանզի խու-
 Ժադուժքն իբրու յորձանագարձ իւրեանց
 Թափոյն արարեալ և յորդեալ ծաւալեալ
 նախ զԻբերիա ողողէլ, յայն պարապ Ժա-
 մանակին առեալ Մարիոս կրթէր կորո-
 վացուցանէր զմարմինս զօրականին, և զո-
 դինս պնդէր հաստատէր լի քաջալերու-
 թեամբ . և որ մեծ ևս՝ ընտելացուցանէր
 զնոսս 'ի ճաշակ իւրոց բարոյիցն : Քանզի
 նորա ահագնայեաց տիպ, և անամոք իբր
 տամբերութիւն 'ի պատուհասէլ՝ յառաջն
 դժոխրմբերէլի զօրականին, իբրև ասպս սո-
 վորեցան հլուք և հնազանդք նմա, վայե-
 լուչ երևէր նոցա և կենսառիթ . և նորա
 խրոխտ ոգին և վայրենի և խաղտախոտլոտ
 բարբառ ձայնին և Ժահագիմութիւն կեր-
 պարանին, իբրև տակաւ ընտելացաւ նոցա
 առ 'ի կենակցութենէն, ահրնկէցք այնու-
 հետև թուեցան ոչ նոցա՝ այլ թշնամեացն :

Իսկ զոր առաւել քան զամենայնն սի-
 րեաց զօրականն, զուղղութիւն նորա 'ի
 դատաստանի . ոյր հաւաստիս՝ դէպս իմն
 պատմէն այսպիսի : Էր անդ զինուորեալ 'ի
 զօրասպետութեան Գայիոս Լուսիոս եղբօ-
 րորդի նորա, ոչ անբարի վիճակեալ բա-
 րոյից, սակայն և ցանկասէր գեղեցիկ պա-
 տանեաց : Սա 'ի սէրն հարեալ պատանեոյ
 ուրումն անուն Տրեբովիոս՝ որ 'ի դասու
 զօրականին իւրոյ, տակալ նեղէր զնա՝ այլ
 դամագիւտ չլինէր : Սպա 'ի դիւերի միում
 առաքեալ առ նա պաշտօնեայ մի կոչէլ

զնա, յարուցեալ Տրեբուլնիոս չոքաւ .
 (քանզի և 'ի կոչ զօրապետին անաստել
 արժան չէր .) իբրև եմուտ 'ի վրան անդր,
 սպասորատեցաւ Լուսիոս բռնաբարել զնա .
 և նա ձգեալ զսուրն անդէն սպանանէր
 զԼուսիոս . և չէր յայնժամ Մարիոս 'ի
 բանակին : Իբրև դարձաւ, յատեան կոչէր
 Մարիոս զՏրեբուլնիոս, անդ իբրև բազումք
 ամբաստան կային և սաշտպան չէր ոք ու-
 րեք, ինքնին Տրեբուլնիոս յառաջ անցեալ
 սլարզէրես՝ սատմէր ոճով զամենայնն, և
 հաւատովա ևս ածէր հանդերձ վկայութի,
 զի բազում անգամ ընդդէմ դարձաւ հրա-
 պուրիցն Լուսեայ, և թէպէտ մեծամեծք
 էին պարզւքն՝ նա երես չարար տալ 'ի
 պղծութիւն զմարմինն : Հիացեալ կայր
 Մարիոս ընդ ազնուական խորհուրդ պա-
 տանուոյն, և յանձն իւր զուարճացեալ
 հրաման տայր ածել անդէն զսակն զմե-
 ծամեծ նահատակութեանցն ըստ հայրենի
 կարգին, և ինքնին ձեռօքն ստակէր զՏրե-
 բուլնիոս իբրև մրցանաւոր քաջ 'ի ժամա-
 նակին՝ յորում այնպիսեաց պէտք էին գե-
 ղեցիկ օրինակաց :

Լուր բանին հասեալ 'ի Հռոմ, ոչ սա-
 կաւ ինչ զօրավիգն լինէր երրորդի հիւպա-
 տոսութեանն Մարիոսի, առ այս՝ զի և
 սպասեալք հրոսակին բարբարոսաց 'ի մուտս
 գարնայնոյ, չառնոյր յանձն զօրականն
 կռուել ընդ այլով զօրավարաւ : Սակայն
 և վրէպ գտան նոքա, զի անց և այն ժա-
 մանակ հիւպատոսութեանն Մարիոսի :

Ապա նորոգ ընտրութեանն առ դուրս հասեալ, և իշխանակից նորա 'ի կենաց զրաւեալ, թողեալ Մարիոս ընդ իւր 'ի բանակին զՄանիոս Ակիւլլիոս, դարձաւ 'ի Հռոմ. ուր և յայնժամ շատից աւագաց թեկն ածեալ զհիւպատոսութեան, Լուկիոս Սատորնինոս ժողովրդապետ՝ առաւել իմն յանկուցիչ խուժանին կացեալ հրապարակախօս լինէր վասն Մարիոսի՝ որ մտերիմ էր նորա, և թախանձ արկանէր վասն նորա հիւպատոսութեանն: Անդանոր Մարիոս գժկամակս ցուցեալ զանձն ընդ իշխանութիւնն, Սատորնինոս մատրնտու հայրենեաց կարգայր զնա՝ զի 'ի մեծապէս վտանգին նորա հրաժեշտ տայր 'ի զօրավարութենէն: Այլ յայնժամ 'ի կեղծաւորութեանն յայանի էր տեսանելեացն՝ Սատորնեայ համախոհութիւնն ընդ Մարիոսի, սակայն և խելամուտ եղեալ՝ զի 'ի ժամուն պէտք էին քաջութեանն և բախտին Մարիոսի, տային նմա զչորրորդ հիւպատոսութիւնն և իշխանակից նմա զԿատողոս Լուտատիոս՝ զայր պատուական ազատորերոյն և խուժանին ոչ ինչ անհաճոյ:

Արդ լուր առեալ Մարիոս զմօտելոյ բարբարոսացն, չու արար անցանէր զԱլպեանսն 'ի շտապ տաղնապի. և զտեղի կալեալ առ Հռոդանոս գետովն, անդ ամբողջութիւն ածէր բանակին, և ամբարեալ կուտէր սաստիկ պաշար. զի մի երբէք ստիպեսցի առ նուազութեանն մարտ դնել

կոռեւէլ 'ի տարաժամու : Այլ քանզի ա-
 ծեւ պաշարոյն ընդ ծով զառաջինն եր-
 կայնաձիգ վճարէր շրջանաւ և ծանրագնի ,
 նա հեշտին և արագ գործեաց : Քանզի
 բերանք Հռոգանոսին նիւթ բազում ա-
 ռեալ 'ի ծփանաց ծովուն և անդանօր ա-
 լազն խառնեալ ընդ մեծամօր Ճախին 'ի
 հեղեղաց ալեացն , տաժանակիր և անձուկ
 ևս էր նեղուցն վասն ցորենաբեր նաւացն .
 ապա Մարիոս պարապեալ զօրականին
 հրաման տայր հատանեւ խրամ մեծ և խոր՝
 ասպնջական մեծ ևս նաւաց . և յայն խրամ
 խաղացուցեալ ջուր առատ 'ի գետոյն , բե-
 րան նոր բանայր 'ի ծովեզրին՝ քաջադիպա-
 գոյն և հեշտնթաց 'ի ծովանդր : Եւ կար-
 դան զխրամն ցայսօր յանուն Մարիոսի :

Այլ խուժագուժքն յերկուս բաժա-
 նեալ բանակս , էր Վիմբրացւոցն 'ի վերին
 կողմանէն ընդ երկիր Նովրիկացւոց խա-
 զալ ընդդէմ Վատղոսի , և բռնացան նոքա
 անցանեւ յայնմ կողմանէ . իսկ Տեւտոնք
 և Ամբրոնացիք խաղային ընդդէմ Մարիո-
 սի ընդ լիդիւացիս՝ քերեալք առ ծովա-
 փամբն : Վիմբրացիք յամեալք դանդաղե-
 ցան 'ի չուն . այլ Տեւտոնք և Ամբրոնա-
 ցիք փոյթ և արագ անցեալ հատեալ զմիջ-
 նագաւառն՝ յորդեալք ծաւալեցան բազ-
 մութիւն անհուն խօլաց , անգեղեայք և
 խոժոռագէմք , ահեղք և սոսկալիք , և 'ի
 խորդիւն ձայնիցն և 'ի խոնտիւն խառնա-
 դանջին իւրեանց՝ ոչինչ ամենեկին հանգու-
 նատիպք այլոց մարդկանն : Հասին կալան

վայր լայնասահման երկրի, և բանակ հարեալ՝ ասպարէզ Մարիոսի կարգային 'ի կռիւ. նա փոյթ ինչ չարարեալ ձայնատու խօլացն՝ 'ի զակշին ամփոփեալ ունէր զզօրականն. և կշտամբանս գառնապէս ածէր 'ի վերայ խիզալս մարգկանն, և որ կարի խրախուսեալք գրոհ 'ի խուժադուժան ժաէին տալ և 'ի կռիւ խառնել, և կարգայր զնոսա հայրենեաց մատնիչս. զի և չէր իսկ ժամանակն սպտոււասիրելոյ 'ի յաղթանակս և յախոյեանս, այլ հնարիմաց իմաստութեամբ փարատել վանել զահագին ամպրոպ և զահեղ փայլատակուանն զմարտին և յանդորր զխտալիս հանել:

Չայս բանս ասէր առանձին զօրապետացն, և որ 'ի նոցուն սակի. իսկ առ սուկականն 'ի զօրականէն, հրաման տուեալ զի մի ըստ միոջէ 'ի շերտափակէ անտի նոքա դէտակն կալեալ հայեսցին 'ի խուժադուժան. և այնպէս ընտելացուցանէր զնոսա բերել զժահագիմութիւն կերպարանաց նոցա, և ժուժալ գժոխալուր և խուպոտ ձայնին նոցա, և գիտել գիտել զտարազ զինու զարդու և շարժմանց նոցա. զի և որք յառաջն ահաբեկք և վայրենիք՝ տակաւ տակաւ առ 'ի յաճախ տեսութենէն փոքրոգիք գտան յերևակութեան նոցա: Քանզի և հաստատեալ իսկ էր, զի նորութիւնն ինքնին շատ ինչ ստութեամբ զարհուրանս բարդէ յերկիւղալիսն. իսկ ընտելութիւնն նուազէ զարհաւիրան և զսարսափելեացն գլխովին:

Եւ արդեօք տեսու[թիւնն հանապազօրեայ յայնժամ ո՛չ զահ զերկիւղին միայն կարճէր 'ի նոցանէն, այլ ևս ձայնն գլխովն խժդժիցն բոհմանց մեծամեծս կոտորելոց և գոռոզ պանծանայն 'ի մեծ սրտմըտու[թիւնն բարկու[թեանն բրդէր զնոսս, և վառէր բորբոքէր առհասարակ զողիս նոցա, մինչդեռ անդանօր բարբարոսքն ո՛չ յաղարտ միայն վարեալ աւար հարկանէին շուրջանակի, այլ և լրբէնի ժպրհու[թեամբ յառաջ վարեալք մօտ մինչև 'ի շերտափակ անդր նոցա քերեալք բաղխէին. զի և զօրականք հռոմայեցւոց սաստիկ սրտնեալք, և այսպիսի իմն դանդատանաց հատանէին ձայնք յունկն Մարիոսի . “ Անարի վատու[թիւնն զոր երբէք 'ի մեզ ակնարկեաց Մարիոս, ոյր աղադաւ 'ի կռուոյն խափանէ զմեզ, արդեւեալ աստ զմեզ իբրու ըզկանայս ոմանս 'ի ներքոյ դռնափակաց և 'ի պահ դռնապանաց . Օ՞ն առեալ, որ միտս և խորհուրդ բարձեալ բերեմք զազատորերոյ, գնասցուք առնա հարցանել [թերևս այլում զօրականի նա սպասեալ մնայ գալստեան՝ մարտ դնել կռուել 'ի վերայ աղատու[թեանն . իսկ զմեզ արդեօք ցանդ իբրև աշխատու[թեանց գործաւորս կալցէ դա, յորժամ նմա խրամս հատանել պէտք իցեն և կաւ և տիղմ պեղել հանել կամ զգետս առնուլ շրջել . իբրև գորին աղադաւ արդեօք կր[թեաց դա զմեզ յայնչափ վաստակս . և դարձ արասցէ դա ցուցանել հայրենեացն զգոյն նահատակու[թիս զիւ-

րոյ հիւսկատոսութեանն : Կամ թէ երկուցեալ թերևս խիթայ դա յարկածիցն Կարբուլնեայ և Կեպիոլնեայ՝ որ նկուռն 'ի թշնամեացն եղեն . սակայն էին իսկ դոքս յոյժ խոնարհագոյն քան զՄարիոս 'ի փառս և 'ի քաջութեան, և բանակ ածէին՝ յոյժ խոնարհագոյն քան զգորայն : Բայց լաւ ևս իցէ արդեօք կրեւ փոքու ինչ զկիրս արկածից նոցա և ինչ մի 'ի ներքս բերեւ, քան 'ի զնին աստ միայն նստեւ ազէտից նիզակակցացն մերոց " : Յանձն իւր զուարճացեալ բերկրէր Մարիոս 'ի լուր գանդատանացն, և կայր և ամոքէր զզօրականն՝ դեգերանս տալ կռուոյն ո՛չ առ յերկուանացն 'ի նոսա . այլ զի 'ի սպառգամաց ինչ խնդրէ գէպ ժամանակ որսալ և զգիպան վայր զհաւաստի յաղթութեն :

Քանզի Մարիոս մեծապէս յարգանօք տայր տանել շալակաւ ամենայն ուրէք ուր և երթայր, կին մի Սիւրացի Մարթա անուռն՝ կարծեալ իղձ և գուշակ . և ըստ նորա կամին կատարէր նա զզոհան : Սա այս կին զառաջինն հերքեալ մերժեցաւ 'ի Սինկղիստոսէն, քանզի խնդրէր միջամուխ խօսել ընդ նմա զայսպիսեաց իրաց և նախապատում զհանդերձելոցն լինել : Այլ ապա հաւաստիս 'ի ներքս բերեալ զիւրոյ քաջութեանն առ կանայս՝ առ որս մուտ գտեալ էր, և յաւէտ իմն առ կին Մարիոսի, յորժամ նստեալ առ ոտս մենամարտկացն նախագուշակ եղև՝ ո՞րք 'ի նոցանէն յաղթական ելցէ . ապա առեալ նա զիղձն

արձակէր առ այրն . և էր այնուհետև նա սքանչացեալ, և բազում այն էր՝ զի դնայր նա բարձեալ շալակաւ, և ածեալ բերէին զնա 'ի զոհս՝ պատմութեան արկեալ ծիրանի՝ կրկին ճարմանդեալ, և 'ի ձեռին նորա գեղարդն՝ բոլորեալ վարսակալօք և սասկօք: Այլ թատերականդ այդ ցոյցք՝ բազմաց պատճառք լինէր տարակուսի, արդեօք ո՞ղջ հաւատով զայդ կին յերևան ածեալ Մարիոսի, եթէ 'ի կեղծ արդեօք և համախոհ ընդ կնոջն:

Իսկ պատմութիւնն արձանագրեալ յԱղէքսանդրէ Միւնդիոսէ յաղագս անգեղացն՝ սքանչելի է: Քանզի երկուք 'ի հաւուց այտի ցանդ երևէին շուրջ զբանակաւն՝ մինչև եղեալ յաղթութեանն՝ և զհետ երթային . և քաջ իսկ ծանուցեալ էին թռչունքդ 'ի մանեկաց անտի պղնձոյ՝ զոր արկին զօրականք ընդ փողս նոցա՝ կալեալ զնոսա և արձակեալ անդրէն . ուստի և այն անդեղք ընդելացեալք զօրականին, թռուցեալք գային՝ իբրև ողջոյն տալ նոցա . և զօրականին յակն զնոսա արկեալք 'ի չուն իւրեանց, յոյժ ցնծային իբրու որ անշուշտ 'ի հաւահմայսն յայն նահատակութի 'ի գլուխ տարցեն: Յետ այնորիկ և նշանք 'ի վեր երևեալ բազումք, և ոչ մի 'ի նոցանէն հաւատտիս ինչ բերէր . բայց յԱմերիոյ և 'ի Տուգերտեայ քաղաքացն Իտալացուոց լուր հասանէր՝ զի դիշերի երևեցան յերկինս գեղարդունք բոցատէգք, և վահանք զառաջինն այսր անդր մեկինք ճօ-

ճեալք և շարժեալք, ապա ընդ միմեանս
հասեալք բախեալք զտիպ բերելով զմար-
տիկ զօրականին, 'ի վերջէ ուրեմն կողմն
մի տիրացեալ և միւսն տեղի տուեալ 'ի
վայր հոսեցան յարևմուտս կոյս :

Այլ և յաւուրսն յայնոսիկ և Բատա-
բակէս քուրմն մեծի Մօրն՝ եկեալ հասա-
նէր 'ի Պեսսինուանտեայ լուր բերեալ՝ ասել
նմա զիցուհւոյն յԱրքունեաց անտի դա-
բիրային, եթէ յաղթուածին և զօրուածին
մեծ 'ի մարտին 'ի կողմն կայ հռոմայե-
ցւոց: Նմա հաւատս տուեալ Սինկղիսոսին,
և վճիռ ևս տայր՝ կանգնել տաճար զի-
ցուհւոյն 'ի շնորհս յաղթուածեանն. ապա
անցեալ դայր Բատաբակէս առ ժողո-
վուրդն ազգ զերացն առնել. այլ Ալոս
Պոմպէոս ժողովրդապետ արդէլոյր զնա և
խաբուսիկ ևս կարդայր զնա և զուեալ
ևս 'ի բեմէն մերժեաց զնա. և ապա այս
մեծապէս հաւաստիս առթեաց քրմին :
Քանզի անդէն Ալոս մեկնեալ յատենէն
'ի տուն իւր՝ անկանէր տապացեալ սաս-
տիկ ջերմամբ, և յետ աւուրց եօթանց մե-
ռանէր. յայտնապէս ցուցեալ սպտուհա-
սին և հռչակ հարեալ առհասարակ :

Արդ մինչդեռ անդէն դարեալ դադա-
րեալ կայր Մարիոս, յանդգնեցան Տեւ-
տոնք միջամուխք 'ի նեղ արկանել զղակիչն
և հարկանել. սակայն 'ի տեղատարափ հա-
րեալք 'ի նետիցն 'ի սպտոնչէն և կէսք ևս
գիտապատտ անկեալք, խորհուրդ հաստա-
տեցին անցանել յառաջ տիրանալ Ալ-

սրեանց աներկիւղք յանձնապատանք .
 Ժողովեցին զվրանան, խաղային գնային առ
 երի բանակին Հռոմայեցւոց . և յայտնի
 իսկ յայնժամ երևէր բազմութիւն ամբաւ
 խուժանին նոցա յերկայնել ձգել չուոյն
 նոցա . քանզի ասեն՝ եթէ զաւուրս վեց
 այնպէս աղինաղխեալ անցանէին նոքա առ
 պատնշան Մարիոսի . և մօտ քերեալք՝
 ձաղէին և հարցանէին ևս Հռոմայեցւոց
 եթէ ինչ մի ունիցին նոքա առաքել առ
 կանայս իւրեանց, առ որս երթեալ ժա-
 մանեսցեն նոքա մերձ ընդ մերձ : Իբրև յա-
 ռաջ անցեալ խաղացին բարբարոսք, ասպա
 և Մարիոս ժողովեալ զբանակն՝ զհետ խա-
 ղայր նոցա . և զտեղի կալեալ նստէր ցանդ
 մօտ առ երի նոցա, հարեալ զբանակն քա-
 ջամուր շուրջանակի ՚ի վայրս անխաբս՝
 օթագայել յանդորրու : Եւ այնպէս հա-
 տեալք անցեալք՝ եկեալ հասանէին ՚ի վը-
 տակսն, որոց անուն կարգային Սեքստի-
 լեանք, ուստի ոչինչ բացաձիգ կային Աւ-
 սրեանք :

Բայց Մարիոս անգանօր պատրաստէր
 կազմեր յարդարել մարտ՝ բանակ հարեալ
 ՚ի վայր մի ամուր, բայց սակաւաջուր .
 ինդրէր՝ որպէս ասեն՝ և յայնմանէն դար-
 ձեալ գրգռել զզօրականն : Եւ արդեօք
 շատք անգանօր դժկամակեալք և դան-
 դատեալք զջրոյ ՚ի ծարաւին, նա մատնա-
 նիչ նոցա զաղբիւրն արարեալ՝ որ բլխէր
 մօտ ՚ի շերտափակ անդր բարբարոսացն,
 ասէր անդուստ զիւրեանց ըմբելին գնել

գնոց արեան, ուստի և նոքա կրկնէին.
 “Առ իմէ՞ ուրեմն քո ո՛չ փոյթ ընդ փոյթ
 խաղացուցանել զմեզ ընդդէմ դոցա, ցոր-
 չափ մեր դալար է արիւնն” : Նա հան-
 դարտ և հեզ ետ սպտասխանի. “Նախ
 քաջամուր գործել մեզ արժան է զմեր
 բանակն” : Ապա զօրականք թէպէտ և
 սրտմտեալք՝ խելամուտ եղեալ հնազան-
 դէին նմա : Բայց խուժան բեռնակրաց
 բանակին՝ քանզի չգոյր ջուր ո՛չ նոցա և
 ո՛չ գրատուցն, իջին նոքա ամբօխիւ ՚ի
 դետ անդր՝ կէսք սակրաւորք, կէսք տա-
 պարաւորք, և կէսք դարձեալ սուսերաւորք
 և տիգաւորք, հանդերձ սափորովք՝ առ-
 նուլ ջուր թէպէտ և կռուել հասանիցէ :

Անդանօր զառաջինն ընդ նոսախառնե-
 ցան ՚ի կռիւ դունդ մի սակաւաձեռն բար-
 բարոսացն, յորոց և շատք ելեալք ՚ի բա-
 ղանեացն նստեալք ճաշէին և կէսք դեռ
 ևս ՚ի ներքս անդ էին. քանզի և վայրն ինք-
 նին անդ խոխոջեալ բղխէ աղբիւր ջերմկաց-
 ուստի և հռոմայեցիք ահարկանէին նոցա,
 մինչդեռ նոքա անդէն խնդացեալ կային ՚ի
 սփոփութիւնսն, հիացեալք ընդ գրգալից
 վայրսն : Այլ ՚ի ձայնէ աղաղակին նոցա
 բազումք ընթացեալք դիմեալք ՚ի վայրն,
 գժուարին ուրեմն էր այնուհետև սանձել
 Մարիոսի զօրականն՝ որ ՚ի վտանգի զաշ-
 խատաւորսն տեսանէին զբանակին. առ-
 այս՝ զի և դունդ մի քաջամարտիկ խժր-
 ժիցն՝ յորոց յառաջն առ Մալլիոսիւ և
 առ Կեպիոյնեաւ նկուն գտան հռոմայե-

ցիք, յարուցեալք յայնժամ 'ի զէն ըն-
թացան: Եւ անուն կարգային քաջամարտ-
կացն այնոցիկ Ամբրոնք. և նոքա միայն ա-
ւելի էին քան զբարս երիս: Թէպէտ և
կերակրով յլիացեալք և մարմնով ծան-
րադանդաղք, սակայն և 'ի նոյն յոյժ զուար-
թացեալք 'ի գինւոյ, մեծապէս խրախու-
սեցին գոռոզք և խրոխտք. և գիմեալք
խաղային ո՛չ անկարգս և խուճապ, և ո՛չ
աղաղակ բառնային անտալաւորս, այլ
բաղիս և զարկս տուեալ զինուցն չափով
և թուով, և համադունդ միաբան քայլս
առեալ զուգահէտս, այնպէս գալով գային՝
տոէպ զիւրեանցն բարբառելով զանունն,
Ա՛բրոնք, Ա՛բրոնք. Կամ զի այսպէս այր
զընկեր կարգալով՝ խրախոյս յորդէին,
կամ զի այնպէս կանուխ ահ թշնամեացն
արկանիցեն՝ ծանօթս տուեալ զանձանց:

Բայց նահատակք ընդդէմ նոցա յիտա-
լացւոց գնդէն խաղացին Ղիգիւացիք. որոց
և լուեալ զձայն աղաղակի բարբարոսացն և
զանունն, արձագանդ զնոյն անուն կրկնէին
և նոքա զԱմբրոնացն՝ զիւրեանց իսկ զհայ-
րենին. (քանզի և Ղիգիւացւոց հասարակ
ըստ ազգին զայս կարգան անուն): Եւ
այնպէս ապա աստի և անտի զնոյն անուն
տոէպ կրկնեալ և երեքկնեալ՝ մինչև խառ-
նեալք 'ի կռիւն. զնոյն ձայն և երկոցունց
գնդացն հնչէին զօրապետք՝ և անդ այր
զարամբ բարձրացուցեալ զձայնն, յայն ա-
ղաղակ ապա ջեռեալք բորբոքեալք այնպէս
սաստիկ ևս զայրացան 'ի յորիս իւրեանց:

Բայց Ամբրոնք 'ի հոսանաց անտի գե-
տոյն բաժանեալք երկփեղկեցան. քանզի
մինչև 'ի կարգ դասաւորեալք նոցա յայն-
կոյս նորա, շտապաւ 'ի վերայ նահատա-
կացն անկեալ Վիգիւացիք, խառնեցան 'ի
մարտ: Անդուստ և Հռոմայեցիք 'ի Թի-
կունս Վիգիւացւոց՝ դիմեցին 'ի վերուստ
մեծաւ բռնութեամբ, որպէս զի և տագ-
նապեցան նոքա յայնժամ Թիկնադար-
ձոյց լինել. և շատք ևս անդ տապաստ ան-
կանէին՝ յափն գետոյն հարեալ այր ընդ
ընկեր 'ի մեծի խուժանին և ընոյր գետն
յարխն ապաժոյժ և դիակամբք անկեւոցն:
Իսկ որք անցեալն էին ընդ գետն, սրտա-
թափք 'ի Հռոմայեցւոց՝ կէսք դիտա-
պաստք կէսք վանեալք ասպաւինեցան մին-
չև 'ի բանակ անդր իւրեանց և 'ի կառան:
Բայց անդ 'ի դուրս յարձակեալ նոցա կա-
նայք և ընդդէմ՝ դարձեալք 'ի սուր և 'ի
տապար, ճիչ բարձեալ կատաղի՝ զայրա-
գին լի բարկութեամբ, առհասարակ յետս
ընթադրեալք զփախստեայնն և զհետա-
մուտնն, զկէսս իբրև մատնտուս և զկէսս
իբրև Թշնամիս, խառնամուխք 'ի մարտիկան՝
զվահանս կորզեալք մերկ ձեռօք զՀռո-
մայեցւոցն և զսուսերնն յափշտակեալք,
դիմագրաւք յամենայն 'ի վերս և 'ի սատա-
կումն անձանց՝ անպարտելի արութեամբ
նահատակեցան մինչև ցվախճան: Եւ այս-
պէս ասպա՝ զմարտն խառնեալ ասեն յայն-
ժամ առ գետովն ըստ դիպաց՝ քան 'ի հրա,
մանէ զօրավարին:

Ապա Հռոմայեցիք հարուածս ածեալ մեծամեծս 'ի վերայ Ամբրոնացն և ընկրրկեալ՝ զի և գիշերոյն 'ի վերայ հասաներ պահն, նոքա ոչ երգս յաղթականս 'ի բերան առին ըստ օրինի կարգին 'ի վերայ մեծի յաջողութեանն, և ոչ 'ի գինեբբուսինչ մտին ընդ վրանս, կամ ուրախացան ինչ յրնթրիս հիւրամեծարս. և որ հեշտա լին ևս արանց՝ որ գեղեցիկ յաջողութեամբ մարտ եղեալ կուուեալ իցեն՝ քուն քաղցր չառին նոքա. այլ ողջոյն զգիշերն այնպէս յահ և յերկիւղ և 'ի վարանս կացին: Քան զի և չէր իսկ նոցա բանակ շուրջ պարբսպեալ ոչ 'ի խրամոց և ոչ պատնշաւ. և անդուսա ևս բիւրաւորք բազումք բանակեալ կային 'ի բարբարոսաց անկուուելք. ընդ որս համախումբ և փախստելիցն եղեալ յԱմբրոնաց անտի, ողբ իմն զամենայն գիշերն լսելի լինէր խժգժիցն՝ ոչինչ նման օրինակ 'ի կոծ և յաշխարան մարդկանն, այլ կաղկանձիւն և ոռնիւն և կրճիւն գազանաց՝ մղձկեալ 'ի իէթս սպառնալեաց. և սպա յամբաւ խուժանէն յայնմանէ խառնաձայնն՝ շուրջ զլերինս հնչեցուցանէր և զխոխոմս գետոյն, և հասեալ ըզգաշան առհասարակ ընոյր ահագին գոչմամբ. յորմէ և Հռոմայեցիք սակուցեալք՝ ինքնին և Մարիոս զահի հարկանէր. ակրն կալեալ ժամ 'ի ժամէ մնային գիշերամարտին՝ լի արհաւրոք և խռովութեամբ: Սակայն ոչ 'ի գիշերին և ոչ դարձեալ յաւուրն երկրորդի յարձակեցան բարբա-

րոտքն, այլ անդէն զտեղի կալեալք կաղ-
մէին պատրաստէին, և 'ի գունդս գունդս
բաշխէին գեղեցիկ կարգաւ: Եւ քանզի
անգանօր 'ի վերոյ բարբարոսացն լերինք
փասպարուտք ամբարձեալ կային և լին խա-
ւարին ափափայլւք 'ի հովանաւոր 'ի թաւ-
մայրեաց անտի, անդր Մարիոս առեալ
արձակէր զՎղաւգիոս Մարկեղղոս երեք
հազար հետևակօք, հրաման տուեալ դա-
րանամուտ լինել. և ապա 'ի թիկանց կու-
սէն անկանել 'ի վերայ բարբարոսացն 'ի
ժամ կռուոյն:

Ապա կանուխ կերակուր և հանգիստ
տուեալ զօրականին, 'ի ծագել աւուրն
ածեալ զնոսա արտաքոյ պատնչին՝ կար-
գէր ճակատեցուցանէր, և յառաջոյ ար-
ձակէր զայրուձին 'ի դաշտին: Իսկ Տեւ-
տոնք յայն տեսիլ Հհանգուրժեալք մնալ
Հռոմայեցւոցն իջանելոյ 'ի մարտ 'ի դիւ-
րի, 'ի շտապ տագնապի մոլեգին 'ի զէն 'ի
զարդ վառեալք՝ խաղային գնային 'ի վե-
րայ նոցա անկանել 'ի բլրին: Յայնժամ
Մարիոս ընդ ամենայն կողմն առաքեալ
զզօրապետն, հրաման տայր քաջութեամբ
կալ զտեղի առնուլ, և անդուստ տէգըն-
կէց 'ի թշնամիան լինել 'ի մօտել նոցա. և
ապա զվաղակաւորն 'ի գործ առեալ 'ի
վայր կոյս բուռն և սաստիկ զյարձակեալն
ընկրկել. քանզի անգանօր զսա 'ի վայրն
ոտնառ և 'ի ներքոյ կալով թշնամեացն՝ ոչ
ինչ ուժեցէն ասէ նոցայն հարուածք. և
ոչ դարձեալ ասպարափակ նոցա կուռ ինչ

գործեսցէ՛ ցանգ յերերի գեղևեալ նոցա յանհարթութենէ վայրացն : Զայս ինչ Մարիոս ազգ առնէր զօրականին, և ինքն յառաջ նահատակէր . քանզի և ոչինչ պահաս քան զամենեսեան կիրթ էր մարմնոփն, և արուժեամբ քաջութեամբ բոլորիցն վեհագոյն :

Իբրև այնպէս զգէմ կացեալ Հռոմայեցւոցն՝ ընկրկէին զբարբարոսան՝ ի վերելան անգր, նոքա առաթուր հարեալք և նհանջեալք՝ տակաւ վերջոտնէին անդրէն ՚ի դիւրն . իբրև անգ առաջինքն կարգէին կազմէին, անդուստ ՚ի թիկանց կուսէն ձայն խառնագոչ բարձրանայր խժգժիցն, յորոց վերայ անկեալ խակ էր Մարկեղղոս ՚ի ձայն պատերազմին ՚ի լերանց անտի ուր ՚ի գարանի կայր . հորդան ՚ի վայր կոյս գրոյթ սաստիկ տուեալ զօրականին՝ ձայն տուեալ խրախուսէր, և հարկանէր սատակէր զվերջն նոցա . նոքա ՚ի զօրավիգն ստիպեալ զյառաջապահսն իւրեանց, այնպէս յեղակարծումն յաղէտս ամբաւ տարակուսանաց արկանէին առհասարակ զբանակն . և ապա ոչ հարուստ մի հանդարտեցին զտեղի ունել՝ այնպէս յառաջոյ և ՚ի վերջոյ առեալ հարուածս . այլ քակտեալ բաժանեցան ՚ի մեծամուր պատրաստութենէն, և ՚ի փախուստ խուճապեցան . որոց զհետ Հռոմայեցւոցն մտեալ սուր ՚ի վերայ ոգիս աւելի քան տասն բիւր պակաս առնէին ՚ի նոցանէ՝ ընդ գերի և ընդ մեռեալ :

Ապա տիրացեալ առհասարակ վրանաց նոցա և կառաց և ողջոյն կարասւոյն բարբարոսաց, վճիռ ետուն տալ Մարիոսի որչափ ինչ յանկածէ անտի դողունի չէր. թէպէտ և 'ի չքէղ պարգևաց անտի ոչինչ համարեցան տալ տրիտուր դեղեցիկ զօրավարութեան նորա 'ի մեծ տագնապ տարակուսին այնորիկ: Իսկ կէսք այլազգագոյնս ունին զկարծիան յաղազս պարգևին որ յանկածէն, և համարոյ անկէլոցն: Բայց ասէն՝ եթէ Մասաւիացիք 'ի բաղմակոյտ ոսկերաց անկէլոցն զայդիս իւրեանց ցանգեցին շուրջանակի. և թէ՛ 'ի դիականցն նեխելոց և 'ի տեղոյ անձրևացն ձմերայնոյ անդանօր, յոյժ յուռթացաւ երկիրն և 'ի խոր ևս տարրացաւ նեխն և ասպժոյժն. զի և սպա դարնայնի սքանչելի իմն առատացոյց զպտուղն. և քաջ զբան զԱրքիղօքոսին արգարացոյց, որ ասաց. եթէ "Ի պատճառէ աստի յայսմանէ յոյժ պարարտանան անդաստանք": Առ այս և պատմեն՝ եթէ յետ մեծամեծ մարտից պատերազմաց բազում այն է՝ զի իջանէն տեղատարախք անձրևաց. կամ զի 'ի Քաջաց ոմն այնպէս ողողեալ սրբէ լուանայ զերկիրն 'ի ջուր սուրբ և գիւցատեղաց. կամ զի յարեանց վտակէն և 'ի նեխութենէն գիճին և թանձր 'ի վեր ամբարձեալ շողի՝ խտացուցանէ զօդսգ յեղյեղուկ և 'ի բազում ինչ գիւրափոփոխ 'ի դուզնաքեայ պատճառէ:

Իսկ յետ վճարելոյ մարտին, 'ի զինուց

անտի և յաւարէ բարբարոսացն հատրն, տիր զէնընտիր արարեալ Մարիոս զգեղափայլան և զանարատոսն 'ի հանդէս շքեղ յաղթանակին, զայլն ամենայն առեալ կուտէր շէղջ 'ի խարոյկ մեծ՝ զոհ կատարել հոյակապ: Շուրջ կացեալ զօրուն 'ի զէն 'ի զարդ վառեալ և սսակօք բոլորեալ, և ինքն ըստ օրինի կարգին գօտևորեալ և զպատմութեանն արկեալ. այն ինչ ջահ առեալ և յերկինս 'ի վեր ամբարձեալ երկոքումբք ձեռօքն՝ կամէր մատուցանել 'ի ներքոյ խարուկին, յայնմ պահու արք աւագք բարեկամք անդուստ մտրակ 'ի կուշտ երիվարին գային հասանէին առ նա. ուստի և առհասարակ 'ի լռութիւն դարձեալք յակճիոս կացին: Իբրև մօտ եղեն՝ իջեալք յերիվարէն, կալեալք զաջոյն Մարիոսի՝ առեալիս տային նմա զհինգերորդ հիւպատտութեանն, և նամականի ևս վասն բանին մատուցին նմա: Անդանօր ցնծութիւն մեծ յաւելեալ 'ի հանդէս յաղթութեանն, առհասարակ զօրականք խնդացեալք ծափս և կայծս հարկանէին 'ի շաջիւն շառաջիւն զինուցն, և զօրապետք միւսանգամ 'ի բոլորս սարդենեաց առեալ սսակէին զՄարիոս. և ապա ինքն մատուցեալ կրակ 'ի խարոյկ անդը՝ այնպէս կատարէր զզոհն:

Այլ որ անասակ և սուրբ երբէք չտայ մեզ վայելել 'ի խնդութեան, և զկանանցածնաց զկեանսն խաղ առնէ խառնութեամբ չարեաց և բարեաց, կամ Բախան գլխովին իցէ կամ թէ 'ի Քաջաց խեթա,

ցելոց ոմն, կամ թէ ինքնին հարկաւոր
բնութիւն իրացդ, ոչ յետ բազմաց ինչ ա-
ւուրց՝ ածեալ բերէր առ Մարիոս համ-
բաւ՝ որչափ ինչ միանգամ դէպք պատա-
հէցան Վատղոսի իշխանակցին. այնպէս
միւսանգամ իբրև ՚ի պարզի ՚ի խաղաղաւետ
անդորրութեան նոր իմն յուղեցաւ ամ-
պրոպ մրրկածին և ահաբեկ Հռովմայ:
Քանզի Վատղոս՝ որ ընդդէմ Վիմբրացւոց
բանակեալ կայր ՚ի պահ զգուշութեան
լերանցն Ալպեանց, զի մի թերևս ՚ի կող-
մանս կողմանս բաշխ տուեալ զօրականին՝
նուազեալ ՚ի զօրութենէն գտանիցի, էջ ՚ի
վայր յառաջիւս և բանակ հարեալ ՚ի վայր
մի ՚ի հանդիպոյ Անտիսովն գետոյն՝ շուր-
ջանակի ամբացուցանէր սրանչօք արդե-
լուլ զանցն. և կամուրջ մի ևս կապէր ՚ի
զօրավիզն յայնկոյս կացելոցն, եթէ երբէք
բարբարոսք անցեալք ընդ անձուկ կիրճան
նեղեցեն անդ զպահանորդան:

Բայց բարբարոսքն յանչափս գոռոզա-
ցեալք և խրոխոք, զի և ՚ի ցոյցս քաջու-
թեան ոգւոցն՝ քան թէ հարկաւորեալք
ինչ, մերկամարմինք կացին ժուժացին ՚ի
ձիւնաբերան. և ընթացեալք այնպէս ընդ
պաղս սառամանեացն և ընդ ձիւնախա-
ղաղսն՝ ելին հասին ՚ի կատարս լերանցն.
և ապա ՚ի բարձանց անտի ընդ երաստանօք
զվահանան առեալ զլայնչիս՝ այնպէս սա-
հեալք խաղացին իջին ՚ի վայր ընդ գահա-
վէժ ժայռան և ընդ վախս ամբաւս և սե-
պացեալս: Իբրև բոլորեցան բանակեցան

մօտ և զննեցին զխորս գետոյն, ձեռն արկեալ 'ի ընուլ զնա, հարեալ կորէին անդանօր իբրև հսկայք Տխտանեանք 'ի բլրոց անտի շուրջանակի, ձգէին վարէին 'ի գետ անդր առհասարակ տունկս արմատաքի խլեալս և ժայռից հատորս և հողաբլուրս, որովք և զհոսանա անձկացուցեալ զգետոյն, առեալ արձակէին բռնութեամբ ամբարտակս անարիս ընդդէմ հաստարանաց կամրջին. որ և 'ի թափ վարեալք գետոյն ուժղնակի բաղխմամբ սարսէին զկամուրջն: Յայն տեսիլ ահագին սակուցեալ զօրականին հռոմայեցւոց, բազումք այն էին՝ որ 'ի մեծ բանակէն վերջոսնեալք տեղի տային:

Անդ ասպա Կատղոս արդարև զքաջ և զլաւ զօրավարի բերեալ զնմանութիւն, քան զանձին շուք՝ զքաղաքացւոցն նախասպատիւ առնէր. քանզի ոչինչ բաւական 'ի ժամուն հաւանեցուցանել զզօրականն կալ յակատանի՝ որ և գնային խկ 'ի բաց լի անհնարին արհաւրօք, հրաման տայր առնուլ բառնալ զԱրծուին. և ինքն կացեալ 'ի գլուխ չուոյն՝ խաղայր յառաջոյ նոցա. ինդրէր զանարգանան զայն անձին ողջոյն գրաւականել և ոչ հայրենեացն. զի կարծեսցին նոքա ոչ իբրև փախստեայք ոմանք, այլ հետընթացք զօրավարին: Իսկ բարբարօսքն 'ի վերայ յարձակեալք ամբին՝ որ յայնկոյս Անտիսովնին և կալեալ զնա, և հլացեալ զարմացեալք ընդ քաջութիւն ամրականացն հռոմայեցւոց՝ արք հզօրք և

կորովիք, որք մարտ մղեալք և 'ի կշիռ զոգիսն եղեալք մեծապէս արուժեամբ՝ արժանի քաջք իւրեանց ցուցան հայրենեացն, արձակէին զնոսա յաղատութիւն փառօք պայմանս կռեալ և երդումն երդուեալ 'ի Յուլն պղնձի 3. և ապա այն Յուլ յաւարի առեալ յետ մարտին նոցա, ասեն՝ եթէ ածաւ 'ի տուն Կատողոսի՝ իբրև անկած հոյակապ նորայն յաղթութեանն: Յետ այնորիկ յորդեալ ծաւալեալ բարբարոսացն ընդ դաւառն թափուր 'ի պահակայ՝ աւար հարկանէին:

Չայնու ժամանակաւ կոչեցեալ Մարիոս 'ի հռոմ քաղաք, մինչդեռ առհասարակ ակն ունէին յաղթանակին նորա, և ինքնին ծերակոյսն մտադիւրագոյն վճիռ տուեալ էր, հրաժարեցաւ Մարիոս. կամ զի հաւասարորդ չքոյն խնդրէր առնել զզօրականն որ 12 նմա նահատակեցան, կամ զի խնդրէր 'ի ժամուն աներկեան զժողովուրդն գործել, թողեալ իբրու յաւանդ 'ի բախտ քաղաքին զփառս առաջին իւրոց նահատակութեանցն, առ 'ի շքեղ ևս յարդարել 'ի ձեռն հանդերձելոցն: Ապա խօսս ժամուն քաջադէպս զրուցեալ, յարեաւ գնայր առ Կատողոս և քաջալեր 'ի ներքս մատուցանէր նմա, և առաքէր կոչէր զզօրականն իւր 'ի Գաղատիոյ. նոքօք հանգերձ չու առնէր անցանէր Մարիոս ընդ Իրիզանոս գետ հանել վանել զբարբարոսն արտաքս քան զխտալիս: Այլ նոքս մնալ ասէին Տեւտոնեանցն և զարմանալ

ևս ընդ այնչափ յամէլն նոցա, և այնպէս դանդաղէին 'ի մարտն, կամ զի անշուշտ անտեղեակք էին հարուածոյն նոցա, կամ զի այնպէս ցոյցս տային ո՛չ հաւատալ բանին. քանզի և սաստիկ սպառուհասէին՝ որք միանգամ համբաւ չար բերէին զնոցանէ:

Ապա առեալ դեսպանս արձակեցին առ Մարիոս, խնդրէին 'ի նմանէ գետին և քաղաք բաւական վասն անձանց և վասն եղբարց իւրեանց: Իսկ հարցեալք նոքա 'ի Մարիոսէ, ո՛յք ոմանք իցեն եղբարքն, և սպասասխանի տուեալ է թէ Տեւտոնիք, առ հասարակ 'ի ծաղր հատանէին. և Մարիոս հեգնեալ ասէր. «Ա՛ղէ դուք վայր մի 'ի բաց թողէք զեղբարսդ զայդ. քանզի ունին իսկ դոքա և կալցեն ևս յաւիտեանս ժամանակաց գետին, զոր առին նոքա 'ի մէնջ»: Հեղնութեանն 'ի վերայ կացեալ դեսպանացն՝ սկսան թշնամանել զնա, և սպառնացան ևս վաղվաղակի զսպառուհասն լուծանել 'ի ձեռն Վիմբրացւոց, ապա և Տեւտոնեանցն 'ի ժամանակ նոցա: Կրկնեաց Մարիոս և ասէ. «Ա՛յլ դոքա ժամանեցին արդեօք. իսկ ձեզ ինքնին ո՛չ գոյ մեկնիլ աստի՛ մինչև գիրկ ընդ խառն եղեալ ձեր ընդ եղբարսդ»: Զայս ասաց, և հրաման տայր ածել զառաջեաւ զթագաւորսն ըզՏեւտոնեանց շղթայակապս, զոր ձերբակալ իսկ արարեալ էին Սիկուանացիք 'ի վերայ Ալպեանց 'ի փախչել նոցա:

Իսկ Վիմբրացիք զայս բանս լուեալք 'ի դեսպանացն, անդէն փութանակի խա-

զային 'ի վերայ Մարիոսի. նա յանդորրուկայր և իւրում բանակին միայն խնամած էր: Եւ ասեն՝ եթէ 'ի մարտին յայնմիկ առաջին Մարիոս հնարագիւտ եղև 'ի փոփոխութեան աշտէիցն: Քանզի տիգարուն փայտին ագուցեալ յերկաթն՝ սնդեալ կայր 'ի սեպս երկուս երկաթի. իսկ Մարիոս յայնժամ թողեալ զմին որպէս և էրն, միւսոյն փոխանակ կարգէր սեպ 'ի դիւրասորտակելի փայտէ. հնարաւոր ի մաստութեամբ՝ զի 'ի հարատել աշտէին յասպար թշնամւոյն՝ մի շէշտակի այնպէս կացցէ մնասցէ, այլ փայտեայ խորտակեալ սեպին՝ թէքեսցի յերկաթն կոյս. և նիզա կաբունն զհետ դայցէ առ 'ի քարշ կառեալ այնպէս 'ի սլաքն թէքեալ:

Արդ յայնժամ Բիովրիկս արքայ Վիմբրացւոց շուրջ առեալ սակաւս յիւրոց անտի, մօտ դայր յերիվար աշտանակեալ 'ի բանակ անդր թշնամւոյն. ձայն տայր Մարիոսի, օր և տեղի սահմանել 'ի կռիւ մարտի, վճարել սահմանել ընդ նոսա վասն ժառանգութեան գաւառին: Ետ պատասխանի Մարիոս, չէ օրէն հռոմայեցւոց զթշնամիսն խորհրդականս առ 'ի մարտ առնուլ. սակայն և այնպէս հաճեսցէ նա զՎիմբրացիս: Ապա ժամանակեցին մարտ զնեւ կռուել յաւուրն երրորդի, և տեղի մարտին՝ ետուն զգաշան մօտ 'ի Բերկեւաս. վայր դիպան այրուծիոյն հռոմայեցւոց, և Վիմբրացւոցն դարձեալ՝ ձգել երկայնել անդ զհրոսակ ամբառ խուժանին:

Անդանօր ըստ ժամանակելոյն եկին հասին՝ կարգեցան ճակատեցան հանդէս միմեանց: Էին Կատողոսի զօրականք բիւրք երկու և երեքհարիւր, և Մարիոսի բիւրք երեք և երկու հազար: որ բաշխեալք և կարգեալք միանգամայն 'ի [Թևն աջոյ և 'ի ձախոյ] 'ի մէջ առեալ փակեցին զԿատողոս. ըստ որում դրեաց ինքնին Սիւղղաս՝ որ կռուեցաւ 'ի մարտին: Եւ ասէն՝ եթէ ակն ունէր Մարիոս խաղալ անկանել 'ի ծայրիցն և 'ի [Թևոցն 'ի վերսոյ փաղանգաց [Թշնամոյն, և այնպէս ողջոյն զյաղթու- [Թիւնն իւրումն գրաւականեալ զօրակա- նին, անբաժ 'ի մրցանացն զԿատողոս կացուցանել և 'ի մարտն չխառնել. 'ի միջոցի ճակատուն ծոց իմն պարուրելով, զոր է տեսանել 'ի զօր կարգեալ երկայնաճակատ. այնպէս կարգեաց Մարիոս զօրն: Եւ պատմեն ևս՝ եթէ և ինքնին Կատողոս ապա զնոյն պատճառս 'ի ներքս բերէր 'ի չքմեղս անձինն. և ամբաստան կայր զՄարիոսէ՝ զի այնպէս դրժանօք գնաց յայնժամ: Իսկ անդուստ հետևակազօր Կիմբրացւոց ելանէր գայր յիւրոց պատնչաց տակաւ և հանդարտ, և կարգեալ ճակատէր 'ի գունդատուար քառակուսի. և մէն մի 'ի կողմանցն ձգէր երկայնէր ասպարէզս երեսուն: Բայց այրուծին հնդեռասան հազարաց՝ յառաջ վարեալ խաղայր շքեղ և հոյակապ: Եւ էին նոցա սաղաւարտք 'ի տիպ կերպարանեալք ահագին և նորանը- շան գրոշեւոց գազանաց ամեհեաց բերա-

նարացեալք . և վառեալք 'ի զարդս վերջս
ամբարձաձիգ ցցունից՝ երևէին յաղթք ա-
ռաւել և երկայնագէղք : Եւ էին նո-
ցա զրահից պատեանք փայլուն յերկա-
թոյ, և վահանք նոցա շողողուն սպի-
տակք . տանէին առհասարակ նեոս երկ-
թևեանս . և 'ի խառնել մարտին՝ վազակա-
ւոր 'ի գործ առնուին մեծ և յաղթ : Եւ
խաղային գնային յայնժամ ոչ 'ի հանդի-
պոյ ճակատուն Հռոմայեցւոց, այլ յաջն
կոյս թևակոխեալ՝ այնպէս տակաւ տակաւ
առնուլ զնոսս 'ի ներքս իւրեանց փակել
և հետևակազօրուն՝ որ կայր 'ի ձախմէ :

Քաջ իսկ խելամուտ դաւանացն զօրա-
պետքն եղեալ Հռոմայեցւոց, այլ ոչինչ
ժամանեալ տանձել զզօրականն, այն ինչ 'ի
նոցանէն մի ոմն աղաղակ բարձեալ եթէ 'ի
փախուստ թշնամիքն խուճապէն, անդ-
միահամուտ թափ տուեալ զհետ պնդեցան
նոցա . բայց անդուստ հետևակազօրք ամ-
բաւ խուժանին բարբարոսաց արձակարձակ
հորդան տային իբրև ալիք բազմակոհակք
ահագին ծովու : Յայնժամ Մարիոս ձեռս
'ի վեր ամբարձեալ յերկինս, ուխտս գնէր
գիցն զհարիւրեղեանն . անդ և կատղոս
ուխտ ուխտեր 'ի վեր զձեռնն առեալ
նուիրել սրբել զԲագդ զաւուրն : Եւ ա-
սեն՝ Մարիոսի յայնժամ զոհ զոհեալ և
զախոնդիս սարանդիցն զննեալ, անդէն ա-
ղաղակել բարձր եթէ՝ ի՞նչ է յաղլուսիւնն :

Այլ 'ի խաղալ անդ երկոցուն բանա-
կացն, պատմէ ինքնին Սիւղղաս պատահ-

եալ իր մի զվրէժինդրութեան գիցն ընդ-
դէմ Մարիոսի: Քանզի ահագին ամբ և
մեզ փոշոյն անդանօր մըրկեալ յուզեալ,
սատէր ծածկէր զլօրն. և Մարիոս ինքնին՝
որ յառաջադէմ խաղացեալ խկ էր ան-
հնարին թափով ի վերայ բարբարոսացն՝ ոչ
յաջողեցաւ հասանել ունել զնոսա, այլ
անդրագոյն ևս յառաջ անցեալ առ երի-
փաղանդին նոցա, այնպէս հարուստ ժա-
մանակ յաժէր թափառէր ՚ի դաշտին վրի-
պեալ ՚ի նոցանէ: Իսկ բարբարոսք ըստ գի-
պաց սատահեալք Վատղոսի խառնեցան ՚ի
մարտ ընդ զօրականին նորա, յորս էր և
Սիւղղաս՝ որպէս ասէ խկ ինքն. և անդ
մարտակից հռոմայեցւոցն՝ ասէ՝ գտանէր
և տասն և արեգակն շէշա ճառագայթար-
ձակ ՚ի դէմս հարեալ Վիմբրացւոց: Զի
թէպէտ և սառամանեաց համբերատարք
քաջք էին խուժադուժքն՝ որպէս սատ-
մեցաք՝ իբրու որ բնականուճոք հովանա-
ւոր և ջրաին վայրաց, ոչինչ կարէին հան-
դարտել տապոյն. առհասարակ սատակա-
պէս ընդ քիրան հարեալք՝ նոցա թասէին
ոգիք, այնպէս տապարածածուկ զերեսս
գործեալ առ ՚ի շողից արևուն. քանզի և
էր խկ մարան յետ արևագարձին ամարայ-
նոյ. որպէս և զյիշատակն տօնէն հռո-
մայեցիք յառաջ քան զաւուրս երիս նորոյ
ամսոյն՝ զոր արդ Աւգոստոսի, և յայնժամ
կարդային Սեքսդիղեայ ամիս: Այլ ամբ
փոշոյն ՚ի զօրավիգն Վատղոսի զօրականին՝
միգասպատ ծածկեալ զամբաւութիւն խու-

ժանին, ոչինչ սրտաբեկ եղեն նոքա. քան զի և 'ի բացուստ ոչինչ զննեալ զբազմութիւնն՝ գիմեալք 'ի կուլուն ընդ ախոյեանսն՝ այնպէս խառնեցան մինչև զարհուրեալք նոցա յահագին տեսութենէն: Իսկ և նոցա մարմինք այնպէս իմն կորովացեալ էին և փապարեալք 'ի վատտակա քրտանց, զի և յանհնարին տապոյն՝ թէպէտ և յոյժ յոգնեալք՝ ոչ ոք 'ի Հռոմայեցոց անտի քրտնահար թօշնէր կամ յոգւոց թասէր. ըստ որում և ասեն՝ գրեալ ինքնին Վատ զոսի 'ի գովութիւն առեալ զզօրականն:

Բայց անդանօր բազումք այն էին 'ի բարբարոսացն և 'ի քաջամարտկացն որ տապաստ անկանէին, հարեալ և բաղխեալ այր ընդ ընկեր. քանզի յառաջամարտիկք նոցա աղևաղխեալ էին երկայն փոկովք՝ ածեալք զգօտեաւ, զի մի՛ քակտեալ բաժանեցի կարգ դասաւորութեան նոցա: Իսկ զփախստեայսն վանեալ Հռոմայեցւոցն մինչև 'ի պատնէշս նոցա, անդանօր տեսիլ տեսանէին ողորմ և յոյժ աշխարելի: Քանզի 'ի վերայ բազմախուռն կառացն կացեալ խումբ կանանւոյն նոցա համակեալք 'ի թուխ՝ հարեալ սպանանէին զապաւինեալսն անդր. կէսք զարս, կէսք զեղբարս, և կէսք դարձեալ՝ զհարս. և հեղձամղձուկ ինքեանց իսկ ձեռօք զտղայսն արարեալք՝ ձգէին ընդ անուօքն առաթուր ոտից գրաստուցն. և ապա անձին ևս անէին 'ի պահուն:

Եւ պատմեն՝ եթէ մի ոմն 'ի կանանց

անտի կախեալ մնաց զծայրից առեղին՝
 Հանդերձ երկու որդւովքն արկեալ նոցա
 խեղդան 'ի կոճս ոտից իւրոց աստի և ան-
 տի . և թէ՛ մարդիկն առ սրակասութեան
 անդ ծառոցն , կէսք յեղջիւրս եզանց , և
 կէսք 'ի սրունս նոցա խեղդ պարանոցացն
 ածեալ , և մորակաւ մոլեգինս ընդոստու-
 ցեալք զնոսա , այնպէս 'ի քարչ առաթուր
 Հարեալք 'ի նոցանէ սատակէին : Այլ
 թէպէտ և նոքա այնպէս մահ անձանցնիւ-
 թեցին , համայն և այնպէս ոգիս աւելի քան
 զբիւրս վեց կենդանւոյն ձերբակալ արարին
 'ի նոցանէ . և ասեն ևս՝ եթէ կրկին նոյնչափ
 դիտապատ անկան 'ի նոցանէ : Բայց ըզ-
 զրամոց մթերան նոցա յաւարի առին յայն-
 ժամ զօրականք Մարիոսի . այլ անկածք
 պատերազմին և դրօշքն և փողքն՝ պատմեն՝
 եթէ ածեալ կուտեցան 'ի բանակն Կատ-
 ղոսի . որ և ապա հաւաստիք մեծապէս ե-
 ղեն յաղթութեանն նորա :

Իսկ իբրև վէզ և պայքար յուզեցաւ 'ի
 զօրականին (ըստ որում և 'ի դէպ իսկ պա-
 տահէլ) , կարգեցան դատաւորք իրաւա-
 խոհք կազին՝ դեսպանք Պարմիացւոց՝ որ
 անդ գտան . զորս և ածեալ զօրականացն
 Կատղոսի 'ի մէջ գիականցն՝ ցուցանէին նո-
 ցա զխոցեալսն յիւրեանց իսկ աշտէից ,
 յորս և յայանի իսկ երևէին 'ի նիզակա-
 բունսն տառք դրոշմաւորք անուանն Կատ-
 ղոսի : Յայսր ամենայնի վերայ՝ ողջոյն նա-
 հատակութիւնն ընծայեցաւ Մարիոսի 'ի
 սրտաճառս առաջին յաղթութեանն . և զի

և զաւագութիւն հիւպատոսութեն ինքն
ունէր: Եւ մասնաւոր իմն ժողովուրդք ա-
նուն կարդային նմա՝ երբորդ հիմնադիր
Հռովմայ, իբրու այն որ ապրեցոյց զնա՝ ի
վտանգէն՝ ոչինչ նուազ քան զՎեղտացն
երբեմն: Ապա այր այր ուրախացեալք սօ-
նախմբութեամբ առհասարակ ՚ի տունս ՚ի
միասին ընդ որդւոց և ընդ կանանց, զե-
րեսայրիս ընթրեացն և զնուէր բաժակաց
նուիրէին միանգամայն և դիցն և Մարիո-
սի, և արժանի երկուց ևս յաղթանակաց
համարէին զնա: Բայց նա ոչ յաղթանա-
կեաց միայնակ, այլ ՚ի միասին ընդ Վատ-
ղոսի. խնդրեաց պարկեշտանալ ՚ի մեծա-
մեծ նահատակութիւնսն. առ այս՝ զի և
զանգիտէր ՚ի զօրականէն նորա, որ պրն-
դէին թոյլ չտալ յաղթանակին, եթէ և
ինքնին Վատղոս բաժանորդ ոչ իցէ:

Արդ էր յայնժամ Մարիոսի ՚ի ձեռս
հիւպատոսութիւն հինգերորդ. ապա և
զվեցերորդին թեկն ածէր նա յոյժ տարվ-
մամբ, որչափ ինչ ոչ ոք հետամուտ երբէք
վասն առաջնոյն. յինքն զխուժանն յան-
կուցանէր ստասարկութեամբ, ոչ դժպա-
տեհ միայն աւագամեծար բարձին, այլ և
ընդդէմ իւրոց բարոյիցն՝ ցուցեալ զանձն
հեշտ և ժողովրդական, որ չէրն երբէք
այնպիսուսն վիճակեալ բուսոյ բարուցն:
Այլ որպէս ասեն՝ էր նա առ ՚ի կրից փա-
ռասիրութեն՝ յոյժ փոքրորդի ՚ի քաղաքա-
կանսն և ՚ի շիրթս խուժանին. և յանզար
հուրէլի ոգւոյն և յանդրդուելի հաստա-

տուլթե՛նէն որ 'ի մարտս պատերազմաց , գլխովին էր նա անբաժ յատեանս ժողովոց , ուր և զանձին ինչ լուեալ կամ գովեստ կամ պարսաւ , այլ յայլմէ լինէր : Եւ պատմեն իսկ զայս , եթէ պարզեալ նորա զքաղաքացեաց կարգ՝ հազար մարդկան Վամերինացոց , որ մեծապէս քաջութեամբ նահատակեցան 'ի մարտին . իսկ զի հակառակ էր գործն սովորութեան օրինացն , ասէր Մարիոս առ մեղադիրսն՝ եթէ 'ի շառաջիւն զինուցն ինքն ոչինչ լռէ օրինացն , սակայն առաւել զահի հարեալ է 'ի շառաջիւն աղաղակի ժողովոցն : 'ի մարտին էր նորա աւագութիւն և զօրութիւն առ 'ի հարկէն . իսկ ապա 'ի քաղաքականին վրէպ գտեալ նա 'ի նախաթոռ բարձէն՝ գնայր ապաւինէր 'ի սէր մտերմութեան խուժանին , և առ 'ի լինել մեծ՝ զանց առնէր լինել քաջալաւ : Ուստի և առհասարակ աւագորեարն դժկամակս բերէին առ նա . յորս և յաւէտ իմն զանդիտեալ նա 'ի Մետեղղոսէ՝ որում և յոյժ անշնորհակալու գտեալ էր , և գիտէր իսկ քաջ զՄետեղղոս անդատին 'ի բնութե՛նէն և յանկեղծաւոր առաքինութե՛նէն ռիւրիմ մարդելուզաց խուժանին , մենքենայէր առն տարագրութիւն 'ի քաղաքէն : Ոյր աղագաւ և սերտիւ մտերմացեալ ընդ Գլաւկեայ և ընդ Սատորնինոսի , արք ժլպիրհք և յանդգունք և յանկուցիչք աւքատաց և խազմարարաց խուժանին , զիւր օրէնան Մարիոս 'ի նոցա ձեռն գրեալ 'ի

ներքս մատուցանէր. և ածեալ ևս զգորս, կանն՝ խառնէր և զնոսս յատեանս. և այն պէս ապա զիւր կողմն յորացոյց քան զՄե տեղգոսին և կամագիւտ լինէր:

Այլ հռուափղիոս այր ճշմարտասէր և լաւ, սակայն և մասնաւոր՝ ռիսերիմ՝ Մարիոսի պատմէ, եթէ վեցերորդին եհաս Մարիոս հիւպատոսութեանն՝ բազում արծաթով կաշառեալ զցեղսն. և թէ՛ գնոց արծաթոյ նա ետ և ՚ի բաց զՄե տեղգոս մերթէլ, և հիւպատոս ընդ իւր կարգէլ զՎաղերիոս Փլակկոս. այն՝ որ պաշտօնեայ առաւել գտաւ նմա՝ քան իշխանակից: Իսկ անդ ՚ի նախնուան ումէք ամենին չետուն ՚ի ձեռս ժողովուրդք զայն չափ նուագ զհիւպատոսութիւնն, բայց Կորովնեայ Վաղերիոսի. սակայն և նորա ընդ առաջինն հիւպատոսութիւնն և ընդ վերջինն՝ ասեն՝ անցանել ՚ի վերայ ամաց քառասուն և հնգից. իսկ Մարիոս յետ առաջնոյն անց միահէտ և ընդ հինգ ևս այլ՝ վարեալ անդուլ ՚ի գեղեցիկ բախտէն:

Իայց ՚ի վերջնուան յոյժ առելի գտաւ Մարիոս՝ կուսակից և գործակից Սատորնինոսի գուլով ՚ի քարուականս նորա. յորոց և մին սպանութիւնն էր Ոնիոսի՝ զոր ինքնին խողեսողեաց Սատորնինոս, հետամուտ ընդ իւր ունելով զնա ՚ի ժողովրդապետութիւնն: Ապա կարգեալ Սատուրնինոս ժողովրդապետ, գրեաց զօրէնս վասն բաշխի գեանոց. յաւելեալ ՚ի նոյն՝ և երգումն կուէլ ծերակուաին հաստատուն

անդիմադարձ կալ յամենայն սահմանա-
դրութիւն ժողովրդեանն վասն բանին այ-
նորիկ : Իսկ Մարիոս յատենի խորհրդոյն
կեղծաւորեալ զգէմ՝ ունել մասին այնմիկ
օրինացն՝ ասէր ո՛չ հաւանել ընդ երգումնն,
և ո՛չ իմաստնոյ ումէք դարձեալ ձեռն տալ
հաւանութեան՝ ի բանին յայնմիկ . զի թէ
չար չեն օրէնքն և փաստակար, անարգու-
թիւն է ծերակուտին երգմամբ չափ կա-
պիլ ի նոյն հարկաւորեալ, և ո՛չ ինքնին
կամակար սրտիւ ընդունել զայն : Զայս
բանս ասէր Մարիոս ո՛չ յանկեղծաւոր
ինչ մտաց, այլ ի հաղբ անզերծանելի շա-
ղել զՄետեղղոս : Քանզի զստեւն առաքի-
նութիւն վարկուցեալ և ուշխմութիւն,
փոյթ չէր նմա վասն բանին զոր ասաց ի
ծերակուտին . և ճանաչելով չափ զՄե-
տեղղոս այր անդրդուելի, որ ըստ Պինդա-
րեան բանին գիտէր իսկ զճշմարտութիւնն՝
Սկիզբն մեծի առաքինութեան . խնդրէր
հնարէր ի հրաժեշտն նորա յերգմանէն՝
անհաշտ թշնամութեամբ ձգել զնա ընդ
խուժանին, որ և եղև իսկ :

Քանզի յասել անդ Մետեղղոսի՝ եթէ
ինքն երգնու ո՛չ, արձակեցաւ ատեանն .
իսկ յետ սակաւ աւուրց միւսանդամ խըմ-
բեալ Սատորնինոս զՍինկղիտոսն՝ ստիպել
յերգումն, անդր չոքաւ և Մարիոս . իբրև
ամենեքեան ի լռութիւն դարձան յերևել
նորա և յակճիոս առ նա կային, ասէր
Մարիոս՝ հրաժեշտ գլխովին տալ յառա-
ջին բանիցն՝ զոր անքննաբար մտածուիք

ասաց, զի և չէ իսկ ինքն այնչափ իմն խըստապարանոց՝ ՚ի կարևորան յամառել պընդել յոր միանգամ ասաց՝ մինչև քաջիկ տեղեկացեալ. այլ թէ՛ երգնու ինքն և հնազանդէ օրինացն՝ եթէ արգարև իցեն օրէնք: Եւ յաւել նա զայս խորագիտու թիւն, քող իմն արկանելով լըբու թեանն: Իսկ յայնժամ ժողովուրդք ցնծացեալք ընդ երգումն նորա՝ ծափս հարկանելին նմա. բայց աւագանին ՚ի խոր թաղծու թի պաշարեալք՝ խոտէին զլեղլեղուկ միտան Մարիոսի. և ապա անդ այր այր կարգաւ տային երգումն առ ահի խուժանին՝ մինչև ՚ի Մետեղղոս: Այլ նա՝ թէպէտ և բարեկամք նորա յողոք պաղատանաց անկեալ տալ զերգումն և ապրել յանագորոյն ըսպառնալեացն Սատորնինոսի, ոչինչ անկաւ բեկաւ ՚ի հաստատուն խորհրդոյն. ոչ կռեաց զերգումնն. խնդրեաց կրել բերել զամենայն կտտանս, քան ինչ մի գործել ՚ի յոռեաց. ել արտաքս յատենէն և աւեր առ որս զիւրնն կային, եթէ՛ չար գործել յինչ և իցէ օրինակ՝ միշտ վատթարու թիւն է. իսկ բարի՝ զերծ ՚ի վտանգաց, հասարակ գործ է և ռամկին. այլ բարի առնել՝ թէպէտ և վտանգ առ դուրս կայցէ, գործ է առանձին քաջի առն և արգարոյ:

Ապա Սատորնինոս վճիռ ՚ի ներքս բերէր՝ տալ հիւպատոսաց վտարանդու թիւն Մետեղղոսի, արգելուլ խափանել նմա զհուր, զջուր, և զյարկ. բայց անգանօր

խառնազանջ ռամկին սրտրաստեալ ևս էր մահ ածել առնն. իսկ արք լաւք և քաջք կարի՝ ի խոր խոցեալք և ըղձակաթք ՚ի նա, գիմեցին առ նա. նա ոչ հանդարտեալ յիւր պատճառս աղմուկ յուղել ՚ի ժողովրդեան՝ ինքնին մեկնեալ տեղի տայր ՚ի քաղաքէն, բան մի իմաստասիրեալ յոյժ հանձարեղ: Քանզի ասէր այսպէս. «Վամ իբքդ այդ ՚ի լաւագոյնս շրջեսցին և ժողովուրդք սորջասցին, և ես ինքնին դարձայց այսրէն հրաւիրեալ. կամ կաջցեն մնացեն նոյնպէս, և լաւ ևս իցէ լինել բացական »:

Այլ թէ քանի մարդասիրութեամբ և ՚ի քանիօն շուք ժողովեցաւ Մետեղոս յիւրում վարանդութեանն, և զխորդ իմաստասիրութեամբ անցոյց նա զաւուրսն ՚ի Ռոգոս, ոճով մեք արձանագրեսցուք ՚ի վարս նորա 4: Իսկ յայնժամ Մարիոս ՚ի շնորհս Սատորնինոսի կեղծաւորեալ լռէր յամենայն եղեռն նորա և ՚ի լքութիւնն. և անքննաբար գժոխլմբերելի կրիցն սատար եղեալ ոչ իմանայր, եթէ կրթեալ իսկ էր Սատորնինոսի ՚ի բռնաւորութիւն անդր ՚ի սպառսպուռ սատակումն քաղաքին: Այլ նա աւագանւոյն սպտկառ կացեալ միանգամայն և ժողովրդեանն, գործ մի գործեաց կարի անխառունակ և խորամանկեալ: Քանզի եկեալ առ նա գիշերի արք աւագք և հոյակապք գրդել զնա ընդդէմ Սատորնինոսի, ՚ի նմին սահու ՚ի տուն իւր առ ընկալաւ և զՍատոր-

նինոս՝ մուծեալ զնա ընդ այլ դուռն զան-
խուլ 'ի նոցանէն: Ապա պատճառեալ ա-
ռաջի երկոցուն կողմանցն զորովայնալոյժ
զկիրս մարմնոյն, անցանէր սենեակ 'ի սե-
նեկէ մերթ առ Սատորնինոս և մերթ առ
աւագորեարն, գրգռէր զերկոցուն կողմն
ընդդէմ միմեանց: Իսկ յետ այնորիկ յու-
զեալ ծերակուտին և ասպետացն դաշնա-
ւորաց ընդ միմեանս, և բողոք յոյժ կա-
լեալ ընդդէմ նորա, ստիպեցաւ և Մա-
րիոս խմբել զօրականս 'ի հրապարակի անդ,
և վանէր հալածէր զՍատուրնինոս և զար-
բանեակս նորա. նոքա գիմեալ ասպաւինե-
ցան 'ի Կապետողիոն. և նա անդ զնոսս
տանջէր ծարաւով հատեալ զամենայն
ջրմուղսն նորա: Ապա ոչ ևս հանգուր-
ժեալ կոչեցին զՄարիոս և 'ի նա անձնա-
տուր լինէին 'ի հաւատ դիմոտական: Նա
զամենայն հնարս հնարեցաւ ասպրեցուցա-
նել զնոսս՝ այլ 'ի զուր. քանզի անդէն 'ի
հրապարակ իջեալք՝ 'ի մահ վարեցան:

Իսկ յետ այնորիկ գժկամակս բերեալ
ընդ նա աղատանւոյն և ռամկին միանգա-
մայն, ոչինչ ժտեցաւ նա՝ որպէս կարծէրն՝
թեկն ածել զհամարակալութեան բար-
ձին. քանզի ընդ այն աւուրս 'ի վերայ
կայր ընտրութիւնն. այլ թոյլ ետ ընտրու-
թեան խոնարհագունիցն քան զինքն, զան-
գիտեալ՝ եթէ մերժեսցի. թէպէտ և ինքն
գեղեցիկ 'ի վերայ ածեալ բարուր՝ ոչ կա-
մել լինել համարակալ, զի մի թշնամի ընդ-
դէմ կքրեսցի բազմաց ոմանց՝ ճշգրտա-

գոյնս քննութեամբ 'ի վերայ կացեալ կէ-
նաց և վարուց նոցա :

Ասա խորհուրդ 'ի ներքս բերեալ 'ի
ժողովս՝ դարձուցանել 'ի վտարանդութի
զՄեռեղոս, անդ Մարիոս բանիւք և ար-
դեամբք չզօրագոյնս ընդդէմ՝ դառնայր .
այլ ամենայն ջանիցն 'ի դերևս ելեալ՝
հուսկ ասա լուէր : Իսկ իբրև մտադիւրա-
գոյնս և ժողովուրդք հաւանեցան, ոչ
հանգարտեաց նա տեսանել զդարձն Մե-
ռեղեայ, ել և նաւեաց 'ի Վասպուրական
կոյս և 'ի Գաղասիա, իբրու 'ի վերին ե-
րեսս զո՛հ կատարել Ոսկեմօր դիցն ըստ ուխ-
տին . այլ 'ի ներքոյ յայլ ինչ պատճառաց
ուղևորեցաւ նա զանխուլ 'ի ժողովրդոց :
Քանզի նորա բոյս բարուց ոչինչ 'ի ճահ
պատահեալ խաղաղութեան՝ և ոչ կիրթ
'ի քաղաքականն գոլով, իբրու որ 'ի մար-
տից և 'ի խազմից բարգաւաճ լեալ էր . առ-
այս և զմտաւ ածեալ եթէ տակաւ 'ի պա-
րսպութեան փառք աւագութեանն նորա
նուաղեացի, հնարէր խռովս հարկանել
նորս . և ակն ունէր՝ զի թէ 'ի թագաւորաց
դրդեսցէ զոք, յաւէտ իմն զՄիհրդատ՝
զհակամիտեալն թերևս 'ի մարտ, զնա կար-
գեսցեն 'ի զօրավար ընդդէմ՝ ախոյենին .
որով և նորապքանչ յաղթանակօք միւսան-
գամ լցցէ նա զքաղաքն, և զտուն իւր յա-
ւարացն Պոնտոսի և գանձուցն արքունի :
Ուստի թէպէտ և շքով ժողովեաց զնա
Միհրդատ, նա բնաւ իսկ ամենևին տեղի
չէտ նմա . այլ պարզաբար ասէր . « Կամ

գուն գործեա դու ո՞վ արքայ՝ բարգաւաճ
քան զՀռոմայեցիան լինել. կամ թէ հնա-
զանդեաց դու մնջիկ հրամանին նոցա :
Յապուշ հարաւ Միհրդատ 'ի լուր բանին.
զի թէպէտ և բազում անգամ զՀռո-
մայեցւոցն լուեալ էր զհամբաւն, այլ
յայնժամ առաջին զայս լէր աղատարե-
րան բարբառ զնոցա :

Ապա դարձ 'ի Հռոմ արարեալ Մա-
րիոսի՝ շինեաց իւր ասարանս մերձ հրա-
սարակին. կամ զի ո՞չ կամէր (որպէս ա-
սէր իսկ ինքն) վաստակաբեկ առնել ըզ-
պաշտպանաւորս իւր և զսպասարկուն
յերկայն պողոտայէ դալ առ նա. կամ զի
ակն ունէր զմերձաւորութիւն վայրացն
պատճառս ունել բազմամբոխ մարդկանն
առ դուրս իւր, զոր չէր իսկ տեսանել.
քանզի նուազեալ էր նա քան զայլն 'ի
գեղեցիկ քաղաքավարութեանն և 'ի քա-
ղաքականին. ուստի և զանց զնովառ առ-
նէին 'ի ժամանակի խաղաղութեան, իբ-
րու որ անօթ միայն պատերազմական իցէ:
Այլ Մարիոսի ո՞չ այնչափ ինչ ցաւէր յայ-
լոց անտի նկուն լինել, որչափ 'ի Սիւլ-
զայէ : Նա մեծապէս վիշտ էր նմա. որ և
բարգաւաճ լեալ իսկ էր 'ի խեթէ անտի
աւազանւոյն ընդ Մարիոսի, և որում շատ
օժանդակեցին աւագութեանն 'ի քաղա-
քին՝ կապք և գժտութիւք նորա ընդ նմա :

Իսկ յետ այնորիկ իբրև Բակքոս Նումա-
գացի նիզակակից եղեալ Հռոմայեցւոց՝
նուիրեաց 'ի Վապետոլիոն զյաղթանակին

նահատակութիւնն, առ նորօք տպաւորեաց և զՅուդութեան ինքնին՝ իբրու 'ի ձեռս տալով զնա Սիւղղայի. և էր այս ամենայն տպաւորեալ յարձանս ոսկի. յայնժամ Մարիոս առ սրտմտութեան ցամանն և 'ի վիառասիրութենէն այլ յայլմէ եղեալ՝ իբրու յինքն յափշտակել Սիւղղայի զմրցանս իւր, դուն գործէր քանդել տապալել բռնի զձօնն զայն. անդուստ և Սիւղղաս նախանձ ընդդէմ ճգնէր յոտին պահել զայնոսիկ: Եւ ասպա հերձուած ամբօխից մեծաց յուզէր անգանօր անշուշտ, թէ ոչ մարտ պատերազմի նիզակակցացն յեղակարծումն դրդուեալ՝ սանձէր զկիրան:

Քանզի ազգք Խաալիոյ յայնժամ քաջամարտիկ և բազմաժողով միահամուռ դրդեցան ընդդէմ Հռովմայ, և վայրիկ մի ևս վեր 'ի վայր առնէին զամենայնն. զի և էին իսկ նոքա ժողովուրդք հզօրք ոչ 'ի զէնս միայն և 'ի կորովութեան, այլ էին էին նոցա և զօրավարք քաջք և հմուտք՝ ճակատ ընդդէմ Հռոմայեցւոցն յարդարել: Այս մարտ պատերազմի բազմադիմակ ըստ բազմադէմ արկածիցն՝ որչափ վառաւոր յարդարեաց զՍիւղղաս, այնչափ իմն և նուազեալ զՄարիոս. որ վեհերոտ դատաւ և դանդաղ, կամ զի նորա առ 'ի ծերութենէն շիջեալ էին աշխոյժք, քան զի զվաթանամենիւք և զհնգօք անցեալ իսկ էր. կամ զի որպէս ասէր իսկ ինքն՝ խօթացեալ 'ի ջիղնն և անբաւական մարմնով, վասն համբաւոյն միայն յայնժամ զզին-

ուորու[թիւնն յանձն առեալ էր : Համայն և այնպէս՝ յաղթական ելանէր նա՛ի մեծի պատերազմին, և ոգիս վեց հազար ՚ի թշնամեացն ՚ի սուր մաշէր, և երբէք նկուն չգտաւ . այլ ցանգ ՚ի պատնէշնն ՚ի ներքս զտեղի կալեալ՝ ոչ շարժեցաւ, որչափ ինչ միանգամ այսնակատակ զնա արարեալ թշնամեացն ձայն տային նմա :

Եւ պատմեն՝ եթէ յասել առ նա Պոպղիոսի Սիլուշի առն աւագի և զօրաւորի ՚ի թշնամիսն . « Եթէ ես դու ինքնինն ո՞վ Մարիէ զօրավար մեծ, ա՞ղէ դու էջ ՚ի կռիւ մարտի » . Ետ պատասխանի Մարիոս . « Ես՝ թէ ես դու ինքնինն զօրավար մեծ, ա՞ղէ դու ստիպեա՛ զիս ՚ի կռիւ մարտի յակամայս իմ » : Եւ յայլում պահու, այն ինչ ժամ բարեպատե՛հ նահատակութեան ետուն թշնամիք, և անդուստ Հոռմայեցիք ոչինչ ժտեցան ՚ի նոսա, և երկոքին կողմանքն տեղի տուեալ դարձան ընդ կրունկն, խմբեալ նա յեկեղեցի զօրականն ասէր . « Տարակուսեալ եմ, զո՞յս անարիս առաւել կոչեցից, զթշնամիսն՝ եթէ զձեզ ինքեանս : Քանզի ոչ նորա հայել համարձակեցան ՚ի թիկունս ձեր, և ոչ դուք ինքնինն ՚ի ծոծրակ դոցա » : Եւ ապա հուսկ յետոյ հրաժեշտ տայր նա ՚ի զօրավարութենէն, քանզի և վատեալ յոյժ տեսանէր զանձն :

Իսկ իբրև իրք Խոալացւոցն տեղի տային, բազումք ՚ի քաղաքին հետամուտք լինէին ՚ի զօրավարութիւն ընդդէմ Միհրդատայ՝

'ի ձեռն հռետորաց խուժանին: Այլ անդ Սուլպիկիոս ժողովրդասպեա այր յանդուգն առաւել, 'ի մէջ անգր վարեալ ըզՄարիոս յանակնկալ՝ 'ի զօրավար մարտին հրատարակէր զնա իբրև փոխանակ հիւսաւտոսի: Յայնժամ երկփեղկեցան ժողովուրդք. մի կողմն ունէր զՄարիոսին և միւսն զՍիւղղային. և ասէին ևս առ Մարիոս յառնել գնալ 'ի ջերմուկան Բայեայ, անդ դարման մարմնոյն տանել վատելոյ՝ որպէս ասէր իսկ ինքն՝ առ 'ի ծերութենէն և 'ի հարբուղխոյն: Քանզի էր իսկ անգանոր Մարիոսի առ Միսինեաւ դաստակերտ հոյակապ և գրդալից. ուր և կարի գրգացեալ կէայր նա դժպատեհ անձինն, որ յայնչափ մարտունահատակեցաւ, և որում այնչափ զինուորութիւնք յանձն եղեն: Եւ պատմեն՝ եթէ զայն դաստակերտ գընեաց Վոունելիա եօթանասուն և հինգ հազար գրամակչոց. և յետ ոչ բազմաց՝ լեւկիոս լեւկուղղոս գնէր զայն հինգ հարիւր հազարաց և երկերիւրոց: Այնչափ իմն յանկարծակի տիրացաւ շապլութիւնն, և այնչափ արգոյք գտան գրգանք փափկութեանն:

Բայց յայնժամ Մարիոս յոյժ պատուասիրեալ՝ իբրու այն ինչ պատանի, կրթէր յաշխատութիւն զծերացեալ տիան և զվատեալ անդամսն. զօրհանասպազ յարուցեալ իջանէր 'ի բանակ անգր և հրահանգէր ընդ պատանեաց իբրև փորձ և թեթևընթաց 'ի զինաշարժսն և 'ի ձիա-

վարան . թէպէտ և 'ի տիսն յայն չէր նա
 թեթև և հիւծ , այլ թանձրամարմին և
 դանդաղ : Յայտոսիկ պարսպեալ նորա , շա-
 տից բերկրանա 'ի ներքս բերէր՝ իջանել կալ
 'ի զնին սպտուասիրութեան մրցանացն
 Մարիոսի . սակայն լաւորերոյն ցաւեր
 սանձակոտոր կիրք փառասիրութեանն . զի
 յաղքատէն նա՝ ընչաւէտ եղեալ , և 'ի փո-
 քուէն՝ մեծ յոյժ , համ երբէք չգնէր
 յաջողութեանն . և ոչ շատացեալ ե-
 րանուիչն յանդորրու վայելել յառաջի-
 կայսն , իբրև չքաւոր յամենայնէն՝ յետ
 յաղթանակացն և բազմադիմակ շքոյն ,
 այնպէս ծանրացեալ աւուրբք ձգէր անդր
 մինչև 'ի Կասպաղովկիա և յԵւքսինեանն
 Պոնտոս՝ մարտ գնել կռուել ընդ Արքե-
 ղայոսի և ընդ Նէոպոտոզումեայ նախարա-
 րացն Միհրդատայ . իսկ և բարուրն՝ զոր 'ի
 չքմեղս անձինն կարկատէր՝ 'ի զուր էր .
 քանզի ասէր անձամբ զորդեակն իւր մար-
 ղել 'ի զինուորականին ընդ իւրով ձեռամբ :

Եւ սպա յիրաց ատոի յայնժամ շը-
 ուինդն ահագին հարկանէր 'ի քաղաքին ,
 այն՝ որ 'ի վաղնջուց իսկ խօթ էր և 'ի ներ-
 քոյ իսպաւարտ եռացեալ շարաւոյ տագ-
 նապէր զնա . քանզի գործի մահահոտ քա-
 ղաքին առնոյր Մարիոս զժպիրհ յանդրդ-
 նութիւնն զՍուլպիկեայ , որ նախանձաւոր
 Սատորնինոսի յամենայն իսկ իրա՝ խոտէր
 զնա իբրև անարի յիրա քաղաքին : Ապա
 ինքն Սուլպիկիոս անդանդաղ շուրջ զիւրև
 խմբեալ վեցհարիւր յասպետաց իբրև թիկ-

նապահս, և անուն կարդացեալ նոցա՝ Գե-
րասինկղիտոսս, մինչդեռ ժողովեալ կային
հիււպատոսք՝ ՚ի վերայ անկեալ զինուք,
անդ ՚ի բուն բերեալ սպանանէր զորդին
միոյ ՚ի հիւպատոսացն՝ որ զահի հարեալ
փախչէր ՚ի հրապարակէն. իսկ և Սիւղղաս
՚ի վանել իւրում ՚ի նոցանէ՝ անցեալ առ
գրամբն Մարիոսի ճողոպրեալ անկանէր ՚ի
ներքս՝ արտաքոյ ակնկալութեանն, և հե-
տամուտքն յառաջ անցեալ գնային. և
ասէն՝ եթէ ինքնին ՚ի Մարիոսէ ածեալ
նա արտաքս ընդ այլ դուն՝ այնպէս մազա-
պուր գնայր ՚ի բանակն: Բայց ինքն Սիւղ-
ղաս յիւր Յիշատակարանսն ոչ ասէ ինք-
նին ապաստան առ Մարիոս եղեալ. այլ
թէ անդր ածաւ նա ՚ի խորհուրդ վասն ի-
րացն՝ զորոց Սուլպիկիոս խնդրէր բռնի
վճիռ հատանել նմա՝ շուրջ զնա ՚ի սու-
սերամերկիցն պատեալ և ածեալ առ Մա-
րիոս. և ապա ՚ի հրապարակ ելանէր նա,
և որպէս խնդրէինն նոքա՝ լուծանէր զա-
բաթումն:

Իբրև այս կատարեցաւ, Սուլպիկիոս
տիրացեալ ամենայնին՝ ընտրեալ կարգէր
զՄարիոս ՚ի զօրավար. նա պատրաստեալ
յարջաւանսն՝ առաքէր երկուս ՚ի հազա-
րապետաց առ Սիւղղաս, տալ նոցա ՚ի
ձեռս զօրն: Այլ Սիւղղաս յանկուցեալ
զօրն երից բիւրուց զայրուձիոյ և ոչինչ
պակաս քան զհինգ հազար հետևակաց,
առեալ խաղացուցանէր զնոսս ընդդէմ
քաղաքին. և զօրականն ՚ի վերայ գիմեալ

հազարապետացն Մարիոսի՝ անդէն գէշ արկանէին զնոսա . անդուստ և Մարիոս ՚ի հռոմ շատ զոք ՚ի բարեկամացն Սիւղղայի ՚ի մահ վարէր . և տայր քարոզ կարգալ զազատութեան ծառայիցն՝ որ խմբեսցին ընդ նոն . այլ ասէն՝ երից միայն ՚ի նոցանէ խմբել ընդ նմա : Ապա վայր մի զգէմ կալեալ և անդէն տեղի տուեալ Սիւղղայի, որ հասեալ մտանէր ՚ի քաղաք անդր , ՚ի փախուստ խուճապեցաւ Մարիոս . խակ որք զնովան էին՝ իբրև ել նա ՚ի քաղաքէն , ցանեալք ցրուեցան . խակինքն ՚ի դալ գիշերոյն՝ դնացեալ սպաստան լինէր յամարանոց մի իւր ՚ի Սողոմնիոն . և անտի արձակէր զորդի իւր ՚ի կալուածս Մուկիոսի աներոյն իւրոյ ոչինչ բացական ՚ի վայրաց անտի՝ ժողովել պատրաստել պաշար : Սակայն Մարիոս իջեալ յայնժամ յԱստիա , և անդ պատրաստեալ նաւ մի ՚ի բարեկամէն՝ անուն Նումերիոս , եմուտ ՚ի նա ոչ սպասեալ որդւոյն , առեալ ընդ իւր զԳրանիոս զուրջուն՝ անկանէր յուղի :

Խակ որդին Մարիոսի հասեալ ՚ի կալուածսն Մուկիոսի , առեալ կազմէր իրսինչ բառնալ տանել . իբրև այդ եղև՝ ոչինչ անծանօթ ՚ի թշնամեացն եղեալ , յորոց և ոմանք հեծեալք՝ կասկած առեալք յայն կողմն խաղային . անդ այլն վերակացու անդաստանացն տեսեալ ՚ի բացուստ զգալուստ նոցա , առեալ զպատանին Մարիոս գաղէր ՚ի սայլն բակլայից , և ըծեալ զեղինսն՝ այնպէս յառաջ վարէր հանդէպ

այրուձիոյն, ածեալ ընդ այն զսայնն 'ի քաղաքն կոյս: Երթեալ պատանին 'ի տուն կնոջն՝ առնոյր անտի զամենայն զպէտանն, և գիշերի իջեալ 'ի ծով և ամբարձեալ 'ի նաւ մի որ գէմ՝ եգեալ էր 'ի Լիբիա, անցանէր անգր:

Իսկ ծերն Մարիոս յաջողակ հողմով քերեալ առ ափամբն Իտալիոյ, և զանգիտեալ 'ի Գեմինիոսէ՝ այր աւագ 'ի Տերրա կինա և իւր ռիսերիս, ազգ առնէր նաւատեացն բացագոյնս գնալ 'ի վայրացն և յաջողէր. այլ յայնժամ փոխեալ հողմոյն 'ի մրրիկ մեծ, և ամբարձեալ ամեհի ալեացն, զի և ոչ լաստափայտն յամենայն կողմանց ալէկոծ՝ հանգուրժէր բռնութեանն. առայս՝ տեսեալ նաւաստեացն և զՄարիոս ինքնին վասթարեալ 'ի կիրս նողկանացն, և արկանէր նա խիտաւրաս բազում 'ի ծփաւ նաց անտի ծովուն, ճիգն թափեալ հաղիւ ուրեմն հասեալ կալան զծովափունսն մօտ 'ի Վիրկէոն: Բայց անգուլ սաստկացեալ մրրիկն, և կերակուր ևս պակասեալ նոցա, ելին 'ի ցամաքն և թափառեալ դրնային զրահեաք. իբրու որք 'ի տագնապ մեծ պաշարեալք՝ ցանգ ինդրեսցէն խոյս տալ յառաջիկայիցն իբրև 'ի վշտամբերից, և ակնկառոյցք լինիցին 'ի յոյս աներևութիցն: Ախերիս նոցա ցամաքն, ռիսերիս և ծովն ինքնին գլխովին, ահագին էր նոցա ընդ առաջեւ մարդկանն, ահագին ևս էր վրիպէլն 'ի նոցանէ՝ զի պակասեալ էին կարևորք կենացն: Ապա 'ի կարճատեւ

աւուրն հանդիպէին նոցա անդէորդք, որոց և ոչ մի ինչ էր տալ կարօտելոցն. բայց ծանուցեալ նոցա զՄարիոս, ասէին նմա խուճապէլ խոյս տալ 'ի վայրացն. իբրև վայրիկ մի յառաջ անդանօր տեսեալ իսկ էր նոցա գունդ ստուար այրուձիոյ՝ գիմեալք 'ի խնդիր նորա :

Ապա յայն գերարտօսրալից կիրս սաստիկս վարակեալ Մարիոս՝ իբրև առաւել ևս դառնայր տեսանէր զընկերան սովալլուկ նուազեալ, խոտորեցաւ յուղւոյն. և անկեալ 'ի մայրի մի խոր և թաւ, անդանօր մեծապէս տառապանօք անցուցանէր զգիշերն : Իսկ յաւուրն երկրորդի առ 'ի հարկէն մինչև նուազեալ խապառ՝ շրջէր գնայր առ ափամբն. քաջալէր 'ի ներքս մատուցանէր և ընկերացն, աղաչէր մի խապառ 'ի կորուստ համարել զանձինս, մինչև 'ի դերև ելեալ վերջին ակնկալութեանն, որում դեռ ևս ինքն սպասեալ մնայ 'ի վաղնջուց ինչ գուշակութեանցն : Քանզի մինչդեռ տակաւին պատանի կայր ինքն 'ի գեղջն, էր երբեմն զի առեալ ժողովեաց նա 'ի հանդերձ իւր բոյն մի արծուոյ անկեալ 'ի բարձանց՝ յորում կային եօթն ձաղք արծուեաց. և զայն ծնողացն տեսեալ և հիացեալ՝ հարցանէին յրդձից վասն բանին. նոքա ետուն պատասխանի՝ եթէ զաւակին նոցա հասանէ ականաւոր յոյժ լինել յամենայն մարդիկ, և հաստատութեամբ սահմանեալ է դմա եօթն անգամ ամբառնալ 'ի վեհագոյն բարձ աւադութեան :

Արդ էն՝ որք ճշմարտութեամբ ասեն զայն պատահեալ Մարիոսի. իսկ և կէսք սինդեն՝ ՚ի պահուն յայնմիկ և յայլում ևս փախստեանն պատմեալ նորա զայս, և ընկերացն հաւատացեալ՝ արձանագրել իբրև ճշմարիտ. թէսպէտ և բնաւ իսկ առանցիկ բանք, քանզի և երբէք ձուս չածէ արծուի աւելի քան զերկու. և ասեն ևս ստել Մուսէոսի յասել անդ իւրում զարծուոյ. եթէ « Երիս ածէ, և զերկուս բանայ, և զմին բուծանէ »: Այլ զիարդ և բանն իցէ, սակայն անշուշտ՝ Մարիոսի ՚ի փախստեանն և ՚ի վերջինսն ստէպ ասացեալ է, եթէ և եօթներորդին հասանէ նմա վիճակել հիւ պատոսութեանն:

Արդ քսան ասպարիսօք ՚ի բացեայ գորով նոցա ՚ի Մինտուրնայ քաղաքէ Խաւիոյ, անդուսա ՚ի հանդիպոյ տեսին գունդ ստուար այրուծիոյ գիմեալ ՚ի նոսա. և ՚ի նմին պահու դարձեալ և նաւս երկու բեռնաբարձս, որ քերեալ անցանէին առ ամամբն: Յայնժամ նոքա արագոտինք յոյժ և տագնապաւ վազս առեալք ընթանային ՚ի ծովն կոյս, և ընկեցեալ զինքեանս ՚ի ծով ՚ի լիւզ անկեալ գնային ՚ի նաւան: Գրանիոս հասեալ կալեալ զմի ՚ի նաւացն, անցանէր ՚ի կղզին ՚ի հանդիպոյ՝ որ անուանեալ կոչէր Ենարիս. իսկ Մարիոս ծանրամարմին և դժուարաշարժ յերկուց ոմանց ՚ի ծառայիցն տաժանմամբ ՚ի վեր ՚ի ծովէն առեալ ելանէր ՚ի նաւն, մինչդեռ անդ այրուծին ժամանեալ իսկ էր. հրա-

ման տային յափանց անտի նաւապետացն ունեւ զցամաք, կամ թէ զՄարիոս ինքնին ընկենուլ արտաքս, և նաւել ՚ի դէմ երգեալ տեղին:

Անդանօր Մարիոս արտասուօք յողոք անկեալ սաղատէր առ տեարս նաւուն. նոքա թէպէտ և շտապեալք տարակուսէին, և շատ ևս փոփոխեալք ՚ի խորհուրդս, ՚ի վերջէ ուրեմն պատասխանի ետուն զօրականին՝ ոչ տալ զնա ՚ի ձեռս: Իբրև նոքա ՚ի սրտմտութիւն բարկութեան բրդեալք մեկնեցան ՚ի վայրացն. դարձեալ միւսանդամ զառածեալք նաւապետացն՝ ՚ի ցամաք կոյս անգր դարձուցանէին զնան, և առ բերանովք դետոյն լիբեայ, որ անդանօր ձգեալ տարածի ՚ի ճահիճս լայնածաւալս՝ արկեալ խարխիս, յորդորէին զՄարիոս ելանել արտաքս ՚ի նաւէն և առնուլ կերակուր ՚ի ծովափունան՝ կազդուրել զվատեալ մարմինն. մինչև ՚ի սովորակի ժամուն յարիցեն հողմք՝ ՚ի նուազել ծովայնոյն, յորժամ և յաղտերաց անտի սղոխք օդոյն շնչեցեն բաւական ճանապարհին նոցա: Հաւատաց Մարիոս և անսայր յորդորակին. և արքին իսկ նաւապետքն հանեալ զնա արտաքս՝ նստուցանէին ՚ի ցամաքի ՚ի վերայ խոտոյ, և Մարիոսի երբէք ՚ի միտան չանկանէր՝ որ ինչ հանդերձեալն էր. իսկ նոքա փութապէս ամբարձեալք ՚ի նաւն և ձգեալ զխարխիսն՝ խաղային ՚ի խորս. ոչինչ արժան համարեցան տալ զՄարիոս ՚ի թշնամիս անգր, և

ոչ դարձեալ աներկեան՝ ապրեցուցանել զնա՝ ի պահուն :

Եւ այնպէս նա առհասարակ լքեալ ամայի, անդ անկեալ մնաց հարուստ ժամն ՚ի ծովափունան անմուռնչ ամենեկին : Ապա ՚ի վերջինն ոգւով չափ խրախոյս տուեալ անձին, այնպէս յուրի անկեալ վշտահար յոյժ՝ հէգ և չուառական անձն գնայր ընդ վայրան ուր և ոչ ճանապարհ ինչ երևէր . և անցեալ հատեալ ճահիճս խորս և խրամս ջրապարպատս և մեծամօրս՝ գտանէ ասպա հիւղ մի զժերունուոյ առն՝ որ անդ աշխատէր առ լճին . անկեալ առ ոտս նորա Մարիոս՝ պաղատէր ապրեցուցանել զայր մի՝ որ ՚ի մօտալուտ վտանգէն ճողոպրեալ, ունէր ասպա դարձ փոխարինի մեծապէս հատուցանել նմա արտօքոյ ակրնկալութեն : Անգանօր ծերունին կամ զի արդէն ճանաչէր զՄարիոս, կամ զի ՚ի պերճ կերպարանէն իբրև այր աւագ համարեալ զնա, զարմացեալ տայր պատասխանի . զի եթէ հանգստեան ինչ պէտք իցեն նմա, հիւղ իւր աւագիկ դուզնաբեայ բաւական արդեօք իցէ նմա . ասպա եթէ երեբեալ փախչի յերեսաց թշնամեաց, և իսկ նորա առնուլ թաքուցանել զնա ՚ի վայր մի զանխուլ և անքոյթ : Յայնժամ աղաչեալ զնա Մարիոս առնել ըստ բանին ըստ այնմիկ, առեալ զնա ծերունին ամէն ՚ի ճահիճ անդր, և տուեալ նմա կծկիլ ՚ի խորխորատ մի մօտ դետոյն, արկանէր ՚ի վերայ պուրակս պուրակս եղեգանց և փրկ-

այս և կրկուսս, զի փոքրողիք այնպէս և յանկանեւն մի ինչ շնաստեցեն նմա :

Իբրև ժամք ոչ բազում 'ի վերայ անցանէին, [Թնդիւն և տրոփիւն և աղաղակ լսեր նա 'ի տաղաւարէ անտի . քանզի Գ.ե.մենիոս արձակեալ շատ որեար 'ի Տերրակինոյ 'ի խնդիր նորա, յորոց և կէսք յառաջեալք ըստ գիպաց մինչև 'ի վայր անդր, կային և արհաւիրս ծերոյն արկանէին ձայն բարձեալ, ե[թէ [Թշնամի զոք զՀռոմայեցւոց առեալ նա [Թաքուցեալ իցէ : Իբրև զայն լուաւ, զահի հարեալ Մարիոս՝ 'ի վեր 'ի խորխորատէն վազեալ և մերկացեալ ընկենոյր զինքն 'ի լիճ անդր սկախառն և մօրուս :

Այլ ծածկեցաւ և ոչինչ 'ի խնդրակացն . անդէն տեսին զնա և այնպէս մերկ տղմաշաղախ հանին ձգեցին զնա արտաքս և ածեալ 'ի Մինտուրնա՝ ետուն 'ի ձեռս իշխանացն : Քանզի և էր իսկ քարոզ դատակնքոյն կարգացեալ յամենայն 'ի քաղաքս ընդդէմ Մարիոսի առհասարակ՝ հաւածել զնա և սպանանել ում ումէք 'ի ձեռս անկցի նա : Սակայն և իշխանացն հաճոյ [Թուեցաւ խորհել ինչ վասն բանին . առին ետուն զՄարիոս 'ի գիպահոջ 'ի տուն Փաննիայ : Եւ կարծէր իմն՝ կնոջն ոչ ինչ յայնժամ մարդասիրել առ Մարիոս առ խէթ ինչ իւր վաղնջուց ընդդէմ նորա : Քանզի այս Փաննիա հարսնացեալ Տիննիոսի, և ապա բաժանեալ յառնէն խնդրէր զօժիտն իւր բազմահարուստ . այլ

Տիննիոս ամբաստանեալ զնա իբրև շուն յատեան Մարիոսի՝ որ հիւպատոս կայր զվեցերորդ նուագն, և ՚ի քննութեանն նշաւակեալ՝ կեանս ցոփ յառաջագոյն վարել Փաննիայ, և զայն Տիննիոսի գիտելով չափ ածել զնա ՚ի կին և շատ ևս ժամանակ կեցեալ ընդ նմա, անդանօր Մարիոս զերկոցուն միանգամայն խոտեալ զկեանսն՝ դատակնիք ՚ի վերայ ածէր առն դարձուցանել զօժիտն, իսկ կնոջն՝ տուգանել պղնձիս չորս ՚ի պատուհաս վատահամբաւութեանն:

Յայսր ամենայնի վերայ Փաննիա յայն ժամ ոչինչ վարեցաւ առ Մարիոս՝ իբրև կին թշնամանեալ. այլ ընդ մարդակօք իւրովք տեսեալ զնա, և անյիշաչար եղեալ զամենայն խնամս կալաւ առ նա ըստ բաւականի ձեռինն, և քաջալեր ևս մատուցանէր նմա. և Մարիոս մեծապէս գովէր զմարդասիրութիւնն, և ասէր ևս յոյժ քաջալերեալ զանձն ՚ի տեսանել անդ իւրում նշան բարեգուշակ՝ այսպիսի: Քանզի ՚ի հասանել իւրում հանդէպ տանն Փաննիայ և ՚ի բանալ դրացն, էշ մի անդուստ ՚ի դուրս վազէր ըմպել ՚ի մօտահոս աղբերէն. և տկնկառոյց ՚ի Մարիոս եղեալ հանդարտ և զուարթագին, այնպէս նախ զկայ առեալ հանդէպ երեսացն, ասպ ձայն յստակ արձակեալ՝ քերեալ առ նովաւ կայթս դովեաց իսայտալով. յորմէ և Մարիոս ՚ի միտս եկեալ ասէր՝ ինքնին Քաջին փրկութիւն ազդել նմա քան ՚ի ցամաքէ՝

առաւել ևս 'ի ծովէ . քանզի և այն գրաստ ոչինչ միտ եղեալ կերակրոյն՝ որ 'ի ցամաքէն, գիմեալ վազեաց 'ի ջուր : Իբրև զայս բանս խօսեցաւ ընդ Փաննիայ, աղաչէր զնա փակել զգուռն տանն, և ինքն անդէն միայնակ հանդարտեալ նստէր :

Իսկ անդուստ իշխանք և ատենակալք Մինտուրնացոց 'ի խորհրդեան հաստատեցին անդանդաղ բառնալ 'ի կենաց ըզՄարիոս . այլ 'ի քաղաքայնոցն յանձն առնոյր և ոչ ոք կատարել զբանն . իսկ միոմն 'ի հեծելադորուն այր Գաղատացի կամ թէ Վիմբրացի ազգաւ (քանզի և զերկոսին ասէն պատմագիրք), առեալ զվաղակաւորն՝ մտանէ ուր կայր Մարիոս : Այլ լոյս աղօտաճաճանչ ծագեալ 'ի յարկին՝ ուր անկեալ կայր Մարիոս, անդ 'ի մթանն՝ ասէն՝ կայծակունս իմն հատանեւ յաչացն Մարիոսի, և ձայն մեծ 'ի մթանէն բարբառեւ առ զօրականն . « Գո՛ւ ինքնին, այր դու, Ժտիս սպանանեւ զԳայիոս Մարիոս » . Ընդ ձայնին 'ի փախուստ բարբարոսին խուճասպեալ՝ 'ի դուրս վազեալ 'ի յարկէն, արկեալ 'ի բաց զվաղակաւորն՝ եւ ըստ դուրս տանն . զայս միայն գոչէր . Չէ՛՛ էս Բասալան սպանանել զԳայիոս Մարիոս :

Իսկ յայնժամ առհասարակ սրկուցեալք, սպա և յախտակցութիւն շարժեալք՝ սորջանային ևս վասն դատակնքոյն տուէլոյ . ինքեանք զինքեանս դատափետ առնէին, զի յետ խորհրդոյն բան մի հաստատեցին լի՛ անիրաւութեամբ և աննուէր

ընդդէմ առն՝ որ զխտալիս փրկեաց. որում և ձեռն չտալ՝ արդեօք դժպատեհ իրք իցեն և անադորոյն կիրք. և ասէին. « Գնացէ սպա դա երեբեալ թափառական, ՚ի սահման այլ վճարել զօրհասն. իսկ մեր աւագիկ յաղերս անկեալ գիցն՝ մի պատուհաս ածել մեզ, զի այնպէս մերկ և կարօտեալ ՚ի բաց ՚ի քաղաքէս վարեմք զՄարիոս »:

Չայս ինչ ասացին և խուռն գիմեալք առ նա և շուրջ պատեալք, առեալ հանէին զնա արտաքս ՚ի տանէն՝ ածել ՚ի ծով անդր: Եւ անդ առհասարակ մտադիւրագոյնս ոմն զայս, և ոմն զայն ինչ ՚ի ներքս մատուցանէին նմա. այր զարամբ ելէալ փութացուցանէին, սակայն և դեգերեալ դանդաղէր գործն: Քանզի անտառ յաւերժահարսինն՝ որում Մարիկա անուռ կարդային, որում շուք ձօնէն նոքա և պահ մեծապէս ունին՝ զի մտեալ ինչ ՚ի ներքս յանտառն՝ մի ևս դարձցի այսրէն, քարընդոտն էր ճանապարհին՝ որ ուղիղ հանէր ՚ի ծովափն կոյս. ուստի և յերթալն՝ էր նոցա չըջանս երկայն առնուլ ընդ այլ ճանապարհ, և ՚ի վարանս մտանէին. մինչև ՚ի ծերունեաց անախ ոմն հինաւուրց ձայն բարձեալ, թէ ոչ անկոխ և ոչ անանց ինչ է ճանապարհն՝ յորժամ զՄարիոս ընդ այն ապրեցուցանել պարտ իցէ. զայս ասաց, և անդէն ինքն առաջին առեալ ՚ի կարասուոյն տանել ՚ի նաւն, անցեալ գնայր ընդ նուիրական վայրն: Եւ այնպէս մտա-

գիւր վաղվաղակի զամենայնն 'ի ներքս բերեալ առ Մարիոս, և նաւ մի ևս անդանօր տուեալ նմա Պեղէոսի ուրումն, ինքն ապա Մարիոս յետ այնորիկ տայր նկարել 'ի սինակի ճշգրիտ տպաւորեալ զայս ամենայն արկած զանձինն. և կախէր զայն 'ի ձօն 'ի մեհէնի անդ վայրացն՝ ուստի մեկնեցաւ նա յայնժամ յաջողակ գտեալ զհողմն: Անդուստ ածաւ նա ըստ գեղեցիկ բախտին 'ի կղզին Ենարիա, ուր և գտեալ ըզԳրանիոս և զայլս 'ի բարեկամացն, նաւեաց անտի 'ի Լիբիա կոյս. այլ ջուր պակասեալ նոցա՝ ստիպեցան ունել զՍիկիլիա առ ավամբքն Երիւկինեայ:

Էր անդ պատահեալ 'ի սպահանութի վայրացն այր Հռոմայեցի գանձաւոր, և վայրիկ մի ևս ձերբակալ առնէր նա զՄարիոս իջեալ 'ի ծովափն. և տպան ևս նա անդ արս իբրև վեշտասան ելեալս 'ի խնդիր ջրոյ. այլ Մարիոս մազապուր մեկնեալ 'ի վայրացն, և անցեալ զհուն զայն ծովուն և հասեալ 'ի կղզին Մինինդա, անդանօր լուր էառ զի որդի նորա ապրեալ հանդերձ Վեթեգոսիւ գիմեալ են առ Յամպասս արքայ Նոմադացւոց խնդրել օգնութիւն: Զայն լուեալ Մարիոս և վայր մի ոգի առեալ, խնդրեաց 'ի կղզւոյ անտի անցանել 'ի Կարբեգոն: Եւ զօրավարէր յայնժամ 'ի Լիբիա Սեքստիղիոս այր Հռոմայեցի, որում ո՛չ բարի և ո՛չ չար ինչ գործեալ չէր Մարիոսի. ակն կալեալ մնայր առ 'ի նմանէ օգնականութեանն 'ի վիշտ վտան

դին : Այլ անդէն յիջանեւ նորա ընդ սա-
կաւուց 'ի ծովէ զրն , ընդ առաջ նորա ե-
լեալ 'ի պաշտօնէից անտի ոմն , ասէր այս-
պէս . “ Չէ քեզ թոյլ 'ի Սէքստիղիոսէ
ն՝ Վարիէ , իջանեւ 'ի Նիբիա . սպա թէ
ոչ 'ի դործ նա զգատակնիք վարեացէ ըզ-
Սինկղիտոսին , գտեալ զքեզ իբրև թշնա-
մի հռոմայեցւոց “ : Լուեալ զայս Մարիոս ,
հեղձամղձուկ 'ի ցաւոցն և 'ի սաստիկ թաղ-
ծու թէնէն , այնպէս կարկեալ հարուստ
մի անմռունչ կայր՝ տիգօք աչաց ահագինս
ակնարկեալ 'ի պաշտօնեայ անդր : Ապա
հարցեալ պաշտօնէին՝ զինչ պատասխանի
տանեւ զօրավարին , հուսկ սպա Մարիոս
խոր յոգւոց հանեալ , ասէր . “ Պատմես-
ցես դու ուրեմն դմա , եթէ տեսեր զԳայիոս
Մարիոս վտարանդի թափառական նըս-
տեալ 'ի վերայ աւերակացն Վարբեդոնի “ :
Գեղեցիկս յօրինակ 'ի ներքս բերելով նմա
բանիւն զարկած զքաղաքին զայնորիկ և
զիւրոյ անձինն աղէտս :

Իսկ անդանօր Յամպսաս արքայ Նոմա-
դացւոց՝ յայսկոյս յայնկոյս տարաբերեալ
'ի խորհուրդս , թէպէտ և 'ի շուք պատուոյ
ունէր զպատանին Մարիոս , այլ 'ի ինդրել
նորա երբէք մեկնիլ 'ի նմանէ , ցանգ պատ-
ճառեալ արքայն արդելոյր զնա . և սպա
յայանի էր տեսանելեացն՝ զի չէր ինչ գե-
ղեցիկ այս գեգերանք նորա . բայց ինչ մի
յայնժամ 'ի սովորականացն պատահէր
պատանւոյն 'ի փրկութիւն անձին նորա :
Քանզի գեղանի գողով պատանին Մարիոս

և պերճ, անդ մի ոմն 'ի հարձից արքային սրտառուչ ախտակցէր ընդ դժպատեհ արկած բաղդին նորա . և ապա այն կարեկից կիրք սկիզբն լինէր սիրոյն և յորդիչ : Ձառաջինն մերժէր նա զկինն . այլ ապա զայլ հնարս փախստեան չգտեալ, և զի և յամենայնի կինն պարկեշտագոյնս գնայր քան զտարփայեալս ոմանս , գործի 'ի ձեռն առեալ զմտերմութիւն նորա և զզօրավիզն՝ փախուցեալ զերծանէր անտի հանդերձ բարեկամօք իւրովք, և եկեալ հասանէր ուր կայր Մարիոս : Անգանօր իբրև նոքա գիրկ ընդ խառն եղէն, և ճանապարհ արարեալ առ ծովուն՝ տեսանէին կարիճս կռուեալս ընդ միմեանս, զայն տեսիլ չար համարեցաւ Մարիոս . ուստի և փութապէս ելեալք 'ի նաւակ մի ձկնորսաց՝ որ անդ, անկան յուղի 'ի Վերկինա կղզի ոչ ինչ բացական 'ի ցամաքէն . իսկ անդէն 'ի խաղալ նոցա 'ի խորան՝ տեսանէին հեծելազօրս վազընթացս արձակեալ յարքայէն 'ի վայր անդր՝ ուստի մեկնեցանն . և զայն տագնապ վտանգին ոչինչ պակաս քան զայն ամենայն համարեցաւ Մարիոս :

Բայց 'ի հռովմ լուր հասանէր մարտի պատերազմին Սիւղլայի ընդ զօրավարան Միհրդատայ 'ի Բիովախա . սակայն 'ի հռոմ 'ի կագ ընդ միմեանս ելեալ հիւպատոսացն զինուք չափ՝ յաղթական 'ի կռուին լինէր Հոկտաւիոս, և վանէր հալածէր զՎիննաս՝ որ բռնաւորութեամբ ճոխանայր յիշխանութեանն, և փոխան հիւպատոս կացու-

ցանկեր զՎոռնեւիոս Մերոււլաս : Այլ Վիննաս զօրաժողով եղեալ յամբօխ մեծ 'ի կողմանց կողմանց Խտաւիոյ, մարտ պատերազմի յարգարէր ընդդէմ երկուց հիւպատոսացն :

Իբրև այս ամենայն ազդ լինէր Մարիոսի, լաւ համարեցաւ անդէն յառնել նաւել ճեպով . և առեալ ընդ իւր 'ի Ղիբիոյ յասպետացն Մաւրիտանացւոց, և յԽտաւացւոց անտի ևս՝ որ հասեալ էին առ նա, յուղի անկաւ՝ ընդ ամենայն ոչինչ աւելի քան զհազար : Եկեալ հասեալ 'ի Տեղամօլն Տիւրքենեայ, ետ քարոզ կարգաւ ազատութեան ծառայիցն . և անդ 'ի ծով անդրիսուռնընթաց զնովաւ եղեալ՝ ձգեալք 'ի համբաւոյ առն երկրագործ մշակք և հովիւք՝ որ ազատքն իսկ էին, և 'ի նոցանէն առոյգք նահատակեալք 'ի զինուորութիւն, այնպէս 'ի սակաւ աւուրս խմբեաց նա բազմութիւն մեծ . զի և նաւս քառասուն ելլից նա մարդկամբք : Ապա Մարիոս գիտելով չափ զհոկտաւիոս այր լաւ և առաքինի և արգարակորով յիշխանութեն . և զի՝ Վիննաս ինքնին կասկածելի է առ Սիւղլաս, և հակառակորդ՝ որ յայնժամ կարգաց վարչութեան քաղաքին, հաստատեաց 'ի միտս գնալ և ընդ Վիննասայ խմբիլ իւրովք զօրականօքն : Առաքեաց առ նա և խոստումն կռէր ընդ նմա, հնազանդ իբրև հիւպատոսի կալ նմա յամենայն հրամանս նորա :

Իսկ Վիննաս մտադիւրագոյնս ընկալեալ զնա, և փոխանակ հիւպատոսի ևս կար-

գեալ զնա, և զգաւազանսն և զայլ ևս նը-
չանակս զաւագութեանն յղեալ առ նա,
հրաժեշտ տայր Մարիոս 'ի մեծաշուք զար-
դուցն՝ իբրու դժպատեհ առաջիկայ բաղ-
դին նորա. այլ հանդերձ մի անարգ ան-
պաճոյճ՝ արկեալ զանձամբ, այնպէս եր-
կայնագէս և խռուացեալ զհերսն ունելով
յօրէ անտի փախստեան իւրոյ, յամրա-
քայլ յուշիկ զտոն յոտանէ փոխէր՝ իբ-
րու այն որ զէօթանասնամենիւք անցեալ
ուրեմն էր. ինդրէր զայնօրինակ 'ի գութ
խանդաղատանաց զտեսանելիսն շարժել:
Բայց հիքութիւն անձինն խառն 'ի տնկա-
կից վայրագութենէն, քան 'ի գութ՝ առա-
ւել ևս յարհաւիրս արկանէր. և երիթա-
ցեալ կերպարան առնն յայնժամ ոչինչ
սրտառուչ սրտաբեկ երևեցուցանէր զո-
գին նորա, նա և ևս վայրագացեալ 'ի ձա-
խողակ արկածիցն:

Ապա առեալ ժողովեալ զնա Վիննաս
և խօսեցեալ ընդ զօրականին, պատրաստե-
ցաւ նա վաղվաղակի բան 'ի գործ առնել.
և անդէն մեծապէս փոփոխէին իբբ: Քան-
զի նախ առաջին արգել նա իւրովք նա-
ւուք զանցս պաշարոցն. և աւար հարեալ
զվաճառականսն՝ տիրացաւ 'ի վերայ ամ-
բարոցն: Ապա յառաջ վարեալ նաւուք
հասանէր ունէր զքաղաքսն ծովամերձս.
և նենդաւ կալեալ և զՌատիա՝ յաւարի
առնոյր զինչս նորա և մարդիկ բազում 'ի
մահ վարէր. և կամուրջ մի ևս կապեալ 'ի
վերայ գետոյն, բնաւ խկ խցեալ կուրա-

ցուցանէր զճանապարհ սաշարոյ ամբարոցն
 'ի ծովէն առ թշնամիս անդր: Ապա անտի
 չու տուեալ բանակին խաղայր գնայր ընդ-
 դէմ քաղաքին, և հասեալ կալաւ զէառն՝
 զոր անուանեալ կարդան Եանուկլոս: Այլ
 անդուստ հոկտաւիոս այնչափ իմն
 վնասակար իրացն գտեալ՝ ոչ յանհմտու-
 թենէն միայն, այլ զի և ցանդ ճշգրտա-
 գոյնս կամէր սնդէլ յարդարութի անդր
 օրինացն, զանց զպիտանեօքն և զօգտակա-
 րօքն արարեալ, որպէս զի և բաղմաց յայն-
 ժամ թախանձ արկեալ յազատութիւն
 կարդալ զսպասաւորացն խումբ, ետ սա-
 տասխանի՝ երբէք զճառայս չառնել բա-
 ժանորդ հայրենի քաղաքին՝ յորմէ 'ի բաց
 զՄարիոս մերժէ 'ի հատատութիւն օրի-
 նացն:

Իսկ իբրև Մետեղղոս որդի Մետեղղեայ
 որ զօրավար կացեալ էր 'ի Լիբիա և վտա-
 րանդի լեալ էր 'ի Մարիոսէ, եկն եհաս
 յայնժամ 'ի հռոմ քաղաք. և երևէր ևս
 նա քան զհոկտաւիոս յաջողեալ 'ի զօրա-
 վարութե, լքեալ զօրականին այնուհետև
 զհոկտաւիոս՝ անցանէին առ նա. աղաչէին
 առնուլ զանձամբ զիշխանութին և սպրե-
 ցուցանել զքաղաքն. զի և գոյր նոցա՝ քա-
 ջտակէս մարտ գնել կուուել և զյաղթութին
 տանել, եթէ զօրավար նոցա 'ի գլուխ կաց-
 ցէ վարժ և արիական: Իսկ Մետեղղոս ընդ
 վայր զբանսն հարեալ՝ սատուիրէր ևս նո-
 ցա դառնալ առ իւրեանց հիւպատոս. այլ
 նոքա յարուցեալ չոքան և 'ի կողմն անցին

Թշնամեաց, ապա և Մեռեղղոս յայնժամ ելեալ խոյս տայր 'ի քաղաքէն՝ իբրու որ վճարեալ էր այնուհետև վասն նորա : Բայց զՀոկտաւիոս ունէին անդէն 'ի Հոռոքաղղեայք և դիւթք ոմանք և Սիբիլէանք՝ որ ամեալ հաւանեցուցանէին զնա յաջողել գործոց նորա : Քանզի Թէպէտ և էր խիւ Հոկտաւիոս 'ի մէջ ամենայն Հոռոմայեցւոց քաջուշիւմ խորհրդով և առաքինի յայն ամենայն, և մեծաշուք ևս դիտէր յարդարել զհիւպատեան ղբարձն, ոչ ինչ միտ եղեալ մարդելուզացն շողմուԹեանց, և միշտ վաղնջուց կարգացն պատկառ կայր և հայրենատուր օրինացն՝ իբրու անյեղլի սահմանաց, սակայն և 'ի գործս ժամուն մեծապէս տկարութիւն յանձին բերեալ, շատ ևս ժամանակ ծախէր ընդ շաղաւաշուրթն օրերոյն և ընդ ըզձիցն և ընդ գուշակացն, քան ընդ քաղաքագէտ արանցն և ընդ մարտիկ :

Արդ զայս Հոկտաւիոս՝ մինչև Մարիոսի մտեալ 'ի քաղաքն՝ 'ի վայր 'ի բեմէն քարշեալ ձգեալ անդէն խողխողէին, որք յառաջագոյն անդր առաքեալք էին 'ի Մարիոսէ . և ասեն՝ գտանել յետ մահուն 'ի ծոցին նորա գրապանակ քաղղէացի : Եւ այսպէս ապա նոյն բան՝ երկբանութի 'ի ներքս բերէր . քանզի գուշակութեանցն պատկառ կալ՝ յերկուց անտի զօրավարացն մեծաց՝ զՄարիոս հաստատեաց, և զՀոկտաւիոս կորոյս :

Իբրև այս եղև, 'ի խորհուրդ խմբեալ

Սինկղիստոսին՝ առաքէր գեասպանս առ Վիննասս և առ Մարիոս . աղաչէին դալ մտանել նոցա 'ի քաղաքն , և խնայել 'ի քաղաքացիսն : Յայնժամ Վիննասս 'ի լուր մատուցեալ գեասպանացն՝ բազմեալ իբրև հիւսպատոս 'ի Թիւրոտն աթոռակին , տայր պատասխանի մեծապէս մարդասիրութիւն : Իսկ Մարիոս առ երիւթոռոյն անմուռնչ կայր . սակայն և յանհամբոյր կերպարանէն անժպիտ գիմացն և 'ի խեթ հայեցուածոյն երևէր՝ իբրու իսկ և իսկ յապաժոյժ արեանց շաղէլ շաղախել զքաղաքն : Ապա յարուցեալք դէմ եղեալ զնային 'ի քաղաքն կոյս . Վիննասս մտանէր սարառեալ յիւրոց Թիկնապահացն . այլ Մարիոս զտեղի կալեալ առ դուրսն , վտարանդի ասէր զանձն հեզնելով և ցատմամբ , և յօրինացն արդէլեալ մտանել 'ի հայրենիսն . որում եթէ պէտք ինչ իւր իցէն նմա 'ի ժամուն , պարտ և արժան իցէ արդեօք՝ ասէր՝ երկրորդ վճռով զառաջինն ջնջել որով և տարագրեցան . իբրուոր ճշգրիտ աւանդապահն գողով օրինացն՝ այնպէս մտցէ 'ի քաղաքն ազատ : Ոյր ազագաւ և զժողովուրդն առեալ խմբէր 'ի հրապարակ անդր . այլ մինչև երկց կամ չորից ցեղիցն զքուէայսն արկեալ , 'ի բաց զպատրուակն մերկացեալ և զիրաւաբանութիւն վտարանդութեանն , խաղաց յառաջ՝ շուրջ Թիկնապահս ունելով այրընտիր 'ի ծառայիցն խմբելոց՝ որոց և անուն կարդայր Բարդեանս : Անդ նոքա զվաղա-

կաւորն 'ի գործ առեալ, սուր 'ի վերայ՝ կոտորէին բազում որեար 'ի ձայն հրամանին Մարիոսի, և բազում դարձեալ յակնարկի առնելն. մինչև և ՂԱնքարիոս աւագ 'ի Սինկղիտոսէն և զօրավար՝ ընդ առաջ եկեալ Մարիոսի, զի ոչ կարգաց զնա, խողխողէին առ ոտս նորա. և ապա այս անբարբառ լուռթիւն նորա և ոչ տալ ողջոյն՝ որոց մատչէինն, էր նոցա նշան 'ի մահ վարելոյ անդէն 'ի փողոցին. որպէս զի և բարեկամքն ինքնին գլխովն յայնժամ 'ի մեծ արհաւիրս մատչէին համբուրիւ ողջունել զնա :

Եւ ապա յամբաւ կոտորածէն յագեցաւ Վիննաս, այլ ոչ և Մարիոս. նա օրքան զօր ծարաւէր և ևս աննուէր 'ի սրտմտութեան իւրում. 'ի մահ վարէր առհասարակ զորոց և դուզնաքեայ ունէր կասկած : Անդանօր ամենայն ճանասպարհ և քաղաքք լի էին հետամուտ խնդրակօք փախստեայ մարդկանն և զօղելոցն. և յայն աղէտսն յայտ յանդիման երևէր՝ եթէ 'ի գէսս ձախողակս հաստատուն չեն հիւրընկալութեանն հաւատք և բարեկամութեն. իբրև նուազունք յոյժ գտան յայնժամ՝ որ չեղեն մատնտու ապաւինելոցն իւրեանց : Ոյր աղագաւ և սքանչելի յոյժ գտան 'ի ժամուն ծառայք Վորնուտոսին, որ 'ի տան զիւրեանց տէրն թաքուցեալ՝ իսկ արտաքոյ խեղդ 'ի պարանոցի հանեալ 'ի կախազան զմի ոք յամբաւից անտի խողխողելոցն, և մատանի ոսկի 'ի մատն եգեալ նորա,

ցուցանէին զնա այնպէս թիկնապահացն Մարիոսի. և ապա գեղեցիկ զարդու պաճուճեալ զգիական՝ իբրու սեպհական զերեանց տեառն՝ այնպէս առեալ թաղէին զնա. և իմացաւ և ոչ դք զբանն. և կորնուտոս այնպէս ՚ի ձեռն ծառայիցն ապրեալ՝ չոքաւ ապա ՚ի Գաղատիա :

Անդ և ինքն Մարկոս Անտոնիոս հռետորն բարւոյ գիպեալ բարեկամի, այլ ՚ի չար բախտէն ձախողակի վիճակեցաւ ելից : Քանզի առ որում փախուցեալ կայր, այր դոլով ուսմիկ և աղքատ՝ խնդրեաց ըստ բաւականի ձեռինն մեծապէս հիւրընկալու թիւն ՚ի ներքս բերել աւագամեծար հոռմայեցոյն՝ զոր ժողովեաց. առաքէր զմանուկ իւր առ պանդոկապետն որ մերձ կայր, առնուլ գինի : Իսկ մանուկն առաւել իմն խուզիւ ճաշակս առեալ զգինւոյն զոր ետ պանդոկապետն և խնդրեալ զառաւել անոյն, հարցանէր այլն՝ հիմ չառնուլ զնորն և զհասարակն (որպէս սովորն էր), և զազնիւն խնդրէ և զծանրագինն : Մանուկն անկեղծաւոր ետ պատասխանի, և անպատրուակ իբրև ծանօթի առն և ընտանւոյ ասէր, խնջոյս տալ տեառն իւրոյ Մարկոսի Անտոնիոսի՝ որ զօլեալ կայ առ նմա : Իսկ պանդոկապետն այր ամբարիշտ և չար, անդէն ՚ի մեկնել մանկանն՝ ձեպով առ Մարիոս ընթացեալ՝ մինչդեռ նա յընթրիս բազմեալ կայր, ՚ի ներքս մտեալ ասէր՝ անշուշտ զԱնտոնիոս ՚ի ձեռս տալ նմա : Եւ ասէն, ՚ի լուր բանին՝ ձայնիւ մե-

Ծաւ Մարիոսի առ խնդին ծափ զծափի հարկանեւ, և վայրիկ մի ևս յարուցեալ յընթրեացն ինքնին երթալ ուր կայր Անտոնիոս. այլ արդեւեալ 'ի բարեկամացն՝ արձակէր զԱննիոս և զօրականս ընդ նմա, սպատուէր տուեալ վաղվաղակի բերեւ առ ինքն զգլուխն Անտոնիոսի:

Հասեալ նոցա 'ի տունն՝ անդ 'ի կողմն դրանն ոտնակառէր Աննիոս, և զօրականք 'ի վեր ընդ սանդուղսն ելեալք 'ի սենեակն Անտոնիոսի և տեսեալ զնա՝ այր ընկերի իւրում սաղրէր սպանանեւ զնա, զի և ոք 'ի նոցանէն յանձն չառնոյր զբանն. այնչափ իմն էին նազաբանութիւնքն և շնորհք Անտոնիոսի՝ իբրև արդարև Յուշկասպարկի. զի և 'ի բանալ բերանոյն և աղերսել զնոսա մի յոգի հարկանեւ զնա, Ժտեցաւ և ոչ ոք ոչ հպիլ միայն 'ի նա՝ այլ և ոչ յերեսս հայիլ նորա. այլ այնպէս ակնկորեալք առհասարակ նոքա՝ յարտասուս հատանէին: Իսկ իբրև այնպէս յերկարէին իբքն, ինքնին Աննիոս ելեալ 'ի վեր՝ տեսանէ զԱնտոնիոս յատենաբանեւ, և զօրականն անդ կացեալ սպակուցեալս և ամոքս 'ի լուր բանիցն. յիչոցս նոցա տուեալ՝ ինքնին յառաջ վարեալ կտրէր 'ի բաց զգլուխն Անտոնիոսի:

Իսկ և Վատղոս Լուռատիոս՝ այն որ ընդ Մարիոսի հիւպատոս կացեալ էր և ընդ նմա 'ի վերայ Վիմբրացւոց յաղթանակեալ էր, իրազգած եղեալ՝ եթէ աղաչաւորացն վասն փրկութեան նորա ոչինչ այլ սպ-

տասխանի առնէր Մարիոս, բայց զայն՝ եթէ «Մեռանել անշուշտ պարտի», առեալ փակեաց զինքն՝ ՚ի փոքրիկ յարկ, և վառեալ ածուխ շատ՝ անդէն հեղձամբղձուկ լինէր: Իսկ զգիակունս զսպանելոցն գէշ արկեալ անդլուխ ՚ի փողոցս քաղաքին և առաթուր կոխեալ, քան ՚ի կարեկ ցուծիւն շարժել տեսանելեացն՝ առաւել ևս լի արհաւրոք էին առհասարակ զգողանի հարեալք վասն անձանց իւրեանց: Իսկ որ մեծապէս ՚ի ցասումն վառեաց զժողովուրդն, անպատկառ պագչոտել Բարդեանցն այնոցիկ. որ ՚ի տունս միեալք խողխողեալ զտանուտեարս, տառապեցուցանէին զորդիան և լլկէին զտանտիկնայն, և լրբենիք և ապերասանք յափշտակէին և յարիւն շաղախէին. մինչև Կիննաս և Սերտովրիոս միաբանեալք՝ անկեալ ՚ի վերայ նոցա ՚ի բանակին գիշերի մինչեւ ՚ի քուն կային, առհասարակ զամենեսեան ընդ սուր հանէին:

Չայսու ժամանակաւ՝ իբրու որ հողմն փոփոխեալ ահագին մրրկին՝ ՚ի կողմանց կողմանց լուրք հասին, զի Սիւղղաս զՄիհրդատեանն վճարեալ մարտ և ՚ի բուռն անդրէն զգաւառսն արկեալ ստուար զօրու գիմեալ դայ ՚ի հռոմ քաղաք: Յայսմանէ ապա վայր մի գուլ լինէր անպատում չարեացն, ժամ ՚ի ժամէ դէտակն կալեալք մարտի պատերազմի: Ապա Մարիոս կարգեալ հիւպատոս եօթներորդ անգամ, և եկեալ ՚ի հրապարակ անդր ՚ի կաղանդան

Յուևվարի 'ի սկիզբն տարւոյն, 'ի նմին իսկ առուր տայր դահավէժ խարդաւանեւ զՍեքստոս Լուկինոս: Այլ կիննատայ և Սերտովրիոսի և ողջոյն քաղաքին թուեցան այն իրք նշանակ մեծ աղէտիցն՝ որ առ դուրս հասեալ իցեն նորա:

Բայց Մարիոս վատեալ պարտասեալ յայնժամ յաշխատութեանցն, և իբրու որ յալետանջ հոգոցն ոգեսպառ և նկուն, ոչ ևս քաջալերէր յանձն իւր. զմտաւածեալ զմարտ պատերազմին որ առաջոյ, և զմտալուտ զմրցանան, և զվիշտ վտանգին, զմեծ զարհաւիրսն՝ որոց և ինքնին ճշգրիտ 'ի վերայ կացեալ էր, զդողանի հարեալ երկնէր: Եւ զայն ևս յուշ ածէր, զի ոչ ընդ հոկտաւիոսի 'ի կռիւ մատուցեալ է կամ ընդ Մերուլասայ՝ զօրավարաց խուժանի անկարգ հրոսակին, այլ որ դիմեալ դայ՝ էր ինքնին Սիւղաս. յորմէ այն ինչ վտարանդի փախեաւ 'ի հայրենեացն, և որ զՄիհրդատն գլխովն յայնժամ վանեալ յԵւքսինեանն Պոնտոս ամփոփեաց: 'Ի խորհուրդս յայս ծփեալ յուզեալ և յիշատակ ևս բերեալ զբազմաժամանակեայ աղէտիցն, և զվտարանդութեանն, և զփախրստեանն, և զվտանգացն, յորժամ այսր անդր երերեալ հալածեցաւ ընդ ծով և ընդ ցամաք, 'ի մեծ տագնապ տարակուսի անկանէր այրն. այլ և յարհաւրաց անտի գեշերայնոյն և յանրջական երազոցն խօլականաց թուէր իմն նմա զօրհանապաղ ազգեւ ուրումն, եթէ՛ Քանդի առի-ծոսն

և բացախան ելոյ՝ ահաբեի էն որչէ: Այլ քան զի նա ՚ի վեր քան զամենայն երկուցեալ զանգիտէր ՚ի տքնութենէն, բնաւ խի անկ զիտացաւ յայնժամ ՚ի գինեբրուս՝ դժպատեհ իւրում հասակին. խնդրէր օրինակ զայն՝ քուն անձին մեքենայել և յոգետանջ խորհրդոցն զերծանել:

Ապա ՚ի վերջէ հասեալ անդր ՚ի ծովէ հրեշտակ մի և համբաւ բերեալ զբանակին մօտելոյ, անդրէն միւսանդամ զահի զչողանի հարկանէր Մարիոս. և ապա կէս մի յարհաւրաց հանդերձելոցն, կէս մի խոնջ և նկուն յառաջիկայ աղէտիցն՝ այնչափ իմն վատթարեցաւ, զի և ՚ի դուզնաբեայ թափոյ անկանէր նա ՚ի խօթութի կշտացաւոցն, ըստ որում գրէ ինքնին Պոսիգոնիոս խնատասէր. այն որ ասէ՝ ՚ի տուն Մարիոսի մտեալ խօսել ընդ նմա մինչդեռ նա խօթ անկեալ կայր՝ յաղագս որոց ինքն դեսպանութեամբ եկեալ էր: Այլ Գայիոս ոմն Պիսոնի այր պատմաբան պատմէ մեզ, եթէ Մարիոս ճեմ առեալ յետ ընթրեաց ընդ բարեկամացն՝ զբանիւք անկանէր յաղագս նահատակութեանցն իւրոց և արկածիցն անդուստ ՚ի վերուստ առեալ զբանն. և յետ ոճով պատմելոյն զամենայնն գիմակ գիմակ զբարեացն և զբարեացն, յաւելոյր ասել. Չէ առն հանձարեղի՝ բաղդին այլ ևս հաւատալ զանձն: Ապա համբուրիւ գրկեալ զորս ընդ իւրն էին, և ընկողմանեալ ՚ի մահձին՝ յետ եօթն աւուրց մեռանէր:

Եւ ասեն՝ եթէ բուռն պատուասիրու-
թիւն նորա նշաւակեալ առակեր 'ի խո-
թութեանն՝ անկեալ 'ի խելացնորութիւն
ահագին . որով և զինքն գլխովին կար-
ծեալ զօրավար 'ի Միհրդատեան մարտին,
այնպէս իբրու որ 'ի կռուին ինքնին նա-
հատակել՝ որպէս սովորն էր, զազգ ազգ
չարժման զմարմնոյն յանձին բերէր, գո-
չիւն արձակեալ բարձր և ստէս ազազակ
բարձեալ զխրախուսի և զանվէհեր յաղ-
թութեանն . այնչափ իմն սաստիկ և բուռն
ցանկութիւն նահատակութեանցն այնո-
ցիկ հեղձամղձուկ առնէր զնա, վառեալ 'ի
նախանձաւոր ըղձից զօրավարութեանն :
Ուստի և կեցեալ ամն եօթանասուն, և
առաջին 'ի մարդիկ՝ ինքն կացեալ 'ի հիւ-
պատոսութեան բարձին եօթն անգամ, և
իւր տուն շինեալ և հարստութիւն ամբաւ
կուտեալ՝ բազմաց արքայից բաւական,
'ի վերայ այսր և ողբայր և գանգատէր
բախտին, իբրու որ մեռանեւ այնպէս աղ-
քատ, և մինչև 'ի գլուխ տարեալ զիղձս
փափաքանացն :

Այլազգագոյնս 'ի ներքս եբեր օրինակ
Պղատոն 'ի մերձենալ մահուն . շնորհս ու-
նէր իւրումն Քաջին և գեղեցիկ Բախտին .
մի՛ զի մարդ ծնաւ . և միւս ևս՝ զի Յոյն
ծնաւ և ոչ բարբարոս, և ոչ անբան բնու-
թեամբ ծնաւ նա պաճար . առ այստսիկ՝
զի և ժամանակակից ծնաւ ինքն Սոկրատայ :

Եւ ճշգրտեն ևս՝ եթէ և Անախպատոս
Տարսոնացի մերձ եղեալ 'ի մահ, յուչ իւր

ածեալ զամենայն բարեբաստութիւնսն , ոչ մոռանայր և զյաջողակ զիւր նաւարկութիւն 'ի տանէ յԱթէնս . իբրու շնորհս մեծ վարկուցեալ զբնաւ իսկ յաջողութիւն զգեղեցիկ բաղդին՝ ցանգ անմոռաց կալեալ 'ի դանձարանի ուշոյն , քան զոր չիք մարդոյ անդրժեւի ևս ամբարանոց 'ի պահեստ բարեացն՝ յորս վայելեաց . բայց որք անյուշքն իցեն և անհանձարք , այնպիսիք ընդ ժամանակին 'ի մոռացօնս և զամենայն բարիս իւրեանց դարձուցանեն . ուստի և ոչինչ յուշի կալեալք , իբրև միշտ անբաժք 'ի բարեաց և լի յուսովք , ակնկառոյցք դառնան 'ի հանդերձեալն և զառաջիկայէն չէ ինչ նոցա փոյթ . և թէպէտ և առաջինդ խափանեացի 'ի բախտէն , և վերջինդ անդրժեւի կայցէ , 'ի վերայ այսր՝ զառաջիկայ զբախտն նոքա յանձանց 'ի բաց վարել բնաւորեցան՝ իբրու օտարոտի իմն , և յերազացեալք անըջաբանեն զանյայտիցն հանդերձելոց . և կարի յիրաւունս պատահէ դոցա , քանզի զհետ կրթութեալք կուտել յարտաքնոցն բարեաց՝ մինչև բազմոց նոցա և հաստատութիւն գործեալ 'ի ձեռն իմաստութեան բանից և հրահանգաց , երբէք նոքա զանյադութի զողւոյն ընուլ ոչ ունին :

Արդ մեռաւ Մարիոս յեօթն և տասներորդի աւուր եօթներորդի հիւպատոսութեանն . և անդէն ցնծութիւն մեծ և քաջալերութիւն զգեցաւ Հռոմ , իբրու որ զերծ զինքն կարծեաց յաննուէր բռնա

ւորու[թե՛նէն . սակայն յետ աւուրց սա-
 կաւուց զբռնաւոր ծերն գարձաւ հայեցաւ
 փոխեալ և երկտասարգացելու աշխոյժ .
 այնչափ իմն չարաշուք և անագորոյն էին
 կիրք որդւոյ նորա սպատանւոյն Մարիոսի,
 որ 'ի մահ վարեաց լաւ և քաջ և ականա-
 ւոր մարդիկ : Սա այս՝ արիական ցուցեալ
 զանձն և գիմագրաւ նահատակ ընդդէմ
 [Թշնամեաց, զառաջինն անուն կարգային
 նմա՝ Որդի Արեսի . այլ ապա վաղվաղա-
 կի յարդեանց անտի իւրոց զհակառակն 'ի
 ներքս բերեալ, անուն կոչեցին նմա՝ Որդի
 Աստղկան : Ապա 'ի վերջէ սպտեալ սա-
 շարեալ սորա 'ի Պրենեստա 'ի Սիււղայէ,
 յետ բազում սնավատտակ հնարից փրկու-
 [Թեան անձինն՝ յառնուլ անդ քաղաքին
 անճողոպրելի գտեալ, անձին առնէր 5 :

ԾԱՆՕԹՈՒԹԻՒՆՔ

1. Ըստ որում Կասսիոս Լոնգինոս, և Աւրեղիոս, և Սկաւրոս, և Կեբիոն, և Գնէոս Մանղիոս:

2. Քանզի կարգեցաւ նա Հիւպատոս, մինչդեռ չէր և ո՛չ երեսնից ամաց. և ըստ օրինացն՝ սարտէր լինել ամաց քառասուն և երկուց:

3. Փափաքելի էր տալ Պլուտարբեայ ծանօթս մեզ յաղագս սղնձի Յլուն այնօրիկ՝ նուիրական առ բարբարոսսն: Սակայն և ուրեք երբէք չգտանի ինչ սատմութիւն վասն նորա:

4. Յանկալի էր ունել 'ի ձեռին և ըզվարսն Մետեղեայ զաւագ առն՝ արձանագրեալ 'ի ճարտար և 'ի քաջահրահանգ գրչէն Պլուտարբոսի: Սակայն և այս վարք մի է 'ի կորուսելոցն Պլուտարբեայ:

5. Մի է 'ի Զուգակշռութեանցն կորուսելոց Պլուտարբեայ՝ և Պիւռոսինն և Գայիոսի Մարիոսի: Եւ զուգակշռութիւն սոցա գտեալ յայլ թարգմանութիւնս, է Տասիէի մատենագրի Գաղղիացոյ:

ጣ ሊ በ ተ ስ ሊ ሰ ሩ ቶ ቴ ሊ ል

ደበተጥሊሃርተቡቶ

ሊ ተ ተ ሀ ሊ ሎ ጥ ሰ ቴ ሊ ል

ቴ ተ

ሀ ተ ቲ ጊ ሊ ል

ԼԻՒՍԱՆԴՐՈՍ

ԼՆԱՆԹԻԱՑԻՈՑ գանձունն 'ի Դեղ-
փիս՝ վերաառութիւն է այսպիսի . Բհ-
սիդաս եւ Անանիայի + յԱննայոց : Վասն
որոյ և զոր անդ 'ի ներքս 'ի յարկին առ
գուրսն կանգնեալ կայ՝ զքարեղէն ան-
դրին , բազումք Բրասիդեայ կարծեն լի-
նեւ . սակայն Լիւսանդրեայ է . քանզի և
ճշգրիտ 'ի դէմն բերէ զտիպ նորա զերկայ-
նագէս հերացն՝ ըստ վաղնջուց սովորու-
թեանն , և զգեղեցիկ նորա զերկայն մե-
րուացն : Քանզի ոչ (որպէս ոմանք ասեն)
եթէ յորժամ Արգոսացիք յետ մեծի հա-
րուածոյն 'ի սուգ համակեալ՝ գերծին
զհերս . իսկ անդուստ ներհակաբար Սպար-
տացիք ցնծացեալք 'ի գեղեցիկ նահատա-
կութիւնսն՝ երկայնեալ ձգեցին գէսս :
Եւ ոչ դարձեալ՝ յորժամ Բակքիագա-
ցիք փախուցեալք 'ի Վորնթոսէ 'ի Լակե-

դեմոն, հիբացեալք և անդեղէայք այն-
պէս 'ի գերծուլ գլխոց նոցա, պատուա-
սիրեցին յայնժամ Լակեդեմոնացիք գի-
սաւոր լինել: Այլ է սա մի 'ի կարգաց
անտի Լիւկուրդէայ. զորմէ պատմեն՝ ա-
սել, եթէ գէսք քաջավայելուչ ևս յար-
դարեն զգեղանիսն, և ահաւորագոյն՝ զան-
դեղէայսն:

Եւ պատմեն՝ եթէ Արիստոկղիտոս հայր
Լիւսանդրէայ չէր յարքունի տանէ, սա-
կայն զարմ ունէր զԵրակղիդէանց: Եւ
սնաւ Լիւսանդրոս յաղքատութեան. և
էր նա առաւել քան զամենեւեան աւան-
դապահ հայրենատուր կարգաց և քաջ և
կորովի. և 'ի վերոյ էր նա ամենայն բերկ-
րանաց, բայց յորոց 'ի գեղեցիկ նահատա-
կութեանցն իցեն բերկրանք և պատուոյ
շուք. քանզի 'ի Սպարտիա չէ ամօթ պա-
տանեացն այն բերկրանք: Քանզի և կամին
իսկ նոքա մանկանց իւրեանց անգաստին յա-
ռաջին տիոցն ունել կիրս զփառաց, զի
ցաւեսցի նոցա պարսաւ և անարդանք, և
ինդասցեն 'ի գովութիւնս և 'ի վեր վա-
զեսցեն քան զանձինս. իսկ որ յայտոսիկ
անզգայացեալ է, առ անարդս ունին նո-
քա զայնպիսիսն՝ իբրու որ յոյլ իցէ յա-
ռաքինութիւն անդր և պղերդ:

Ասա անդուլ այն պատուասիրութիւն
Լիւսանդրէայ վէհագոյն այլոց լինել, էր
անգաստին 'ի Լակոնացի դաստիարակութե-
անտի նորա. յորում և ոչ սողտանելի
արդեօք իցէ բոյս բարուց նորա: Սակայն

Թուի թէ առաւել իմն քան զՍպարտա-
կանն բոյս բարուց՝ էր նա սպասարկու ա-
րանց աւաղաց և նկուն ՚ի պերճանալ նո-
ցա՝ ՚ի շահ օգտի անձինն . յորում և հաս-
տատեն իսկ ումանք մասն ոչ դուզնաբեայ՝
ճշգրիտ առաքինութեան զքաղաքականին :
Իսկ Արիստոտէլ՝ ուր զաւագս ՚ի մարդկա-
նէ մեղամաղձոտս ցուցանէ ՚ի բոյս բարուցն,
որպէս զՍոկրատէս և զՊլատոն և զՀերա-
կլէս , պատմէ եթէ և ինքնին Վիսանդրոս՝
թէպէտ և ոչ անդէն՝ սակայն բարդաւա-
ճեալ ՚ի տիան , անկաւ ՚ի մեղամաղձս : Իսկ
որ ՚ի վեր քան զամենայն հրաշացոյց զնա ,
զն քաջաբար տարեալ աղքատութեանն և
երբէք յնչից չպարտեալ և կամ կաշա-
ռեալ՝ հարստութեամբ և հարստասիրու-
թեամբ ելից զհայրենիան . սակայն և չետ
հիանալ ընդ ընչեղութիւնն՝ մթերս ամ-
բաւ զոսկւոյ և զարծաթոյ կուտեալ ՚ի նա
յետ Ատտիկեան մարտին , և անձին չպա-
հեալ և ոչ դրամակշիռ մի : Առ այս՝ և
Գիոնեսիոս բռնաւոր առաքեալ առ դըս-
տերս նորա պատմութեանս սիկիլիացիս մե-
ծագնի , չէառ յանձն . ասէր զանգիտէլ՝
գուցէ ՚ի պատմութեանաց անտի անգե-
ղեայք առաւել երևեսցին դատերքն : Սա-
կայն և յետ սակաւուց ինքն դեսպան դը-
նացեալ յիւրմէ քաղաքէն առ բռնա-
ւորն , և առաքեալ նորա առ Վիսանդրոս
պատմութեանս կրկին՝ ընտրել զհաճոյն և
տանել առ դուստրն , ետ պատասխանի .
Արդեօք լաւ ևս ընտրեսցէ դուստրն . և ա-

ուեալ զերկոսին ևս միանգամայն՝ մեկնե-
ցաւ 'ի նմանէ :

Իսկ յայնժամ Պեղոսոննխեան մար-
տին յերկարաձգեալ, մինչդեռ կարծէր
իմն այնպէս՝ յետ հարուածոյն Աթենաց-
ոց 'ի Սիկիլիա՝ անդէն տարամերժեալ նո-
ցա 'ի ծովէն վայրիկ մի ևս խալառ նկուն
լինել, դարձ յայնժամ Ալկիբիադէս ա-
րարեալ յաքսորանացն և 'ի գլուխ կացեալ
յաջողեցաւ և զօրացոյց զԱթենացիսն ճա-
կատ ընդդէմ Ղակեդեմոնացւոցն յարգա-
րել 'ի նաւամարտի : Զահի հարեալ նո-
ցա և միւսանգամ գրդեալ 'ի կուխ՝ որում
քաջի զօրավարի պէտք էին և սաստիկ ևս
հանդերձանաց, առեալ արձակեցին զԼիւ-
սանդրոս 'ի զօրավարութիւն ծովուն : Հա-
սեալ նորա Եփեսոս՝ Թէպէտ և բարե-
կամ իւր գտանէր զքաղաքն և կուսակից
Ղակեդեմոնացւոցն, սակայն և ողորմ սա-
տահեալ վիճակի. և վայրիկ մի ևս 'ի բար-
բարոսութիւն կրթեալ ըստ սպարտիկ բա-
րոյիցն՝ կենցաղակից ընդ ազգին գոլով ընդ-
այնմիկ. քանզի և շուրջանակի սահմանա-
կից է Լիւդիոյ. և բազում անգամ ևս
նստոց էր Եփեսոս զօրավարաց արքային՝
ժամանակս բազումս դեղերեալ 'ի նմա :
Բայց Լիւսանդրոս բանակ հարեալ անգա-
նօր, ետ հրաման անգր գալ 'ի կողմանց
կողմանց վաճառաշահ նաւուց. և նաւա-
կայս ևս հաստատեալ 'ի նմա վասն եռա-
թիոցն, առնոյր ժողովէր 'ի նաւահան-
գիստս նորա զվաճառականն և յորդեաց

եւրից զհրապարակ նորա ձեռակերտ ճարտարութեամբք, և զտունս և զարուեստս ամենայն 'ի շահօգտից. զի և յայնց ժամանակաց հետէ այն քաղաք 'ի ձեռն Լիւսանդրեայ հանդերձեցաւ 'ի նոյն մեծութիւն հրաշակերտութեան՝ յորում այսօր տեսանեմք զնա :

Ապա լուր առեալ՝ եթէ Վիւրոս որդի արքայի եկեալ է 'ի Սարդի, չոքաւ առ նա և ամբաստան լինէր զՏիսափերնեայ. զի հրաման առեալ օգնել Լակեդէմոնացւոց և վանել զԱթենացիսն 'ի ծովէ, յուլացաւ 'ի դործն և դանդաղանօք գնաց ընդ Արկիբիադեայ. և զեան ևս ած 'ի վերայ նաւահանդիսին՝ պաշար դոյզն պատրաստելով նմա : Էր իսկ Վիւրոս ինքնին հեշտալուր յամբաստանութիւնս Տիսափերնեայ, զի այր չար էր նա, և դժկամակս բերէր ընդ նմա Վիւրոս : Արդ 'ի պատճառաց աստի և յիւրոց հրապուրիցն յինքն զորդի պատանւոյն յանկուցեալ Լիւսանդրոս և 'ի սպասարկու քաղաքավարութենէն, և ևս քաջալերէր զնա 'ի մարտն : Իսկ 'ի մեկնել 'ի նմանէ, կոչէր զնա Վիւրոս 'ի սեղանիւր, և աղաչէր մի զանց առնել զսիրոյն, այլ ազատօրէն խնդրել զոր կամի, և հաւատարմացուցանէր առնուլ. ետ պատասխանի Լիւսանդրոս. « Եւ քանզի մտերմութիւն զայդ 'ի դէմս բերես ո՛վ Վիւրոս, աղաչեմ զի նաքարակիտ մի յաւելցես 'ի ոռճիկ նաւատտեացն. զի կալցեն դոքա նաքարակիտս չորս փոխանակ երից » : Իւրն-

դացեալ Կիւրոս 'ի պատուասիրութիւն առն, տայր նմա բիւր մի Դարեհից. յորոց նա բաշխեալ նաւաստեաց նաքարակիտ մի աւելի, վայրիկ մի ևս այնուիկ թափուր կացուցանէր նա զնաւս թշնամեաց. քանզի բազումք 'ի խուժանէ նաւացն ելեալ գընային՝ առ որս աւելի տային զվարձն. և որք անդէն մնային մեծապէս դժգոմեալք և խռովայոյզք՝ զօրհանապազ վիշտս 'ի վերայ ածէին զօրավարացն: Թէպէտ և այսպէս ցանեաց ցրուեաց զթշնամիսն և վնաս հասոյց նոցա, ոչինչ համարձակեցաւ 'ի վէգ գալ առ ահին Աղկիբիադեայ. զի ձեռներէց հզօր էր նա և քաջ, և նաք բազումք ևս էին նորա. և ցայնվայր յամե նայն 'ի մարտս անպարտելի եկաց նա 'ի ծովու և 'ի ցամաքի:

Իսկ իբրև Աղկիբիադէս 'ի Սամոսէ անցեալ 'ի Փոկէա և զբանակին հոգ 'ի ձեռս տայր Անտիոքեայ ղեկավարին, սա ոտընհար եղեալ Լիւսանդրեայ, և նահատակեալ եռաթիովք երկու մինչև 'ի նաւահանգիստ անդր Եփեսացւոց, անցանէր լրբութեամբ՝ 'ի քրքիջ և յաղաղակ քերեալ առ նաւուքն որ անդ խարսխեալ կային: Սրտմտեալ Լիւսանդրեայ՝ յառաջ վարեալ նախ սակաւս յիւրոց նաւացն ըզհէտ սնդեցաւ նորա. իբրև Անտիոքոս օգնութիւն յիւրոցն դոտանէր, խաղացոյց և ինքն այլ ևս նաւս ընդդէմ նորա. և 'ի կռիւ ելեալք՝ յաղթական լինէր Լիւսանդրոս, և հասեալ կալեալ եռաթիւս հնգե-

տասան՝ նշան յաղթութեան կանգնէր 'ի ժամանակին :

Իբրև այս եղև, զբարեալ ժողովուրդք Աթենացոց՝ առնուին զգորավարութիւնն յԱզկիրիադեայ . և նա արհամարհ գտեալ առ զօրականին որ 'ի Սամոս և թշնամանեալ, խոյս տուեալ նաւեր 'ի Քերրոնիտոն : Արդ այս կուի թէպէտ և ոչինչ մեծ, սակայն զհամբաւի հարաւ առ 'ի բախտէն վասն Ազկիրիադեայ : Իսկ Լիւսանդրոս 'ի քաղաքաց քաղաքաց կոչեալ յԵփեսոս՝ որ միանգամ 'ի ռամկին արք արիականք և խորհրդականք և հանձարեղք, սերմանէր 'ի նոսա 'ի ծածուկ զսկզբունս զտասնպետութեանն և զնորութեանցն՝ զոր ապա ինքն հաստատեաց, յորդորեալ զնոսա խմբել ընկերութիւնս իմն և խորհել 'ի ձեռնարկս գործոց . իբրու եթէ նկուն զԱթենացիան արարեալ՝ ազատք այնուհետև լինիցին նոքա 'ի հպատակելոյ ռամկին և տիրացին հայրենեացն . և ամենայն բանից նորա այր այր անդ հաւատս ընծայէր յարգեանց անտի նորա : Քանզի առեալ 'ի վեր բարձրացուցանէր զբարեկամն և ըզհիւրսն և բաշխէր նոցա պատիւս և բարձս և զօրավարութիւնս . և ինքնին դարձեալ ընդ նոսա յանցաւոր և զանձն 'ի ներքս խառնէր 'ի խակութիւնան՝ որ 'ի բարգաւաճութիւն նոցա . և այնպէս առհասարակ յանկուցեալք սիրէին զնա և զօրավիգն էին, ակն կալեալ մեծամեծս 'ի գլուխ տանել ընդ ձեռամբ նորա :

Ոյր ազգաբառ և անդատին իսկ դժգրմ նեալ էին նոքա ընդ գալուստ Կալլիկրատի դէպ փոխանակ Լիւսանդրոսին 'ի զօրավարութիւն ծովուն . և ո՛չ դարձեալ յորժամ և զփորձ առին զառնն իբրև ըզլաւագունի և զարդարոյ առաւել քան զամենայն մարդ , սիրեցին ինչ նոքա զառաջնորդութիւն նորա զսարղ և զԴորեան և զանկեղծ . սակայն և հիացեալ սքանչանային ընդ առաքինութիւն առն , իբրու ընդ գեղ արձանի գրոշմելոյ 'ի տիպ դիւցազին . իսկ ըղձակաթք էին մտերմութեան սիրոյն Լիւսանդրոսայ առ բարեկամն , և խնդրէին զչա՛հ օգտին ընդ ձեռամբ նորա . որպէս զի և 'ի մտանել նորա 'ի նաւ՝ սրտաբեկ սրտառուչ յարտասուս ցնդեցան . բայց և ինքն գուն գործէր ևս քան զևս 'ի բաց 'ի Կալլիկրատիտեայ սարտուցանել զնոսա . առ այս՝ և 'ի գրամոց անտի Կիւրոսին վասն նաւաստեացն՝ անգրէն զմնացորդն դարձուցանէր 'ի Սարգի . և ասէր՝ զի թէ Կալլիկրատեայ հաճոյ իցէ՝ անդր առաքեսցէ 'ի խնդրել , և ինքնին հնարեսցի շահել զզօրականն :

Իսկ յուղի անկանել անդ իւրում վեկայութիւն զնէր առաջի Կալլիկրատի դէպ , բանակ մի աւադիկ 'ի նորա ձեռս աւանդել՝ որ տիրացեալ իսկ է ծովուն : Իսկ Կալլիկրատիդէս ընդ վայր հարեալ զխրոխտասարանձ զբանսն , ետ պատասխանի . “ Եւ առ ի՞նչ գու ո՛չ թողեալ զՍամոս 'ի ձախակողմն , և շուրջ նաւեալ 'ի

Միղետոս, անդանօր յիմ՝ ձեռս աւանդէս զէռաթիսդ. քանզի չլիք մեր արդեօք երկիւղ 'ի թշնամեացն որ անդ 'ի Սամոս՝ 'ի քերեւէլ մեր առ նոքօք, եթէ արդարև ծովուն տիրացեալ իցեմք" : Առ այս պատասխանի տուեալ Լիւսանդրոս, եթէ զօրավարութիւն նաւացն ոչ ևս է յիւր ձեռս՝ այլ 'ի նորայն, ասաց և նաւեաց 'ի Պեղոպոննիսոս. և եթող անդ զՎալլիկրատիդէս 'ի մեծ յանձկութիւն և 'ի վարանս. զի և չէր խկ նորա դրամ՝ բերեալ 'ի տանէ, և ոչ դարձեալ հանդարտէր 'ի քաղաքաց անտի պահանջել դրամս, քանզի վըշտահարս և անկաժս տեսանէր զնոսս :

Ապա յանհնարս մտեալ՝ երթեալ դէգերէր և նա առ դրունս և թախանձ արկանէր զօրավարաց արքային իբրու զԼիւսանդրոս, սակայն և չէր ինչ նա անդստին 'ի բնութենէն յաջողեալ 'ի նոյն. իբրու որ պարզ վիճակեալ բարոյից և լի ազնուական և աւագամեծար խորհրդովք, և հաստատեալ ևս էր՝ եթէ հելլենացւոց հարուածք առ 'ի հելլենացւոց՝ արդեօք վայելուչ ևս իցեն քան զսպասարկու կիրս ողորանաց 'ի դրունս խժդժիցն. որ թէպէտ և ընչիւք յօրացեալք, չունին նպա ինչ մի 'ի բարեաց : Այլ սակայն և նեղեալ 'ի չքաւորութենէն չոքաւ 'ի Լիւդիա. անդէն դէմ եղեալ 'ի տուն Կիւրոսի, ասէր առ դռնապանան ազդ առնել արքային, զի Կալլիկրատիդէս զօրավար նաւացն հելլենաց եկեալ է խօսել ընդ նմա : Ետ պա-

տասխանի մի ոմն 'ի նոցանէ, եթէ “ Այլ չէք՝ ո՞վ հիւրդ՝ այժմ՝ պարապուննս Կիւրոսի . քանզի 'ի գիներբուս կայ ” : Իսկ Կալ լիկրադիտէս պարզ մտօք ասէր այսպէս . “ Այլ չէք մնաս 'ի բանիդ . կացից ես աստ տպատեալ նմա մինչև արբցէ ” : 'Ի բանից անտի թուեալ իմն նա այր շինականն և անհրահանդ , յընչաց զնա քերեցին բարբարոսքն . և նա տեղի տուեալ մեկնեցաւ :

Ապա երկրորդ անգամ զնացեալ անդր, և ո՛չ յայնժամ մուծեալ 'ի ներքս , ցասուցեալ դարձաւ յԵփեսոս և նզովս բազում արձակէր ընդդէմ առաջնոցն , որք նկունք 'ի նախատինս բարբարոսացն՝ ոտընհարս և բարձրայօնս ուսուցին զնոսա ընչաւէտութեամբն . և երդումն կուէր՝ որոց մերձն կային , զի առաջին 'ի հասանել իւրում 'ի Սպարտիա՝ զամենայն հնարս հնարեսցի հաշտեցուցանել ընդ միմեանս զՀելլենացիս , և ահագինս ընդդէմ բարբարոսացն յարդարել զնոսա . զի դադարեսցին նոքա խնդրել զօգնութիւն նոցա ընդդէմ իւրեանց իսկ անձանց : Այլ Կալ լիկրադիտէս՝ որ միտս այսպէս յանձին բերէր արգարև արժանի Լակեդեմոնիոյ , և որ յարդարութեան մասին և 'ի մեծանձնութեան և 'ի քաջութեան մրցէր ընդ հոյակապիցն և ընդ աւագացն Հելլենացւոց , յետ սակաւուց 'ի պարտութիւն մասնեալ 'ի նաւամարտին յԱրգիննուսա , անդ անկանէր մեռեալ :

Իսկ յետ այնորիկ իբրև 'ի վատթարն

նկրտէին իրք, դեսպանս արձակեալ նիզա-
կակիցք 'ի Սպարախա խնդրէին զօրավար
զՂիւսանդրոս, և վկայութիւն դնէին ընդ
նորա ձեռամբն արիագոյնս և մտադիւրա-
գոյնս նահատակել. զնոյն և Վիւրոս առա-
քեաց և խնդրէր: Այլ քանզի յօրինացն
արդէլեալ էր՝ զիշխանութիւն զայն մի
տալ երկիցս նմին առն, և կամեցեալ ևս
Սպարտացւոցն հաճել զնիզակակիցան, զս-
նուն զօրավարի տայլին յայնժամ՝ Արակո-
սի ումեմն, և արձակեցին անգր և զՂիւ-
սանդրոս 'ի վերին երեսս իբրև փոխանակ
զօրավարի, այլ 'ի ներքոյ լի և սատարուն
զամենայն իշխանութիւն ետուն նմա: Ոյր
և գալստեանն 'ի վաղնջուց խկ անձկա-
ցեալ էին բազումք 'ի քաղաքական որե-
րոյն և յաւագացն, ակնկալեալ 'ի նորա
ձեռն զօրաւոր ևս տապալել զտէրութիւն
Ռամիին. այլ որոց միանգամ սիրելի էր
հրամանատարութիւն առաջնորդաց սարդ
և անկեղծաւոր և մեծանձնեայ, նոցուն
Ղիւսանդրոս առ Վալլիկրադիտեալ թուէր
նենգամիտ այր և խաբուսիկ. որ և շատ
ինչ 'ի մարտին միցանս՝ գունեալ դաւով 'ի
գլուխ տանէր, և զիրաւացին՝ 'ի սատաճառս
օգտին մեծացուցանէր. քանզի 'ի սկիտա-
նին և եթ ակնկառոյց էր՝ իբրև 'ի գեղե-
ցիկն և 'ի լաւն, և հաստատեալ ևս էր՝ ե-
թէ ճշմարտութիւնն ըստ բնութեան ոչ
ինչ լաւագոյն քան զտտութիւնն իցէ. այլ
զյարգ զերկաքանչիւրոցն առեալ տահմա-
նէր առ 'ի մեծաշահ օգտից նոցա. և որք

միանգամ զգաւագիր մարտն դժպատեհս
ասէին զարմին չերակլեայ, նա ծիծաղեալ
ասէր. « Քանզի ուր առիւծենին չհասա-
նէ, անգ պարտ է զաղուեսենին կարել »:

Եւ պատմեն՝ եթէ և ՚ի Միղետոս օրի-
նակ զայն վարեցաւ. քանզի իբրև ՚ի կար-
ծեացն զառածեալ բարեկամք նորա և
հիւրք՝ որոց միանգամ ինքն խոստացեալ
խակ էր զօրավիդն լինել ՚ի նուաճութիւն
ուամկին և ՚ի վանել զթշնամիսն, եկեալ
նոքա հաշտեցան ընդ նոսա, նա ինքն ՚ի
վերին երես՝ հաճ և հաւան բանին ցու-
ցանէր զանձն և զօրավիդն հաշտութեանն,
այլ ՚ի ծածուկ անդոսնէր զնոսա և թշնա-
մանէր և դրդէր ևս յառնել ընդդէմ ում-
կին. այլ ապա լուր առեալ ամբօխից շփո-
թից՝ ինքնին վաղվաղակի մտեալ ՚ի քաղաք
անդր՝ խխտ և սպառում կշտամբէր զնո-
րակրօն նորասէր մարդիկն, և սաստիկ ևս
սպառնայր պատուհաս. և զհակառակ
կողմնն քաջալերէր կալ յանդորրու և մի
ինչ զանդիտել ՚ի մերձ կալ նորա:

Չայս օրինակ կեղծաւորեալ պատրուակ
՚ի վերայ ածէր. քանզի կամէր եթէ կու-
սակիցք ուամկին և ճոխքն ՚ի նոսա մի փա-
խիցեն, այլ ՚ի քաղաքին մնացեալք ՚ի մահ
վարեցին, որպէս և եղև խակ. քանզի անգ
առհասարակ խողխողեցան՝ որ միանգամ
հաւատոս ընծայեցին նմա: Առ այս և Ան-
դրոկղիդէս աւանդէ մեզ զբան մի զՎիւ-
սանդրեայ. յորմէ և քաջայայտ խակ՝ զի
հեշտին զեղծանէր նա երդմամբքն. քան-

զի խրատէր (որպէս ասե՛ն) զմանկունս 'ի վէ-
գախաղան խաբէլ, և յերգմունս՝ զմարդիկ.
նմանեալ 'ի բանին՝ Պողեւկրատեայ Սամո-
սացւոյ, սակայն յոյժ դժպատեհս՝ ինքն զօ-
րավար՝ զնմանութիւն բերէր զբռնաւորին:
Առ այս՝ և ոչ Լակոնացւոյ առն է գնալ
այնպէս ընդ աստուածոցն՝ որպէս ընդ
Թշնամեացն, նա առաւել ևս Թշնամանօք.
քանզի մարդ որ միջնորդաւ երգմանն խա-
բէ և պատրէ, յայտ առնէ եթէ երկնչի
ուրեմն 'ի Թշնամւոյն, իսկ յաստուածոյ
ոչ, այլ և արհամարհէ ևս:

Արդ Վիւրոս առ ինքն զԼիւսանդրոս
կոչեալ 'ի Սարգի, շատ ինչ տայր նմա և
շատ ևս խոստանայր. և երիտասարդական
աշխուժիւք մտերմութիւն 'ի ներքս բերէր
նմա. և վստահ ևս առնէր՝ 'ի զլանալ նմա
հօրն՝ ինքն յիւրմէ տանէն մատուցանել
նմա. և ասէր ևս՝ եթէ 'ի նուազել ամե-
նայնին, տալ ձուլել գլխովին և զիւր գահն
զոսկւոյ և զարծաթոյ՝ յորում բազմեալ
խրաւարանէր: Իսկ 'ի մեկնել Վիւրոսի գը-
նալ առ հայրն 'ի Մարս, իշխանութիւն
տայր Լիւսանդրեայ հանել հարկս 'ի քա-
ղաքաց, և բնաւ իսկ 'ի նա զտէրութիւն
իւր ապաստան առնէր. ապա ողջագու-
րեալ զնա՝ աղաչէր մի 'ի նաւամարտ միտիլ
ընդ Աթենացւոց մինչև 'ի դարձ նորա. և
ասէր՝ դարձ առնել անդրէն բազում նա-
ուք 'ի Փիւնիկոյ և 'ի Վիլիկոյ, և անկա-
նէր յուղի:

Իսկ Լիւսանդրոս ոչինչ ձեռնհաս 'ի

նաւամարտն զուգաթիւ գումարտակօքն , դարձեալ և ոչ անդործ կամեցեալ նստել այնչափ նաւուքն՝ յառաջ վարեալ տիրէր 'ի վերայ ինչ Կղզեաց . յաւարի առնոյր զԵգիմա և զՍաղամինէ . ապա իջեալ յԱտտիկէ և անդ ողջունեալ զԱգիս (քանզի եկն էջ սա առ նա 'ի Տեկեղեայ յանդիման ցուցանել բանակի ցամաքին՝ որ անդ մերձ կայր՝ զԾովականն . իբրու որ 'ի վերայ ծովուն տիրացեալ իցէ առաւել քան ըզխորհուրդ կամացն) . ապա խուճապեալ ընդ կղզիս տեղի տայր յԱսիա յԱթենացւոցն՝ որ հետամուտն էին նորա . և անպահապան ամայի զՀելլեսպոնտոս գտեալ , խաղաց գիմեաց 'ի վերայ Լամպսակեցւոց . կռուէր 'ի ծովէն , միանգամայն և տայր Թովրակեայ անդուստ վանել հարկանել զպատուարս պարսպացն 'ի ցամաքէն . և բռնութեամբ կալեալ զքաղաքն , տայր զնա յաւար զօրականին :

Իսկ Աթենացւոց նաւատորմիւ չարիւր և ութսուն եռաթիւոց այն ինչ հասեալ յԵղէուն Քերսոնէսեան , լուր առեալ զառմանն Լամպսակեայ՝ անցեալ վաղվազակի 'ի Սեստոս և Ժողովեալ պաշար , քերեալ առ ամամբ խաղային մինչև յԵգոս գետ 'ի հանգիստոյ Թշնամեացն՝ որ դեռևս նաւակայեալ մնային առ Լամպսակեաւ : Եւ անդ բազում էին զօրավարք Աթենացւոց . էր 'ի նոսա և Փիլոկղէս , այն որ երբեմն հաւանեցոյց զԺողովուրդն տալ վճիռ կարել զաջ բուժն զգերւոյն պա-

տերազմի, զի մի ևս յաջողեացին նոքա 'ի տէգընկէցս, և միայն թիափարեցեն: Արդ յայնժամ առհասարակ 'ի հանգիստ փոխեցան նոքա, ակնկալեալք նաւամարտին յաւուրն երկրորդի: Այլ Լիւսանդրոս այլազգագոյնս խորհեալ, ետ հրամանն նաւաստեացն և ղեկավարացն կազմ և անշըշունջ կալ մնալ յեռաթիւնն հրամանինն նորա, իբրու որք անշուշտ վաղ քաջ ընդ առաւօտն խառնել 'ի մարտ. զնոյն սլատուէր հրամանի տայր և ցամաքին զօրաց լուսարձանանալ՝ կալ 'ի կարգին առ ծովափամբն:

Ապա ընդ արևածայրն յառաջ զամենայն զնաւն վարեալ Աթենացիք արձակ ճակատու՝ և ասպարէզ 'ի կռիւ կարգացեալ, անդուստ Լիւսանդրոս թէպէտ և զառաջակողմանն նաւաց դարձուցեալ իսկ էր ընդդէմ նոցա և կազմութի տուեալ նաւացն անդստին 'ի գիշերոյն, սակայն և ոչինչ խաղայր յառաջ. նա և մակոյկս ևս առեալ արձակէր առ յառաջասպահեստն՝ հրաման տայր անշարժ 'ի կարգին մնալ և մի ինչ դիմադրաւիլ: Ապա ընդ երեկս աւուրն վերջոտնեալ Աթենացոց, ոչինչ և այնպէս զզօրականն արձակէր Լիւսանդրոս 'ի նաւացն. մինչև երկու և երեք 'ի նաւակացն առաքելոց 'ի լրտես թշնամեացն՝ դարձեալ այսրէն զոյց բերեալ հաւաստի եթէ 'ի ծովեզրն իջին թշնամիք: Իսկ յաւուրն երկրորդի և երրորդի և 'ի չորրորդի դարձեալ՝ նոյն իբք այնպէս սլատահեին.

մինչև կարի իմն խրատուսեալ Աթենացւոց՝ արհամարհեւ զԹշնամեօքն, իբրու որք առ ահին այնպէս տեղի տուեալ խուռն և ամփոփ զմիամեամբ կայցեն :

Բայց յայնժամ Աղկիրիադէս՝ որ ընդ զօրականին իւրում կայր 'ի Քերրոնիսոն, եկն ձիաւորեալ 'ի բանակ անդր և մեղադիր լինէր զօրավարացն Աթենացւոց, զի չարեաւ նոքա և վտանգաւ այնպէս բանակ հարեալ կան յափունս դժուարամատոյցս և բացօթեայս. և զի՝ և մեծապէս վրիպակ գործեցին նոքա 'ի բացեայ գնալով 'ի Սեստեայ, ուստի էր ընուլ նոցա զպէտս իւրեանց. և ասէր ևս՝ Ճեպով 'ի նաւահանգիստ անդր և 'ի Սեստոս քերեւլ նոցա, և 'ի բացեայ կալ 'ի Թշնամեացն՝ որ պատրաստեալ կան անկանեւլ 'ի վերայ նոցա զօրավարեալ 'ի միապետ զօրավարէ, և որ ճշգրտագոյնս գոքա զամենայնն 'ի գլուխ տարցեն անվրէպ 'ի տալ նշանի : Սակայն ոչ լուան նոքա բանիցն նորա. և անդ Տիւղևս Թշնամանօք ևս առնէր պատասխանի, եթէ արդ այլք ոմանք զօրավարեն բանակին, և ոչ Աղկիրիադէս : Ապա խիթացեալ Աղկիրիադէս ընդ մասնութիւն ինչ առ 'ի նոցանէ, մեկնեցաւ 'ի բաց :

Իսկ յաւուրն հինգերորդի յառաջ իսաղացեալ Աթենացւոց և անդրէն վերջոտնեալք ըստ ովորութեանն, և անփոյթք ամենեկին արհամարհեալ զլակեղեմոնացւովքն, անդ լիւսանգրոս արձակէր զհետ նոցա զնաւակսն՝ պատուէր տուեալ նա.

ւապէտացն արագ արագ դառնալ յետս՝
 լրտեսեալ զէջս Աթենացոց 'ի ցամաք
 անդր, և 'ի հասարակ ուղւոյն ամբառնալ
 նշան յառաջակողմանէն վահան պղնձի՝ զի
 յառաջ ինքն զնաւատորմիդն վարեացէ .
 ետ զպատուէրն, և ինքն ընթացեալ նա-
 լաւն յայսկոյս յայնկոյս ձեպէր զղեկա-
 վարսն և զնաւապետ իշխանսն, կազմ ու-
 նել զամենայնն 'ի դեղէցիկ կարգին, և 'ի
 տալ նշանին՝ կամակարութեամբ յարձա-
 կել ընդդէմ թշնամեացն : Իբրև 'ի նաւա-
 կաց անտի ամբարձաւ վահանն, Ղիւսան-
 գրոս յաւագ նաւէն նշան տուեալ 'ի ձայն
 փողոյ, յառաջ ամենայն նաւքն խաղային .
 միանդամայն և անդուստ 'ի ցամաքէն զօ-
 րականք յարձակեցան 'ի ծովափն 'ի հը-
 րուանդան անդր : Իսկ անդանօր անջրպետ
 երկուց ցամաքացն է հնդէտասան ասպա-
 թիսաց . և անդէն փոյթ ընդ փոյթ 'ի ժի-
 րաթիր քաջութեան թիավարացն հատեալ
 անցանէին զվայրն : Բայց Կոնոն զօրավար
 Աթենացոց առաջին յափանց անտի տե-
 սեալ զյարձակումն նաւաց՝ խուճապե-
 ցաւ . ձայն բարձեալ աղաղակէր առ իւրսն
 ամբառնալ յեռաթիսն, և մեծապէս տագ-
 նապեալ այրն 'ի մօտալուտ չարեացն, ըզ-
 կէսս գոչէր կարգայր, և զկէսս ողորէր, և
 զկէսս դարձեալ բուռն և սաստիկ ստիպէր
 ելանել 'ի նաւան, սակայն և սնավաստակ .
 քանզի առհասարակ նոքա այսր անդր ցա-
 նեալ ցրուեալք 'ի ցամաքին՝ իբրու որք
 ակն ինչ չուռնէին հրոսակին այնմիկ, սփռե-

ցան դեգերել ընդ հրապարակս, և թափառել ընդ դաւառն, և հանդէսել 'ի վերանս, և պատրաստել ճաշս. և բնաւ իսկ յանհմտութենէ անախ զօրավարացն ոչ պատրաստեցան նոքա՝ որ յառաջոյ :

Եւ այնպէս 'ի վերայ անկեալ նոցա Լակեդեմոնացւոցն ձայնիւ մեծաւ և սաստիկ թափով, անդանօր Կոնովն մագապուր ճողոպրէր հանդերձ ութ նաւուք փախըստեայ 'ի Կիպրոս առ Եւագորաս : Իսկ Պեղոպոննիսացիք 'ի վերայ անկեալ այլոց նաւաց, հասեալ կալան զամայիսն, և հարեալ ջաղխէին՝ յորս միանգամ ամբառնալ ճգնէին Աթենացիք. և դիտապաստ առ նաւուքն անկանէին զօրականք՝ որք անզէնք և անկարգ ամբոխիւ գիմեցին յօգնութիւն նոցա. իսկ փախստեայքն ընդ ցամաք տապաստ անկան 'ի թշնամեացն՝ որ իջին 'ի ծովեզրն : Ապա Լիւսանդրոս 'ի գերութիւն վարեալ ոգիս երիս հազար հանդերձ զօրավարօքն, կալաւ միանգամայն զամենայն զնաւան՝ բայց 'ի նաւէն առ նուն Պարալոս և բայց յորոց փախեան ընդ Կոնովնի : Եւ յաւարի զբանակն հարեալ և զհետ իւր աղխաղխեալ զնաւան՝ այնպէս դարձ առնէ 'ի Լամպսակոն 'ի ձայն սրնգի և յերգս յաղթական նուագաց. և այնպէս հեշաին 'ի գլուխ տարեալ նահատակութիւն մեծ, և 'ի մի ժամ ժողովեալ զերկայնադոյն ժամանակն և զբազմաղխմակ և 'ի վեր քան զմիտս լին արկածիւք յառաջինան, և ապա յետ բիւրուց փոփոխու-

Թեանց մարտկացն և մարտիցն և յէտ անկանեւոյ զօրավարաց բազմաց՝ որչափ ինչ ո՛չ անկան յառաջին ՚ի մարտան Ելլադայ, ապա ՚ի գլուխ ելանէր ՚ի գեղեցիկ հրմտու թենէ միոյ առն. ոյր աղագաւ և կէսք առ տուածեան իմն կարծեցին զերացն պատահումն : Ինն էին և որք ասէին՝ ՚ի խաղալ անդ Լիւսանդրեայ ՚ի նաւահանգստէն, Գիոսկուրեայցն յայնժամ փայլատակեալ երևել իւրեանց աստեղքն աստի և անտի նաւուն նորա առ զեկօքն : Եւ կէսք դարձեալ՝ որ ասէն եթէ և վէմն ինքնին վայր անկեալ յայնժամ՝ նշանակ լեալ իցէ հարուածոյն այնմիկ : Քանզի վայրանկեալ հոսեցաւ յայնժամ (որպէս բազմաց կարծիք եղեն) յերկնից անտի վէմ ահագին ՚ի յԵգոս գետ. զոր և ցայսօր ցուցանեն Քերրոնիսացիք, զոր և պատուեն նոքա :

Բայց պատմեն՝ նախապատուա՛ լինել Անաքսագորասայ, եթէ ՚ի մարմնոց անտի առկայացելոց յերկինս՝ հատոր մի ՚ի վայր հոսել հանդերձեալ իցէ ՚ի ցնցմանէ իմեմնէ կամ ՚ի ծփանաց. քանզի և ասէր իսկ Անաքսագորաս՝ եթէ յատուղաց անտի և ո՛չ մին չէ այժմ ՚ի կայանին՝ յորում յառաջագոյն հաստեցաւ. և թէ՛ հատուցան նոքա ՚ի քարեղէն նիւթոյ և ՚ի թանձր. և զի՛ փայլատակեն նոքա ՚ի ցոլացմանէ անտի և ՚ի բեկմանէ եթերին. և զի՛ բռնաբար նոքա ձգեալ արգելան անդ ՚ի բարձունս յուժգին թափոյ պտուտիցն. ըստ որում և ՚ի սկզբան անդ արգելան նոքա

վայրանկանեւ, յորժամ նիւթք ցրտինք և ծանուճք զատան 'ի բողորէն : Այլ հաւա նական ևս քան զայդ իցէ արդեօք կարծեւն ոմանց, եթէ աստեղքդ պարայածեալք՝ չեն ինչ հետք և քերածք եթերական հրոյն, որ յօգսդ այն ինչ վառեալ և շիջանիցի . և ոչ դարձեալ բորբոքումն ինչ օդոցդ՝ որ առ զեղման նիւթոցդ ցատեսցէ և սլասցի 'ի վերին դաւառն . այլ են նոքա հոսումն և անկումն երկնաւոր մարմնոցն, որք իբրև 'ի մեզկէլոյ ուժոյ պտուտիցն՝ 'ի ցնցմանէ իմեմնէ 'ի վայր հոսեն ոչ միշտ 'ի շէն երկիր, այլ բազում անգամ արտաքոյ նորա 'ի լայնածաւալ ծովդ . ուստի և անծանօթ մնան մեզ : Բայց Անաքսագորայ վկայէ և Գամակոս, որ յիւրում մատենին յաղագս Բարեսպա տութեան՝ պատմէ, եթէ մինչև վայրանկեալ վիմին այնորիկ՝ երևէր յերկինս անդու զաւուրս եօթանասուն և հինգ հրեղէն մարմին ահագին՝ իբրու ամբ բոցատիպ՝ ոչ ինչ ետեղակալ, այլ այսր անգր գնայուն յեւ և էջս իմն ընդհատ բուռն շարժմանց . զի և մասունք հրատիպք նիւթոյն որ 'ի ծփանաց անտի և յանկարդ դարձագարձից հերձատէր, 'ի կողմանս կողմանս յածեալք թափառէին փայլատակեալք՝ իբրև գահավիժեալ աստեղքդ : Իսկ իբրև այն մարմին 'ի վայր հոսէր, և 'ի տեղի տալ երկիւղի սքանչելեացն՝ յայն վայր դիմեցին դաւառուացիքն, ոչ ինչ անդ գասնէին հուր, և ոչ հետս ինչ զմեծի բոցոյն այնու-

րիկ, այլ տեսին անդանօր վայրանկեալ վէմ ահագին, սակայն և ոչինչ ամենևին համեմատեալ մեծութեան հրատիպ պարունակին:

Այլ անշուշտ Դամակոսին աստանօր բարեմոյն և ներողամիտ ունկնդրաց սէտք իցեն: Ապա եթէ ճշմարիտ իցէ պատմութիւնդ, իբրև սուտք ապա նշաւակեսցին նոքա՝ որ հաստատեն եթէ 'ի բարձանց ինչ լերանց կորզեալ վէմդ այդ՝ 'ի բունութենէ հողմոց և մրրկաց նախ 'ի վեր առեալ փոթորկեալ յօդոդ, և ապա թողացեալ թափոյն՝ վայրանկեալ հոսէր. զի այդպէս՝ օն և օն ուրեմն երևեալն յայնժամ զաւուրս բազումն չիցէ հուր ճշմարիտ. և 'ի շիջանել և յանհետանալն՝ ոչինչ յուզեալ իցեն օդքդ, և բուռն հողմով և մրրկաւ աստ 'ի խոնարհ ձգեալ զվէմդ: Սակայն և զննութիւն բանիդ՝ այլում մատենագրութեան թող լի է:

Իսկ իբրև դատակնիք մահու երից հազարաց գերւոյն Աթենացւոց դայր 'ի ժողովոյն, Լիւսանդրոս կոչեալ զառաջեաւ զՓիլոկղէս զօրավար Աթենացւոց, հարցանէր՝ յինչ պատուհաս դատապարտել նմա անձամբ զանձն՝ զի խորհուրդ էտ նա իւրոց քաղաքացեացն զնոյն դատակնիք ընդդէմ այլոցն հելենացւոց. իսկ Փիլոկղէս ոչինչ սրտաբեկ յառաջիկայ կիրսն, էտ պատասխանի. Մի ամբաստան լինել զարանցն՝ որոց չիք դատաւոր 'ի միջի. այլ թէ գոլով նա յաղթական՝ կատարեսցէ զոր

միանգամ կրեւ հանդերձեալ էր՝ 'ի յաղ-
թիլ իւրում: Ասաց, և լուացեալ և ար-
կեալ զանձամբ քղամիգ շքեղ, այնպէս
գնայր յառաջոյ իւրոց Աթենացւոցն 'ի
տեղի պատուհասին, որպէս պատմէ Թէո-
փրաստոս:

Յետ այնորիկ նաւեալ Լիւսանդրոս 'ի
քաղաքս, հրաման տայր որոց միանգամ
պատահէր յԱթենացւոց անտի, տեղի
տալ և դնալ յԱթէնս. իբրու ոչ ներել
արտաքոյ գտեալ զնոսա: Այսպէս առհա-
սարակ վարէր 'ի քաղաք անդր. խնդրէր
սովալ լուկ տառասպանս արագ արագ ածել
'ի վերայ քաղաքին. զի մի յամբարսն յու-
տացեալք՝ հանդարտեցեն պաշարմանն, և
մինչև անձնատուրք լեալ աշխատութիւն
հասուցեն: Ապա զուսկապետութիւնս 'ի
միջոյ բարձեալ և զայլ ևս վարչութիւնս
զքաղաքաց, թողոյր յամենայն 'ի քա-
ղաքսն քաղաքապետ մի Լակեդեմոնացի և
և տասն և իշխանս այրընտիր ընկերու-
թեանցն՝ զոր 'ի նոսա հաստատեալ էր. և
զայս գործեալ նորա 'ի թշնամեացն քա-
ղաքս և 'ի դաշնաւորացն, տակաւ յառաջ
վարէր՝ իբրև տիրանալ ողջոյն Ելլադայ:
Քանզի ոչ ըստ կամաց աւագորերոյն և ճո-
խիցն կարգէր նա զիշխանսն, այլ ըստ կամի
նոցուն ընկերութեանցն և հիւրոցն իւրոց,
սպաստան 'ի նոսա առնելով զհոգս իրացն
և իշխանութիւն նոցա տալով բարձից և
պատուհասից: Ապա և ինքն խառն 'ի սպա-
նութիւնս բազումս և գործակից 'ի վանեւ

զ[թշնամիս բարեկամացն, տայր Հեւլենաց-
 ւոց ճաշակս ճաշակել զգժսլնի իշխանու-
 թեանն Լակեդեմոնացւոց: Եւ թուի թէ
 թէսպոմսոս Կատակերգակ անհանձա-
 բարբար նմանեցուցանէ զԼակեդեմոնացիս
 վանատուր կանանցն, զի յետ ճաշակս տա-
 լոյ Հեւլենացւոց զհամեղաճաշակ ըմպել-
 ւոյն զազատութեանն, ապա քացախ մա-
 առուակէին յարբումն: Քանզի ներհակա-
 բար նոքա անդէն 'ի սկզբանն ետուն ճա-
 շակել զգառնն. զի և ոչ զիրան ապաստան
 առնէր Լիւսանդրոս յիշխանութիւն ժո-
 ղովրդոցն, այլ 'ի ձեռս սակաւուց ժպիրհ
 արանց և խազմարարաց տայր զքաղաքն:
 Եւ ոչ շատ ինչ ժամանակ ծախեալ յայ-
 սոսիկ, և կանուխ տուեալ 'ի Լակեդեմո-
 նիա լուր զլուոյն իւրոյ հանդերձ երկե-
 ըիւր նաւուք, ապա մօտ յԱտտիկէ դայր
 միանայր ընդ արքայիցն Ագիսայ և Պաւսա-
 նիայ, իբրու իսկ և իսկ հասանել ունել
 զքաղաքն:

Բայց քաջութեամբ զգէմ կալեալ Ա-
 թենացւոցն, անդրէն միւսանդամ անցա-
 նէր նաւուքն յԱսիա, և տապալէր նոյն-
 պէս առհասարակ յամենայն քաղաքն
 զազգ ազգ վարչութեանց քաղաքաց. և
 հաստատէր զտասնպետութիւնն՝ 'ի մահ
 վարեալ և վտարանդի արարեալ զբազումն:
 Եւ 'ի բաց հանեալ զամենայն բնակիչսն
 Սամոսի, աայր զքաղաքն 'ի ձեռս վտա-
 րանդեւոցն. և հանեալ զլլեատոս 'ի ձե-
 ուաց Աթենացւոց, չթողոյր և անդ զբնա-

կանոնող բնակիչն, այլ իւրոց ղեկավարացն և հրամանատարացն տայր զքաղաքն և զքաշի գեանոյն : Եւ ապա այս առաջին գործ նորա, որում զգէմ դարձան Լակեդեմոնացիք և դարձուցին զՍեստայիս 'ի գաւառն իւրեանց : Բայց որ 'ի նահատակութեանց անտի Լիւսանդրեայ հաճոյական գտան առհասարակ հեղինացւոց, զինդրէն միւսանգամ յետ յամայր Ժամանակաց ետ նա Եգինացւոցն ունել զքաղաքն իւրեանց . և Մեղիացւոց և Սկիոնացւոց հաստատել միւսանգամ 'ի կայս իւրեանց, վանեալ անտի զԱթենացիսն և ստիպեալ զնոսա դարձուցանել առ տեարս զքաղաքսն :

Ապա լուր առեալ Լիւսանդրոս՝ զի Աթենացիք 'ի տառապանս սովու պաշարեալ կան, ճեպով նաւեալ 'ի Պիրէոս՝ 'ի նեղ արկանէր զքաղաքն անձնատուր լինել պայմանօք դաշանց ըստ իւրոց կամացն : Եւ եթէ Լակեդեմոնացւոց լսեմք, նոքա ասեն՝ գրել Լիւսանդրեայ առ Պարէոս այսչափ ինչ. “ Առաւ աթէնք ” . և Պարետացն պատասխանի գրել առ նա, եթէ “ Շատ է առնուլն ” : Սակայն հիւսուածոյ է բանն՝ առ 'ի գեղեցիկ պատրուակ ամել իրացն : Բայց ճշգրիտ սահման Պարետացն էր այսպիսի : “ Այս է վճիռ սահմանին իշխանացն Լակեդեմոնացւոց : Հիմն 'ի վերքանդեսցես զՊիրէոս և զերկայնաձիգ ըզպատուարսն : Արտաքս ելցես յայլ ամենայն քաղաքաց, և զտեղի կալցես 'ի սեպ-

հական դաւառի: Զայս արարեալ՝ կալցես խաղաղութիւն, տացես զպիտոյն, և թոյլ տացես դարձի փախստելիցն: Իսկ յաղաքս բազմութեան նաւայն, կալցես զբռամբ որչափ արժան իցէ: Եւ հաւանեցան Աթենացիք ընդ արձանագրութիւն սահմանին խորհրդոյն Թերամենեայ որդւոյն Անկոնեայ: Եւ ասեն՝ եթէ հարցեալ յայնժամ Լիւսանդրոս ՚ի հռետորէ ումեմնէ պատանւոյ՝ անուն Կղէոմենէս, զիսորդ իշխել Լիւսանդրեայ առնել և ասել իրս իմն հակառակ Թեմիստոկղեայ՝ թոյլ տուեալ Լակեդեմոնացւոց տասպալել ըզպատուարսն, զոր կանգնեաց նա ընդդէմ նոցա. ետ պատասխանի Լիւսանդրոս.

“ Այլ ես ինքնին ո՛վ սրտանի դու, ոչ ընդդէմ ինչ գործեմ Թեմիստոկղեայ. զի զայդ սրտուարսդ կանգնեաց նա ՚ի փրկութիւն քաղաքացեացն, և մեք դարձեալ ՚ի փրկութիւն նոցա տասպալեմք զդա: Ապա եթէ պատուարքդ ինքնին յերջանութիւն իցեն քաղաքաց, էր արդեօք անսարխսպն Սպարտիոյ հէզ և թշուառական լինել քան զամենայն քաղաքս “:

Ապա Լիւսանդրոս զբռամբ կալեալ զամենայն զնաւան՝ բայց յերկոտասանից, և տիրացեալ սարսպացն Աթենացւոց ՚ի վեշտասաներորդի աւուր Մունիքիոն ամսոյն (յորում աւուր նոքա յաւաջն վանեցին զբարբարոսս ՚ի նաւամարտին Սաղամինոյ), անդէն խորհուրդ հաստատէր փոխել շքրջել և անդ զքաղաքին կարդ: Այլ մեծա-

պէս դժգոհնեալ Աթենացւոց ընդ բանն և զգէմ դարձեալ, առաքեաց նա առ ժողովուրդն և ասէր, եթէ դրժեալ քաղաքին սրայմանաց դաշինն՝ կանդուն առադիկ գեռևս կան սրատուարքդ, թէպէտ և ժամանակեալ առուրքդ անցեալ իցեն. ոյր աղագաւ և ինքն յատենի ժողովոյ այլ խորհուրդ հաստատեսցէ վասն նոցա, զի լուծին նոքա զդաշնն: Եւ ասեն ոմանք՝ եթէ յատեան ժողովոյ նիզակահցացն յայն ժամ խորհուրդ կալան՝ առհասարակ զԱթենացիսն գերի վարել սրատերազմի. և ասեն ևս՝ եթէ յայնժամ և Թեբայեցին Երիանթոս Թելադիր եղև հիմնայատակ զքաղաքն քանդել և զգաւառն ամայի կարգել յարօտս խաշին: Սակայն ապա գումարեալ զօրավարացն յսկուամբս կոչնոց, և անդանօր Փոկէացի ոմն այր երդեալ զքեր թաժան զԵլէկորայ զԵւրիպիդէսին՝ զՂաա երգութեանն, որոյ սկիզբն.

Ագամեմնոնին սիլ օրիորդդ

Ելէկորէ,

Հասեալ դամ 'ի քո գեղջուկն

'ի գաւիթ.

Անդ առհասարակ խանդաղատեալք՝ դրժ սրատես յոյժ համարեցան հիմն 'ի վեր ըզհամբաւատենչն զայն առնել քաղաք և զմայր հոյակապ որերոյն:

Բայց Լիւսանդրոս՝ յորոց 'ի կամս սրատան եղեն Աթենացիք, ածեալ 'ի քաղաքէն վարձակս բաղուամս սրնգահարս, և ընդ նոսա խմբեալ և զորս 'ի բանակին,

'ի ձայն նուազարանաց քանդէր յատակէր զպարխապն և 'ի հուր դատէր զեռաթիւն . և անդուստ նիզակակիցք բոլորիւք սպակեալք տօն կատարէին ցնծութեան՝ զօրն զայն սկիզբն վարկուցեալ իւրեանց ազատութեանն : Ապա փութով փոխէր եղծանէր և զկարգ քաղաքին . և հաստատէր կարգէր վարիչս երեսուն 'ի քաղաքին , և տանն՝ 'ի Պերէոս , և գունդ մի զօրականի 'ի դղեկին , և ամրապահ իշխան տայր զՎալլիպիոս զայր Սպարտացի : Սա այս Վալլիպիոս ամբարձեալ երբեմն զգաւազան իւր հարկանել զԱւտոլիւկոս գօտէկուիւ , (ոյր աղագաւ քերթեաց Քսենոփոն զհացկերոյթն) , կալեալ ըմբիշն զոլոքացն նորա և 'ի վեր ամբարձեալ զգետնէր զնա . ոյր աղագաւ ոչինչ ցասնոյր Լիւսանդրոս , նա և կշտամբեաց զՎալլիպիոս , և ասէր . Ո՛ւ գիտէ Վաււիդիոս , շի 'ի վերայ աշտոյն իշխէ : Բայց յետ սակաւուց երեսունքն 'ի մահ գատեցին զԱւտոլիւկոս՝ շնորհս արարեալ Վալլիպիոսի :

Չայսոսիկ 'ի գլուխ տարեալ Լիւսանդրոս , ելեալ ապա նաւէր 'ի Թրակիա . և ողջոյն զյաւելուած դրամոցն և միանգամայն զամենայն զպարգևսն և զսպական՝ զոր տարաւ , (և արդեօք շատ ինչ էին , զի և բազումք ընծայաբերք լինէին նմա իբրու աւագամեծար առն և իշխանին Ելլագայ) , առեալ զամենայնն յղէր 'ի Լակեդեմոնիա 'ի ձեռն Գիլիպպոսի՝ որ զօրավար եկաց 'ի Սիկիլիա : Սա այս Գիլիպպոս՝ որպէս ա-

սեն՝ խոռեաց՝ ի ներքուստ զկարան քրձոցն,
 և ՚ի միոյ միոյ հանեալ արտաքս շատ ինչ
 արծաթ, կարեաց միւսանդամ. ոչ գիտա-
 ցեալ զի ՚ի մէն մի քրձոյն կայր և տոմսակ
 համարոյ արծաթոյն: Հասեալ ՚ի Սպար-
 տիա, գաղեաց՝ զոր խորեացն՝ ՚ի ներքոյ
 կղմնարաց յարկին, և առեալ զքուրձան
 յանձն առնէր Պարետացն և ցուցանէր ևս
 զկնիքն: Իսկ բացեալ նոցա զքուրձան և ՚ի
 հաշիւ զարծաթն բերեալ, և զչափն զու-
 գակշիւ ջգտեալ տոմսակին, վարանեցան
 Պարետք: Անդանօր մի ոմն ՚ի ծառայիցն
 Գիլիպպոսի ՚ի վեր հանէր, առեղծուած
 իմն խօսեալ՝ այսպէս, եթէ ՚ի ներքոյ կէ-
 բաթիւսին իսն արդեօք բոք բազումք: Քան-
 զի առ այնու ժամանակօքն՝ որպէս երևի՝
 դահեկանք շատք հատեալ էին՝ պատկեր
 ունելով զբուոյ ՚ի շնորհս Աթենացւոց 1:

Ապա զգործ զայս գործեալ Գիլիպպոս
 անարգ և անփառունակ՝ յետ առաջնոց
 իւրոց գեղեցիկ նահատակութեանցն, ինք-
 նին նա վտարանդի գնայր ՚ի Լակեդեմո-
 նիոյ: Այլ քաջուշիւքն Սպարտացւոց՝ և
 ՚ի դիպուածոյ աստի յայսմանէ ոչ խուճ
 ինչ խիթացեալ ՚ի հրապուրից արծաթոյն,
 (որ և զլաւորեարն գիտաց այնպէս վանել),
 խտտեալ անգոսնէին զլիւսանդրոս և բո-
 զոք ևս ունէին առաջի Պարետացն, եթէ
 յետս գարձուցանել արժան է ողջոյն զար-
 ծաթն զայն և զոսկին՝ իբրու որ ժանտախտ
 ճարակիչ և մահահոտ իցէ բանն: Արդ
 Պարետք յատենի ՚ի մէջ բերեալ զայս

խորհուրդ, անդ Սկիրաբիդաս՝ որպէս Թէոպոմպոս ասէ, կամ Թէ Փլոդիտէս՝ որպէս Եփորոս, առ աջի առնէր զսահմանն՝ եթէ չէ պարս դահեկան զուկուոյ և զարծաթոյ ընդունել ՚ի քաղաքն, այլ վարել զվաղըն ջուցն և զհայրենատուրն: Եւ էր այս դահեկան երկաթի հրաշէկ միտեալ ՚ի քացախ, և ոչինչ պիտանի ՚ի ձեռակերտ կռանագործ, այլ ՚ի միտելոյ անտի գուլ և բուժամենեին: Առ այս՝ էր այն և ծանրակշիռ և դժուարաբառնալի, և բազմակոյտ նորա՝ յոյժ դիւրագնի: Եւ Թերևս հասարակ այնպիսի ինչ էին և ամենայն դահեկանք վաղնջուց, վարելով փոխան այնոցիկ զորքելիկս իմն երկաթի՝ ուրեք և սղնձի. ուստի և ցայսօր սովորուածին է կոչել Յփէլզմանը դահեկանսն՝ որ բազում յոյժ գտանին. կոչել և Դիպրոսոյ՝ զյօբէլս վեց, քանզի այնչափ Թուով ըմբռնեալ դրաւէ բուռն մարդոյ 2:

Բայց Լիւսանդրեայ բարեկամք ընդդէմ դարձեալ սահմանին, և գուն գործեալ ոգւով չափ ունել զգրաման զայն ՚ի քաղաքին, ետուն սահմանել՝ վարել զայն գրաման ՚ի հասարակաց պէտսն և եթ. և որ միանգամ ըմբռնեացի ունել առանձինն յայնպիսեաց անտի, մահու գատապարտեացի: Որպէս եթէ Լիւկուրդոս ինքնին զանպիտեալ իցէ ՚ի դրամոց այտի և ոչ մանաւանդ յարծաթսիրուծենէն. և այն զի ընչաքաղցուծիւնդ ոչ այնչափ նուազէր արդէլով զառանձնակի ստացումն դոցա,

որչափ խայծեալ յորդէր 'ի ստանալոյ քա-
զաքին զնոսա . քանզի այնպէս և ևս առա-
ւելոյր յարգ և ցանկութիւն դոցա առ 'ի
շահից անտի : Քանզի և մարթ չէր առան-
ձինն իբրև անպիտան համարել զայն ինչ
զոր յարդեալ տեսանէին 'ի հասարակացն .
և առն իւրաքանչիւր 'ի շահ անձին անպիտութ
առնել զայն ինչ որում քաղաքն շուք դնէր
և խնդրէր և սիրէր : Եւ քաջ իսկ 'ի հա-
սարակաց կարգաց հեշտին ևս արագ սպրբ
դին սովորոյթք յառանձնաւորսն , քան
եթէ յանցաւորութիւնք առանձնաւո-
րացն՝ յուռութեամբք ժանտացուցէն զհա-
սարակացն . քանզի հեշտին ևս է մասանցն
ժանտանալ 'ի բոլորէն՝ որ ախտակրեալ
իցէ . իսկ խակութիւնք մասանցն առ բո-
լորն՝ ունին իւրեանց քարընդոտն զբարե-
տոհմութիւն զայլոց մասանցն՝ որ շատ ինչ
արդեւեալ սանձեցէն զնոսա : Եւ թէ-
պէտ և յայնժամ 'ի տունս տունս քաղա-
քայնոցն հաստատեալ կարգեցին Պարէտք
'ի պահսպան զահ երկիւղին և զօրէնսն , զի
մի մտցէն անդր դահեկանքդ այդ , սակայն
և ոչինչ յաջողեցան նոքա զողիս նոցա ան-
վանելի պահեալ յընչիցն՝ անդրժեւիս ու-
նել 'ի կրից նոցա . նա՛ ևս վառեցին առհա-
սարակ զսէր և զնախանձ զընչաւէտութեն՝
իբրու որ մեծ յոյժ իցէ և քաջավայելուչ :
Այլ յաղադս այսորիկ և յայլում մատե-
նագրութեան մեր սողտեալ է զլակեղե-
մոնացիս :

Բայց ապա յանկածէ անտի թշնամեացն

արար Լիւսանդրոս և կանգնեաց 'ի տա-
ճարին Դեղիկեայ պատկեր մի իւր սղինձի,
և միոյ միոյ 'ի նաւապետացն. առ այս՝ և
աստեղս կրկին զոսկւոյ՝ Դիոսկուրեանցն,
որք ասպա անհետացան յառաջ քան ըզ-
Լէւքարեան մարտն. և 'ի գանձու անդ
Բրասիդեայ և Ականթիացւոց կայր Եռա-
թի մի ճարտարեալ յոսկւոյ և 'ի փղոսկրէ՝
երկկանգուն երկայնութեամբ, զոր Աիւրոս
ինքնին առաքեաց առ Լիւսանդրոս առ 'ի
յաղթանակ: Այլ Ազլեքսանդրիդէս Դեղ-
փացի պատմէ՝ անգանօր յաւանդ եղեալ
Լիւսանդրեայ և քանքար մի արծաթոյ և
մնասս յիսուն և երկու, դարձեալ և սա-
տերս մետասան. այլ գորս բանք 'ի մա-
սինդ չեն միաբան ընդ այլոցն, որ միաբան
հաստատէն զաղքատութիւն զառնն:

Իսկ յայնժամ ճոխ և հարուստ Լիւ-
սանդրոս առաւել քան զամենայն հելլե-
նացիս՝ որ յառաջ քան զինքն, թուէր իմն
պերճաբար 'ի վեր վազել քան զկար ան-
ձինն. քանզի նախ՝ (որպէս Դուրիս պատ-
մէ) հելլենացւոց քաղաքք կանգնեցին
նմա սեղանս իբրև աստուծոյ և յազէին
նմա զոհս. և նմա առաջին առին զերգս
նուագաց, յորոց և միոյն զսկիզբն յիշա-
տակեն այսպիսի.

“ Զհոյակապն զԵլլադայ զԶօրավարն՝
Որ 'ի լայնասահմանն Սպարտիոյ,
երգեսցուք.
Բարէ Պէյան նուագաց ”:

Առ այս և վճիռ ետուն Սամուսացիք, զի տօնք՝ որոց նորա անուն կարգային Հերեանք, յորջորջեալ կոչեացին Լիւսանդրեանք: Իսկ ինքն Լիւսանդրոս ցանդ ունէր առ իւր զՔերթիղոս քերթող, զի քերթութեամբն նա շուք յաւելցէ իւրոց նահատակութեանցն: Բայց յայնժամ Անտիղոբոս տողս սակաւ քերթեալ ՚ի գովութիւն նորա, այնչափ իմն ցնծացաւ Լիւսանդրոս՝ զի լցեալ արծաթով զարտախուրակ իւր պարգևեաց նմա: Իսկ Անտիմաբոս Կողովումէացի և Նիկերատոս ոմն Հերակլէացի՝ այր զարամբ ելեալ ՚ի քերթածս ներբողից նորա, Նիկերատոսին տայր Լիւսանդրոս զպսակն. ընդ որ մեծապէս սրտնեալ Անտիմաբոս՝ խանգարեալ աղարտէր զքերթածն իւր: Ոյր աղադաւ Պլատոն ՚ի ժամանակին յայնմիկ դեռևս պատանի, և հիացեալ էր ընդ քաջութիւն քերթողականին Անտիմաբեայ, տեսեալ զսրտնութիւն նորա և զվիշան՝ մխիթար ՚ի ներքս մատուցանէր նմա և ասէր, եթէ՝ Տգիտութիւն որոց ոչն հասկանան, աղէտք զուգահաւասար են կուրաց՝ որ ոչն տեսանեն: Իսկ քնարահարն Արիստոն զվեց նուազ տարեալ յաղթանակ ՚ի մրցանս Պիւթեան խաղուցն, ՚ի շնթել Լիւսանդրեայ՝ խոստումն կուէր նմա, զի ՚ի միւսանգամ ևս յաղթութեանն հաջակ հարցէ զանձնէն՝ եթէ Լիւսանդրեայ յորերոյն իցէ, կամ թէ ծառայ իսկ նորա:

Բայց զպատուասիրութիւն զայս Լիւ-

սանդրեայ դժկամակս բերէին միայն արքաւազք և բարձակիցք . սակայն ընդ պատուասիրութեանն սպրդէր ապա 'ի բարոյսն 'ի սպասարկուաց անտի նորա՝ և ամբարտաւանութիւն և գոռոզ պերճութիւն . մինչև 'ի պատուել և 'ի պատուհասել դարձեալ էր նա 'ի գեղեցիկ չափաւորութենէն անբաժ : Իսկ միջանակք բարեկամացն նորա և մտերմաց էին աէրութիւնք ինքնակալք 'ի վերայ քաղաքաց և իշխանութիւնք բռնաւորք . իսկ սրամտութեան բարկութեան նորա յադուրդ՝ էր մահ գլխովն ատելէաց նորա, որք և անճողոպրելէք էին 'ի ձեռաց նորա :

Բայց յետ այսորիկ զանդիտեալ Լիւսանդրոս՝ եթէ զերծանիցին 'ի ձեռաց դրէ խաւորք Միլեւացւոցն, և կամեցեալ ևս արտաքս հանել զղօղեալն, երգումն կռէր ոչինչ զնասել նոցա . իբրև հաւատս ընծայեցին և յերևան ելին, առեալ մատնէր զնոսա 'ի ձեռս աւադպետականացն 'ի խողխողումն . և էին նոքա առհասարակ ոչինչ սակաս քան զութ հարիւր : Ապա և 'ի քաղաքս մահունք ամբաւք ժողովրդականացն սագրեցան առ 'ի նմանէ, կրրութեալ 'ի նոյն ոչ յիւրոց միայն առանձինն պատճառաց, այլ հաճէր զբարեկամսն ամենայն ուրեք, և գործակից էր 'ի ընուղթնամութիւնս և զընչաքաղցութիւնս նոցա . ուստի և հռչակեցաւ յոյժ Ետոկղէս Լակեղեմոնացի յասել անդ իւրում, եթէ " Ոչինչ հանգուրժեացէ Ելլադա բե-

րել Լիւսանդրոս երկուս՝ : Չնոյն խմատ
պատմէ Թէոփրաստոս՝ ասել Արքիստրա-
տեայ և վասն Աղկիբիադէայ . այլ որ դժո-
խըմբերն էր յԱղկիբիադէս՝ էր նորա ժպըր
հուժիւն և գրգանքն և յամառուժիւնն
մեծ . իսկ Լիւսանդրեայ խտամբերուժի
բարոյիցն ահագին յարգարէր և անհամ-
բոյր զաէրուժիւն նորա :

Արդ Լակեդեմոնացիք այլոց ոմանց
խեժին և բողոքման երեսս ինչ չարարեալ,
իբրև անդուտ և Փարնաբազ զբկեալ 'ի
Լիւսանդրեայ՝ յասպատակել գաւառին
նորա, առաքեաց 'ի Սպարտիա արս ամ-
բաստանս զնմանէ, սրտմտեալ Պարետացն
տային ձերբակալ առնել զմի 'ի բարեկա-
մաց անտի նորա՝ անուն Թովրակէս՝ որ և
ընդ նմա զօրավար կացեալ էր . և զի սա
առանձինն իւր ստացեալ ունէր արծաթ,
դատակնիք մահու ածին 'ի վերայ նորա .
ապա և առ Լիւսանդրոս առեալ յլէցին
Սկիւտաղաս մի՝ հրաման տուեալ յառնել
գալ առ նոսա : Իսկ Սկիւտաղասդ այսպի-
սի ինչ է : Յորժամ Պարէոք հրամանատար
զոք նաւաց կամ զօրավար բանակի արձա-
կել հանդերձեալ իցեն, կազմեն պատրաս-
տեն գլանս երկուս 'ի փայտէ զուգահաւա-
սար յերկայնուժեան և 'ի թանձրուժեան՝
հաւատարաչափք ճշգրտեալ ամենևին ընդ
միմեանս . ապա զմին 'ի նոցանէ պահեն
առ իւրեանս, և զմիւսն տան առն՝ զոր ար-
ձակեն . և գլանացն անուն կարդան նոքա
Սկիւտաղաս : Արդ 'ի կամել Պարետացն

գաղտնիս ինչ մեծ ազգ առնել, պատրաստեն մատեան իբրու երկայն փոկ և նեղ, և պատատեն զայն զգլանաւն՝ որ առ նոսա՝ կուռ ամենեկին . և համբուն ամբածածուկ բոլորեն ՚ի նա զմատեանն : Իբրև զայս առնեն, առեալ գրեն զոր կամին ՚ի մատեան անգր՝ պատատեալ ՚ի գլանին . ապա կատարեալ զգիրն բառնան ՚ի բաց զմատեանն և առաքեն առանց գլանին ըզգիրն առ զօրավար անգր : Իսկ նա ընկալեալ զգիրն՝ ոչինչ բաւական է ճշգրիտ ՚ի վերայ կալ գրելոցն, քանզի անկիցք միմեանց են տառքն և այսր անգր ցանեալ կան . ուստի և զգլանն զայն՝ որ առ իւր՝ ՚ի բուռն կալեալ, շուրջ զնովաւ պատէ զհատած մատենին՝ կարգ ՚ի կարգ գործելով զպարոյրն ըստ յառաջագոյն կազմութեն՝ մինչև երկրորդ տառիցն զհետ գալ առաջնոցն . և այնպէս չըջանաւ յածեալ զաջան՝ միահետ շարի գրուածոյն համօրէն ՚ի վերայ կայ : Այլ և զմատեանն գրեալ՝ կոչեն նոքա Սկիւտաղաս յանուն գլանին . ըստ որում և չափեալն իր բնաւորեցաւ կրել զանուն չափողին :

Արդ Սկիւտաղաս այսպիսի հասեալ առ Լիւսանդրոս ՚ի Հելլեսպոնոս՝ ուր էր նա յայնժամ, ՚ի մեծ տաղնապ պաշարեցաւ այրն . և յոյժ երկուցեալ յամբաստանութեանցն Փարնաբազայ, հնարս հնարեցաւ երեսել խօսել ընդ նմա և ՚ի հաշտ ածել զնա : Խօսէր և աղաչէր զնա այլ նամակ տալ առ իշխանն Սպարաիոյ վասն նորա .

վկայութիւն գնել՝ իբրու հարստահարու-
 թիւն և ոչ մի կրեալ առ ՚ի նմանէ և բո-
 ղոք և ոչ մի ունել վասն նորա . ոչինչ միտ
 եդեալ Լիւսանդրոս ՚ի պահուն, եթէ
 (որպէս սովորութիւն է ասել) Կրետա-
 նայր ինքն ընդ Կրետացւոյն Փարնաբազայ:
 Քանզի խոստացեալ նմա Փարնաբազ առ-
 նել զինդիրն, յանդիման առաջի նորա
 գրեաց նամակ որպէս և խնդրէին . այլ
 կազմ և պատրաստ ունելով նա այլ նա-
 մակ տարօրինակ՝ զոր ՚ի ծածուկ գրեալ իսկ
 էր, ՚ի հարկանել անդ կնքոյն՝ հնարիմաց
 դաղտնութեամբ ՚ի ներքս սպրդեցոյց զայն,
 զի և չէին ամենևին տարբերեալք նամակա-
 նին . և առեալ զայն տայր դաղտնի ՚ի ձեռս
 Լիւսանդրեայ: Որոյ գնացեալ ՚ի Լակե-
 դեմոն, և ըստ սովորութեանն երժեալ
 յատեանն, տայր Պարետացն զնամականին
 Փարնաբազայ . կարծէր արգարանալ շատ
 ինչ ՚ի յանցանաց անտի ամբաստանու-
 թեանն . քանզի էր Փարնաբազ յոյժ սի-
 րելի Լակեդեմոնացւոց, իբրու որ յամե-
 նայն զօրավարս արքային ՚ի մարտին յայն-
 միկ յոյժ հակամիտեցաւ առ նոսա: Իսկ
 Պարէտք ընթերցեալ զնամականին, ցու-
 ցանէին Լիւսանդրեայ . նա ՚ի միտս եկեալ
 յայնժամ եթէ ոչ Ոգիւսեւս միայն իցէ
 խաբուսիկ, ամբոխեցաւ խռովեցաւ յոյժ
 ՚ի յողին, և զայրագին մեկնեցաւ ՚ի վայ-
 րացն: Ապա յետ սակաւ աւուրց միւսան-
 գամ յանդիման եղեալ Պարետացն, ասէր-
 երթալ սբարտ է նմա ՚ի տաճար անդր Ամ-

մոլիւնի, և անդ գիցն կատարել զզոհան՝ զոր ուխտեաց նմա նախ քան զմարտ պատե-
րագլին:

Արդ կէսք ասեն՝ եթէ ճշմարիտ իսկ յորժամ էր նա ՚ի Թրակիա ՚ի պաշարումն քաղաքին Ափիւղեցւոց՝ յերազի երևեցաւ նմա Ամմոնիւն, և թէ՛ ապա ՚ի տեղի տալ պաշարմանն՝ իբրու գիցն ինքնին հրամայեալ նմա՝ թեւադիր լինէր քաղաքացեացն զոհ զոհել Ամմոնիւնի, և ինքն առ ՚ի հաշտ առնել զնա ճեպով անցցէ ՚ի Լիբիա. այլ բազումք այն էին՝ որ բարուր համարեցան զբան գիցն, երկուցեալ նորա ՚ի Պարետաց անտի և դժկամակս բերեալ լծաբարձ անդէն կալ մնալ ՚ի տան. և քանզի հպատակ կալ ոչինչ հանգարտէր այլոցն հրամանաց, խնդրեաց մանաւանդ շուրջ թափառական գնալ. իբրու երիվար՝ որ ՚ի լայնարձակ դաշտէ արօտին և ՚ի մարդացն յախոռ իւր դարձցի և ընդ սովորական քիրտն վաստակոցն միւսանդամ մտցէ. քանզի և զպատճառան գլխովին զնորա զուղևորութեանն՝ զոր աւանդէ Եփորոս, մերձ ընդ մերձ գիցուք առ ընթեր:

Ապա մեծապէս աշխատութեամբ և հազիւ ուրեմն առեալ հրաման զուղւոյն ՚ի Պարետացն, մտեալ ՚ի նաւ՝ անկաւ յուղի: Իբրև նա մեկնեցաւ, ՚ի խորհուրդ եկեալ ընդ միմեանս արքայիցն, զի ինքնին Լիւսանդրոս յընկերութեանց անտի իւրոց՝ զոր կարգեաց եդ՝ զբռամբ կալեալ զքաղաքսն, տիրացեալ ևս է նա ճոխաբար

իշխանութեամբ ողջոյն Ելլադայ, կազմեցան սպարաստեցան անդրէն միւսանդամ զհոգս իրացն 'ի ձեռս տալ ժողովրդականացն և վանել զբարեկամս նորա: Այլ 'ի բանին յայնմիկ ազմուկ յուզեալ շփոթից և խռով հարեալ, և Աթենացւոցն 'ի Փիւզեայ 'ի վերայ անկեալ երեսնիցն և նկուն արարեալ, անդէն 'ի շտասպ տագնասպի դարձ արարեալ Լիւսանդրոս, ածէր հաւանեցուցանէր զլակեղեմոնացիսն ձեռն տալ օգնականութեան աւադպետական կողմանն և սատուհաս 'ի վերայ ածել ռամկին. սպա և քանքարս հարիւր առեալ արձակէին առ երեսունսն՝ զգէմ ունել մարտին, և զլիւսանդրոս ինքնին 'ի զօրավար:

Բայց արքայք նախանձու բերեալք ընդ նմա, և խիթային ևս՝ անդրէն զԱթէնսն զբռամբ ունել նմա, հաստաստեցին՝ միոյ ումեք 'ի նոցանէն ելանել 'ի ճակատ: Ասպա ելանէր արտաքս Պաւսանիաս, 'ի վերին երեսս իբրու 'ի կողմն բռնաւորաց ընդգէմ ռամկին, այլ 'ի ներքոյ լուծանել զմարտն. զի մի թերևս 'ի բարեկամացն ձեռս միւսանդամ արասցի Լիւսանդրոս 'ի վերայ Աթենացւոցն: Անդ Պաւսանիաս հնարաւոր խնաստութեամբն հեշտեալ կամագիւտ լինէր. և ընդ միմեանս հաշտ արարեալ զԱթենացիսն և զկազն համոզեալ, 'ի դերևս զսատուասիրութիւնն հանէր զլիւսանդրեայ:

Այլ սպա յետ սակաւուց ազմուկ

այլ յուզեալ յԱթէնացիսն, մեզ դնէին Պաւսաննեայ, իբրու որ 'ի սանձէ աւագ պետութեանն զերծեալ զուամիկն՝ միւսանգամ ետ նմա խեռիլ և ստահակել իսկ անդուստ Լիւսանդրոս համբաւ ժառանգէր անձին զաւագ առն, զի 'ի քաղաքականութեան իւրում անյեղլի էր 'ի գործն, ոչ առ 'ի զայլս հաճել և ոչ դարձեալ 'ի ցոյցս ինչ, այլ յօգուտ Սպարտիոյ: Առ այս՝ էր Լիւսանդրոս և հզօր և կորովի 'ի խօսա, և սաստիկ և ահաւոր առ դիմադարձսն: Քանզի էր երբեմն՝ 'ի վէգ եկեալ Արդոսացւոցն վասն սահմանաց և քաջացեալ նորբա 'ի ներքս բերել յիւրեանց կողմն փաստս բանականս առաւել քան զլակեդեմոնացւոցն, ցուցեալ նա նոցա զուստերն՝ ասէր. « Որ զայդ ունի՝ քաջապէս նա 'ի պայքար մտցէ վասն սահմանաց երկրին: Առ այս՝ և երբեմն յատենի ուրէք խօսեալ առ նա Մեգարացի ոմն այր կարի ազատօրէն, ասէր Լիւսանդրոս. « Քոց բանից ո՞վ հիւրդ, պէտք են քաղաքի: Իսկ յորժամ և Բիովտացիք գեռ ևս վարանեալք՝ յոր կոյս դառնալ. հարցանէր Լիւսանդրոս, եթէ՝ Ընդ Երկիր նոցա անցանել նմա պարտ իցէ կանդոն, եթէ թեքեալ նիզակօք: Եւ յորժամ ընդ վզեալ Վորնթացիք, մերձեցաւ նա 'ի պարիսպս նոցա՝ և անդ Լակեդեմոնացիք զանգիտէին 'ի յարձակել, տեսեալ նորա յայնժամ նապաստակ մի վազել զխրամովն, ասէր. « Ոչ ամօթ իցէ երկնչել ձեզ

'ի Թշնամեաց անտի, յորոց 'ի սլարխասն առ վատութեան նոցա դադարեն նա սլաստակք" :

Իսկ յետ այնորիկ մեռեալ արքային Ագխայ, Թողոյր զեղբայր մի իւր Ագեսի զայոս անուն. և որդի մի կարծեալ՝ անուն Լէոտիւքիդէս : Արդ Լիւսանդրոս սիրող Ագեսիղեայ՝ գրգեաց զնա իշխել արքայու Թեանն իբրև հարազատ զարմն հերակլեայ. իսկ անդ Լէոտիւքիդէս համբաւեալ իմն էր որդի գու Աղկիբիաղեայ, այն՝ որ 'ի վտարանդել իւրում եկեալ 'ի Սպարտիա, գաղտաբար եմուտ առ Տիմէա կին Ագխայ : Իսկ Ագխա՝ որպէս ասեն՝ ստուգեալ 'ի Ժամանակէն՝ զի ոչ 'ի նմանէն էր յղութիւնն, զանց առնէր զԼէոտիւքիդէաւ. և յայտնի իսկ զամենայն աւուրս կենաց իւրոց իբրև անհարազատ ծանեաւ զնա : Այլ 'ի հիւանդանալ Ագխայ և յածել յերէան. և մերձ եղեալ 'ի մեռանել, 'ի Թախանձեւոյ անտի սլատանեկին և բարեկամացն, յայտ առնէր զնա առաջի բազմաց Լակեդեմոնացւոց իբրև իւր որդի. և աղաչեալ ևս զորս շուրջն կային՝ վկայել զնոյն առաջի Լակեդեմոնացւոց, ինքն անգէն մեռանէր :

Արդ նոքա Թէպէտ և զնոյն վկայեալ 'ի կողմն Լէոտիւքիդեայ, 'ի վերայ այսր՝ զօրանայր Ագեսիղայոս՝ քանզի էր իսկ նայր հոյակապ և ականաւոր. առ այս՝ զի և Լիւսանդրոս գործակից էր նորա. սակայն զնասակար էր նմա Դիոպիթէս այր հըռ-

չակաւոր հարցուկ , որ գուշակութիւն պատգամի այսպիսի 'ի ներքս եբեր 'ի կաղութիւն անդր Ագեսիղայոսի .

Ո՞վ գու Սպարտիա՝ թէպէտ մեծապանծ՝
արթուն կաց համբուն ,

Մի ըզքեզ ուջոտն՝ հարեալ ջախեսցէ
կաղ Արքայութիւն :

Զի յամայր ամօք անձկութիւնք անկարծք
ըզքև պատեսցեն ,

Եւ ըզքեզ մարտից մարդախոանձ ալիք
յուզեալ ծրփեսցեն :

Արդ անդ բազումք հակամիտեալ յայս պատգամ և 'ի կողմն եղեալ Լէոտիւքի դեայ , ասէր Լիւսանդրոս՝ եթէ ոչինչ ուղղապէս և ճշգրիտ Դիոսիթէս 'ի վերայ կացեալ է գուշակութեանն . քանզի դիցն չէ ինչ ընդ հակառակս՝ առն կաղի թագ կապել 'ի վերայ Լակեդեմոնացոց . այլ թէ՛ կաղ յայնժամ լինիցի արքայութիւնն , յորժամ խանն ընդ Հերակլեանց թագ կապեսցեն անհարազատք և խառնածինք : 'ի բանից ատտի Լիւսանդրեայ , դարձեալ և 'ի մեծ աւագութենէ առն և 'ի զօրութենէն՝ հաճեալ հաւանէին Լակեդեմոնացիք , և թագ կապեաց Ագեսիղայոս :

Ապա անդէն վաղվաղակի սագրէր նմա Լիւսանդրոս խաղալ դիմել մարտ պատերազմի յարդարել յԱսիա , յոյս առաջի եղեալ նմա վանել զՊարսս և 'ի մեծ բարձրութիւն հասանել . առ այս՝ և գրէր առ

բարեկաման Ասիացիս՝ խնդրել զԱգեօսի-
 զայոս 'ի Լակեդեմոնացւոց 'ի զորավար
 ընդդէմ բարբարոսացն : Նոքա լուեալ դես-
 պանս արձակէին 'ի Լակեդեմոնիս՝ աղա-
 չել վասն բանին այնորիկ, զոր և ինքնին
 Ագեօսիզայոս 'ի ձեռս բերեալ գործակցու-
 թեամբն Լիւսանդրեայ, թուի թէ ոչ սպ-
 կաս ընծայեաց շուք նմա՝ քան զարքայու-
 թիւնն ինքնին գլխովն : Սակայն որ միան-
 գամ փառասէրն դիպեցան բուսոյ բա-
 րուց, թէպէտ և անպիտանք չիցեն նոքա
 յառաջնորդութիւն անդր, ունին նոքա ոչ
 դուզնաբեայ խոչ և խուժ 'ի գեղեցիկ նա-
 հատակութիւնսն, այն է՝ խէթ նախան-
 ձուն նոցա առ զուգամիառ բարձակիցս .
 համարեալ իբրև հակառակորդս ոմանս
 յառաքինութեան զայնոսիկ՝ զորս նիզա-
 կակիցս մանաւանդ առնուլ մարթ էր նո-
 ցա 'ի զորավիզն առաքինութեան :

Արդ Ագեօսիզայոս կարգեաց եղ զԼիւ-
 սանդրոս աւագ 'ի մէջ երեսուն խորհրդա-
 կանացն, իբրու զնա առաւել քան զամե-
 նայն բարեկաման ունելով իւր աջակից :
 Իբրև հասին եկին նոքա յԱսիա, որ անդ
 մարդիկն՝ մտերմութիւն և ոչ մի ունելով
 ընդ Ագեօսիզեայ, դուն ուրեք կենակից
 կենցաղակից եղեալք ընդ նմա, իսկ ան-
 դուատ մտերիմք Լիւսանդրեայ իբրու որ
 ժամանակս ձիգս յառաջագոյն բնակակից
 լեալ էր նոցա, ստէպ գեղերեալք առ
 դուրս նորա՝ ընդ նմա շրջէին . բարեկամք
 սպաս հարեալ նմա, և կեղակարծք՝ զան-

գլխտեալք 'ի նմանէ . 'ի դէս եկեալ ճըշգրիտ՝ որ ինչ միանգամ բնաւորեցաւ յՈղբերգութիւնս տեսարանաց առ դերասանն , յորս է զի՝ որ զգեստականին կամ զսպասաւորի զգէմնն բերէ , արդոյ առաւել երևի և բարձերէց , իսկ որ զգաւազանն ինքնին կրէ զարքունի և զպսակն , նա մեծացեալ անբարբառ կայ . սնպէս և յայնժամ առ Լիւսանդրեայ խորհրդականի էր համբուն շուք արքայութեանն . իսկ Ագեսիդեայ անուն ընկ արքայի մնացեալ՝ մերկ և թափուր յամենայն տէրութենէ : Արդարժան էր արդեօք համ զնեւ զժայհի փառասիրութեանն Լիւսանդրեայ և առնուլ ածել զնա յերկրորդ բարձ աւագութեանն . սակայն և Ագեսիդայոսի զժայտեհ էր գլխովին ռանհար խոտել վասն փառացն զայր այնպիսի աւագ՝ բարեգործ և բարեկամ : Քանզի առաջին՝ պատճառս և ոչ մի և ժամ տայր նմա Ագեսիդայոս գեղեցիկ նահատակութեանց . և ոչ դարձեալ ռատիկանութիւն յիրս ինչ . իսկ երկրորդ անգամ՝ որոց միանգամ Լիւսանդրոս զօրավիգն էր , նա այնպիսեացն պարգևէր և ոչինչ . ունայն յետս արձակեալ և ոչ զռամկացն անգամ և զսինըքորացն տուեալ նոցա . և այնպէս տակաւ նուազեալ վատեր տէրութիւնն Լիւսանդրեայ :

Ապա տեսեալ Լիւսանդրոս զընաւ իսկ վատթարել զիրաց իւրոց , և զի՝ և իննամակալութիւն իւր 'ի վերայ բարեկամացն ինասակար էր նոցա , տեղի տայր այնու-

Հետևեալ և աղաչէր ևս զնոսա՝ մի ևս յայց ելլեալ շուք գնել նմա, այլ գնալ կենակից կենցաղակից արքային լինել, և որոց միանգամ բաւականք էին յայնժամ զօրավիզն կալ պատուադրաց իւրեանց: Չայս լուեալ բազումք՝ թէպէտ և ո՛չ ևս նեղէին զնա՝ ի գործս իւրեանց, սակայն և ոչինչ գաղաբեցան ՚ի սովորական սպասուցն ՚ի ներքս բերել նմա. նա՛ և առաւել ևս շրջեալք ընդ նմա ՚ի ճեմն և յասպարէզս ըմբշաց, ՚ի խոր առաւել խոցէին զԱգեսիլայոս՝ որ խանտայր զփառս նորա. որպէս զի և բազմաց ՚ի սոսկական զօրականէն ՚ի ձեռս տուեալ Ագեսիլայոս զառաջնորդութիւն մեծամեծ իրաց և զոնտեսութիւնս քաղաքաց, Լիւսանդրեայ տայր ՚ի ձեռս զգործ մնաբաշխութեան. ուստի և իբրև ոտնհար Յոնիացւոցն լինելով՝ ասէր. « Գնացե՛ն արդ նոքա, և իմում մնաբաշխին սպասհարցեն »:

Ապա բարեոք թուեցաւ յայնժամ Լիւսանդրեայ գնալ երևել և խօսել ընդ Ագեսիլայոսի: Եւ եղեն նոցա բանք ընդ միմեանս սուղ և լակոնացի: Ասէ Լիւսանդրոս. « Անշուշտ դու ո՛վ Ագեսիլայէ՛ գիտես իսկ քաջ նուաստացուցանել զբարեկամսդ »: Ետ պատասխանի Ագեսիլայոս. « Եւ կարի իսկ քաջ, ՚ի խնդրել նոցա մեծանալ քան զիս. իսկ որք միանգամ՝ զիմ տէրութիւն խնդրեն բարգաւաճ առնել, բաժանորդք այնմիկ իրաւապէս լինիցին »: Արկնեաց Լիւսանդրոս.

“Այլ թերևս սլաոմեցաւ քեզ՝ ո՞վ Ագե-
 սիղայէ՝ աւելի ինչ քան զոր իմ գործեալ
 իցէ. ուստի և աղաչեմ զքեզ՝ և վասն օ-
 տարաց մարդկանն որ ՚ի մեզ ակնկառոյցք
 են, բարձ մի տացես ինձ ՚ի զօրավարու-
 թեանդ. ուրանօր կարծեսցես՝ զժպհի
 քեզ նուազ ընել ինձ, իսկ պիտանի ա-
 ռաւել” : Իսկ յետ զրուցացս առաքեցաւ
 Լիւսանդրոս ՚ի Հելլեսպոնտոս իբրև փո-
 խանակ զօրավարի. ուրանօր թէպէտ և
 սրտմտեալ ընդդէմ Ագեսիղայոսի՝ համօ-
 րէն ՚ի գլուխ տանէր զամենայնն ըստ կար-
 գի պաշտամանն. և անդ Միթրիդատէս
 պարսիկ այր քաջ՝ որոյ և էին իսկ զօրա-
 կանք ընդ ձեռամբ՝ ՚ի գժտութիւն բե-
 րեալ ընդ Փարնաբաղայ, ետ նմա վտա-
 րանջել Լիւսանդրոս, և առեալ ածէր
 զնա առ Ագեսիղայոս : Ասլա գործ և ոչ
 մի այլ ՚ի ձեռս տուեալ նմա ՚ի մարտին
 յայնմիկ, յետ սակաւուց ելեալ նաւեր ՚ի
 Սպարտիա անշուք. ցասուցեալ ընդդէմ
 Ագեսիղայոսի և ռիսերիմ ատելու թեամբ
 յոյժ ընդդէմ քաղաքին, հաստատեալ ՚ի
 միտս յայնժամ անդանդալ բան ՚ի գործ
 առնել՝ որչափ ինչ միանդամ նա ՚ի վաղըն-
 ջուց իսկ էր մտաբերեալ փոխել շրջել
 զիրան՝ օրինակ զայս : Ի սերնդոց անախ
 Հերակլէայ՝ որ խառնեցան ընդ Դովրեանց
 և դարձան ասլա ՚ի Պեղոպոննիսոս, զարմն
 յողնաթիւ և ականաւոր երևելի էր յայն-
 ժամ ՚ի Լակեդեմոնիա. սակայն և ոչ հա-
 սարակ ամենեքեան բաժանորդք էին ար-

քայութեանն, այլ թագ կապէին յերկուց անտի միայն տոհմից, որոց անուն կարգային Եւրիւտունինիք և Ագիսունիք. իսկ այլք յազնուականութենէ զարմին ոչ ինչ առաւելեալք էին 'ի քաղաքին քան զայլս 'ի քաղաքայնոց. զի առհասարակ առն առն շուք սպառուոյ 'ի ներքս մատչէր յառաքինութեանց իւրաքանչիւր:

Արդ և Լիւսանդրոս ինքնին 'ի սերնդոց անտի գոլով, իբրև զհամբաւի հարաւ նա 'ի նահատակութեանց անտի իւրոց, և եղէն ևս նմա բարեկամք բազումք և զօրացաւ յօրացաւ, ոչինչ հանդարտէր՝ եթէ քաղաքին՝ զոր ինքնին նա բարգաւաճ կացոյց՝ այլք ոմանք տիրացեալ կայցեն ոչինչ լաւագոյնք քան զինքն. կայր յուզէր 'ի միտս իւր յերկուց անտի տոհմիցն առնուլ տանել զտէրութիւնն, և հասարակ ամենայն հերակղեանց առնել. կամ թէ ըստ կիսոց՝ ոչ հերակղեանց միայն, այլ և առհասարակ Սպարտացւոց. որպէս զի մի հերակլեայ զարմին շնորհեսցի բարձն, այլ և որոց իբրու զհերակլէսն արժանիք գտանիցին առաքինութեամբն, որ և զնա ինքնին առեալ բարձրացոյց 'ի սպառիւս աստուածականս:

Ակն ունէր Լիւսանդրոս՝ զայս օրինակ 'ի սպաքար զարքայութիւնն հանեալ, և ոչ զմի դք նախամեծար քան զինքն ունել 'ի Սպարտացւոց անտի: Ապա զառաջինն հընարս հնարեցաւ և գուն գործեալ ինքնին ամել հաւանեցուցանել զքաղաքացիսն, և

ուսոյց ևս նոցա 'ի բերան ճառ մի զՎղէով նեայ Ազիկառնացւոց վասն բանիս այսո ըիկ: Այլ ապա 'ի միտս եկեալ եթէ մեծի և նորասբանչ փոփոխութեան իրացն պէտք իցեն արդեօք արձակ արձակ և անվանելի ձեռին, յերևան հանեալ ըստ որում յողբերգակ Տեսարանսն բնաւորեցաւ՝ Մենքենայ մի յանդիման քաղաքացեացն, հնարիմաց խորհրդով քերթեաց պատգամս իմն և գուշակութիւնս . իբրու եթէ ոչինչ յաջողեսցի օգտել ինչ 'ի ճարտարախօսութէ անտի Վղէովնեայ, մինչև նորակրօնաւոր արհաւրօք ոմամք յաստուածակոյս կողմանէնն ահաբեկ զնոսա արարեալ և ամոքեալ՝ հեշտալուր ապա ասացելոցն առ 'ի նմանէ լինիցին: Արդ սպասմէ մեզ Եփորոս, եթէ փորձ փորձեալ նա կաշառել զՊիւթիա, ապա զառածանել հրապուրել և զԳովգոնիդաս 'ի ձեռն Փերեկլեայ, և ոչինչ յաջողեալ անցանէ գնայ ինքն 'ի տաճար անդր Ամմոնի' անգանօր 'ի բանի առնել զհարցուկսն զայնոսիկ՝ մթերս ոսկւոյ 'ի ներքս մատուցանելով նոցա . իսկ նոքա սրտմտեալք ընդ բանն՝ արձակեն արս 'ի Լակեղեմոնիա ամբաստանս զԼիւսանդրեայ . իսկ նորա արձակեալ յամբաստանութեանցն՝ ասէին յայնժամ հրեշտակքն Լիբիոյ 'ի մեկնել իւրեանց. “ Այլ մեք դատաստան լաւ ևս գատեսցուք ո՞վ Սպարտացիք՝ 'ի գալ ձեր 'ի Լիբիա բնակել ընդ մեզ “. քանզի և գոյր իսկ վաղնջուց գուշակութիւն՝ անցանել անդր Լակեղեմո-

նացւոց 'ի բնակութիւն: Այլ ողջոյն զնիւ-
թեալ և զխորանանկեալ զհնարս նորա, որ
չէր ինչ արդեօք 'ի սկզբանց անտի յառաջ
չարժեալ 'ի գուզնաբեայ և 'ի հասարակ,
այլ մանաւանդ իբրև Առաջարկութիւն իմն
զՈւսումնականին՝ յեցեալ 'ի հիմունս բա-
զումս և մեծամեծս՝ 'ի ձեռն դժուարա-
կրնձիռն առմանց թեակոխէր յԱզրակա-
ցութիւն անդր, զայդ մեք ոճով աստտախն
արձանագրեսցուք՝ առն ուրումս զհետ եր-
թեալ պատմաբանի և իմաստասիրի:

Այն ոմն էր 'ի Պոնտոս՝ զհամբաւի հա-
բեալ իբրև որ յլացեալ յԱպոլոնէն իցէ:
Բազումք (որպէս և արժան և իրաւ էր)
ոչինչ հաւատային. իսկ կէսք՝ ընծայեցին
հաւատս. զի և 'ի ծնանել անդ մանկանն՝
բազում մարդիկ և 'ի հոյակապից ևս ինա-
մով պատկառ կացին սննդեան և դաս-
տիարակութեան նորա. և անուն նմա 'ի
պատճառէ իմեմնէ՝ եգաւ Սիղէնոս: Արդ
զսկիզբն զայս առեալ Ախսանգրոս, ապա
և զայն ամենայն առ 'ի յինքենէ նիւթէր
մենքենայէր. էին էին նորա գործակիցք
յայս առանցիկ ոչ սակաւք և յականառ-
բաց, որք և անշուշտ իբրև ճշմարիտ կար-
ծեցուցանէին զճառս ծննդեան մանկանն:
Առ այս և հռչակ հարկանէին նոքա ընդ
Սպարտիա և այլ բան եկեալ 'ի Դեղփիոյ,
իբրու եթէ 'ի պահեստի կայցեն անդանոր
'ի քրմաց պատգամք յոյժ վաղնջուց 'ի
մատեանս գաղանածածուկս՝ անհուսք և
անմատոյցք. բայց թէ՛ յետ յամայր ժա-

մանակաց դնացեալ անդր ոմն այր Ապող- նածին և հաւաստիս ճշգրիտ 'ի ներքս բե- բեալ զճննդեանն իւրոյ առաջի ռատիկա- նաց մատենիցն, առցէ անտի զտախտակս զպատգամացն զայնոցիկ :

Չայս օրինակ հանդերձեալ կազմեալ իրացն, սարտ էր այնուհետև Սիղենոսի՝ իբրև Ապողոնի զաւակ երթալ խնդրել զպատգամն. և անդանօր քահանայիցն դաշնաւորաց բանին՝ քննութիւն ճշգրտիւ գործել և հարցումն առնել նմա և զննել ճշգիւ զճառս ճննդեանն նորա. և ասպա հաւանեալք՝ 'ի ներքս նմա զՄատեանն մատուցանել իբրև որդւոյն Ապողոնի, որ և առեալ յայնժամ վերձանեացէ նա ա- ռաջի բազմաց գուշակութիւնս 'ի նմա, և յաւէտ իմն՝ ոյր աղտաւ նիւթեցաւ այն ամենայն՝ զբանս արքայութեանն Սպար- աիոյ. և դուխ բանին՝ ասացէ, եթէ լա- ւագոյն ևս և քաջ՝ զիւրեանց արքայս ըն- տրեալ կարգեացեն Սպարտացիք 'ի քաջաց քաղաքացեաց :

Արդ յարբունս հասեալ Սիղենոսի և եկեալ հասեալ ընուլ և ինքն զգործ պաշ- տամանն իւրոյ, 'ի դերևս ելանէր Լիւսանդրոս, և տեսարանն յամբոկ գործոյն չժա- մանէր. քանզի 'ի դերասանից անտի ոմն և 'ի գործակցաց վատասրտեալ՝ իբրև ձեռն 'ի գործ սարտ էր առնել, զանգիտեաց և խոյս ետ 'ի վայրացն : Այլ սակայն առ կենդանութեամբն Լիւսանդրեայ ոչ նշա- ւակեցաւ նենգն, այլ յետ մահուն. և

մեռաւ նա՝ մինչև Ադեսիոյէայ դարձ արա-
րեալ յԱսիոյ՝ ՚ի մարտի պատերազմին
Բիովտեան կամ թէ մանաւանդ ինքն պա-
տաղէցուցեալ ՚ի նոյն շեւադա . քանզի և
այլազգագոյնս պատմեն զբանն . և կէսք մեզ
դնեն վասն այնր Լիւսանդրեայ , և կէսք՝
Թեբայեցւոց . իսկ և կէսք այլք՝ հասարակ
գործեն զմեզն . կշտամբեալ զԹեբայե-
ցիսն՝ զի ցիր և ցան կացուցին յԱւլիդէ
զղոհան . և զի՝ ՚ի կաշառաբեկ լինել Ան-
դրոկղիդեայ և Ամիիթեայ յարքայէն Պար-
սից՝ դիմեալ անկան ՚ի վերայ Փոկէացւոց
և յաւարի առին զգաւառ նոցա , զի զհէլ
լէնականն գրգռեցեն մարտ ՚ի վերայ Լա-
կեդեմոնացւոց :

Իսկ յաղագս Լիւսանդրոսին , ասեն՝
եթէ ցասեաւ նա զի Թեբայեցիք միայն
յայնժամ պահանջէին զտասներորդն յան-
կածէ պատերազմին . ուր անդ առհասա-
րակ այլք ՚ի նիզակակցացն լռիկ հանդար-
տեալ կային . և զի՝ բողոք կալան նոքա
վասն դրամոցն՝ զոր առաքեաց նա ՚ի Սպար-
տիա . և առաւել քան զամենայն՝ զի ա-
ռաջին նոքա ձեռն ետուն յազատութիւն
անդր Աթենացւոց ընդդէմ բռնաւորացն
երեսնից՝ զոր կարգեաց եղ Լիւսանդրոս .
յորոց և ՚ի շնորհս հաստահարուստ ևս
գործեալ զնոսս՝ վճիռ ետուն Լակեդե-
մոնացիք , զի առհասարակ փախտեայք
յԱթենայ ձերբակալք ածցին միւսան-
դամ անդր ՚ի կողմանց կողմանց , և զիմա-
դարձք ածեւեացն՝ իբրև թշնամիք համա-

րեացին . սակայն անդուստ և թեբայեցեք
 ընդ հակառակս ետուն վճիռ , արդարև
 վայելուչ և հանդուստիս նահատակու-
 թեացն հերակլեայ և Դիոնիսեայ , հրա-
 ման տուեալ՝ զի ամենայն տուն և ամենայն
 քաղաք Բիովաիոյ բաց կացցէ առաջի ամե-
 նայն Աթենացւոցն ապաւինելոց ՚ի նոսա .
 և որ ձեռն չտացէ փախստէին ՚ի նեղու-
 թեան նորա՝ քանքար մի տուժեացի . և ե-
 թէ այր ոք այր զէնս բարձեալ ընդդէմ
 բռնաւորացն Աթենայ՝ անցցէ ընդ Բիով-
 տիա , անդ այր այր թեբայեցի կեղծաւո-
 րեացի ոչ տեսանել ինչ և ոչ լսել ինչ :
 Եւ ոչ վճիռ լոկ ետուն նոքա զմարդասի-
 բութեանցս և որ արդարև արժանիք Ելլա-
 դայ , այլ և արդիւնացուցին . յորժամ
 անդ թրասիւբուլոս և նիդակակիցք նորա
 խաղացեալք հասանել ունել զՓիւղա ,
 չու արարին ՚ի թեբայէ՝ գործակիցք նոցա
 թեբայեցիք լինելով՝ տուեալ նոցա զէնս և
 դրամս և ձեռնտու եղեալ գաղտաբար նա-
 հատակութեան գործոյն :

Արդ այսոքիկ էին պատճառք ցասմանն
 Լիւսանդրեայ ընդդէմ թեբայեցւոց . այն՝
 որ անդասին ՚ի բուսոյ բարուցն անամոքե-
 լի ՚ի սրտմտութեան իւրում , ապա և ՚ի
 մեղամաղձէ ծերութեն առաւել ևս ժան-
 տացեալ , գրգեաց վառեաց զՊարէտան ար-
 ձակել ընդդէմ նոցա գունդ զօրականին ,
 և ինքն զօրավար չու առնէր խաղայր ՚ի վե-
 րայ : Բայց և Պաւսանիաս արքայ առաքե-
 ցաւ անդր հանդերձ զօրու , յարձակել ՚ի

Բիովտիա մեծապէս շրջանաւ ընդ Կիթե-
րովնէ . իսկ Լիւսանդրոս ստուար գնդաւ
խաղայր անցեալ ընդ Փոկէայիս . և առ-
նոյր նա յայնժամ զքաղաքն Որբոմենաց-
ւոց՝ ինքնին անձնատուր առ նա . և յար-
ձակեալ 'ի Լեբագիս՝ քանդէր աւերէր
զնա : Ապա տայր նամականի առ Պաւսա-
նիսս՝ գալ 'ի Պղատէոյ միանալ ընդ իւր
յԱղիարդիոն , ուր ինքնին նա 'ի ծագել
աւուրն եկեալ հասցէ յանդիման պարըս-
պաց նորա . այլ Թղթաբէր հրեշտակին 'ի
ձեռս անկեալ լրտեսացն Թշնամեաց , ա-
ծաւ նամականին առ Թեբայեցիս , որք և
ապաստան զքաղաքն արարեալ 'ի ձեռս
Աթենացւոց նիզակակցացն , ինքեանք
յուզի անկեալ յառաջին պահ գիշերոյն՝
վայր մի կանուխ քան զԼիւսանդրոս ժա-
մանեցին յԱղիարդիոն , և կէսք 'ի նոցանէն
գնացեալ մտանէին 'ի քաղաք անդր : Իսկ
Լիւսանդրոս զառաջինն հաստատեաց մը-
նալ Պաւսանեայ՝ զտեղի կալեալ իւրով
գնդաւն 'ի վերայ բլրոյ , այլ ապա յառա-
ջեալ աւուրն ոչ ևս հանդարտեաց . առեալ
զգէնան և խրախոյս նիզակակցացն բար-
ձեալ , խաղայր ձիգ փաղանգաւն 'ի պա-
տուար անդր : Իսկ որ միանգամ արտաբոյ
մնացեալն էին Թեբայեցիք , 'ի ձախոյ զքա-
ղաքն ունելով խաղային գնային անկանել
'ի վերջ Թշնամեացն առ աղբերքն՝ որում
անուն կարգան Կիստուսա 3 , յորում և
սուսապէլէն՝ գայեկացն Դիոնիսեայ լուա-
նալ զտղայն 'ի ծննդեանն , գինեգոյն գո-

լով ջրոյն և ականակիտ և քաղցր յարբուսն: Եւ անդ վայր մի՛ ՚ի բացեայ բուսանին Շէրք և Թիւրակք կրետացիք, զոր Աղիարտացիք իբրև հաւաստիս ՚ի ներքս բերեն անդանօր բնակութեանն Ռադամանթեայ, և ցուցանեն ևս զգերեզմանն՝ զոր նոքա կարգան Ալէա. և է ևս անդանօր մօտ և շիրիմ՝ Աղիմենեայ. քանզի ՚ի նմին վայրի՝ որպէս ասեն՝ Թաղեցաւ նա, հարսնացեալ ընդ Ռադամանթեայ յետ մահուն Ամիխորիւովնեայ:

Իսկ և Թեբայեցիք որ կանուխ մտին ՚ի քաղաք անդր, կազմ և վառեալք ՚ի միասին ընդ քաղաքացեացն՝ զտեղի առեալ կային. իբրև զմօտել Լիւսանդրեայ յակն արկին ՚ի սարիսպ անդր հանդերձ առաջին նահատակօքն, յանկարծակի յեղակարծուսն զգրուսն բացեալ և մոլեգին ՚ի վերայ անկեալ՝ անդէն դիտութաւ կացուցանէին միանգամայն և զԼիւսանդրոս և զհարցուկն՝ որ ընդ նմա, և զայլ ևս նուազունս Թուով. քանզի բազմութիւն նոցա ՚ի խուճապ տագնապի զոտս արձակեալ փախստեայք դնային ՚ի փաղանդ անդր. այլ Թեբայեցիք ոչինչ վատացեալք՝ զհետ մտեալ քաջաբար վանէին առհասարակ ՚ի վերայ բլրոյն, տապառտ արկեալ ՚ի նոցանէ ոգիս հազար: Անդ անկանէին և ՚ի Թեբայեցւոց արք երեքհարիւր, նահատակեալք յանդուգն մարտ դնել կռուել ՚ի դժուարս և յամուրս վայրաց. և էին սոքա գոգ սողտեալք ոմանք ՚ի կուսակցութիւն

անդր Սպարտացւոց . ոյր ազադաւ և ջանիւ զձախողակ կարծիսն քերեւ յանձանց՝ այնպէս միտեցան ՚ի կշիռ զողիս եդեալք , մինչև հուսկ ուրեմն անկան գիտապաստ :

Լուր առ Պաւսանիաս հասեալ ձախողակ մարտին՝ ՚ի խաղալ անդ նորա ՚ի Պղատէոյ ՚ի Թեսսալիա , անդէն կարգ տուեալ խաղայր գիմէր ՚ի վերայ Ալլիարդիոնի . ուր և եկեալ հասանէր Տրասիբուզոս ՚ի Թերայէ՝ ածեալ ընդ իւր զԱթենացիսն : Անդանոր կամեցեալ Պաւսանիաս գուլ առնել մարտին և առնուլ զգիակունսն , արքհին աւուրց Սպարտացւոց դժկամակեալք զայրանային՝ և մատուցեալ ինքնին առ արքայն վկայութիւն գնէին չառնուլ յինքեանս զլիւսանդրոս ՚ի գուլ մարտին , այլ մարտ գնել կռուել առ գիակամքն . եթէ յաղթականք ելցեն՝ շքով այնպէս գերեզմանի տացեն զնա . ապ եթէ յաղթեսցին , շուք յաւելցի նոցա՝ գիտապաստ այնպէս անկեալ ընդ իւրեանց զօրավարին : Թէպէտ և զայս բանս խօսեցան անդ ծերքն , տեսեալ Պաւսանիաս՝ զի դժնդակ էր մարտիւ վանել զթերայեցիսն այն ինչ յաղթականս , և զլիւսանդրեայ գիակն մօտ պարսպին անկեալ՝ դժուարին ուրեմն էր անդուլ մարտիւն ՚ի ձեռս բերել՝ թէպէտ և յաղթականք իւրքն իցեն , առեալ արձակեաց Քարոզ , և դադար տուեալ մարտին վերջոտնեցոյց զզօրն : Անցեալք սպա ըստ սահմանս Բիովաիոյ , իբրև միտեցան յերկիր բարեկամացն և նիզակակցացն

Պանոսպացոյ, անդ թաղեցին զԼիւսան-
գրոս. ուր և այժմ տեսանի շիրիմ նորա
առ ճանապարհան՝ որ հանէ 'ի Դեղինայ
'ի Քերոնիս :

Իսկ մինչդեռ անդէն բանակեալ կայր
զօրն, պատմեն՝ եթէ այր Փոկէացի 'ի պատ-
մել իւրում ընկերին որ չէր ընդ նոսա՝ ըզ-
մարան, ասէր եթէ թշնամիք անկան 'ի վե-
րայ նոցա՝ յորժամ Լիւսանգրոս վազեալ
անցեալ էր ընդ Ոսլիտէ. զարմացեալ ըն-
կերին, անդ ոմն Սպարտացի բարեկամ
Լիւսանգրեայ՝ հարցանէր զինչ Ոսլիտէդ
իցէ. զի անծանօթ էր նմա անունն. Ես
պատասխանի, « Ոսլիտէ կայ 'ի նմին վայ-
րի, ուր 'ի թշնամեացն տապաստ անկան
մերն նահատակք. քանզի Ոսլիտէ կոչէն
զվտակն՝ որ մերձ կայ քաղաքին » : Զայս
լուեալ Սպարտացոյն՝ հարաւ յարտա-
սուս, և ասէր՝ անշուշտ ուրեմն անխուսա-
փելի է մարդոյ օրահայ մահուն. քանզի և
էր իսկ վասն Լիւսանգրեայ պատգամ
այսպիսի .

« Քեզ ասեմ, զգոյշ կաց 'ի գերահնչակն
Ոսլիտեայ,

Եւ 'ի հողածին Վիշապէն՝ որ քեզն
գարանի » :

Իսկ կէսք ասեն՝ եթէ Ոսլիտէ ոչ գնայ
մերձ Աղիարդեայ, այլ է նա ուղիս 'ի Կո-
րոնիս որ խառնեալ 'ի գեան Փլիարիոն,
'ի միասին անցանէ առ երի քաղաքին այն-
միկ. և որ Ոսլիտ երբեմն կոչէր, և այժմ
Խոմանտոս : Իսկ Լիւսանգրեայ սպանողն

էր այր Ազիարդացի Նէոքորոս անուն ,
 գրուագ ունելով 'ի վահանին զլիշապ , և
 զայն թուի՝ ակնարկի առնել պատգա-
 մին : Եւ պատմեն ևս՝ եթէ և թեբայեցուց
 ինքնին՝ վայր մի յետոյ քան զՊեղոսոննի-
 սեան մարտն՝ տուաւ պատգամ յիսմենիոն
 վասն Դեղեան պատերազմին և վասն Ա-
 զիարդեան կռուոյն՝ զոր կռուեցան երե-
 սուն ամօք յետոյ . և էր պատգամն օրի-
 նակ զայս .

“ Զգոյշ լէր 'ի սահմանէ գայլոյն ,
 Դու որ դարանեալ կաս 'ի ցանդս .

Եւ յՈրկաղեան բլրոյն , զոր աղուէս
 երբէք ոչ թողու “ :

Սահման կոչեաց զչրջակայ վայրն Դեղիոնի,
 ուր սահմանակից Ատտիկոյ է Բիովաթիա .
 և Ուրիշեան Բլուր , զայն վայր՝ զոր այժմ
 անուանեալ կոչեն Աւուրիոս այն է՝ Ա-
 զուէս , և կայ նա յԱզիարդոն կոյս՝ որ հայի
 յԵլիկոնա :

Զայս օրինակ սպա 'ի մահ վարեալ
 Լիւսանդրոս , այնչափ իմն 'ի խոր խոցե-
 ցան զառաջինն Լակեդեմոնացիք , զի և մա-
 հու գատակնիք 'ի վերայ ամին Պաւսանիաս
 արքային . այլ նա յանդիման չելեալ ատե-
 նին՝ յարեաւ փախեաւ 'ի Տեգիա . և անդ
 ողորբաւոր Աթենասայ անցուցանէր ըզ-
 կեանս իւր 'ի տաճարին նորա : Բայց աղ-
 քատութի Լիւսանդրեայ յերևան եկեալ
 յետ մահուն նորա , շքեղ ևս գործեաց
 զառաքինութիւն նորա . այն՝ որ մթերս
 բազում արծաթոյ ընդ ձեռամբ կալեալ ,

և այնչափ զօրութիւն և բազմաց քաղաքաց իշխանութիւն և տէրութիւն մեծ, ոչինչ ինդրեաց օգտածարաւ ընեւ և ընչաւէտութեամբ զտուն իւր փառաւոր առնել՝ ըստ որում արձանագրեաց Թէոպոմնոս որում հաւատոս առաւել է ընծայել 'ի դուլէլ նորա, քան 'ի սրարսաւել. քանզի սիրելի յոյժ է առնն՝ պարսաւն քան զգովութիւն:

Իսկ յետ այնորիկ՝ որպէս պատմէ մեզ Եփորոս՝ հակառակութիւն յուզեալ 'ի Լակեդեմոնիա ընդ նիդալիակցայն, պէտք եղին երթալ արտաքս հանել Գիբրս իմն, զոր առ իւր ունէր Լիւսանդրոս: Գնայր ապա Ագեսիդայոս 'ի տուն նորա և դտեալ անդ զմատեանն՝ յորում արձանագրեալ կայր ճառն յաղագս Քաղաքականութեն, յայտ արարեալ եթէ յԵւրիտունեաց և յԱգիսունեաց 'ի բաց զարքայութիւնն առնուլ պարտ է և հասարակ զթագն դործել լաւ և քաջ որերոյն, յայնժամ Ագեսիդայոս վազէր ընթանայր ցուցանել զայն ճառն յանդիման քաղաքացեացն և ճշգրիտ նոցա իմացուցանել զԼիւսանդրոս, զինչ քաղաքացի 'ի ծածուկ կացեալ իցէ նորա: Բայց Լակրատիդաս յայնժամ այր զդօն և ուշիմ՝ որ և նախաթոռ Պարետացն 'ի ժամուն, արդէլ և ասէր. քան զԼիւսանդրոս հանել 'ի հողոյ՝ արժան է մանաւանդ զայն ճառ՝ հողոյ տալ ընդ նմա. զի և է իսկ այն ճառ յոյժ համոզակեր հնարիմաց և չարարուէստ նիւթեալ: Արդ թէպէտ և

բանն 'ի վեր ել, բազում շուք պատուոյ
 ետուն Լիւսանդրեայ 'ի մահուն նորա. և
 որք միանգամ զգտտերս նորա 'ի հարսնու-
 թիւն խնդրեալն էին, և ապա յետ մահուն
 զաղքատութիւնն ծանուցեալ զԼիւսան-
 դրեայ՝ հրաժեշտ ետուն, պատուհասկրե-
 ցին. իբրու որք յառաջն ընչաւէտ կար-
 ծեալ զայրն՝ սպասարկուք եղէն, ապա
 յաղքատութիւնն արդար և լաւ գիտացեալ
 զայրն՝ ուժացան 'ի նմանէ: Քանզի և էր
 իսկ 'ի Սպարտիա պատուհաս 'ի վերայ ա-
 մուրեաց և անագան ամուսնացելոց և չա-
 բեաւ ամուսնացելոց. և վերջնոցս պատու-
 հասին առաւել ևս 'ի ներքոյ կային, որք
 միանգամ ընդ լաւաց և ընտանեաց՝ գնա-
 ցեալ խնամութիւն ամէին ընդ ընչեղան:

Արդ որչափ ինչ 'ի ձեռս՝ պատմեցաք
 մէք աւագիկ վասն Լիւսանդրեայ:

ԾԱՆՈԹՈՒԹԻՒՆՔ

1. Կերտիկոս ասելով ծառային՝ որ է տեղի մի յԱթէնս, կամէր նշանակել ՂԱՂԷ մինարն, զոր հելլենք կոչեն՝ Κεραμεις:

2. Քանզի յն. Δράσσω կամ Δράττω. է ըմբռնել, ունել:

3. Մօտ յԱղիարդիոն՝ աղբիւր մի ասէ և Պաւսանիաս, անուն թիլիխոսա. և Սորաբոն՝ թիլիխոսա: Բայց Կիսսուսա՝ միայն սեպհական Պլուտարքեայ է:

ՍԻՒՂՂԱՄ

ԼԵՒԿԻՈՍ ԿՈՒՈՆՏԵՆԹԻՍ ՍԻՆՊՏԱՍ ԷՐ ըստ զարմին 'ի պատրկաց անտի, իբրու 'ի քաջազարմից ոմանց: Իսկ 'ի նախնեաց անտի նորա ասեն զՀՈՒՎԻՆՆՈՍ կացեալ հիւպատոս, այլ սմա քան 'ի շքոյ փառացն՝ առաւել ականաւոր լինել յանփառունակ անարգութենէն: Քանզի ըմբռնեցաւ՝ ունել անձին արծաթոյ հատելոյ ըտերս առաւել քան զտասն, որ արգելեալ իսկ էր յօրինացն. ոյր աղագաւ և 'ի ծերակուտէն 'ի բաց անկաւ: Եւ առ 'ի նմանէն սերեալքն միշտ հիբաբար կեցին. և ՍԻՆՊՏԱՍ ինքնին սնաւ 'ի հայրենի ժառանգութեանն ոչինչ հարուստ:

ՄԻՆՏԷՆ տակաւին պատանեակ՝ բնակէր 'ի տուն օտարի վարձ տուեալ գուզնաքեայ, որպէս և յերեսս ապա հարկանէին նմա 'ի բարգաւաճել նորա առաւել քան

զարժանն. քանզի վերացեալ իմն նորա և մեծասանձ եղեալ յետ արշաւանին ՚ի Լիբիա; պատմեն ասել առ նա ուրումն պարկեշտի առն և լաւի. «Եւ զիսորդ իցես գու երբէք այր լաւ, որ ոչինչ հօր քո թողեալ քեզ, այդչափ ինչ քո ժառանգեալ է աւագիկ»: Քանզի թէսկէտ և քաղաքավարութիւն կենաց չէր ՚ի միջի յայնժամ ճշգրիտ և անխառն, այլ ՚ի վատթարն նկրտեալ էին և դրդանաց շռայլութեան զհետ կրթեալ էին, ՚ի վերայ այսր և հաւասարապէս խոտեալ էին և ընչիցն վատնողք և որք աղքատութեան իւրեանց նախնեացն պատկառ ոչ կային: Իսկ իբրև զօրացաւ, նա և հաստահարուստ եղեալ բազում մարդիկ ՚ի մահ վարէր, ոմն յազատագրելոց անտի՛ զօրմէ կարծէին թաքուցանել զմի ոք ՚ի վտարանդեացն, և հանդերձեալ էին դահավէժ ընդ պարեխս առնել զնա, յերես հարկանէր և նա Սիւղղայի՛ իբրու ընդ նմա շատ ժամանակ բնակակից լեալ ՚ի նմին յարկի՛ ուր տային վարձ, ինքն երկուս հազարս դրամոց վասն վերին դատիկոնին, և Սիւղղաս երիս հազարս վասն ներքնոյն. զի և երկոցուն նոցա կեանք հազար դրամօք չափ միայն տարբերեալ էին, որ արժեն երկերիւր և յիսուն դրամակշիռս ատտիկեցիս: Արդ զայստսիկ սրտամեն յաղագս առաջին բաղդին Սիւղղայի:

Իսկ գիտակ երեսաց նորա և կերպարան մարմնոյն քաջ իսկ տեսանի աւագիկ ՚ի

դրօշեալս անդրեաց նորա: Էին նորա աչք 'ի
 դոյն կասոււտակ՝ խոժոռ և խէթ, և առա-
 լել ևս ահագնահայեաց 'ի գունոյ անտի
 երեսացն՝ յորմէ բոցանայր շռուղնու-
 թիւն անհամբոյր պիտակացեալ խայտ 'ի
 սպիտակէ. ուստի և ասէն զնորա անունն
 մակդիր լինել գունոյն, և 'ի խեղկատակաց
 ոմն յԱթէնս ծանակեալ վասն այնորիկ
 զնա՝ յասել իւրում. « Թուժ սեաւ է
 Սիւղլաս ալերաթաթաւ «: Եւ սպա ոչ-
 ինչ անճահ իցէ արդեօք 'ի նշանաց աստի
 իմանալ զբոյս բարուց զառնն. զոր և ասէն
 անդասին 'ի բնութենէն այնչափ իմն հա-
 կամիտեալ 'ի խեղկատակութիւն, զի դո-
 լով պատանի՝ մինչև փառս ինչ անձին ժա-
 ռանդեալ, էր միշտ կենակից միմոսաց և
 ծաղրածուաց, և զամենայն անժուժկալու-
 թիւն անկղիտանայր ընդ նոսա. և սպա
 իբրև 'ի ծայրն եհաս աւագութիւն, հանա-
 սազօր առեալ ընդ իւր 'ի թատերաց ան-
 տի որեար լկտի և լիբբ, կայր ընդ նոսա 'ի
 գիներբուս. և անդ այր զարամբ ելանէին
 ասել հեգնութիւնս զաղիրս և խեղկատա-
 կութիւնս. գործ նա գործեալ գժսլատեհ
 ալեացն, և անարժան աւագութեան բար-
 ձին, անփոյթ արարեալ շատ ինչ 'ի կարևո-
 րացն գործոց: Քանզի 'ի բազմականի անդ
 մարթ չէր խօսել ընդ Սիւղլայի վասն կա-
 րևորացն. և թէպէտ և զայլ ժամանակն այր
 խրոխտ էր նա և աննուէր և առ 'ի դար-
 հայեր, շրջէր նա անգէն յայր այլ 'ի միտել
 իւրում 'ի բաժակս և 'ի բազմականս ընդ

որերոյն ընդ այնմիկ, և հեզ և հանդարտ և բաղձալի զինքն՝ ՚ի ներքս ընծայէր հանապազ ընդ միմոսաց արանց և ընդ դուսանացն և ընդ կաքաւչաց. որք և առ հասարակ տիրացեալ նմա և յամենայնի հակամիտեալ գտանէին զնա: Եւ ապա պտուղ չար ՚ի ցոփութենէ աստի բնաւորեցան արդեօք այնչափ տուփանք նորա և հեշտախտութիւն նորա, որ և ոչ յալկոյթ դարձեալ՝ ժուժկալութիւն յանձին եբեր: Հարեալ ՚ի սէր՝ մինչդեռ պատանին էր՝ թատերականի ուրումն անունն Մեարոբիոս, սիրեաց զնա զամենայն աւուրս կենաց իւրոց. իսկ և ՚ի սիրողաց անտի նորա՝ դէպ եղև զի ՚ի սիրել նորա կին մի բող ընչաւէտ Նիկոսօլէ անունն, այնչափ և զինքն ընծայեցոյց նմա Սիւղղաս՝ մտանելովն առ նա և ՚ի ձեռն հրապուրիցն և ՚ի շնորհաշուք առոյգութենէ տիոցն, զի և ՚ի մեռանել կնոջն՝ զնա թողոյր ժառանգամենայն գոյից իւրոց. ժառանգ թողոյր զնա և մօրուն՝ որ ըղձակաթ գտաւ առ նա իբրև առ իւր հարազատ, ուստի և շատ ինչ մեծացաւ նա:

Կարգեալ գանձաւոր՝ նաւեաց ՚ի Նիբիա ընդ Մարիոսի որ հիւպատոս եկաց առաջին անգամ՝ ՚ի մարտ սպատերազմի ընդդէմ Յուգուրթեայ: Հասեալ ՚ի բանակ անդր՝ արդոյ գտաւ եթէ յայլ ինչ պատճառս, և եթէ զի ՚ի դէպ ժամու իմաստնացաւ բարեկամ առնել զԲոկբոս արքայ Նոմագացւոց. քանզի մարդասիրապէս թողովեալ զհրեշտակս նորա փախստեայս ՚ի ձե-

ուսց աւաղակացն Նոմադացւոց, առեալ արձակեաց զնոսա հարուստ սարդիօք և պահապան գնդաւ: Արդ Բոկքոս՝ի վաղըն ջուց իսկ ատեայր և զանգիտէր ևս ՚ի Յուգուրթեայ աներոյն . ուստի և յայնժամ՝ յապաւինեւ առ նա Յուգուրթեայ յետ սարտութեանն՝ նենդ լարեալ նմա, կոչէր առ ինքն զՍիւղղաս . կամէր մանաւանդ ՚ի Սիւղղայէ՝ քան յիւրմէ ձերբակալ լինել աներոյն և մատնիլ ՚ի ձեռս թշնամեաց: Իսկ Սիւղղաս ՚ի վեր զբանն հանեալ առ Մարիոս, առեալ ընդ իւր գունդ սակաւաձեռն՝ չոքաւ գիմագրաւ ՚ի մեծ վտանգ . վստահ ՚ի խուժադուժն եղեալ՝ որ և առ կարևոր ազգականն ուխտագրուժ էր. ետ զանձն ՚ի նորա ձեռս, զի զայլ ոք կալցէ: Իսկ անդ Բոկքոս զերկոսին կալեալ ընդ ձեռամբ, ուխտագրուժ կամ առ մին լինել կամ առ միւսն՝ շատ ինչ ծփեալ ՚ի կրկին տարակոյս, ապա հաստատեաց ՚ի գլուխ տանել զառաջին նիւթեալն, և առեալ տայր ՚ի ձեռս Սիւղղայի զՅուգուրթաս:

Արդ որ յաղթանակեաց ՚ի վերայ նորա՝ էր ինքնին Մարիոս . սակայն չուք փառացն՝ զոր ՚ի մախանացն առ Մարիոս ընծայեցին Սիւղղայի իբրու նորա յանգ հանեալ գեղեցիկ զնահատակութիւնն, տանջէր ՚ի ներքոյ զՄարիոս: Քանզի Սիւղղաս՝ որ անգրասին մեծասանն և ժպիրհ վիճակեալ բարոյից, և որ այն ինչ յանաւագ կենացն արդոյ գտանէր առաջի քաղաքայնոցն, այն

չափ իմն պատուասիրեալ հպարտացաւ , զի և 'ի մատանին իւր քանդակեալ ճշգրտէր զգործն , և զնոյն մատանի հանապազօր տա նէր : Եւ էր 'ի նմա տպաւորեալ ինքնին Բոկքոս՝ իբրու 'ի ձեռս տալ Սիւղղայի զՅուդուրթաս , և Սիւղղայի առնուլ զնա :

Արդ այս բանք 'ի սրանութիւն գրդէին զՄարիոս . սակայն և այնպէս՝ իբրու ոչ ինչ դեռ ևս այնչափ նախանձեւի լեալ Սիւղղայի՝ վարէր զնա 'ի պէտս զինուորութեանն . և յերկրորդում՝ հիւպատոսութեան իւրում կարգեաց ևս զնա երեսփոխան . և յերրորդումն դարձեալ՝ 'ի հազարապետ . և 'ի նորա ձեռն գործ բազում գեղեցիկ 'ի գլուխ տանէր մեծապէս շահու : Քան զի եղեալ երեսփոխան , ձերբակալ արար նա զՎսպիլլոս զօրավար Տեքսոսագացոց . և եղեալ հազարապետ՝ ամոքեաց զՄարսա ջիս Ժողովուրդ մեծ և յոգնաթիւ՝ բարեկամ և նիզակակից լինել հռոմայեցոց : Բայց յետ այնորիկ իրազգած եղեալ զի դժուարաբառնալի է ինքն Մարիոսին , որ և ոչինչ մտադիւրապոյնս պատճառս 'ի ներքս ընծայէր նմա գեղեցիկ նահատակութեանց , նա՛ խոչ և խութ ևս արկանէր բարդաւաճելոյն նորա , ողջոյն անձնատուր լինէր 'ի Վատղոս հոմիչխան Մարիոսի՝ այր լաւ , թէպէտ և սակաւ մի յոյլ 'ի մարտս : Արդ 'ի նա ապաստան արարեալ Վատղոս գործս մեծամեծս և կարևորս , յոյժ զհամ բաւի հարեալ զօրացաւ Սիւղղաս . և 'ի կռուին կոտորեաց նա զբազումս 'ի բար

բարոսաց յԱլպէանսն : Ապա պաշար ամբարոյն պահասեալ , յանձն իւր առնոյր Սիւղղաս զհոգ իրացն և կուտեաց նա կերակուր ամբաւ , զի և 'ի յաւելուածոյն 'ի ներքս մատուցին Վատղեանք զօրացն Մարիոսի . ոյր աղագաւ՝ որպէս ասէ Սիւղղաս՝ առաւել ևս սրտնէր Մարիոս :

Արդ սոցուն խէթ 'ի դուղնաբէից աստի դրդեալ և յանտիական սկզբանց , և վարեալ գրգռեալ ապա յասպաժոյժ արեանց քաղաքին , և յամբոխս անհաշտելիս , 'ի տէրութիւն իմն բռնաւոր , և 'ի վէր 'ի վայր գործել զամենայն , քաջ իսկ 'ի դէմս եբեր զհանձար զիմաստութեանն Եւրիպիդեայ և զճշգրիտ ծանօթութիւն նորա զբարեացն՝ որ դան 'ի վերայ քաղաքաց . 'ի խրատել անդ նորա 'ի բաց փախչել 'ի փառասիրութենէ՝ իբրև 'ի ժանտաժուան Ոգւոյ և 'ի մահահամբոյր առ հասարակ՝ որոց միանգամ մերձ ունիցին զնա : Այլ Սիւղղաս կարծեալ՝ եթէ շուք զինուորութեանն շատ իցէ զբռամբ և զքաղաքականն ձգել , անդէն մեկնեալ 'ի բանակէն և պարապեալ ուշով 'ի պաշտամունս ժողովրդեանն , զհետ կրթեր զօրավարութեան քաղաքին , այլ վերիպեցաւ : Եւ ապա նա զպատճառն 'ի ժողովուրդ անդր հանեալ , ասէր՝ եթէ գիտելով չափ նորա զմեծապէս զիւր բարեկամութիւն ընդ Բոկքոսի , և ակն ունելով զի եթէ մինչև զօրավարեալ զամբարաստութիւնն զանձամբ առնուցու , որսորդութիւնս արդեօք պայծառս զբարակաց 'ի

հանդէս առցէ և դազանամարտութիւնս զգազանացն Վիբիոյ, այնորիկ աղադաւ զայլս ընտրեցին յայն աւագութիւն՝ զի զնասախ պեսցեն լինել ամբարապետ : Այլ թուի յառաջակայիցն քաջիկ խելամուտ լինել Սիւղղայի, զի ոչ զբունն խոստովանեցաւ՝ յոյր սակս վըխպեցաւ յայնժամ . քանզի յետ տարւոյն կալաւ նա զգորավարութիւնն՝ յինքն զժողովուրդն յանկուցանելով կէս մի սպասարկութեամբն , և կէս մի արծաթովն : Ուստի և յաւագութեան անդ բարձին էր երբեմն 'ի սրամտութիւն բրդեալ՝ ասէր առ Կեսար , վարել ընդդէմ՝ նորա ինքն սեպհական իշխանութեամբ . ծիծաղեցաւ Կեսար և ասէ . “ Եւ կարի յիրաւունս սեպհական քո կարծես դու զաւագութիւնդ , քանզի գնոց գնեցեր զգա ” :

Իսկ յետ զորավարութեանն առաքեցաւ նա 'ի Կապադովկիա : Որ 'ի վերոյ համբաւն՝ պատճառս արշաւանին ունէր զհաստատել Արիորարզանայ . այլ 'ի ներքոյ՝ էր ինքնին նուաճութիւնն Միհրդատայ . այնոր նիւթեալ մեծամեծս մենքենայէր , և ծաւալէր ձգէր տերութիւն յաւելեալ անձին և իշխանութիւն ոչինչ սակաս քան զոր ունէրն : Ապա Սիւղղաս ոչ ստուար գունդ յիւրոց անտի առեալ խաղացոյց , այլ գործի 'ի ձեռն առեալ զնիզակակիցսն մտադիւր նահատակեալ ընդ նմա , և զբազումս 'ի Կապադովկացւոց և բազմադոյն ևս 'ի Հայոց՝ որ 'ի թիկունս եկեալ էին՝ տապաստ արկեալ վանէ զԳորդիոս , և

նստուցանէր թագաւոր զԱրիորբարզան : Բայց 'ի դեգերեւել նորա առ Եփրատաւ, դայր խօսել ընդ նմա Որոբազոս Պարթև՝ հրեշտակ Արշակայ արքային . թէպէտ և երբէք յառաջ ժամանակաւ բան ինչ չէր երկուց աղգաց ընդ միմեանս . և այս դարձեալ 'ի բախտ մեծ Սիւղղայի, առ որ առաջին 'ի Հռոմայեցւոց եկին հասին Պարթևք՝ դաշնաւոր լինել և նիզակակիցք : Եւ պատմեն՝ հրամայեալ յայնժամ Սիւղղայի աթոռս երես, մի Արիորբարզանայ, և մի Որոբազեայ, և մի վասն իւր . այնպէս ունին զնէր Պարթևին՝ բազմեալ ինքն ընդ մէջ երկուցուն : Ոյր աղագաւ ասա և Պարթևաց արքայն 'ի մահ մատնէր զՈրոբազոս՝ զի հանդուրժեաց բանին : Բայց և զՍիւղղաս գլխովին կէսք 'ի գովութիւն առնուին, զի այնպէս կերպարան պերճ՝ յանձին եբեր արհամարհոս բարբարոսացն . իսկ կէսք իբրև խրոխտ առաւել և փառամոլ եսերեցին զնա : Եւ պատմեն՝ եթէ անդ Քաղկիդացի ոմն այր 'ի գնդէն Որոբազեայ՝ ակնկառոյց 'ի Սիւղղաս և մտադիր շարժմանց ոգւոյն և մարմնոյն, և դիտակի սպառկերին զննիչ ոչ 'ի վերին երեսս՝ այլ ըստ կանոնաց արուեստին, և 'ի վերայ կացեալ բուսոյ բարուցն, ասաց . հարկ ուրեմն է առնդ այդմիկ լինել մեծ յոյժ . և զարմանայր ևս՝ զի չև նորա լեալ է առաջին 'ի մարդիկ :

Ապա դարձ արարեալ Սիւղղայի, ամբաստան զնմանէ կայր Վենստովրինոս՝ զի կուտեաց նա ընդդէմ օրինացն՝ մթերս

ընչից 'ի բարեկամ և 'ի դաշնաւոր արքայէ սակայն երեսս չարարեալ յատենի' լուեցուցին զամբաստանու[թիւնն : Բայց անդուստ կագն ընդ նա և ընդ Մարիոս անդրէն միւսանգամ բորբոքէր՝ շնչեալ առ 'ի պատուասիրու[թենէն Բոկքոսի . Քանզի սա 'ի հաճոյս ժողովրդեանն Հռովմայ և Սիւղղայի առեալ նուիրեաց պատկերս 'ի Կապետովիոն յաղթանակաբերս . և առ երի նոցա եղ և պատկեր ոսկւոյ 'ի տալիւր Սիւղղայի 'ի ձեռս զՅուդուր[թաս : Յասեաւ Մարիոս և չհանդուրժեալ և դօտեալինդ ևս եղև 'ի միջոյ զգրօշեալսն զայն բառնալ իսկ անդուստ և կուսակիցք զկողմն զօրացուցեալ զՍիւղղայի , փոքր միւս ևս 'ի 'ի հերձուածոյ անտի 'ի հուր առ հասարակ դատեր քաղաքն . այլ սանձէր զաղմուկն մարտ պատերազմի նիզակակցացն . անդստին 'ի վաղ ժամանակաց ծխեալ , և յայնժամ սաստիկս բորբոքեալ՝ բոցանայր ընդդէմ քաղաքին : Ապա յայս մարտ պատերազմի 'ի մեծ և 'ի բողմադիմակ , և աղէտից ամբաւից և ահագին արկածից վտանգաբեր Հռովմայ , ոչինչ գործ քաջութեան 'ի ներքս բերեալ Մարիոս , յայս արար զի առաքինութեանց մարտից պէտք են միանգամայն և կորովութեան անգամոցն և ուժոյն : Իսկ յայնժամ Սիւղղաս բազում նահատակութիւնս ցուցեալ մեծամեծս , զհամբաւի հարկանէր իբրև զօրավար մեծ առ քաղաքացիսն , և զօրավար մեծ ևս առ բարեկամսն , և զօրավար յոյժ բարեբաս

տիկ առ թշնամիան: Սակայն ո՛չ նոյն դէպք
Տխմոթեայ որդւոյն Կոնոլի սպտահեցին
և Սիւղլայի . քանզի Տխմոթեայ թշնամիքն
բնաւ իսկ զգեղեցիկ նահատակութիւնս նո-
րա ընծայեալ բախտին , առեալ նկարեցին
զնա՛ի սկնակի՛ի քուն , և առ նմա զբախտն՝
որ ցանցապատ ուռկանէր զքաղաքս . զայ-
րացեալ նորա և ՛ի խոր խոցեալ՝ իբրու որ
ողջոյն ՛ի փառաց մրցանացն կապտեացն
զնա բանիւն, դարձ նորա երբեմն արարեալ
՛ի զինուորութենէն՝ յորում մեծապէս ա-
ռաքինացաւ , ասէր այսպէս առ ժողո-
վուրդն . “ Չիք արդեօք՝ արք անթեհացիք՝
բաժին բախտին ՛ի նահատակութեանդ ” :

Այլ վասն Տխմոթեայ՝ որ այսպէս պան-
ծայր՝ ասեն վրէժխնդիր լինել նմա զիցու-
ւոյն , զի և գործ մի վառաւոր ոչինչ այ-
նուհետև ՛ի ներքս բերէր Տխմոթէոս . և
նորա ձախողակս գնացեալ իրք և ՛ի թշնա-
մութիւն ևս բերեալ ընդ ժողովրդեան ,
հուսկ ուրեմն տարագիր ելանէր ՛ի քաղա-
քէն : Իսկ Սիւղլաս ինքնին ո՛չ միայն խըն-
դայր լսել զօժանդակել իւր առ ՛ի բախ-
տէն , այլ և ՛ի շուք մրցանացն և առ ՛ի զիւր
զօրավիգն հաւատարիմ գործել յաստուա-
ծակոյս կողմանէն, ինքնին զայնոսիկ բախտին
ընծայէր . կամ առ ՛ի պարծանս , կամ թէ
անշուշտ այնպէս կրթեալ յաստուածա-
կողմն անգր : Քանզի և ՛ի Յիշատակագիրս
իւր ինքնին արձանագրէ , եթէ ՛ի գործոց
անտի իւրոց ո՛չ ուշով գործեալքն , այլ որք
յեղակարծս , գեղեցիկ ևս յաջողեցան նմա :

Առ այս դարձեալ՝ յասել նորա ծնեալ զանձն՝ քան վասն մարտի՝ առաւել ևս վասն բախտին, քաջայայտ բախտին ընծայէ՝ քան եթէ առաքինութեանն, և համբուն՝ թուի թէ զհետ Քաջին այնորիկ ողջոյն իսկ կըրթեալ էր Սիւղղաս, զի և աստուածեան գոգցես երանութիւն համարեցաւ նա զհա մակամութիւն իւր ընդ Մետեղեայ հանդիտապատիւ առն և աներոյն, քանզի յորմէ խիթայր բազում հակառակամարտ հանդիսից, եդիտ զնա իւր իշխանակից հեզ և հեշտալուր: Դարձեալ առ այս՝ յիւր Յիշատակագիրսն նուիրեալ Լուկուղղեայ, խրատէ զնա՝ մի ինչ այլ հաստատուն կարծել՝ քան զգիշերայնոյն զառ նա ա նըրջալուր պատգամս զՔաջին: Եւ պատմէ՝ եթէ յառաքել անդ իւրում բանակաւ ՚ի մարտ ընդդէմ զաշնաւորացն, վիրապ ահագին պատառեալ բացաւ յերկրին մերձ Լավերնայ, և հուր մեծ յորդեալ ելանէր, և բոցոյն նշոյլք հատանէին յերկինս, և անդ իղձք և գուշակք զայս ասային. եթէ ՚ի քաջաց ոմն այր և ՚ի գիտակ պատկերին չքեղ՝ տիրացեալ համոզեացէ զազմուկ քաղաքին, և զայն այր՝ զանձն գլխովին ասէր Սիւղղաս, զի և ըստ դիտակին՝ յոյժ գեղազարդ էր ՚ի վարսից ոսկեթեւ հերացն, և ըստ քաջութեանն դարձեալ՝ անվեհեր ՚ի քաջաց ասէր զանձն յետ այնչափ գեղեցիկ նահատակութեանցն: Այս էին նորա խորհուրդք առ աստուածութիւն անդր:

Իսկ յայլ ինչ բարոյան բազմադիմակ էր նա և տարօրինակ . շատ ինչ յափշտակէր ունէր , և շատ ևս տայր ընծայէր . շուք դնէր գժսպատեհս , դարձեալ և ոտնհար լինէր . սպաս հարկանէր՝ որոց միանգամ ինքն պէտս ունէր . և տմարդի վայրենաւնայր՝ առ որս կարօտեալ ինչ էին նմա . զի և գժուարին էր համօրէն ՚ի վերայ կալ բնութեան առն , խիզախ արդեօք և հպարտ , եթէ մարդէլոյզ իցէ և շնթող : Քանզի և յանհաւասարութենէ անտի նորա ՚ի պատուհասել , է զի գատակնիք գժնդակ ՚ի վերայ ածելով դուզնաբեայ յանցանաց , և է դարձեալ մեծաց քարուականաց հեղաբար տարեալ , է զի հեշտաբար ամոքեալ յանբերելի յանցաւորութիւնսն , և է դարձեալ խուճ և փոքրոգի խակութեանց պատուհաս տուեալ մահու և ընչիցն գրաւելոյ . յայտպիսեաց աստի դուշակեացէ որ թերևս եթէ նա անդատին ՚ի բնութենէն դուրով ցասկոտ և անհամբոյր , կամակար սանձէր զաննուէր զկիրսն ըստ դէպ ժամամանակին : Արպէս և ՚ի նիզակակցաց մարտին՝ յորժամ նորա զօրականք բրօք և բրունաքարօք սպանին զայր երևելի զիւր երեսփոխան և զօրավար կացեալ՝ Ալբինոս անուն , զանց արար և պատուհաս չածէր մեծի յանցանացն . այլ կերպարան պերճ յանձին բերեալ ասէր այտպէս , եթէ նորին ազադու արդեօք յօժարամիտք ևս լինիցին նորա զօրականք ՚ի մարտ և խնամտք առաւել ՚ի նահատակութիւնս և ՚ի մըր-

ցանա՝ քերել յանձանց քաջութեամբ իւրեանց զկեղտն զայն :

Եւ ոչ դարձեալ երեսս ինչ առնէր իւրոց ամբաստանացն , այլ զմտաւ ածեալ նկուռն առնել տապալել զՄարիոս , և տեւեալ ևս զվճարել մարտին ընդդէմ՝ նիզակակցացն , և զհետ կրթեալ զօրավարութեան ընդդէմ Միհրդատայ , սպաս և շուք հարկանէր իւրում զօրականին . և ապա անցեալ ՚ի քաղաք անդր՝ ամաց յիսնից կարգեցաւ հիւպատոս ՚ի միասին ընդ Վուլինտոսի Պոմպէոսի . առ այս՝ և հարսաւ նիս հոյակապ տարաւ նա՝ կին ածեալ զՎելիլիա դուստր Մետեղլոսի քահանայապետին . ոյր աղաղաւ ցուցս շատ նուագաց յերգ առին խառնիճաղանջն ընդդէմ նորա , և բազումք ևս յաւագաց եպերէին զհարսանիսն զայն , անարժան կնոջն՝ որպէս ասէ Տիտոս (Ղիվիոս)՝ համարեալ զայրն , զոր հիւպատեան իսկ բարձին համարէին արժանի : Այլ նա ոչ զսա միայն յայնժամ ած ՚ի կին , այլ առաջին ՚ի պատանեկութեանն ած զՎիլիա , յորմէ ծնաւ նմա դասրիկ մի . և երկրորդ՝ զՆելիա , և երրորդ՝ զՎիլիա , զոր և արձակեաց յիւրմէն իբրու որ ամուլիցէ , սակայն շուք եղեալ նմա և շատ գովեալ զնա և ընծայս ևս ՚ի ձեռս տուեալ նմա . և յետ սակաւ աւուրց ամուսնացեալ ընդ Մետելեայ , թուեցաւ իմն՝ եթէ մեղ ամուլութեան կարկատեալ զՎիլիայ՝ արձակեաց զի կին ածցէ զՄետելիա : Բայց զՄետելիա ՚ի շուք մեծապէս

սլատուոյ կալաւ հանապազ Սիւղղաս , զի և ժողովուրդք Հռովմայ 'ի խնդրել գարձուցանել զվտարանդիսն 'ի հերձուածոյն Մարիոսի՝ որում ընդդէմ գարձաւ Սիւղղաս , աղաչաւորք մատեան 'ի բարեխօսութիւն Մեատէլեայ : Եւ թուի թէ և ընդ Աթեննացիս խստիւ գնաց Սիւղղաս յառնուլ քաղաքին . զի 'ի սարսպաց անտի այսպանեալ նոցա զՄեատէլիս՝ թշնամանս արձակեցին 'ի նա : Այլ վասն այսոցիկ զկնի ուրեմն :

Իսկ յայնժամ Սիւղղաս դուրնաքեաց զհիւպատոսութիւնն համարեալ առ հանդերձելովքն՝ որոց տարփայր , վառէր մեծաւ ցանկութեամբ 'ի մարտն Միհրգատեան . այլ էր նմա նախանձաւոր և խոչընդ ոտն Մարիոս . այն՝ որ 'ի խօլական և 'ի սանձակոտոր կրից փառացն և սլատուոյն , կիրք անծերանալիք , թէպէտ և այր ծանրագանդաղ մարմնով և առ ծերութեանն այն ինչ հրաժեշտ 'ի զօրավարութենէ տուեալ այլոց արչաւանաց , 'ի վերայ այսր և յայնժամ կրթէր տարփմամբ 'ի մարտս տարաշխարհս և յայնկոյս ծովուն : Ապա Սիւղղաս 'ի գործ ինչ իւր յայնժամ մեկնեալ 'ի բանակն , նա առ տնին նիւթէր մեհրենայէր զմահահոտ հերձուածն՝ վտանգաբեր Հռովմայ որչափ ինչ ոչ վնասեցին զնա ամենայն մարտք սլատերազմաց . զոր և կանուխ անդ 'ի Քաջաց ոմն՝ նշանօք ազդեաց : Քանզի հուր հարեալ ինքնին 'ի տիգաբունսն 'ի կրելիս դրօշակաց , հազիւ ուրեմն շիջանէր : Առ այս՝ և ագուաք երէք

ածեալ յառաջ զձագս իւրեանց՝ գիշա-
տէին, և զմնացորդն տանէին՝ ի բոյն անդր-
Դարձեալ և մկունք կրծեալ զոսկին նուի-
րական՝ ի մէհէնին, և աւելածուքն ըմբռ-
նեալ՝ ի ծուղակի դբածն, և անդանօր ցկնեալ
նա հինգ, եկեր զերիսն: Այլ նշան բնա-
ւից վեհագոյն, զի յանամպրոպ օգոցն ի
սլարդ և ի յստակ՝ ձայն փողոյ հնչեաց
ուժգնակի և եղերաձայն, զի և առ հա-
սարակ պակուցեալք զգուլանի հարան ընդ
աստկութիւնն:

Իսկ անդուստ Տիւրրե՛նացւոց վիպասանքն
ազգ առնէին՝ ի հրէշից անտի ակնարկել
փոփոխութեան մարդկան յազգ այլ, և
տիեզերաց նորոգութեան. և ասէին՝ զայն
ազգս յաշխարհի ութ թուով, աննմանք
միմեանց կենօք և բարոյիւք. և միում միում
՝ ի նոցանէն թիւ ժամանակաց սահմանեալ
յաստուածուստ, որ կատարեսցի ի շրջան
մեծի տարւոյն. և ի սպառուած միոյն և ի
սկիզբն միւսոյն, նշան սքանչելի շարժի յեր-
կրէ կամ յերկնից, ուստի և այսոցիկ հոգա-
ծուքն և խելամուտքն յայտնի տեսանէն
ճնանել մարդկան՝ այլօրինակք և այլա-
բարոյք. որոց և նուազ կամ առաւել խնա-
մածուք են դիք՝ քան առաջնոցն. քանզի
՝ ի փոփոխել ազգացս այսոցիկ, նա և այլ
իրք՝ ըստ նոցա բանին՝ մեծապէս նորոգին.
և գուշակաց արուեստն ՝ ի միում անդ յազ-
գի շուք առաւել տարցի, օժանդակեալ
՝ ի նախաքարոզ բանից՝ ի տալ անդ գից կա-
նուխ նշանս յստակահայեաց զհանգերձե-

լոցն . իսկ 'ի միւսումնս՝ հիբացեալ գտցի , գուշակութիւնս առնելով բազում անգամ վայրապար , և նշանս ունելով ուսուցես և աղօտահայեաց գործիս ճշմարտութեան զհանդերձելոցն : Արդ օրինակ զայս Տիւրբենացոց քաջ վիպասանքդ կցկցէին և քան զայլս գերազանցեալքն 'ի գիտութեան : Իսկ մինչդեռ ծերակոյտն խոհուրդ հարցեալ վասն այսոցիկ յղծից և 'ի գուշակաց , և դեգերեալ կային 'ի տաճարին Ենիւոնեայ , անգուստ ճնճղուկ մի 'ի ներքս թռուցեալ առաջի ամենեցուն՝ բարձեալ 'ի կտուցն ճպուռն՝ արկանէր 'ի վայր զկէս նորա , և զաւելին առեալ՝ թռանէր անգրէն : Ապա յայսմանէ գուշակեցին հրաշագէտքն աղմուկ շփոթից և հերձուած մեծ ընդ ընչեղս և ընդ քաղաքական ամբոխ և ընդ շինական . քանզի վերջինքդ ձայնարձակք են իբրև ճպուռն , և առաջինքդ՝ մենացեալք են յագարակս :

Արդ՝ յայնժամ Մարիոս յինքն ձգեալ յանկուցանէր զՍուլպիկիոս , այր եղեռնաւոր յոյժ . զի և ինդրեսցի երբէք ոչ՝ քան զո՞ դք 'ի մարդկանէ նա ապիրատ ևս իցէ . այլ թէ յիմ իմիք նա յապիրատութեան վեհագոյն անձին իւր իցէ : Այնչափ իմն առհասարակ մթերեալ կային յայրն ա նագորոյն կիրք , և յանդգնութիւն ժպիրհ , և ագահութիւն ընչաքաղց . և անքննաբար խորհրդով և յայրատագոյնս անկղիտա նայր յամենայն վատթարութիւն և յամենայն անզգամութիւն . և աշխարհաւ 'ի

վաճառ հանեալ զքաղաքացի կարգ զՀռովմայ առաջի ազատագրելոց և վարձուորաց տանց, թուէր հաշուէր զգինս վաճառուն 'ի տրապիզ մի եդեալ 'ի հրապարակի : Էին նորա թիկնապահք երեքհազար, և հանապաղ ստրառեալ ունէր բազմութիւն զպատանեաց ասպետաց, որոց և անուն կարդայր՝ Դերասինկղիտոսս. և օրէնս հաստատեալ՝ բնաւ ուրուք 'ի ծերակուտէն ո՛չ սարտել առաւել քան զգրամակշիռս երկու հազար, ինքն ասպ յեռ մահուանն եւ թող սարաս երից հարիւրոց բիւրուց : Սասյս այր դրդեալ և հրապուրեալ 'ի Մարիոսէ ընդդէմ խուժանին, և 'ի բուռն կալեալ զամենայնն բռնութեամբ և 'ի սուր, արձանագրեաց օրէնս բազում անբարիս. ընդ որս և զգորավարութեանն Մարիոսի 'ի մարան Միհրդատեան. ոյր աղադաւ վճիռ զաբաթանալոյն տուեալ հիւպատոսացն, ինքն իւրոյ հրոսակին հորդան տուեալ ընդդէմ նոցա, մինչցեռ անդ եկեղեցացեալ կային առ տաճարին Դիոսկուրեանցն՝ սպան զբազումս. ընդ որս զպատանեակ որդի Պոմպէոսի հիւպատոսին 'ի հրապարակի :

Այլ Պոմպէոս խոյս տուեալ փախեալ իսկ Սիւղղաս վանեալ մինչև 'ի ներքս 'ի տունն Մարիոսի, ստիպեցաւ ելանել արտաքս և լուծանել զաբաթումն : Ուստի և Սուլպիկիոս 'ի բաց 'ի հիւպատոսութեանէն առնէր զՊոմպէոս, այլ ո՛չ և զՍիւղղաս. և միայն զգորավարութիւն մարտին Միհրդատայ առեալ 'ի նմանէ՝ դարձուցանէր 'ի

Մարիոս . ապա անդէն արձակէր և հազարապետս զօրականին 'ի Նոզա՝ տալ 'ի նոցա ձեռս զզօրն և յանձն առնել Մարիոսի : Սակայն քան զնոսա աճապարեալ Սիւղղաս 'ի բանակ անդր, զօրականք 'ի լուրբանին քարկոծ զհազարապետսն արարեալ, անդուստ և Մարիոս 'ի քաղաքին 'ի մահ վարէր զբարեկամսն Սիւղղայի և զինչս նոցա . և ապա անդ էր տեսանել զի կէսք ամայի զկարգն լքեալք՝ 'ի բանակացն չու առնէին 'ի քաղաքն, և կէսք դարձեալ 'ի քաղաքէն՝ 'ի բանակսն . և Սինկղիստոսն ինքնին յիշխանութենէն կապտեալ՝ դէտակն ունէր հրամանացն առ 'ի Մարիոսէ և 'ի Սուլպիկեայ :

Ապա լուր առեալ զի գիմեալ խաղայ Սիւղղաս ընդդէմ քաղաքին, առեալ արձակեաց առ նա երկուս ոմանս 'ի զօրավարաց զԲրուտոս և զՍերվիլիոս արգելուլ զչուն նորա . իբրև նոքա յաւակնագոյնս իմն սկսան խօսել ընդ Սիւղղայի, առատանային զօրականք 'ի սիրոս իւրեանց սպանանել զնոսա, սակայն առեալ և ջաղխեալ զգաւազանս նոցա և զծիրանի պատմուճանսն 'ի բաց 'ի թիկանցն կորզեալ, և շատինչ թշնամանս մեծամեծս 'ի վերայ ածեալ, այնպէս արձակէին յետս : Եւ նոքա այնպէս խայտառակ կապտեալ 'ի նշանակաց զօրավարութեանն, անդ մեծապէս սրտաթափ առնէին զտեսանելիսն . և քաջ իակ անդարմանելի էր այնուհետև հերձուածն և անվանելի : Մարիոս հետամուտ

ողջոյն 'ի պատրաստութիւն մարտին, ան-
դուտ և Սիւղղաս խաղայր գայր 'ի Նողայէ
ողջ վէց շէգէոնախումբ զօրու՝ հանդերձ իշ-
խանակցան : Եւ թէպէտ և զօրականն
վառեալ դէպ ուղիւ խաղալ 'ի քաղաք
անդր, վարանէր Սիւղղաս զանդիսեալ 'ի
մօտալուտ վտանգէն :

Ապա զո՛հ զո՛հեալ, անդանօր հարցուկն
Պոստումիոս բարեգուշակ հմայից 'ի վերայ
կացեալ՝ զերկոսին զձեռան կարկառեալ առ
Սիւղղաս ստիպէր զնա, կապել զինքն և 'ի
դիպահոջ ունել մինչև 'ի վճար մարտին .
յանձն առնոյր պատուհաս վերջին՝ թէ ո՛չ
վաղվաղակի բարեաւ վճարեցի ամենայնն :
Առ այս դարձեալ և պատմեն՝ և նմին իսկ
Սիւղղայի յանուրջս երևել զիցուհոյն՝ ո-
րում շուք դնեն հռոմայեցիք . այլ զնորա
պաշտօնն 'ի կապադոկացւոց անտի ուսան-
նոքա, եթէ լուսին իցէ այդ, եթէ Աթե-
նաս, կամ թէ Ենիւոփն . և թուէր 'ի վե-
րայ կացեալ նորա զիցուհոյն տալ նմա 'ի
ձեռս շանթ, և մի մի զանուն կարգացեալ
զթշնամեացն, հրաման տալ շանթահար 'ի
նոսա լինել . և թուէր այնպէս շանթահար
տապաստ անկանել նոցա, և սպասներեոյթ
լինել : Ոյր աղագաւ և քաջալերս առեալ
Սիւղղաս յերևմանէն, և պատմեալ զայն
յառաւօտուն իշխանակցին, ելեալ խաղայր
բանական 'ի հռոմ :

Հասեալ մօտ 'ի Պիկինա ընդ առաջ եղէն
նմա դեսպանք, աղաչէին մի այնպէս ձե-
պով և կշիռ յարձակել 'ի քաղաք անդր .

Քանզի և Սինկղէտոսն ինքնին պատրաստ է շնորհել նմա զարդարն և զվայելուչն: Նա եցոյց հաւանել նոցա և խոտոացաւ ևս անդէն բանակ հարկանել, և հրաման տայր զօրագլխացն ըստ սովորութեանն չափել զվայր բանակհարութեանցն . մինչև աներկմիտ հաւատով դարձան յետս դէսպանքն : Իբրև նոքա մեկնեցան, անդէն և ինքն գունդ հասանէր 'ի ձեռն Ղեւկիոսի Բասիլեայ և Գայիոսի Մոմմիոսի, և նոքօք հասեալ տիրէր 'ի վերայ միոյ 'ի վրացն և պարսպացն շուրջանակի զՆսկիւլնեան բլրովն . և ինքն խաղայր զկնի տազնապաւ : Ասլա Բասիլիոս հորդան տուեալ իւրովքն 'ի մէջ քաղաքին յառաջագէմ ունել գրաւել, անդ խուժանն յոգնաթիւ անդէն՝ ընդգէմ նորա 'ի բարձանց անտի հոսեալ աղեւս կղմնորացև վերդս, սանձէին զհրոսն և ընկրկէին 'ի պարխսպ անդր :

Յայն շտապ տազնապի 'ի վերայ հասեալ և Սիւզղաս և զգործն զայն տեսեալ, ձայն բարձեալ գոչէր հրձիգ 'ի տունն լինել . և առեալ ջահ ինքն առաջի ընթանայր ամենեցուն, և հրաման տայր աղեղնաւորացն վիքինս արտաշէկս աղեղնաւորել 'ի վերայ տանեացն . այնպէս իմն բերեալ 'ի կիրս անխորհուրդս, և մոլեգինս սրտմտեալ 'ի ժամուն, զի և բաց 'ի թշնամեաց տեսանէր և ոչինչ . և անխորաբար և անկարեկիր անձամբ միանգամայն 'ի բարեկամսն, 'ի մերձաւորս, յնտանիսն, յայս կոյս յայն կոյս վազէր և հուր հարկանէր, ոչինչ որս

չէր զանմեզս 'ի պարտաւորաց : Իսկ յայնժամ Մարիոս վանեալ ընկրկեալ մինչև 'ի մեհեան անդր Երկրի , քարոզ կարգաց զազատութեան ծառայիցն՝ որ միանգամ մարտեղեալ կռուեսցին . այլ 'ի վերջէ ներդեալ 'ի թշնամեացն՝ խոյս տուեալ ելանէր 'ի քաղաքէն :

Իբրև այս այսպէս կատարեցաւ , խըմբեալ յետ այնորիկ Սիւղղաս զծերակոյան , տայր դատակնիք ածել մահու 'ի վերայ Մարիոսի և սակաւուց ոմանց , ընդ որս և Սուլպիկեայ ժողովրդապետի . որում մատն և դուշակ լինէր յայնժամ ոմն 'ի ծառայիցտալ ետ Սիւղղաս ազատութիւն ծառային , այլ գահավէժ ընդ պարեխս առնէր զնա : Ապա սակ բազում արծաթոյ հրատարակէր 'ի սպանութի Մարիոսի . այլ ոչ մարդասիրապէս ինչ և ոչ դարձեալ քաղաքական հանճարով գնաց Սիւղղաս 'ի բանին ընդդէմ՝ առն . այն՝ յոյր ձեռս վայրիկ մի յառաջ անկեալ 'ի տուն նորա ապաւինեցաւ և արձակեցաւ խաղաղութիւն . որ թէ երբէք զնա արձակեալ յայնժամ չէր Մարիոսի , և տուեալ ևս էր Սուլպիկեայ սպանանել զնա , ինքն յառաջագէմ կացեալ էր յամենայնին , սակայն այնպէս ներողամիտ դտեալ առնա , չետես ապա զդարձ փոխարինին՝ յետ սակաւ աւուրց 'ի նոյն ըմբռնեալ վտանգ : Եւ յայնմանէ Սիւղղաս 'ի խոր խոցեաց զծերակոյան 'ի ծածուկ . սակայն յայանի խուժան ամբոխին 'ի դէմս եբեր նմա զատելութիւն և զվրէժխնդրութիւն . յորժամ

անդանօր Նոնիոս քեռորդին Սիւղղայի և Սերվիոս՝ որ ՚ի Թիկունս զնա ունեւրով Թեկն ամին զաւագութեան բարձից, մերժեալ խոտեցան ՚ի Ժողովրդոց. և ընտրեցան ընդ նոցա մարդիկն՝ որոց շուք պատուոյն դժոխ ըմբերելի Թուէր Սիւղղայի:

Այլ ինքն Սիւղղաս կեղծաւորեցաւ ինդալ, զի այնպէս յիւր ձեռն ազատ էն Ժողովուրդք առնել զհաճոյս. առ այս՝ է յամոքել զատելութիւն խուժանինն առ նա՝ ընտրեալ կարգէր ՚ի հիւպատոս զԱլեւկիոս Աիննաս ՚ի հակառակ հերձուածոյն. տուեալ նմա նախ վկայութիւն դնել նզովիւք չափ և երդամամբ՝ զի բարեկամ և նիղակակից կայցէ իրաց իւրոց: Ապա ելեալ Աիննաս ՚ի Կապետոլիոն, կալեալ քար ՚ի ձեռին երդնոյր և նզովս ևս կարդայր անձինն, զի եթէ նա զկայցէ միշտ հաստատուն բարեկամութեամբ ընդ Սիւղղայի, տարադէմ ձգեսցի նա ՚ի քաղաքէն՝ զոր օրինակ ձգէ նա զքարն ՚ի ձեռաց. ասաց և արկ ՚ի գետին զքարն՝ առաջի ոչ սակաւուց մարդկան: Այն ինչ զհիւպատոսութիւնն ՚ի բուռն արկեալ, պատրաստեցաւ շարժել ջրջեւ զկարգ իրացն՝ և ամբաստանութիւն ևս կազմեաց յատենի ընդդէմ Սիւղղայի, և տայր Աիրդինիոսի Ժողովրդապետի ամբաստան կալ զնմանէ:

Բայց Սիւղղաս ողջոյն հրաժարական տուեալ նմա և ստեղծակալացն, ել և յուղի անկաւ ընդդէմ Միհրդատայ: Եւ պատմեն՝ եթէ յաւուրսն յորս զհանդէս նա

ւացն խաղացուցանէր Սիւղղաս յԽաղիոյ, նշանք ևս բազումք աստուածային երևեցան Միհրդատայ՝ որ դեգերեալ կայր յայնժամ 'ի Պերդամոն : Քանզի և Յաղթութիւնն պսակաբեր 'ի Պերդամացուոց իջեալ 'ի բարձանց գործեօք ոմամքք 'ի պսակել զՄիհրդատ, հասեալ մօտ 'ի գլուխն՝ անդ խորակէր, և պսակն ինքնին անկեալ 'ի դետին 'ի մէջ թատերն ողջոյն ջախջախէր : Եւ ապա այս դէպ արհաւիրս 'ի ժողովուրդն արկանէր և սրտաբեկ զՄիհրդատ առնէր. թէպէտ և 'ի ժամուն յառաջադէմ՝ յոյժէին իրք առն արտաքոյ ակնկալութեան նորա : Քանզի զԱսիա 'ի ձեռաց հանեալ Հռոմայեցուոց, և զԲիթլիւնիա և զԿասպագոպկիա յարքայից նոցա, ինքն դադարեալ նստէր 'ի Պերդամոն. մ'թերս ընչից և տերութիւնս և բռնաւորութիւնս բաշխէր բարեկամացն : Եւ անդ յորդուոցն նորա՝ մին թագ կապեալ զվաղնջուցն՝ նստէր յանդորրու 'ի Պոնտոս և 'ի Բոսփորոն, մինչև յանապատ անդր Մէոսիդէայ :

Եւ միւս ոմն դարձեալ՝ այն էր Արիարաթէս՝ զորու ծանու ընդ բռամք արկանէր զԹրակիա և զՄակեդոնիա. անդուստ և զօրավարք նորա ստուար գնդաւ հասեալ նուաճէին և զայլ ևս դաւառս. և էր 'ի ներքս 'ի նոսա աւագ Արքեղայոս ինքնին՝ որ նաւուք հասեալ տիրացեալ էր ողջոյն ծովուն, և ընդ լծով ծառայութեան կացուցեալ զԿիլիկացեան կղզիսն, և որչափ ինչ 'ի ներքս 'ի Մալէա, մինչև և զԵւպէա ինքնին գլխո-

վին. և խաղացեալ յԱթենայ՝ որ նստոցն էր պատերազմին, ապառամբեցուցանէր ՚ի հռոմայեցոց զամենայն ժողովուրդս Եւլադայ մինչև ՚ի Թետաղիա. սակայն և խոչընդոտն դատանէր նա առ Վերոլիւեաւ: Քանզի անդ նմա ընդառաջ ելանէր Բրետտոիոս Սուրբաս երեսփոխան Սենտիոսի զօրավարի Մակեդոնիոյ և այր երևելի քաջութեամբ և իմաստութեամբ: Սա այս Բրետտիոս ամենայն զօրութեամբ զգէմ կալեալ Արքեղայոսի, այն՝ որ իբրև հեղեղ յորդեալ սաստիկ՝ այնպէս խաղայր հորդան տայր ընդ մէջ Բիովոիոյ. և յերիս կռիւս ՚ի պարտութիւն մասնեալ զնա առ Վերոլիւեաւ, վանեաց ընկրկեաց զնա միւսանդամ՝ ՚ի ծովանդր:

Այլ հրաման առ նա հասեալ ՚ի ձեռն Լեւկիոսի Լեւկուղոսի տեղի տալ Սիւղղայի՝ որ առ դուրս կայր, և ՚ի նա սպաստան զմարտն առնել ըստ սահմանի վճռոյն, անդէն փութապէս լքեալ նա զԲիովոիա, դառնայր յետս առ Սենտիոս. թէպէտ և ամենայնն՝ որ առ նովաւ՝ գեղեցիկս յաջողեալ էր ՚ի վեր քան զյոյս ակնկալութեանն. և Եւլադա ինքնին մտադիւրագոյնս հակամիտեալ էր ՚ի փոփոխութիւն անդր վասն քաջութեան և լաւութեան առն: Այս ինչ աւագիկ նահատակութիւնք գործոցն Բրետտիոսի:

Իսկ յայնժամ առ Սիւղղաս գային հասանելին դեսպանութիւնք հրաւիրակք նմա առ հասարակ ՚ի քաղաքաց, բայց յԱթե.

նայ՝ որ 'ի հարկի հնազանդութեան կայր յայնժամ Արիստիոնի բռնաւորի : Ուստի և արագ արագ խաղաց նա ընդդէմ նորա ողջոյն բանտկան, և պատեալ և զՊիրէոս՝ պաշարումն ածէր նմա . զամենայն հնարս հնարէր և զամենայն մարտ յարդարէր առնուլ զնա . և եթէ նորա անդանօր գեղերէալ էր ոչ բազում ժամանակ՝ անշուշտ 'ի բուռն զքաղաքն՝ որ 'ի վերոյ՝ արկանէր անվտանգ . քանզի և յողիս ասպաստան կայր քաղաքն սովեալ 'ի կարևորացն : Սակայն նա շտապեցաւ դառնալ 'ի հռոմ՝ խիթացեալ 'ի նորութեանց քաղաքին . փութայր արագէր դիմադրաւ 'ի վտանգս բազումն և 'ի բազմադէմ մրցմունս և 'ի ծախս մեծամեծս՝ վճար տալ մարտի պատերազմին . յորում՝ թող զայլ հանդերձանան՝ 'ի գործս վաստակոց մենքենայիցն միայն աշխատէր հանապազօր զոյգ ջորեաց բիւր մի : Իսկ պաւ կասեալ նմա նիւթ փայտի, քանզի շատք 'ի գործոցն ջախեալք խորտակէին 'ի ծանրութենէ, և շատք ևս հրդեհակէզ անդուլ 'ի թշնամեացն լինէին՝ ապա Սիւղլաս ձեռն արկանէր և 'ի նուիրական մայրիսն . և հատ նա կտրեաց զԱկադեմիա՝ վայր անտառախիտ առաւել քան զամենայն բուրաստանս, և զԼիւկիոն :

Եւ քանզի դրամոց բազմաց պէտք էին նմա 'ի գործն, ձեռն արկանէր և 'ի նուիրական անմատոյց դանձան Ելլագայ, ածեալ բերեալ յԵպիտաւրոսէ և յՈղիւմպիոյ կարասի գեղեցիկ յոյժ և պատուա-

կան՝ որ անդ 'ի ձօն կախեալ կային դիցն :
 Գրեաց և 'ի Դեղփիս առ Ամփիկափոնա-
 ցիս , եթէ՛ լաւ ևս է որ անդ դանձուցն Ա-
 սողոնի տանել առ ինքն . զի կամ յան-
 դորրու առաւել սրահեացին առ նմա , կամ
 թէ ողջ դարձուցէ անդրէն զԿիւոն , եթէ
 վարեացէ ինչ 'ի պէտա : Եւ առեալ արձա-
 կէր անդր զՎափի Փոկէացի զմի 'ի բարե-
 կամացն՝ հրաման տուեալ յանձն առնել
 զամենայնն կշռով : Գնալ գնաց Վափի 'ի
 Դեղփիս , սակայն և ոչինչ ժտեցաւ մերձե-
 նալ 'ի նուիրականսն . և անդ յանդիման
 Ամփիկափոնացն կայր նա և լայր դառնա-
 սէս , զի ըմբռնեցաւ 'ի հարկն յայն : Յայն-
 ժամ և յասել անդ ոմանց առ նա , եթէ
 և քնարի հարկանել լսելի եղև նոցա յար-
 քունեաց դաբիրային , նա՛ կամ զի հա-
 ւաստի հաւատս ընծայեալ բանին , կամ զի
 սպասարկու դիցն և երկիւղած զՍիւղղաս
 ինքնին գործեացէ , առեալ գրեաց առ նա
 զբանն : Իսկ Սիւղղաս յընչաց քերեալ զնա ,
 սրտաստիանի առնէր զարմացեալ զի Վափի
 ինքնին խելամուտ չէ զի երգ նուագաց ոչ
 ցասուցելոյ ուրուք է , այլ բերկրեցելոյ .
 և սպասուիրէր նմա համարձակ առնուլ
 զգանձն , իբրու եթէ հաճեալ դիցն՝ ինքնին
 նոցա տալ նմա 'ի ձեռս :

Եւ այնպէս սպա զայլն ամենայն առ-
 եալ յլէին առ Սիւղղաս՝ զանխուլ 'ի ժո-
 ղովրդենէ Հելենացւոց , բայց 'ի տակա-
 ոէն արծաթի՝ որ դեռ ևս կայր անդ 'ի
 սարգևաց անտի թագաւորացն . զոր և ոչ

Զորեացն կարացեալ ողջ ձգել տանել, զի մեծ էր յոյժ և ծանր, առեալ խորասակէին զնա Ամփիկափոնքն: Եւ յայնժամ զհամբաւի հարեալ բանին, յուշ անդ անձանց բերէին Հելլենացիք մերթ զՓլամինիոս և զՄանիոս Ալկիւլիոս, և մերթ զՊաւղոս Եմիլիոս. յորոց վերջինդ վանեալ յԵլլագայ զԱնտիոքոս, և առաջինքդ 'ի պարտութիւն զարքայն մատնեալ զՄակեդոնացւոց, ոչ անձնապահ միայն 'ի տաճարացն լինէին Հելլենաց, այլ և ընծայաբերք ևս լինէին նոցա և շատ ինչ շուք յաւելուին 'ի նոսա: Եւ յայնժամ արքդ այդոքիկ իբրև զորավարք ըստ օրինացն 'ի դուխկացեալ զօրականին՝ պարկէշտ և հրամանակատար անմոռնչ իւրեանց զօրավարացն, առ այս՝ և արքայականին նոքա վիճակեալ ոգւոյ. սակայն և այնպէս անպաճոյճք 'ի ծախս և ժուժկալք՝ ծախս միայն առնէին չափաւորս և պարկէշտս, քան զահն առ 'ի թշնամեաց՝ անարդագոյն ևս համարեալ զնթել զօրականին:

Իսկ զօրավարք այնր ժամուն ամբարձեալք յաւագութիւն զօրութեամբ և բռնութեամբ, և քան ընդդէմ թշնամեացն՝ առաւել ընդդէմ միմեանց պէտս ունելով զինուոց, ստիպեցան 'ի զօրավարութեան իւրեանց վայսփայել զխուժանն. ուստի և 'ի գրգանս զօրականին ծախեցին, գնոց գնեալ զվաստակս նոցա. և այնպէս ողջոյն զիւրեանց հայրենիան գործեցին վարձկան, և զանձինս՝ ծառայս արանց չարաց,

առ 'ի տիրանալ 'ի վերայ լաւացն: Եւ այդոքիկ տարագիր վանեցին զՄարիոս, և անդրէն միւսանգամ առեալ զնա խաղացուցին ընդդէմ Սիւղղայի. այդոքիկ զԿիննաս սպանող եգիւն Հոկտաւիոսի, և զՖիմբրիաս՝ Փլակկոսի: Եւ ապա այս անկարգութիւնք յաւէտ իմն սկիզբն կալան առ 'ի Սիւղղայէ. այն՝ որ առ 'ի կաշառաբէկ յինքն յանկուցանել զօտարին զօրականն, առատաձեռնէր յիւրն և շոայլէր. որպէս զի և այնպէս հրապուրեալ զայլսն 'ի կիրս մատնտուս, և զիւրն դարձեալ վատթարեալ անժուժկալութեամբ, պէտք այնուհետև եղէն նմա մթերից դրամոց՝ մանաւանդ 'ի պաշարմանն յայնմիկ:

Քանզի և վառեալ իսկ էր նա 'ի բուռն 'ի սանձակոտոր կրից ունել ըմբռնել զԱթէնս, կամ զի 'ի պատուասիրութենէ ի մեմնէ գրդեալ կռուել մրցել՝ մարտ ըստ ուերամարտ ընդդէմ վաղնջուց փառացն քաղաքին, կամ զի 'ի սրամտութի բրդեալ էր առ 'ի հեգնութեց անտի և 'ի խեղկատակութեց՝ մերթ ընդ մերթ 'ի պարսպաց այսպանօք և յայրատագոյնս արձակեալ ընդդէմ նորա և ընդդէմ Մեատելեայ՝ յԱրիստիոնէ բռնաւորէն. մարդ՝ ոյր ոգին նորա մթերք ամենայն անառակութեան և անագորոյն կրից, և լրումն ախտից և ապա կանութեանց՝ չար ևս քան զՄիհրդատայ, որ 'ի նմա սպրդեալ իսկ էին: Եւ քաղաք՝ այն որ յամբաւից մարտից և 'ի բազում տէրութեանց բռնաւորաց և յայնչափ շփո

Թից ամբոխից՝ անդ՝ ՚ի նախնուամն ճողոպրեալ յանդորր ելանէր, խոկ յայնժամ՝ ՚ի մարդոյ այսի իբրու ՚ի մահահամբոյրն խօթուԹենէ՝ յողոց ստարգէլ ապաստան եղև . և ուր յայնժամ՝ ՚ի քաղաքին հազար դրամակչոյ վաճառէր գրիւ ցորենոյն, և մարդիկն անդանօր խոտ ճարակէին զՊարԹենեանն՝ բուսեալ շուրջ զդղեկան, և մորթ կրծէին զկօչկացն և զոկոցն՝ եռացուցեալ ՚ի ջուր, ինքն հանապազօր անգուլ սարապէր ՚ի գինեբբուս և ՚ի զբօսանս, ոտնհար Թշնամեաց լինելով և ունչս զնոքօք առնելով:

Առ այս և յանցանել յայնժամ նուիրական կանթեղի դիցուհւոյն ՚ի սակասել իւրոյն, ոչինչ փոյթ եղև նմա: Գարձեալ և առ մեծ քրմանոյն, որ կէս չափ ցորենոյ ինդրեաց ՚ի նմանէ, նա կէս չափ սղպեղի առաքեաց առ նա: Գարձեալ՝ և նետընկէց լինելով՝ այնպէս յառաջոյ իւրմէ վարէր փարատէր զձերակոյտն և զքահանայս՝ որ մատանն առ նա ողորբաւոր ՚ի դուԹ խանդաղատանաց վասն քաղաքին՝ հաշտուԹիւն խօսել ընդ Սիւղլայի: Իսկ ապա անագան ուրեմն մտաբերեալ՝ առեալ առաքէր զերկուս և զերիս ոմանս ՚ի իրախ ճանակից զովողացն՝ ինդրել հաշտուԹի: Բայց արքն այնդբիկ իբրև գնացեալ խընդրէին և ոչ մի յօդտակարացն, և կացեալ մեծամեծս կոտորէին՝ սանձացեալք ընդ Թէսէոս և ընդ Եւմոլպոս, և ընդ գործս նահատակուԹեան ընդդէմ Մարաց, ետ

յայնժամ՝ սրտասխանի Սիւղղաս և ասէ .
 « Գնացէք ՚ի բաց ո՞վ երանելիք դուք, տա-
 րեալ ընդ ձեզ և զբանսդ զայդոսիկ . չեմ
 էս աստ առաքեալ յԱթէնս ՚ի հռոմայեց-
 ւոց ուսումնասէր վարժիւք, այլ առ ՚ի
 նկուն զապտամբս առնել » :

Եւ ասեն՝ եթէ յայնժամ լուեալ ու-
 մանց խօսել ընդ միմեանս ծերունեաց ու-
 մանց Աթենացւոց ՚ի Կերամիկոն և դան-
 դատել զբռնաւորէն, իբրև ոչ բարեոք սրահ
 զգուշութեան եղեալ սարսալին մօտ ՚ի
 վայրն Եպտաքալկոն, ընդ որ միայն հեշ-
 տին իցէ թշնամեացն ելանել ՚ի վեր, ան-
 դէն յունկն Սիւղղայի հասանելին բանքն .
 նա ոչինչ անհոգացեալ ինքնին գայր գի-
 շերի ՚ի վայր անդր գիւրառիկ . և մանր
 զննեալ, ստորաստեցաւ յարձակել : Եւ
 ասպա ինքն Սիւղղաս սատմէ մեզ յիւր Յիւ-
 շատակարանն, եթէ առաջին նահատա-
 կեալ ել ՚ի սարխսպ անդր Մարկոս Տէյոս .
 և նմա ընդդէմ դարձեալ մի ոմն ՚ի Թըշ-
 նամեաց անտի, նա գազանացեալ զօրու-
 թեամբ զվաղակաւորն իջուցեալ ՚ի գլխա-
 նոց առն, խորտակէր սուրն . սակայն և
 այնպէս ոչինչ տեղի տուեալ՝ անդէն ան-
 դրդուէլի կայր մնայր : Եւ այնպէս յայնմ
 կողմանէ՝ ըստ բանի ծերունեացն՝ առնոյր
 քաղաքն :

Ապա Սիւղղաս քանդեալ զսարխսպն և
 հիմնայատակ արարեալ զվայրն՝ որ ընդ
 դուռն Պիրէոնեան և ընդ Կուիրականն,
 մտանէր ՚ի քաղաքն ՚ի հասարակ գիշերի ,

արկեալ արհաւիրս մեծամեծս 'ի գոչին ձայնի բազմախուռն փողոց և եղջերաց, և 'ի շունդն ահագին աղաղակի առհասարակ զբրականին, և տայր արձակ արձակ աւար հարկանել և 'ի մահ վարել. և անդ սուսերամերկք վազէին ընթանային ողջոյն ընդ փողոցս քաղաքին: Այլ զթիւ համարոյ սպանելոցն ճշգրիտ ոչ գիտացաք. սակայն և այսօր 'ի վայրաց անտի՝ յոր վայր ընթանայր գնայր յայնժամ ճապաղէք արեանցն՝ է մեզ գուշակել զբազմակոյտ անկելոցն: Քանզի բաց 'ի խողխողելոց անտի 'ի կողմանս կողմանս քաղաքին, ապաժոյժ սպանելոցն անգէն 'ի հրատարակին հեղեղեալ ողողեաց առհասարակ զՎերամիկոն վայրն 'ի ներքս Գիպիւղեայ. և սրտմեն ևս բազուլք՝ եթէ ըստ գրուանս յորդեալ ողողեաց և զբուրատանան:

Արդ թէպէտ և այնպէս բազումք յոյժ էին սպանեալքն, ոչինչ սրկաս էին և որք անդ զիւրովին երթային առ ցաւս սրտից վասն հայրենեացն սպառ սպուռ աւերածոյն. և սպա այս բնառ իսկ սրտառուչ սրտաբեկ առնէր և զլաւ որեարն. զի և ոչ ինչ ակնկալեալ մնային առ 'ի Սիւղղայե մարդասիրութեան և չափու: Սակայն անդ կէս մի 'ի սպաղատանացն Միդեայ և Վալլիփոնտեայ՝ որ վտարանդէք լեալ էին յԱթենայ և յայնժամ ողորբաւորք առ ոտս անկան Սիւղղայի, և կէս մի 'ի բարեխօսել առհասարակ խորհրդականացն նիզակակցաց, յադեալ նա 'ի վրիժուցն և 'ի ներքող

ևս առեալ զՀինան Աթենացոց՝ ասէր՝ ՚ի
 շնորհս սակաւուցն՝ ներուսն տալ բազմաց,
 և ՚ի սպառնառս մեռելոց՝ դուժ ածել
 կենդանեաց: Իսկ ՚ի նոյն Յիշատակարանն
 իւր սպտմէ իսկ ինքն, առնուլ նմա զԱ-
 թէնս ՚ի կաղանդան Մարտի, որ օր անկանի
 յամսադլուխն Անթեստերիոնն ամսոյն,
 յորում աւուր և բազում ինչ կատարէին
 Աթենացիք ՚ի յիշատակ ինասուն և աս-
 մայուժեանցն ՚ի տեղատարափ անձրևաց,
 զի և կարծեն իսկ՝ յայն աւուրան մեծի այն
 ջրհեղեղին սպտահէլ:

Իսկ յայնժամ յառնուլ քաղաքին փա-
 խուցեալ բռնաւորին ասպալինեցաւ ՚ի
 դղեակն, և սպտեալ սաշարէր նա ՚ի Աու-
 րիոնէ, որում յանձն եղեալ էր գործն:
 Անգանօր հարուստ մի ընդդէմ կացեալ
 նորա, ասպա ստիպեալ ՚ի ծարաւոյն, անձ-
 նատուր ՚ի թշնամիսն լինէր. յայնժամ և
 յեղակարծումն աստուածեան երևէր նը-
 շան. քանզի ՚ի նմին իսկ աւուր և ՚ի ժա-
 մու՝ յորում ձերբակալ գերի վարեցաւ
 բռնաւորն, անդէն արագ արագ ՚ի սպարդ
 և ՚ի յստակ օգսդ գումարեալ ամպոց՝ տե-
 ղատարափ տեղայր անձրևաց, զի և առհա
 սարակ ջրապարպատ զդղեակն ուղղեաց:
 Ապա յետ սակաւուց հասանէր ունէր
 Սիւղղաս և զՊիրէոն, և շատ ինչ ՚ի նմա ՚ի
 հուր գատէր. ընդ որս և զՎիլոյնին զինա-
 րան՝ գործ հրաշակերտ:

Ի ժամանակին յայնմիկ Տափսիղդէս զօ-
 րավար Միհրդատայ իջեալ ՚ի Թրակիոյ և

'ի Մակեդոնիոյ տասն բիւր հետևակօք, և բիւր մի այրուծիով, և իննսուն գերանդազէն քառածիովք, կոչէր առ ինքն ՂԱՐՔԵՂԱՅՈՍ, որ գեռ ևս խարսխեալ զնաւան կայր առ Մուռնիւքեաւ. ոչ տեղի տայր 'ի ծովէն, և ոչ դարձեալ ժտէր ինչ 'ի վէգ ընդ Հռոմայեցոց դաւ. այլ ժամովաճառ գեգերէր՝ խնդրէր հատանել 'ի նոցանէ զկերակուրն: Որում խելամուտ Սիւղղաս եղեալ լաւ ևս քան զնա, չու տուեալ բանակին՝ գնայր յամուլ վայրաց անտի, որ և ոչ 'ի խաղաղութեան ժամանակի բաւական չէին վայրքն 'ի դարման զօրուն, և եկեալ անցանէր 'ի Բիովախա: Թուէր իմն այնպէս բազմաց՝ ձախողակի խորհել Սիւղղայի, լքեալ ՂԱտտիկէ՝ վայր անկոխ և գժպհի այրուծիոյն, և միջամուխ 'ի գիւրս և 'ի գաշտավայրս եղեալ Բիովախոյ, գիտելով չափ զբարբարոսացն ոյժ զամենայն 'ի կառսն և յայրուծի. այլ՝ որպէս ասացի՝ 'ի սովոյն փախուցեալ և 'ի կարօտութէն՝ գիմագրաւէր մանաւանդ 'ի վտանգ մարտին: Առ այս և զանգիտէր խիթայր նա վասն Որոտեսիոսին՝ այր քաջափորձ 'ի զինուորութեան և նահատակ. որում դարանեալ մնային բարբարոսք յանձուկսն անդր՝ 'ի բերել ածել նորա առ Սիւղղաս զօր 'ի Թետաղիոյ: Ապա վասն այսոցիկ սպառճառաց բանակ 'ի Բիովախա հարկանէր Սիւղղաս:

Այլ յայնժամ Վափի՝ մերն հայրենակից՝ վրէպ 'ի յուսոյն զբարբարոսն կացու

ցեալ, ածէր բերէր զՈրտեսիոս ընդ այլ ճանապարհ 'ի կողմանէ անտի Պարնասեայ մինչև մերձ 'ի Տիտորա . այս Տիտորա չէր յայնժամ քաղաք մեծ՝ որպէս այսօր, այլ աւան մի 'ի վերայ անմատոյց ժայռի, յոր 'ի նախնունն փոկէացիք վանեալք 'ի Քսերքըսեայ՝ անկեալք ապրեցան : Անդ բանակ հարեալ Որտեսիոս, զցերեկ վանեալ ընկրրկեալ զԹշնամիան, և զցայդ իջեալ ընդ դժուարս վայրաց 'ի Պատրոնիդէ՝ եկն եհասառ Սիւղլաս, որ ընդ առաջ գայր բանակաւն : Ապա խմբեալք 'ի միասին, հասին կալան զբլուրն որ ամբարձեալ կայ 'ի միջոցի Ելատիքեան դաշտացն . բլուր արդաւանդ և շուրջ անտառախիտ, և ջուր առ ոտամբն՝ որում անուն կարդան Փիլոբետոն . և Սիւղլաս ինքնին մեծապէս դովէ զերկրին պատուականութի և զգիրսն :

Անդանօր բանակ հարեալ նոցա, յերևան այնուհետև ելանէր բարբարոսացն սակաւութիւն դնդին հռոմայեցւոց, իբրև էր նոցա այրուծի հազար և հինգհարիւր, և հետևակազօր պակաս քան զհնդետասան հազար . ուտի և բուռն ածէին շարժէին զԱրքեղայոս զօրագլուխքն՝ ձեռնամուխ 'ի մարտն լինել : Ապա 'ի կարգի ըզորն ամենայն ձգեալ երկայնեալ լցին նոքա առհասարակ զգաշտն այրուծիով և կառօք և վահանօք և ասպարօք . անդ և ոչ օդք ինքնին հանդուրժեալ բերէին զձայն խառնագոչ աղաղակին և զըրինդն ամբախուժանին 'ի խուռն դիմել հրոսակին և

կարգել 'ի ճակատ մարտին: Առ այս՝ և նոցա փառօք լի կազմած պատրաստութեանն շքեղ և բազմահանդերձ՝ մեծապէս արհաւիրս արկանէր. քանզի 'ի նշուլից զինուց գեղեցիկ վառելոցն յոսկի և յարծաթ, և 'ի գունեան զխմակ զխմակ նարօտից մեղացի հանդերձիցն և սկիւթացի, նա և 'ի փայլուն պղնձեաց և յերկաթոյ՝ 'ի շարժել շողալ առհասարակ զօրականին, իբրև 'ի փայլակնացայտ նշուլից ահագին բոցք հատանէին. որպէս զի և հոռմայեցիք սրտաբեկ փակեալք 'ի դակշին, և Սիւղլաս ինքնին քաջալեր բանիւքն ոչինչ ամենեկին բաւական զերկիւղն բառնալ, և կամ 'ի կռիւն երբէք խրախուսել՝ յորմէ տեղի տուեալ խուսէին արհաւրօք լի, ապա և ինքն զտեղի առեալ դադարէր. թէպէտ և գժոխըմբերս՝ սակայն կայր և տեսանէր և լէր զճոխաբար պարծանս և և զոտնհար ձաղէլ ծանակել զգնդին բարբարոսաց. բայց և շահ մեծապէս եղև նմա դադարել անգէն: Քանզի յետ այնորիկ արհամարհեալ զնովաւ բարբարոսացն, քակեալ 'ի կարգէ դասաւորութեանն, (իբրու որ և ոչ զայլ ժամանակն՝ այնչափ ինչ հլուք բնաւորեցան նոքա բազմութեան իւրեանց զօրապետացն), և նուազունք 'ի նոցանէն մնացեալք 'ի բանակին, բազումք այն էին որ հետամուտ 'ի կողոպուտ և յամբարս պաշարոց՝ տարագէմ 'ի բանակէն և աւուրց բազմաց ճանապարհ՝ վարատեալ գնացին:

Եւ ասե՛ն՝ եթէ քանդեցին նոքա յայն ժամ զքաղաքն Պանոպէացւոց, և յաւարի առնուին զլեբադէացւոցն, և կապուտ կողոպուտ թողին նոքա զմեհեան գուշակութեանցն, թէպէտ և ՚ի զօրագլխացն չէր հրաման: Ոչինչ հանգուրժէր բերէր Սիւղղաս, և ՚ի խոր ևս խոցեցաւ այնպէս ակն յանդիման զաւերած տեսեալ զքաղաքացն. ոյր աղագաւ և երբէք դուլ և դագար չտայր զօրականին. ստիպէր տագնապէր ՚ի գործ սաստիկ աշխատութե՛ն՝ առնուլ դարձուցանել զՎեփիսոս գետն ՚ի վազից իւրոց, խրամս հատանել, և փոսս խորել, և զոգիս քաղէր զզօրականին. ինքն ոստիկան ՚ի վերայ կացեալ՝ պատուհաս աններելի ՚ի վերայ ածէր յուլացելոցն. որպէս զի ՚ի քրտնատաժան գործոյն տաղտկացեալք՝ յօժարեսցին ՚ի կռիւն, որ և եղև իսկ:

Քանզի յաւուրն երրորդի՛ անցեալ Սիւղղաս տեսանել զգործն, բողոք բարձեալ զօրականին աղաչէին առնուլ խազացուցանել զնոսա ընդդէմ թշնամեացն. ասէ Սիւղղաս, թախանձելոք ո՛չ յօժարելոցն է ՚ի կռիւ, այլ յուլացելոցն յաշխատութենէն. և մատնանիչ արարեալ նոցա զվայրն՝ որ ՚ի նախնումն գլեակ Պարապոտամացւոց, քաջալերէր զնոսա. զի թէ արդարև յօժարեալք առ ՚ի մարտն իցեն, առեալք զէնս՝ խաղասցեն անդր ՚ի վեր: Իսկ աւերակ յայնժամ գոլով քաղաքին, էր անդ վայրն ամայացեալ բլուր իբրև զքարակոյտ դերբկաց, զատուցեալ

յԵտիղեան լեռնէն անջրպետութեամբ Ասոս գետոյն, որ գնացեալ առ ոտորոտովն և խառնեալ ընդ Կեփիսեայ, և անդ սրննթաց եղեալ՝ ամուր և անխաբ զբլուրն գործէ 'ի բանակետոյ: Ուստի և տեսեալ Սիւղղաս՝ զի զօրականք թշնամիք սղնձասպարք փութային խաղային անդր, ինքն աճապարեաց կալաւ զվայրն թէ թնրնթաց զօրականան: Այլ անդուստ վանեալ ընկրկեալ Աբբեղայոս, իբրև դէմ եդեալ խաղայր 'ի Քերովնիա՝ անդ Քերովնացիք զինուորեալք առ Սիւղղայի մատուցեալ աղաչէին, մի 'ի ձեռս թողուլ թշնամոյն զքաղաքն իւրեանց: Իսկ Սիւղղաս ճեպով առեալ զԳաբինիոս զօրավար արձակէր անդր հանդերձ Լէդէոնիւն, և թոյլ ևս տայր Քերովնացոցն խաղալ 'ի նոյն. սոքա թէպէտ և կամեցան՝ ոչ կարացին ժամանել Գաբինիոսի. այնչափ իմն քաջացաւ այրն և քան զինդրելիան աճապարեաց տալ փրկութիւն: Այլ Յորաս ասէ, ոչ Գաբինիոս էր, այլ Երիկիոս. որ զինչ և իցէ՝ մերն քաղաք յայնժամ փրկեալ ասրեցաւ 'ի մօտալուս 'ի մեծ վասնդէն:

Բայց յայնժամ 'ի Լեբադիայ և 'ի Տրոփովնիոսէ գային հասանէին առ Հոռմայեցիս լուրք բարիք և գուշակութիւնք յաղթութեան. ոյց աղագաւ բազում ինչ սպատմեն գաւառացիք: Այլ որչափ ինչ ինքնին Սիւղղաս արձանագրէ 'ի տասնէրորդումն իւրոց Յիշատակարանաց, Կուրնոս Տիտոս այր երևելի 'ի վաճառականս

Ելլադայ՝ եկն առ նա յետ յաղթուածեան
 քերովնեան կռուոյն, և ազդ նմա առնէր
 զՏրոփովնեայ գուշակսւթիւնն, իբրու որ
 յետ սակաւուց հասանէ նմա այլ յարդա-
 րել մարտ և տանել զյաղթուածիւնն ՚ի նմին
 վայրի: Եւ զկնի սորա ապա և յիւրմէ զօ-
 րականէն՝ Սալվինիոս անուն՝ գայր պատ-
 մել նմա ՚ի դիմաց աստուծոյն՝ եթէ զլինչ
 ելք իցեն իրացն յԽտալիա: Եւ երկաքան-
 ջիւր նոքա միաբան զնոյն ասէին վասն դիւ-
 ցական ձայնին, իբրու տեսանել նոցա գեղ
 և զմեծութի հանգուճատիսլ Ողիւմպեանն
 Արամազդայն:

Ապա Սիւղղաս անցեալ ընդ Ասոս և
 յառաջ խաղացեալ մինչև յԵտիւղիոն,
 բանակ հարկանէր մօտ Արքեղայոսի. որ
 ամրացեալ կայր ընդ մէջ Ետիղիոնեայ և
 Ակոնտեայ՝ մօտ ՚ի վայրն որ անուանեալ
 կոչի Ասի. և զբանակեալ նորա ցայսօր
 յանուանէն կարգան Արքեղայոս: Իսկ
 Սիւղղաս օր մի նստեալ անդէն, կարգէ
 զՄուրենաս և ընդ նմա լէգէովն մի և եր-
 կուս ևս ՚ի գնդաց նեղել զթշնամիսն՝ որ
 ՚ի շփոթս էին. և ինքն ՚ի զոհել գնայր յա-
 փունան Կեփիսեայ. և կատարեալ զզոհն՝
 խաղայր գնայր ՚ի Քերովնիա առնուլ ան-
 տի զզօրականն և զննել դիտել զվայրն
 Թուրիոն անուն, զոր հասեալ կալեալ էին
 թշնամիք:

Իսկ է Թուրիոն կատար դժուարակոխ՝
 և ամբարձեալ ազատ սոճիաձև լեառն.
 վասն որոյ և հելեճնացիքս անուն կարգաւք

նմա՝ Օրթոփաղօս, այն է՝ Ուղղաբերձ . իսկ առ ոտամբն գնայ ջուր Մորիոնի, և է անգանօր մեհեան թուրիոնեանն Ապողոնի: Եւ անուն զայս կալան դիքն առ ՚ի թուրեայ ՚ի մօրէն Քերոյնի . զորմէ պատմեն՝ ածել գաղթական մի բնակաւոր ՚ի Քերովնիա: Իսկ կէսք ասեն՝ եթէ կոյն տուեալ ՚ի Պիւթեայ առաջնորդ Կաղմոսի՝ երևեցաւ նմա ՚ի նմին վայրի, յորմէ և տեղին կոչեցաւ այնպէս . քանզի Փիւնիկեցիք թովր ասեն զկոյն:

Մերձ ՚ի Քերոյնիա եղեալ Սիւղղաս, անդ հազարապետ գնդի քաղաքին գայր ընդ առաջ նմա հանդերձ գնդաւն վառելով, բերեալ նմա պսակ սարգէնի: Մինչդեռ զպսակն առեալ Սիւղղայի՝ մեծապէս մարդասիրութեամբ ժողովէր զզօրականն և խրախոյս կարգայր ՚ի կռիւն, առաջի նորա եկեալ երկուք ոմանք Քերոյնացոց՝ Ոմոլեբոս և Անաքսիգամոս, խոստումն կռելն՝ գունդ սակաւաձեռն առեալ ՚ի նմանէ խաղալ գնալ վանել ՚ի թուրիոնէ՝ որ անդ զթշնամիսն . քանզի և էր իսկ անդ ուղի գողուղի ՚ի բարբարոսացն, որ ՚ի Պեարովքեայ անցեալ առ երի Մուսիոնի՝ ածէ ՚ի թուրիոն ՚ի վերայ նոցա . և անդուստ հեշտեաւ նոքա անկեալ ՚ի վերայ թշնամւոյն՝ քարածիգ լինիցին ՚ի բարձանց կամ թէ ՚ի վայր ընկրկեացեն զնոսա ՚ի դաշտ անդր: Յայնժամ և Գաբինիոս վկայութի տուեալ քաջութեան և հաւատարմութեարանցն երկոցուն, հրաման տայր Սիւղ-

ղաս պատրաստել 'ի գործն, և ինքն ան-
դէն կարգէր կազմէր զպիաղանդն և առեալ
զայրուծին բաշխէր տայր 'ի Թևան երկոսին.
յինքն առնոյր զաջոյ Թևն, և զձախոյն ըն-
ծայէր Մուրեհնեայ:

Իսկ Գաղղոս և Որտեսիոս երեսփոխանք
նորա վերջապահ կային հանդերձ կազմ
գնդօք, զտեղի առեալք 'ի վերայ բարձանց
զգուշութեամբ՝ մի 'ի ներքս փակիլ 'ի
Թշնամեաց անտի: Քանզի և էր իսկ տեսա-
նել զպատրաստութիւն Թշնամեացն զըս-
տուար այրուծիոյ և զԹեթևազէն հետեա-
կացն՝ Թև իմն կազմել քաջամուր և շոյտ,
դառնալ և երկայն շրջանաւ պատել փա-
կել զՀռոմայեցիան: Իսկ յայնմ պահու
Քերոմիւնացիք երկոքին առեալք 'ի Սիւղ-
ղայէ զՆրիկիոս 'ի զօրագլուխ, գաղտաբար
զանխուլ սարայածեալք մինչև 'ի վերոյ
կատարին Թուրիոնի, անդանօր տեսան նո-
քա 'ի բարձունան. յորմէ աղմուկ շփոթից
'ի բարբարոսան հարեալ, 'ի փախուստ խու-
ճապէին, և շատք ևս 'ի միմեանց սատա-
կէին. քանզի ոչ կացեալք յակաստանի,
և ընդ զառ 'ի Թափն խուճապեալք՝ գային
անկանէին 'ի վերայ իւրեանց նիզակացն.
և այր ընդ ընկեր հարեալք և բախեալք՝
գահավէժ ընդ սարեխս առնէին, մինչդեռ
անդուստ 'ի վերոյ Թշնամին վանէր ընկըր-
կէր և հարկանէր խոցէր զմերկան. որպէս
զի և երէք հազարք անդանօր 'ի Թուրիոն
տապաստ անկան:

Իսկ 'ի փախստէիցն կէսք 'ի սուր մաշե-

ցան Մուրեհեայ, որ յայնժամ կարգեալ խաղայր ընդդէմ նոցա . և կէսք վանեալք 'ի բանակ անդր իւրեանց և անկեալք այնպէս խառնխոտուն հրոսիւ 'ի մէջ փաղանգին, արհաւրոք և խուովութեամբք մեծապէս լցին զնա . և շատ ևս ժամավաճառ արարեալ անդանօր զղօրագլուխան, զեան մեծապէս լինէր . քանզի յայնժամ շտապաւ Սիւղրաս յառաջ վարեալ 'ի խուճապել նոցա, և սրավարեալ ընդ անջրպետ ճակատուցն, ո՛չինչ կարացին բարբարոսքն 'ի գործ զգերանդաղէն կառան վարել բռնութեամբ . (քանզի այն կառք յերկայնա սահման վազից բնաւորեցան թափ և ոյժ առնուլ սաստկութեամբ) . ապա եթէ 'ի կարճոյ իցէ ասարեան՝ անազգոյք են և վատեալք, իբրու նեւք ոստուցեալք յանկորով աղեղանց, զոր և յայնժամ կրեցին բարբարոսք . քանզի առաջին նոցա կառք անբաժ 'ի թափոյ առեալ շարժումն և նկուն բաղխեալ, անդ ծափս կայթից և քրքիջ ծաղու բարձեալ Հռոմայեցիք և 'ի բաց ընկրկեալ զնոսա, այնպէս իբրու եթէ կառնութացից ոմանց կրկխասց 'ի զնին կացեալ իցեն՝ ձայն տային և այլոց կառաց :

Ապա յետ այնորիկ յերկոցուն ևս կողմանց 'ի կռիւ խառնեալ հետեակազօրք, յայնժամ բարբարոսք յառաջ ձգէին զերկայն գայխոնան, գուն գործեալ կուռ սասարափակ զիւրեանց փաղանգն պահէլ 'ի կարգի . իսկ Հռոմայեցիք 'ի բաց զգեղարդունան ձգեալ և զսուտերսն մերկա-

ցեալ, նոքօք վանեալ զգէմ դառնային
 գայիսոնայն՝ արագ արագ խառնել ըզ-
 մարտն զայրագին ըն բարկութեամբ. քան-
 զի և կարգեալ դասաւորեալ նոքա յակն
 արկին 'ի ճակատուն բարբարոսաց հնդե-
 տասան հազարս 'ի ծառայից՝ զոր 'ի Հոռ-
 մայեցւոց անտի 'ի զինուորութիւն յան-
 գուցին զորավարք արքային՝ ազատութիւն
 քարոզեալ նոցա, և 'ի մէջ սպառազէն
 վառելոցն յապահովեալ զնոսա : Եւ սպառ-
 մեն՝ եթէ անդանօր մի ոմն 'ի հարիւրապե-
 տացն Հռոմայեցւոց հեզնեալ զնոսա ա-
 սէր, եթէ " 'ի կռոնոսեան տօնան՝ միայն
 տեսեալ է իմ ազատութեան հաղորդա
 զժառայս " : Եւ քանզի խումբ ծառայիցն
 'ի խորս անդ խիտ առ խիտ ամրաժածուկ
 կայր, ոչինչ այնպէս նհանջեալ ընկրկեցան
 'ի տուարագունդ հեռակակէ թշնամեացն.
 և զի՝ և հակառակ բուսոյ բարուց իւրեանց
 մեծապէս խրախուսեալք կային յակաս-
 տանի. սակայն և անդուստ արգնընկէցք և
 սարսաւորք Հռոմայեցւոց 'ի վերջապահ
 գնդէն՝ անդուլ և կուռ արձակմամբք
 խռով հարեալ 'ի նոսա, սախպէին դառ-
 նալ ընդ կրունկն :

Իսկ յայնժամ և Արքեղայոս շրջան ա-
 ջոյ թևին տուեալ 'ի ներքս զթշնամիսն
 փակել, անդ Արտեսիոս առ ճեպ տագնա-
 պին խաղայր իւրովք գնդօքն սպատել սպ-
 շարեւ զնա 'ի կողմանէն. այլ անդէն Ար-
 քեղայոս այրուծի երկու հազար հասեալ
 յիւրմէն ընդգէմ Արտեսեայ, նա զանդի-

տեալ՝ վերջոսնէր տեղի տայր 'ի կողմն լե-
 րին, տակաւ որոշեալ յիւրմէ բանակէն և
 'ի վտանգ ևս անկեալ պաշարման: Լուր
 առ Սիւղղաս հասեալ, առեալ անդէն զըօ-
 րականն զաջոյ թևին՝ որ չև էր 'ի կռիւ
 իտառնեալ՝ խաղայր ճեպէր ձեռն տալ Որ-
 տեսիոսին: Բայց Արքեղայոս քաջ խկ
 յեւանեւ յամբառնալ փոշւոյն իրազգած
 եղեալ, թողեալ անդէն զՈրտեսիոս՝ խա-
 ղայր գիմէր 'ի վայր անդր ուստի Սիւղղաս
 մեկնեալն էր. ակն ունէր հասանեւ ունեւ
 զաջոյ թևն զայն առանց զօրավարի: 'Ի նմին
 պահու և Տաքսիղղէս խրովք սղինձասպա-
 րօք անկանէր 'ի վերայ Մուրենեայ. որ-
 պէս զի և յերկոցուն ևս կողմանց ձայն ա-
 ղաղակին բարձրացեալ և լերանցն անդրէն
 կրկնեալ, յայնմ մեծի տագնապի կայր
 վարանէր Սիւղղաս՝ ո՛ւմ 'ի նոցանէն ձեռն
 տալ օգնականութեան: Ապա հաստա-
 տեալ դառնալ յիւր կարգն, արձակէր
 զՈրտեսիոս 'ի թիկունս Մուրենեայ չո-
 րիւք գնդօք, և ինքն զկնի փողեալ զհին-
 գերորդն՝ փութայր յաջոյ թև անդր, որ
 ինքնին միայնակ մարտ հաւասարամարտ ե-
 գեալ կռուէր ընդ Արքեղայոսի. ապա
 յերևեւ Սիւղղայի յաղթական եղեալ և
 'ի փախուստ զթշնամիսն ճեպեալ՝ զհետ
 մտեալ վանէին մինչև 'ի գետ անդր և 'ի
 լեառն Ակոնաիոն:

Բայց Սիւղղաս ոչինչ անհոգացեալ և
 զվիշտ վտանգին Մուրենեայ, խաղայր գի-
 մէր տալ նմա ձեռն. և իբրև զնա ևս գտա-

նէր յաղթական, այնուհետև հետամուտ յայնմ կողմանէ փախստէիցն լինէր 'ի միւս սին ընդ նմա: Անդանօր տապաստ անկանէին 'ի դաշտին բազումք 'ի բարբարոսացն, և բազմագոյնք ևս դարձեալ 'ի սուր մաշեցան 'ի խուճապել նոցա 'ի զակիշ անդրդի և յայնչափ բիւրաւորաց մարդկանն ոգիք միայն բիւր մի ապրեցան անկեալ 'ի Քաղկիդէ: Իսկ 'ի կողմանէ Հռոմայեցւոց՝ պատմէ Սիւղզաս՝ պակասել միայն չորեքտասան զինուորաց. և 'ի նոցանէ դարձեալ երկուցն գալ հասանել ընդ երեկս: Ոյր աղադաւ և նա զիւր ախոյեանն առեալ նուիրեաց Արեսի և Յաղթութեանն և Ասողկանն. զի այնպէս դեղեցիկ 'ի գլուխ տարաւ զմարտն՝ օժանդակեալ միանգամայն 'ի բախտէն և 'ի հանձարոյն և 'ի քաջութենէն:

Ապա առեալ ախոյեան մի կանգնէր վասն յաղթութեան դաշտային մարտին, ուր զառաջինն տեղի տուեալ վերջոտնէր Արքեղայոս մինչև 'ի վտակն Մոլէայ. և միւս ևս 'ի կատարի անդ թուրիոնի, ուր պատեալ պաշարեցան բարբարոսք. և յախոյենին յայնմիկ հելէնացի գրովք նշանակեալ կան իբրև քաջարիք՝ Ոմողեքոս և Անաբսիդամոս: Եւ կատարէր 'ի թերէ հանգէս նուագաց յաղթութեանն՝ մօտ յազբիւր Էդիպեան շինեալ հանդիսարան. և էին դատաւորք նուագայն հելէնացիք հրաւիրեալք յայլոց քաղաքաց. քանզի թշնամութիւն անհաշտ էր նորա ընդ թե-

բայեցւոց, յորոց և 'ի բաց եհանն նա զկէս երկրին նոցա, և նուիրեաց Պիւթեայ և Ողիւմպեայ. հրաման ատեալ զի 'ի պտղոց երկրին տացի գինն երկուց արծաթն զոր եհանն նա :

Յետ այսորիկ լուր առեալ Սիւղղաս՝ զի Փլակկոս 'ի հակառակ հերժուածոյն կարգեալ հիւպատոս, խաղայր անցանէր ըստուար բանակաւ ընդ Յոնիա . 'ի վերին երեսս իբրև ընդդէմ Միհրդատայ, այլ 'ի ներքոյ՝ ընդդէմ իւր : Չու արար խաղաց գնաց և ինքն 'ի Թեատաղիա՝ իբրու ընդ առաջ նորա : Հասեալ մերձ 'ի Մելիտեա քաղաք, 'ի կողմանց կողմանց դուժկանք հասանէին, բօթ զայս բերէին՝ եթէ ըզվայրան զոր եթող գնաց՝ յաւարի էառայլ բանակ արքային ոչինչ պակաս քան զառաջինն : Քանզի Դորիւղայոս եկեալ հասեալ 'ի Քաղկիդէ բազմութեամբ նաւաց յոյժ, ածեալ բերեալ բանակ ութ բիւրուց արանց քաջամարտկաց և այրնտիր զօրուն Միհրդատայ, յանկարծակի հորդան տայր 'ի Բիտլտիա և ընդ իւրև ըզգաւառն նուաճէր . խնդրէր միւսանգամ 'ի կռիւ մարտի գրգռել զՍիւղղաս, ոչինչ անսացեալ Արքեղայոսի՝ որ խնդրէր խափանել զմարտն . և առեալ հռչակ հարկանէր վասն առաջին մարտին՝ իբրու 'ի մատնութենէ իմէքէ անշուշտ այնչափ բիւրաւորաց մարդկանն 'ի մահ վարել : Այլ Սիւղղաս վազվազակի դարձեալ յետս, քաջ խի խելամուտ առնէր զնա՝ եթէ այր

զգոն է Արքեղայոս, և 'ի փորձոյ անտի իւր
մէ համօրէն 'ի վերայ եկաց զօրութեանն
հռոմայեցւոց: Ասաց և խելամոռեցոյց, որ-
պէս զի և ինքնին Դորիւղայոս 'ի վէդ դուզ
նաբեայ եկեալ ընդ Սիւղղայի մօտ 'ի Տիւ-
փոսախոն, ասպա ինքն առաջին խորհուրդ
տայր մի վաղվաղակի մարտիւ վճարել, այլ
ժամավաճառ եղեալ այնպէս տակաւ և
տուգանօք սպառել վասնել զթշնամիան:

Սակայն և զԱրքեղայոս ինքնին յայն-
ժամ խրախուսեալ քաջալերէր վայրն
մերձակայ Որբոմենեայ՝ յորում բանա-
կեալ էին. զի էր իսկ ինքնին վայրն յոյժ
գիպան 'ի կռիւ մարտի բազմութե այրու-
ձիոյն: Քանզի և քան զամենայն դաշտա-
գետինս Բիովախոյ գեղեցիկ առաւել և
ընդարձակատարր բնաւորեցաւ վայրն՝ որ
'ի քաղաքէ անտի Որբոմենացւոց երկայ-
նեալ ձգի ողջ հարթհաւասար և անմայրի
մինչև 'ի ճահիճսն, յորս հոսեալ խառնի
Մելաս գետ՝ որ բղխէ ընթանայ առ քա-
ղաքաւն շատաջուր, զի և միայն 'ի գետս
առհասարակ Ելլադայ նաւադնաց է նա
անդատին յականէն: Բայց ասպա աճէ յոր-
դէ յարևադարձսն ամարայնոյ իբրև զՆե-
զոս, և տունկս յառաջ բերէ հանգունա-
տիպս Նեղոսին. այլ անպտուղք են սո-
րայն և վտխոք: Չեն սորա ընթացքն բա-
ցաձիգք, այլ շատ ինչ վաղվաղակի գնայ
անհետանայ 'ի ճահիճս աննշոյլս և կնիւ-
նաբերս. և մասն մի ևս ոչ շատ հոսէ խառ-
նի ընդ Կեփիսեայ, մօտ 'ի վայրն՝ ուր ա-

ուստասպէս ճահիճ՝ն բերէ եղեգնափողս սրնգաց :

Արդ բանակք երկոքին հարեալք մօտ միմեանց, զտեղի առեալ կայր յանդորրու Արքեղայոս. այլ Սիւղղաս տայր փոսս և խրամն հատանել աստ և անդ, զի վրէպ իւիք զայրուձին կացուսցէ ՚ի հարթայատակ դաշտաց անափ, և վարեալ վանեացէ ՚ի ճահիճան : Չհանդուրժեալ բարբարոսացն՝ իբրև թոյլ ՚ի զօրագլխացն լինէր նոցա, արձակ արձակ բուռն զօրութեամբ դիմեալք՝ ո՛չ զխրամահատան միայն վարատեալ փարատելին, այլ և խռով սաստիկ հարեալ ՚ի փախուստ դարձուցին ըզբազումն ՚ի զօրականէն՝ որ անդ կարգեալ կազմեալ կային : Իսկ Սիւղղաս ՚ի վայր յերիվարէն վազեալ, և բուռն զդրօշակէն հարեալ ՚ի խռան փախստելիցն ինքն խաղայր դիմէր ՚ի թշնամիս անդր. ձայն բարձեալ գոչէր. « Ինձ ո՞վ հռոմայեցիք գեղեցիկ է աստէն տապաստ անկանել. այլ դուք՝ եթէ երբէք հարցցեն ցձեզ ո՞ւր զձերն լքէք ինքնակալ, յիշեցէք ասել՝ յՈրքոմենոն » :

Ասաց, և յետս փախստեայքն դարձան. և ՚ի թիկունս ևս հասեալ նոցա գունդք երկու յաջոյ թևոյն, խաղայր յառաջ հանդերձ նոքօք, և ընդ կրունկն զթըշնամիսն դարձուցանէր : Ազա վայր մի զիւրան ժողովեալ և ճաշ տուեալ, անգրէն միւսանգամ ձեռն արկանէր ՚ի խրաման պատել փակել զբարբարոսան. կրկին և

նոքա խաղացին ընդդէմ դեղեցիկ կարգաւ
քան զառաջինն : Անդ Դիոգինէս որդի
կնոջ Արքեղայոսի քաջապէս արութեամբ
նահատակեալ 'ի թևն աջոյ, տասպատտ ան-
կաներ : Իսկ աղեղնաւորք 'ի տազնապէլ
Հռոմայեցւոց՝ ոչ բաւելով թիկնադար-
ձոյց լինել, կուռ անդուլ նետս և վիթինս
'ի ձեռաց արձակեալք՝ այնպէս իբրու սու-
սերօք ոմամբք հարկանէին զՀռոմայեցիան .
և ապա ուրեմն փակեալք 'ի ղակիչ անգր
իւրեանց, 'ի խոր խոցեալ ցաւագին զգի-
շերն անցուցանէին առ 'ի բազմութենէ
վերաւորացն և անկելոցն :

Բայց 'ի դալ աւուրն անդրէն միւսան-
գամ առեալ Սիւղղաս խաղացուցանէր
զիւրան 'ի պատնէշ անգր նոցա կատարել
զխրամնն : Անգանօր բազումք 'ի նոցանէն
արտաքս վազեալք իբրու 'ի կռիւ մարտի,
խառնեցաւ նա ընդ նոսա և անդէն 'ի փա-
խուստ դարձուցանէր . և ապա 'ի նոցա
տազնապ երկիւղին ոչ ոք այնուհետև քա-
ջալերեալ անդէն զտեղի առնուլ, ինքն
հասանէր տիրանայր 'ի վերայ բանակին նո-
ցա . և այնպէս ընոյր զեղոյր նա զճահիճան
յապաժոյժ արեանց և զլիճն դիակամբք
անկելոցն . որպէս և մինչև ցայսօր ժամա-
նակի՝ յորմէ հետէ ամբ երկերիւր են մար-
տին այնորիկ՝ գտանին անգանօր թաղեալք
'ի սիկս տղմոյն աղեղունք բազումք բարբա-
րոսացն և սաղաւարտք և սուսերք և պա-
տենաբեկք երկաթիք : Արդ որ ինչ գէպք
և նահատակութիւնք առ Քերոփետաւ և

Որքոմէնեաւ, ասէն օրինակ զայս պատահեալ յայնժամ:

Իսկ անդ 'ի Հռոմ անիրաւութեամբ և բռնութեամբ հարստահարեալք 'ի Վիննայէ և 'ի Վարբուիէնէ արքաւագք 'ի քաղաքին, բազումք 'ի նոցանէն խոյս տուեալք 'ի բռնաւորութենէն, իբրու յանդորր նաւահանգիստ եկեալ ապաւինեցան 'ի բանակն Սիւղղայի ուստի և 'ի սուղ ժամանակի խումբ իմն սինկղիտոսին խմբեցաւ առ նմա: Այլ և ինքնին Մետէլլա մազապուր ճողոպրեալ գաղտ հանդերձ որդւովքն գայր հասանէր առ նա, գոյժ բերեալ զի ապարանք նորա և դաստակերտք հուրք դատեցան 'ի թշնամեացն, և աղաչէր աղերսէր 'ի թիկունս հասանել մնացելոցն 'ի տան: Արանեցաւ Սիւղղաս ոչ զվտատես հայրենիսն հանդուրժէր անփոյթ առնել, և ոչ դարձեալ զայնպիսի մեծ նահատակութիւն զՄիհրդատեանն անվճար թողուլ և տեղի տալ: Մինչդեռ յայն վարանան ծփայր, գայր հասանէր առ նա վաճառական ոմն այր Դեղիացի Արքեղայոս անուն, ասել նմա խորհուրդս գաղտնիս 'ի դիմաց անտի Արքեղայոսի զօրավարի արքային՝ յուսով բարեաց: Յոյժ խնդաց Սիւղղաս, զի և ինքնին փութացաւ կենակից խօսակից ընդ զօրավարին լինել. և ելեալ գնայր առ ափամբ ծովուն 'ի Դեղիոն, ուրանօր կայ մէհեան Ապողոնի:

Ապա սկիզբն արարեալ խօսել Արքեղայոս՝ թելագիր լինէր Սիւղղայի թողուլ

զԱսիա և զՊոնտոս և նաւել զնալ 'ի մարտ
պատերազմին Հռովմայ . և 'ի ներքս ըն-
ծայէր նմա 'ի գիմաց արքային մթերս ըն-
չից և նաւս եռաթիոց և զօրական որչափ և
կամեսցի : Իսկ Սիւղղաս յորդոր և հրա-
պոյր խառնէր նմա՝ մի ինչ այլ երեսս Մի-
հրդատայ առնել, այլ ինքնին փոխանակ
նորա թագ կապեալ, դաշն ընդ Հռոմայե-
ցիս կռել, և տալ նոցա զնաւան : Իբրև
յայն հրապոյր քստմնէր խորէր Արքե-
ղայոս ընդ մեծ մատնութիւնն, կրկնեաց
Սիւղղաս և ասէ . “ Դու ո՞վ Արքեղայէ,
Կապաղովկացի գոլով և ծառայ (կամ
թէ բարեկամ՝ եթէ այնպէս կամք իցեն)
խուժագութ արքայի, ոչինչ հանդուրժես
գործ մի գործել անբարի և դժպատեհ՝
բազմաց շահուց քեզ օգտաբեր . և ժախ
ևս զմատնութենէ խօսել ընդիս ընդ զօրա-
վարի Հռոմայեցւոց և Սիւղղասայ ինքնին
գլխովին : Իբրու ո՞չ այն Արքեղայոսն իցես
դու, որ փախուցեալ ապրեցար 'ի Քերով-
նեայ սակաւ արամբք՝ 'ի քոց երկոտասան
բիւրուց անտի . և որ զաւուրս երկուս զօ-
ղեալ թաքեար 'ի ներքս 'ի ճահիճան Որ-
քոմենացւոց . և որ զարդիս անապատ կար-
գեցեր զԲիովտիա 'ի բազմակոյտ գիականցն
անկելոց “ :

'ի բանից աստի 'ի խոնարհութիւն փո-
խեալ Արքեղայոս, կայր ողորէր զՍիւղղաս
դլալ 'ի մարտէն և 'ի հաշտութիւն գալ
ընդ Միհրդատայ : Հաւանեցաւ Սիւղղաս,
և պայմանք դաշինն հաստատեցան օրինակ

զայս: Թողուլ Միհրդատայ զԱսիա և ըզ-
Պափղադոնիա, և զի տացէ 'ի ձեռս Նիկո-
մեդեայ զՊիթիւնիա, և Արիոբարզանին՝
զԿասպադովկիա. և տալ Հռոմայեցւոց
քանքարս երկու հազար, և պատրաստել
նոցա նաւս եօթանասուն պղնձավառս՝ ա-
մենայն կազմածովքն: Բայց և Սիլզայի
յանդորրու կացուցանել Միհրդատայ ող-
ջոյն զարքայութիւն նորա, և վճռաւ զնա
նիզակակից առնել Հռովմայեցւոց:

Չայս եղեալ պայման, դառնայր Սիւզ-
դաս և խաղայր ընդ Թեոտազիա և ընդ Մա-
կեդոնիա 'ի կողմն Հելլեսպոնտոսի, ա-
ծեալ ընդ իւր զԱրքեղայոս՝ որում և մե-
ծասէս դնէր շուք: Այլ Արքեղայոս ան-
կեալ 'ի խօթութիւն գժուարին մերձ 'ի
Լարիսսէ, անդ զտեղի առեալ Սիւզդաս՝
խնամով դարման տանէր նմա, իբրու ար-
դարև որ 'ի զորավարաց անտի իւրոց իցէ
այրն և 'ի համահարզից: Բայց այս բանք
ստուերածս իմն ածէին Քերոմիւեան նա-
հատակութեան նորա, իբրու որ ոչինչ ա-
նարատութեամբ անդանօր նահատակեալ
իցէ. մանաւանդ զի 'ի դարձուցանել Սիւզ-
զայի առ Միհրդատ զամենայն զբարեկամս
նորա զգերեալսն, տայր դեղամահ կորու-
սանել միայն զբռնաւորն Արիատոմի զգրժ-
տեալն ընդ Արքեղայոսի. առ այս՝ զի և
լծավար դեմնոյ յայնժամ բիւր մի յԵւ-
պեայ տայր Կասպադովկացւոյն այնմիկ,
և բարեկամ և նիզակակից Հռոմայեցւոց
հռչակեաց զնա: Այլ վասն բանիս այ-

սորիկ՝ ինքնին Սիւղղաս յիւր իսկ Յիշատակագիրսն առնէ պատասխանի:

Բայց 'ի դեգերել նորա անդ դային հասանէին առ նա դեսպանք 'ի Միհրդատայ, հրեշտակութիւն բերեալ՝ եթէ բնաւ իսկ զպայմանս դաշինն յանձն առեալ արքայի, խնդրէ՝ մի 'ի բաց 'ի նմանէն հանել զՊափղազոնիս . զնոյն և յաղագս նաւացն չէ ինչ հաւան . սրտմտեցաւ Սիւղղաս և աւսէ . « Զինչ իցեն բանքդ : Պնդեալ ուրեմն է Միհրդատ ունել զՊափղազոնիս և զլսնայ զնաւան : Միհրդատ այն՝ զոր եսն կարծէի երկիրպագանել ինձ, զի թողի նմա զաջոյ ձեռն նորա, որով 'ի հռոմայեցոց բիւրաւորս 'ի մահ վարեաց դա : Բայց արագ ձայն այլ արձակեցէ դա, յանցանել իմում յԱսիս : Արդ կացեալ նորա այժմ 'ի Պերգամոն, յարդարեացէ ըստ կամի զմարտն՝ զոր ոչն ետես » : Զահի հարեալ դեսպանացն, կային անմուռնչ . այլ Արքեղայոս յողոք անկեալ Սիւղղայի՝ ամոքէր զսրտմտութիւն բարկութեանն կալեալ զաջոյն և յարտասուս ցնդեալ : Ապա ածէր հաւանեցուցանէր թոյլ նմա տալ ինքնին երթալ առ Միհրդատ և հաստատել զհաշտութիւնն ըստ պայմանին . յոր թէ երբէք չաջողեսցի, անձին արասցէ :

Յայնժամ Սիւղղաս արձակեալ զԱրքեղայոս, ինքն հորդան տայր 'ի Մեգիկէ . և անդ յաւարի առեալ և քանդեալ բազում ինչ, դառնայր 'ի Մակեդոնիս . և մերձ 'ի Փիլիպպէ՝ անդ դտանէր զԱրքե-

զայոս, և խմանայր զյաջողել զիրացն . և զի՛
 և Միհրդատ ինքնին խնդրէ անհրաժեշտ
 խօսել ընդ նմա : Իսկ պատճառք բանին էր
 Փիմբրիաս, այն որ սպանեալ զՓլակկոս հիւ-
 պատոս որ ՚ի հակառակ հերձուածոյն, և
 հարուածս ՚ի վերայ ածեալ զօրավարացն
 Միհրդատայ, զիմեալ խաղայր ընդդէմ
 նորա . յորմէ զահի հարեալ Միհրդատ
 հաստատեցաւ ՚ի միտս բարեկամութիւն
 ընդ Սիւղղայի հաստել : Ապա եկեալ նոքա
 ՚ի միասին ՚ի Գարդանոն ՚ի գաւառին Տրո-
 վադայ, էին ընդ Միհրդատայ ցուանաւք
 երկերիւր, և բանակ զօրու ցամաքին երկուց
 բիւրուց հետեակաց և վեց հազար այրու-
 ձիոյ, և բազմութիւն յոյժ գերանդազէն
 կառաց . իսկ ընդ Սիւղղայի էին միայն
 գունդք չորք, և այրուձի երկերիւր :

Անդ ընդառաջ նորա եղեալ Միհրդատ
 և կարկառեալ առ նա զաջն, հարցանէր
 Սիւղղաս՝ եթէ արդեօք ըստ պայմանաց
 գաշինն Արքեղայոսի կամք իցեն նմա վը-
 ճօր տալ մարտին . իբրև լուռ կայր ար-
 քայն, յաւել Սիւղղաս . “ Այլ կարօտե-
 լոցն ինքնին պարտ է առաջին խօսել, իսկ
 յաղթականացն շատ է գլխովին լուելն ” :
 Ապա Միհրդատ առեալ ՚ի խօսել ՚ի չք-
 մեղս անձինն, կէս մի զգիսն պատճառէր
 ՚ի մարտին յայնմիկ, և կէս մի զհռոմայե-
 ցիսն սողաանէր : Արկնեաց յայնժամ
 Սիւղղաս . “ Իմ իսկ ՚ի վաղնջուց լուեալ է
 յայլոցն բերանոյ, և զարդիս ես ինքն ճըշ-
 գրիտ տեսանեմ, զի ես իսկ գու Միհրդատդ

Ճարտարախօս հզօր, որում և 'ի գործսգ
ապիրատս և յանիրաւս ոչ պակասեն գե-
ղասպաճոյճք բանից" : Եւ 'ի գէմս բերեալ
նմա զգործս չարութեան նորա և քաջ իսկ
յաղթահարեալ զնա, հարցանէր միւսան-
գամ՝ կայցէ՞ նա 'ի պայմանս դաշինն Ար-
քեղայոսի . իբրև պատասխանի արար Այո՛,
անդ Սիւղղաս մարգասիրապէս ողջոյն տայր
նմա, և զձեռան զսարանոցաւն ածեալ՝
համբուրէր զնա : Ապա անդանօր կոչեալ
զարքայս կրկին զԱրիոբարզան և զՆիկոմի-
դէս՝ հաշտեցուցանէր զնոսա ընդ Միհրը-
դատայ : Յայնժամ Միհրդատ տուեալ
նաւս եօթանասուն և աղեղնաւորս հինգ-
հարիւր՝ ելեալ նաւէր 'ի Պոնտոս :

Բայց Սիւղղաս տեսեալ զգօրականն
դժկամակս բերեալ ընդ հաշտութիւնն,
(քանզի և դժոխըմբերելի յոյժ երևէր
նոցա, զի որ 'ի թագաւորս ոխերիմ հռո-
մայեցւոց, յորոց և բիւրս հնգետասան 'ի
մահ վարեաց նա յԱսիա 'ի միում աւուր,
արձակեցաւ այնպէս իսաղաղութեամբ, ա-
ռեալ ընդ իւր մթերս ընչից և զաւարն Ա-
սիոյ, զոր գողութեամբք և հարստահարու-
թեամբք չարչարեաց ամս չորս) . ապա
Սիւղղաս 'ի չքմեղս իւր ցուցանէր զօրակա
նին, եթէ ինքնին առանձին չէ՞ նա բաւա-
կան մարտ դնել կռուել ընդ Փիմբրիատայ
և ընդ Միհրդատայ՝ 'ի դաշնաւորել նոցա
ընդգէմ նորա : Ասաց՝ և չու արար իսաղայր
ընդգէմ Փիմբրիատայ որ բանակեալ կայր
'ի Թիււասիր . և ինքն բանակ հարեալ մօտ

առ նա, փոս հատանէր շուրջ զբանակաւն։ Իսկ յայնժամ զօրականք Փիմբրիասայ ելէալք 'ի սլաննշացն՝ ձորձ միայն արկեալ զանձամբ, դային յողջոյն և 'ի համբոյր զօրականին Սիւղղայի, և մտադիւրագոյն ևս վաստակակից լինէին նոցա : Անդուստ Փիմբրիաս տեսեալ զփոփոխել զիւրոյ զօրականին, զահի հարեալ 'ի Սիւղղայէ՝ իբրև յանհնչտ [Թշնամոյ, անդ 'ի բանակին երթայր զիւրովի :

Յետ այսորիկ Սիւղղաս ածէր հասարակաց դատակնիք տուգանաց 'ի վերայ Ասիոյ՝ երկուց բիւրուց քանքարաց . իսկ և առանձինն յոյժ նեղեցան տուիք սոսկականաց 'ի խեռութենէ և 'ի հարստահարութենէ իւրոցն՝ որ եկեալ բնակէին 'ի նոսա : Քանզի հրաման էր Սիւղղայի 'ի վերայ վանատրոցն՝ տալ օր ըստ օրէ գրամակըշիւս վեչտասան զօրական հիւրոյն . տալ և կերակուր նմա և բարեկամացն հրաւիրելոցն առ 'ի նմանէ . իսկ միում միում 'ի գնդապետացն՝ օր ըստ օրէ գրամակըշիւս յիսուն, և ազանելի մի առ տնին, և միւս ևս՝ յելանէնն արտաքս :

Ապա ամբարձեալ հանդերձ ամենայն նաւուք յԵփեսեայ՝ յաւուրն երրորդի հասանէր 'ի Պիրէոն : Անդանօր նա իւղագրլիսեալ, գրաւականէր անձին զՄատենագարանն զԱպելլիկոմիլեայ Տէյոսի, յորում բազումք այն էին 'ի մատենից անտի Արիստոտելի և Թէոփրաստեայ՝ սակաւուց ոմանց միայն ծանօթք 'ի Ժամանակին : Եւ

սրտովէն՝ եթէ զայն Մատենադարան տարեալ նա 'ի Հռոմ, անդ Տիւրանիոն Գրամատիկոս շատ ինչ հատընտիր քաղեաց 'ի նմանէ . յորմէ ապա 'ի ձեռս բերեալ ճիւղագոյն զհաւասար մատենիցն Անդրոնիկոս Հռոդացի, 'ի լոյս ընծայեալ արձանագրեաց զՊնական՝ որ յածին այժմ: Այլ արդեօք հինքն ճեմականաց երևին առանձին արք շնորհաբանք և բանասէրք . բայց ոչ զբռամբ արկին նոքա 'ի մատենից անտի Արիստոտէլի և Թէոփրաստեայ, ոչ շատ ինչ և ոչ դարձեալ ճշգրիտս . քանզի 'ի սրտածառս ժառանգին Նեղեայ Սկեպսիովնի՝ որում զայն մատեանն թողեալ էր Թէոփրաստոս, 'ի ձեռս անկան նոքա անխմաստասէր մարդկանն և անուսից: Այլ մինչդեռ յԱթէնս դեգերեալ կայր Սիւղղաս, ցաւ թմբրութեան ծանրատաղտուկ անկանէր յոտան Սիւղղայի, զոր՝ Թռթովէլ ոտնառութեան՝ կոչէ Ստրաբոն:

Այր աղագաւ նաւեաց նա յԱգիւստոն և անդ դարմանէր 'ի ջերմուկան, պարսպեալ և զբօսեալ հանապազօր ընդ Դիօնիւսեան բանդագուշեւոցն: Եւ էր երբեմն զգնալ նմա առ ծովափամբն, և անդ 'ի ձկնորսաց ածել նմա ձկունս դեղեցիկս յոյժ . զուարճացեալ Սիւղղաս 'ի սարգեն, հարցեալ և լուեալ եթէ յԱղէացւոց անտի են արքն, ասէ Սիւղղաս . “ Եւ իցէ՞ որ դեռ ևս կենդանի յԱղէացւոց ” . քանզի յետ Որբոմենեան մարտին՝ զհետ մտեալ նա քանդեաց քաղաքս երիս զԲիով

տիոյ, զԱնթեղոնա, զԼարիւմնա, և զԱզէա: Ապա արքն զահի հարեալք կային անչունջ. մանր ժպտեցաւ Սիւղղաս, և արձակէր զարսն իսաղաղութեամբ և խրնդութեամբ, իբրու որ յանդիման եղէն նմա՝ աղաչաւորս ընդ իւրեանս ունելով ոչինչ ունայէտ և փոքրոգիս: Եւ պատմեն՝ էթէ քաջալերեալ Աղէացիք, ժողովեցան և բնակեցան անդրէն՝ ի քաղաքին իւրեանց:

Յետ այսորիկ իջեալ ՚ի ծով ընդ Թեա տաղիս և ընդ Մակեդոնիս, կազմէր սրատրաստէր Սիւղղաս հազար և երկերիւր նաւուք անցանել ՚ի Տիւրաքիեայ ՚ի Պրենդէսիոն: Անդ մերձ կայ Ապոլոնիս, և ՚ի հանդիպոյ նորա Նիւմփէոն՝ վայր նուիրական, որ ՚ի դաւարազուարժ հովտացն և ՚ի մարգացն բոլիւ անսպառ աղբիւրս հրոյ՝ գնայուն և ծաւալական: Ի նմին տեղոջ ասեն դտանել և ձերբակալ առնել յայնժամ զմի ՚ի Սատիւրայց 1 անտի, որ անդ ՚ի քուն կայր. ճգրիտ յայն տիպ դիտակի և ՚ի կերպարանին՝ զոր մեզ ՚ի դէմս բերեն անդրիագործք և կենդանագիր նկարիչք. և ամեալ բերեալ զնա առ Սիւղղաս, հարցեալ լինէր Սատիւրն ՚ի ձեռն բազում թարգմանաց՝ ո՞րք արդեօք իցէ. նա հազիւ բարբառ մի ՚ի դուրս տուեալ ոչինչ խմանալի, այլ խոստտ և խափարածայն, մանաւանդ խառն ՚ի խինջեւոյ ձիոյ և ՚ի մայեւոյ նոխազի՝ այնպէս ձայն մի արձակեալ, սոսկացաւ Սիւղղաս և հրամայէր ՚ի բաց յերեսացն հանել զնա:

Իսկ հանդերձեալ անցանեւ ընդ ծով՝
 խիթայր նա, եթէ 'ի ժամանեւ զօրակա-
 նին յԽտալիա՝ օձտեալք ցրուեսցին նոքա
 ընդ քաղաքս իւրեանց. այլ նոքա երդումն
 կռէին միշտ կալ ընդ նմա, առ այս՝ և ոչ
 ըստ կամս անձանց չարիս անցուցանեւ ընդ
 Խտալիա: Ապա և տեսեալ զնա կարօտեալ
 դրամոյ, այր այր սակ արկեալ 'ի ներքս
 մատուցին նմա իւրաքանչիւր ըստ գոյլին.
 այլ նա չէառ յանձն, և գովեալ զնոսա և
 քաջալերեալ ևս 'ի լաւութիւն անդր, ան-
 ցանէր գնայր՝ որպէս ասէ իսկ ինքն՝ 'ի դի-
 մի հարեալ հնդետասան զօրտակետաց թըշ-
 նամեաց, որ զօրավար կային չորեքհարիւր
 և յիսուն գնդաց. յայտնապէս ցուցեալ
 նմա դից նշանս երևելիս զգեղեցիկ ելից:
 Քանզի զո՛հ զոհեալ նորա անդէն 'ի հա-
 սանեւ իւրում 'ի Տարանտոն, տեսաւ 'ի
 լերդին տպաւորութիւն սրակի սարդենւոյ
 և մնջազարդ կրկին՝ կախեալ: Եւ վայր մի
 յառաջ քան զանցսն տեսանէին 'ի տուրն-
 ջեան սահու 'ի Աամպանիա մօտ 'ի լեառն
 Եփէոն նոխազք երկու յաղթք՝ խեթկեւ
 ոգորեւ ընդ միմեանս և մրցել և զմիմեամբք
 ելանեւ համբուն ըստ օրինակի գօտէ-
 կուուացդ. այլ ցճորք գլխովին էր երութա-
 ցեալն, որ տակաւ երթայր և ամբառնայր
 յերկրէ, սփռէր ցնդէր աստ անդ ընդ
 օդսդ՝ հանգոյն ստուերտօխսլ ուրուակա-
 նաց, և անհետանայր յաչաց:

Ապա յետ սակաւուց 'ի նմին իսկ վայրի
 խաղացեալ հասեալ անդր պատանին Մա-

րիոս և Նորբանոս հիւսպատոս ստուար բա-
նակաւ ընդդէմ Սիւղղայի նա կարգ և ոչ
մի տուէալ զօրականին կամ դասաւորու-
թեան բաշխ, առհասարակ կամակար նա-
հատակեալ նոցա՝ անդէն ՚ի փախուստ
զԹշնամիսն դարձուցանէր. և ՚ի նեղն ըզ-
Նորբանոս արկեալ վանեալ փակէր զնա ՚ի
քաղաքն Կապուա, տապաստ արկեալ ո-
գիս եօթն հազար: Եւ սպա ՚ի յաղթու-
թենէ աստի յայամանէ՝ ասէ իսկ ինքն՝ ոչ
ցրուեցաւ ՚ի նմանէ ամբոխն ընդ քաղաքս.
այլ եկաց մնաց ընդ նմա, և ունչա ևս առ-
նէին զԹշնամեացն բազմութեամբ: Պատ-
մէ դարձեալ՝ եթէ անգ ՚ի Սելվիոն յան-
դիման ել նմա ՚ի ծառայից ոմն Պոնտիոսի
մարդարէացեալ, և ասէր զանձնէն իբրու ՚ի
դիմաց եկեալ Ենիւոնեաց ազգ առնել նմա,
զի թէպէտ և յաղթական ինքն ելցէ ՚ի կը-
ռուին, սակայն թէ չփութայ ՚ի հուր դա-
տեսցի Կապետոլիոն. որ և եղև իսկ յա-
ւուր յորում գուշակեաց այրն, և էր
այն յառաջ քան զմի Նոնոսիցն Կինտիլիո-
նի, որում անուն կարգան այժմ՝ Յուլիս:

Առ այս դարձեալ և Մարկոս Լեւկոզ-
ղոս մի ՚ի զօրագլխացն Սիւղղայի ճակա-
տեալ մտ ՚ի Փիդէնտիա վեշտասան գնդօք
ընդդէմ յիսնից գնդաց Թշնամեացն, թէ-
պէտ և անվեհեր ՚ի զուարթամիտ քաջու-
թիւն զօրականին, այլ բազմագոյնք ան-
դէնք սլատահեալ ՚ի ժամուն, դանդաղէր
վարանեալ ՚ի կռիւն: Մինչդեռ նա յայս
մտախորհ, անդուստ սիւգ հանդարտ շքն-

չեալ 'ի մերձաւոր մարդարօտ դաշտէն ,
 ածէր թափէր 'ի բանակ անդր Լեւկողղոսի՝
 ծաղկանց բարդս բարդս , և ցանեալ
 սփռեալ ծաղկունք այսր անդր եկին դա-
 դարեցան 'ի վերայ ասպարաց և սաղաւար-
 տաց , որպէս զի և իբրև սրահաւորք ոմանք
 յանդիման թշնամոյն երևեցան առհասա-
 րակ զօրականք : Յորմէ և մեծապէս խրա-
 խուսեալ նոքա և խառնեալք 'ի կռիւն՝
 տարան յաղթուածիւն , տապատտ արկեալ
 'ի թշնամեաց ոգիս բիւր մի և ութ հազար ,
 և հասեալ կալան զբանակն : Սա այս Լեւ-
 կողղոս էր եղբայր միւսոյն Լեւկողղոսի ,
 այն որ ասպա եհար խորտակեաց զՄիհր-
 դատ և զՏիգրան :

Բայց Սիւղղայի տեսեալ զի դեռևս
 չուրջ զնովաւ պաշարեալ կան թշնամիք
 և սատոխ ստուար բանակօք , տեսեալ և զիւր
 նուազուածիւնն , խորամանկ խորհրդով հրա-
 Վիրէր նա 'ի հաշտուածիւն խաղաղուածեան
 զՍկիպիոն՝ մի 'ի հիւսպատոսաց անտի . ըն-
 կալեալ նորա զհրաւէրն , շատք ասպա խըմ
 բէին ատեանք խորհրդոյ և բանադնացք լի-
 նէին ընդ միմեանս . այլ Սիւղղաս պատ-
 ճառս բազումս բաղբաղեալ և անշրպետ
 'ի մէջ արկեալ՝ երկայնել ձգել զելս ի-
 րացն , Ժամ տուեալ զօրականին իւրոյ՝ որ
 կիրթք ևս էին իբրու զիւրեանց զօրավարն
 'ի դաւ և յամենայն հրապոյրս պղտորս ,
 յինքն զզօրականն Սկիպիոնի յանգուցա-
 նէր 'ի խեղդս շրթանց և 'ի կաշառս : Քան
 զի սպրդեալ մտեալ նոցա 'ի ղակիչ անդր

Թշնամեացն և խառնեալ ընդ նոսա, արագ արագ յանգուցանէին զկէսս արծաթով, և զկէսս խոսամամբք, և զկէսս դարձեալ համոզակեր շաղաւաշուրթն բանիւք: Որպէս զի և մերձեալ ապա անդր ինքնին Սիւղղաս քսան գնդօք, և իւրոյ զօրականին ողջունեալ՝ զՍկիպիոնինն, նոքա փոխադարձ ողջունիւ յարեան և միամտեցան ընդ նոսա. իսկ Սկիպիոն միայնակ մնացեալ ՚ի վրանին՝ ձերբակալ լինէր, այլ ապա արձակէր յազատութիւն: Եւ այնպէս ապա Սիւղղաս ՚ի ձեռն քսանից գընդացն՝ իբրու ձեռնընդել և հրաւիրակ թռչնօք ոմամբք խայծեալ և որսացեալ գունդս քառասուն զթշնամեացն, ածեալ բերէր առհասարակ յիւր բանակն: Ուստի և պատմեն ասել Վարբոմի, եթէ ՚ի կըռուել իւրում ընդդէմ՝ Ալուեսու և ընդդէմ Առիւծու՝ դարանեւոցն որջացեւոցն յողին Սիւղղայի, անդ Ալուէսն առաւել ևս չարչարէր զնա:

Այլ յետ այսորիկ մօտ ՚ի Սիգնիոն հասեալ Մարիոս ութսուն և հինգ գընդօք, ասպարէզ կարդայր Սիւղղայի. այն՝ որ յօժարամիտ ևս տենչայր զայն օր մարտ գնել կըռուել, իբրև և տեսիլ նմա երևութացեալ իսկ էր ՚ի դիշերին յայնմիկ յանուրջն, այսպիսի ինչ: Թուէր իմն նմա տեսանել զձերն Մարիոս վաղնջուց մեռեալ՝ խօսել ընդ պատանւոյն Մարիոսի որդւոյն իւրոյ, և իրատել զնա անձնապահ յոյժ լինել այգուն եղելոյ. իբրու որ այն

օր նմա մեծաց աղէտից գուժաբեր իցէ :
 Ուստի և Սիւղղաս պատրաստեալ յոյժ էր
 'ի կռիւն, և առաքէր կոչէր զԴոլոբէլլա
 բացագոյնս բանակեալ՝ դալ միանալ ընդ
 նմա : Իսկ թշնամիք պահ արկեալ ուղւոյն
 և կրճիմն գործեալ, զօրականք Սիւղղայի
 զղէմ՝ դարձեալ բանային ճանապարհ . և
 յայն գործ ապա այնչափ վաստակեցան
 նոքա՝ մինչև յոյժ պարտասել նոցա . առ
 այս դարձեալ և տեղատարափ անձրևաց
 յայնժամ մեծապէս տագնապէր զնոսա :
 Ոյր աղագաւ և գնդապետք առաջի եկեալ
 Սիւղղայի՝ աղաչէին դեգերել 'ի մարտն .
 ցուցանէին զզօրականն վատեալ յաշխատու
 թենէն և յորայս անկեալ 'ի վերայ աս
 սարացն : Իբրև յակամայս Սիւղղաս հա
 ւանեցաւ բանին, հրաման տայր բանակ
 հարկանել . իբրև սկիզբն արարին շերտա
 ւորս փակել և փոս հատանել 'ի հանդի
 սոյ բանակին, անդուստ Մարիոս խաղայր
 անկանէր 'ի վերայ խրոխտ և խիզախ՝ յե
 թիվար աշտանակեալ՝ 'ի գլուխ զօրականին,
 իբրու միանգամայն հասանել որսալ զնոսա
 յաղմկին նոցա, և հեշտին վանել վարա
 տել զնոսա : Բայց անդ Քաջն 'ի գլուխ
 զանրջաբանու թիւնն հանեալ կատարէր
 Սիւղղայի : Քանզի 'ի սրտմտութիւն բար
 կութեան վառեալ զօրականին, թողեալ
 զգործ աշխատութեն, և 'ի վերայ դարա
 ւանդաց խրամոցն զաշտէսն հարստեալ, և
 ձգեալ սուսերս՝ ձայն տուեալք խրախու
 սեցին . յարձակեցան հարան 'ի դիմի, և

ասատիկ խառնեցան 'ի գոռն . որոց և ոչ շատ ինչ զգէմ կալեալ թշնամեացն՝ 'ի փախուստ դառնային, հարուածս առեալ մեծամեծս : Իսկ Մարիոս խուճապեալ 'ի Պրենէստոն, անդ զգուրան գտանէր փակեալ . բայց 'ի բարձանց անտի պարան մի խաղացուցեալ՝ առեալ ածէր նա զմիջոյն, և այնպէս քարչեցաւ 'ի վեր ընդ պարխապուն : Այլ կէսք ասեն՝ ընդ որս և Փէնէստէլլաս՝ եթէ Մարիոս և ո՛չ զգաց ինչ մարտին այնորիկ . այլ քանզի խոնջեալ յոյժէր 'ի տքնութեանցն և յաշխատութեանցն, տուեալ զնշան մարտին՝ ինքն դնացեալ գետնախշտի ընկողմանէր ընդ հովանեաւ միով, և 'ի քուն թանձրութեան մտեալ՝ հազիւ ուրեմն սթափէր ապա յետ հարուածոյն, մինչդեռ անդ 'ի փախուստ ևս վարատէին իւրն զօրականք : Իսկ յայնժամ՝ ոսէ իսկ ինքն Սիւղլաս՝ զօրականս քսան և երկս միայն անկեալ յիւրոցն . իսկ 'ի թշնամեացն՝ քսան հազար, և գերի՝ ութ հազար .

Ոչինչ պակաս քաջութեամբ վճարեցան իրք և 'ի ձեռս զօրավարացն իւրոց Պոմպէի և Արաստոսի և Մետեղոսի և Սերվիլիոսի . քանզի և սոքա զեան և ո՛չ մի տարեալ կամ թէ գուղնաբեայ ինչ, հարին խորտակեցին բանակս յազթս զթշնամեաց . որպէս զի և Աարբոյն ինքնին՝ մեծապէս թիկնածու հակառակ կողմանն՝ փախըտեայ գիշերագնաց 'ի բանակէն նաւեալ անցանէր 'ի Նիբիս :

Այլ 'ի վերջին մարտի պատերազմի ըզ-
Սաւնիդացին Տեղեփնոս, այն՝ որ իբրև
գօտէմարտ դադարեալ 'ի հանգստի՝ 'ի
վեգ գայր ընդ պարտասելոյ ումեմն, գոգ-
ցես զգեանեալ տապալէր զնա Սիւղլաս
առ գուրսն Հոռվմայ: Սա այս Տեղեփնոս
խմբեալ բազմաձեռն գունդ զօրականի ընդ
Լամպոնիոսի Լեւկանոսի, խաղայր հաս-
ձեալ 'ի Պրենէստոն յանդորր հանել ըզ-
Մարիոս՝ որ անդ պաշարեալ կայր. բայց
լուր առեալ զյարձակմանն Սիւղլայի և
զՊոմպեի 'ի վերայ իւր յառաջոյ և 'ի Թի-
կանց, և յերկոցունց կողմանց միանգա-
մայն 'ի ներքս փակեալ, անդ քաջամար-
տիկ այրն և քաջահմուտ 'ի մեծամեծ մար-
տիցն՝ զոր մկեաց, յարուցեալ գիշերի չու-
առնէր ամենայն բանակաւն 'ի Հոռմ կոյս.
և անդ վայրիկ մի ևս՝ անպահասպան գտեալ
զքաղաքն՝ հորդան տայր 'ի ներքս: Անդա-
նոր զտեղի առեալ տասն ասպարիսաւ հե-
ռի 'ի Կոլլինեան դրացն՝ օթագայէր հան-
դէս քաղաքին յանձնասպաստան մեծա-
պէս խնդացեալ յուսովն՝ զի այնպէս հնա-
րիմաց խորհրդով խաղ արար զկրկին զօրա-
վարսն: Իսկ 'ի ծագել աւուրն, այրուծի
ընդգէմ յարձակեալ նորա 'ի պատանեաց
անտի Հոռվմայ 'ի հոյակապ որերոյն, նա
զբազուսն 'ի նոցանէն դիտասպաստ արկա-
նէր՝ ընդ որս և զՎղաւդիոս զԱպպիոս պա-
տանի տոհմիկ և կորովի: Ուտաի և 'ի սպ-
հուն՝ մինչ այս մինչ այն իբրև շոխն շո-
հագին հարեալ 'ի քաղաքին, գուժայր

Ճշայր կանանին, և այսր անդր վարատեալ վազէր առհասարակ խուժան ամբոխին՝ իբրու որ բռնութեամբ առեալ իսկ իցէ քաղաքին, անդուստ առաջին յակն արկանէին զԲալբոս մտրակ ՚ի կուշտ վեց հարիւր այրուձիով հասեալ ՚ի կողմանէն Սիւղղայի. անդանօր վայր մի զկայ առեալ Բալբոս՝ մինչև ՚ի քրտանէն զովանալ երկուբացն, անդէն ապա կազմէր պատրաստէր անկանել ՚ի վերայ թշնամեացն : Յայնմ պահու ՚ի վերայ հասանէր և ինքնին Սիւղղաս. հասածեպ տագնապաւ ճաշ տուեալ առաջնոցն, առեալ կարգէր ՚ի ճակատ մարտի : Անդ աղերս առաջի արկեալ նորա Դուրբեւաս և Տուրկուստոս վայր մի հանգարտել, և մի յոգնեալ զօրականին ճեպ տալ ՚ի վտանգ վերջին, իբրու որ ոչ ընդ կարբովի և ընդ Մարիոսի մարտ զնել կուուել հանդերձեալ իցէ, այլ ընդ Սաւնիացւոց և ընդ Լեւկանացւոց՝ ազգ ոխերիմ հռովմայ և գոռ մարտիկ, ՚ի բաց մերժեաց՝ հրաման սոյր Սիւղղաս նշան փողէլ հրոսակին և գոռյթ տալ, թէպէտ և օրն կարճատեալ մօտ ՚ի ժամ տասներորդ :

Հայպա անդանօր բուռն և սաստիկ մարտին եղելոյ՝ որպիսի ոչ երբէք, յալթական փառօք մեծաւ ելանէր Արասոս ՚ի թէն աջոյ. այլ ձախոյն հարեալ վասթաբեալ, անդէն Սիւղղաս ՚ի ձի աշտանակեալ ճերմակ՝ փորատող գոռութեան և օղպարիկ, շահատակեալ զիմէր ՚ի թիկունս օգնականութեան. յորմէ երկուք ոմանք

'ի Թշնամեացն ծանուցեալ զնա՝ ճօճեալ
կշիռ զնիզական արձակէին : Կա ոչինչ միտ
եդեալ, որ առ նմա ասպապետն իրազգած
վտանգին՝ մտրակեալ զերիվարն և յառա-
ջագէմ վազս տուեալ՝ անցուցանէր զԹափ
նիզակացն, մինչև մօտ յագի երիվարին քե-
րեալ տիգին՝ գնայր և վարսէր 'ի դետին :
Եւ ասէն՝ ունել Սիւղղայի առ իւր գրօ-
շեալ փոքրիկ զԱպողոնի յոսկւոյ՝ առեալ
'ի Դեղիեայ, և ցանգ տանել 'ի ծոցի յա-
մենայն 'ի մարտս . խակ յայնժամ 'ի մեծի
տագնասպին համբոյրս ևս տալ գրօշերոյն,
և ասել այսպէս . « Ո՞վ Պիւթեանդ Ապո-
ղոն, որ 'ի մարտս բազմագէմ՝ հոյակապ և
մեծ զերջանիկն զՍիւղղաս Կուռնելիոսն
գործեցեր, ածեալ բերցէս դու զնա առ
դուրս իւրոց հայրենեացն՝ անդ ամայի
լքանել զնա և անփառունակ 'ի կորուստ
մասնել զնա հանդերձ քաղաքացւոյքն » :
Չայս օրինակ նա յայնժամ՝ որպէս ասէն՝
ասպապարեալ զանձն 'ի դիսն յայն՝ գնայր
շուրջ վազէր 'ի մէջ զօրականին . կիսոցն
սղերս արկանէր, և կիսոցն սպառնալիս 'ի
վերայ կապէր, և զկէսս դարձեալ անդէն
առկայացուցանէր, զի մի 'ի փախուստ մտա
բերեսցեն : Սակայն 'ի վերջէ հարեալ խոր
տակեալ ձախոյ Թևոյն, և ինքն դարձեալ
խառն ընդ փախստէիցն գիւնեալ ասպաւի-
նէր 'ի զակիշ անդր, զբազումս կորուսեալ
յիւրոց բարեկամացն և յականաւոր մարդ-
կանէն : Ոչինչ նուազունք անդանօր և յո-
րոց ըստ քաղաքն ելեալ էին 'ի զնին կրօ-

ուռոյն, անկանէին առաթուր. զի և վասն քաղաքին յայնժամ վճարեալ խնկ էր, և դէպ լինէր յայնժամ և զպաշարումն ևս բառնալ 'ի Մարիոսէ. քանզի և շատք 'ի վախստէիցն վարատեալք հասեալք մինչև անդր՝ թելադիր լինէին Ոփեւէայ Լուկրէտիոսի՝ որ 'ի վերայ կայր սաշարմանն, չու առնել վաղվաղակի. իբրու եթէ վասն Սիւղղայի վճարեալ իցէ, և քաղաքն գրէ խովին թշնամոյն 'ի բուռն անկեալ իցէ:

Բայց յայնժամ 'ի խոր դիշերին գային հասանէին 'ի բանակ անդր Սիւղղայի հրեշտակք 'ի Կրասոսէ. ինդրէին կերակուր վասն Կրասոսի և զօրականին. քանզի 'ի պարտութիւն նոքա զթշնամիսն մատնեալ հետամուտ վանեցին զնոսա մինչև յԱնտեմնա, և անդանօր բանակեալ նստին: Զայն լուեալ Սիւղղաս, և զի և 'ի թշնամեացն բազմագոյնք տասպաստ անկան, յառաւօտուն պահու ելեալ երթայր ինքնին յԱնտեմնա: Անդանօր առ նա պատգամաւորք հասանէին և յերից հազարաց թըշնամեաց՝ ինդրել արձակուրդ: Նա խոստումն կուեաց նոցա յանդորր հանել զնոսա, եթէ մնաս 'ի վերայ հասուցեալ այլոց թշնամեացն՝ այնպէս առ նա յարուցեալ եկեսցեն: Նոքա հաւատս ընծայեալ նմա, անկանէին ապա 'ի վերայ այլոց, և անդ բազումք սատակեցան 'ի միմեանց: Ապա Սիւղղաս խմբեալ առհասարակ զնոսա, և զայլան ևս որք միանգամ կենդանիք մնացեալ էին՝ թուով վեց հա-

զար, և 'ի կրկէս ամիտիեալ զնոսա, ինքն խմբէր զԾերակոյտն 'ի մեհեան անդր Ենիւոնի: Իսկ 'ի պահուն յորում հրապարակախօս լինէր նա, անդուստ մարդիկն՝ որոց յանձն եղեալ էր՝ սուր 'ի վերայ եղեալ կոտորէին զվէց հազարսն: Անդ ապա ահագին շռինդն յուզեալ վայից և դուժից և աղաղակի այնչափ մարդկանն խողխողելոյ յանձուկ 'ի վայրին, ահաբեկ սրբտաթափ լինէր սինկղիստոն. այլ ինքն Սիւղղաս անվրէժու և 'ի կերպարան դիմացն անդրդուեւի, ասէր ուշ ունել նոցա իւրոց բանիցն. մի ինչ խռովել հոգալ՝ որ ինչ արտաքոյ կատարի, զի 'ի նորայն հրամանաց իրատին անզգամք 'ի մարդկանէ: Յայնժամ՝ ապա և 'ի կարի թանձրամտաց դբ հռոմայեցոց և 'ի խօթասրտացն հաւաստի 'ի վերայ կայր, զի զլուծ բռնաւորութեանն ոչ եթէ սասանեցուցին ինչ յանձանց, այլ միայն փոխեցին:

Արդ՝ Մարիոս անդատին 'ի սկզբանէն խիստ և անհամբոյր, ոչինչ փոխեցաւ ապա 'ի բարգաւաճել իւրում յաւադութեան և 'ի զօրութեան, նա և ևս ժանտացաւ յաննուէր բարոյսն: Իսկ Սիւղղաս՝ որ չափաւոր իմն և քաղաքական բնաւորեցաւ դէմս յանձին բերել յառաջին բախտին, և առաջնորդ կարծեցուցանէր իմն զանձն թիկնածու աւադանւոյն և ժողովրդասէր, առ այս դարձեալ և 'ի մանկական տիոցն բարեմոյն կացեալ և ծաղրասէր, և կարեկիր անձն և դորովական, և յարտասուս

հեշտին . իսկ ապա ահագինս փոփոխեալ տայր ապա իրաւացի սողիւտ 'ի վերայ ածեւ աւագութեանց բարձից , իբրու որք ժանտացուցանեւ բնաւորեցան զառաջին բարետոհմութիւն ոգւոցն , և իսէլայիզս գործեւ և փքուռոյցս և անագորոյնս : Իսկ թէ այս շարժումն ինչ իցէ և փոփոխութիւն բնութեանն արդեօք առ 'ի բախտէն յառաջ եկեալ , կամ թէ մանաւանդ տրն կակից զանխուլ չարութեանն առակումն 'ի մեծի աւագութեանն , այլում մատենագրութեան թողլի է 'ի սահմանեւ :

Իսկ յետ այսորիկ Սիւղլաս զհետ կրթութեալ 'ի կոտորած մարդկանն , և դիակամբք լցեալ զքաղաքն՝ անթիւ և անսահման . քանզի անդ և բազումք՝ որք չունէին ինչ բան ընդ Սիւղլայի , 'ի մահ վարելին 'ի շնորհս իւրոցն առ թշնամութեան ինչ . և յայնժամ անդուստ պատանի ոմն Գայիոս Մետեղլոս անուն համարձակեալ հարցանէր զՍիւղլաս 'ի Սինկղիստոսին . Իսկ ո՞ր սահման աղէտիցն իցէ . ցո՞ր վայր յառաջ ևս խաղասցէ , և է՞րբ արդեօք ակն կալցեն դուլ իրացն լինեւ . “ Քանզի մեք ինքնին՝ ասէր պատանին՝ ո՞չ բարեխօս եմք ինչ վասն որոց քո 'ի մտի եղեալ է 'ի կորուսանեւ , այլ աներկմիտս միայն գործեւ՝ զորս քո սահմանեալ է 'ի կեցուցանեւ “ : Առ այս պատասխանի տայր Սիւղլաս , եթէ և ո՞չ ինքնին դիտէ տակաւին՝ զորս ապրեցուցանեւն հանդերձեալ իցէ : Վրկնեաց Մետեղլոս . “ Գո՞նեա ուրեմն յայանեցես մեզ զորս

պատուհասել հանդերձեալ իցէս : Տայր
պատասխանի Սիւղլաս՝ առնել զքանն :
Այլ կէսք ասեն՝ եթէ զվերջինդ ո՛չ Մե-
տեղոս խնդրեաց, այլ Ափիդիոս ոմն՝ ի
մարդեւոջաց անտի Սիւղլայի :

Արդ անդէն վաղվաղակի Սիւղլաս ա-
ռեալ տարագիր գրէր ութսուն այր ՚ի քա-
ղաքացեաց անտի, առանց խորհրդոյ աւա-
գանւոյն : Առհասարակ յայնժամ սրբո-
նեալք, նա օր մի հանդարտեալ՝ վտարան-
դի գրէր և այլ ևս երկերիւր և քսան . ապա
և յերրորդում նուագին՝ նոյնչափ : Եւ
հրապարակախօս եղեալ ասէր՝ վտարանդի
գրել առհասարակ զամենեսեան՝ զորս յուշ
էած . և որք յայնժամ մոռացօնք են նմա՝
գրեսցէ յորժամ յիշեսցէ : Առ այս՝ և որ
միանգամ ժողովեալ ապրեցուսցէ ՚ի տա-
րագրելոց անտի, դատակնիք մահու վասն
մարդասիրութեանն ած ՚ի վերայ մարդոյն .
չեթող ՚ի բաց ո՛չ զեղբայր, ո՛չ զորդի, ո՛չ
զծնողս : Իսկ որ սպանցէ ՚ի նոցանէ, վարձ
սահմանեաց մարդոյն երկուց քանքարաց,
թէպէտ և ՚ի ծառայից որ սպանցէ զտէրն
կամ յորդուց որ զհայրն : Իսկ որ առաւել
քան զամենայն անիրաւութեամբ լի, զի և
զորդիս տարագրելոցն և զթոռունան վատ-
անուն քարողեաց, և զամենեցուն զգոյսն
յարբունիսն գրաւեաց :

Առ այսոքիւք և ո՛չ հռովմայ միայն քա-
ղաքացիք տարագիր գրեցան, այլ և յա-
մենայն իսկ քաղաքացն Խտալիոյ : Չեկաց
գից մեհեան՝ անշաղախ յարենէ, չեկաց

երդ նուիրական՝ վանատուր հիւրոցն, չէ զև տուն հայրենի՝ ապաւէն փրկութեան. անկան դիտասարատ՝ ընդ ապաժոյժ եկին առհասարակ արք ՚ի ծոցս կանանց, և որդիք ՚ի գիրկս մարց : Իսկ որ յամբաւ կոտորածին տապաստ անկան յատելութեանն սակս և ՚ի թշնամութեանն, նուազունք էին առ որովք միանդամ ՚ի սպանդ վարեցան ՚ի պատճառս արարոց իւրեանց. զի և մարդախոշոշքն ինքնին տային վկայութիւն, եթէ “ Մահ մարդոյդ այդմիկ աւութեաց իւրն գեղեցիկ դաստակերտ. և սնա դըրախտն պարտիզին նորա, և միւսոյդ դարձեալ իւրն ջերմուկք ջրոցն ” : Իսկ յայնժամ և Կովինտոս Աւրեղիոս աւագ՝ որ ձեռնամուխ ինչ չէր ՚ի գործ և անբաժ զինքն կարծէր ՚ի կրից անտի. բայց զի աստակից կարեկից էր վշտատեսիցն, երթեալ երբեմն ՚ի հրապարակ անդր և կացեալ վերժանէր ՚ի պնակին զհամար տարագրելոցն. և զինքն ևս տեսեալ ՚ի համարին, վայեաց այրն, “ Եղճիկ եմ ես, և զիս ինքնին իմ կալուած որ յԱլբանոն՝ հալածէ աւագիկ ”. Ապա վայր մի յառաջ քայլեալ ՚ի փողոցին, անդ խողխողեալ ՚ի հետամտիցն՝ անկանէր տապաստ : Ի նմին պահու և Մաւրիոս ինքնին ՚ի ձեռս անկեալ՝ երթայր զիւրովի :

Յետ այնորիկ Սիւլղաս գնացեալ ՚ի Պրենէստոն, զառաջինն ՚ի քնին առեալ պատուհաս ՚ի վերայ ամէր քաղաքացւոցն. այլ ապա՝ իբրու անպարասպեալ ՚ի քրն

նեւ, խմբեալ 'ի մի վայր անխորաբար՝ հրա-
ման տայր առհասարակ ընդ սուր հանեւ,
և էին նոքա բիւր մի և երկու հազար . մի-
այն ասրեցուցանէր զայրն՝ առ որում հիւր
ընկալեալն էր . իսկ այն այր՝ ազնուական
մտածու թեամբ լի կայր և ասէր, շնորհս
ինչ զանձին փրկու թեան երբէք նա ոչ ու-
նեւ առն՝ որ սատակիչ հայրենեացն իցէ .
զայս ասաց՝ և խառնեցաւ և ինքն մահակից
լինեւ էղբարցն :

Իսկ որ առաւել քան զամենայն գժսա-
տեհ և օտար, դէպքն Ղեւկիոսի Վատիլի-
նեայ : Սա այս այր՝ մինչև յայանեալ յայն-
ժամ էլից իրացն՝ սպանեալ զիւր էղբայրն,
դիմեաց ասա առ Սիւղղաս աղաչէր վտա-
րանդի գրեւ զսպանեալն՝ իբրու էթէ կեն-
դանի դեռ ևս իցէ . և գրեցաւ այնպէս :
Ոյր աղագաւ և Վատիլինա՝ հաճեւ զՍիւղ-
ղաս՝ չոքաւ և սպանանէր զՄարկոս զոմն
Մարիոս 'ի հակառակ հերձուածոյն, և ըզ-
գլուինն առեալ բերէր առ Սիւղղաս՝ որ
բազմեալ կայր 'ի հրապարակին . և գնա-
ցեալ 'ի մերձաւոր մկրտարանն Ապողոնի՝
անդ լուանայր զձեռան :

Բայց Սիւղղաս մահունս գործեալ զայ-
սոսիկ, առ այսոքիւք և վիշտս այլ մեծա-
պէս հասուցանէր մարդկանն : Քանզի և
իշխանապետ անձամբ զանձն համբաւեաց .
աւագու թիւն խափանեալ յամաց հարիւր
և քսանից, զոր և անդրէն նորոգեաց : Եւ
վճուաւ տուաւ նմա անսպասուհաս արձա-
կուրդ՝ որչափ ինչ միանգամ գործեաց յա-

ուսման գոյն . իսկ և որ յառաջոյ՝ իշխանութիւն տուաւ նմա ծայրալիր , սպանանել , յարքունիս գրաւել , գեղին բաշխել , շինել և քանդել , և բառնալ և սարգևել տէրութիւնս , որով և կամք իցեն նմա : Իսկ ՚ի սարգևել իւրում զգրաւեալ գոյսն , այնպէս իմն յաւակնագոյնս գնայր և ճոխաբար իշխանութեամբ բազմեալ յիւրում բեմին , զի և քան զզրկանսն՝ առաւել ևս դժոխքներէրէ իբր էին ձիրք սարգևաց նորա . սարգևեալ կանանց գեղանեաց , և քնարահարաց նուագածուաց , և միմոսից խեղկատակաց , և չարաց ազատագրելոց՝ զտացուածս կալուածոց ժողովրդեանն և ըզհարկս քաղաքաց : Եւ կիսոց դարձեալ տայր ածել կին՝ յակամայս հարսանցն . իսկ և յինքն կամեցեալ յանգուցանել զմեծն Պոմպէոս , տայր նմա արձակել ՚ի բաց զկին իւր . և ինքն ընծայէր նմա զԵմիլիս ըզգուատր Մետեղեայ կնոջ իւրոյ և զՍկաւրոսին , ՚ի բաց հանեալ զնա ՚ի յղութեան նորա ՚ի Մագնոսէ Գլաբրիովեայ՝ որում հարսնացեալն իսկ էր . այլ Եմիլիս մեռանէր ՚ի ծնունդսն առ Պոմպէոսի :

Իսկ յայնժամ թեկն զհիւպատոսութեան ածեալ Լուկրետիոս Ոփելլաս , այն որ սաշարեալ սահեաց զՄարիոս , արգել նմա Սիւղղաս : Այլ ասպ իբրև թիկունս ՚ի խուժանէն գտեալ Լուկրետիոս՝ չոքաւ անձամբ ՚ի հրապարակ անդր ՚ի ձեռս բերել զինդիրն , անգուտ Սիւղղաս զմի ՚ի հարկարայետացն արձակեալ՝ տայր սպանանել

զնա, ինքն բազմեալ յիւրում բեմին 'ի տա-
ճարին Գիտակուրեանց, և 'ի դիտարանէն
'ի զնին եղելոցն կացեալ: Ապա ձերբակալ
զհարիւրապեան արարեալ և ածեալ զա-
ռաջեալ բեմին նորա, նա լուեցուցեալ
զազմուկն, ասէր՝ ինքնին հրաման տուեալ
բանին, և պատուիրէր թողուլ 'ի բաց զհա-
րիւրապեան:

Այլ էր նորա յաղթանակին հանդէս
չքեղ գլխովին 'ի բազմակատար աւարաց ան-
տի արբուեաց և 'ի նոր և 'ի չքնաղ: Բայց
զարդ մեծապէս և հանդիսարան գեղեցիկ
'ի նմա՝ էին խումբք արանց վտարանդե-
լոցն: Քանզի 'ի հոյակապից անտի և 'ի ճո-
խից քաղաքին նորա զհետ գնային պսակա-
ւորք, կարգային զՍիւղլաս իւրեանց փրկիչ
և հայր, իբրու որք 'ի ձեռն նորա միւսան-
գամ ածան 'ի հայրենիան և անդրէն ժա-
ռանդեցին իւրաքանչիւր զկանայս իւրեանց
և զմանկունս:

Իսկ յետ այնորիկ խմբեալ եկեղեցի մեծ,
և ինքնին անդանօր զհամար տուեալ զիւ-
րոց նահատակութեանցն, ոչինչ պակաս
ճշգրտիւ և խնամով 'ի թիւ արկանէր զա-
մենայն զգեղեցիկ բախտին բերմունսն, 'ի
նոյն և զամենայն զքաջութիւն զիւրոց մըր-
ցանացն. և 'ի վերջէ հրաման տայր Բաբե-
թախս զինքն վերաձայնել, զի և զայն յայտ
առնէ անուեղ՝ Փելիտս: Իսկ 'ի գրեւ իւ-
րում ինչ առ Հեղե՛նացիս և 'ի պատաս-
խանի առնել, ինքնին իւր անուն կարգայ
Էթաֆրճոփիտոս, իբրու՝ Աստղկասէր: Առ այս

և յախոյեանս՝ զոր ունիմք այժմ՝ առ մեզ, այսպէս արձանագրեալ կայ. Լ՝Ո՛ւի՛ոս Կ՝Ո՛ւնէԼի՛ոս Սիւղղաս Էթաֆրէփիթօս : Դարձեալ առ այս՝ և երկուորեակս ծնեալ նմա Մետեղիս՝ արու և էդ, արուին անուն դնէր՝ Փաւստոս. և իդին՝ Փաւստա. քանզի զբարեբաղդն և զզուարթն կոչեն չռոմայեցիք՝ Գասսարոս : Եւ այնչափ առաւել վտահ էր նա՝ ի դեղեցիկ բախտն իւր, քան ի նահատակութիւնս մրցանացն, որպէս զի և յետ այնչափ մարդիկ ՚ի մահ վարելոյ, և նորութիւնս այնչափ և մեծամեծս ՚ի քաղաքին հաստելոյ, ոչինչ զանդիտեաց ՚ի բաց զիշխանապետութիւնն դնել, և ողջոյն ՚ի կամս ժողովրդեանն ասպատան զընտրութիւնն առնել զհիւպատոսացն՝ յորում և վիճակեցաւ իսկ ո՛չ ինքն. և գնայր շրջէր նա այնուհետև ՚ի հրասարակին իբրև զմի ՚ի սոսկականաց. և անվհէր զանձն առաջի ընծայէր՝ որ ոք միանգամ սրանեալ ընդ նմա՝ համար ինչ զիրաց ՚ի նմանէ պահանջէր :

Արդ յայնժամ ընդ հակառակս խորհրդոյն իւրոյ ընտրեալ ՚ի հիւպատոս Մարկոս Լեպիդոս՝ այր ժպիրհ և իւր ռիսերիս, ո՛չ զի Լեպիդոս ինքնին արժանի ինչ էր բարձին, այլ զի ժողովուրդն զմիտս կամեցաւ հաճել զՊոմպէին, որ յոյժ ջանայր վասն Լեպիդեայ. տեսեալ ասպա Սիւղղաս զՊոմպէոս յանձն զուարճացեալ ընդ յաղթութիւնն, կոչեալ զնա առ ինքն՝ ասէր. « Բարէ քանի՛օն դեղեցիկ է՝ ո՛վ պատանի

դու, այդ քո քաղաքական հնարխմացու-
թիւնն 'ի տալ քում անուանել հիւպատոս
զլեպիդոս նախ քան զՎատղոս . զյոյժ
խօթամիտն այր, նախ քան զայրն լաւ քան
զամենեւեան : Եւսմ է քեզ արդ մի տալ
քուն աչաց, զի հզօր առաւել ընդդէմ քո
զբոյին գործեցեր հակառակորդ " : Եւ ար-
դեօք մարդարէացաւ Սիւղղաս . քանզի ան-
դէն արագ արագ խեռ և ստահակ և սո-
վորեալ լեպիդոս, 'ի վէդ կաքաւէր ընդ-
դէմ Պոմպէի :

Իսկ յետ այնորիկ զտասանորդն յամե-
նայն գոյլց իւրոց նուիրեալ Սիւղղաս հե-
րակլի, կազմէր պատրաստէր ժողովրդեան
խնճոյս մեծահացս . և հանդերձանք պատ-
րաստութեանն այնչափ իմն առատացեալ
քան զպէտան, զի և զօր ամենայն շատ ինչ
սպաս՝ առեալ ամային 'ի գետ անդր . և
նստեալ ըմպէին գինի հին ամաց քառաս-
նից և առաւել : Իսկ յայն խրախունն ա-
ւուրց բաղմաց՝ մեռանէր Մետելլա 'ի խօ-
թութենէ . և քանզի քահանայք արդէլին
Սիւղղայի գնալ առ նա, և արդէլուին դար-
ձեալ սղծել զտուն իւր 'ի սգահանդերձ
աշխարս, նա գրեալ զապահարզանին և
յլեալ առ նա, ետ հրաման բառնալ տա-
նել զնա յայլ տուն, մինչդեռ տակաւին
կենդանի էր, օրինապահ էզեալ յայնմ ըստ
անապաշտութեանն . սակայն և օրինազանց
լինէր յիւր իսկ օրէնսն որ յաղադս չա-
փաւորութեան ծախուց յուղարկաւորու-
թեանն, ծախս արարեալ 'ի նմա անչափա .

ւորա : Զնոյն և օրինազանց լինէր նա և յիւրում իսկ սահմանին՝ որ յաղագս բազմաժախ ընթրեացն . քանզի խնդրէր ամոքել դիւրել անձկութեանց սրտին 'ի գիներբուաց անտի և 'ի խնճոյից՝ գրգանօք լի և խեղկատակութեամբք :

Ապա յետ ամոց սակաւուց հանդերձեցաւ և թատր մենամարտից . իսկ 'ի ժամանակին չև գոլով ուրոյն զատուցեալ տեղիք , այլ 'ի տեսարանին խառն 'ի խուռն կային 'ի միասին արք և կանայք . ըստ դիւպաց անդանօր մօտ Սիւղղայի նստէր 'ի կանանց ոմն չքնաղադեղ և քաջազարմ : Սա էր գուտար Մեսսալեայ քոյր Արտեսիոսի հռետորի՝ Ալադերիա անուն , այն ինչ յայնժամ արձակեալ յառնէն : Սա լուիկ մնջիկ անդանօր մօտեալ առ Սիւղղաս 'ի թիկանց կուսէն և մխեալ ձեռն և կորզեալ մազ մի 'ի պատմուճանէն նորա , անդրէն դառնայր նստէր 'ի տեղի իւր : Հայեցեալ 'ի նա Սիւղղաս և զարմացեալ , ասէ կինն . “ Մի ինչ քեզ ինքնակալ գու , ծանր թուեսցի բանդ . խնդրեմ և ես ինքնին հաւատարորդ վայր մի լինել գեղեցիկ բախտիդ “ : Ա՛չ առանց բերկրութեան լսէր Սիւղղաս զքանն . և քաջ իսկ անդէն մերկանայր մարմաջել նորա . քանզի առաքեաց վաղվաղակի հարցանել զնորա զանուանն և զազգն և զկեանսն . և յետ այնորիկ ասպա աչակաքաւ լինէին նոքա առ միմեանս , և ստէպայր ընդ ընկեր հայէր 'ի դէմսն , և մերթ ընդ մերթ ժպիտք ծնանէին 'ի նոսա . իսկ

'ի վերջէ և սրայմանս և դաշն կռէին զհար-
սանեաց : Եւ սպա թերևս 'ի բանին յայն-
միկ անբառեաս կայցէ կինն , սակայն Սիւղ-
ղաս թէպէտ և կին ամեալ սրարկեչտ և
տոհմիկ , այլ ոչ դրդեցաւ նա 'ի նոյն 'ի
սրարկեչտ և 'ի գեղեցիկ պատճառաց . քան-
զի մնասեալ անկաւ թակարթեցաւ իբրև
սպտանեակ յարատ հայեցուածոյ անտի
և 'ի պչրանացն , և յորոց զազիրք և լիտի
բնաւորեցան հրապոյրք կրից : Այլ թէ-
պէտ և կալաւ նա զնա 'ի տուն իւր , սա-
կայն և այնպէս յաւերժանայր նա ընդ կա-
նանց միմոսից և ընդ քնարահարաց , և ընդ
խեղկատակաց մարդկան , ընկողմանեալ 'ի
վերայ անկողնոց 'ի տուէ և քամեալ ընդ
նոսս զանապակն : Քանզի և սոքա էին
յայնժամ մեծապէս զօրացեալք առ նմա ,
Ռովակիոս կատակերգակ , և Սովլիքս մի-
մոսապետ , և Մեարոբիոս՝ ձևացեալ վար-
ձակ , զոր և՛ թէպէտև անցեալ զառոյգու-
թեամբ՝ ցանգ սիրել վկայէր Սիւղղաս :

Յորմէ սպա և խօթութիւն անկանէր 'ի
Սիւղղաս զառաջինն 'ի դոյզն պատճառաց
չարժեալ , ընդ բազում ժամանակ զան-
խուլ 'ի նմանէ՝ գոյացեալ յախոնդիս նո-
րա խաղաւարտ . յորմէ տրորեալ մարմինն՝
եռայր առհասարակ յորդունա իմն ոջլոց
անհնարին . մինչ զի թէպէտ և զցայգ և
զցերեկ քթուէր ուջոյն , անբաղդատ յոր-
դութեամբ քան զքթուէալսն եռային ան-
դրէն . ոյր աղագաւ և հանդերձքն առհա-
սարակ և բաղանիք և կոնք և կերակուրք նո-

րա անդամ՝ լի էին զազրոտութիւնս . այն-
չափ իմն անհատ տողան որդանցն ելանէր
եռայր : Ուստի և բազում անգամ նա յա-
ւուրն մտեալ ՚ի ջուր լուանալ և մաքրել
զմարմինն , օգտէր և ոչինչ . քանզի արագ
արագ անդրէն արորել մարմնոցն նորա՝ յա-
մենայն դարմանոց ասպատամբ էր , և յոքնա-
խուռն եռալ զեռալ զազրոտեացն՝ արտա-
քոյ էր ամենայն մաքրութեան նորա : Եւ
պատմեն՝ եթէ յորդնեռաց ախտէ աստի
յայամանէ մեռաւ առ նախնեօքն Ակաստոս
Պեղեան . և առ վերջնովքս՝ Աղկմանէս տա-
ղասաց , և Փերեկիւղէս աստուածաբան .
և Կալլիստենէս Ողինտացի՝ արդեւեալ ՚ի
պահեատի . առ այսոքիւք և Մուկիոս օ-
րէնագէտ : Եւ եթէ յիշատակել կամք ի-
ցեն՝ և զորս ոչ գործեալ ինչ բարի , սա-
կայն և այնպէս հռչակելիք դտան , ասեն՝
եթէ և այն փախտեայն՝ Եւնոս անուռն՝
որ գրգռեաց ՚ի Սիկիլիա զմարտն ծառայ-
ից , ձերբակալ ածեալ ՚ի հռոմ՝ մեռաւ
յախտէ յայամանէ :

Արդ Սիւղղաս ոչ նախազգած միայն ե-
ղև մահուռն , այլ և գոգ գրեաց ևս զայն :
Քանզի երկու աւուրբք յառաջ քան ըզ-
մահն՝ կատարեաց զարձանագրութիւն ըզ-
քսաներորդ երկրորդ զիւրոյ Յիշատակա-
րանացն . ուր և ասէ՝ նախապատում նմա
եղեալ Քաղզեայցն՝ յետ երջանիկ կենացն
մեռանել նմա ՚ի լրումն գեղեցիկ բաղդից
իւրոց : Պատմէ և զայս՝ եթէ և որդին նո-
րա՝ այն որ վայր մի յառաջ քան զՄետեւ

լա մեռեալ էր՝ երևեալ նմա յանուրջն
 'ի հանդերձ անպաճոյճ՝ աղաչէր զնա 'ի
 բաց այնուհետե կալ 'ի հոգոց, և ընդ իւր
 յառնել գնալ առ մայր իւր Մետեւլա,
 անդանօր ընդ նմա անղբօս կալ յանդոր-
 բու:

Սակայն և այնպէս չեկաց նա յետս 'ի
 հասարակաց գործոցն. քանզի և տասն աւ-
 ուրբ նախ քան զմահն՝ համողեալ լուե-
 ցոյց զաղմուկ ամբօխին զ'Գիկարքացւոց՝ ուր
 էր նա յայնժամ, և օրէնս ևս արձանա-
 գրեաց նոցա վարել նովաւ: Առ այս՝ և
 աւուրբ յառաջ քան զմահն՝ լուր առեալ
 զի Գրանիոս յաւագաց անտի ոչ հատու-
 ցանէր հասարակաց զպարտան և կայր դե-
 գերէր մինչև մեռցի նա, առաքեալ Սիւղ-
 դաս կոչեաց զայրն և մուծեալ զնա 'ի սե-
 նեակ իւր՝ հրաման տայր ծառայից իւրոց
 շուրջ պատել և հեղձամահ կորուսանել
 զնա: Եւ անդանօր մինչդեռ 'ի հրամայել
 իւրում Սիւղդաս սաստկութեամբ անհնա-
 րին ձայն բառնայր և թափ ուժգին տայր
 մարմնոյն, պատառեալ պայթէր նորա խա-
 զաւարտ պալարոյն, և ժայթքեաց ինքն ա-
 թիւն շատ: Ապա իսպառ նուաղեալ՝ այն-
 պէս 'ի վերջէ անկանէր մեռեալ՝ 'ի տառա-
 պանս իմն անհնարինս անցուցեալ զգիշերն.
 Թողեալ մանկունս երկուս մանրիկս առ 'ի
 Մետեւլայ: Իսկ Աղաղերիա յետ մահուն
 նորա ծնեալ դուստր մի, կոչէր զնա Պոս-
 տումա. քանզի և յայս անուն կոչէն Հոռ
 մայեցիք զճնեալն յետ մահու հարցն:

Բայց յայնժամ բազումք դիմեալ չոքան առ Ղեպիդոս, և խորհուրդ հաստատէին ընդ նմա արգելուլ խափանել դիական զյուզարկաւորութիւնն ըստ օրինացն: Այլ Պոմպէոս՝ թէպէտ և ունել ունէր նա բողոք բառնալ զՍիւղղայէ (իբրու որ յամենայն իսկ 'ի բարեկամսն՝ նմա միայնոյ մուռացօնք եղեն 'ի կտակին նորա), համայն և այնպէս՝ զկէսս յինքն որսացեալ ողոքաւոր բանիւք, և զկէսս՝ սպառնալէօք, առեալ ածէր զգիական 'ի հում, և յանդորու զհանդէս թաղմանն կացուցեալ, և շուք ևս յայնժամ ընծայէր նմա: Եւ ասեն՝ կանանց յայնժամ այնչափ առատ բերել նմա 'ի խնկենեաց, զի և բայց յորոց ածան անդր երկերիւր և քոսն սակառի, դարձեալ և դրօշեալ յաղթ քանդակեցաւ 'ի տիպ ճըշդրտեալ Սիւղղայի, և միւս ևս այլ՝ 'ի տիպ դաւազանակրին, երկոքին միանգամայն 'ի սպառուական Ղիբանոսէ և 'ի Աինամոնէ: Իսկ օր հանդիսի թաղմանն ողջ ամպասպատ հանդիպեալ և ժամ 'ի ժամէ անձրևաց յերկնից ակն կալեալ, հազիւ ուրեմն յին ներորդ ժամուն բառնային զգիական. և 'ի վերայ եղեալ խարուկին՝ հողմն ուժգին շնչեալ 'ի ներքս՝ մեծ բորբոքեաց բոց, մինչև այրեցաւ ողջոյն մարմինն. իսկ ածինաւցեալ գողցես խարուկին և անցեալ կրակն, յետ այնորիկ սպա տեղատարափ տեղայր անձրևաց և տևեաց մինչև ցայգ. ուստի և թուէր այնպէս՝ գեղեցիկ բաղդին նորա 'ի միասին յաւերժանալ ընդ մարմնոյն նորա:

Եւ կայ նորա շիրիմ յԱրեւեան դաշտի . և
 ասեն՝ եթէ ինքնին զիւր վերտառութիւնն
 եթող Սիղգաս անդ արձանագրեալ . և գը-
 լուխ բանին՝ այսպիսի ինչ է . “ Ո՛չ ՚ի բա-
 րեկամաց որ յաղթեաց նմա ՚ի բարեգոր-
 ծեւն , և ո՛չ ՚ի թշնամեաց որ ՚ի չարա-
 գործեւն “ :

ԶՈՒԳԱԿՇՌՈՒԹԻՒՆ

ԼԻՒՍԱՆԴՐԵԱՅ ԵՒ ՍԻՒՂՂԱՅԻ

Եւ արդ՝ անցեալ մեր և ընդ արձանա գրութիւն վարուց սորա, եկեցոք այժմ 'ի զուգակշռութիւնն: Եւ քանզի յան ձանց իւրեանց սկիզբն բարդաւաճութեան առին նոքա լինել մեծք և աւաղք, այս հասարակ է երկոցուն նոցա:

Բայց առանձին այս է Ղիսանդրեայ, զի ըստ կամաց քաղաքայնոցն և ըստ քաջախոհութեան նոցա էառ նա զանձամբ զիշխանութիւնսն. և հարստահարեաց նա և ոչ զոր ընդդէմ կամաց նոցա, և ոչ բռնացաւ ինչ նա ընդդէմ օրինաց: Այլ սակայն Եւ յազմուիս հերձոսածոց՝ պապիսանձին որսայ եւ՝ այր եղեանաւոր: Ըստ որում և 'ի հռոմ յայնժամ մերթ սա և մերթ նա ամբառնայր 'ի տէրութիւն: Չէ ինչ ասպա զարմանալ, եթէ յայնժամ և Սիւղղաս ինքնին

տիրացաւ, յորժամ Գլաւկոսք և Սատուր-
նինոսք տարագիր վտարէին զՄետեղզոսս 'ի
քաղաքէն. յորժամ յատեանս ժողովոց 'ի
սպանդ վարէին որդիք հիւսպատոսաց, և
յորժամ վարձկան եղէն զօրականք, և ոս-
կոյ և արծաթոյ սակս՝ զէն առնուին. և
յորժամ դարձեալ 'ի սուր և 'ի հուր սահ-
մանեալ կարգէին օրէնք, և բռնութիւն 'ի
վերայ կայր դիմագարձիցն: Արդ մեզ չքղը-
նեմ առն՝ որ յայն սահման իրացն քաջա-
ցաւ վէհ լինել. այլ զայն ասեմ՝ եթէ լա-
ութեան և աւագութեան մարդոյն նշանակ
չէ բարձերէց կալ յայնպիսումն ասակա-
նեալ քաղաքի:

Ուր յայնժամ Ղիւսանդրոս 'ի շահատա-
կութիւնս մեծամեծս արձակեալ 'ի Սպար-
տիոյ՝ ոյր մեծ էր 'ի ժամուն վարչութիւնն
գեղեցիկ օրինօքն և ծայրալիւր իմաստու-
թեամբն, համարեցաւ նա անշուշտ լա-
քան զլաւն և առաջին քան զառաջիննն:
Ուստի և մին անդ տէպ 'ի ձեռս յանձ-
նեալ քաղաքայնոցն զիշխանութիւնն, ըս-
տէպ միւսանգամ առնոյր զանձամբ. քան-
զի և կայր մնայր 'ի նմա անդրժեղի շուք
առաքինութեանն՝ որով և ցանդ աւագա-
նայր: Իսկ միւսն՝ միանգամ զօրավար ընտ-
րեալ բանակին, եկաց մնաց 'ի զինուո-
րութեանն ամս տասն անդուլ. առնելով
անձամբ զանձն մերթ հիւսպատոս, և մերթ
փոխանակ հիւսպատոսի, և մերթ իշխանա-
պետ, և կացեալ միշտ բռնաւոր:

Եւ արդեօք և Ղիւսանդրոս ինքնին՝ որ

պէս ասացաք՝ գուն գործեաց փոփոխել զկարգ քաղաքին իւրոյ, սակայն հեղաքար և օրինացն սրտոկառ կալով առաւել քան զՍիւղլաս . բանս ամոք 'ի վարարկեալ և ոչ զէնս, և ոչ դարձեալ տապալեալ քան գեալ զամենայնն միանգամայն՝ իբրև զնա . այլ ինդրէր մանաւանդ լաւագունին ընծայել կարգի զընտրութիւն թագաւորացն : Եւ թուէր իմն արդեօք գործն ըստ բնութեանն իրաւացի, քաջընտիր առն 'ի քաջան՝ թագ կապել քաղաքին՝ որ ոչ յազնուականութենէն, այլ յառաքինութենէ անտի իւրմէ տիրացեալ էր 'ի վերայ Եւլադայ : Քանզև զորօրինակ որսորդ ինդրէ ոչ զբարակինն, այլ զբարակն ինքնին, և ասպականին ինդրէ ձի, և ոչ զձիոյն, (զի զնորդ այս՝ եթէ ջորի յանկարծ ծնանիցի 'ի ձիոյն), այսպէս և քաղաքագէտ քաջ մեծապէս սխալեսցէ, եթէ յընտրութեան թագաւորի ոչ ինդրեսցէ ո՞ այն ոք իցէ, այլ թէ յորմէ զարմէ իցէ : Նա և ինքնին Սպարտացիք 'ի բաց զտէրութիւնն հանին յոմանց յարքայից անտի իւրեանց, իբրուայն որ ոչ արքայավայել ունէին կեանս, այլ գժարիք էին և անպիտանք . իբրև անփառունակ է մոլութիւնն՝ թէպէտ և զքաջազարմութիւնն մերձ ունիցի . և փառաւոր է առաքինութիւնն՝ ոչ 'ի սայծառութենէ զարմին, այլ ինքնին գլխովին :

Բայց հարստահարութիւնս՝ յերկոցուն նոցա մին գործեաց 'ի շնորհս բարեկամացն, և միւսն՝ ընդդէմ բարեկամացն :

Քանզի անշուշտ Լիւսանդորոս շատ ինչ յանցեալ 'ի շնորհս մտերմացն և բարեկամացն, և հարուածս բազումս 'ի վերայ ամ 'ի բարդաւածել զնոսա, և 'ի բռնաւորութիւն առնուլ տանել զնոսա: Իսկ Սիւղզաս 'ի մախանացն դրդեալ թեւակոխեաց 'ի բաց 'ի Պոմպէոսէն հանել և 'ի Գոլորէլայ զգօրավարութիւնն՝ զոր ինքնին տուեալ էր նոցա. 'ի նմանէ զբանակի ցամաքին, և 'ի սմանէ՝ զծովուն: Եւ հրաման ևս տայր ակնյանդիման իւր խողխողել զլուկրեախոս Ոփեղզաս, որ յետ բազում և մեծամեծ արգասեացն զհիւստոտոսութեան զհետ կրթէր. արհաւիրս և սարսափ արկանելով առհասարակ յամենեւեան, զի և զկարևոր բարեկամսն 'ի մահ մատնէր:

Իսկ գրգասիրութիւն երկոցուն նոցա և ընչաքաղցութիւն, զմիոյն մեզ 'ի դէմս բերէ զողին արքենի, և զմիւսոյն՝ բռնաւորական: Քանզի մին 'ի մեծի բարձին և յաւադութեանն ոչինչ արդեօք յանժուժկալութիւն հատաւ և 'ի մեղկութիւն անտիւական. այլ անձնապահ լինէր առաւել քան զամենայն մարդ 'ի սովորականն առածէն. եթէ Առ քնին Առիծունս, և 'ի Բողի Աղունս: Այնպէս իմն սլարկեշտ միշտ և հրահանգ և արդարև լակոնացի՝ զանձն 'ի ներքս ընծայէր 'ի քաղաքավարութեան իւրում: Իսկ միւսն երբէք ոչ սանձեաց զցանկութիւնն. ոչ իբրև սատանի յաղքատութեան իւրում, և ոչ իբրև հին աւուրց՝ 'ի ծերութեանն. այլ յար

ձանադրել անդ իւրում օրէնս քաղաքայնոցն վասն ամուսնութեանց և ժուժկալութեան, ինքն՝ ըստ որում Սալուատիոսն ասէ՝ սպարապէր ՚ի տոսիանս և ՚ի շնութիս :

Յորմէ և կապտեաց կեղևեաց նա զքաղաքն ՚ի դրամոց, և մուրիկ գործեաց զնա զի և պէտք եղեն նմա արծաթոյ վաճառել քաղաքաց նիզակակցոցն և բարեկամացն՝ զազատութիւնն և զինքնուրոյն օրէնսն . թէպէտ և զօր ամենայն յարքունիս գրաւէր և ՚ի վաճառ հանէր զտունս բազմահարուստս և զմեծամեծս . իսկ զօր ինքն վառնէր ծախէր իւրոց շնթողացն, անսահման էր : Քանզի և զօր արդեօք գեղեցիկ կարգ և անտեսութիւն համարիցիս ունել երբէք առն՝ յընկերչակութիւնս գիներբուաց նորս և ՚ի տալ բաշխել շնորհս և սպարդես սիրելեաց իւրոց, առն՝ որ էր երբեմն զի ՚ի հրասպարակի յամբոխին՝ որ շուրջ էին զնովաւ՝ ՚ի վաճառ հանեալ մթերս ինչ գոյից, հրաման տայր ՚ի ձայն մունետիկի տալ զայն միում ումեք ՚ի բարեկամացն ումպէտ գնոյ . իսկ անդուստ այլ ոմն աճեցուցեալ զգինն, և մունետիկին քարոզեալ զաճումնն, անդանօր Սիւղլաս դժգմնեալ ասէր . « Դժնդակ են ինձ կիրքդ՝ ո՞ բարեկամք քաղաքացիք . և բուռն է ինձ էթէ չիցէ ինձ թոյլ յիմ աւարսն առնել՝ զոր կամիմ » :

Իսկ Ղիւսանդրոս առեալ արձակէր քաղաքացեացն ընդ այլ ինչ իրաց և զսպարդեսն զիւր առանձին : Զոր և գովեմ իսկ

ոչ զգործն . իբրու որ թերևս տուգանս առաւել ած սա Սպարտիոյ՝ ինչս 'ի ներքս մուծանելով, քան զտոյժս կապտութեանն Հռովմայ առ 'ի Սիւղղայէ : Սակայն և հաւաստիս 'ի ներքս բերեմ զանշահասէր բարոյից զառնն :

Հանդերձ այսոքիւք՝ և դէպք մասնաւորք դիպան հայրենեաց նոցա 'ի միոյն և 'ի միւսմէն : Քանզի Սիւղղաս ինքնին անժուժկալ և շուայլ, 'ի ժուժկալութիւն կրթեաց զիւր քաղաքացիսն : Իսկ Ղիւսան դրոս զիւր քաղաքն առեալ ելից ախտիւք՝ յորոց անբաժ էր նա : Ուստի և երկոքին նոքա ծանր յանցեան . մին՝ 'ի յուանալ իւրում առաւել քան զիւր օրէնսն . միւսն՝ 'ի յուացուցանել իւրում զիւր քաղաքացիսն՝ առաւել քան զինքն . վարժելով զՍպարտիա կարօտել իրացն՝ որոց անկարօտ սովորեալ էր : Այսոքիկ ահա յաղագս քաղաքականին :

Իսկ յաղագս մարտից պատերազմաց , և զինուորութեանց , և նահատակութեանց մրցանաց , և յաճախութեան ախոյե՛նից , և մեծութեան վտանգաց , անզուգակշիռ կայ Սիւղղաս : Քանզի թէպէտ և Ղիւսան դրոս ինքնին յաղթութիւնս կրկին տարաւ 'ի կրկին նաւամարտս . յաւելցուք մէք և զԱթենայ առումն , թէպէտ և ոչ մեծ ինչ , տակայն և փառս մեծապէս յաւել նմա : Այլ որչափ ինչ նորա գործք 'ի Բիովտիա և յԱղիարտովն , թէպէտ և ձախողակս դընացին նորա իրք՝ թերևս 'ի ձախողակ ինչ

բաղղէ, սակայն և հաւանեալս եմ՝ զի այն
 դէպք պատահեցան նմա՝ ՚ի վերիպակ խոր-
 հրդոյն, զի չեկաց մնաց մեծի բանակի ար-
 քային՝ որ վայրիկ մի ևս գայր ժամանէր ՚ի
 Պղատոյ. այլ տարաժամու առ զայրոյթ
 սրտին և պատուասիրութեանն դրդեցաւ
 ընդդէմ պատուարացն, ուստի՝ ՚ի դուրս յե-
 դակարծումն յարձակեալք արք սինլըքորք
 և անարիք, այնպէս վայրասպար դիտասպատ
 արկին զնա. առ ՚ի մահ առեալ զվերսն,
 ոչ արդարև իբրու զՎղէտիքրոգոսն՝ ՚ի Նէւք-
 տրա՝ ընդդէմ դարձեալ բռնութեան թըշ-
 նամեացն. և ոչ իբրու զՎիւրոս, և ոչ իբրև
 զԵսպամինոնդաս՝ առկայացուցեալ զվեր-
 ջոսնեւ զիւրոցն և յանդորրու զյաղթու-
 թիւնն կացուցեալ. որ և առհասարակ ըզ-
 մահ մեռան զգորավարաց և զարքայից. այլ
 Նիւսանդրոս՝ իբրու եթէ զինուոր դուզ-
 նաքեայ դք իցէ և կարապետ զորու՝ դիմա-
 գրաւեալ ՚ի մահ անխորհուրդս և անփա-
 ռունակ. քաջ իսկ իրաւացոյց զհինսն Սպար-
 տացւոց. զի մեծապէս հանճարով անձնա-
 պահ լինէին նոքա մարտ գնել կռուել
 ընդդէմ պարսպաց. ուրանոր և առն աւա-
 դի և յոյժ քաջի դէպ լինի վայրասպար վերս
 առնուլ և անկանել ոչ ՚ի սոսկական միայն
 զօրականէ, այլ և ՚ի տղայոյ, այլ և ՚ի կնո-
 ջէ. ըստ որում և Աբիլլէայ՝ պատմեն՝ մե-
 ռանել ՚ի ձեռաց Պարիսեայ առ դուրսն :
 Բայց թէ քանի՞ն Սիւլղաս տարաւ յաղ-
 թութիւնս ՚ի ճակատամարտս, և բիւրա-
 ւորս քանի՞ տասպաստ արկ ՚ի թշնամեաց,

ոչինչ հեշտին ընդ թիւ արկցէ որ: Երկիցս
 նա հասեալ կալաւ և զհռոմ ինքնին, և
 տիրացաւ 'ի վերայ Պիրէոնին Աթենա-
 ցոց՝ ոչ սով արկանելով իբրու Լիւսան-
 գրոս, այլ 'ի բազում մարտս և 'ի մեծա-
 մեծս վանեալ զԱրքեղայոս 'ի ցամաքէ, և
 վտարեալ 'ի ծով անգր: Առ այսոքիւք՝ և
 մեծապէս էր քաջութի զօրավարացն թըշ-
 նամեաց. քանզի և առ ուսուցէս և վայրա-
 պար ինչ գրեմ էս մարտ դնել նաւամարտ
 ընդդէմ Անտիոքեայ ղեկավարին Աղկի-
 բիադեայ, և կաշառել որսալ զՓիլոկղէս
 զհռետոր խուժանին Աթենայ, Այբ անա-
 սաֆ՝ որ սուր ղէկունն ունէր սրեալ. զորս և
 ոչ Միհրդատ արժանի համարեցաւ 'ի կշիռ
 ձգել միում ումէք 'ի ձիադարման ծա-
 ռայլցն. և ոչ ինքնին Մարիոս միում ու-
 մէք յիւրոց վարոցաւորացն: Իսկ յաւագաց
 անտի նախաթոռից, 'ի հիւսաւտոսացն,
 'ի զօրավարացն, 'ի ժողովրդապետացն, որ
 մարտ եղեալ կռուեցան ընդ Սիւղղայի,
 ո՞ որ սպաքէն՝ 'ի բաց զայլն թողեալ՝ ա-
 հագին 'ի հռոմայեցիս առաւել քան ըզ-
 Մարիոս, կամ ո՞ որ 'ի թագաւորս հաս-
 տահարուստ առաւել քան զՄիհրդատ,
 կամ ո՞ որ քաջամարտիկ յատալացիս՝ ա-
 ռաւել քան ղլամպոնիոս և զՏեղեսինոս:
 Սակայն և այնպէս վանեալ հալածեաց
 Սիւղղաս զառաջինն, և նկուռն արար զերկ-
 բորդն, և 'ի մահ վարեաց զվերջինն:

Այլ որ ըստ իս յոյժ գերազանցեալ է
 քան զասացեալսդ, զի Լիւսանգրոս զամե-

նայնն գեղեցիկ 'ի գլուխ տարաւ իւրոցն նիւզակահցու[թեամբ : Իսկ Սիւղլաս փախըստեայ և նկուն 'ի հակառակ հերձուածոյն, յորժամ և նորա կինն փախստեայ անկաներ և տունն քանդեալ տապալէր, և բարեկամքն 'ի սպանդ վարէին, ինքն մարտ 'ի Բիովտիա յարդարեալ ընդդէմ բիւրաւորաց ամբաւից, և 'ի կշիռ զանճն վասն հարեանեաց եղեալ, յաղթեաց և ախոյեանս կանգնեաց :

Բայց և առ Միհրդատ ինքնին, որ զանճն դաշնաւոր 'ի ներքս մատուցանէր, և զօրս ընդդէմ թշնամեացն նմա առաջի ընծայէր, նա ոչինչ համբոյր և ամոք երևեցաւ առ նա . այլ և ոչ խօսել անգամ կամեցաւ ընդ նմա, և ոչ զաջն անգամ կարկառեւ առ նա, մինչև լուեալ առ 'ի նմանէ՝ 'ի բաց զԱսիա թողուլ, և զնաւան տալ, և վերջոտնել յարքայութեանցն Բիթլիսիոյ և Կասպադովկիոյ : Որպէս զի և ոչինչ նահատակութիւն ևս գեղեցիկ քան զայն և մեծ ևս մտածութեանց տիպար, թուի թէ, նահատակեցաւ երբէք Սիւղլաս . քանզի նախամեծար զհասարակացն՝ իւրումն կարգելով սեպհական օգտին, և զոր օրինակ քաջք և հարուստք 'ի բարակաց բնաւորեցան գործել, ոչ թողլով զխածեալն և ըզկալեալն, մինչև ախոյեանին իսպառ պարտութիւն խոստովանեալ, ասպ յետ այնորիկ ելեալ գնայր զվրէժ խնդրել իւրոց առանձին տուգանացն :

Իսկ 'ի վերջէ՝ և օրինակն ինքնին գլխո-

Վին՝ զոր վարեաց նա ընդ Աթենայ, գեղեցիկ գործէ կշիռ բարոյից նորա. քանզի կալեալ Սիւղղաս զքաղաքն՝ ՚ի կուռել քաղաքին ընդ նմա ՚ի վերայ իշխանութեան և տերութեանն Միհրդատայ, սակայն և այնպէս արձակեաց զնա յազատութիւն, և թոյլ տայր նմա վարել սեպհական օրինօքն: Այլ Ախսանդրոս տեսեալ զնա հիբացեալ յայնչափ տերութենէն, ոչինչ գորովեցաւ առ նա. նա և կաստեալ զնա յընկերհաշտութեն, նկուն առնէր զնա ընդ ձեռամբ անագորոյն բռնաւորաց և անիրաւաց:

Դստ է այսուհետև մտախորհ լինել, արդեօք ՚ի ճշմարտութենէն շատ ինչ վրիպեցուք յասել անգ մերում, եթէ Սիւղղաս գեղեցիկ նահատակութիւնս բազմագոյն ՚ի ներքս եբեր. իսկ Ախսանդրոս յանցաւորութիւնս նուազ գործեաց, և ՚ի տալ ընծայել զառաջին բարձն սմա՝ զժուժկալութեան և զզգաստութեան, և նմա՝ զգորավարութեանն և զարութեան:

ԾԱՆՕԹՈՒԹԻՒՆՔ

1. Յն. Σάτυρος : Թողեալ զառանցիկան
 քերթողաց՝ յայս անուն կոչին իսառնա-
 կերպարան և մարդածև գազանք, ըստ ս-
 բում առաւելագոյն յազգս կապկաց . որ-
 սէս Եօքքօ, և որ ՚ի սակի նորս . զորս և
 այլ և այլ կոչեն ժողովուրդք իւրաքանչիւր .
 և Ռամիկն մեր՝ Գիշերվան Ամիրայ են . և
 Գիլք մեր՝ Շահապ վայրաց, և Շնկնճիթ,
 և Արաշէզ, և Վարդապայն Քաղ, և Նհանգ,
 և Պայն, և Պարիկ, և Յուչկապարիկ, և
 Համբարու . են :

Պ Լ Ո Ւ Տ Ա Ր Ք Ե Ա Յ

ԶՈՒԳԱԿՇԻՌՔ

ԿԻՄՈՎՆԻ

ԵՒ

ԼՈՒԿՈՒՂՂՈՍԻ

ԿԻՄՈՎՆ

ՊԵՐԻՊՈԼՏԱՄ դուշակն ածեալ 'ի Թեոաղիոյ 'ի Բիովտիա զՈփեւտաս արքայ և զժողովուրդս նորա, զարմն ակա նաւոր թողոյր անդ ընդ ժամանակս հարուստս: Որք և բազմագոյն մասամբ բնակեցան 'ի Քերովնիա, առաջին քաղաք՝ զոր հասեալ կալան նոքա վանեալ անտի զբարբարոսան: Արդ բազումք 'ի զարմէ անտի՝ անդասին 'ի բնութենէ քաջամարտիկ հանդիպեալք և արիականք, տապաստ անկան յարչաւանս անդ Մարաց և 'ի Գաղատացւոց մարտս՝ դիմագրաւք ոչինչ խնայեալք յանձինս: Եւ մնաց միայն մանուկ մի որք Դամոն անուն, և մակձայնէին զնա Պերիսպոլտաս: Եւ էր այս Դամոն զեղով մարմն նոյն և ոգւոյն հանձարով յոյժ գերազանցեալ քան զորս առ իւրովք ժամանակօքն սլատանիք, թէպէտ և անհրահանգ 'ի բարս

և անհամբոյր : Ա՛յն ինչ ըստ տղայու թեան տխն ելեալ Դամոնն, ՚ի սէր նորա հարաւ ՚ի Հռոմայեցւոց անտի ոմն զօրավար գընդին՝ որ ձմերէր ՚ի Քերոնիա . այլ ոչինչ գամագիւտ եղեալ ՚ի նա ամոք բանիւք և ՚ի ձիրս ընծայից, խիթայր Դամոնն ՚ի բրու նու թենէ . քանզի և հէք և տառապեալ էր յայնժամ մերն հայրենիք, և արհամարհ ևս առ փոքրիու թեանն և աղքատութեանն : Ապա ՚ի բռնութենէ անտի զանգիտեալ Դամոնն և սրտմտեալ ևս ընդ հրապոյրսն, հաղբս նիւթէր մենքենայեր նմա, դաշնաւորս յինքն յանկուցեալ ընդգէմ՝ նորա ՚ի հասակակցաց անտի իւրոց՝ ո՛չ բազումս, զի զանխուլ կացցէ բանն :

Արդ վեշտասան առհասարակ գոլով նոքա, չոքան և ՚ի գիշերի առեալ ձանձախարիթ մրձոտեցին զերեսս, և արբեալ առ նապակ, յառաւօտուն պահու անկան ՚ի վերայ Հռոմայեցւոց ՚ի հրապարակ անդր ՚ի զոհեւ զօրավարին . և սպանեալ զնա և ո՛չ սակաւս ՚ի նորայոցն, խաղացին ելին արտաքս ՚ի քաղաքէն : Ապա աղմուկ շփոթից յուզեալ անդանօր՝ խմբեցան ՚ի խորհուրդ Քերոնիացիք, և դատակնիք մահու ամէին ՚ի վերայ նոցա, ՚ի չքմեղս կացուցեալ առահին Հռոմայեցւոց : Իսկ ընդ երեկս աւուրն մինչգէռ ՚ի միասին ընթրէին իշխանք ըստ սովորութեանն, մտեալ Դամոնն հանգերձ իւրովքն յապարանան, սուր ՚ի վերայ նոցա եղեալ, անդրէն միւսանդամ գնայր փախէր ՚ի քաղաքէն :

Դէպ եղև յայն աւուրան լեւկիտսի լուկուղոսի անցանել ընդ այն բանական՝ յարշաւանս ուրէք արձակեալ. և անդէն զկայ առեալ և հաւատտի քննութիւն 'ի վերայ ածեալ եղէլոց սպանութեանցն, ոչ անյանց միայն գտանէր զքաղաքն, այլ հարստահարեալ ևս. ուստի առեալ իւր և զորս անդ էին զօրականք, յուղի անկանէր: Իսկ յայնժամ Դամոնն աւազակեալ ասպատակաւ յաղարտ վարէր զգաւառն շուրջանակի. և առ դուրս ևս հասեալ քաղաքին՝ անդ քաղաքացիքն հնարխնաց խորամանկեալ հրեշտակութեամբք և վրձնովք յինքեանս յանկուցանէին զնա: Իբրև եկն եմուտ 'ի քաղաք անդր, ըմբշապետ կարդեալ կացուցին զնա. և սպա յօծանել նորա 'ի քրտնարանին, 'ի վերայ հասեալ սպանանէին զնա: Բայց երևոյթս ուրուականաց տեսեալ անդ հարուստ ժամանակ, և ձայն կոծոյ լսելի եղեալ (որչափ ինչ սպատմեն մերն հարք), առեալ խցանէին զդուրս քրտնարանին. և մինչև ցայսօր ժամանակի մերձակայ բնակիչք տեղոյն թուին իմն տեսանել անդանօր խօլականս, և ձայնս լսել արհաւրաց: Իսկ սերեալքն 'ի նմին զարմէ (քանզի և բազումք են տակաւին, մանաւանդ 'ի Ստիրի Փովկէայ՝ որ սովորութիւն կալան զհողացւոց), անուանեալ կոչեցան Ա՞լօլօմէնի, այս է՝ Չանձախարթեալք. քանզի Դամոնն 'ի գնալ իւրում 'ի սպանանել, մրեցաւ 'ի ձանձախարիթ՝ զոր Ա՞լօլօմ կոչեն:

Իսկ յետ այնորիկ Որբոմենացիք 'ի գրծատու-թիւն եկեալ ընդ Քերոնիացւոց սահմանակցաց իւրեանց, կաշառեցին արծաթոյ գատախազ մի հռոմայեցի. որ և ամբաստան կացեալ ողջոյն զքաղաքէն իբրու զմիոյ ուրուք մարդոյ՝ այնպէս քարչէր զնա 'ի գատաստան վասն սպանութեանցն Դամոնի: Եւ էր գատ ամբաստանութեանն առաջի զօրավարին Մակեդոնիոյ, քանզի չև ևս զօրավարս յԵլլադա առաքէին հռոմայեցիք. իսկ որ անդ ջատագովք մօտին քաղաքին, վկայութիւն 'ի ներքս բերէին զԼուկուղղոսին: Ոյր աղագաւ ինքնին զօրավարն գրեալ առ Լուկուղղոս, վկայէր նա ճշմարտութեանն. և այսպէս քաղաքն 'ի վերջինսն վտանգեալ՝ արձակեցաւ յազատութիւն. յոյր սակս և Քերոնիացիք ազատացեալք՝ սպտկեր 'ի քարէ կանգնէին Լուկուղղոսի 'ի հրապարակի անդ մօտ առ Դիոնեսիոս: Բայց մեք հաւանեալ եմք, եթէ որ յայնժամ երախտագիտութիւնն առ Լուկուղղոս՝ ձգեալ տարածեսցի և 'ի մեզ ինքեանս որ կեամքս աւագիկ՝ թէպէտ և զկնի 'ի դարս բազումս՝:

Վասն որոյ և հաստատեալ մեր՝ եթէ քան զկենդանագիր զիմաց և կերպարանի մարմնոյն նորա, ճշգրիտ ևս իցէ և դեղեցիկ յոյժ ախպ սպտկերի բուսոյ բարուց նորա և քաղաքավարութեանն, մեք ինքնին յարձանագրել աստ զզուգակչիւ զայս վարսն, բուռն հարցուք սպտմել զնահատակութիւնս գործոց զաւագ առնն, և ճըչ

մարտութեամբ 'ի ներքս ընծայել . քանզի
և յիշատակ նորա շատ իցէ 'ի դարձ փո-
խարինին : Եւ արդեօք և ոչ նա ինքնին 'ի
սպատճառս անկեղծաւոր վկայութեան իւ-
րոյ , կամեսցի ինչ 'ի դարձ փոխարինի կեղծ
սպատմութիւն և սնտտիասպտոււսստ՝ զվա-
րուց իւրոց : Քանզի զոր օրինակ մեք ինք-
նին խնդրեմք՝ զի նկարիչք կենդանագիրք
դեղանեացն և հոյակապիցն՝ բիծ փոքրիկ
դժպատեհ գտեալ 'ի նոսա , մի ողջոյն զանց
արասցեն , և մի դարձեալ ողջ ճշգրտիւ 'ի
դէմս բերցեն , (քանզի վերջինդ տգեղու-
թիւն ածէ , և առաջինդ՝ աննմանութիւն
դիմաց) , սնպէս և դժուարին գոլով , նա
և յանհնարիցն թերևս , զայր օք այր 'ի
ներքս բերել բնաւ իսկ ամբիծ 'ի վարս և
անստղիւտ , արժան է 'ի գեղեցիկ նահա-
տակութիւնս նորա զճշմարտութիւնն ճրջ-
գրիտ 'ի ներքս տալ իբրու ողջ նմանութի
առնն . իսկ զյանցանան կամ զբիծսն , յորս
կամ 'ի կրից ինչ գրդեոլ կամ թէ 'ի քա-
ղաքականութէ իմեքէ հարկեալ 'ի գործս
իւր գթեալ իցէ , քան մոլութիւնս արն-
կակիցս՝ առաւել խակութիւնս առաքի-
նութեան համարեալ զայդոսիկ , չէ ար-
ժան այնպէս մանր և ճշգութեամբ համ-
բաւել 'ի սպտմութեանն . այլ սպտկառ
դէտակն 'ի մարդկայնոցս կալեալ բնու-
թիւն , որ ոչն երբէք բնաւորեցաւ գործել
ծայրալիւր բարի , կամ վարս ընծայել ան-
բամբաս յառաքինութիւն անդր :

Ապա մտախորհ եղեալ , ընդ Ախմուշին

'ի կշիռ ձգել լաւ համարեցայ զԼուկուղ-
 զոսն : Քանզի և երկոքին նոքա քաջամար-
 տիկք կացին , և ընդդէմ բարբարոսաց ա-
 կանաւորք գտան . հեզք և հանդարտք յա-
 ռաջնորդութեան քաղաքին , և 'ի վեր քան
 զամենայն՝ հայրենեաց իւրեանց գիւրեցին
 յընտանի ամբոխից , և երկոքին դարձեալ
 ախոյեանս կանգնեցին և յաղթութիւնս
 տարան համբաւատենչս . զի և չեկաց որ
 առ Հեղենացիս յառաջագէմ քան զՎի-
 մոնիւ , և ոչ առ Հռոմայեցիս որ յառաջ-
 դէմ քան զԼուկուղոս . և ոչ մարտիւ սա-
 տերազմի այնչափ բացադոյնս յառաջ խա-
 ղացեալ , եթէ 'ի բաց զՀերակլէս առցես
 և զՎիոնեսիոս . առ այսոքիւք և զՊերսէոս՝
 որչափ ինչ նահատակեցաւ նա ընդդէմ Ե-
 թովարացոց և Մարաց և Հայոց . դար-
 ձեալ և զՅասոնիւ . եթէ արդեօք յայնչափ
 վաղնջուց ժամանակաց ինչ մի արժանա-
 հաւատ մինչև աստ առ մեզ հասեալ իցէ
 վասն նահատակութեանց նորա : Բայց և
 որ հասարակ կայ Վիմոնիի և Լուկուղիայ ,
 զի և երկոքին նոքա յամբոկ զինուորու-
 թեանց իւրեանց չհասին . հարու՛ Հարին
 զթշնամիս և խորտակեցին , այլ և ոչ մին 'ի
 նոցանէ սպառսպուռ հարուած 'ի վերայ
 ածէր : Եւ առաւել քան զամենայն՝ հա-
 ւասարութիւն գեղեցիկ տեսցէ որ 'ի նոսա
 'ի հիւրամեծար և 'ի սլայծառ ատանջակա-
 նութեանն և 'ի մարդասիրութեանն . առ
 այս՝ և 'ի հոյակապ և յերկարաձգեալ ըն-
 թրիսն : Իսկ և նմանութիւնս ինչ ինչ զնոցա

Թողցուք այժմ ասել, որոց և ո՞չ դժուարին իցէ խելամուտ ասլա լինել 'ի սլամութենէ անտի նոցա :

Վիմոյնի հայրեկաց Միլտիադէս, և մայր Եգեասիպիւէ՝ Թրակացի ազգաւ դուսար արքային Ողորոսի . ըստ որում քերթածքն պատմեն Արքեղայոսի և Մեղանթեայ՝ արձանադրեալք 'ի շուք Վիմոյնի : Ուստի և Թուկիդիդէս պատմաբան 'ի զարմէն Վիմոյնի՝ հայր ունէր Ողորոս՝ անուն համանուն նախնւոյն այնորիկ, և ժառանգէր 'ի Թրակիա զբովս ոսկւոյ, և ասեն՝ Եթէ ըսպանաւ նա 'ի Սկապտէ յանտառին, և է այն շէն փոքրիկ Թրակիոյ . այլ շիրիմ նորա՝ քանզի նշխարք նորա տարան յԱտտիկէ՝ կայ 'ի գերեզմանս անդ Վիմոյնեանց՝ մօտ առ Ելպինիկեայն քեռն Վիմոյնի : Բայց Թուկիդիդէս էր յԱլիմուսեան ժողովրդոց, և Միլտիադէս՝ 'ի Լակիադեան : Արդ Միլտիադէս դատակնիք առեալ տուգանաց յիսուն քանքարաց, և ձերբակալ եղեալ 'ի հատուցանել, անդէն 'ի բանգին մեռանէր : Իսկ Վիմոյն յայնժամ կարի պատանեակ որք մնացեալ հանգերձ քերքն՝ օրիորդ տակաւին և անայր, զառաջին ժամանակն վատանուն համբաւէր 'ի քաղաքին . և շատ բամբասէին զնա իբրև ցոփ և գինեմոլ, իբրու համաբարոյ միւսումն Վիմոյնի հաւուն իւրոյ . զոր և վասն խօթամտութեանն ասեն մակձայնեալ Քօսմէնօս, այն է՝ Ապուլ :

Իսկ Ստեսիմէրոդոս Թասոսացի ծնեալ

առ ժամանակօքն Կիմովնի, ասէ՛ եթէ ոչ յերաժշտականին վարժեցաւ նա, և ոչ յայլ ինչ մարզս ազատականս՝ որովք վարէին յայնժամ հելէնացիք, և թէ՛ անբաժ գլխովին էր նա յատարիկեան ուշիմուժեանէն և ՚ի շնորհացն. սակայն և քաղաքավարութիւն յանձին բարձեալ բերէր կարի ազնուական և անկեղծաւոր, և բոյս բարուց լակոնացի առաւել. “Պարզ, անպաճոյճ. այլ մեծամեծ նահատակութեց ասպնջական”. իբրու արգարև զհերակլէսն զԵւրիպիդեայ. քանզի և զայսոսիկ է մեզ ուսանել վասն առնն յարձանագրութեանց անտի Ստեսիմբրոդեայ:

Մինչդեռ տակաւին սրտանի էր, բամբասեցաւ՝ իբրու մտանել առ քոյրն. և արգեօք ասեն զԵլպինիկէ ոչ լինել ՚ի սարկեշտից դք, այլ մեղանչել և ընդ Պողիդնովտոսի նկարչի: Ուստի և ասեն եթէ ՚ի նկարել սորա զՏրովագուհիս ՚ի սրահին՝ զոր յայնժամ անուանէին Պէսխանակախոն, և այժմ՝ Պեկիդէ, ճշգրտեալ իցէ զդէմն Լաւոդիկեայ ՚ի տիպ Ելպինիկեայ: Բայց Պողիգնովտոս չէր ՚ի վարձկանաց անտի արուեստաւորաց. և ոչ դարձեալ արծաթոյ աշխատէր նա ՚ի նկարսն սրահին, այլ ձրի՛ պատուասիրեալ վասն քաղաքին, որպէս գրեն պատմաբանք և Մեղանթիոս ինքնին Քերթողն, որ ասէ այսպէս. “Նա իւրովք զարդարեաց ծախուք զաստուածոցն տաճարս և զՎեկրոպեանն հրապարակ ՚ի կենդանագրութիւն նահատակութեց քաջացն”:

Իսկ և կէսք ասեն՝ եթէ ոչ գաղտագողի
 ինչ էր Ելպինիկեայ մտանել առ Կիմոնն ,
 այլ յայտնի իբրև ամուսին բնակակից ը-
 նել նմա . զի չեգիտ Ելպինիկէ առ աղքա-
 տութեանն փեսայ 'ի ճահ ազնուականու-
 թեանն . և թէ՛ յետ այնորիկ սիրեալ զնա
 Կալլիաս ընչաւէտ այր Աթենացի , և առ
 փեսայանալ նմա՝ մտադիւր յանձն առեալ
 հատուցանել քաղաքին զգատակնիք տու-
 գանայ հօրն նորա , հաճեցաւ Ելպինիկէ և
 Կիմոնն առեալ տայր զնա Կալլիասայ : Սա-
 կայն և այնպէս՝ թուի թէ իգասէր յոյժ
 եկաց Կիմոնն . քանզի և Մեւանթիոս քեր-
 թող խաղ արարեալ վասն այսորիկ յողբան
 իւր , յիշատակ առնէ Ատտերեայ ուրումն
 Սաղամինուհայ , դարձեալ և Մնեստրեայ
 ուրումն , իբրու տարփացելոց առ 'ի Կի-
 մոնէ : Բայց և քաջայայտ կայ , զի վասն
 Իսողիկեայ դասերն Եւրիպտողմոսի Մե-
 գակղեան՝ իւրումն օրինաւոր լծակցին , 'ի
 կիրս անհնարինս ըմբռնեցաւ Կիմոնն և կարի
 'ի խոր խոցեցաւ 'ի մահուն նորա . որպէս
 ըստ մասնեայ է մեզ խեղամուտ լինել յող-
 բոց անտի՝ որ քերթեցան 'ի Ռսիթարու-
 թիւն նորա . որոց ողբոցն Պանեախոս խմա-
 տասէր՝ քերթող ասէ զԱրքեղայոս բնա-
 խօս , 'ի դէպ իսկ դուշակելով զնա 'ի ժա-
 մակէ անտի կենաց նորա :

Այլ սակայն և յամենայն իսկ 'ի բարսն
 իւր սքանչելի եկաց Կիմոնն և վեհ . իբրև
 ոչ ինչ խոնարհագոյն երևեցաւ նա 'ի քա-
 ջութեան քան զՄիլտիագէս , և 'ի հան-

Ճարն՝ քան զԹեմիատոկդէս . և անշուշտ առանց ամենայն հակառակութեան՝ վէհագոյն քան զերկոսինն գաաւ յարդարութեան : Դարձեալ՝ և ո՛չ խուն մի խոնարհագոյն քան զնոսա յառաքինութեան գոլով զինուորականին, որանչեւսպէս բարձրագոյն քան զնոսա եկաց ՚ի քաղաքականին՝ թէպէտ և յանախական տխուն և անփորձ պատերազմաց : Ոյր աղադաւ և ՚ի հրոսակին Մարաց՝ իբրև անդ Թեմիատոկդէս թելագիր լինէր Ժողովրդեան թողուլ լքանել զքաղաքն և զերկիր իւրեանց, և ՚ի նաւաց վերայ զէն առնուլ ՚ի Սաղամինա և մարտ ծովամարտ դնել կռուել, այն ինչ առհասարակ յապուշ հարեալ կային ընդ այնչափ ձեռներէց խորհուրդն, անգանոր Կիմովն առաջին անցեալ զուարթամիտ ընդ Կերամիկոն, և ՚ի վեր ընդ դղեակն նահատակեալ հանդերձ ընկերօքն, ՚ի բուռն կալեալ սանձ մի զերիվարի՝ զայն ՚ի բարձունս կախէր ՚ի ձօն դիցուհւոյն . իբրու եթէ քաղաքին այնուհետև այրուծիոյ պէտք ինչ ո՛չ իցեն, այլ նաւամարտ զօրականին : Անդ զսանձն կախեալ, և յասպարաց անտի որ զմեհենիւն՝ ասպար մի առեալ և աղերս դիցուհւոյն արկեալ՝ այնպէս իջանէր ՚ի ծովն . ասպա և ո՛չ սակաւք ոմանք յայնժամ նահատակեցան զկնի նորա :

Եւ էր Կիմովն՝ որպէս Յովն ասէ քերթողն՝ դիմօք ոչինչ անդեղեայ, այլ յաղթանձամբ, և ՚ի վարսս գլխոյն գանգրահէր և թաւ : Ապա և քաջութիւն մեծապէս

ցուցեալ 'ի մտքին յայնմիկ, սէր և համբաւ ժառանգեաց 'ի քաղաքին, և շատք եկեալ զնովաւ՝ իրախոյս տային խորհել և դործել նահատակութիւնս զՄարտիոնայն: Ուստի և միջամուխ եղեալ նա յիրս քաղաքին՝ մտադիւրագոյնս ընկալեալ զնա ժողովուրդք՝ որ յափրացեալք իսկ էին 'ի Թեմիստոկղեայ, առեալ բարձրացուցին զԱխմոն յաւադսութիւնս բարձից. զի և ինքն քաջավայելուչ և սիրելի էր ամբոխին առ քաղցրութեանն իւրոյ և առ սպարզութեն: Բայց և Արիստիդէս Վիւսիմաքեան ոչ սակաւ ինչ դործակից լինէր բարգաւաճելոյն նորա. զի բոյս գեղեցիկ ակնարկեալ 'ի բարս նորա՝ լաւ համարեցաւ 'ի վեգ զնա հանել ընդդէմ խորագիտութեանն և ձեռներեցութեանն Թեմիստոկղեայ:

Իսկ իբրև 'ի փախուստ դարձան Մարք 'ի սահմանացն Ելլադայ, արձակէին զԱխմոն զօրավար բանակին ծովու. զի չև էին Աթենացիք տիրացեալ 'ի վերայ այլոց Յուսաց, այլ դեռ ևս ընդ հնազանդութեամբ կային Պաւսանեայ և Վակեդեմոնացոց: Յորում և միշտ սքանչելիս ընծայեցոյց նա զիւրն քաղաքացիս յամենայն զինուորութիւնս՝ 'ի գեղեցիկ հանդերձանսն և 'ի վայելուչ կարգն, և 'ի մեծապէս մտադիւրութիւն ոգւոյ, զի և երևելիք յոյժ գտան նորա քան զամենեւեան:

Իսկ յորժամ Պաւսանիաս բանագնաց լինէր ընդ բարբարոսն մտոն լինել Ելլադայ, և առեալ գրէր վասն այնորիկ գիր

առ թաղաւորն , և յայրաստագոյնս գնայր
 ընդ նիզակակիցսն , և յիշխանութեան իւ-
 բում և ՚ի ծանծաղամիտ ամբարտաւանու-
 թեանն հարստահարութիւնս գործէր բա-
 զումս , անգուստ Վիմոյն հեղաբար առ ինքն
 ժողովեալ զվշտատեսն և մարդասիրեալ
 առ նոսա , տակաւ և մեղմով տիրանայր ՚ի
 վերայ Ելլադայ . ոչ զինուք՝ այլ բանիւք բե-
 րանոյն և քաջալաւութեամբ բարոյիցն :
 Քանզի բազումք այն էին ՚ի նիզակակիցացն՝
 որ չհանդուրժեալ խտութեանն և դոռո-
 զութեանն Պաւսանեայ , գային յաւելուին
 առ Վիմոյն և առ Արիստիդէս . որք և ՚ի
 յանկուցանել յինքեանս ամբոխ՝ առա-
 քէին միանգամայն և առ Պարէասն , բողոք
 զՊաւսանիայ բառնալ և յետս կոչել , իբ-
 րու որ անարդու գլխովին Սպարտիոյ իցէ
 և Ելլադայ խռովիչ :

Եւ ասեն՝ եթէ Պաւսանիաս յամօթալի
 տուփանաց գրդեալ՝ առաքէր առնուլ կոյս
 մի ՚ի Բիւզանդիոյ՝ անուն Վէռնիկէ դուստր
 հոյակապ ծնողաց . նոքա թոյլ ետուն աղջ-
 կանն՝ ստիպեալք ՚ի հարկէն և յերկիւղէն .
 և աղաչէր աղջիկն՝ մինչև մտեալ ՚ի սենեակ
 անդր՝ անցուցանել զճրագն . սպա ՚ի մը-
 թանն մերձեցեալ մնջիկ ՚ի մահիճն՝ ուր
 ՚ի քուն կայր Պաւսանիաս , ըստ գիպաց
 հարեալ ընդ շիջեալ լսպտերն՝ թաւալեաց
 զնա . յորմէ ՚ի ձայնէն շրտուցեալ Պաւսա-
 նիաս , և մերկեալ զգաշոյնն որ մերձ իւր ,
 շարժէր տայր հարուածս իբրու եթէ ՚ի
 թշնամեաց դք ընդդէմ կայցէ նմա , և հա-

բեալ խոցէր զկոյնն . խակ 'ի խոցուածոյն
անկեալ մեռեալ աղջկանն , ոչինչ ասա
յետ այնորիկ դուլ և հանգիստ տայր Պաւ-
սանիայ . այլ ստէս 'ի գիշերի 'ի քուն ե-
րևութացեալ նմա խօլական ուրուատիս , և
'ի սրամտութիւն բրդեալ՝ ասէր առ նա
տող մի գիւցաղնական այսպիսի ,

Գնալով գնասցես դու առ ասեանն
արդարութեան :

Չար մեծապէս է թշնամանք
որդուոց մարդկան :

Յայտմանէ ասա ոչ ևս հանդուրժեալ
նիզակակցացն խաղային գնային ընդ Կի-
մոնի գալ սաշարէլ զնա : Այլ Պաւսա-
նիաս փութացաւ զերծաւ 'ի Բիւզանդիոյ՝
և խռովեալ յուզեալ՝ որպէս սպտմեն՝ 'ի
խօլականէ անտի , գնացեալ ապաւինեցաւ
Երակէա 'ի մեհեան մեռելահամայնցն . և
անդ զողին կարգացեալ զՎէոնիկեայ , սա-
ղատէր ողորէր 'ի բաց զօխութիւն բար-
կութեանն դնել : Նա երևեալ նմա ասէր ,
մերձ ընդ մերձ ազատանալ նմա յամենայն
աղէտիցն 'ի հասանելն 'ի Սպարտիա . և
ակնարկէր անշուշտ՝ որպէս հաւանեալս
եմ՝ զանգանօր զմահն նորա : Չայտօսիկ
սպտմեն մեզ բազումք :

Բայց Կիմոն ընդ խրով ձեռամբ կար-
գեալ զնիզակակցսն զօրավարեալ նաւեր
'ի Թրակիա , լուր առեալ էթէ արքաւագք
Պարսիկք մերձաւորք արքային կալեալ զԷ-
ոն քաղաք առ Սարիւմոն գետոմն , վիշտ
շուրջանակի հասուցանէին հելեանացոցն :

Ապա առաջին զայն Պարսիկան 'ի պարտու-
թիւն մատնեալ և ընկրկեալ փակեալ զնո-
սա 'ի պարխսայն, երկրորդ խաղայր վանէր
զԹրակացիան՝ զբնակաւորս վերնագաւա-
ռին Սարիւմոնի՝ ուստի կերակուր գայր 'ի
քաղաքն. և պահ զգուշութեան սաստիկ
եղեալ ողջոյն գաւառին, այնչափ իմն յու-
գիս ասպատան արար զպաշարեալն, զի և
Բուռէս զօրավար արքային բնաւ իսկ յու-
սակտուր՝ հուր հարեալ զքաղաքէն, միան-
գամայն և զբարեկամսն և զգոյսն և զանձն
ևս այրեաց 'ի նմա: Եւ այսպէս ասպա ա-
ռեալ Ախմոյնի զքաղաքն՝ աւար ոչ շատ
ժողովէր, քանզի և շատ ինչ հրակիզեալ
կայր 'ի միասին ընդ բարբարոսացն. սակայն
'ի բնակութիւն սայր Աթենացոց զայն
գաւառ արգաւանդ և գեղեցիկ: Ոյր ա-
ղագաւ և Աթենացոց ժողովուրդք հեր-
մէսս երիս կանգնէին նմա, Աթողս 'ի քա-
րէ. յորս յառաջնումն արձանագրեալ
կայր այսպէս.

Քաջանձինք և սրտեայք էին,
Որք մանկանցն Մարաց՝ առ Սարիւմոն գե-
տուին,

Է՛ր երբեմն՝ զի յի՞ոն

Սով ածին մեծ, և Գոռ Արէս.

Եւ առաջին յանհնարս նեղեցին զնոսա:
Իսկ յերկրորդումն.

Զօրավարացն մրցանակ՝ Աթենացիք

Զայս ետուն բարերարութեան

Եւ մեծաց նահատակութեանց նոցա:

Զի և ոք զկնի յեկեղոցն
Տեսեալ զայս, 'ի նախանձ վառեացի
Վասն հասարակաց իրացն գոռ յարդարել:
Իսկ յերրորդումն .

Է՛ր երբեմն 'ի քաղաքէ աստի
Ընդ Ատրէոսեանց 'ի նուիրականն
'ի դաշտ Տրոյեան խաղալ Մենէսթեայ:
Եւ նա՛ որպէս անդ հոմերոս ասաց՝
Առաւել քան զՌանայեցիս սպտե՛նազէնս՝
Չորաւ զօրավար դերասպանծ
'ի կարգել գեղեցիկ զմարտն:
Ա՛յսպէս ուրեմն ոչինչ դժսպատէ հս
Կոչեսցին Աթենացիք
Չօրավարք մարտից և քաջարութեանց:

Թէպէտ և ո՛չ 'ի միում յարձանադրու-
թեանց անտի անուն ո՛չ գոյ Կիմոնի,
մարդիկ ժամանակին շուք ծայրալիր հա-
մարեցան զայն նմա . զի ո՛չ Թեմիստոկղէս,
և ո՛չ դարձեալ Միլտիադէս երբէք կալան
յայնպիսեաց անտի: Դա՛ և վերջինդ խրն-
գրեալ երբեմն պսակ 'ի ձիթենույ, անդ
Սովքարէս Դեկեղէոս յարուցեալ 'ի մէջ
ատենին՝ ընդդէմ՝ դառնայր նմա բանիւք՝
ոչ առ 'ի ճահ, սակայն և հեշտալուր յայն
ժամ ամբոխին . քանզի ասէր այսպէս .
“ Յորժամ դու ինքնին առանձին ո՛վ Միլ-
տիադէս՝ մարտ եղեալ վանեացես զբարբա-
րոսս, յայնժամ խնդրեացես առանձին ըզ-
պատիւդ “: Եւ առև՛նչ ասպա զԿիմոնի
մրցանան այնչափ սիրեցին Աթենացիք .
Թերևս զի առ այլովք զօրավարօքն մարտ

եղեալ կռուեցան միայն 'ի սլաշտպանել անձանց . իսկ առ Վիմոնիւն՝ ինասեցին ևս թշնամւոյն, հորդան տուեալ և կռուեալ յերկրին նոցա, և մասն ևս հասեալ կալան՝ գաղթականս արձակելով յԷոն և յԱմփիսպօլիս :

Առ այսոքիւք՝ գաղթականս ետուն նոքա և 'ի Սկիւրոս, զոր կալեալ իսկ էր Վիմոնիւն՝ օրինակ զայս . 'Ի Վզգի յայս բնակեալ էին Դողոսպացիք, արք անփորձք մշակութեան գեանոյ, և ըստ վաղնջուց իւրեանց սովորութեանն՝ ասպատակք ծովու . և ասպա յայնչափ եղեոն անկղիտացեալք՝ զի և ոչ 'ի հիւրսն անգամ խնայէին նոքա՝ որ անդր նաւարկեալք շահավաճառ լինէին ընդ նոսա : Նաև 'ի վաճառականաց անտի թեաղացոց՝ որ հասեալ էին 'ի Վտեսիսն, կողսպտեալ սոցա և 'ի կապանս ևս արկեալ, իբրև զերծան նոքա 'ի կապանացն, դարձան եկին և 'ի ձեռն Ամփիկափուոնեայն գատակնիք ածէին 'ի վերայ քաղաքին փոխարինել զտուգանան : Այլ քաղաքացեացն ոչ կամեցեալ այնպէս առհասարակ տուգանել, սնդէին պարս յափշտակողացն միայն լինել հատուցանել զկշիւն . ասպա զահի հարեալ ինասակարացն՝ առեալ վաղվաղակի գրէին առ Վիմոնիւն՝ գալ իւրովք նաւուք ունել զքաղաքն անձնատուր 'ի նա : Օրինակ զայս ասպա տիրացեալ Վիմոնիւն 'ի վերայ կղզւոյն, հալածէր անտի զԴողոսպացիս, և յանդորր հաներ զԵգեանն :

Ապա ըուր առեալ Կիմովնի, զի նախնին այն Թէսէոս որդի Եգէոսի, 'ի Սկիւրոս փախուցեալ յԱթենայ՝ անդանօր նենգաւ սպանաւ 'ի յիւկոմիդէս արքայէ առ ահին, գուն գործէր ոգւով չափ դըտանել զգերեզման նորա. քանզի էր իսկ Աթենացւոց սլատգամ հրամանատու՝ առնուլ զԹէսէոսին նշխարան փոխադրել 'ի հայրենիան, և ըուք գեղեցիկ տալ նմա իբրև գիւցազին: Սակայն զանխուլ մնացեալ վայր Թաղմանն, զի և Սկիւրոսացիք ոչ կամէին 'ի վեր հանել, և ոչ հետախոյզ ևս լինել Թոյլ տային: Իսկ յայնժամ 'ի բազում ջանիցն Կիմովնի հուսկ ուրեմն գտեալ գերեզմանին, առեալ նա զոսկերան դնէր յեռաթին իւր, և մեծապէս զարդու փոխադրէր 'ի հայրենիան յետ ամաց իբրև չորեքհարիւրոց 2: Ոյր աղագաւ և յոյժ ըղձակաթեղեն առ նա ժողովուրդք, և 'ի յիշատակ նորա յայնժամ և այն պայքար Ողբերգակ քերթողացն յոյժ զհամբաւի հարաւ: Քանզի յայնժամ 'ի հանդէս հանեալ Սոփոկղէս սրատանի զառաջին զիւր Ողբերգութիւնն, և վէգք և պայքարք պատահեալ 'ի հանդիսականան, Ափեպսիովնէս իշխանապետ չէհան վիճակաւ դատաւորս մրցանացն այնոցիկ, այլ 'ի մտանել անդ Կիմովնի ընդ նիզակակից զօրագլխացն 'ի Թատրն, և ձօնեալ գից զնուէրան ըստ օրինացն, չթողոյր նոցա մեկնիլ 'ի բաց իշխանապետն, այլ երգմնեցուցեալ զնոսա հարկաւորէր ինքնին նոցա բազմել դատաւոր վասն ի-

րացն . և էին նորա թուով տասն՝ այր մի
 'ի ցեղից իւրաքանչիւր : Ապա այն միջանք
 և յաւադութէնէ անտի դատաւորացն
 հանդերձեցաւ մեծապէս , և այր զարամբ
 ելանէին : Յորում և զյաղթութիւնն տա-
 րեալ Սոփոկղէս , ասեն՝ եթէ Եսթիւղոս
 ոչ բերելով 'ի խոր խոցեցաւ . և չհան-
 դուրժեալ կալ մնալ հարուստ ժամանակ
 յԱթէնս՝ լի ցասմամբ անցեալ գնայր 'ի
 Սիկիլիա , ուր և մեռեալ թաղեցաւ մօտ
 'ի Գեղաս :

Եւ պատմէ մեզ Յուն , եթէ պատա-
 նեակ տակաւին ինքն չորաւ 'ի Քիոյ յԱ-
 թէնս , և ընթրեաց անդ ընդ Աիմոնի առ
 Լատմեդոնտեայ . և յետ ճաշակաց նուի-
 րացն աղաչեցին զԱիմոնն նուագ առնուլ :
 Իսկ նորա նուագեալ քաղցր , սկսան որ
 մերձն կային գովել զնա իբրև յաջողակ ա-
 ուաւել քան զԹեմիստոկղէս , այն որ ասէր
 զինքն ոչ յերգ նուագաց վարժեալ և ոչ
 'ի կիթաւ , սակայն քաղաք մի՝ գիտէ գոր-
 ծել մեծ և ընչաւէտ : Իսկ յետ այնորիկ՝
 որպէս և 'ի դէպ իսկ՝ 'ի ճաշակոն բան 'ի
 բանէ զլոյց լինէր և վասն նահատակու-
 թեանցն Աիմոնի , և 'ի յիշատակ բերեալ
 զմեծամեծս նորա , ինքն հնարիմացութիւն
 ինչ զիւր՝ զոր գործեաց երբեմն՝ ճառ ար-
 կեալ պատմէր բազմակրանին , զոր և յամե-
 նայն 'ի գործս իւր համարէր առաւել գե-
 ղեցիկ , և էր բանն այսպիսի : Քանզի 'ի
 մարտի երբեմն բազում բարբարոսս գերի
 վարեալ նիզակակցացն 'ի Սեստեայ և 'ի

Բիւզանդիոյ, և 'ի նա սպաստոան զբաշին արարեալ զգերւոյն, իբրև ինքն 'ի մի կողմն առեալ զնէր մերկ զգերին, և 'ի միւսումն՝ ողջոյն զգարդս սաճուճանաց մարմնոց նոցա, մեզ զնէին նոքա անհաւասար բաշխին. այլ նա ասէր նոցա առնուլ զմի 'ի բաժնէն զոր կամեսցին, իբրու անշուշտ Աթենացիք շատասցին միւսոյն :

Անդանօր խորհուրդ տայր նիզակակցացն Երոփիտոս Սամոսացի առնուլ մանաւանդ զինչս Պարսկացն, քան զՊարսիկան. և առնուին նոքա զգարդս գերւոյն, և Աթենացւոցն թողուին մերկ զգերին: Ապա Վիմոյն մեկնէր 'ի վայրացն՝ կարծեալ ինքն իբրև բաժանարար ծանծաղամիտ, այն ինչ նիզակակիցքն բարձեալ տանէին աւարս զսպարանջանաց ոսկւոյ և զմանեկաց և զօղամանեկաց և զպարսիկ սատուճանաց և զծիրանեաց. իսկ Աթենացւոցն վիճակեցան միայն մարմինք մերկք և 'ի գործ անպիտանք : Բայց ապա յեա սակաւուց բարեկամք և մերձաւորք գերւոյն գային հասանէին 'ի Փոիւգիոյ և 'ի Լիւգիոյ, և անդ առհասարակ զամենեւեան փրկանաւորեցին այնչափ մթերից արծաթոյ՝ զի և ընդամիսս չորս զպաշար նաւացն հանդերձեաց Վիմոյն յարծաթոյ անտի, և շատ ևս յոսկւոյն յաւելաւ քաղաքին :

Իսկ բազմահարուստ յոյժ եղեալ Վիմոյնի, ողջոյն զհասան՝ զոր կուտեաց փառօք 'ի յաղթութե թշնամեացն, առեալ մեծ ևս փառօք ծախէր 'ի շահ օգտի քա-

ղաքացեացն . քանզի քահեաց եբարձ ըզ-
ցանգս զազարակաց իւրոց , զի կարօտեալ
մարդիկն և եկք և օտարք գնացեալ առցեն
ազատ 'ի սլողոյն . և հանապազօր յիւրում
տան կազմէր սեղան՝ [Թէպէտ և անսա-
ճոյճ՝ , այլ շատից բաւական . անդ գնայր
և ամենայն աղքատ և գտանէր կերակուր
անաշխատ . և պարապէր ինքն միայն յիրս
քաղաքին : Բայց որպէս Արխատոտէլ ինք-
նին ասէ՝ այս սեղանն ոչ միշտ և հանապա-
զօր հանդերձէր առհասարակ Ա[Թենա-
ցւոցն , այլ որոց միայն յիւրմէ Ժողովրդենէ
'ի Ղակիատեանց անտի խնդրէին վայելէլ
'ի նոյն :

Բայց խումբ պատանեաց յիւրոց ընտա-
նեացն զհետ գնային նորա հանապազ հան-
դերձաւորեալք գեղեցիկ . և [Թէ ըստ գի-
պաց պատահէր Վիմոնի ծեր 'ի քաղաքէն
'ի հանդերձ աղքատին , տայր նա միում
ումէք 'ի նոցանէն փոխանակէլ ծերոյն ըզ-
հանդերձան . և էր գործն կարի լաւ և գե-
ղեցիկ : Առ այս և բարձեալ տանէին ընդ
իւրեանս այն սպատանիք մ[Թերս դրամոց , և
'ի հրապարակին մատուցեալք առ լաւան և
առ պարկեշտան յաղքատաց՝ զանխուլ և
մնջիկ ընուին զձեռս նոցա : Զայսոցիկ [Թուի
իմն և Արասինոսի կատակերգակի յիշա-
տակ առնէլ յԱրքիղոբոսն իւր՝ 'ի տողս
յայսոսիկ . " Այլ և ես ինքնին Մեարո-
բիոս նօտար , ընդ առնն աստուածայնոյն
և մեծի վանատրի և աւագի լաւագունին
քան զամենայն հեւլենացիս՝ ընդ Վիմոնի՝

ցանկայի անցուցանել զժերութիւն սարարտութեանն, խրախամիտ ընդ ամենայն յաւիտեանս : Բայց նա հինաւուրց կանխեաց յօրահասն ,, : Իսկ Գորգիաս Լէոնտացի ասէ, ստանայր Կիմոնն ինչա առ ՚ի վարել, և վարէր՝ առ ՚ի ստանալ շուք : Այլ և Կրիտիաս մի յերեսնից անտի բռնաւորացն, ցանկայ յիւր Ողբսն " ԶՍկոպատացւոցն ունել հարստութիւնսն զամբաւ, և սիրտ մեծանձն ունել զԿիմոնի, և զյաղթանակսն զԱդեսիղայոսի Լակեդեմոնացւոյ ,, :

Եւ արդեօք և Լիքաս ինքնին այր Սպարտացի ոչ յայլ ինչ պատճառս այնչափ ըզհամբաւի հարաւ առ Հելլենացիս, բայց զի ՚ի մերկամարմին յմբշաց մարտսն հիւրընկալէր զեկս և զօտարս : Այլ Կիմոնին առատաձեռնութիւն դերազանցեալ յոյժ գտաւ քան զմարդասէր հիւրընկալութիւն զնախնեացն Աթենացւոց : Քանզի ոյր ազագաւ իրաւամբք այդ քաղաք բարձրապարանոց ինդայ, զի նոքա ցուցին Հելլենացւոց զսերմանսն ՚ի կերակուր, առ այս՝ և ուսուցին դտանել աղբիւրս ջրոյ և վառել կրակ՝ կարօտեալ մարդկանն, իսկ Կիմոնն զիւր տուն՝ Պրիւտանիոն 3 գործեալ հասարակ ամենայն քաղաքայնոցն, և տրւեալ ևս իշխանութիւն եկաց և պանդխտաց առնուլ վայելել ՚ի պտղոց անտի, և որչափ ինչ միանգամ լաւ և բարի ըստ եղանակաց տարւոյն պտղաբերեալ յիւր կալուածսն, միւսանգամ յերևան ածէր օրինակ իմն ըզ

վիպասանեալն զայն սեղանակցութիւն ըզ-
 Կռոնոսին դարուցն :

Արդ՝ որք միանգամ բամբասէին զնա ,
 իբրու մարդասիրութեամբդ այդուիկ յինքն
 զժողովուրդն յանգուցանել , նշաւակեալ
 լինէին յայլ ինչ քաղաքավարութենէ ան-
 տի առն , զի թիկնածու էր նա աւագա-
 նւոյն և ՚ի լակոնականն հակամիտեալ կարգ-
 և զի՝ և ՚ի միասին ընդ Արիատիգեայ ընդ-
 դէմ դառնայր թեմիստոկղեայ՝ յորժամ
 նա ՚ի վեր առնոյր ամբառնայր զուսկին
 պետութիւնն . և մեծապէս ՚ի վէզ դայր
 ընդ Նփիաղտեայ , յորժամ նա ՚ի շնորհս
 ուսուցին խնդրէր զաւագութիւնն տապա-
 լել զԱրիսպագին : Առ այսոքիւք՝ թէպէտ
 և առհասարակ զամենեւին՝ բաց յԱրիս-
 տիգեայ և յՆփիաղտեայ՝ տեսանէր նա ճո-
 խացեալս ՚ի հասարակաց հասկցն , ինքն
 ցանգ անկաշառ եկաց մնաց ՚ի քաղաքին ,
 և ձիրս չառնոյր ընծայից . այլ զամենայնն
 ասէր և գործէր ձրի և անարատ : Եւ սատ-
 մեն՝ եթէ ՚ի բարբարոսաց անտի ոմն այր
 հռիսակէս անուն վտարանջեալ յարքայէն
 Պարսից , չոքաւ յԱթէնս բազմահարուստ
 ընչիւք . և անգանօր հալածեալ ՚ի զրպարտ-
 չաց՝ դիմեալ ապաւինէր առ Աիմոնն . և
 առ սեամս գաւթին առաջի ընծայէր ա-
 մանս երկու լցեալս , մին՝ Գարեհեան ար-
 ծաթով և միւսն ոսկւով . զոր տեսեալ
 Աիմոնի և ՚ի ժպիտ հատեալ , հարցանէր
 զայրն՝ զինչ կամեսցի լինել Աիմոնի ,
 վարձկան եթէ բարեկամ . իբրև ասաց՝ ե-

Թէ բարեկամ, կրկնեաց Կիմովն և ասէ .
 « Տարցես դու ասպա ընդ քեզ զքոյին դը-
 րամսդ և կալցես առ քեզ, և ես քո բարե-
 կամ՝ յորժամ պիտոյն եղիցի՝ վայելեցից
 ՚ի դոսա » :

Չայնու ժամանակաւ նիղակակից ժո-
 ղովուրդք՝ Թէսէտ և տալ տային Աթե-
 նացւոց դրամս ըստ պայմանեալ հարկին ,
 այլ ոչ ևս կամէին տալ որեար և ոչ նաւս
 հանդերձեալս՝ ըստ պայմանին . և յանձն
 չառեալ այնուհետև զվաստակ զինուորու-
 Թեանն , ցանկային յանդորրու մշակու-
 Թեան պարապել անդոց, իբրու որոց մար-
 տից պէտք չէին այնուհետև՝ ՚ի վերջոտ-
 նել բարբարոսացն և ՚ի խաղաղել իրացն .
 իսկ յայնժամ այլք ՚ի զօրավարացն Աթե-
 նացւոց ստիպէին զնոսա և վասն այնոցիկ ,
 և պատուհաս ևս ՚ի վերայ կասպէին անսաս
 տիցն՝ գժոխըմբերելի զիշխանուԹիւնն գոր-
 ծեալ : Բայց Կիմովն ընդ հակառակս ոչ
 ինչ բռնացաւ յիշխանուԹեանն ՚ի վերայ
 նոցա , և այնպէս առեալ ՚ի նոցանէն ըզ-
 դրամսն և զնաւս Թափուրս՝ զի զէն առ-
 նուլ չառնուին յանձն , Թոյլ տայր նոցա
 կալ առ տնին այնպէս պարապորդք , և ՚ի
 քաջաց մարտկաց՝ մշակս լինել հողագործս
 և արս վաճառականս , ոչինչ յաջողեալք
 այնուհետև ՚ի պատերազմ՝ առ գրգանաց
 փափկուԹեանն : Իսկ անդուստ նա զիւր
 Աթենացիսն առեալ ամբարձեալ ՚ի նաւս
 հետ զհետէ և մարզեալ ՚ի զինուորուԹեան ,
 արագ արագ Թոշակօքն և դրամովքն զնո-

սա տեարս 'ի վերայ կացուցանէր թոչա-
կատուաց իւրեանց : Քանզի հանապազօր
նդբա կացեալք 'ի նաւան և դեղերեալք 'ի
զէնս և կերակրեալք 'ի հարկաց նիզակակ-
ցացն , մեծարոյք և արդոյք գտան առաջի
նոցա . և սպա տակաւ՝ որ նիզակակիցքն
էին՝ դարձան և եղէն նոցա հարկատուք և
ծառայք :

Առ այսոքիւք՝ և ոչ ոք առաւել քան
զԿիմովն 'ի խոնարհութիւն կրթեաց և սան-
ձեաց զհպարտութիւն զմեծի արքային :
Քանզի վանեալ զնա յԵլլադայ՝ չետ նմա
երբէք հանդարտել , այլ զհետ մտեալ նո-
րա իբրու ցանգ 'ի թիկանց , մինչև բար-
բարոսացն ոգի առեալ՝ աւար հարկանէր
և քանդէր տասպալէր վայր բազում 'ի սահ-
մանաց նորա . և բազմաց ևս տայր վտարան
ջել և անձնատուր 'ի Յոյնան լինել . զի և 'ի
Յոնիոյ մինչև 'ի Պամփիլիա՝ ողջ զԱսիա ա-
զատ կացուցանէր 'ի ներքուստ ձեռին Պար-
սիցն : Եւ լուր առեալ զի զօրավարք ար-
քային զօրու ծանու և նաւաց բազմու-
թեամբ դադարեալ կանառ Պամփիլեաւ ,
ահ արկեալ նոցա՝ մի անցանել նաւել
ընդ ծովն որ 'ի մէջ Քելիդոնեայց , չու-
առնէր խաղայր 'ի Գնիդեայ և 'ի Տրիո-
պեայ երկերիւր եռաթիովք , զոր շինեալ
խկ էր թեմիստոկղեայ՝ արագընթացք
յոյժ և արագադարձք . և զոր յայնժամ
Կիմովն ընդարձակ ևս գործեալ՝ կամուրջ
մի յաւել 'ի տախտակամածան անդր . զի
առաւել ևս թուով զօրականք մարտ ե-

դեալ կռուեսցին ընդ թշնամիսն : Ապա յառաջ խաղացեալ 'ի քաղաք անդր Փասեւացւոց, որք թէպէտև Հելլենացիք էին, ոչինչ յանձն առին ժողովել զնաւատորմիդ նորա և ոչ 'ի թագաւորէն 'ի բաց սարտեան . եկաց ապա Կիմոն և աւերէր զերկիր նոցա, և խաղաց զնալ հարկանել և զպարիսպս նոցա : Բայց Քիացիք նիզակա կիցք Կիմոնի՝ վաղնջուց բարեկամութիւն կալեալ ընդ Փասեւացւոց, գուն գործէին հաշտ առնել զԿիմոն . միանգամայն և տառս գրեալս սպարուրեալ զիքնովք աղեղնաձիգ 'ի պարիսպն լինէին, և Փասեւացւոցն ազգ առնէին զամենայնն : Ապա 'ի վերջէ 'ի հաշտութիւն գային՝ դաշն եդեալ տալ քանքարս տասն, և զհետ խաղալ Կիմոնի և մարտ ևս գնել ընդ բարբարոսն :

Եւ պատմէ Եփորոս, եթէ Տիթրաւոտէս էր զօրավար նաւաց արքային, և Փերենդատէս զօրաց ցամաքին : Իսկ Կալլիստենէս ասէ՝ եթէ Արիտմանդոս Գովերիւացի էր սպարապետ մեծ առհասարակ բանակին, և առկայացեալ նաւուքն մերձ յԵւրիւմէդոն, ոչինչ համարձակէր 'ի վեգ գալ ընդ Հելլենացւոց . այլ անդանօր սպասեալ մնայր նա նաւաց ևս ութսնից Փիւնիկեցւոց՝ որ գային 'ի Կիւպրոսէ : Բայց Կիմոն զառաջս առեալ գալստեանն, խաղայր դիմէր ընդդէմ թշնամեացն . կամէր բռն և յակամայ ստիպել զնոսս 'ի նաւամարտն : Նոքա խոյս տուեալ՝ վերջոս .

նեալ գնային զառաջինն 'ի դեռ անդր . այլ ապա զհետամտել Աթենացւոցն տեսեալ՝ արձանացան ընդդէմ ըստ Փանոզեմեայ՝ վեց հարիւր նաւուք , և ըստ Եփորոսի՝ երեքհարիւր և յիսուն : Այլ 'ի ծովամարտին յայնմիկ ոչինչ արժանի այնպիսի նաւահանգիսի նահատակեալք , դարձան արագ 'ի ցամաքն կոյս . որք վաղաժամանքն եղեն՝ 'ի դուրս վազեալք 'ի նաւացն՝ ապաւինեցան 'ի բանակ անդր ցամաքին՝ որ մերձ ճակատեալ կայր . իսկ որք ձերբակալքն եղեն՝ կոտորեցան հանդերձ նաւուքն : Այլ թէ մեծ էր նաւահանգէն՝ յայտ է . զի թէպէտ և բազումք 'ի նոցանէն՝ որպէս հաւանեալս եմ՝ ապրեցան , և բազումք ևս խորտակեցան , 'ի վերայ այսր՝ և նաւ երկերիւր 'ի վատթարելոց անտի հասին կալան Աթենացիք :

Ապա բանակ ցամաքին իջեալ 'ի ծովափն , վտանգ անհնարին թուէր Կիմոնի՝ զվաստակաբեկ հեղեճացիսն առնուլ խաղացուցանել 'ի ցամաք ընդդէմ առոյգ խուժանի յոքնաթիւ բարբարոսացն : Սակայն և քաջարիք նահատակեալ նոքա 'ի յաղթութենէն զոր տարան՝ կազմ և մտադիւրագոյնս խառնել անգրէն 'ի կռիւ , խաղացոյց արտաքս զհետևակազօրն ջերաջերմ այն ինչ ելեալ 'ի նաւամարտէն . նոքա արագ արագ դիմեալ անկանէին 'ի վերայ Պարսից մեծաւ աղաղակաւ : Այլ քաջապէս արութեամբ ընդդէմ դարձեալ բարբարոսացն , սաստիկ և գոռ լինէր մարտ

պատերազմին, և անկանեին 'ի կողմանէ անտի Աթենացւոց արքա աւագք և հոյակապք և կորովիք: Բայց և այնպէս յերկարագոյնս 'ի գիմի հարեալք' 'ի վերջէ ուրեմն 'ի պարտութիւն մատնեցան. հարան խորտակեցան, և մնացեալքն 'ի գերութիւն վարեցան, և առան խորանք նոցա ամենայն հարստութեամբ լի:

Եւ յայնժամ Աիմոնի իբրեւ ըմբիշ քաջ և անպարտելի՝ կրկին մարտից յաղթական 'ի միում աւուր, 'ի վեր վազեաց քան ըզփառս Սաղամինայն 'ի ցամաքահռուին և քան զՊղատեայն 'ի նաւամարտին, և զայլ ևս 'ի նոսա յաւելոյր յաղթութիւն. քան զի լուր առեալ՝ զի նաւք ութսուն Փիւնիկեցւոց որ ոչ գտան 'ի մարտի անդ, եկեալ հասեալ կան յԻւգրոս, 'ի շտապ տագնապի խաղայր անդր: Իսկ զորովարք նաւացն ոչինչ գիտեին հաստատութեամբ յաղադս հարուածոյ մեծի բանակին, սակայն և 'ի վարանս կային: Ուստի և մեծապէս զհնչի հարեալք յերևել Աիմոնի, արագ արագ զամենայն զնաւան 'ի ձեռաց իւրեանց հանեալք՝ բազումք ևս 'ի նոցանէն տապաստ անկանեին: Եւ այս նահատակութիւն այնպէս իմն 'ի խոնարհութի կրթեաց զհսլարտացեալ խորհուրդ արքային, մինչև զգերահամբաւեալն զայն կուել նմա դաշն խաղաղութեան, կալ միշտ բացագոյնս 'ի ծովէն Ելլադայ միջոցաւ չափ՝ զոր վազեսցէ երիվար. առ այս՝ և երբէք չնաւել նմա յայս կոյս Աիւնեանց և Քելիդոնեայց՝

երկայն և սղնձացուով նաւութի: Բայց Կալ լիստենէս ասէ՝ բարբարոս արքային ոչինչ կուէլ պայման յայսպիսեաց աստի. այլ ապա արդեամբք գործել զայն առ ահի երկիւղի հարուածոյն այնմիկ. և թէ՛ այնչափ իմն ապա բացագոյնս եկաց նա յԵլլադայ, զի և Պերիկղէս յետ այնորիկ յիսուն նաւութն, և Եփիաղտէս երեսնիւք միայն՝ յառաջ վարեալք յայնկոյս Քէլիդոնեայց, ոչինչ պատահեցան նաւաց բարբարոսացն: Այլ սակայն՝ ՚ի սահմանս վճռոցն զոր հաւաքեաց ժողովեաց Կրատերոս՝ տեսանեմք մեք հաստատութեամբ կուէալ յայնժամ զպայմանսդ: Եւ ասեն՝ կանգնեալ յայնժամ Աթենացւոց՝ և բազին մի խաղաղութեան, և շուք երևելի դնել Կալ լիստայ՝ որ դեսպան չոքաւ առ Թագաւորն:

Ապա ՚ի վաճառ հանեալ զաւար թըշնամոյն, ՚ի դրամոց անտի ոչ միայն զայլ ինչ ծախսն ընուին ժողովուրդք, այլ և բազում ինչ յաւելեալ շինեցին նոքա և ըզպատուար դղեկին ՚ի կողմն հարաւոյ: Եւ ասեն դարձեալ՝ եթէ պատուարք այն երկայնաձիգք՝ որոց անուն կարգային Սքանդ, թէպէտ և ողջ կանգնեցան յետ ժամանակաց, սակայն զհիմն առաջին անդրդուելի արկաւ Կիսմոլն: Իսկ յայնժամ գործաւորք զվայրսն գտեալ ճախճախուտս և տամուկս, խիճ՝ շատ արկեալ ՚ի ճահիճսն և վէմն անարիս, այնպէս հոծեալ պնդեցին զվայրսն և ողջոյն զծախսն տայր ինքնին Կիսմոլն: Առ այսոքիւք՝ և առաջին

զարդարեաց Վիմոյն զքաղաքն 'ի վայրս բերկրալիցս Ազատական անուանեալ մարզինցն, որք և յետ սակաւ միոյ յոյժ արգոյք գտան և սիրելիք. ծառս անկեալ սօսեաց 'ի հրապարակին, և զԱկադեմիա գլխովին 'ի ծարաւուտ և յերթիթացեալ կերպարանէն 'ի մայրիս փոխեալ դաւարագեղ, վտակահոս, և հորդէր անդանօր ընթացս վազից կուռ արահետ, և ճեմարանո հովանաւորս:

Իսկ յայնժամ 'ի Պարսից ոմանք ոչինչ յանձն առեալք տեղի տալ 'ի Քերրոնեսեայ, նա և 'ի Թիկունս իւրեանց կոչեալ զԹրակացիս վերնագաւառին, և արհամարհութեամբ ևս գնացեալ ընդ Վիմոյնի՝ որ սակաւ եռաթիովք ելեալ դայր յԱթենայ, նա 'ի վերայ անկեալ նոցա քառիւք միայն հասեալ ունէր նաւս երեքտասան 'ի նոցանէ, և վանեալ զՊարսիկսն և նուաձեալ զԹրակացիսն, ողջոյն զՔերրոնեստն հնազանդեցուցանէր Աթենայ: Եւ ապա 'ի նաւամարտի սլարտեալ և զԹասոսացիս վտարանջեալս յԱթենացւոց, կալաւ նաւս երեսուն և երիս, և վանեաց զքաղաքն նոցա. և ընդ բռամբ արկանէր Աթենացւոց զբովս ոսկւոյն՝ որ կան անդ յայնկոյս, և զգաւառսն զտէրութեան Թասոսացւոց: Բայց քանզի անտի հեշտին էր անցք 'ի Մակեդոնիա, և էր ևս նմա ժամ պատեհ երթալ հատանել անտի վայրս բազումս, և ոչ յօժարեցաւ 'ի նոյն Վիմոյն, բամբասեցաւ իբրև կաշառաբեկ յԱզէքսանդրէ

արքայէ. և Թշնամիք նորա միաբան ամբաստան լինէին զնմանէ յատենի : Այլ նա պատասխանի յանդիման դատաւորացն զայս ասէր, եթէ դաշն բարեկամութեան երբէք նա ոչ կուեաց ընդ Յոնիացւոց և ընդ Թեսսաղացւոց՝ տղգ և Ժողովուրդ ընչաւէտ, որպէս դործեցին այլք 'ի շուք սպասարկութեան և ընծայից առ 'ի նոցանէ. սակայն ընդ Մակեդոնացւոցն՝ կարի իսկ քաջ. քանզի սիրեաց և նախանձաւոր ևս է սակաւապէտ չափաւորութեան որբերոյն՝ զոր արդոյ ևս համարի քան զամենայն մեծութիւն. բայց և այնպէս պանծայ՝ զի բարգաւաճ արար զիւր քաղաքն յաւարաց անտի Թշնամեացն :

Իսկ Ստեփանբերոզոս 'ի պատմութեանն յաղազս դատաստանին այնորիկ՝ ասէ յառնել Ելպինիկեայ երթալ առ դուրսն Պերիկղեայ ողոքաւոր վասն Կիմոնի՝ իբրև որ առաւել ահաբեկ 'ի դատասխազսն և անվանելի էր ինքնին Պերիկղէս : Ապա անդ Պերիկղէս 'ի Ժպիտ հատեալ ասէր առ Ելպինիկէ. « Պառաւեալ է քո՝ ո՞վ Ելպինիկէ՝ պառաւեալ, որպէս զի և ոչ յաջողել քեզ 'ի մեծամեծսն », : Համայն և այնպէս կարի հեղացաւ Պերիկղէս առ Կիմոն 'ի դատաստանին, և միանգամ միայն յարեաւ ամբաստան զնմանէ վեր 'ի վերոյ բանիւք : Եւ այնպէս սպա անդատապարտ ելանէր Կիմոն :

Յետ այսորիկ դեգերեալ նորա յԱթէնս և առաջնորդեալ քաղաքին, ջանգ

սանձակոծէր զխուժանն 'ի Ճոխանալ նորա երբէք 'ի վերայ աւագանւոյն և յինքն զիշխանութիւնն յանդուցանել. իսկ իբրև անդրէն միւսանդամ ել նաւեաց նա 'ի կուլ մարտի, յայնժամ ազատացեալ ռամկին և վեր 'ի վայր զկարգ զառաջնորդութեանն արարեալ, և զհայրենատուր սահմանն՝ որովք վարէին յառաջագոյն, 'ի բաց հանէր յարիսպադէն առ Եփիաղ տեաւ միանգամայն զամենայն իշխանութիւն դատաստանի՝ բայց 'ի սակաւուց ինչ, և իշխան հրամանատար՝ ինքն եղեալ ամենայն ատենից, 'ի ռամկապետութիւն համբուն առեալ շրջէր զքաղաքն, մեծասէս 'ի ժամուն զօրացեալ Պերիկղեայ և շահուօգտի խուժանին միայն պատկառ կացեալ: Ոյր աղագաւ և Ախմոյնի 'ի դառնալ իւրում յոյժ ցաւեալ ընդ այնչափ ոտնհարութիւն կարգի աւագանւոյն, իբրև գունդարծէր յառաջինն զնա դարձուցանել կարգ և նորոգել զաւագապետութիւնն՝ որ առ Քլիսթենեաւ, անդանօր բազումք յարուցեալ ընդդէմ՝ նորա բողոք բարձեալ դրդէին զխուժանն. անդրէն միւսանդամ յիշատակ առնէին նոքա օր ինչ նորա գործք ընդ քեռն՝ ըստ համբաւոյն պատմելոյ. և յերեսս ևս հարկանէին զնորա առ Լակեդեմոնացիսն հակամիտութիւն. և առ այս՝ հռչակաւ զհամբաւի հարկանէին յայնժամ Եւպոդիդեայ տողքն վասն Ախմոյնի, այսպիսի ինչ. « Ո՛չ չար ոք էր, այլ գինեմուղ էր նա և մեղկ. էր զի և 'ի Լակեդեմոն

գնացեալ ննջէր, անդ միայնակ լքեալ զԵւ պինիկէն ,, :

Արդ թէ այնպէս մեղկ գողով և գինե-
ճան, քաղաքս այնչափ հասեալ կալաւ
նա, և յաղթու թիւնս այնչափ տարաւ. Ե-
թէ յանկարծ զգաստ կացեալ էր և ժիր,
նահատակու թիւնս քանի՞օն նահատակէր,
զի և ոչ 'ի նախնեաց որ հեւքնացւոց և ոչ
'ի վերջնոց որ յառաջադէմ քան զնա լի-
նեւ: Եւ արդեօք էր խակ նա 'ի սկզբանէ
կարի հակամիտեալ առ Սպարտացիս, և
որդիք երկուորեակք եղեալ նմա, միումն
անուն կարդայր Լակեդեմոնիոս, և միւ-
սումն՝ Եղիոս. ծնեալք նմա 'ի կնոջէ ու-
մեմնէ Վլիտորիա անուն, որպէս պատմէ
Ստեսիմերոզոս. ուստի և սոէպ Պերիկղէս
'ի դէմն հարկանէր նոցա զմայրենի զարմն:
Այլ Դիոդովրոս թարգմանն՝ ասէ՝ երկուց
այնոցիկ զաւակաց՝ դարձեալ և երրորդին
անուն թէսասաղոս՝ ծնեալ նմա յԻսոդի-
կեայ դստերէ Եւրիստողէմոսի Մեգա-
ղացւոյ:

Սակայն և Լակեդեմոնացիք թիկունս
տային բարգաւաւաճութեանն Վիմոնիսի, թըչ
նամու թեամբ բերեալք ընդ թեմիտոկ-
ղեայ, և զՎիմոնիս տակաւին պատանի՝ խըն
գրէին մանաւանդ յօրանալ և տիրանալ
յԱթէնս: Եւ էր բանն զառաջինն մեծա-
պէս հաճոյ Աթենացւոցն. զի և ոչ դուզ-
նաքեայ շահօգտի էր նոցա 'ի բարեկամու-
թենէ անտի Սպարտացւոցն, և 'ի սկզբան
բարգաւաւ լինելոյն իւրեանց և ձեռնա-

մուխ 'ի դործս նիզակակցացն, շուքն Ալի-
մոմլի և մատրմուծիւնն ոչինչ դժպհի էր
նոցա. զի և բազում ինչ յիրաց Հէլէնա-
ցւոցն առաջնորդէր 'ի ձեռն նորա. և ինքն
հեղաբար և հեշտ գնայր ընդ նիզակակիցան,
և գեղեցիկ մարդասիրութեամբ ընդ Ղա-
կեդէմոնացիան: Բայց ապա իբրև յաղթ
և հարուստ ընէին Աթենացիք, նոքին դար-
ձեալ ոչինչ հանգարաէին ընդ այնչափ
հակամիտութիւն Ալիմոմլի 'ի Ղակեդէմո-
նացիս անդր: Քանզի և ինքն ցանդ Ղա-
կեդէմոնիա 'ի վեր առեալ առաջի Աթե-
նացւոցն, մանաւանդ 'ի կշտամբէլ իւրում
զնոսա կամ 'ի յորդորել, որպէս պատմէ
Ստեպիֆերոզոս, ասէր ստեպ. « Այլ ոչ
այսպիսիք ոմանք են Ղակեդէմոնացիք ».
ոյր ալագաւ 'ի նախանձ և 'ի թշնամու-
ծիւն դրդէր զիւրան:

Իսկ որ առաւել քան զամենայն ամբաս-
տանութիւնս յաղթահարեաց զնա, այս-
պիսի ինչ էր. Յամին չորրորդի թագաւո-
րութեանն Արքիդամոսի որդւոյն Չէւք-
սիդամոսի 'ի Սպարտիա, գետնաշարժ ա-
հագին՝ որպիսի ոչ երբէք յառաջն՝ այն-
պէս սասանեալ դղրդեցոյց զաշխարհն նո-
ցա, զի և գաւառն Ղակեդէմոնացւոց խոր-
խորեալ պատառեցաւ 'ի վիհս անդնդա-
խորս, և զերծեալք հոսեցին պարեկիք 'ի
Տադէտոմլի լերանցն. իսկ քաղաքն հիմն
'ի վեր տապալեցաւ առ հասարակ և յա-
տակեցան ամենայն տունք 'ի դետնաշար-
ժէն բայց 'ի հնդից: Եւ պատմեն՝ եթէ և

պատանիք և մանկունք յայնժամ՝ ՚ի դաւթի
անդ սրահին պարապեալք յըմբշամարտս ,
վայրիկ մի յառաջ քան զդէտնաշարժն
անցեալ վազեաց ընդ այն նապաստակ մի ,
զորոյ զհետ մանկունքն օծեալք վազեցին
արտաքս հրճուանօք . իսկ անդանօր պա-
տանիք՝ որ մնացին՝ ջախեալք առհասարակ
դիտասպատ անկանէին ՚ի ներքոյ ըմբշարա-
նին : Եւ դերեզմանն նոցա մինչև ցայսօր
ժամանակի անուանեալ կոչի Սիւճադիաս 4 :

Իսկ յայնժամ Արքիդամոս արքայ նա-
խազգած վտանգին՝ որ յառաջոյ , և տե-
սեալ ևս զքաղաքացիսն հետամուտս ապ-
րեցուցանել զպատուականսն ՚ի դոյից ,
հրաման տայր փող հարկանել ազգարար
հրոսակի թշնամեացն , զի արագ արագ առ-
նա վառեալք խմբեսցին ժողովուրդք : Եւ
ապա այս հնարիմացութիւն ապրեցոյց
յայնժամ զՍպարտիա : Քանզի Իղոտք դե-
դերեալք ՚ի դաշտան՝ ՚ի կողմանց կողմանց
յայնժամ հորդան տային հասանել ու-
տակել և զմնացեալսն ՚ի Սպարտացւոց .
այլ ՚ի զէն ՚ի զարդ վառեալ և ՚ի կարգի յակն
արկեալք զնոսա , վերջտանեալ դնային ՚ի
մերձաւոր քաղաքսն . և ապա յայտնի մարտ
ընդդէմ՝ նոցա յարգարեալք՝ յանկուցա-
նէին ոչինչ նուազունս և ՚ի շրջակայ ժողո-
վըրդոց . առ այս՝ և Մեսսենացիք յայն-
ժամ ինքնին մարտ եդեալ կռուէին ընդ
Սպարտացւոց :

Իբրև այս եղև , առաքեցին Լակեդեմո-
նացիք զՊերիկղիդաս յԱթէնս խնդրել

օգնութիւն. ոյր աղաղաւ և Արիստոփա-
նէս հեգնեալ զայրն ասէ. Նստեալ Պերիկ-
ղիդաս մերձ առ բազինսն՝ ծիւրեալ դեղ-
նեալ, և որդան կարմիր զլւրեաւ արկեալ,
ինդրէր զօրական: Արդ ընդդէմ դարձեալ
ինդրոյն Եփիաղտէս պնդէր չտալ ձեռն
օգնականութեան և 'ի վեր չամբառնալ
զքաղաքն նախանձաւոր Աթենայ. նա՛ թո-
ղուլ լքանել զնա 'ի նուաճութեան իւ-
րում և 'ի խոնարհութիւն կրթել զամ-
բարտաւանութիւն նորա: Իսկ անդուստ
Կիմոն՝ որպէս Կրիտիաս ասէ՝ զլակեդե-
մոնացոցն շահ նախամեծար քան զբար-
դաւաճել զիւրոցն կարգեալ և զխուժանն
ամոքեալ ներհակաբար Եփիաղտեայ, հա-
նէր 'ի ճակատ բաղմութիւն հետևակաց 'ի
թիկունս օգնականութեան Սպարտացոց:
Բայց Յուն և զբանն գլխովին պատմէ
մեզ՝ որովք մեծապէս գրդեաց Կիմոն զԱ-
թենացիսն, մի թոյլ տալ նուաճութեանն
Սպարտոյ, զի մի թերևս կաղասցի Ելլա-
դա, և խրեանց քաղաքն անբաժ 'ի հաւա-
սարակչութենէն կացցէ:

Ապա յետ օգնութեանն Լակեդեմո-
նացոց, խաղացուցեալ Կիմոնի զգօրն
ընդ Կորնթոս 'ի դարձին իւրում, բողոք
չատ բառնայր զնմանէ Լակքարտոս, զի
մինչև բանազնաց եղեալ ընդ Կորնթացիս՝
այնպէս խաղացոյց 'ի ներքս զգօրն. զի և
ոչ որք արդեօք առ դուրս ուրուք բաղխեալ
ոչ մտանէ մինչև թոյլ տանուտեառնն
տուեալ: Զայն լուեալ Կիմոնի, ետ պա-

տասխանի . “ Այլ դուք ինքնին ո՞վ Լակ-
քարտէ , չբախեալք առ դուրս Կղէոնա-
ցւոց և Մեգարացւոց , այլ խորտակեալ
զայն , այնպէս բռնացարուք դուք զինու-
զարդու մտանէլ 'ի ներքս . կարծեցէք՝ ե-
թէ բռանց առաջի բաց իցէն ամենայն
գրուիք , : Եւ այնպէս 'ի դէպ ժամու քա-
ջացաւ նա սպտասխանի առնել Լակքար-
տեայ , և անցեալ դնայր հանդերձ զօրա-
կանօքն :

Բայց Լակեղեմոնացիք և զայլ նուազ
'ի թիկունս զԱթենացիան կոչեալ ընդդէմ
Մեսսենացւոց և Իղտացն՝ որ էին յԹովմ ,
խիթացին 'ի խիզախ և 'ի խրոխա կերպա-
րանէն Աթենացւոց , և յայլոց նիզակակ-
ցացն որոչեալ զնոսա արձակէին յետս՝
իբրու խաղմարարս ոմանս : Անդանօր նոքա
'ի սրամտութիւն բարկութեան մեկնեալք
'ի բաց , դարձան 'ի թշնամութիւն յիսերիմ
ընդդէմ ամենայն կուսակցացն Լակեղե-
մոնացւոց . և ապա բարուր դուզնաբեայ
կարկատեալ , առեալ վտարանդի առնէին
զԱխմոյն խեցեկոյտ վճռով ընդ ամս տասն .
քանզի և այնչափ է ժամանակ վտարան-
դութեանն այնորիկ :

Չայնու ժամանակաւ դարձ արարեալ
Լակեղեմոնացւոց 'ի զինուորութենէ ան-
տի փրկութեանն Դեղիբեայ 'ի ձեռաց Փո-
կեացւոց , և բանակ հարեալ 'ի Տանագրա ,
'ի մարտ սպտերազմի խաղացին Աթենա-
ցիք ընդդէմ նոցա . եկեալ հասանէր յայն-
ժամ անդր և Ախմոյն վառեալ , և խմբե-

ցաւ նա յիւր ցեղն Էնէական, մտադիւր յօժարու թեամբ մարտ դնել կռուել ընդ իւրոց քաղաքացեացն ընդդէմ Լակեղե մոնացւոց : Յայնժամ աւագանին հինգ հարիւրեանն իրազգած եղեալ և խիթացեալ ևս՝ որչափ ինչ ընդդէմ Ախմոյնի բողոք բարձեալ ասէին թշնամիք նորա, իբրու որ եկեալ հասեալ իցէ անդր ալ մուկ շփոթից յուզել 'ի փաղանդին, և առնուլ ածել զԼակեղեմոնացիսն 'ի քաղաքն, ազդ առնէին զօրավարացն մի ժողովել զայրն : Ապա մեկնեալ անտի Ախմոյնի՝ աղերս արկանէր նախ Եւթիպսոսի Անափիւստեայ, երկրորդ՝ և ամենայն նիզակակցաց իւրոց՝ որ կարծեալ կուսակիցքն էին Լակեղեմոնացւոցն, մարտ քաջութեամբ դնել ընդդէմ թշնամեաց, և այնպէս զայն խիթ մտաց զքաղաքացեացն քերել յանձանց :

Յայնժամ զօրականք թուով հարիւր՝ որոց աղերս զայս արկանէր Ախմոյն, առեալ 'ի նմանէ ողջ զսպառազինութիւն նորա՝ և արձանացուցեալ զայն 'ի մէջ խմբին իւրեանց, և առ հասարակ յոյժ քաջապէս նահատակեալք 'ի մարտին՝ դիտապատ անկան միանգամայն 'ի դաշտին, ըղձակաթս իւրեանց թողեալ զԼթեհացիսն, և խիղճ ևս սաստիկ հարեալ 'ի նոսավանն անիրաւ խիթին : Ուստի և նոքա ոչ ինչ յերկարաձգեցան 'ի սրտմտութեան իւրեանց ընդդէմ Ախմոյնի. կէս մի յուշ զառաջին երախտիսն բերեալք՝ որպէս հա-

ւանեալս եմ, և կէս մի դարձեալ՝ 'ի հարկէ ժամանակին դրդեալք : Քանզի 'ի սարտութիւն մատնեցան նոքա 'ի մեծի սատերազմին Տանագրայ . և սպասեալք ևս 'ի դալ գարնայնոյն բանակի զօրաց Պեղոսոնիտացւոց , յետս 'ի վտարանդութենէն կոչէին զՎիմոն . և դառնայր նա յայնժամ , և զսահման վճռոյն գրէր ինքնին Պերիկղէս : Այնպէս իմն քաղաքականք հանդիպէին՝ որ այնր ժամանակին վէգք և սայքարք , և սրամտութիւն բարկութեանն չափաւոր և դիւրամոքելի 'ի շահ օգտի հասարակաց . և փառասիրութիւնն ինքնին՝ բուռն և սաստիկ քան զամենայն զկիրո՛տեղի տայր 'ի դիւր հայրենեացն : Ապանդէն 'ի դառնալ իւրում ելոյծ Վիմոն զսպտերազմն , և հաշտ ընդ միմեանս առնէր զքաղաքսն :

Իսկ յետ այնորիկ 'ի խաղաղութեան անդ տեսեալ նա զիւրսն՝ զի ցանգ իւրրտեալք՝ ինդրէին յօրանալ 'ի զէնս . և զի մի թերևս այլոց հելլենացւոց նոքա դժոխ ըմբերելիք լինիցին և յածեալք ընդ կողմն կամ ընդ Պեղոսոնիտոս բազմութեամբ նաւաց՝ մարտ գրդուեսցեն ընտանեաց և անդուստ նիզակակիցք բողոք զԱթենայ կալցեն , առեալ նա կազմէր հանգերձէր եռաթիս երկերիւր՝ չու առնել խաղալ մարտ սպտերազմի տալ յԵգիպտոս և 'ի Վիպրոս . ինդրէր յօժարեցուցանել զԱթենացիս 'ի կռիւ ընդ բարբարոս ազգաց , շահավաճառ լինել արդարութեամբ , բե-

րէլ կուտել յԵլլադա զընչաւէտութիւն
զտնկակից զԼրեանց թշնամեացն:

Ապա կազմ տուեալ ամենայնին, և զօ-
րականին առհասարակ խմբեալ առ նա-
ւուքն, Երազ տեսանէր Կիմովն. թուէր
նմա քաճի ուրումն զայրագին հաչել ընդ-
դէմ նորա. և ՚ի հաչան՝ ձայն ևս յողաւոր
զմարդոյ արձակէլ, եթէ « Ե՛կ է՛կ, սիրելի
և ինձ լիցիս և իմոյ կորեանց », : Թէպէտ և
դժուարիմաց յոյժ էր թարգմանութիւն
տեսչեանն, անդանօր Աստիւփիղոս Պոսի-
դովնիատէս իղձ քաջափորձ և Կիմովնի
մտերիմ՝ մահու ազգարար զերպն թարգ-
մանէր այսպէս. քանզի թշնամի է՝ ասէ՝
չունն՝ ոյր ընդդէմ հաչէ, և սիրելի թըշ-
նամւոյն լինել չէք՝ բայց մահուամբ. իսկ
խառնաձայնութիւնդ յայտնապէս զՄարն
նշանակէ թշնամի. քանզի Մարաց բանակ
խառն է ՚ի Հելլենաց և ՚ի բարբարոսաց :
Չայս տեսեալ Կիմովնի Երազ, և զո՛հ զո-
հեալ Գիտնիսեայ, և ըզձին զսպանդն յօ-
շեալ, անդ բազմախուռն մըջմանց շարք
զեռեալ գնային առնուին յարենէ անտի
թանձրացելոյ, և տակաւ բերեալ առ Կի-
մովն՝ ընուին առ բոյթն ոտիցն 5, և ժամ
մի հարուստ խմանայր և ո՛չ ոք զբանն:

Ապա ՚ի վերջէ Կիմովն ուշ եղեալ բա-
նին, ՚ի նոյն և նուիրագործն մատուցեալ
ցուցանէր նմա զԼրեանց անդլուի : Սակայն
և այնպէս ո՛չ ժամանեալ նորա տեղի տալ
՚ի զինուորութենէ անտի, անկանէր յու-
ղի. և առեալ արձակէր վաթսուն ՚ի նա-

ւաց իւրոց յԵգիպտոս, և ինքն նաւեալ
 հանդերձ մնացելովքն, և ՚ի նաւամարտի
 հարկանէր զնաւահանդէսն արքունի՝ որ ՚ի
 Փիւնիկեցոց անտի և ՚ի Վիլիսսեցոց. և
 հասեալ տիրանայր առհասարակ ՚ի վերայ
 քաղաքացն շուրջանակի, և հնարիմաց խոր-
 հրրդով գէտակն ունէր և ՚ի վերայ քաղա-
 քացն Եգիպտոսի. ոչ դուզնաքեայ ինչ
 իրս յաժէր ՚ի միտն, քան թէ սպառ-
 սպուռ զտէրութիւն զարքային Պարսից
 քանդել տապալել: Մանաւանդ զի և
 լուեալ իսկ էր զմեծապէս փառսն և զզօ-
 րութիւն զԹեմիստոկղեայ առ բարբարոսն,
 և զի ընդ թագաւորին՝ և նմա ինքնին հա-
 սանէր յառնել խաղալ ՚ի զօրավարութիւն
 ՚ի մարտ պատերազմի ընդդէմ՝ Հելենաց-
 ոց: Եւ ասէն՝ Եթէ Թեմիստոկղէս յու-
 սահատ եղեալ ՚ի գեղեցիկ ելից պատե-
 րազմին, իբրու ոչինչ ստնանել ոչ բաղդին
 Վիմոյնի և ոչ քաջութեանն, մահ անձին
 առթեաց:

Ապա Վիմոյն ՚ի վեր զխորհուրդս իւր
 առեալ վասն մեծամեծ մարտից պատե-
 րազմաց, անդանօր ՚ի Վիպրոս զտեղի կա-
 լեալ նաւուքն, առաքէր ՚ի մեհեան անդր
 Ամմոյնի՝ խորհուրդ ՚ի պատգամախօսէն
 հարցանել վասն գաղանեաց. զի և բնաւ
 իսկ իմացաւ և ոչ ոք զպատճառս առաք-
 մանն: Այլ և ոչ ինքնին գիքն գուշակեաց
 ինչ առ պատգամաւորսն. այլ անդէն ՚ի
 մտանել նոցա հրաման տայր մեկնել. և ա-
 սէր՝ Եթէ առ իւր հանգուցեալ կայ Վի-

մոլն : Չայն լուեալ նոցա, իջեալ վաղվա ղակի 'ի ծոմն և հասեալ 'ի բանակ նաւացն Հելլենացւոց՝ որ քերէր յայնժամ առ Եգիպտոսիւ, լուր առին զմահուն Աիմոմի. և զաւուրսն հաշուեալ 'ի բանից անտի պատգամախօսին առ նոսա, ծանեան՝ զի առակաւ ակնարկեաց զմահն նորա՝ իբրու ընդ աստուածոց հանդէլ նմա :

Եւ մեռաւ Աիմոմն՝ որպէս բազմագոյնք ասեն 'ի մատենագրացն՝ խօթացեալ հիւանդութեամբ 'ի պաշարման անդ Աիւտեայ . և որպէս կէսք ասեն՝ վէրս առեալ 'ի մարտին ընդդէմ բարբարոսաց : Եւ պատուիրեաց նա 'ի մահուն իւրում, չու վաղ վաղակի առնել յԱթէնա՝ 'ի ծածուկ ըզմահն ունելով . և ճգրտիւ պահեցին ըզպատուէրն՝ զի և մինչև 'ի թշնամեաց դք կամ 'ի նիզակակցացն իրազէկ բանին եղեալ, յանգորր հասեալ իսկ էր նաւահանդէսն . առաջնորդեալ՝ որպէս ասէ Փանեդեմոս՝ իբրու 'ի նմին իսկ 'ի Աիմոմեէ վախճանելոյ՝ զաւուրս երեսուն յետ մահուն իւրոյ :

Իսկ յետ մահուանն Աիմոմի՝ ոչ դք 'ի զօրավարացն Հելլենացւոց նահատակութի երևելի ոչ գործեաց ընդդէմ բարբարոսացն . այլ ձգեալք բերեալք 'ի հռետորաց ռամկին, և գժտեալք ընդ միմեանս, և խաղաղարար և ոչ մի դք գտեալ նոցա, 'ի մարտ ևս գրգռեցան ընդ միմեանս . ոյժետուն կողման թագաւորին, և մեծապէս յոյժ խանդարեցին զզօրութիւն Ելլագայ :

Եւ թէպէտ և յետ հարուստ ժամանակի 6, խաղաց գիմեաց Ագեօիղայոս յԱսիա, և անդ մարտ ծովամարտ դուզնաքեայ յարդարէր ընդ զօրավարաց արքային, այլ մինչ չև երևելի ինչ գործեալ և մեծ, կոչեցաւ յԵլլադա 'ի սլատճառս ինչ ամբօխից և հերձուածոց, թողեալ անդ 'ի քաղաքս նիզակակցացն և բարեկամաց հարկահանս զՊարսիցն: Յորոց և ոչ սուրհանդակ դք թղթաբեր 'ի նոցանէ առ Վիմոնի զօրավարութեամբն՝ ոչ ժտեաց իջանել և ոչ հեծեալ դք 'ի Պարսից երևեցաւ, այլ բացական կայր 'ի ծովէն ասպարիսօք չորեքհարիւր:

Բայց նշխարք Վիմոնի ածեալ բերան յԱտտիկէ, և վկայեն շիրխքն՝ որ մինչև ցայսօր ժամանակի կոչին՝ Կիմոնի: Այլ սակայն և Վիտայիք ինքնին 'ի սլատուի ունին գերեզման մի զՎիմոնի. քանզի որպէս Նաւսիկրատէս ասէ հռետորն, 'ի սովել և յերաշտանալ երկրին նոցա՝ հրաման լինէր նոցա առ 'ի դիցն՝ մի զանց զՎիմոնիւ առնել, այլ շուք և սլատիւ ձօնել նմա՝ իբրև առաւելագունի ումէք: Այսպիսի դք եկաց զօրավար այս հելլենացի:

ԾԱՆՕԹՈՒԹԻՒՆՆԵՐ

1. Պլուտարքոս Քերոնիացի զկնի բազմահոլով ժամանակաց գեղեցիկ դարձ չընորհապարտ սրտի՝ ընծայէ Լուկուղղեաց գեղեցիկ ևս արձանագրութեամբ վարուց առնն, իբրու որ փրկիչ եւն իւրոց հայրենեաց :

2. Վրիտակ սպրդեալ է յօրինակագրաց ՚ի բնագրին . քանզի և Պլուտարքոս ինքնին քաջիկ գիտէր զժամանակ զայն՝ իբրև ամաց ութ հարիւրոց :

3. Ճաշատուն հասարակաց յԱթէնս՝ վասն բարեգործաց քաղաքին :

4. Քանզի Σεισμός . ՚ի Յն. նշանակէ Գետնաշարժ, սասանութիւն :

5. Քանզի ըստ Աթենացւոցն սովորութեան, բոկ օտիւք կայր Կիսնոն ՚ի զոհն :

6. Այս է՝ յետ ամաց յիսուն և հնգից :



ԼՈՒԿՈՒՂՂՈՍ

ԼՈՒԿՈՒՂՂՈՍԻ հաւն էր 'ի հիւսպատասկան կարգէ, և մայրենի սրապն նորա՝ էր Մեռեղլոս մականուանեալն Նոմադիկոս. իսկ հայր նորա ամբաստանեցաւ 'ի գողութեան. և Վեկիլիա մայր նորա վատահամբաւեցաւ իբրու ոչինչ պարկեշտակրօն: Իսկ ինքն Լուկուղլոս՝ մինչ տակաւին պատանեակ էր, մինչև զաւագութեան ինչ թեկն ածեալ և յերս քաղաքին միջամուխ եղեալ, առաջին 'ի գործ նահատակեցաւ դատախազ լինել զՍերվիլիոսէ հաւահմայէ իբրու որ փաստակար իցէ քաղաքին, այն՝ որ դատախազ կացեալ իսկ էր հօրն իւրոյ: Եւ ապա զայս գործ նորա՝ հոյակապ համարեցան հռոմայեցիք. և զայն դաս նորա իբրև քաջութիւն նահատակութեան զհամբաւի հարկանեն նորա: Քանզի և թուէր իսկ նոցա ոչինչ

անփառունակ գործ՝ դատախազ անպարտուակ կալ. և սիրէին ևս տեսանել զիւրեանց պատանիսն հետամուտս 'ի հալածել զիւսասակարս, իբրու բարակք ոմանք քաջք՝ զգազանս: Բայց 'ի դատին երկոքին ևս կողմանք 'ի պայքարս եկեալ դժընգակս յոյժ, զի և կիսոց վէրս առնուլ յայնժամ, և կիսոց ևս 'ի մահ տարածել, 'ի վերջէ ուրեմն արձակեալ լինէր Սերվիլոս:

Իսկ էր Լուկուղղոս և երկաքանչիւր ևս լեզուաց քաջավարժ. մինչև և Սիլվայի ինքնին զՅիշատակագիրս զիւրոց նահատակութեանցն նուիրել Լուկուղղոսի, իբրու որ յաջողաձեռն էր լաւագունի ընծայել կարգի և ոճոյ զպատմութիւնն զայն: Քանզի և չէր իսկ նորա բանն ճշգրիտ և ճարտար առ 'ի սէտս հարկին միայն՝ իբրու զայլոց ոմանց, որ զատեանն « իբրու դոն ահապին՝ բախեալ յուզեսցէ զծով մեծ », բայց ապա արտաքոյ ատենին՝ « Սին և չոր առ անուսումնութեն անշնչացեալ կայ », այլ անդատին 'ի պատանի տիոցն վարժեցաւ նա իբրև 'ի վայելուչ զարդ անձին՝ 'ի գեղեցիկ դպրութիւնն, զոր Ազատականս կոչեն: Իսկ 'ի ծերութեանն առեալ ըզմիտան հանդարտեալ 'ի բազում մարտից՝ պարապեցոյց յիմաստասիրականին վարժս, վառեալ յառաքինութիւն տեսականին, և սանձեալ 'ի ժամուն զիղձ փառաց և զպատուոյն՝ յետ դժտութեանն ընդ Պոմպէի: Առ այսոքիւք՝ և յաղագս բանասի-

բուժեան նորա պատմեն և զայս, եթէ պատանեակ տակաւին դողով՝ գիմագրաւէր իբրև 'ի խաղոյ՝ յանդիման Որտեսխոսի իրաւարանի և Սխեննայ պատմաբանի, իբրև բաւական յարձանագրել զմարտ պատերազմին Մարտիկեան 'ի քերթեալ կամ թէ 'ի ճառ, 'ի լեզու հելլենացի կամ 'ի հռոմայեցի, զխորդ և վիճակ հանեալ՝ պատահեսցին իբրն : Եւ թուի ելանել վիճակին՝ 'ի ճառ հելլենացի . քանզի և կայ իսկ այսօր հելլենացի պատմութիւն Մարտիկեան մարտին :

Իսկ յազազս անծուկ սիրոյն նորա առ Մարկոս եղբայր իւր՝ բազում հաւաստիս 'ի դէմս բերեալ նա, յաւէտ իմն առաջնոյն այնմիկ յիշատակ առնեն հռոմայեցիք . զի երէց քան զեղբայրն դողով՝ ոչինչ կամեցաւ միայնակ աւագութիւն յանձն առնուլ, այլ եկաց մնաց մինչև յաճել հասակին նորա . որով և 'ի սէր իւր այնչափ յանկուցանէր զժողովուրդն, զի և ամբարապետ՝ թէպէտ և բացական՝ կարգել ընտրեցին զնա 'ի միասին ընդ եղբօրն :

Բայց մինչդեռ տակաւին պատանի էր, քաջութիւն մեծապէս և հանճար եցոյց նա 'ի Մարտիկեան մարտին, և Սիւղղաս 'ի վեր քան զամենայն յանդրդուելի հաստատութենէ անտի նորա և 'ի հեզութենէն ածեալ ձգեցաւ գլխովին յինքն դրաւականել զնա . և ցանգ գործի 'ի ձեռն առ զնա 'ի մեծամեծս, ըստ որում և 'ի հասանելն զդրամ . քանզի և 'ի Մհնրդա-

տեան մարտին դրամք բազմագոյն մասամբ հատան 'ի ձեռն Լուկուղղեայ 'ի Պեղոպոննիսոս, և յանուն նորա կոչեցան Լուկուղղեանք. և հարուստ ժամանակ 'ի մարտի անդ հանապազ առ ձեռն դտան 'ի պէտս զօրականին: Եւ մինչդեռ յԱթէնս էր Սիւզղաս, Թէպէտ և 'ի ցամաքի յաղթական թշնամեաց, այլ 'ի ծովու խոնարհագոյն քան զնոսա՝ որ և զանցս կուրացուցին զպաշարոց նորա, առեալ արձակէր զԼուկուղղոս յԵգիպտոս և 'ի Լիբիա՝ ածել նմա անտի նաւ: Եւ էր յայնժամ խոր ձմերայնի. 'ի վերայ այսր յուղի անկանէր Լուկուղղոս երիւք նաւուք հեղէնացի և նոյնչափ նաւակօք Հոռոպացոց, 'ի կշիռ զանձն եգեալ 'ի ծովն յահագին և 'ի գումարտակ մեծ նաւաց թշնամեացն, որ տիրացեալ առհասարակ ծովուն՝ արձակ արձակ ասպատակ տիրէին: Սակայն և հասեալ կալաւ նա հեշտին զՎրետէ, և անդանօր առհասարակ զքնակիչս կղզւոյն յինքն յանկուցանէր:

Անտի անց առ Վիւրէնացիս, և 'ի հանապազօրեայ բռնաւորութեանց և 'ի մարտիցն գտեալ զնոսա 'ի շփոթս ամբոխից, կայր և հաստատէր զնոսա և գեղեցիկ սահմանաց ընծայէր զքաղաքն նոցա. 'ի յուշ նոցա ածեալ զպատասխանին զայն զՊլատոնի, որով անշուշտ նա իբրև մարդարէ գտաւ առ նոսա, յորժամ յաղաչէլ նոցա զնա գրէլ վասն նոցա օրէնս, և սահման վարչութեան չափաւոր և զգօն՝ տալ ժո-

ղովորեանն, ետ պատասխանի. Դժնդակ յոյժ է օրինադիր ընեւ վասն Կիւրենացւոց, որ այնչափ իմն բարդաւաճեալ էին առ ՚ի բախտէն: Քանզի և չիք ինչ յէից առաւել ապառուժքան զմարդ բարեբաստիկ, և չիք դարձեալ առաւել ձեռն ընդեւ քան զայր վատաստար: Ոյր աղաքաւ և Կիւրենացիք յայնժամ մեծապէս հեղութեամբ հպատակ կացին օրինացն Լուկուղղեայ:

Ապա անտի նաւեալ յԵգիպտոս, կորուսանէր բազումն ՚ի նաւացիւրոց յապատակութենէ անտի հինիցն. այլ ինքն ողջանդամ զերծեալ, հիւրընկալութիւն մեծապէս գտանէր յԱղէքսանդրիա, ընդ առաջ նմա եկեալ ողջոյն հանգիսի նաւացն ՚ի կարգ գեղեցիկ և հոյակապ զարգարեալ զարդու, իբրու արդարև ընդ առաջ արքայի որ յարչաւանաց ուստէք դարձեալ իցէ: Եւ յայնժամ Պտղոմէոս կրտսեր բաց յայլոց գեղեցիկ հիւրամեծարութեանցն, ՚ի ներքս մատուցանէր նմա և տուն բնակութեան և սեղան յիւր սեպհական արքունիսն. որում և ոչ ոք երբէք վիճակեցաւ յառաջագոյն յեկաց անտի զօրավարացն. առ այսոքիւք՝ և ոռձիկ և թոշակ կարգէր նմա, ոչ որպէս այլոց, այլ քառապատիկ առաւելութեամբ: Իսկ Լուկուղղոս առեալ միայն ՚ի կարևորացն, ընծայիցն երեսս ինչ չառներ. թէպէտ և պարգևք ՚ի ներքս մատուցան նմա գնոց ութսուն քանքարաց: Եւ պատմեն՝ եթէ

զայն աւուրան ո՛չ 'ի Մեմփիս եւ Լուկուղղոս, և ո՛չ 'ի տեսանել չոքաւ նա ինչ մի 'ի գերահաչակ անտի սքանչելեացն Եգիպտոսի. և ասէր՝ եթէ գրգասէր և պարապորդ մարդոյ է գործդ, և ո՛չ իւր. որ զքորավար իւր զմեծ թողեալ իցէ 'ի բացեայ բանակեալ մօտ 'ի սրանէչս թշնամեաց: Բայց Պտղոմէոս յայնժամ յանձն չառեալ նիզակակից Սիւղլայի լինել՝ զանգիտեալ 'ի մարտից պատերազմաց, տայր Լուկուղղեայ նաւս առաջնորդականս մինչև 'ի Վիպրոս. և յուղի անկանել նորա՝ գիրկս նմա ածեալ մտերիմս և շքով, զմրուխտ սրատուական ոսկեկասպիճ պարգևէր նմա. զառաջինն յանձն չառնոյր Լուկուղղոս. իսկ իբրև թագաւորն զքանդակ 'ի նմա զիւրոյ պատկերին ցուցանէր նմա, ո՛չ ժտեցաւ Լուկուղղոս տեղի տալ, զի մի 'ի կարծիս ինչ թշնամութեան մեկնեալ 'ի նմանէ՝ դարանք ինչ նմա գործեսցին 'ի ծովուն:

Բայց 'ի դարձի անդ իւրում ժողովեալ Լուկուղղեայ նաւս բազումս յամենայն ծովեզերեայ քաղաքացն, ընդ որս անցանէր՝ ահ արկեալ նիզակակցաց հինիցն, իբրև եկն եհաս 'ի Վիպրոս, անգանօր լուր առնոյր զի թշնամիք դարանամուտ նաւուք 'ի հրուանդանսն սպասեն նմա. նա անդէն 'ի ծովեզր միանգամայն զամենայն զնաւսն քարչեալ, գրէր տայր առ քաղաքս քաղաքս վասն պաշարոց ձմերոցին, իբրու որ անգանօր ձմերեւ նմա՝ մինչև 'ի գալ գարնայնոյն: Այլ ասպա իբրև հողմն շնչեաց

նմա յաջողակ, յանկարծակի 'ի ծով խաղացուցեալ զգումարտակ նաւացն՝ անկանէր յուղի. զցերեկ նաւէր խոնարհագոյնս և հանգրիձեալ առագաստիւք, և զցայգամբառնայր և սարգէր. և այնպէս ողջանգամ եկեալ հասանէր 'ի Հռոդոս: Անդա նօր և նաւս այլ տուեալ նմա 'ի բնակչաց կղզւոյն, ածէր հաւանեցուցանէր զՎովացիս և զԱնիդացիս ոչ ևս կալ 'ի միամտութեան ընդ արքային, և 'ի մարտ խմբել ընդ Հռոմայեցւոց ընդդէմ Սամոսացւոց: Եւ ապա 'ի Քիոյ վանէր հալածէր միայնակ՝ որ անդ զսահապան գունդ զարքային, և յանգորր հանէր զՎողովոփոնացիս, ձերբակալ արարեալ զԵպիգոնոս նոցուն բռնաւոր:

Չայնու ժամանակաւ Միհրդատ 'ի բաց լքեալ զՊերգամոն, տեղի ետ 'ի Պիտանէ. ուր և 'ի նեղ արկեալ և սաշարեալ 'ի Փիմբրիասայ ընդ ցամաքակողմն, գէտակն կալեալ նա 'ի ծովակոյսն՝ առաքէր կոչէր առ ինքն 'ի կողմանց կողմանց և կուտէր խմբէր 'ի մի առհասարակ զնաւնոցինչ իշխէր 'ի վէգ գալ մարտիւ ընդ Փիմբրիասայ քաջի առն և յաղթականի: Իրազեկ այնմ եղեալ Փիմբրիաս՝ որ նաւաց զօրութեամբ խոնարհագոյն էր քան զնա, հրեշտակս ձեպով տայր առ Լուկուղոս, աղաչէր գալ հասանել իւրովք նաւուքն, և գործակից մարտակից՝ ձերբակալ զարքայն առնել զահաբեկն և զօխերիմն. և մի զմրցանակ զայն զմեծաց մարտից և զբազ

մաց քրտանց 'ի ձեռաց հանել, յորժամ
 դէպ ժամանակն ինքնին տայ հեշտին որ-
 սալ զնա՝ 'ի հազրս շաղեալ նորա . զոր և
 'ի գլուխ տարեալ՝ ոչ ոք այնպէս գերա-
 գունին հանգիստեացի փառաց՝ իբրու որ
 զփախուստ որսոյն արդէլեալ՝ ըմբռնեացէ
 զնա՝ 'ի ճողոպրէլ նորա . ուստի և յերկո-
 ցուն կողմանց մին վանեալ զնա՝ 'ի ցամա-
 քէն, և միւսն նեղեալ զնա՝ 'ի ծովէն, եր-
 կոցուն նոցա ընծայեացին փառք նահա-
 տակութեանն . առ որով և ոչինչ գրես-
 ցեն այնուհետև Հռոմայեցիք զՍիւղլայի
 նահատակութիւնսն, որ զհամբաւի հարան
 յՈրբոմենոն և 'ի Քերոնիսիա :

Արդ պատգամաւորութիւն այս Փիմ-
 բրիասայ առ Լուկուղլոս ոչ դժպատեհ
 ինչ էր և ոչ դժուարին . քանզի և յայտնի
 էթէ Լուկուղլոս ինքնին՝ որ չէր ինչ բա-
 ցական՝ հաւանեալ բանին և շուրջանակի
 անդր զնաւան ածեալ՝ փակեալ էր զնաւա-
 հանգիստն, անշուշտ մարտին վճարեալ
 և Հռոմայեցւոցն զերծեալ իսկ էր յամ-
 բաւ աղէտիցն : Այլ կամ զի քան զամե-
 նայն շահ առանձին և զհասարակաց՝ նա-
 խամեծար ընտրեաց նա զհրամանակատար
 լինել Սիւղլայի՝ յորմէ պատուիրակ առա-
 քեալն էր . կամ զի յատելութիւն բերաւ
 նա ընդ Փիմբրիասայ ժանտին, որ վայրիկ
 մի յառաջ յինքն տարեալ զիշխանու-
 թիւնն՝ 'ի մահ վարեաց զայրն մեծ զզորա-
 վար և զբարեկամ նորա . և կամ զի կամաց
 աստուածայնոյ ինչ Բախտի ներեալ յայն

Ժամ Միհրդատայ և յայլ Ժամանակ պահեալ զոխերին զայն, յանձն չէառ 'ի Ժամուն Լուկուղղոս հաւանել բանիցն Փիմբրիասայ. և այնպէս պարսպ դտեալ նաւագնաց ճողապրէր Միհրդատ՝ ծաղր առնելով զստուար բանակաւն Փիմբրիասայ :

Յետ այսորիկ Լուկուղղոս եհար խորտակեաց զնաւս արքային նախ 'ի Լէքսոս՝ վայր Տրովագայ՝ ուր պատահեցին նոքա միմեանց. ապա և 'ի Տէնեդոս. ուրանօր լուր առեալ՝ զի 'Նէոպոլոմէոս զտեղի առեալ կայ մեծապէս կազմութեամբ, նահատակեցաւ ինքն ընդդէմ՝ նորա՝ ամբարձեալ 'ի հնգաթի մի հռոգացի, ոյր ղեկավար Դեմագորաս՝ այր բարեկամ՝ հռոմայեցւոց և քաջամուտ նաւամարտի : Անդուստ և 'Նէոպոլոմէոս դիմեալ ընդդէմ Լուկուղղեայ ամենայն զօշութեամբ, հրաման տայր ղեկավարին յառաջ վարել ոգորել բախել զնաւ Լուկուղղեայ. անդանօր զանգիտեալ Դեմագորաս 'ի Թափոյ յաղթահարուստ նաւուն արքունի և 'ի պղնձավառ քաջամուր ցռկէն, ո՛չ իշխեաց բախել հարկանել ընդ առաջակողմանն, և շրջան արագապէս տուեալ նաւուն իւրոյ՝ խնդրէր 'ի խելնն առնուլ ըզթափն : Ապա ընդհարեալ նաւուն, 'ի փոքրոգի բախմանէն փնասեցաւ և ոչինչ, քանզի հարան նորա կողմանք ջրասոյզք : Յայնժամ և այլք 'ի նաւացն նորա յառաջ վարեալ, հրաման տայր Լուկուղղոս

դարձուցանել զառաջակողմն ընդդէմ թըչ նամեաց . և նահատակութիւնս յայնժամ տարեալ մեծամեծս՝ ՚ի փախուստ դարձուցանէր զնոսա , և հարուստ միջոցաւ զհետ մտեալ վանէր զՆէոպոլիտոս :

Անտի խաղաց գնաց , և խմբեալ ընդ Սիւղլայի յանցանել նորա ՚ի Քերրոնիսոն , յանդորր հանէր զանցս նորա և նըպաստ լինէր ՚ի չու զօրականին : Ապա դաշինք կուեալ խաղաղութեան , անցեալ նաւեր Միհրդատ ՚ի ծով Եւֆսինեան , և Սիւղլաս տուգանաց դատակնիք ՚ի վերայ ածէր Ասիոյ քանքարաց երկուց բիւրուց : Եւ քանզի Լուկուղլեայ ինքնին յանձն եղև հանել զհարկն զայն և դրամ ևս հատանել , թուէր իմն քաղաքացն այնոցիկ՝ ոգի առնուլ յանհամբոյր խտուրթեանն Սիւղլայի . զի յանձն եղև գործն այնպիսում առն՝ որ ոչ անզոչաքաղ և արգարակորով միայն էր , այլ և հեշտ և բաղձալի՝ որչափ ինչ մարթէր՝ ՚ի դժոխարմբերելի պաշտամանն :

Բայց յայնժամ վտարանջեալ ՚ի նմանէ Միտիւլինացւոց , ըղձայր նա բարւոյն նոցա՝ դոյզն պատուհաս յանձն առնուլ զյանցաւորութեան խրեանց ՚ի կուսակցութեանն ընդ Մարիոսի . այլ նոցա պընդեալ ՚ի չորութեանն , նա խաղաց ընդդէմ . և մարտիւ պարտեալ զնոսա , տու փակեաց զնոսա ՚ի ներքս ՚ի պատուարսն . և շուրջ սաշարումն զնոքօք ածեալ , ՚ի լոյս տունջեան ակն յայտնի ելեալ չու առնէր

'ի վայրացն՝ դէպ ուղիղ նաւեալ յԵղէա .
բայց ապա 'ի մուծ գիշերոյն զանխուլ
յետս դարձեալ և դարանամուտ առ քա-
ղաքուն եղեալ , անդ անշունջ դարա-
նեալ նստէր : Իսկ Միտիւլինացիք անկարգ
ամբոխիւ յանդգնաբար 'ի դուրս ելեալ ,
կարծեալք զառ և զասուր ժողովել զբա-
նակին թշնամեաց՝ զոր լքին , նա յեղա-
կարծումն 'ի վերայ անկեալ նոցա , սաս-
տիկ որեար ձերբակալ առնէր , և հարկա-
նէր սատակէր ոգիս հինգ հարիւր՝ որ զգէմ
դարձան . և դերի վարէր 'ի նոցանէ ոգիս
վեց հազար և աւար բազում :

Բայց Լուկուղղոս 'ի կիրս անդ ամբաւ
աղէախցն Իտալիոյ առ 'ի Սիւղղայէ և 'ի
Մարիոսէ՝ հաղորդեցաւ և ոչինչ . քանզի
պատաղեալ գոյր նա յայնժամ՝ յատուա-
ծայնոյ իմն գողցես բախտէ՝ 'ի գործս նա
հատակուծեանն Ասիոյ : Սակայն և ոչ խո-
նարհագոյն քան զայլսն 'ի բարեկամաց իւ-
րոց յարգեաց զնա Սիւղղաս . նա և առ
մտերմուծեանն՝ նմա առեալ նուիրեաց՝
որպէս ասացաք՝ զիւր Յիշատակագիրսն .
առ այս՝ և 'ի մեռանել իւրում՝ զնա ցու-
ցանէր դայեակ իննամակալ իւրում զա-
ւակին՝ յետս տարեալ զՊրոմպէոս . և թուի
թէ այս եղեն առաջին պատճառք նա-
խանձաւոր գժտուծեան նոցա ընդ մի-
մեանս . քանզի և երկոքին իսկ պատանիք
առոյգք էին վառեալք 'ի սէր փառաց :

Իսկ վայր մի յետ մահուն Սիւղղայի ե-
կաց նա հիւպատոս 'ի միասին ընդ Մար-

կոսի Կոտտասայ 'ի հարիւրորդի եօթա-
 նասներորդի վեցերորդի Ողոմպիագին: Եւ
 յայնժամ 'ի բազմաց ոմանց գրգռեալ
 միւսանդամ մարտ Միհրդատեան, ասէր
 Մարկոս զայն մարտ պատերազմին ոչ վճա-
 րեալ ինչ, քան եթէ ընդմիջեալ: Ոյր
 աղագաւ և վիճակ հանեալ դաւառացն,
 իբրև Գաղատիա որ յայսկոյս Ալպեանց՝
 վիճակէր Լուկուղղեայ, 'ի խոր խոցեցաւ
 այրն՝ իբրու ոչինչ պատճառս ունել նմա
 'ի դաւառին յայնմիկ զմեծաց մրցանաց .
 բայց և մեծապէս խէթ սրտի նորա էր մեծ
 համբաւ քաջութեանն Պոմպէի յԻբերիա .
 ուստի և 'ի վճարել անդանօր մարտին,
 նմին խկ Պոմպէի քան այլոց ոմանց՝ ըստ
 հասարակաց ակնկալութեանն հասանէր
 կարգել 'ի զօրավարութի ընդդէմ Միհրդա-
 տայ: Ուստի և յառաքել Պոմպէի 'ի խըն-
 դիր դրամոյ 'ի հռոմ, և 'ի գրել եթէ 'ի
 յաջողէն, լքեալ զԻբերիա և զՍերտո-
 րիոս՝ ածցէ զզօրն յԻտալիա, մտադիւրա-
 դոյնս ձեռնուու լինէր Լուկուղղոս առա-
 քել նմա զդրամն, զի մի նա պատճառեալ
 դարձ 'ի հռոմ արասցէ 'ի հիւպատոսու-
 թեան իւրում. դիտելով քաջ զի այնչափ
 զօրու նա զամենայնն այնուհետև ըստ կա-
 մացն տարցի և բերցէ 'ի քաղաքին. ուր զի
 և ինքնին Վեթեգոս, այն որ բանիւք և ար-
 դեամբք յամենայնի ըստ քմաց վարեալ
 խուժանին, տիրացեալ իմն էր յայնժամ
 'ի վերայ քաղաքին, և թշնամութեամբ էր
 ընդ Լուկուղղոսի. քանզի ասեայր զվատ

ԹարուԹեան կրօնս նորա, Ղլցեալն պաղ-
 շտուԹեամբ և խեռուԹեամբ և յամե-
 նայն ազգ չարուԹեան. ուստի և մարտ
 յայտնի յարդարեալ էր ընդդէմ նորա :
 Բայց ընդ միւսոյ հռետորի խուժանին՝
 այն էր Լեւկիոս Կուփնտոս, որ ընդդէմ
 դառնայր սահմանաց կարգացն Սիւղլայի և
 դուն գործէր վեր 'ի վայր առնել զամե-
 նայնն, բազում խորհուրդ 'ի ներքս բե-
 րեալ գեղեցիկ խրատութ անանձինն, և
 շատ ևս յորդորեալ 'ի հրասպարակի, շրջէր
 զայրն 'ի խորհրդոցն և խոնարհ առնէր
 զամբարտաւանուԹիւն նորա. Զան 'ի վե-
 րայ եգեալ իբրև ճշգրիտ քաղաքագէտ և
 փրկաւէտ հնարիմացուԹեամբ դուն գոր-
 ծէր աւագեւ զսկիզբն զգժուարին զախտին
 զայնորիկ :

Չայնու ժամանակաւ լուր հասեալ մա-
 հուն հոկտաւիտի՝ որ կուսակալն էր Ալի-
 լիկիոյ, բազումք ցանկացեալք 'ի ձեռս բե-
 րել զայն գաւառ, սպաս հարեալ պաշ-
 տէին զՎեԹեգոս, իբրու որ առ մեծի աէ-
 րուԹեանն ձեռնհաս էր կամագիւտ զխըն-
 դրեւիան կացուցանել : Իսկ Լուկուղղոս
 ոչ զի առ մեծ ինչ գրեալ զՎիլիկիա ա-
 ռանձինն, այլ զմտաւ ամեալ՝ զի եթէ
 զկուսակալուԹիւնն առցէ ինքն զՎիլիկիոյ՝
 որում մօտ է Կասպագոլկիա, ոչ զայլ քան
 Թէ զինքն՝ կարգեացեն 'ի մարան Միհրդա-
 տեան, դուն գործեաց և ինքն ոգուվ չափ
 վասն անձինն. որպէս զի և ընդդէմ բու-
 սոյ բարուցն գործ մի գործել ոչինչ գո-

վանի և վայելուչ, սակայն և պիտանի 'ի հասանել խնդրոյն:

Էբ 'ի ժամանակին կին ոմն անուն Պրեկիա՝ 'ի գեղ գիմացն և 'ի խեղզս շրթանց համբաւեալ 'ի քաղաքին, խակ այլով մասամբ ոչինչ լաւագոյն քան զբող անպատկառ. սակայն գործի 'ի ձեռս առեալ նա զարս կենակիցս իւր 'ի շահ օգտի սիրելեացն, նիզակակից նոցայն լինել ջանից քաղաքականութեանն, բաց յայլոց շնորհացն համբաւեցաւ և իբրև կին ըղձակաթ սիրողացն, և յաջողաձեռն, և այսպէս ուրեմն զօրացաւ մեծապէս: Եւ ապա այս կին յինքն յանկուցեալ զՎեթեգոս, մինչև և ոչ հանդուրժել նմա 'ի բացեայ 'ի կնոջէն կալ. և որ ինքն 'ի ծայրն արդէն հասեալ էր փառաց և քաղաքն ողջոյն կախեալ խակ էր զնմանէ, յայնժամ 'ի կին անգր միայն գրաւեցաւ ողջոյն և տէրութիւն քաղաքին. զի և գործէր և ոչինչ 'ի քաղաքին առանց Վեթեգոսի, և գործէր ոչինչ Վեթեգոս առանց հրամանին Պրեկիայ:

Ապա շնորհս առաջի կնոջն հնարիմացութեամբ գտեալ Լուկուղղոս ընծայաբերութեամբք և շողմնութեամբք, և յայնժամ էր և զկինն տեսանել խնամոտ 'ի զօրավիզն Լուկուղղեայ սպասարկուի, (վարձ մեծապէս կնոջն փբացելոյ և պերճացելոյ). ուստի և Վեթեգոս արագ արագ բարեբան և նպաստ Լուկուղղեայ հանգիստ նայր 'ի բանն Վիլիկիոյ: Զոր և 'ի ձեռս բերեալ Լուկուղղոս, այնուհետև ոչ օգ-

նականութեան ինչ Պրեկիայ պէտք եղէն նմա և ոչ Կեթեգոսին . այլ յայնժամ առհասարակ միաբան հաւանութեամբ 'ի ձեռս ետուն նմա զզօրավարութիւն մարտին Միհրգատայ, իբրու ոչ ումեք այլ քաջանալ յայնմ բայց 'ի նմանէ . զի յայնժամ Պոմպէոս տակաւին պարասպէր ընդդէմ Սերատիլիոսի . և Մեանդրոս ինքնին առ ծերութեանն ոչ ևս յանձն առնոյր յայնպիսեաց անտի . և սոցա երկոցուն միայն էր 'ի ժամանակին՝ նախանձաւոր ընդ Լուկուղլեայ յառնել 'ի բանին յայնմիկ : Բայց և Կոստաս իշխանակից նորա ինդրուածովք 'ի ծերակուռէն 'ի ձեռս բերէր արշաւել նաւահանգիսիս 'ի սահպանութիւն Պրոպոնտեայ և 'ի պաշտպանութիւն Բիւթինիոյ :

Արդ Լուկուղլոս առեալ ընդ իւր Վէդէոն մի, չու արար անց յԱսիա . անդ ժողովէր առ ինքն և զայլ ևս 'ի զօրականէն՝ որ 'ի բազմաց հետէ անդ վատթարեալ յագահութեանն կրից և 'ի գրգանաց, և 'ի նոսա զօրականք որ անուանեալ կոչէին Փիմֆրեանք, ոչինչ սովորեալք 'ի հնազանդութիւն զօրավարի՝ վայրենիք ոմանք էին և սանձակոտորք : Քանզի սոքա էին որ 'ի միասին ընդ Փիմֆրիստայ սպանին զՓղակկոս հիւպատոս և զզօրավար իւրեանց . և սպա զՓիմֆրիստայ ինքնին մասնեցին 'ի ձեռս Սիւղղայի . և էին նոքա ժողովք արանց ստահակաց և անօրինաց . սակայն և էին մարտիկք և համբերատարք և քաջափորձք

'ի պատերազմի : Յայսր ամենայնի վերայ գիտաց իսկ քաջ Լուկուղղոս արագ կոծել զվայրագութիւնն նոցա , և կրթել հրահանգել և զայլսն . և սպա յայնժամ առաջին՝ որպէս ինձ թուի՝ զփորձ առին նոքա զճշգրիտ իշխանի և զօրավարի՝ որք յառաջն սովորեալք էին 'ի շնթել և ըստ քմացն զինուորել :

Իսկ յայնժամ թշնամեացն իրք օրինակ զայս էին : Միհրդատ՝ ըստ որում բնաւորեցան լինել շատք 'ի սոփեստից , յանձնապատան գլխովին էր և փքուռոյց , յորժամ զառաջինն ամբարձաւ նա ընդդէմ հռոմայեցւոց կացեալ 'ի գլուխ զօրու , որ 'ի վերին երեսս շքեղ և ճոխապանծ , այլ 'ի ներքոյ վատեալ : Այլ սպա հարեալ աւարգաբար և հրահանգեալ ևս , իբրև երկրորդ անգամ 'ի մարտն միսէր , խմբեաց զօրականս յայլ իմն հանդերձանս յաղթ և հարուստ : Քանզի ոչ այլ իռնեաց յիւրում բանակին խուժան խառնաղանջ , և ոչ դարձեալ աղաղակ ձայնից սպառնալեաց այլալեզու խժդժից , և ոչ կահս կարասեաց և զէնս օսկեկուռս և ականակապս՝ աւար բազմահարուստ իւրեանց յաղթականացն , և զօրութիւն և ոչ մի՝ ունողացն զնոսա : Այլ սուսերս կազմեաց նա հանգունատիպ հռոմայեցւոցն , և վահանս ամուրս . և խմբեաց այրուծի՝ քաջահրահանգ քան եթէ պճնազարդեալս . առ այսողբիւք՝ և հետևակազօրերկոտասան բիւրուց կարգելոց ճակատելոց ըստ փա-

զանգին հռոմայեցւոց . և այրուծի դարձեալ՝ բիւր մի և վեց հազար, թող զքառաձիս գերանդազէնս՝ թուով հարիւր : Հանդերձեաց և նաւս, և ՚ի նոսա ոչ վրանք ոսկեզարդք, և ոչ բազանիք վասն հարծից, և ոչ կանանոցք դրդալիցք . այլ առ հասարակ լցեալք ՚ի զէնս և ՚ի կոյտս նեախց և վիքնաց և դահեկանաց :

Հասպա չու արար խաղաց այնպէս ՚ի Բիւթինիա, ուր և անդրէն ժողովէին զնա մտադիւրագոյնս ժողովուրդք՝ ոչ նոքա միայն, այլ և ողջոյն Ասիա . քանզի և տագնապեալ իսկ էին նոքա յառաջին աղէտն՝ կիրս գժոխմբերելիս կրելով ՚ի վաշխառուաց և ՚ի մաքսաւորաց հռոմայեցւոց . զորս և ապա ինքնին Լուկուղոս վանեալ հալածեաց իբրու արդարև Արախեայս ոմանս հրէշից՝ որ յափշտակեալ կորզէին զկերակուրս նոցա . այլ ՚ի ժամուն հնարէր նա ՚ի չափու պահել զնոսա գեղեցիկ խրատու, և հանգարտէր ամոքէր զժողովուրդսն մի ինչ մտաբերել յապստամբութիւնս, զի և չէր և ոչ մի ոք յայնժամ՝ զի այսպէս ասասցուք՝ կացեալ յանգորրու :

Իսկ յորժամ այսպէս դեգերէր Լուկուղոս, անգուստ Կոտտաս զայն ժամ բարեպատէ՛ս վասն իւր համարեալ՝ պատրաստէր ՚ի մարտ պատերազմի ընդդէմ Միհրդատայ . և լուր աւեալ ՚ի բազմաց՝ եթէ Լուկուղոս ինքնին առ դուրս կայ՝ հասեալ զօրու ՚ի Փախգիս, նա այնպէս կարծեալ՝ ունել զյաղթանակն ՚ի բռին :

զի մի թերևս Լուկուղղոս բաժանորդ կացցէ, աճապարեաց 'ի կռիւն . այլ հարեալ վանեալ միանգամայն 'ի ծովու և 'ի ցամաքի, կորոյս նաև վաթսուն հանդերձ նաւաստեօքն, և չորս ևս հազարս հետևակաց . և ապա վերջոտնեալ 'ի Քաղկեդոն և պաշարումն առեալ՝ դէտ ակն կալեալ մնայր Լուկուղղոսի և առ 'ի նմանէ օգնականու թեանն :

Արդ էին էին՝ որ դրդէին յայնժամ զԼուկուղղոս՝ անփոյթ զՎոտտասաւ անցանել յառաջ, և զարքայութիւնն Միհրդատայ ամայի հեշտեաւ զբամբռ ունել . և առաւել ևս՝ զօրականն՝ լի ցամամբ ընդդէմ՝ Վոտտասայ, ոչ միայն զի ձախողակի զօրավարութեամբն պատճառք եկաց նա աղէտից անձինն և զօրականին, այլ զի և խոչ ընդ ոտն տեսանէին զնա . զի և էր իսկ նոցա արդեօք անպատերազմ տանել զյաղթութութիւնն : Բայց Լուկուղղոս հրատարակախօս եղեալ ասէր, եթէ զմի ոք միայն հռոմայեցի այր՝ առաւել կամի ասրեցուցանել 'ի ձեռաց թշնամեացն, քան եթէ տիրել ամենայն դոյից նոցա : Եւ լուեալ՝ զի Արքեղայոս այն որ յառաջն զօրավար Միհրդատայ 'ի Բիովաիա, և ապա վտարանջեալ և զինուորեալ առ հռոմայեցիս, հաստատութեամբ սնդէր եթէ յերևել Լուկուղղոսի 'ի Պոնտոս՝ անշուշտ տիրացի ամենայնին, ետ նմա պատատխանի Լուկուղղոս և ասէ . Չէ ինչ ինքն անարի վատասիրտ քան զորսորդս, զի յառաջ ըզ-

գաղանօքն անցեալ՝ դիմեսցէ 'ի նկուղս նոցա թափուրս : Չայս սասց' և յառաջագէմ խաղաց ընդդէմ Միհրդատայ երեսուն հազար հեռակաօք, և երկու հազար և հինգ հարիւր այրուծիով :

Անդ զտեղի առեալ 'ի հանդիպոյ թըննամուտն, յապուշ հարեալ ընդ ամբաւութիւն խուժանին, խնդրէր ժամալաճառ 'ի վէզ դաշ. այլ իբրև անդուստ Մարիոս առաքեալն 'ի Սերտորիոսէ յԱբերիոյ 'ի թիկունս Միհրդատայ, ընդ առաջ խաղացեալ ասպարէզ կարդայր, կարգեցաւ կազմեցաւ և ինքն իբրև 'ի կուլ մարտի : Այն ինչ երկոքին կողմանքն դիմեալ խաղային ընդդէմ միմեանց, անդանօր ոչ մեծ ինչ փոփոխեալ օդոցն՝ յանկարծակի սլատառեալ ցելոյր 'ի վերուստ, և զանգուած ահագին բոցատիպ հոսէր ընդ մէջ երկուց բանակացն. և էր նա հանգուճատիպ 'ի ձև տակառի, և 'ի դոյն հրաշէկ արծաթոյ : 'Ի հրէշից անտի զահի հարեալ երկոքին կողմանքն՝ վերջոսնեալք տեղի տային : Եւ ասէին՝ հրէշիցն այն երևել 'ի Փոխուգիս մօտ 'ի վայրն անուանեալ Ոտրիւս :

Բայց յայնժամ Լուկուղոս զմտաւ ածեալ՝ զի 'ի մարդկային հնարից ոչ ամբար պաշարոյ և ոչ դարձեալ հարստութիւնս ամբաւ, բաւական ոչ է 'ի դարման այնչափ բիւրաւ որաց խուժանին Միհրդատայ՝ եթէ հարուստ ժամանակ բանակ հարեալ նստցին նոքա, հրաման տայր անդէն զառաջեաւ ամեւ զմի ոք 'ի գերւոյն, և հազ

ցանէր՝ քանի՛օն իցեն վրանակիցք հացա-
կիցք նորա, և սաշար որչափ ինչ թողեալ
իցէ նորա ՚ի վրանին. Լուեալ զսատաս-
խանին, և զնա անդէն կացուցեալ, տայր
ածել և զերկրորդ այլ, և զերրորդ ևս, և
առհասարակ զնոսա օրինակ զայն հարցա-
նէր. ապա ՚ի հաշիւ զկերակուրն բերեալ
ընդ կերողացն, խելամուտ ըննէր զի վասն
երկից և չորկից աւուրց ևեթ բաւական էին
սաշարքն. ուստի և առաւել հաստատե-
ցաւ նա ՚ի խորհուրդ ժամալաճառ ըննե-
լոյն, և առեալ կուտեաց յիւրում բանա-
կին ամբար բազում կերակրոյ, զի ինքն ՚ի
լիութեան անդ իւրում դէտակն ճշգրտիւ
կալցէ ՚ի թշնամիս անդր՝ որսալ դէս ժա-
մանակ զսովելոյ բանակին նոցա:

Իսկ անդուստ Միհրդատ հաստատեաց
՚ի միտս գիմել անկանել ՚ի վերայ Աիզիկե-
ցւոց՝ որ հարեալ վատթարեցան ՚ի մարտին
Քաղկեդոնեան, կորուսեալ անդ ոգիս ե-
րեք հազար և նաւս տասն: Այլ կամե-
ցեալ զանխուլ ՚ի Լուկուղղեայ գործել,
ստիպաւ յետ ընթրեացն ելեալ խաղայր
յաղջամիջեան գիշերի և յանձրեաբերս. և
այնչափ իմն շտապեաց՝ զի ՚ի ծագել ա-
ռաւօտուն հոսեալ հանդէս քաղաքին,
եհար զբանակ զօրուն ՚ի լերինն Ադրաս-
տիա: Իրազգած այնմ եղեալ Լուկուղղոս,
յարուցեալ զհետ պնդէր. և խնդացեալ
զի ոչ սատահեցաւ թշնամւոյն, զի և ոչ ՚ի
կարդի ինչ էին զօրականքն, անդ զկայ
առնոյր հանդերձ իւրովքն մօտ յաւանն՝

որ անուանեալ կոչի Թրակիա 'ի դիպան վայրի 'ի վերայ Ճանապարհացն՝ ուստի կերակուրք անցանէին 'ի բանակն Միհրդատայ: Ուստի և խելամուտ ինքն եղեալ հանդերձեւոցն, ոչ 'ի ծածուկ ինչ կալաւ 'ի զօրականէն. այլ բանակ հարեալ նոցա՝ խմբեաց 'ի մի վայր և ճոխաբար ասէր նոցա՝ յետ սակաւ աւուրց 'ի ձեռս տալ նոցա անարիւն զյաղթութիւնն:

Իսկ Միհրդատ պաշարեալ զՎիւղիկեցիս ընդ կողմն ցամաքին տասն դնգաւ, և ընդ ծովակողմն դարձեւ վիակեալ նաւուք զնեղուցն՝ անջրպետ քաղաքին առ 'ի ցամաքէն, և այնպէս յերկոցուն ևս կողմանց պատէր պաշարէր զնա: Բայց քաղաքացիքն թէպէտ և քաջաւերութեամբ լի էին 'ի մեծի վտանգին, և հաստատեալ ևս էին յանձն առնուլ 'ի վերայ հռոմայեցոց զամենայն արկածսն, այլ ոչինչ դիտելով ուրանօր Նուկուղղոսն իցէ, և ոչ լուր դարձեալ զնմանէ բաւական էին առնուլ, 'ի մեծ վարանս պաշարեալ կային: Բայց բանակ նորա քաջ իսկ յանգիման կայր տեսութեան նոցա. այլ պատրեցան 'ի զօրականէն Միհրդատայ՝ որ մատնանիչ նոցա զհռոմայեցիսն արարեալ՝ որ 'ի վերոյ կային նոցա, ասէին այսպէս. «Տեսանէք զգոստեն դոքա աւագիկ զօրք հայոց և Մարաց առաքեալք 'ի Տիգրանայ 'ի Թիկունս Միհրդատայ»: Զարհուրեալ իմն էին Վիւղիկեցիք՝ զայն ահագին մարտ պատերազմին յակն արկեալ շուքջանակի. և զի և

խիթային և՛ եթէ և ոչ Լուկուղղոս ինքնին 'ի վայր անդր հասեալ՝ զօրեսցէ ինչ թիկունս տալ նոցա .

Արդ որ նոցա առաջին գուշակ եղև դաշտտեանն Լուկուղղեայ, էր Դեմո՛լնակս առաքեալ յԱրքեղայոսէ 'ի ներքս 'ի քաղաքն : Մինչդեռ տակաւին ո՛չ հաւատային նոքա և մխիթարութեան կեղծիս համարէին, հասեալ ժամանէր անդր և սպտանեակ մի գերի վարեալ 'ի մարտին և ապա զերծեալ . հարցանէին ցնա՝ ո՞ւրանօր իցէ Լուկուղղոս . 'ի ծաղը հատաւ սպտանեակն՝ կարծեալ եթէ խաղ առնեն . իբրև ճշգրիտ և ստիպաւ ինդրէին ուսանել, ձգեալ զձեռն՝ ցուցանէր նոցա զսպտանէշ բանակին հոռմայեցոց : Եւ այնպէս ստուգեալ վասն իրացն, առհասարակ 'ի քաջալերութիւն գարձան :

Իսկ անդանօր 'ի լճին Գասկիւլիտիդեայ նաւարկէին ակառօք բաւականք մեծութիւն զմեծն առաւել 'ի նոցանէն քարչեալ Լուկուղղոս 'ի ցամաք և 'ի սայլից վերայ բարձեալ զայն մինչև 'ի ծով անդր, և ամբարձեալ 'ի նմա զօրական ըստ բաւականին, նոքա անցեալք յառաջ 'ի գիշերային սահու զանխուլ 'ի թշնամեաց եկին մտին 'ի քաղաք անդր . և թուի թէ և դիք ինքնին գլխովին ինդացեալք ընդ արիութիւն Վիզիկեցոցն, առաւել ևս քաջալեր մատուցանէին նոցա յայտնի զարմանազան նշանօք, ըստ որում և 'ի ձեռն սքանչելեացն՝ որ երևեցան 'ի սպտրաստութեան անգ

Փերեփատեանցն տօնին : Քանզի վարանեալք չգտեալք երինջ սեաւ 'ի զո՛հ գիցուհոյն , առեալ հայս և 'ի նմանէ կերպարանեալ երինջ՝ մատուցին առաջի բազնին : Իսկ նուիրականն այն երինջ սարարակն առ 'ի զո՛հ՝ էր յարօտս ճարակաց ընդ անդէոցն Կիւզիկեցոց յայնկոյս ջրոյն . և 'ի նմին իսկ առուր զատուցեալ 'ի ջրկոյն , ինքնին միայնակ 'ի լիւղ անցանէր դայր 'ի քաղաք անդր , և զինքն մատուցանէր 'ի զո՛հ : Առ այս դարձեալ՝ և ինքնին գիցուհին երևեալ յանուրջս Արիստապորասայ ատենադպրի ժողովոցեան , ասէր այսպէս . « Ինքնին ես աստանօր հասեալ կամ , ածեալ զլիբէացի զոմն սրնդահար ընդդէմ՝ Պոնտացի փողարին . արդ՝ ասա՛ դու քաղաքացոցդ՝ լինել արս զօրութեան » :

Հիացեալ սքանչացան Կիւզիկեցիք ընդ բանն . այլ 'ի ծագել առուրն ծփեալ յուզեցաւ ծովն՝ 'ի շնչել մրրկայոյզ հողմոյն : Եւ անդանօր մենքենայք արքային՝ գործ հրաշակերտ Թեսաղոսի՝ Նիկոնիդեայ՝ մերձեալք՝ 'ի սրատուարս սարսպաց , զառաջինն 'ի շարժել իւրեանց և 'ի շառաջիւն բախման նախապատում լինէին հանդերձելոյ աղէտիցն . իսկ ապա յանկարծ հարաւ շնչեալ ուժգնակի և բուռն , յական թօթափել առհասարակ հարեալ ջաղխեալ խորտակէր զամենայն մենքենայսն , և գղորդեալ 'ի վայր հոսէր և զշտարակն փայտեայ բարձր հարիւր կանգուն : Եւ սրատմեն՝ եթէ բազմաց յԵղիոն ե .

րևեցաւ յայնժամ յանուրջս Աթենաս ողջ քրտնակայլակ . և զմասն տեւինն ցուցանէր սխառուեալ , և ասէր՝ այն ինչ դարձեալ յօգնականութենէ անտի Կիւզիկեցոցն . և Եղիոնացիք ինքնին ցուցանէին սիւն մի , յորում և արձանագրութիւն 'ի յիշատակ իրացս այսոցիկ : Այլ յայնժամ Միհրդատ՝ ցոր վայր խաբեալ յիւրոց անտի զօրավարացն՝ անտեղեակ էր սովու բանակին իւրոյ , շտապեալ նեղէր յանձն իւր՝ զի տակաւին ոչինչ վճարեաց 'ի վերայ քաղաքին . այլ ասպա նոյնհետայն 'ի վերայ հասեալ վերջին վտանգի զօրականին՝ զի և ստիպեցան նոքա առ քաղցու ուտել զմիս մարդոյ , անկաւ բեկաւ ստամբակութիւն նորա և ամենայն ամբարտաւանութիւն . ուր անդուստ Լուկուղղոս մարտ եղեալ կռուէր ոչ կերպարանաւորս ինչ և ոչ սնասպարծս , այլ շեշտ կշիռ վազեալ էր՝ ըստ առակին՝ 'ի վերայ որովայնին , և զամենայն ճիգն թափէր բառնալ կարծել 'ի նմանէ զամենայն կերակուր : Ուտի և 'ի խաղալ յայնժամ Լուկուղղեայ երթալ սպաշարել զգլեակ մի , զայն ժամ բարեպատեհ գըտեալ Միհրդատ մեծաւ շտապաւ առեալ արձակէր 'ի Բիւթինիա գոգ ողջոյն զայրուձին հանդերձ գրաստուք , և 'ի հետեա կաց դարձեալ զանսլխտանսն :

Իրազգած Լուկուղղոս եղեալ՝ անգէն արագ դառնայր յետս գիշերայն 'ի բանակ իւր . և վաղքաջ ընդ առաւօտն , թէպէտ և մրրիկ օգոցն 'ի վերայ կայր , առեալ ընդ

Իւր գունդս տասն և զայրուձին, զհետ
 պնդէր Թշնամեոյն, գիմագրաւ 'ի տեղա-
 տարափ ձինարերին և 'ի վիշտս մեծա-
 մեծս. զի և բազումք յիւրոց անտի ոչինչ
 հանդուրժեալք ցրտոյն՝ վերջոանեցան :
 Իսկ նա յառաջ վարեալ հանդերձ ընկե-
 րօքն, հասանէր ունէր զԹշնամիսն 'ի գետ
 անդր Հռինդակոս, անդ հարկանէր և 'ի
 փախուստ դարձույանէր զնոսա . մինչև
 անդուստ յԱպողոնիոյ 'ի դուրս ելեալ և
 կանայք անգամ, ժողովէին զառ և զա-
 պուր և մերկէին կապտէին զգիակունս
 բազմակոյտ անկեւոցն : Հասեալ կալան և
 երիվարս վեցհազար, և երամակ անթիւ
 գրաստուց և մարդիկ հնգետասան հազար .
 և զայն ամենայն աւար զհետ իւր վարեալ
 Լուկուղոս, անցանէր գայր առ երի բա-
 նակի Թշնամեացն : Այլ իմ զարմացեալ է
 ընդ Սալուստիոս, զի ասէ՝ զայն առաջին
 նուագ տեսեալ անգանօր Հոռմայեցոց
 ուղոս . արդեօք կարծէ Սալուստիոս՝ եթէ
 յառաջն չիցէ նոցա տեսեալ զայնօսիկ՝ որ
 'ի միասին ընդ Սկիպիոնի 'ի պարտուԹիւն
 մատնեցին զԱնտիոքոս . և ոչ դարձեալ
 վայր մի յառաջ նոքա՝ որք յՈրբոմենոն և
 'ի Քերոնիա մարտ եղեալ կոուեցան
 ընդդէմ Արքեղայոսի :

Ապա հաստատեաց 'ի միտս իւր Միհրը
 դատ արագ արագ այնուհետև 'ի փախուստ
 դառնալ . և 'ի դեգերեցուցանել և 'ի ժա-
 մալաճառ առնել զԼուկուղոս 'ի Թիկանց՝
 առեալ արձակէր զԱրիստոնիկոս ծովա-

պետ 'ի ծով Ելլադայ . այլ 'ի շուն անդ մասնուլթեամբ զբռամբ անկանէր նա Լուկուղլեայ՝ հանդերձ բիւրդահանգին ոսկի՝ զոր բարձեալ տանէր Արխատոնիկոս 'ի կաշառեւ գունդս 'ի Հռոմայեցոց : Յետ այնորիկ փախստեայ ընդ ծով եղեալ Միհրդատ , զորավարք նորա առեալ ածէին զբանակն ընդ ցամաք . յորոց վերայ անկեալ Լուկուղլոս մօտ 'ի գետն Գրանիկոս , բազումս յոյժ 'ի նոցանէ գերի վարէր , և ոգիս քսան հազար տապաստ արկանէր : Եւ պատմեն՝ եթէ առհասարակ որ տապաստ անկան 'ի կռուին յայնմիկ , միանգամայն ընդ այր մարտիկ և ընդ որեար բանակին և այլ ևս խուժանին , գողցես գտան ոգիք երեսուն բիւր :

Ապա Լուկուղլոս անցեալ 'ի Կիւզիկոն , անդ նախ զտեղի առնոյր 'ի խրախանալ քաղաքին և 'ի հիւրամեծար շուք նոցա առնա . յետ այնորիկ երթեալ 'ի Հելեասպոն տոս , հանդերձեր կազմէր նաւահանդէս . և իջեալ 'ի Տրովադա՝ չոքաւ 'ի տաճար Աստղկանն , և անդ 'ի քուն մտեալ գիշերի ընդ վրանաւ , թուէր տեսանել ինքնին զգիցուհին կալ 'ի վերայ և ասել զայս ինչ .
 “ Զի՞ քեզ 'ի քուն մտանել Առիւծ մեծանձն . Եղնորթք աւադիկ առ դուրսդ հասեալ կան ” : 'ի վեր վազեալ 'ի քնոյն՝ կոչէր վաղվաղակի գիշերայն զբարեկաման , և պատմէր զտեսիլն : Յայն պահ եկեալ հասանէին պատգամաւորք յԵղիովնէ , եթէ հնգաթիւք երեքտասան 'ի նաւաց ար-

քայլին երևեցան 'ի նաւահանգստին Ա-
քայեցւոց, նաւեալք դէպուղիղ 'ի Լե-
մնոս: Անդէն Լուկուղղոս յուղի անկեալ
խաղայր ընդդէմ նոցա. հասեալ ունէր և
հարկանէր սատակէր զգորավար նոցա, այն
էր Խիդովրոս: Չհետ մտեալ վանէր և
զայլան, որ յառաջադէմ նաւեալքն էին:
Նոքա հասեալ կալեալ զցամաքն և քար-
շեալ անդ զամենայն զնաւս իւրեանց՝
մարտ եղեալ կռուէին 'ի վերայ տախտա-
կամածիցն և վէրս 'ի վերայ դնէին զօրուն
Լուկուղղեայ. անդանօր նա 'ի վայրացն
ոչ պատել պաշարել նաւուք զԹշնամին
բաւէր, և ոչ դարձեալ իւրովք ալէկոծ
նաւուքն բռնանալ ինչ 'ի վերայ նաւաց
նոցա՝ որ անդրդուելի հարստեալ կային 'ի
ցամաքին:

'ի վերջէ ուրեմն 'ի հունս մի անցից կղզւոյն
Թէպէտ և դժուարին յոյժ՝ իջեալ Լուկուղ-
ղոս 'ի ցամաք, և Թափեալ զկորովնս զօրակա-
նին, պատէր փակէր զԹշնամիսն 'ի Թիկանց
կուսէն, և անդ՝ էր զոր սպանանէր, և էր զոր
շտապեալ նեղէր կտրել զպարանս նաւացն
և փախչել ընդ ցամաք. և զայն գործեալ
երթեալ նաւացն խառնէին բախէին ընդ
միմեանս, և վարեալք հարկանէին ընդ
ցուռկս նաւացն Լուկուղղեայ: Եւ բա-
զումք յայնժամ տապաստ անկեալ, գտա-
նէին անդ 'ի մէջ գերւոյն և զՄարիոս զօ-
րագլուխ զարձակեալն 'ի Սերտորիոսէ:
էր սա միականի, և Լուկուղղոս պատուէր
տուեալ էր զօրականին 'ի կռուին մի զոք

սպանանել 'ի միականեացն . քանզի կեն-
դանւոյն խնդրէր ձերբակալ առնել զՄա-
րիոս՝ տալ նմա անարգաբար մահ :

Ապա յետ այնորիկ փութայր ճեպէր
Լուկուղոս զհետ սնդէլ Միհրդատայ .
ակն ունէր հասանել ունել զնա մօտ 'ի
Բիւթինիա , որում և զգուշանայր Բոկով
նիոս , զոր խնքնին արձակեալ իակ էր 'ի
Նիկոմիդիա հանդերձ նաւուք քարընդոսն
լինել փախստեան նորա : Այլ Բոկովնիոս
զկայ առեալ 'ի Սամսթրակէ իւղագլխիլ
'ի նուիրականն և տօնախմբել , ոչ ժամա-
նեաց . և Միհրդատ անցեալ գնայր հան-
դերձ նաւահանդիսիւն . և մինչ 'ի շտապ
տագնապի ճեպէր նա հասանել ունել
զՊոնտոս՝ մինչև դարձեալ յետս Լուկուղ-
ղեայ , սաշարեցաւ յահագին միրկէ . և
յայնժամ 'ի նաւաց նորա՝ էր որ յայսկոյս
յայնկոյս օձտեալք ցանեցան , և էր որ
անդնդատոյզ կորեան . մինչև առհասարակ
ծովափուկը զաւուրս բազումս լցեալ ծած-
կեցան 'ի նշխարաց նաւաբեկութեանն՝
վարեալք 'ի ծփանաց անտի : Յայնմ մե-
ծի տագնապի տեսեալ Միհրդատ , զի
յաղթ բեռնաբարձ նաւուն իւրոյ ոչինչ
հեշտեաւ առ մեծութեանն էր ունել զցա-
մաքն , ապտամբ 'ի ղեկավարացն եղեալ
յահագին ծփանսն և 'ի մէջ ամեհի ա-
լեացն , և զի՝ և ջուր ևս առեալ երթալով
երթայր և ծանրանայր , վազեաց եմուտ 'ի
նաւակ մի հինիցն , և անձնատուր նոցա ե-
ղեալ՝ յանհնարին վտանգին և արտաքոյ

անկեղծութեանն անկեալ ասրեցաւ յԵրակելիա Պոնտոսի :

Եւ ասպա 'ի գեղեցիկ ելից ատի' անբամբաս մնաց Լուկուղղոս 'ի ճոխարար պանծանան առ Սինկղիստոսին . յորժամ վճիռ տուեալ ծերակուտին հանդերձել կազմել 'ի մարտն բանակ նաւական 'ի ծախս քանքարաց երից հազարաց , անդուստ Լուկուղղոս յանձն չառեալ գրէր պանծանօք , եթէ առանց այնչափ ինչ ծախուց և մեծաց հանդերձանաց՝ միայն նիզակակցացն նաւուք յաջողեացի նա վանել 'ի ծովէ զՄիհրդատ . գործ՝ որ յաջողեցաւ նմա արդեօք 'ի մարտակցութենէ ատուածայնոյն . քանզի ասեն՝ ահագին մրրկին այնմիկ որ հարեալ վատթարեաց զՊոնտացիան՝ յուզէլ առ 'ի ցատմանէն Աբտեմեայ Պրիապինեայ . զի մեհենակապուտք նորա եղէն Պոնտացիք և 'ի վայր քարչեցին զգրօշեալն նորա :

Բայց Լուկուղղոս յայնժամ յորդորեալ առ 'ի բազմաց դուռ տալ պատերազմին , ոչինչ անսաց , անցեալ ընդ Բիւթիւնիա և Գաղատիա՝ հորդան տայր յարքայութիւնն Միհրդատայ : Անդ թէպէտ և զառաջինն մեծապէս սովեցաւ , զի և զհետ իւր վարեալ խաղացուցանէր երեսուն հազար 'ի Գաղատացւոցն , մէն մի 'ի նոցանէն բարձեալ յուս գրիւ մի ցորեան , այլ ասպա յառաջագէմ տիրացեալ ամենայնին , լիացաւ յրիացաւ՝ զի և 'ի բանակին նորա աւելի քան զգրամակըն չարժէր եզն մի , և

ոչ մի ոք 'ի դերւոյն՝ աւելի քան զտրա :
Իսկ վասն այլոց աւարաց փոյթ ինչ չան-
նէին . ուստի և կէսք անդէն լքեալ թո-
ղուին , և կէսք դարձեալ՝ վատնէին , զի և
սկտք ինչ չէին նոցա . այնչափ իմն առհա-
սարակ յորացեալք յղիացեալք էին :

Յետ այնորիկ ասպատակ սփռեալ մին-
չև 'ի Թեմիակիւր , և ընդ դաշտավայրսն
ուր անցանէ Թերմոզոն , յաղարտ վարել
զերկիրն և քանդել աւերել , անդանօր
բամբասանս լսէր 'ի զօրականէն , իբրու-
դանդաղել դեգերել նմա՝ յինքն զքա-
ղաքսն յանկուցանել . և զի՝ և ոչ գոոյթս
տայ նա 'ի վերայ քաղաքի ունել բռնու-
թեամբ , և այնպէս 'ի հարուստ անկածէ
լնուլ զնոսա . և յաւելեալ 'ի բանս՝ ա-
սէին նոքա . " Եւ զարդիս հեշտին իցէ հա-
սանել ունել զԱմիսոն քաղաք բարեբաստ
և բազմահարուստ , և գործ մեծ չէ պաշար-
մամբ նեղել զնա . այլ թողեալ և ածեալ
խաղացուցանէ զմեզ յանչէն ամայիս Տի-
բարինացւոց և Քաղցէացւոց 1 , մարտ
դնել կռուել ընդ Միհրդատայ " : Բայց
Լուկուղղոս ոչինչ կարծեալ յայն չափ
խեղութեան ստահակել զօրականին՝ յոր
յանդգնեցան յետ այնորիկ , ուստի և ե-
րես չարարեալ քրթմնջանացն՝ դուն գոր-
ծէր մանաւանդ 'ի չքմեղս լինել վասն ժա-
մավաճառ դեգերանացն յաւանան յայն
և 'ի դուզնաքեայ քաղաքսն , և թողուլ
այնպէս բարդաւաճել զՄիհրդատ , և ա-
սէր Լուկուղղոս :

«Դա՛ս այդ է աւագին՝ զոր եսն խըն-
 դրեմ, և հնարինաց խորհրդով դարանեալ
 նստիմ, զի անդրէն միւսանգամ մեծապէս
 բարգաւաճեսցի այրն, և առեալ կուտես-
 ցէ զօր բաւական ՚ի մարտ. զի կացցէ մնաս-
 ցէ դա, և մի փախատեայ անկցի ՚ի դրոհ
 տալ մեր: Կամ թէ ո՛չ իսկ յակն արկա-
 նէք դուք զանդորրն զայն անասաւտ և զա-
 հագին՝ որ կայ ՚ի թիկանց նորա. անդ մօտ
 կայ Կաւկաս, և դօտիք լերանց շատք և
 բարձրակատարք, և բիւրուց արքայից՝ որ
 ՚ի մարտէն խուսեսցեն՝ ասպնջական է
 վայրդ առնուլ և յանդորր հանել: Առ
 այս՝ և սակաւուց աւուրց ճանապարհ է ՚ի
 հայս ՚ի Կաբիւրացւոց անտի. և անդ ՚ի
 հայաստան աշխարհ բազմեալ հանդէ՛ Տի-
 դրան արքայից արքայ: Մեծ է զօրութիւն,
 զի և Պարթևաց ինքնին գլխովին ՚ի ձեռաց
 հանէ զԱսիա, և զհէլէնացւոց քաղաքսն
 առեալ փոխադրէ ՚ի Մարս, և յԱտրուոց
 վերայ տիրացեալ կայ և Պաղեստինոյ, և
 զՍելևկեան թագաւորսն ՚ի մահ վարէ, և
 զդատերս նոցա և զկանայս տարադէմ խա-
 զացուցանէ: Սա այս է ընտանի Միհրդա-
 տայ և փեսայ. և արդեօք զանց նա ոչինչ
 արասցէ, եթէ երբէք ողորբաւոր առ նա
 անկցի Միհրդատ. այլ մարտ եղեալ կը-
 ուուեսցի ընդ մեզ: Եւ արդ՝ մեր ճեպեալ
 վանեւ ընկրկեւ զՄիհրդատ, վտանդ մե-
 ծապէս է ՚ի մեր վերայ շարժեւ զՏիդրան,
 որ ՚ի վաղնջուց արդեօք սրատճառս ինդրէ
 կուուեւ ընդ մեզ. իսկ զարգիս ոչինչ այլ

արդեօք քաջավայելուչ սպասճառք իցեն նմա քան զօրավիգն կալ առն ընտանւոյ և ողորբաւոր արքայի : Արդ զինչ պէտք իցեն ինքնին նիւթել մեզ զբանդ, և ուսուցանել Միհրդատայ զայն ինչ՝ զոր ոչն գիտէ՝ թէ որովք արդեօք սարս իցէ նմա մարտ ընդդէմ մեր յարդարել. առ այս՝ և մեզէն շտապել զայրն՝ ՚ի բուռն արկանել Տիգրանայ՝ զոր արդեօք չկամի և անխառուճակ և անձին համարի : Այլ արդ ոչ ժամ տացուք սարսպոյ առն՝ յիւրոց անտի խուժանէն սատրաստել կազմել և յոտին կանգնել. և այնպէս ասպա ընդ Կողքիսացոց և ընդ Տիգրինացոց և ընդ Կասպադովկացոց մարտ դնել կռուել, զորս և բազում անդամ սարտեցաք, քան եթէ ընդ Մարաց և ընդ Հայոց ։ :

Այսպիսեօք բանիւք դանդաղեալ դեգերեր Լուկուղղոս յԱմիսոն, պաշարումն ածեալ նմա դուզնաբեայ և թուլակի. իսկ յետ ձմերայնոյն թողեալ անդանօր զՄուրենաս՝ ինքն խաղայ դնայ ընդդէմ Միհրդատայ, որ առկայացեալ կայր ՚ի Կաբիւրս եդեալ ՚ի մօի ընդդէմ կալ մարտիւ Հռոմայեցոց՝ խմբեալ բանակ քառասուն հազար հետևակաց և չորից հազարաց այրուձիոյ՝ յորս և վտահացեալ իսկ էր. և անցեալ ընդ Գայլ դետ՝ ձայն մարտի տայր Հռոմայեցոց ՚ի դիւրի : Իբրև անդ խառնեցաւ հեծեւամարտն, նկուն Հռոմայեցիք եղեալ ՚ի փախուստ դառնային : Յայնմ սահու վէրս առեալ և

Պոմպոնիոս այր ականաւոր՝ ձերբակալ լինէր . և այնպէս վերաւոր ածեալ առ Միհրդատ՝ հարցանէր զնա արքայն, եթէ ապրեցուսցէ զնա՝ լինիցի՞ նորա բարեկամ . ետ սրտասխանի Պոմպոնիոս . « Այո՛, եթէ խաղաղութիւն արասցես ընդ հռոմայեցիսն, ապա թէ ոչ՝ թշնամի » : Զարմացեալ Միհրդատ ընդ անդրդուելի հաստատութիւն առն՝ ի սրտասխանւոյն, ոչ ինչ չար գործեաց նմա :

Ապա ՚ի դիւրի զանգիտեալ Լուկուղղեայ, զի այրուծիով հզօր էին թշնամիք, առ այս՝ և ոչ համարձակեալ յուղի անկանել ընդ լեռնակողմն, զի երկար էր և դժուարին և մացառախիտ, յայնժամ ըստ գիւպաց ձերբակալ առնէին զոմանս ՚ի հէլլէնացւոց՝ որ անկեալ ասպաւինեալ էին ՚ի քարանձաւ մի : Մի ոմն ՚ի նոցանէ հինաւորց Արտեմիդորոս անուն, խոստումն կուէր Լուկուղղեայ առնուլ ածել զնա ՚ի վայր մի անդորր բանակի զօրուն, ուրանօր և գղեակ մի բարձրացեալ կայ ՚ի վերոյ Վաբիւրացւոց : Հաւատս առն ընծայեալ Լուկուղղեայ, ՚ի գալ գիշերոյն բորբոքեալ անդէն խարոյկս խիտ առ խիտ, խաղայր զնայր և անցեալ զանձուկսն անվտանգ, գայր հասանէր ՚ի վայրն՝ զոր Արտեմիդորոսն խոստացաւ . և այնպէս ՚ի ծագել աւուրն երևեցաւ նա անդ ՚ի վերոյ թշնամեացն բանակ հարեալ ՚ի վայր գիւպան ՚ի մարտ սրտերազմի, և ապաստանարան անգորր բանակին :

Բայց անդանօր ո՛չ Միհրդատ և ո՛չ դարձեալ Լուկուղղոս խնդրէին 'ի կռիւ կաքաւել. այլ ասէն՝ եթէ զօրականք արքային 'ի պահուն զհետ մտեալ վանեալ զեղջերու մի, անդուստ հռովմայեցիք վազեցին արգելուլ զնոսա, և այնպէս ապա խառնեցաւ կռիւն յերկաքանչիւր ևս կողմանց՝ 'ի խոնել ամբոխին: Այլ 'ի վերջէ յաղթական ելանէր կողմն արքային. իսկ հռովմայեցիք յիւրեանց զակզէն յակն արկեալ զփախուստ ընկերացն, 'ի սրտմտութիւն վառեալք՝ ընթացեալք առ Լուկուղղոս աղաչէին ճակատեցուցանել զնոսա և նշան խնդրէին զկռուոյ մարտին: Բայց նա 'ի ժամուն ցուցեալ նոցա եթէ քանիօն մեծապէս իցէ 'ի վտանգս դժուարինս գիմագրաւ նահատակութիւն հանձարեղ զօրավարի, հրաման տայր նոցա անշունջ կալ, և ինքն յարուցեալ իջանէր 'ի դիւր անդր. և ընդ առաջ արձանացեալ փախտէիցն՝ հրաման տայր նոցա դառնալ յետս: Նոցա հնազանդեալք և դարձեալք առհասարակ և խմբեալք ընդ նմա, 'ի փախուստ յայնժամ դարձուցանէին զթշնամիան, և վանեալ ընկրկէին մինչև 'ի բանակ անդր նոցա: Իսկ 'ի դարձին Լուկուղղոս պատուհաս անփառունակ 'ի վերայ ամեալ փախտէիցն ըստ օրինացն, հրամայէր նոցա անդօտի պարեգօտիւ խրամ հատանել երկոտասան ոտնաչափից 'ի զնին այլոց զօրականին:

Բայց 'ի բանակին Միհրդատայ էր այր

ոմն վիթխարի հասակաւ Ութակոս անուն .
 էր սա 'ի գաւառէն Դարդարացւոց (և էն
 Դարդարացիք ցեղ 'ի բարբարոսաց անտի
 բնակաւորացն Մէովտեայ) . և էր Ութա-
 կոս յաղթաբազուկ յոյժ և արի 'ի մարտս
 և քաջուշիմ 'ի գործս մեծամեծս , և 'ի
 կենակից քաղաքավարութեան շնորհաշուք
 և բաղձալի : Սա այս այր ցանգ էլ և էլս
 առնելով ընդ այլում պայազատի համա-
 ցեղի , և 'ի նախանձ բերեալ լինել նախ-
 աթոռ , խոստումն կռէր առաջի Միհրդա-
 տայ գործ գործել մեծ , և ինքնին սպանա-
 նել զլուկուղղոս : Մեծապէս գովեալ
 զնա արքային , և համախորհուրդ հնարի-
 մացութեամբ ընդ առն՝ թշնամանօք իմն
 հարստահարեալ զնա , ոյր աղագաւ կեղ-
 ծաւորեալ Ութակոս 'ի սրտմտութիւն բար-
 կութեան ընդդէմ արքային , յարուցեալ
 մեկնէր 'ի նմանէ , և ձիրնթացիկ դայր ան-
 կանէր առ Լուկուղղոս . նա մտադիւրա-
 գոյնս ժողովեալ զայրն , քանզի և համ-
 բաւ մեծ հնչեալ էր զնմանէ 'ի զօրուն , և
 անդէն փորձ փորձեալ զնորա , սիրեաց ըզ-
 հանձար զուշիմութեան առն , զի այնու-
 հետև սեղանակից իւր արար զնա և կենա-
 կից կենցաղակից :

Արդ գէպ ժամանակ երևեալ բարբա-
 րոսին , հրաման տայր իւրոց ծառայիցն ա-
 ծել նմա զերթալարն արտաքոյ պատնշին , և
 ինքն 'ի միջօրէի 'ի հանգչել զօրականին ,
 չորբաւ 'ի վրան զօրավարին , իբրու անխա-
 փան ունել զմուտն իբրև կենակից զօրա-

վարին . և զի՝ և ասէր ևս նա պատմել նմա ստիպաւ իր մի՝ ՚ի կարևորացն : Եւ արդեօք անշուշտ մտեալ էր առ նա , եթէ քունն ինքնին՝ որ շատից զօրավարաց մահաբեր գտաւ , չէր յայնժամ փրկեալ զԼուկուղղոս : Քանզի ՚ի ժամուն ըստ դիպաց ՚ի քուն մտեալ Լուկուղղեայ , և անդանօր Մենեղեմոս մի ՚ի սենեկապետացն առ դուրսն կացեալ ասէր առ Ոլթակոս , ՚ի տարաժամու գալ նմա . զի այն ինչ ՚ի քուն մտեալ հանդէի Լուկուղղոս յետ երկար տքնութեանցն և բազում վաստակոցն : Իբրև ոչ ՚ի բաց գնայր Ոլթակոս , նա և պնդեալ էր անխափան մտանել և խօսել ընդ Լուկուղղեայ վասն կարևոր և մեծի բանին , սրտմտեալ Մենեղեմոս ասէր , չիք ինչ կարևոր քան զքաջողջութիւն Լուկուղղեայ , և երկոքումք ձեռօքն ՚ի բաց մերժէր զայրն : Անդ զահի հարեալ բարբարոսին , փութացաւ եւ գաղտ արտաքս ՚ի պատնչէն , և հեծեալ յերիվարն , մտրակ ՚ի կուշտ անցանէր ՚ի բանակ Միհրդատայ՝ վճարեալ և ոչինչ : Այսպէս ուրեմն դէպ ժամանակն ինքնին՝ ոյժ կենսառիթ կամ մահառիթ տայ ընծայէ՝ որպէս դեղոցն՝ 2 նոյն և գործոցն գլխովին :

Յետ այսորիկ արձակէր Սորնատիոս հանդերձ տասն դնդաւ յանձանձեւ զպաշար զօրուն . և խոչ ընդ ոսն իւր գտեալ զՄենանդրոս զմի ՚ի զօրավարացն Միհրդատայ , ընդդէմ գարձեալ և կռուել ընդ նմա հարուած մեծապէս ՚ի վերայ ածէր և ՚ի

փախուստ դարձուցանէր: Իսկ և այլ անգամ արձակեալ Ագրիանոս բազում զօրականօք ածեւ միւսանգամ կերակուր՝ որով լիացուցանել զբանական խնդրէր Լուկուղղոս, ոչինչ անհոգացեալ Միհրդատ՝ առեալ արձակէր ընդդէմ նորա զերկուս յիւրոց անտի զՄենեմաքոս և զՄիռուֆն հանդերձ բազում այրուձիով և բազում հետևակօք, որք և առհասարակ՝ որպէս ասեն՝ բայց յերկուց անտի՝ ՚ի սուր մաշեցան հռոմայեցոց: Այլ Միհրդատ ՚ի ծածուկ պահեալ զհարուածն՝ իբրու որ դուզնաքեայ իցեն տուգանքն յանհմտութենէ զօրավարացն, անդուստ Ագրիանոս շքով անցեալ առ երի բանակին ածեալ բազմութիւն մեծ զայլից՝ բեռնաբարձս ցորենոյ և աւարին, բեկանէր զզօրութիւն Միհրդատայ, և արհաւիրս արկանէր մեծամեծս ՚ի վերայ զօրականին նորա. որպէս զի և ոչ ևս հանդուրժեցին մնալ անդէն: Իսկ մերձաւորք արքային յառաջ արձակեալ գաղտ զաղին իւրեանց և ուղի հորդեալ բռնութեամբ ընդ մէջ զօրականին, սրտմտեալ զօրուն յելնն ՚ի սլատնչէն յարձակեալ ՚ի վերայ աղխին՝ աւարէին, և ըզտեարսն ՚ի մահ վարէին. անդ անկանէր և զօրավարն Գորիպայոս՝ քանզի հանդերձ ծիրանի արկեալ էր միայն զանձամբ. անդ առաթուր առ դուրս հարկանէին և զՆրմէոն քուրմ:

Իսկ Միհրդատ յայնժամ ոչ ընկեր զօրունելով և ոչ ասպապետ, եւ արտաքս ՚ի

զակշէն 'ի խուան խուժանին . չդոյր նորա
 յայնժամ և երիվար յարքունեաց անտի .
 իբրև հարուստ ժամանակ այնպէս 'ի վերայ
 անցանէր և զնա տարուբեր 'ի խուճապել
 խուժանին յակն արկեալ Պատղմէոս ներ-
 քինի , իջեալ յերիվարէն յիւրմէ՝ տայր
 նմա : Բայց հռոմայեցիք 'ի ժամուն 'ի
 թիկանց նորա հասեալ , և վայրիկ մի ձեռս
 'ի նա մխեալ էր նոցա և վրիպեցան , զի
 և մերձեալ յոյժ էին . բայց ընչաքաղցու
 թիւն և զօչաքաղուժիւն զօրականին վրի-
 պեցոյց զհռոմայեցիս յորսոյն , զոր այն-
 չափ մարտիւք և վտանգօք խնդրեցին . և
 զԼուկուղղոս ինքնին վրիպեցոյց 'ի մրցա-
 նակէ յաղթուժեանն : Քանզի այն ինչ
 ժամանեալ նոցա մօտ յերիվարն Միհրը-
 դատայ , մի ոմն 'ի ջորեաց անտի բեռնա-
 բարձից ոսկւոյ , կամ ըստ դիպաց ինքնին
 կամ թէ արքայի խակ զնոյն պատուիրեալ ,
 անկանէր ընդ մէջ նորա և հետամտիցն .
 որք և յաւար դիմեալ ոսկւոյն և 'ի կագ
 ևս ընդ միմեանս ելեալք , անցեալ փա-
 խըստեայ յայնժամ մազասուր զերծանէր
 Միհրդատ : Եւ ոչ այս միայն տուգանք
 Լուկուղղեայ յընչաքաղց զօրականէն , այլ և
 պատուիրեալ նա նոցա ածել 'ի բանակ անդր
 կենդանւոյն զՎալլիստրատոս ձերբակալ
 այր խորհրդական արքային , իրազէ կեղեալ
 կալանաւորացն տանել նմա 'ի կամարին
 հինգ հարիւր դահեկան ոսկի , անդէն սպա-
 նանէին զայրն : Յայսր ամենայնի վերայ
 տայր նոցա Լուկուղղոս աւարել և կա-

պուտ կողոպուտ թողուլ զբանակ թըշ նամւոյն :

Ապա հատեալ կալեալ զՎաբիւրս և շատ ևս յանխաբ վայրաց , անդանօր գտանէր դանձս մեծամեծս , և բանտարդեալս ևս բազումս 'ի Հելլենացոց , և զբազումս 'ի մերձաւորաց արքային , որք անդ ակնկալեալ մնային մահու 'ի վաղ ժամանակաց և փրկեալ ասրեցան յայնժամ 'ի ձեռն Ղուկուղղեայ , և իբրու նորոգապէս ծնան նոքա յերկրորդ 'ի կեանս : Անդ ձերբակալ լինէր և քոյր մի Միհրդատայ 'սխսսանուն 'ի փրկութիւն անձին իւրոյ . քանզի այլք 'ի քերց անտի նորա և 'ի կանանց՝ որ յանդորրու գողցես բնակեցուցեալ էին յանկասկածելի վայրի մօտ 'ի Փերնակիա , մահ անողորմ մեռան նոքա . քանզի 'ի փախչել իւրում Միհրդատ առաքեաց առ նոսա զԲակքիդէս ներքինի չպանանել զնոսա : Եւ էին 'ի նոսա և կրկին քորք արքային Ռովքս և Սաատիրէ , և թէպէտ և զքառանամենիւք ուրեմն , տակաւին չէին հարսնացեալք . առ այսոքիւք՝ և երկու լծակիցք արքային՝ Յոնիացիք աղղաւ , Բերինիկէ Քիացի , և Մոնիմէ Միղետացի : Եւ էր առհասարակ առ Հելլենացիս ըզհամբաւի հարեալ այս Մոնիմէ . քանզի զառաջինն փորձ փորձեալ Միհրդատայ և յղեալ առ նա 'ի սարդև հնդետասան հազար դահեկան ոսկի , նա ընդդէմ դարձաւ քաջութեամբ՝ մինչև 'ի կուէլ զգաշինս զամուսնութեանն և 'ի յղել առ նա ըզ-

պատկն և համբաւել գշխոյ : Սակայն կէանա վարէր նա լին տրտմութեամբ և ցաւով, և արտասուէր և աղարտէր զիւր գեղն, որ ամուսնոյ փոխան տէր 'ի ներքս եբէր նմա, և փոխանակ սրսկասրանին և պալատան՝ փակարան զբարբարոսաց . ուր և տարագիր տարագէմ յԵլլադայ՝ յանուրջս միայն իրախանայր յակնկալութեան բարեացն, իսկ արդեամբք անբաժ 'ի վայելցն Ելլադայ :

Արդ հասեալ առ նոսա Բակքիդէս, ազդ առնէր նոցա զհրաման արքային . և թոյլ տայր իւրաքանչիւր նոցա ընտրել զօրինակ մահուն՝ զհեշտն և զանցաւն : Անդ Մոնիմէ կորզեալ զպատկն 'ի գլխոյն, և 'ի խեղդ զայն պարուրեալ զպարանոցաւն, կախէր անձամբ զանձն . բայց խորտակեալ պատկին, ասէր . « Ո՞վ նզովեալ խեղդան, դու և ո՞չ 'ի դոյն եղեր ինձ պիտեան », . և զգեանեալ զայն սրտմտութեամբ և թքեալ ևս 'ի նա, մատուցանէր առաջի Բակքիդէայ զպարանոցն : Իսկ Բերինիկէ առեալ բաժակ թունալից, մասն մի առեալ մատուակէր մօրն՝ որ էր ընդ իւր, և աղաչէր զնա . և այնպէս գեղըմբու լինէին երկոքին նորա : Այլ մայրն գեղակուր արագ արագ զրաւէր 'ի կենաց 'ի վատեալ մարմնին . իսկ զԲերինիկէ ոչ ըստ բաւականին գեղակուր՝ և 'ի դժար ևս ելեալ՝ 'ի խուճապ տալնապին Բակքիդէայ՝ խեղդամահ առնէին : Բայց յերկուց անտի ամուրի քերցն՝ ասեն՝ եթէ Ռովբասնէ անէծս արձակեալ բազումս և յիշոցս ընդդէմ Միհրդատայ ,

ըմպէր և նա զգէղն. նոյնպէս և Ստատիրէ. սակայն ոչինչ թշնամանեալ սա՛ զժպատեհ ազնուականութեանն, նա և դովեալ ևս զեղբայրն՝ որ ՚ի վտանգել կենացն՝ հոգ զնոցայն կալաւ ազատաբար մահու, զի մի ինչ կրեացեն ՚ի գժնդակացն:

Յոյժ ՚ի խոր խոցեալ Լուկուղղոս ընդ իրան, քանզի և ՚ի բոյս բարուցն հեղ էր նա և մարդասէր, ապա հետամուտ Միհրրդատայ եղեալ՝ չոքաւ մինչև ՚ի քաղաքն Տաղաւրացւոց: Անդանօր լուր առեալ, զի ՚ի չորից աւուրց հետէ անկեալ խակ էր Միհրդատ ՚ի Հայաստան աշխարհ առ Տիգրան, դարձաւ յետս. և պարտեալ զՔաղդէացիսն և զՏիբարինացիս, և գրաւեալ զփոքրն Հայս, և նուաճեալ զամրոցս և զքաղաքս, արձակէր զԱպսիոս առ Տիգրան՝ խնդրէր զՄիհրդատ. և ինքն խաղաց գնաց յԱմիսոն, որ դեռ ևս մարտ եդեալ զգէմ ունէր. քանզի անդանօր Վալլիմաքոս զօրավար քաղաքին՝ քաջափորձ ՚ի կազմութիւն մենքենայից և կիրթ ՚ի հնարիմացութիւնս պաշարման՝ մեծապէս վիշտ հասուցանէր Հռոմայեցւոց, ուստի և ըզվրէժն ելոյժ ապա: Բայց յայնժամ նկուն լինէր նա ՚ի Լուկուղղեայ, որ ՚ի պահուսովորական հանգստեան զօրականի քաղաքին, յանկարծակի յեղակարծումն գըռոյթս տուեալ տիրանայր ՚ի վերայ փոքու մասին պատուարացն. զայն տեսեալ Վալլիմաքոս ՚ի փախուստ մտաբերէր՝ հուր հարեալ զքաղաքէն. կամ զի խանդացաւ

Հռոմայեցւոց զբազմահարուստ աւար քաղաքին, կամ զի դուր առնէր իւրում փախըստեանն. քանզի և ոչ որ յայնժամ փոյթ ինչ կալաւ զնաւելոցն և զփախըստէիցն, այլ յրնժանալ ծաւալէլ բոցոյն մինչև շուրջ զպատուարօքն՝ անդուստ զօրականք Լուկուղղեայ առհասարակ գօտէպինդ յաւարն լինէին :

Բայց Լուկուղղոս արգահատեալ ՚ի քաղաքին աշխարանս, խնդրէր արտաքուստ ձեռն տալ, և յորդորէր զզօրականն շիջուցանել զհօւրն. այլ նորա անաստեալք յուզէին զան և զապուր քաղաքին, և բարձրանայր ձայն աղաղակի նոցա և կայծա ահագինս զինուց հարկանէին, մինչև բռնադատեալ Լուկուղղոս հաւանէր, ակն ունէր թերևս նովին ՚ի հրոյն փրկել զքաղաքն : Սակայն ընդ հակառակս նորա ջահաք վառելովք ելեալ ՚ի խնդիր ամենայնին, և հուր ածեալ ընդ ամենայն, շատ ինչ և նորա հրդեհակէզ առնէին յապարանիցն : Վասն որոյ և Լուկուղղոս յերկրորդումն աւուր մտեալ ՚ի ներքս, յարտասուս հարեալ՝ ասէր ցբարեկամսն՝ բազում անգամ երջանիկ համարել նմա զՍիւղղաս, այլ յաւէս յաւուրն յայնմիկ հրաշանալ նմա ընդ գեղեցիկ բախտ առն, որ ՚ի խնդրելն փրկել զՂԵԹԷՆՍ, փրկեաց . « Իսկ ես ինքնին՝ ասէ՛ որ հանգուճատիպ նմին ցանկայի լինել, զիս ՚ի Մոմփոսին բախտին առեալ կացոյց Քաջն » : Սակայն և ըստ բաւականի ձեռինն գուն գործեաց

նա նորոգել զքաղաքն, յորմէհետէ հան-
դարտեալ շիջանէր հուրն՝ ի տեղատարափ
անձրևոյն՝ յաստուածեան իմն գողցես
տեսչութենէ՝ ի ժամու առմանն: Եւ մինչ
չև մեկնեալ նա ՚ի քաղաքէն, կանգնեաց
զբազումս յապարանից անտի հրդեհելոց,
և առեալ ժողովեաց ՚ի ներքս զքաղաքա-
ցիսն փախտեայս. առ այս՝ և փոխադրեալ
բնակեցոյց անդէն և ՚ի Հելլենացւոց՝ որ
խնդրէին, տուեալ նոցա գետինն հարիւր
և քսան ասպարիսաց: Եւ էր այն քաղաք
դաղթական Աթենացւոց՝ շինեալ առ ժա-
մանակօք բարդաւաճելոյն նոցա և ծովա-
կալութեանն, ուստի և բազումք ՚ի նոցա-
նէն փախուցեալք ՚ի բռնաւորութենէն
Արիստոփնի, անդանօր նաւագնաց լինէին.
և իբրև քաղաքացիք՝ միջամուխք յիրս ե-
ղեալք, այնպէս զսեպհականն թողեալք՝
զօտարինն ժառանգէին:

Արդ՝ Լուկուղղոս յազատութիւն յան-
դորր հանեալ զմնացեալսն, առ այս՝ և
վայելուչս զգեցուցանէր զնոսա, և առն
առն ՚ի նոցանէ տայր դրամակշիռս երկե-
րիւր: Անդ ձերբակալ առնէին և զՏիրան-
նիոփն Գրամատիկոս, զոր ասպա խնդրեալ
Մուրենաս և առեալ յինքն, յազատու-
թիւն գրէր զնա. յորում և ոչ ազատա-
կանս ինչ գործեաց նա ՚ի սպարգևն Լու-
կուղղեայ. քանզի և յառաջն Լուկուղղոս
ինքնին ոչ եթէ իբրև ծառայ ունէր զայրն
բազմահմուտ և ասպա յազատութիւն հա-
նեալ. քանզի ազատութիւն այդպիսի ՚ի

չնորհս տուեալ նմա՝ անբաժ արդեօք կացուցանէր զնա յընտաբոյն ազատութենէն : Այլ արդեօք Մուրենաս ոչ այս անդամ միայն՝ խակութիւնս երևեցոյց անձահս զորավարի :

Ապա չու արար գնայր Լուկուղոս 'ի քաղաքսն Ասիոյ, պարտապէալ 'ի գործոյ պատերազմաց խնդրէր օրէնս և իրաւունս հաստատել անդանօր . յորոց յայնպիսեաց անտի անբաժ այն աշխարհ 'ի վաղ ժամանակաց՝ պաշարէր յաղէտս ամբաւս, և կապտեալ և ստրկացեալ 'ի վաշխառուաց և 'ի մաքսաւորաց, որ շտապեալ նեղէին ըզբնակիչսն վաճառել 'ի տանէն զմանկունս խրեանց զգեղեցիկսն և զցատերս խրեանց գիոյսն, և ապա և 'ի քաղաքին շհասարակաց զձօնսն, զպնակս նկարուց և զանդրիս նուիրականս . առ այսոսիկ և պարտապանք 'ի ստրկութիւն ևս արկանէին զանձինս : 'Ի վերայ այսր՝ էր նոցա և կիրս ցաւագին կրել նոցա և դժոխքմբերելի, լլկանս և խոչ տանգանս և բանտարգելութիւնս և ձիաձև տանջանարանս . և կանգուն արձանացուցանէին զնոսս 'ի բացօթեայս, ամարայնի 'ի սօթ սաստիկ արևուն, և ձմերայնի ընկլուզեալ 'ի սիկս մօրից կամ 'ի մէջ սառամանեաց . որպէս զի և դիւր հանգտեան՝ կիրք ստրկութեանն երևէր նոցա : Յապետից աստի 'ի սուղ ժամանակի փրկէր Լուկուղոս զվշտատեսսն . քանզի նախ հրաման տայր՝ զհարխւրորդն միայն և մի աւելի՝ համարել առ 'ի վաշխ . իսկ երկրորդ

անդամ՝ երարձ միանգամայն զամենայն վաշխ առաւելեալ քան զգլուխն. իսկ երրորդ անդամ՝ մեծ ևս, սահմանեաց պարտատեառն ունել զչորրորդ մասն զհասից պարտապանին. և եդ պատուէր՝ զի եթէ դք յաւելցէ տոկոսի ՚ի գլուխն՝ յամենայնէն միանգամայն վրիպեալ դոցի: Եւ այնպէս ապա գողցես ընդ ամս չորս հատուցան ամենայն պարտք, և կալուածք ազատացեալք դարձուցան առ տեարս:

Եւ էր հասարակաց պարտքն երկուց բիւրուց քանքարաց, զոր տուգանեաց Սիււղլաս զԱսիա. և հատուցեալ իսկ էին պարտատեարցն առաւել քան զկրկինն. այլ սոքա տոկոսեօքն առաւելեալ էին ըզպարտան մինչև ՚ի քանքարս երկուտասան բիւրուց: Ոյր աղազաւ և իբրու կարի հարստահարեալք բողոք բառնային ՚ի հռոմ ընդդէմ Լուկուղլեայ, և շարժէին ընդդէմ նորա գնոց արժաթոյ և ՚ի հռետորաց անտի ուսկին. քանզի և զօրացեալ իսկ էին նոքա և յանդուցեալ ևս էին զբազումս յաւագանւոյն: Բայց Լուկուղլոս ոչ սիրելի միայն իւրոց երախտաւորելոցն, այլ և նախանձելի գտաւ այլոց ևս գաւառաց՝ որ երջանիկս ասէին զվիճակեալն այնպիսումն իշխանի:

Բայց յայնժամ զԱպպիոս Կղովքիոս զտագրն Լուկուղլեայ զդեսպանն առ Տիգրան՝ արքն ուղեցոյց ՚ի բարբարոսացն առեալ յածեալ շրջեցուցանէին ՚ի վերնագաւառն ընդ ճանապարհ բազմօրեայ և

ընդ շրջանաւոր պողոտայս անպէտս . ուրում իրազէկ նա եղեալ յազատագրեալ ծառայէն Ասորի ազգաւ, և տեղեկացեալ կուռ պողոտային և ՚ի մոլորեալ ուղւոյն դարձեալ արագ ընդ այլ արահետ, ՚ի բաց արձակէր յիւրմէն՝ շատ ինչ թշնամանեալ զբարբարոսան . և ապա ընդ սակաւ աւուրս անցեալ ընդ Եւփրատ հասանէր յԱնտիոք՝ որ մօտ կայ ՚ի Դափնին : Անդ հրաման առեալ սպասել մնալ Տիգրանայ, (քանզի ՚ի նուաճել գնացեալ էր նա քաղաքացն Փիւնիկիոյ), զայն ժամ պարապոյ գտեալ Ասպիոս՝ յինքն յանկուցանէր զբազումս ՚ի տանուտեարցն՝ որ դժկամակն կային ՚ի հնազանդութեան հայոյն, (յորս և Չարբիւնոս տէր Գորդիւնեայ) : Ապա և բազումք ՚ի քաղաքաց հնազանդելոց գաղտաբար առաքէին առ նա . որոց և առհասարակ խոստանայր նոցա զզօրավիզն Լուկուղլեայ, պատուէր տուեալ հանդարտել ՚ի ժամուն : Քանզի դժոխամբերելի ուրեմն էր հելլենացւոց տէրութիւնն հայոց, յաւէտ իմն առ այնու թագաւորուն՝ այն որ ՚ի բախտս իւր գեղեցիկս յօրացեալ և պերճացեալ յոյժ էր, կարծեալ յիւրում բռին ունել միանգամայն ո՛չ միայն զամենայն իսկ զտարփալիս և ըզզարմանալիս զկանանցածնաց, այլ զի և յիւր սակս միայն իցէն առհասարակ ամենայնն :

Քանզի սկիզբն իւրոյ բարդաւաճելոյն առեալ ՚ի դուզնաքեայ ակնկալութեանց

յուսոյ, գնալով գնաց և ազգս առեալ նուաձեաց բազումս. և նկուն առնէր սարտէր՝ որպէս և ոչ զք երբէք՝ զՊարթևաց զօրութիւնն. և լցեալ զեղոյր զՄիջագետս ՚ի բնակաւորաց Հելլենացւոց. բազումս ածեալ ՚ի Վիլիկիոյ, և բազումս ևս այլ խաղացուցեալ ՚ի Կապադովկիոյ, և բնակեցուցանէր անդր. առ այսոքիւք՝ և շարժեաց դրդուեցոյց զԱրաբացիս զվրանաբնակսն ՚ի վաղնջուց սովորութենէն, և ՚ի վրանացն հանեալ զնոսա՝ մօտ իւր բնակեցուցանէր, վարել նոքօք ՚ի շահավաճառութիւնս: Առ այս և բազումք էին նմա թաղաւորք սպասարկուք. բայց զէորս ՚ի նոցանէ ցանդ առ իւր ունէր իբրև անձնասպահասպետս ոմանս կամ թիկնասպահս. որք և յերիվար աշտանակեալ նորա՝ նոքա առ երի առանց կաղմածոյ հետի ընթանային, պտտմուճան լոկ արկեալ զանձամբք. և ՚ի բազմել ՚ի դահու և ՚ի սատգամատու լինել՝ նոքա յանդիման կային՝ ձեռս զձեռամբք ածեալ՝ առաւելադունին նշանակ ծառայութեն, իբրու որք վրէպք խապառ յազատութենէն՝ զիւրեանց մարմինն ողջոյն ՚ի ձեռս տուեալ են տեարց, կազմք և սատորասոք ՚ի կրել քան ՚ի դործել: Եւ սպա յայս ողբերգակ տեսարան ոչ զահի ինչ հարաւ Ապալիոս և ոչ խորշեցաւ, այլ իբրև անդէն յանդիման ընծայեցաւ, համարձակաձայն բարբառեցաւ առ Տիգրան, եթէ՝ հասեալ գայ ինքն ածել տանել ՚ի բաց զՄիհրդատ՝ արժանի

յաղթանակացն Լուկուղղեայ, կամ թէ կռուոյ մտրախի ձայն կարդալ Տիգրանայ :

Անդանօր թէպէտ և թևակոխեալ ճրգնեցաւ Տիգրան ճոխաբար երեսօքն և ՚ի ժպիտ դիմաց լսել յայսպիսեաց բանից, ոչինչ կարաց ծածկել յատենին զկիրս ոգւոյն առ ՚ի համարձակասիւս բարբառոյ պատանւոյն . և արգեօք զայն առաջին նուագ լուաւ նա յայնպիսի ազատաբար ձայնից՝ զկնի գոգցես ամաց քան և հընգից, քանզի և նոյնչափ նա արքայացաւ՝ մանաւանդ թէ՛ ամբարտաւանեցաւ : Ապա պատասխանի առնէր Ապպիոսի, երբէք զՄիհրդատ չտալ ՚ի ձեռս . և եթէ հռմայեցիք ինքնին առաջին նմա ձայն տան մտրախի, քաջ ինքն զդէմ կալցի նոցա : Եւ սրտմտեալ ևս ընդ Լուկուղղոս, զի ՚ի նամականին առ նա՝ միայն անուն արձանագրեաց Արքայի, և ոչ արքայից Արքայի, նա յառ նա պատասխանին և ոչ անուն տայր նմա սպարապետի : Համայն և այնպէս առեալ ընծայս պայծառս առաքէր Ապպիոսի . նա չառեալ յանձն, իբրև յաւել միւտանգամ յղել առ նա մեծամեծս ևս քան զառաջինսն, ապա զի մի ինչ առ խէթ թշնամութեանն կարծեսցի արհամարհել, առնուլ էառ Ապպիոս բաժակ մի, և զմնացեալսն յետս գարձուցանէր . և ապա ելեալ շտապաւ դառնայր առ Լուկուղղոս :

Բայց Տիգրան՝ որ յառաջն և ոչ տեսանել անգամ յանձն առնոյր զՄիհրդատ

և ոչ խօսել անդամ, [Թէպէտ և այնչափ մերձաւոր և յարքայութենէն ևս անկեալ հիդացեալ, և արհամարհութեամբ և գոռոզութեամբ գնայր ընդ նմա, պահ արկեալ նմա՝ ի վայրս բացականս, մօրուտս, և ակտակիրս . իսկ յայնժամ առաքեալ կոչէր զնա, և շքով և մարդասիրապէս հիւրա մեծարութեամբ ժողովէր զնա . և երկոքին նորա ի ծածուկ զբանիւք անկեալ յարքունիսն՝ այր զընկերին ամոքեալ հանդարտէր զխէթ մտացն, զբարեկամօքն արկեալ զամենայն իսկ զիւսանս : Յորս էր և ինքնին Մեարոզորոս Սկեսսիոս այր քաղցրաբան և բազմահմուտ և մտերիւմ այնչափ, մինչև և հայր գլխովին կոչէլ արքայի : Բայց Մեարոզորոս յառաջն դեսպան ՚ի Միհրդատայ արձակեալ առ Տիգրան խընդրել օգնութիւն ընդդէմ Հռոմայեցոց, կատարեալ զդեսպանութիւնն՝ սպա հարցանէր զնա Տիգրան . “ Այլ դու ինքնին ո՞վ Մեարոզորէ, զի՞նչ խորհուրդ տաս ինձ վասն բանիդ այդորիկ ” : Իսկ Մեարոզորոս կամ զի զօգուան խնդրեալ Տիգրանայ, կամ զի զփրկութիւն զկամէր Միհրդատայ, էտ պատասխանի . իբրև դեսպան՝ յորդորէ, և իբրև խորհրդական՝ ՚ի բաց քեցէ : Զայս բանս սպա պատմէր Տիգրան Միհրդատայ . ոչինչ կարծէր՝ եթէ չար ինչ հասցէ Մեարոզորեայ . բայց Միհրդատ մեկնեալ անտի՝ անդէն սպանանէր զայրն : Ստրջացաւ Տիգրան ընդ պատմութիւնն . [Թէպէտ և ինքն չէկաց բովանդակ

պատճառք աղէտից առն , սակայն և թինդս
 ետ նախկին ատելու թեանն Միհրդատայ
 առ նա : Քանզի և 'ի վաղնջուց իսկ էր նա
 խեթացեալ առ նա , ըստ որում և 'ի ծա-
 ծուկ գրեհոյն Միհրդատայ 'ի վեր ել զորս
 'ի ձեռս բերին , յորս կնքեալ իսկ էր մահն
 Մեարոզորոսի : Այլ Տիգրան գիահանս
 շքեղ հանդերձեաց նմա , ոչինչ խնայեալ
 'ի ծախսն՝ տալ նմա պատիւ 'ի մահուանն ,
 որում մատն եղև 'ի կենդանութեանն :

Անդանօր առ Տիգրանայ մեռանէր և
 Ամիթիկրատէս հռետոր , (եթէ և արժան
 իցէ 'ի մեծարանս քաղաքին Աթենայ՝ յի-
 շատակ աստէն առնել զսորս) : Ասեն՝ ե-
 թէ սա այս Ամիթիկրատէս վտարանդի լեալ
 չորաւ 'ի Սելևկիա 'ի սահմանս Տիգրիսի .
 ուրանօր և աղաչեալ բանալ վարժարան ,
 նա յաւակնադոյնս ունչս առնէր և ասէր .
 ոչինչ արդեօք մարթի գլխն ամիտօփել 'ի
 կոնքի : Ասա անտի գնացեալ առ Վղէո-
 պատրա գուսոր Միհրդատայ՝ կին Տիգրա-
 նայ , խիթացեալ զնմանէ՝ արդելին նմա
 բան ոչինչ ունել ընդ Հելլենացուց . և
 անդանօր ասա յանտուաղութենէն մեռա-
 նէր նա : Սմա դարձեալ շքով թաղումն
 տայր Վղէոպատրա մօտ 'ի Սափա շէն փո-
 քրիկ՝ որում զայն անուն կարդային նմա :
 Այլ Լուկուղղոս յայնժամ խաղաղու-
 թիւն հաստեալ յԱսիա , և օրէնս 'ի նմա
 սահմանեալ գեղեցիկս , յետ այնորիկ և
 բերկրականաց և սփոփութեանց զհետ
 կրթեցաւ , և 'ի տեսարանաց հանդէսս և

յաշխարհատօնս յաղթականս և 'ի մրցանս ըմբշաց և մենամարտից . և կացեալ յԵփեսոս՝ տիտփէր և յինքն յանկուցանէր զքաղաքն . խկ և նոքա 'ի շուք առնն փոխարինէին զհանգէս տօնիցն՝ որ անուանեալ կոչին Լուկուղղեանք . և սէր աննենդ 'ի ներքս բերէին նմա՝ որ քան զուք պատուոյն բերկրալի էր :

Այլ իբրև դարձաւ եկն Ագապիոս , մարտ սրատերազմի կարգեալ ընդդէմ Տիգրանայ , չու արար Լուկուղղոս՝ անցանէր միւսանգամ 'ի Պոնտոս , և պաշարումն ածէր Սինովպայ . մանաւանդ եթէ՝ Վիլիկեցւոց արքունի որերոյն որ 'ի հնազանդութեան ունէին զքաղաքն , որք և սպա զբաղումն 'ի Սինոպացւոց անտի հարեալ 'ի բերան սրոյ , և հրձիգ 'ի քաղաքն եղեալ գիշերադնաց փախստեայք լինէին : Իրազեկ եղեալ Լուկուղղոս՝ անդէն մտանէր 'ի ներքս , և 'ի սուր սուսերի մաշէր զմնացեալս նոցա ոգիս ութ հազար . և առեալ դարձուցանէր առ Սինոպացիս զատուածս նոցա , փոյթ գեղեցիկ կալեալ քաղաքին՝ յաւէտ իմն յանրջոց անտի զոր ետես : Քանզի 'ի քուն թուէր նմա մօտել առ նա ուրումն և ասել այսպէս . « Այր մի յառաջ խաղասցես , ո՞վ Լուկուղղէ . աւագիկ դայ Աւտողիւկոս խօսել ընդ քեզ , » : Զարթուցեալ 'ի քնոյն՝ ոչինչ խմանայր զէլս երազոյն . սպա 'ի նմին աւուր առեալ ըզքաղաքն և հետամուտ Վիլիկեցւոցն եղեալ ծովագնաց փախստելիցն , տեսանէ անկեալ

առ ամիսմբն արձան, զոր ոչ ժամանեցին նորա ամբառնալ 'ի նաւն: Եւ էր այն գործ ճարտարագործ 'ի ձեռակերտացն Սթենիլդեայ. և ասէին՝ անդրի զայն լեալ Աստուծակեայ հիմնադրին Սինոպայ: Եւ պատմեն զայս Աստուծակոս որդի լեալ Դէխմաքոսի և մի 'ի նիզակակցացն Հերակլեայ, որ 'ի Թեսաղիոյ խաղացին 'ի մարտ ընդդէմ Ամազոնաց. և անտի անցեալ ընդ Դէմոզէոնտեայ և ընդ Փղոդեայ, հարեալ նաւուն 'ի վայր Քերրոնեսեայ՝ անուն Դեսաղիոն՝ անդ խորտակէր. այլ ինքն զերծեալ 'ի Սինոպ հանդերձ զինուքն և նիզակակցոքն, 'ի ձեռաց հանէր Սիւրացոց զքաղաքն: Քանզի Սիւրացիք տիրացեալ իսկ էին նմա 'ի սերնդոց անտի գոլով Սիւրոսի՝ որդւոյն Ապոլոնի՝ որպէս ասեն՝ և Սինոպեայ, որում մայր եկաց Ասովպէ: Չայտասիկ ապա լուեալ Լուկուղլեայ, յուչ իւր բերէր զխրատն Սիւղլայի որ 'ի Յիշատակագիրսն, եթէ ոչինչ այնպէս արժանահաւատ համարել արժան է և հաստատուն՝ իբրու զազգէլ անրջոցն:

Յետ այսորիկ լուր առեալ եթէ Միհրրգատ և Տիգրան հանդերձեալ են արագ արագ խաղալ 'ի Լիւկատնիա և 'ի Ալիլիկիա՝ հորդան տալ նախ յԱսիա, հիացեալ յոյժ էր Լուկուղլոս ընդ հայն՝ զի որ կրճուեւ յօժարեալ էր ընդ Հռոմայեցիս՝ 'ի ձեռն չէառ զՄիհրրգատ շինչէռ յոսին կայր այրն, և ոչ խմբեցաւ ընդ նմա՝ մինչդէռ յուժի կայր, այլ յոանհարուժեան

Թողեալ զայրն՝ ապա երազայոյս ակնկա-
 լու թեամբն սկիզբն առնէր կռուոյն խար-
 գաւանեւ և զիւր անձն՝ ի վիճ ընդ անյարիւր
 անկէւոցն : Իսկ իբրև Մաքարէս որդի Մի-
 հրրդատայ իշխան Բոսփորոսի առաքէր
 առ Լուկուղոս պսակ հազար դահեկա-
 նաց ոսկոյ, աղաչէր դաշնաւոր և բարե-
 կամ հռոմայեցւոց լինել, եդ ՚ի մտի Լու-
 կուղոս իբրև ՚ի գլուխ զառաջինն զայն
 տարեալ մարտ, և թողոյր անդէն զՍորնա
 սիոս ոստիկան քաղաքին հանդերձ վեց
 հազար զօրականօք . և ինքն երկոտասան
 հազար հետևակօք և այրուձիով իբրև ե-
 րեք հազար՝ չու արար խաղայր ՚ի մարտն
 երկրորդ, ոչինչ արդեօք ողջախոհ մտա-
 ծու թեամբ այնպէս դիմագրաւ ՚ի մէջ
 մարտիկ ամբոխից և ՚ի մէջ բիւրաւորաց
 այրուձիոյն, ՚ի գաւառն ամբաւ՝ յանդըն-
 դասոր գետոց ամրափակ և ՚ի միշտ ձիւ-
 նախադաղ լերանց . որ զի և զօրականն
 ինքնին՝ ոչինչ այնչափ հլուք յայլ արշա-
 ւանս՝ դժգմեալ էին և խլրակին : Բայց և
 ՚ի հռոմ բողոք ընդդէմ նորա բարձեալ
 ճարտասանք խուժանին, ասէին՝ մարտից
 ՚ի մարտս անցանել նմա ոչ ՚ի պէաս ինչ
 քաղաքին, այլ զի ցանդ զզօրավարու թիւն
 խնդրէ դա զբանակի, և ՚ի բաց զգէնան գնել
 չկամի, և միշտ օգտածարաւ է առ ՚ի հա-
 սարակացն վտանգից : Այլ սղբա յետ ժա-
 մանակաց դամագիւտ գտան ընդդէմ նորա :

Արդ ուրի արահետ կալեալ Լուկուղ-
 ոս՝ վաղվաղակի հասանէր գայր յափն

Եւփրատայ, և անդ գէտն լցեալ դարիւ և դարիւ գնայր սղտոր 'ի սրամճառս ձմերայնոյն. վարանեցաւ Լուկուղոս եթէ ժամավաճառութիւն և քիրան մեծապէս հասցէ նմա առնուլ կապել նաւակս և լաստս և կամուրջ գործել: Բայց յերկունն անձկացեալ հոսանայն, և գիշերի նուազեալ յոյժ, զի և յառուօտուն ծագել սրարագրեալ 'ի գողին երևէր գէտն. և դաւառականքն կղզեակս իմն ակնարկեալ 'ի ծոց նորա՝ առ որովք երթեալ լճանայր ջուրն, շուք շատ հարկանէին Լուկուղեայ, զի և դուն ուրեք երբէք ստատահեալ գիտէին յայնպիսեաց անտի յառաջագոյն. և զի՝ և գէտն ինքնին գլխովին կամակար խոնարհեալ հեզացաւ և անցս անաշխատ և արագ դիւրեաց նմա: Եւ այնպէս ապա յաջողեալ անցանէր Լուկուղոս հանդերձ բանակաւն, և նշան ևս յայն ժամ տեսանէր բարեգուշակ:

Անդանօր 'ի շրջակայսն էին արօտական երինջք նուիրականք Արտեմեայ սպարակականի. զայն դիցուհի սաշտեն բարբարոսք բնակաւորք յայնկոյս Եփրատայ: Եւ զայն երինջսն առնուն նոքա առ 'ի զոհ միայն, թողեալ այնպէս 'ի դաշտին արձակս թափառականս, խարանեալ 'ի նոսա խարան զգիցուհւոյն՝ ջահ մի. խկ ունել 'ի նոցա նէ առ 'ի զոհ ոչ հեշտին ինչ է: Արդ՝ մի յերնջոց անտի յետ անցանէլոյ զօրուն գնացեալ ելեալ 'ի վեր 'ի վէմ մի նուիրական դիցուհւոյն, անդ զկայ առեալ և

զգլուինն խոնարհեցուցեալ՝ իբրու եթէ 'ի փոկոյ իմէքէ թէքեալ սարանոցին, ինքնանուէր այնպէս կայր 'ի զոհ Լուկուղղեայ : Նա առեալ յազէր յայնժամ և ցու մի ևս 'ի զոհ Եփրատայ 'ի շնորհս գեղեցիկ անցիցն : Ուր և խորան հարեալ յաւուր յայնմիկ, յերկրորդումն ասլա չու առնէր խաղայր ընդ Սովիէնէ՝ յանգորրու սահեալ զժողովուրդն անձնատուր և հիւր ընկալու բանակին : Բայց զօրականն խընդրէր անդանօր հասանել ունել զլեակ մի, ուր կարծէին դանձ բաղում . խկ Լուկուղղոս մասնանիչ նոցա զլեառն արարեալ զՏաւրոս որ 'ի բացէ, ասէր . « Մանաւանդ որ անդանօր զգլեակն սարտ է մեզ հասանել ունել . զի որ աստանօր մթերեալն՝ վասն յաղթականացն էն » : Ասաց, և շտապ ուղւոյն տուեալ և անցեալ ընդ Տիգրիս, եկն միսեցաւ 'ի հայաստան աշխարհ :

Յայնժամ որ առաջին գոյժ առ Տիգրան տայր վասն յառաջագէմ չուոյն Լուկուղղեայ, սատուհաս ընդունէր գլխաամամբ 'ի հրամանէն Տիգրանայ . ուստի և ղք ամենեկն ոչինչ այնուհետև իրազեկ առնէր զնա, այլ այնպէս անգէտ բնղմեալ նստէր նա՝ շուրջ զհրդէհն ունելով զմարտին, շնթեալ 'ի բանից շաղաւաշուրթն մարդկանն, որ ճառ արկեալ ասէին . Արդեօք զօրավար քաջ իցէ Լուկուղղոս, եթէ երբէք ժտեսցի մնալ Տիգրանայ անդէն Եփեսոս, և ոչ մանաւանդ արագ 'ի փա

խուստ խուճապեացէ դա յԱսիոյ 'ի զնին այնչափ բիւրաւորաց թշնամեացն : Այսան որոյ և գեղեցիկ է ասել, եթէ զոր օրինակ ոչ ամենայն մարմնոյ է անապակ շատ քամել և բերել, սապէս և ոչ ամենայն մտաց՝ ողջսխտհ ունել զմտածութիւնն 'ի յաջողութիւնս մեծամեծս :

Ապա յայնժամ Միթրոբարզան առաջին 'ի բարեկամս նորա իշխեաց ասել նմա զճշմարիան . այլ ոչ և մրցանակ գեղեցիկ ինչ տարաւ նա զհամարձակութեանն . քանզի անդէն զնա ինքն առեալ արձակէր Տիգրան ընդդէմ Լուկուղղեայ երեքհազար այրուձիով և անթիւ հետևակօք, պատուէր տուեալ կենդանւոյն ունել զգորավարն, և զմնացեալն 'ի սուր սուսերի մաշէլ : Այն ինչ զօրք Լուկուղղեայ կէս մի բանակ հարեալ էին, և կէս մի ժողովեալք խմբէին, լուր 'ի լրտեսացն հասանէր հրոսակի բարբարոսին . զահի հարաւ Լուկուղղոս՝ եթէ շտապաւ 'ի վերայ անկեալ վեր 'ի վայր դործեացէ, մինչև զօրականին իւրոյ առհասարակ խմբեալ ճակատեալ իցէ : Ապա ինքն զտեղի առեալ աւրութիւն ածել բանակին, առեալ գունդ հատանէր ընդ Սեքստիղեայ տեղապահին՝ հազար և վեցհարիւր այրուձիոյ, և ոչ բազմագոյն այլ ևս հեանակ և թեթևազէն զօրականին . հրաման տայր մօտ առ թշնամին զտեղի առնուլ՝ մինչ ինքն առհասարակ զիւրան խմբեալ ամրացուացէ 'ի բանակին : Թէպէտ և հրամանին Լուկուղղեայ ան-

սացեալ Սեքստիղիոս , սակայն ստիպեցաւ
'ի վեգ ընդ Միթրոբարզանայ գալ՝ որ
յանդգնաբար հորդան ետ . ուրանօր և
խառնեալ մարտին , անդ նահատակեալ
տապաստ անկանէր Միթրոբարզան , և
զօրքն թիկնադարձոյցք առհասարակ կո-
տորէին բայց 'ի սակաւուց ոմանց :

Հարուած զայս առեալ թողոյր Տիգրան
զՏիգրանակերտ քաղաք մեծ զգաստակերտ
իւր , և վերջոսնեալ գնայր 'ի Տաւրոս . և
անդր 'ի կողմանց կողմանց գային ժողո-
վէին առ նա ամենայն զօրք նորա : Բայց
Լուկուղղոս ոչ ժամ տուեալ նմա սպ-
րասոյ , խորհուրդ առեալ արձակէր ստի-
պաւ զՄուրենաս խոչ ընդ ոտն լինել հար-
կանել՝ որք 'ի չու անկեալ գնային առ Տի-
գրան . առ այս՝ և զնոյն Սեքստիղիոս միւ-
սանգամ արձակէր գնալ վանել զստուար
գունդ զԱրաբացւոցն , որոց դէմ եղեալ
էր առ արքայն : Ապա աստի Սեքստիղիոս
անկեալ 'ի վերայ Արաբացւոցն՝ մինչդեռ
զխորանան հարկանէին՝ 'ի սուր սուտերի
մաշէր զբազումս 'ի նոցանէ . և անդուստ
Մուրենաս զհետ մտեալ Տիգրանայ՝ ան-
կանէր և նա 'ի վերայ 'ի դէպ ժամուն ,
մինչդեռ նա անկարգ ամբօխիւ անցանէր
ընդ ձոր մի գժուարին և անձուկ : Անդա-
նօր 'ի փախուստ խուճապեցաւ Տիգրան ,
և թողոյր լքանէր զամենայն աղին . և բա-
զումք 'ի հայոց տապաստ անկեալք , և
բազումք ևս 'ի գերութիւն վարեցան :

Իբրև այս կատարեցաւ՝ ժողովեալ Լու-

կուղղեաց զբանական, դէմ եդեալ խաղայր 'ի Տիգրանակերտ. անդ սաշարումն ածեալ շուրջանակի տակայացուցանէր զամբոխ զօրուն: Էին անդ 'ի քաղաքին բազումք 'ի Հելլենացւոց բնակաւորք դաղթականք 'ի Վիլիկիոյ, և բազումք ևս 'ի բարբարոսաց՝ ըստ Հելլենացւոցն օրինակի Արաբինացիք և Ասորեստանեայք և Վորդուացիք և Վասպադովկացիք, զորոց և զՏայրենիսն քանդեալ անդանօր զնոսա ածեալ ետ դաղթել Տիգրան: Եւ էր քաղաքն ընչաւէտ յոյժ և զեղուն 'ի զարդս զարդս ձօնից. քանզի և այր այր սոսկական և որ միանդամ 'ի նախարարաց՝ սատար էին 'ի շուք մրցանաւոր ընդ արքային՝ բարդաւաճ և հոյակապ յարդարել զքաղաքն զայն. ոյր աղագաւ և Լուկուղղոս սաշարումն սաստիկ ածեալ 'ի նեղն արկանէր, զմտաւ ածէր՝ եթէ ոչինչ արդեօք հանդարտեացէ Տիգրան, այլ և յակամայս 'ի սրամտութիւն բրդեալ՝ իջցէ 'ի կռիւ մարտին. և քաջիկ զայս զմտաւ ած Լուկուղղոս:

Բայց յայնժամ Միհրդատ 'ի ձեռն հրեշտակաց՝ դարձեալ և նամականեաւ առէպ 'ի բաց 'ի մարտէն քեցէր զՏիգրան. և ասէր՝ այրուձիով միայն կալ և կուրացուցանել զանցս ճանապարհաց կերակրոյն. և ինքնին ևս Տաքսիղէս յայնժամ գնացեալ առ Տիգրան և զինուորեալ՝ աղաչէր անձնապահ 'ի զինուց անախ հռոմայեցւոց լինել իբրև յանվանելեաց: Զառաջինն հեղաբար լսէր խրատուն Տիգրան.

իսկ իբրև խմբեցան առ նա առհասարակ զինուորութիւնք Հայոց և Կորդուացւոց, դարձեալ և զիւրեանցն զինուորութիւն առհասարակ ամին կացուցին թագաւորք Մարաց և Ադաբիացւոց, առ այսոքիւք՝ և յԱրաբացւոց անտի գունդք եկին հասին առ նա ՚ի ծովեզերեայց Բաբելոնի, բազումք և ՚ի Կասպից և ՚ի Արաց՝ սահմանակիցք Ազուանից, ոչ սակաւք և ՚ի բնակաւորացն Երասխայ անթագաւորք՝ եկին հասին կամ զն ՚ի շնորհս ինչ երեսաց Տիգրանայ, կամ զն անդր դրդեցան ՚ի սարգևաց ընծայից, անդ էր ապա տեսանել զն առհասարակ կոչունք և բազմականք արքային և ժողովք և ատեանք խորհրդոց ընէին ՚ի յոյս ակնկալութեանց և ՚ի յանդրդնութիւնս գոռութեանց և ՚ի բոհմունս սպառնալեաց բարբարոսացն :

Եւ անդ Տաքսիղէս ինքնին զգէմ՝ դարձեալ խորհրդոյ պատերազմին, ՚ի վտանգ պաշարեցաւ մահու . և կարծեցաւ իմն անդ այնպէս՝ ՚ի բաց զՏիգրան քեցել Միհրդատայ ՚ի մեծէ նահատակութենէ առ խանդ նախանձուն : Ուստի և Տիգրան ոչ ինչ եկաց մնաց նմա, զի մի հասարակորդ ՚ի փառսն լիցի . հորդան էտ խաղաց գնաց ամենայն բանակաւն, մեծապէս դժուարեալ յանձն՝ որպէս պատմեն՝ առաջի բարեկամացն, իբրև ընդ Աուկուղղեայ միայնոյ ՚ի վէգ ելեալ մարանչի, և չեն անդ մօտ միահամուռ ամենայն զօրավարք Հռովմայեցւոց : Եւ արդեօք ոչ գոռութեան

ինչ էր բարբառն և անբանութեան, որ ժողովուրդ ամբաւ և թագաւորս այնչափ յակն արկանէր զհետ իւր և բազմակոյտ անթիւ հետևակաց ողջ սպառազինաց, և բիւրաւորս բազումս այրուծի գնդաց: Քան զի առեալ խաղացուցանէր երկուս բիւրս ընդ աղեղնաւոր և ընդ սլարսաւոր. իսկ այրուծի հինգ բիւրս և հինգ հազար. բիւր մի և եօթն հազար ՚ի նոցանէն էին սատե նազէնք վառեալք, զոր և Լուկուղոս ինք նին գրեաց առ Սինկղիտոսն. իսկ հետևակաց վառելոց հնգետասան բիւր. կէսք կարգեալք ՚ի գունդս գունդս, և կէսք դարձեալ ՚ի փաղանգս փաղանգս. առ այսոքիւք՝ երեսուն և հինգ հազար ևս որեար՝ ուղեհորդս և կամրջակասպս և գետայարդարս և մայրահատս անտառաց և յամենայն ՚ի գործս պիտանացուս. որք և կարգեալք կազմեալք յետոյ մարտկացն, տեսիլ գործէին ողջոյն բանակին և ոյժ ևս պնդութեան էին նոցա: Հորդան տուեալ անցեալ ընդ Տաւրոս միախումբ միահամուռ, հանէր յերևան զողջոյն բանակն. և ինքն ՚ի բարձանց գագաթանց գետակն կալեալ տեսանէր զհռոմայեցւոց զօրն ՚ի սաշարման կացեալ Տիգրանակերտին: Իսկ անդուստ խուժանին բարբարոսաց որ ՚ի քաղաքին՝ ձայն հնչէր ցնծութեան ՚ի տեսանել զնա, ծափ զծափի հարեալ կայթէին, և ՚ի սլարսպաց անախ սպառնալիս ՚ի վերայ կապեալ հռոմայեցւոց՝ մատնանիչ առնէին նոցա զբանակն հայոց:

Արդ մինչև 'ի մարտն ձեռնամուխ' 'ի խորհուրդ մտեալ Լուկուղղոս, կէսք թողուլ ասէին ողջոյն զպաշարումնն և խազալ ընդդէմ Տիգրանայ. և կէսք դարձեալ մի ամենևին տեղի տալ և մի 'ի թիկանց գլունդ պաշարելոցն ունել: Իսկ Լուկուղղոս ասէր, եթէ և ոչ մի կողմն ուրոյն առանձինն գեղեցիկս խորհեցաւ. այլ միանգամայն նոքա խորհուրդ քաջ 'ի ներքս բերեն. ապա բաժանէր զբանակն, թողոյր զՄուրեհաս անդէն 'ի պաշարմանն վեց հազար հետևակօք. և ինքն առեալ գունդս քսան և չորս՝ ոչինչ առաւել քան զբիւր մի հետևակաց և ողջոյն զայրուձիոյ, և արանց ևս հազարաց ընդ պարսաւոր և ընդ աղեղնաւոր, գիմեաց խաղաց ընդդէմ Տիգրանայ: Ապա բանակ հարեալ առ գետովն յընդարձակ դաշտի, յոյժ սակաւաձեռն երևէր Տիգրանայ գունդ հռոմայեցւոցն. յորմէ և պատճառս առեալ ծաղու՝ մարգելոյզք նորա կէսք ունչս առնէին Լուկուղղեայ, և կէսք դարձեալ ընդ խաղ վիճակ հանէին զաւարացն: Եւ անդ այր այր 'ի զօրավարացն և մէն մի յարքայից մատուցեալ առ Տիգրան՝ խնդրէր 'ի նա ապաստան զմարտն առնել, ինքն 'ի զնին կացեալ հանդիսին: Նա և Տիգրան ինքնին յայնժամ հենդնախօս զկծեալ, զհամբաւեալն ասաց բան. «Եթէ իբրև դեսպանք՝ ասէ՝ գան դոքա, բազումք են. ապա եթէ իբրև զօրականք՝ նուազունք են»: Այսպէս ուրեմն 'ի ժամանակին յայնմիկ 'ի բա-

նից հեգնուեթիւնս ամուսնին նորա առհա-
սարակ

Այլ Լուկուղոս յաւուրն երկրորդի
'ի բանակէն արտաքս խաղացուցանէր առ-
հասարակ զգօրն 'ի զէն 'ի զարդ վառեալ .
իսկ բարբարոսացն բանակ կայր յայնկոյս
գետոյն ընդ արևելա . և դնայր անդ գետն
և դառնայր յարևմուտս կոյս , ուրանօր
հեշտին էր հունն . անդր ստիպաւ Լու-
կուղոս ածեալ զգօրականն , թուեցաւ
իմն այնպէս Տիգրանայ՝ ընդ կրունկն դառ-
նալ նմա , և առ ինքն զնոյն Տաքսիղէս կո-
չեալ՝ ասէր ծաղու . “ Ո՞չ իսկ տեսանես
գու 'ի փախուտ զհռոմայեցիսն դար-
ձեալ զանկռուելիս ” : Ետ պատասխանի
Տաքսիղէս և ասէ . “ Կամէի իսկ քաջ ո՞վ
արքայ , 'ի քումդ բախտէն լինել բանիդ
արտաքոյ ակնկալուեթեան : Բայց արքդ
հռոմայեցիք ո՞չ արդեօք հանդերձ պայ-
ծառ արկանեն զանձամբ յուղևորել իւ-
րեանց , և ո՞չ դարձեալ վահանս 'ի դործ
առնուն փայլունս , և ո՞չ գլխանոցս ար-
կանեն մերկս՝ իբրու զայժմուս՝ 'ի բաց
զպահարանակն զինուց առեալ զկաշեայ :
Արդ շողիւնդ այդ և փայլուն՝ արանց մարտ
կաց է , և խաղան դոքա աւաղիկ ընդդէմ
թշնամեաց ” : Այն ինչ բանքն 'ի բերան
Տաքսիղեայ էին , անդուտ երևեցաւ ա-
ռաջին արծիւ Լուկուղլեայ դարձեալ
յառաջոյ դնդացն՝ որ կարդ առեալ մի ըզ-
հետ միոյ անցեալ խաղային : Ապա հաղիւ
ուրեմն Տիգրան իբրև յարբեցուեթենէ ի-

մեփնէ ս[Թափեալ, ձայն բարձեալ կրկնէր
և երեքկնէր. « Արդ ընդդէմ մեր ուրեփն
արբդ այդոքիկ »: Եւ յայնժամ 'ի շտասս
մեծի տաղնասպի կարգ առեալ անբաւ խու-
ժանին իւրոյ, ինքն 'ի միջոցին արձանա-
ցեալ, առեալ տայր զձախոյ [Թևն արքային
Աղաբխացւոց, և զաջոյն՝ արքային Մա-
րաց, յորում և յոգնա[Թիւ ճակատեալ
պատենազէն այրուծիոյն:

Իսկ յանցանէլ Լուկուղլեայ ընդ գետն,
ազդ լինէր նմա 'ի զօրասկետացն զգուշա-
նալ աւուրն. զի էր իսկ 'ի վատախտար ա-
ւուրց անախ՝ զոր անուանեալ կարգային
Սէտա, զի և 'ի նմին աւուր հարեալ խոր-
տակեցաւ բանակ Սկիպիոնի 'ի մարտին
Վիմերացւոց. նա ետ պատասխանի զհրու-
չակելին բան, « Ես և զդոյն զայդ օր՝ ասէ՝
բարեբաստիկ յարդարեցից հռոմայեցւոց ».
Եւ էր օրն առաջին քան զմի՝ Նոննայիցն
հոկտեմբերի: Ասաց և խրախոյս բարձեալ
անցանէր ընդ գետն. ինքն նահատակեալ
խաղայր առաջին ընդդէմ [Թնամեացն,
արկեալ զանձամբ զրահս երկաթի փայ-
լունս վերտս, և քղամիդ փողփողեալ 'ի
վերջաւորս, և մերկասպատեան զսուրն
ձգէր շողացուցանէր, իբրու արագ արագ
ընդ հեռամարտ մարդկանն խառնել 'ի
կռիւ, արշաւասոյր առ ձեպ հատեալ
զանջրպետ զվայրն զնեարնկէց և զարդն-
ընկէց:

Այլ նա գէտակն 'ի վեր տեսեալ զայ-
րուծին պատենազէն ասէիլ և երևելի՝ ճա-

կատեալ առ սպորտով բլբլն և 'ի վերոյ նորա հովիտ լայնարձակ, և բլուրն զառ 'ի թափ չորս ասպարիսաց՝ ոչինչ սեպացեալ և առապար, հրաման տայր այրուծիոյն թրակացւոց և Գաղատացւոց՝ խաղալ հարկանել զնոսա 'ի կողմանէ, շարժել գրդել զնոսա 'ի վայրացն, և վանել սուսերօք ըզգեղարդունս նոցա. քանզի և զօրութիւն բոլոր պատենազէն այրուծիոյն է 'ի գեղարդունս նոցա, և առանց նոցա գործեն նոքա և ոչինչ՝ ոչ 'ի պաշտպանել անձանց և ոչ 'ի վնասել թշնամեաց, զի և 'ի յաղթ և յահագին պատենից անտի իբրև նեղեալք պաշարեալ կան նոքա. և ինքն փութայր ճեպէր 'ի բլուր անդր երկու գնդօք հետևակաց՝ մտադիւր նահատակեալք ըզհետ նորա, որ հետի յառաջոյ նոցա ընթանայր մեծաբիրտն աճապարեալ ելանել 'ի վեր: Հասեալ 'ի կատար անդր, զկայ առեալ՝ ուստի յամենայն կողմանց երևէր, ձայն բարձեալ գոչէր. « Յաղթեցաք յաղթեցաք ո՞վ նիզակակիցք, . . . Գոչեաց և առեալ խաղացուցանէր զնոսա 'ի վերայ սպառազինացն, հրաման տայր մի շարժել նիզակս, այլ գոոյթ տուեալ մօտ առ թշնամիան հարկանել խոցել զսրունս նոցա և զկողս. զի պատենազէն այրուծիոյն այս մասունք անպատեանք են:

Այլ չեղեն պէտք իրացն, զի ոչ քաջացան նոքա զդէմ հռոմայեցւոցն ունել. աղաղակ բարձեալ ահագին՝ նշաւակեալք 'ի փախուստ դառնային, յորում և ընդ-

հարեալ բախեալ յաղթահարուսոք նոցա
 և երկվարք նոցա 'ի զէնս 'ի զարդս հետեա-
 կազօրուն՝ մինչև նոցա 'ի կռիւ կաբաւեալ,
 զի և բիւրաւորք նոցա յայնժամ անվէրք
 և անարխնք նկուն եղեալք պարտեցան .
 զի հարուած ահագին կոտորածին պատա-
 հեցաւ 'ի փախչել նոցա, մանաւանդ եթէ
 և 'ի խուճապել . քանզի արգելեալ կա-
 ռեալ մնացին յամբաւից անտի հետեա-
 կացն, որ կուռ միագունդք ստուարա-
 դունդք քաջամուր արձանացեալ կային :
 Յայնմ մեծի տագնապին և Տիգրան ինք-
 նին 'ի փախուստ աճապարեաց ընդ սակա-
 ւուց ոմանց . անդ 'ի նոյն տագնապ տե-
 սեալ և զորդին, կորզեալ զպսակն 'ի գըլ-
 խոյն տայր 'ի նորա ձեռս արտասուօք, պա-
 տուէր տուեալ անձնապուր լինել ընդ այլ
 ճանապարհ : Ոչ իշխեաց պատանին 'ի
 գլուխ դնել, յանձն առնէր զայն հաւա-
 տարիմ իւրում պաշտօնէին յաւանդ . իսկ
 ինքն 'ի խուճապ խուժանին ձերբակալ ա-
 ծառ առ Լուկուղոս, և ապա ընդ ան-
 կածս մարտին գտաւ և պսակն Տիգրանայ :
 Եւ պատմեն՝ տասն բիւրուց հետեակաց և
 աւելի՝ անգանոր տապաստ անկանել, և
 սակաւուց այրուձիոյն ճողոպրել փախը-
 տեամբ . իսկ 'ի հռոմայեցւոց խոց վիրա-
 ւոր մնալ արանց հարիւրոց, և զխաապաստ
 անկանել՝ հնգից : Որպէս և Անտիոքոս ի-
 մաստասէր յիշատակ արարեալ մարտին
 այնմիկ 'ի դիցարան յիւրում մատենին ա-
 սէ . հանգունատիպ այսմ երբէք չետես

արեգակն : Իսկ Ստրաբոն միւս այլ իմաստասէր 'ի պատմական յիշատակարանան աւսէ . Հռոմայեցւոց ինքնին անձնանախատ զամօթի հարկանել, զի զէնս շարժեցին ընդդէմ այնպիսի վատ որերոյն : Իսկ Լիվիոս ինքնին գրէ, երբէք Հռոմայեցւոց ո՛չ ճակատել այնչափ սակաւաձեռն գնդաւ ընդ այնչափ խուժանի թշնամեացն . քան զի յաղթականք առ յաղթեցելովքն յայնժամ և ո՛չ քսաներորդ հաշուեցան, այլ պակաս ևս :

Բայց յայնժամ քաջք 'ի զօրավարացն Հռոմայեցւոց և հմուտք մարտից մեծապէս 'ի գովութիւն առին զԼուկուղլոս, զի արքայս կրկին երևելիս և մեծս 'ի պարսութիւն մատնեաց ներհակաբար հանդիսիւ, արագ և յուշիկ . քանզի ժամավաճառութեամբ դեգերեալ վատնեաց զՄիհրդատ 'ի քաջառոյդ ուժին, և շտապաւ արագեալ՝ նկոն արար զՏիգրան . 'ի վար արկեալ՝ որպիսի և ո՛չ դք թերևս յառաջնոց զօրավարացն՝ ժամավաճառութիւն աղդոյ, դարձեալ և դիմադրաւութիւն աներկեան : Ոյր աղագաւ և Միհրդատ ինքնին ոչինչ ճեպեաց փութացաւ 'ի կռիւն, զմտաւ ածեալ՝ եթէ ընդարոյս անձնասպահ գանդաղանօքն խաղասցէ Լուկուղլոս. ուստի և ինքն յուշիկ ընթանայր առ Տիգրան : Սակայն յուղւոյ պատահեալ ինքն Հայոց ահաբեկ փախստելից, կասկածեցաւ զբարէն . և ապա միւսանդամ բաղմութեան խուժանին ընդառաջ ելեալ նմա մերկոց

և վերաւորաց, և լուր առեալ զմեծի հա-
րուածոյն, սնդեցաւ խնդրել զՏիգրան:
Ապա գտեալ զնա ամայի յամենեցուն մի-
ջաբեկ յուսակառուր, ոչինչ ոտնհար և ինքն
լինէր հիւբացելոյն, այլ իջեալ յերիվարէն,
ախտակից արտասուակից լինէր հասարա-
կաց աղէտիցն. զանձնապահասպետան իւր
զարքունի տայր նմա, և քաջալեր և խրա-
խոյս ՚ի ներքս բերէր նմա ՚ի յոյս հանդեր-
ձելոցն. և ապա երկոքին նոքա միւսան-
գամ զօրաժողով լինէին:

Իսկ յայնժամ ՚ի Տիգրանակերտ քա-
ղաքի խռով հարեալ ընդ Հէլլենացիս և
ընդ բարբարոսս, և խնդրեալք մասն լինել
քաղաքին, ՚ի դէպ ժամուն գոռոյթ տուեալ
քաղաքին Լուկուղոս, ախրանայր նմա:
Աւնոյր զգանձան արքունի, և թողոյր զքա-
ղաքն յառ և յապուր զօրականին. անգա-
նոր՝ թող զայլ ընչաւէտութիւնն, գտա-
նէին և ութ հազար քանքար դրամոց հա-
տելոց. առ այս գարձեալ՝ առն առն ՚ի
զօրականէն բաշխէր տայր ութ հարիւր
դրամակշիռ յանկաժէ թշնամոյն: Իրազեկ
ապա եղեալ՝ զի ձերբակալ եղեն անդ բա-
զումք ՚ի դերասանից խաղուցն Դիոնիսեայ,
զորս ՚ի կողմանց կողմանց անդր խաղացոյց
Տիգրան ՚ի տօն նուիրաց Թատրոնին՝ զոր
ինքնին Տիգրան կանգնեաց, զնոսա առեալ
Լուկուղոս վարէր ՚ի հանգէս խաղուց և
տեսարանաց իւրոյ յաղթութեանն: Ապա
՚ի սեպհական հայրենիսն առեալ արձա-
կէր զՀէլլենացիսն՝ տուեալ պաշար զճա-

նապարհին . զնոյն՝ և զբարբարոսան զբրու-
 նադատ դաղթականնն : Եւ այնպէս յաւե-
 րածոյ միոյ քաղաքի շտաբ 'ի քաղաքաց
 յոտին կանգնեցան բնակեալք 'ի բնակա-
 սնունդ բնակչացն , որք և մեծապէս սիրով
 կապեցան ընդ Լուկուղղեայ , իբրու որ
 բարեգործ նոցա և հիմնագիր : Եւ ապա
 այլն ամենայն յաջողէր Լուկուղղեայ ըստ
 արժանի անձին նորա . բայց նա ըզձակաթ
 էր գովութեանց արդեանցն՝ որ յարդա-
 րութենէ անտի և 'ի մարդասիրութենէ ,
 քան որ 'ի մարտից նահատակութեանցն .
 քանզի 'ի վերջինսդ ոչ դուզնաքեայ ինչ
 հատարակորդ է և զօրականն ինքնին , և մե-
 ծապէս ևս՝ բախտն գլխովին . իսկ առա-
 ջինքն՝ հեզ և հրահանգ հոգւոյն հաւաս-
 ակք են :

Այսպիսեօք բարեզգեայ հանդիսիւք
 անզէն նուաճէր յայնժամ Լուկուղղոս
 զխուժադուժան , եկեալ հասեալ առ նա
 ինքնին և արքայից Արաբացւոց տալ նմա
 'ի ձեռս զամենայն իսկ զգոյս իւրեանց .
 առ այս՝ և ժողովուրդ Սովփինացւոց անձ
 նատուր նմա լինէր : Բայց և Կորդուացիք
 այնպէս իմն սիրեցին զնա , զի և մտադիւ-
 րագոյնս թողուլ լքանել զքաղաքսն և ըզ-
 հետ երթալ նորա հանդերձ որդւովք և
 կանամբք : Քանզի Զարբիէնոս արքայ Կոր-
 դուացւոց՝ ըստ որում և ասացաքն՝ դաղտ
 նիզակակցութիւն կուեալ էր ընդ Լու-
 կուղղեայ 'ի ձեռն Ապպիոսի , ոչ ևս հան-
 դուրժեալ բերել զբռնաւորութիւն զՏի-

դրանայ . որում իրազգած Տիգրան եղեալ տայր սպանանել զՉարբիէնոս և զորդիս նորա և զկին նորա՝ մինչև Հռոմայեցւոցն հորդան տուեալ էր ՚ի Հայս :

Այլ Լուկուղղեայ ոչինչ մտացօնք եղեալ, անդէն հասեալ առ Կորդուացիսն՝ հանդէս կատարէր յուղարկաւորութեան Չարբիէնեայ . և սաճուճեալ զխարոյկ նորա ՚ի հանդերձս սատուականս և յոսկի նորուն իսկ արքային և յանկաճս աւարացն Տիգրանայ, ինքնին առեալ հուր մատուցանէր և ձօն ձօնէր նուիրաց ՚ի միասին ընդ բարեկամաց և մերձաւորաց սպանելոյն . և կարգայր զնա իւր ընկեր և նիզակակից Հռոմայեցւոց . առ այս՝ և հրաման տայր կանգնել նմա շիրիմ հոյակապ անինայ ՚ի ծախսն . քանզի և եգիտ իսկ մթերս սատիկ ոսկւոյ և արծաթոյ յարբունին Չարբիէնոսի . և ամբարս ևս ցորենոյ երկց հարիւրոց բիւրուց գրուաց, յորմէ և լիացան յօրացան զօրականք : Եւ սքանչացաւ մեծապէս Լուկուղղոս, զի և ոչ գրամակչուով չափ ՚ի հասարակաց գանձարանէն՝ ՚ի նմին իսկ ՚ի մարտէն ՚ի գլուխ տարաւ ըզմարտն :

Յայնմ Ժամանակի և Արքայն Պարթևաց հրեշտակութիւն առաքեալ առ Լուկուղղոս՝ հրաւիրէր կռել գաշն և բարեկամութիւն . մեծապէս հաճեալ Լուկուղղոս՝ արձակէր և ինքն հրեշտակս առ արքայն . որոց գնացեալ ՚ի վարանս տարակուսի գտանէին զնա . քանզի գաղտաբար

դաշինք էին նորա և ընդ Տիգրանայ . իսն
 դրէր 'ի նմանէ զՄիջագետս 'ի փոխարէն
 օգնականութեան ձեռինն՝ զոր խոստա-
 նայր նմա : Ազգ Լուկուղլեայ եղեալ բա-
 նին , եզ 'ի մօտ թողուլ զՄիհրդատ և ըզ-
 Տիգրան՝ իբրու վատեալս ոմանս , և փորձ
 զզօրութեանն փորձել Պարթևաց 'ի մարտ
 սպառերաղմի . զմտաւ ածէր՝ մեծաց հան-
 դիպել վառաց , կուռ զհետ միմեանց իբ-
 րու ըմբիշ քաջ 'ի մի թափ մարտի զգետ-
 նեալ արքայս երիս՝ յաղթական որ ընդ
 արեգակամբս երից վեհագունիցն արանց :
 Ապա հրաման արձակէր 'ի Պոնտոս առ
 Սորնատիոս և առ այլս 'ի զօրավարացն՝ ա-
 ծել խաղացուցանել առ նա զզօրականն .
 քանզի կամէր 'ի Աորդուաց անտի խաղալ
 'ի վերնագաւառ անդր : Բայց նոքա և յա-
 ռաջնմէ գիտակք ստահակութեան զօրա-
 կանին , իսկ յայնժամ և համօրէն 'ի վերայ
 կացին սպերասան ըբութեան նոցա . ոչ
 ինչ ձեռնհաս եղէն հնազանդել ոչ հաւա-
 նողական բանիւք և ոչ սպառնալեաց և ոչ
 բռնութեամբ . նա և բողոք բառնային նո-
 քա՝ և ոչ անդէն կալ մնալ , այլ յառնել
 չու առնել լքեալ ամայի զՊոնտոս : Զհամ-
 բաւի հարեալ բանին առ Լուկուղլոս՝
 ստերիւրեցան և նորա զօրականք . քանզի
 և յընչաւէտութենէն և 'ի փափկութենէն
 գրդացեալ իսկ էին և 'ի կռիւն յուլա-
 ցեալք . ինդրէին կեանս վարել պարա-
 սորդս . սալա և զհամարձակաձայն բար-
 բառն լուեալք զզօրականին Պոնտոսի՝ իբ-

բու արս քաջս առեալ գովէին զնոսս և զանձինս ևս 'ի նոյն խառնէին . իբրև շատ իսկ 'ի ներքս բերին նոքա նահատակութիւնս , զի և այնուհետև ըստ արժանի յանդորրու կացցեն :

Յայսպիսեաց բանից և որ չար ևս՝ լուեալ Լուկուղղեայ , յետս կացեալ 'ի խորհրդոյն ընդդէմ Պարթևաց , անդրէն միւսանգամ չու առնէր խաղայր դնայր ընդդէմ Տիգրանայ 'ի խոր ամարայնի : Անցեալ ընդ Տաւրոս , տարակուսէր յանձն՝ զի դեռ ևս դալարի զարտորայն տեսանէր . այնպէս իմն 'ի սահմանն յայնոսիկ անադանեալ աեսանին եղանակք 'ի ցուրտ օդոց վայրացն :

Ապա իջեալ 'ի վայր երկիցս և երիցս 'ի փախուստ դարձուցանէր զՀայս՝ որ 'ի դիմի հարան նմա . և արձակ արձակ աւարէր զաւանս նոցա , և այնպէս 'ի բաց 'ի նոցանէն զամբարան հանեալ զՏիգրանայ , 'ի նոյն՝ յորմէ ինքն իիթայր՝ 'ի կարօտութի զթշնամիսն արկանէր : Այլ քանզի ստէպ ստէպ ասպարէզ կարգալով մարտի , և փոս և խրամ հատեալ զնոցա բանակաւն , առ այս՝ և ակն յանդիման նոցա յաղարտ ըզգաւառն վարելով , իբրև ոչինչ կարաց զնոսս 'ի ճակատ հանել , զի բազում անգամ հարան 'ի նմանէ . ժողովեալ զամենայն զբանակ իւր դէմ եդեալ խաղայր յԱրտաշատ յարբունիսն Տիգրանայ , ուր և էին նորա տղայ մանկունք իւր և տիկնայք . զմտաւ ածէր եթէ ոչինչ հանգար-

տեալ ժուժեացէ Տիգրան անդիմամարտ
Թողուլ զնոսա :

Եւ պատմեն՝ Աննիբաղայ Կարբեղոնա-
ցոյ յետ հարուածոյն Անտիոքոսի՝ ի հռո-
մայեցւոց՝ յառնել զնալ առ Արտաշէս
Հայ, և անդ շատ ինչ ՚ի պիտանեաց Թե-
լագիր ուսուցանել նմա . յորս և զայն ինչ
զի վայր մի յաշխարհին զննեալ անդասին
՚ի բնութենէն քաջավայր և բերկրապա-
տար՝ Լքեալ ամայի, ՚ի նոյն վայր մտա-
խորհ լինէր Աննիբաղ հովանագրել զձև
քաղաքին, և անդր զԱրտաշէս ածեալ ցու-
ցանէր և խելամուտ առնէր զնա հիմն ար-
կանել : Հաւանեալ արքային՝ աղաչէր ըզ-
նոյն ինքն զԱննիբաղ՝ ոստիկան վերակա-
ցու կալ ՚ի վերայ գործոյն, և այնպէս շի-
նէր քաղաք մեծ և գեղեցիկ յոյժ . և ա-
նուն կարդացին նմա զարքային, և լինէր
Քաղաքամայր Հայոց 3 :

Ապա ՚ի նոյն քաղաք դէմ եգեալ Լու-
կուղղոս, ոչ ևս հանդարտեաց Տիգրան .
խաղաց չու արար ամենայն զօրութեամբ և
հասեալ բանակ հարկանէր յաւուրն չոր-
րորդի մօտ Հռոմայեցւոց, առեալ ՚ի մի-
ջոցին զԱրտանիաս գետ 4, ընդ որ հարկ
իսկ էր անցանել Հռոմայեցւոց խաղալ
յԱրտաշատ : Անդ զոհ գիցն զոհեալ Լու-
կուղղոս՝ իբրու ՚ի բռին զյաղթութիւնն
ունելով առեալ անցուցանէր զգօրն՝ հոր-
դան տուեալ կարգ առ կարգ երկոտասան
գնդաց, զայլսն վերջապահ կալեալ՝ զի մի
՚ի ներքս փակեացի ՚ի Թշնամեաց : Իսկ ՚ի

Ճակատուն Տիգրանայ կարգեալ արձանացեալ կային յոքնաթիւ ընտիր ընտիր այրուձիոյն, և յառաջոյ Մարք կիրթք դիպաղեղունք յերիւարէ, և Վիրք նիզակաւորք. յորս և քան զամենայն եկս բանակին յոյժ վստահ էր Տիգրան՝ իբրև ՚ի կորովիս քաջամարտկաց: Բայց յայնժամ գործ ինչ նահատակութեան ոչ ցուցին նորա. և վայր մի ընդդէմ կացեալ այրուձիոյն Հռոմայեցւոց, ՚ի խուժեւ Հեռակացն՝ ոչ կացեալք յակաստանի՝ քակտեալ բաժանեցան և ցիր և ցան ՚ի փախուտ դարձեալք՝ ՚ի նոյն և զայրուձին զհետ առեալ ձգէին ՚ի վանեւ զնոսա:

Այսորիկ այսպէս եղելոյ՝ այրուձի այլ յառաջ խաղացուցեալ Տիգրանայ, ՚ի փայլին ՚ի շողին բազմութեանն զահի հարեալ Ղուկուղիայ՝ ձայն տայր դարձի հետամուտ այրուձիոյն, և ինքն առ ետեղ նահատակ ՚ի դիմի հարեալ Նախարարացն՝ որ այրընտիր ՚ի քաջաց առեալ խաղացին ընդդէմ նորա, անդէն ահ մեծապէս արկեալ՝ մինչև ՚ի մարտ մատուցեալ ՚ի փախուտ դարձուցանէր զնոսա: Բայց յերկց անտի արքայից ճակատեւոցն, յաւէտ իմն նշաւակ ՚ի փախուտ խուճապէր Պոնտացին Միհրդատ, որ և հանդարտեաց իսկ ոչ՝ ձայնի աղաղակի Հռոմայեցւոցն: Ապահետամուտ հարուստ միջոցաւ փախստեիցն եղեալ, ողջոյն զգիշերն տապաստ ՚ի նոցանէն արկեալ և կենդանւոյն ևս ձերբակալ արարեալ, ածէին կապուտ և կուտէին

զառ և զսպուր, մինչև յողնեալք տեղի տային: Արդ՝ Լիվիոս պատմէ յառաջ նուա՛մ անդ մարտին բազմագոյն լինել անկեւոց և գերւոյն թշնամեաց. իսկ ՚ի վերջ նուսմն՝ աւագ որերոյն նոցա:

Յետ այսորիկ մեծապէս քաջալերեալ Լուկուղղեայ, խորհէր ՚ի վերնագաւառ անդր յառաջ խաղալ, և ՚ի սպառ զբարբարոսան վանել. սակայն՝ անկարծելի ՚ի հասարակածի անդ աշնայնոյն ՚ի դառնաշունչ եղանակին ձիւնաբերք սաստիկ եղեն, և ապա ՚ի սարգել օգոցն՝ եղեմունք անհնարին և սառամանիք. զի և դժուար ըմբուք լինէին երիվարք ՚ի գետոց առ սաստիկ ցրտութեանն, առ այս՝ և դժուարագնալիք. քանզի ՚ի հերձուլ սառիցն՝ ջիղք ամբակացն կտրէին ՚ի դժնդակաց անտի. բայց և աշխարհն ինքնին բազում ուրեք խաւարարգել, և անձկուղի և անտառամուլ. և տամկացեալ ձիւնախաղաղ էր ՚ի չուն զօրականն, և մեծաւ տառապանօք օթէին նոքա ՚ի ծմակս: Ուստի և ոչ բազում ինչ աւուրս զհետ չուեալք Լուկուղղեայ, սկսան նոքա խոտորնակս գնալ. զառաջինն յողոք խոնարհեալք՝ առեալ արձակէին առ Լուկուղղոս զհազարապետս իւրեանց. ապա ՚ի մի վայր խոնեալ՝ ձայն աղաղակի ամբոխին նոցա բազմանայր գիշերի ՚ի բանակետեղս նոցա. և էր այն մօտալուտ ապստամբութեանն նշանակ:

Յայնժամ Լուկուղղոս աղերս բազում արկեալ և քաջալերեալ ևս ՚ի համբերու-

Թիւն , մինչև զՎարքեդոնն Հայոց Հիմն 'ի վեր քանդեսցեն զձեռակերտ զոխերիմ Թշնամոյն իւրեանց , (և ասէր զԱննիբաղայ) . իբրև ոչինչ կարաց համողել զնոսս 'ի հանդարտութիւն , խաղացոյց յետս և անցեալ զբարձունան Տաւրոսի՝ ընդ այլ ուղի իջանէր 'ի գաւառ անդր որ անուանեալ կոչի Միւզդոնեան , գաւառ ամենաբեր և արևահայեաց , յորում և քաղաք ընդարձակատարր և բազմաժողով . բարբարոսք անուն կարդային նմա Մծբին , և Հելլէնք՝ Անտիոք Միւզդոնեան : Իշխէր քաղաքին ըստ աւագութեան բարձին Գուրաս եղբայր Տիգրանայ , այլ ըստ քաջափորձ հմտութեանն 'ի Մեքենականն՝ տիրացեալ էր 'ի նմա Վալլիմաքոս . այն՝ որ և յԱմիսոն աշխատութիւն բազում հասոյց Լուկուղլէայ : Անդանօր բանակ հարեալ Լուկուղլոս , սաշարումն հնարիմաց արուեստիւ ամէր քաղաքին , զի և 'ի սակաւ ժամանակի տիրացաւ նմա : Ապա մարդասիրութիւն բազում ցուցեալ առ Գուրաս՝ որ անձնատուր լինէր նմա , ոչինչ հայեցաւ 'ի Վալլիմաքոս , թէպէտ և խոստանայր ևս նմա 'ի վեր հանել գանձս ծածուկս մեծամեծս . ետ հրաման 'ի կոճեղս ունել զնա , 'ի վրէժ հրայրեաց աւերածոյն՝ զոր ամ նա 'ի վերայ Ամիսոնացւոց քաղաքին . և 'ի դերև եհան զնա 'ի ժամուն 'ի փառաց հանդիսի մարդասիրութեան իւրոյ առ Յոյնս :

Յայս վայր աւագիկ բախտն գլխովին

իբրու ցանգ զուղահետ Լուկուղղեայ՝
 մարտակից նմա ընկեր յամենայն նահա-
 տակութիւնս նորա . բայց աստի և անդր՝
 իբրու որ վրէպ 'ի յաջողակ հողմոյ՝ շատ
 տառապեցաւ նա յամենայն 'ի բանս և յա-
 մենայնի գտանէր քար ընդ ոտն . թէպէտ
 և քաջութիւն համբերատար յանձին ե-
 բեր արժանի քաջի զօրավարի , ոչ փառա-
 ւորեցաւ ինչ այնուհետև 'ի գործս իւր .
 նա և վայրիկ մի ևս՝ յաղէտից կրիցն և 'ի
 հերձուածոց ամբօխիցն կապտէր նա յա-
 ւաջնոց անտի իւրոց փառացն : Եւ ապա
 աղէտիցն այնոցիկ ոչ դուզնաբեայ ինչ
 պատճառք էր և ինքն գլխովին . ոչ գիտաց
 յինքն զսէր յանկուցանել զօրականին .
 կարծեաց այնպէս՝ 'ի հաճել զհնազան-
 դեալսն՝ անփառուեակ զանձն յարդարել
 և զաւագութիւն զանձինն տապալել : Եւ
 որ մեծն , բոյս էր նորա բարուց՝ և ոչ ընդ-
 աւագ արան և ընդ հանգիտասպառիւան զի-
 ջանել , այլ ամենեցուն առ իւրև ունչս
 իմն առնէր . այս ինչ էին՝ որպէս ասեն՝
 Լուկուղղեայ խակութիւնք խանն 'ի բա-
 զում գեղեցիկ հանգիտից նորա : Քանզի
 աւագանձն էր և գեղանի , պերճ և զօրաւոր
 բանիւք և հանճարեղ և զգօն յատենի և
 'ի բանակի : Արդ Սալլուստիոս ասէ , եթէ
 և անգստին 'ի բնէ մարտին՝ ուժացեալ էր
 զօրականն 'ի սիրոյ նորա . իբրև ստիպեցան
 նորա ձմերել երկկցս 'ի բանակին , 'ի Վի-
 զիկոն , և միւս ևս՝ յԱմիսոն , և ապա 'ի
 ձմերուանն որ զինի՝ տաղտկացան յոյժ նո-

քա . քանզի ձմերեցին կամ 'ի թշնամեաց
գաւառին, կամ առ նիզակակից ժողո-
վուրդան 'ի բացէ 'ի դաշտի ընդ վրանօք .
զի և ոչ միանգամ եմուտ զօրու Լուկուլ-
ղոս 'ի քաղաք Հելլենացուց և բարեկամաց :

Արդ 'ի չար ժամուն՝ թինդս մեծա-
պէս տային զօրականին անդուստ 'ի Հոսով-
մայ ճարտասանք սուտակասպաք խուժա-
նին, որք առ նախանձու դատախազ զԼու-
կուղղեայ կային՝ յերկարածգէլ նմա զմարտ
պատերազմին առ իղձ զօրավարու թեան և
ընչաւէտու թեան, 'ի բռին դողցէս կա-
լեալ ինքնին միայնակ զՎիլիկիա, և զԱսիա,
և զԲիւթանիա, և զՊափղադոնիա և զԳա-
ղատիա, և զՊոնտոս և զՀայաստան, և որ
անդր մինչև 'ի Փառիս . և 'ի վերջէ՛ զի յա-
ւարի առեալ կողոպտեաց նա և զՏիգրա-
նայ զարբունիան . իբրու որ արձակեցաւ
անդր կապտել մերկել զԹադաւորս, և ոչ
նուաճել զնոսա : Եւ պատմեն՝ Լիւկիոսի
Վուինտոսի ժողովրդապետի ասել յայսպի-
սեաց բանից . յորմէ և մեծապէս դրդեալ
խուժանին վճիռ տայր փոխանակ առա-
քել Լուկուղղեայ, առ այս՝ և զբազումս
'ի զօրականէն նորա արձակել 'ի բաց :

Անդ յալէտան 'ի մեծ յաւելաւ և այլ՝
որ հիմն 'ի վեր զիրան տապալեաց զԼու-
կուղղեայ : Սա այս էր Պոպղիոս Աղովզիոս
այր խեռ և անառակ և Բալիրհ . էր սա
տադր Լուկուղղեայ, և բամբասեցաւ ան-
կանել սմա և ընդ անժուժկալ կնոջն : Իսկ
յայնժամ զինուորեալ նա առ Լուկուղ-

ղեայ, 'ի բարձէ աւագութեանն՝ որում արժանի զանձն համարէր՝ վրիպեալ դտաւ . և ոչ այսչափ միայն՝ այլ քան զամենեսեան 'ի վեր յաւակնեալ, առ վատթարութեանն՝ բազմաց ևս այլոց 'ի վերջոյ եկաց : Սա ապա հնարեցաւ որսալ գողանալ զգորականն Փիմբրիասայ և յուզել զնոսա ընդդէմ Լուկուղլեայ . հրապոյրա արբուցանէր նոցա ախորժակս, զոր և մտադիւրս ընկալան նոքա բնաւորեալք 'ի մարդահաճութիւն : Քանզի և այն զօրականք էին նոքա՝ հրապուրեալքն 'ի Փիմբրիասայ 'ի սպանութիւն Փլակկոսին հիւպատեան և ընտրել զինքն 'ի զօրավար . ուստի և յօժարամիտս ժողովէին նոքա և զՎղովզիոս, փարեչի և բարեկամ զօրականին կարդային զնա, քանզի և ախտակից կարեկից ցուցանէր զանձն նոցա .

“ Ո՞չինչ արդեօք՝ ասէր՝ եզր և սահման լինիցի այնչափ մարտից և քրտանց . այլ ողեսպառ թերևս լիցուք մէք մարտ զնել կռուել ընդ ամենայն ժողովրդոց, և ընդ ամենայն երկիր երերել տատանել առանց մրցանակի՝ արժանի բազմաժամանակեայ զինուորութեանս . և կարապետ կառավար լինել ցանդ կառաց և ուղտուցն Լուկուղլեայ՝ բեռնաբարձից ոսկի բաժակացն և ականակապ : Եւ արդեօք անդանօր զօրականք Պոմպէի ժողովրդացեալք՝ բնակեցան ուրեք յանդորրու հանդերձ կանամբք և և որդուփք, և զերկիր կալան բարի, և քաղաքս . նոքա ոչ զՄիհրդատ և ոչ զՏիդրան

վանեալք վարեցին յանապատս անշէնս, և ոչ զարբունին քանդեցին նոքա զԱսիոյ . այլ մարտ միայն եղեալ կռուեցան յԻբերիա ընդ տարագիր որերոյն, դարձեալ և ընդ փախտեից յԽտալիս: Եւ զի՛նչ ապա . եթէ արդեօք անդադար լինել պարտ իցէ 'ի մարտից պատերազմաց, զի՛ մեք չպահեմք զնշխարեալ մեր մարմին և զողի վասն այնպիսուսն զօրավարի, որ զարդ մեծապէս անձին վարկանի զընչաւէտուծիւն զօրականին իւրոյ“:

Յայսպիսեաց բանից հրապուրեալ զօրականին, ո՛չ ևս կամէին զհետ խաղալ Լուկուղղեայ՝ ո՛չ ընդդէմ Տիգրանայ և ո՛չ Միհրդատայ, այն՝ որ արդէն միջամուխ 'ի Պոնտոս 'ի Հայաստանէ գրաւեալ ունէր զիւր արքայութիւնն: Ապա զժամանակ պատճառեալ նոքա զձմերայնոյն, դեղերեալ կային 'ի Կորդիս . ժամ 'ի ժամէ ակնկալեալ մնային գալստեանն Պոմպէի կամ թէ այլում ումեք զօրավարի փոխանակ Լուկուղղեայ: Բայց լուր առեալ զի Միհրդատ 'ի պարտութիւն զՓարիոս մատնեալ, խաղայ գնայ ընդդէմ Սորնատեայ և Տրիարեայ, ապա զամօթի հարեալք յարեան զհետ Լուկուղղեայ: Իսկ յայնժամ Տրիարիոս իբրու անկասկած զյալթութենէն՝ պատուասիրեալ մարտ յարդարել մինչև հասեալ Լուկուղղեայ՝ որ առ դուրս կայր, հարուածս ահագին ընդունէր . քանզի ասեն՝ անդ տապաստ անկանել Հռոմայեցոց աւելի քան եօթն հա-

զարաց . յորս և հարիւրապետք հարիւր և յիսուան , և հաղարապետք քսան և չորք , և տիրանալ Միհրդատոյ բանակին նոցա : Յետ սակաւուց հասեալ Լուկուղլեայ՝ առեալ 'ի ծածուկ ունէր զՏրիարիոս անդր թելի 'ի սրտմտութենէ զօրականին՝ որ խնդրէին զնա : Բայց Միհրդատ յայնժամ անկուիւ ակնկալեալ Տիգրանայ՝ որ զօրու ծանու գայր իջանէր , եդ 'ի մտի Լուկուղլոս մինչև նոցա երկոցուն 'ի մի խմբեալ՝ խաղալ ընդդէմ Տիգրանայ և կռուել :

Այլ խուով ապստամբութեան առեալ յուզոջ 'ի Փիմբրիանեանս՝ դատալիք լինէին , իբրու որք արձակեալք վճռու 'ի զինուորութենէն , և յայլս ոմանս ապստան զօրավարութեանն եղեալ , ոչ ևս հրամանատար կացցէ Լուկուղլոս : Եւ ապա յայնժամ զամենայն հանդէս անարժան իւրում բարձին և շքոյն՝ խոնարհեալ 'ի ներքս բերէր Լուկուղլոս . միում միում 'ի նոցանէն յողոք անկեալ սաղատէր , շուրջ եկեալ յածէր գնայր 'ի խորանս նոցա՝ վայրանկեալ ակնկոր և 'ի դէմն արտասուագին , էր՝ զի և զուրուք 'ի նոցանէն զաջոյն կալեալ . այլ նոքա ողորանայն երեսս չառնէին , առեալ զգետնէին թափուր դատարկ զքսակս իւրեանց . ասէին ինքնին միայնակ գնալ կռուել ընդ թշնամիսն , յորոց միայնակ գիտէ ինքն ընչահաւաքն լինել : Համայն և այնպէս 'ի խընդրուածս այլոց զօրականին խոնարհեալ Փիմբրիանեանց , միաբանեցան կալ մնալ

անդէն զամառն ողջոյն . դաշն եղեալ զի
 թէ երբէք զժամանակն զայն մարտ ուստեք
 ոչ յուզեացի, ազատացեալք այնուհետև
 գնացեն 'ի բայ: Հարկ էր Լուկուղղեայ
 հաճել ընդ բանն, կամ թէ ամայի ինքն
 լքեալ, թողուլ ողջոյն զաշխարհն 'ի բար-
 արբոսացն ձեռս:

Ապա առեալ սահէր զնոսա անբռնա-
 դատս, և 'ի կռիւ չհանէր . շատ համարե-
 ցաւ առ իւր զնոսա ունել. թոյլ ետ այ-
 նուհետև Տիգրանայ աւարել քանդել զԿա-
 սագովկիա . և զիջանէր տեղի տայր միւ-
 սանգամ պերճութեանն և խեռութեանն
 Միհրդատայ . և այն զի՝ գրեալ իսկ էր Լու-
 կուղղոս առ Սինկղիստոսն վասն իսպառ-
 նուածութեան առն . ոյր աղագաւ և սա-
 տուիրակք եկեալ հասեալ էին առ նա 'ի
 Հռոմայ կարգ և յօրինուած տալ իրացն
 Պոնտոսի, քանզի կարծեալ իմն այնպէս
 էին՝ տիրացեալ Լուկուղղեայ յանգորրու
 աշխարհին այնմիկ . սակայն հասեալք առ
 նա, տեսանէին և ոչ անձին անգամ տիրա-
 ցեալ զնա՝ խոտեալ և ոտնհար յիւրոց ան-
 տի զօրացն: Որոց և լրբենի դիմեք 'ի վախ-
 ճանել ամարայնոյն արկեալ միանդամայն
 զանձամբ զէնս և մերկեալ զսուտերս, մար-
 տի ասպարէզ թշնամեացն կարդային, յոր-
 ժամ նոքա չէին ուրեք 'ի միջի և վերջոտ-
 նեալ իսկ էին . ապա ձայն աղաղակի բար-
 ձեալ և ստուերամարտք եղեալ, հորդան
 արտաքս առհասարակ տային 'ի սլատնչէն,
 բողոք բարձեալ՝ եթէ անցեալ է ժամա-

նակակէտ սահմանին մնալոյ իւրեանց առ
Լուկուղլեայ :

Իսկ անդուստ Պոմպէոս նամականի
տուեալ կոչէր առ ինքն 'ի զօրականէն .
քանզի և ինքն իսկ կարգեցաւ յայնժամ
զօրավար մարտին ընդդէմ Միհրդատայ և
Տիգրանայ 'ի ձեռն խուժանին և 'ի շնթե-
լոյ հռետորաց ռամկին : Բայց յայնժամ
Սինկղիտոսն և լաւ որեարն զնոյն մեծա-
պէս նախատինս վարկանէին Լուկուղլեայ,
իբրու որ ոչ փոխանակս մարտին կալցի,
այլ յաղթանակին իւրում . և բռնութիւն
լինիցի առն՝ տեղի տալ այլում ոչ 'ի զօ-
րավարութենէն , այլ 'ի վարձուց փոխա-
րինացն : Զնոյն և քսամնելի էր նոցա՝ որ
անդէն 'ի զօրուն կային , յորժամ 'ի բա-
նակին կապտեալ յիշխանութենէն տեսին
զԼուկուղլոս . ոչ պարզուէլ կարէր , և ոչ
պատուհաս 'ի վերայ ածել . դարձեալ և
անդուստ Պոմպէոս ումէք չտայր թոյլ մօտ
երթալ առ նա , կամ ունկն դնել սահ-
մանի հրամանաց նորա և տասանց պատուի-
րակացն որ ընդ նմա , այլ և աշխարհաւ
հրովարտակ հանեալ արդեւ և կնքեաց .
առ այս՝ և զի անդ մօտ կացեալ ահարեկ
էր առ մեծի ուժոյն : Սակայն և այնպէս
հաճոյ թուեցաւ բարեկամացն , գալ նոցա
խօսել ընդ միմեանս :

Ապա 'ի մի վայր եկեալ նոքա յաւանի
ուրեք Գաղաւիոյ , մեծապէս մարդասի-
րութեամբ խօսէին ընդ իրեարս՝ այր ընկե-
րին խնդակից լինէր վասն գեղեցիկ նահա-

տակութեանցն : էր իսկ Լուկուղղոս տիօք աւագ , այլ Պոմպէոս քան զնա աւագութեան վիճակեալ բարձի , յաճախ ևս կացեալ զօրավար բանակի , և կրկնակի տարեալ յաղթանակի հանդէս . բայց և երկաքանչիւր նոցա գնային յառաջոյ գաւազանք՝ ՚ի նշանակ ոցուն մրցանացն՝ սարդէնաբարձք . այլ Լուկուղղեայ գաւազանակիրք տեսեալ զսարդէնիս թարշամեալըզ գաւազանացն Պոմպէի , զի յերկիր անջրդի և ծարաւուա երկայն հատեալ էր ուղի , առեալ գալարադեղս և առոյգս տային գաւազանակրացն նորա յիւրեանց անտի . և զայն բարեգուշակ ասէին բարեկամքն Պոմպէի : Եւ արդեօք գեղեցիկ նահատակութիւնք նորա՝ շուք և զարդ ՚ի ներքս բերին զօրավարութեան սորա : Բայց յայնժամ ՚ի կենակից խօսելոյն նոցա պայման և ոչ մի հաստատեցաւ ընդ նոսա . ելին մեկնեցան այր յընկերէ ռիսերիմք առաւել քան զառաջինն :

Առեալ ասպա Պոմպէոս անվաւերական գործէր զամենայն սահմանս կարգաց զԼուկուղղեայ , և յինքն ժողովեալ զամենայն զօրականն , թողոյր առ նա ՚ի հանդէս յաղթանակին ոգիս միայն հազար և վեց հարիւր . այլ և ոչ սոքա յօժարամիտք յոյժ էին զհետ երթալ նորա . այնպէս ուրեմն կամ ձախողակի հանդիպեալ ՚ի բնութեն , կամ թէ վատաբախտեալ գլխովին էր Լուկուղղոս յառաջինն յայն և ՚ի մեծ հանդէս առն զօրավարի . որպէս զի եթէ յան-

կարծ և զնոյն ընդ սեպհականին իւրում պատուաստեալ էր պերճ և բազմադէմ առաքինութեան անձինն, (ընդ քաջութեան ասեմ արութեանն, ընդ աննիրճ տքնութեանն, ընդ հանճարոյն զգօնութեան, և ընդ արդարութեանն), արդեօք ո՛չ զԵփրատէս սահման յԱսիա ունէր հռոմայեցոց տէրութիւնն, այլ և անդր մինչև 'ի սահմանս վերջինս ձգէր տարածէր և մինչև 'ի ծովն Վրկանայ. քանզի և այլ ժողովուրդք նուաճեալ իսկ էին ընդ ձեռամբ Տիգրանայ. և Պարթևաց զօրութիւնն ինքնին առ Լուկուղլեաւ՝ չէր որպէս առ Վրաստիւ, և ո՛չ դարձեալ միաբան և միախորհ. այլ յընտանի կռուոց անտի և 'ի սահմանակից՝ և ո՛չ զհայոցն անգամ արչաւան ուժէին նոքա վանել:

Արդ ինձ թուի՝ քան շահ օգտի յիւր ձեռն՝ զեան մեծապէս յայլոց ձեռս հասուցանել Լուկուղլեայ իւրոց հայրենեացն: Քանզի այն ատոյեանք կանգնեալք 'ի Հայաստան աշխարհ մօտ Պարթևաց 'ի Տիգրանակերտ և 'ի Մծբին, և հարստութիւնք ամբաւք ածեալք 'ի հռոմ յերկուց անտի քաղաքաց, առ այս և պտակն ինքնին Տիգրանայ կալեալ 'ի մարտին և տարեալ 'ի յաղթանակին, այդ ամենայն յուլեալ դրդեցին զՎրաստս ընդդէմ Ասիոյ. իբրուէթէ որպք պատրաստք՝ անդանօր մնան նմա այն բարբարոսք և աւարք դիւրմբունէլք: Բայց ասրս արագ արագ պատահեալ նորա նետիցն Պարթևաց, յայտյանդ իմանու-

Թեամբ ցուցանէր՝ զի ոչ յանհմտութենէ
 Թշնամեաց և յանարի վատութենէն յաղ-
 Թեաց նոցա Լուկուղղոս, այլ քաջութե-
 արութեամբն և ՚ի գեղեցիկ հրահանգացն
 մարտից: Այլ յաղագս այդոցիկ զինի:

Արդ ՚ի հռոմ դարձ արարեալ Լու-
 կուղղեայ, գտանէ զեղբայր իւր զՄարկոս
 դատասխազեալ ՚ի Գայոսէ Մեմփոսէ վասն
 գործոց ինչ նորա ՚ի հրամանէն Սիւղլայի
 ՚ի գանձաւորութեան իւրում. բայց ապա
 արձակեալ Մարկոս՝ ընդգէմ Լուկուղ-
 ղեայ դառնայր Մեմփոս, խռով հարեալ
 ՚ի խուժանին սաղրէր հրապուրէր՝ մի յաղ-
 Թանակին Թոյլ տալ Լուկուղղեայ. իբրև
 աւար սասաիկ յինքն տարաւ նա գաղտա-
 գողի, և այնչափ յերկարաձգեաց զմարտ
 սպատերազմին: Անդ բուն դիմամարտու-
 Թեան եղելոյ ընդգէմ Լուկուղղեայ, արք
 աւագք և ճոխք քաղաքին ՚ի մէջ անցեալ
 երթեալք միջամուխ ՚ի ցեղս ցեղս խու-
 ժանին, հաղիւ ուրեմն ողորմանօք Թախան
 ձեալ ամոքէին զամբոխն՝ Թոյլ յաղթա-
 նակին առնել. որ և ոչ իբրու զայլոցն այն-
 պէս ճոխապանծ գտաւ յաղթանակն, և
 տաղտուկ ՚ի յերկարաձգել հանդիսին և ՚ի
 խռնել աւարացն: Քանզի յայնժամ Փլա-
 մինեան ձկնթացք զարդարուն յօրինե-
 ցան յաւարս զինուց ամբաւից Թշնամեաց
 և ՚ի մանգլիոնս արքունիս, և եղաւ ան-
 դանօր ամենայն գեղեցիկ կարգաւ ՚ի բեր-
 կրութիւն տեսանելեացն հանգերձանաց:
 Եւ ապա ՚ի բուն հանդիսի յաղթանակին

նուազունք էին երիվարք համակ պատե-
 նազէնք, և կառք գերանդազէնք՝ տասն, և
 բարեկամք և զօրավարք արքունի՝ վաթ-
 սուն . զհետ խաղային հարիւր և տասն
 նաւք երկայնք սղնձացուկք . ապա ար-
 ձան անարի ոսկի վեց ոտնաչափ 'ի տիպ
 ճշգրտեալ Միհրդատայ և վառեալ յա-
 պար ականակուռ : Զհետ գային ապա շա-
 ըակք քսան՝ անօթոց արծաթոյ, և բաժա-
 կաց ոսկւոյ, և զինուց և դահեկանաց ե-
 րեսուն և երկու . և զսոսա բարձեալ բե-
 րէին մարդիկ, և զհետ սոցա խաղային ջո-
 րիք ութ և բարձեալ տանէին արծաթ 'ի
 ձոյլ . դարձեալ և հարիւր և եօթն բեռ-
 նաբարձք դահեկանաց արծաթոյ՝ իբրև եր-
 կու հարիւր և եօթանասուն բիւրուց գրա-
 մակչոց : 'ի վերջէ գային և սնակք՝ ող-
 ջոյն արձանագրեալ 'ի նոսա գրամոցն՝ զոր
 տուեալ իսկ էր Լուկուղոս Պոմպէի 'ի
 մարտ ընդդէմ հինիցն, և զոր գանձաւո-
 րացն . առ այս և ինն հարիւր և յիսուն
 գրամակչիւք՝ զոր առին մէն մի 'ի զօրա-
 կանէն :

Յետ այսորիկ 'ի խնձոյս հրաւիրէր մե-
 ծահացս Լուկուղոս ողջոյն զքաղաքն, և
 զչըջակայ զվայրսն՝ որոց անուն կարդան
 հռոմայեցիք՝ Վիտիւս : Եւ ապա արձա-
 կեալ 'ի բաց զՎղովգիա կին սպաշոտ և
 անդգամ՝ ած 'ի կին զՍերվիլիա քոյր Վա-
 տովի, այլ և ոչ 'ի նմա երջանկացաւ ինչ .
 քանզի 'ի չարեացն Վղովգիայ միով միայն
 սպակաս էր Սերվիլիա, զի չանկանէր ընդ

է դբարսն . իսկ էր նա իբրև զնա ցոփ և խառնակրօն . զի և հարուստ ժամանակ ժուժեալ ընդ նմա 'ի մեծարանս երեսացն Վատովնի' 'ի վերջէ ուրեմն արձակէր և զնա :

Բայց յայնժամ աւագանին ակնկառոյց 'ի Լուկուղղոս, իբրև մեծապէս յուսայր՝ Եթէ այն այր համբաւատենչ և աւագամեծար ախոյեան աւագսկտուածէն ընդդէմ դարձցի բռնաւորութեանն Պոմպէի, նա խապառ լքեալ զքաղաքին իրս՝ չլինէր ինչ միջամուխ, կամ զի ախտակրեալ յոյժ ետես նա զքաղաքն դժուար ընկալ գեղեցիկ կարգին . կամ զի (որպէս կէսք ասեն) յորացեալ 'ի փառս յետ այնչափ մրցանացն և քրտանց՝ որ ոչ խապառ գեղեցիկ վիճակեցան ելից, անդորրաւէտ ցանկացաւ կենաց : Եւ որք զայս ասեն՝ զմեծապէս փոփոխութիւն զառն 'ի գովութիւն առնուն . զի ոչ զհետ օրինակին չոքաւ Մարիոսի, այն՝ որ յետ մրցանացն ընդդէմ Վիսբրացւոց և յետ մեծաց նահատակութեանցն՝ ոչ յագեցաւ 'ի փառացն, այլ անյագ յաւագութեանն և նորոց ըզձակաթ փառաց, 'ի վէգ ալևորն ընդ երիտասարդաց ելեալ յառաջնորդութիւն քաղաքին, արհաւիրս գործեաց, և ևս արհաւրօք լի կրեաց կիրս : Առ այս և ասեն՝ Եթէ և Վիկերոն ինքնին գլխովն գեղեցիկ ևս 'ի ծերութիւն սպարաբտութեան յեցեալ էր, Եթէ յետ Վատիլինեայն նուաճութեանն հանգարտեալ տեղի տայր . Ըզնոյն և Սկիպիոն՝ Եթէ անդորրացեալ հանգ-

չէր յետ յաւելլոյն 'ի Կարբեդոն զՆոման տիա . հանդերձ այսու՝ և տիբ ևս են հասակին յորում հանդարտեւ արժան է 'ի գործոց քաղաքին . քանզի և հանգունատիս յոյժ են մրցանք քաղաքականք ընդ ըմբշացն մրցանաց, զորս ընդ վայր հարեալ խոտեմք 'ի նուագէլ նոցա առոյգութեան և աշխուժից տիոցն: Խկ անդուստ Կրասսոս և Պոմպէոս խաղ առնէին զԼուկուղղոս, զի այնպէս բերկրանաց և գրգանաց զհետ կրթեցաւ . իբրու որ փափկանալ գրգէլ 'ի տիա ծերութեան չիցէ առաւել գժպատեհ՝ քան միջամուխ յիրս լինել քաղաքի և բանակի:

Արդ Լուկուղղոսին կեանք անշուշտ նմանատիպ վայնջուցն այնոցիկ գտաւ կատակերգութեանցն, յորս է տեսանել զառաջինն հանդէսս իմն պերճս քաղաքականս և զինուորականս, և ապա 'ի վախճանին՝ գլխերբուս ոմանս և ինճոյս՝ և և փոքր մի ևս և անառակութիւնս կոչնոց և ջահս գիշերականս, և համբուն՝ սիութութիւնս խաղու գունակ գունակ: Քանզի և իբրև խաղս համարեցայց ես զբազմահանդերձ զայն ձեռակերտսն և զհոյակապ ձեմարանսն և զբաղանիսն . առ այսոքիւք՝ և զնկարսն և զհասակսն, և ըզփոյթ խնամոցն Լուկուղղեայ յայտոսիկ, զոր կուտեաց ժողովեաց նա մեծապէս ծախիւք, վատնեալ 'ի նոսա բնաւ խկ զընչաւէտութիւնն՝ զոր մթերեալ ամբարեաց նա յիւրոց անտի արչաւանացն . նա

զի և այսօր առ մեօք՝ յորում՝ ծայրալիբ յորդեցին գրգանք, ընդ դրախտս արքունիս հոյակապս՝ ընդ մի համար են և Ղուկուղղեան դրախտք: Իսկ յաղագս արարոց և դաստակերտաց նորա՝ ի ծովափնեայ վայրս և առ Նէապօլսեաւ, ուր կատեաց նա լերինս ծակեալ ի մեծամեծ կապանս, և զջուր ծովուն ամ գնացոյց առ բնակութեամբք ի խաղս ձկնասնոյցս և ձկնաւէտս, և կանգնեաց ապարանս ի ծովահայեացս. և որ ընդ այս ամենայն հրաշակերտութիւնս հիացեալ զարմացաւ՝ Տուբերովն Ստոյիկեան, անուն կարդայ նմա՝ «*επιτιθησεται*» Պատմաճանապարհ 5: Առ այս սոքիւք՝ էին նորա և ապարանք ի Տուսկլոն, գիտանոցք գեղեցիկք ամենահայեացք, և հովանոցս արեգունիս այրանոցաց և ճամարանաց. ուր և է զի եկեալ Պոմպէոս հեգնէր զՂուկուղղոս, զի գեղեցիկ շինեաց իւր ամարաստուն ապարանս, սակայն և անբնակս ձմերանի. ծիծաղեցաւ Ղուկուղղոս, ասէր. «*Եւ զի՞նչ, նուազեալ թերևս ի հանճարոյ թուեցայց ես քեզ քան ըզխորդս և քան զարագիլս, որպէս զի և ըստ եղանակացն ոչ փոխանակել ինձ և ապարանս*», : Իսկ և երբեմն ի զօրավարաց ոմն պատուասիրեալ տալ խուժանին տեսարան երևելի, ինդրէր քղամիգս ծիրանիս ի Ղուկուղղեայ՝ ի զարդ դասուն. ետ պատասխանի Ղուկուղղոս հայել, զի եթէ ունիցի, տացէ. ապա յաւուրն երկրորդի հարցեալ ցզօրավարն, որչափ ինչ պէտք

իցեն, և լուեալ հարիւր. հրամայեաց առ նուր կշկնապատիկ առաւել: Ոյր աղագաւ և Փլակկոս քերթող 6 մակագանչու թիւն 'ի վերայ ածեալ ասէր. Ո՛չ բազմա հարուստ համարել նմա զայր, ոյր կարասիք աներևոյթք և զանխուլք՝ չիցեն առաւել քան զերևեալն:

Բայց և հանապազօրեայ ընթրիք Լուկուղղեայ շքեղք և երևելիք, իբրու այն ինչ ընչաւէտելոյ առն, ո՛չ միայն 'ի բազմոցս ծիրանեաց և 'ի բաժակս ականակապս, և 'ի հանդէսս սպարուց և 'ի նուագս վիպից, այլ և 'ի համագամս գունակ գունակ և 'ի քաքարս համահամս անուշարար խախամոքից. ոյց աղագաւ և սքանչելի էր նա խաժամուժ ամբոխին: Ապա մեծապէս 'ի գովումթիւն առաւ Պոմպէոս՝ որ 'ի խօթութեան իւրում պատուէր առեալ 'ի բժըշկէն ուտել կաքաւ. և յասել ընտանեացն՝ ամարայնի ուրեք ո՛չ գտանել կաքաւու, բայց առ Լուկուղղեայ որ բուժանէ զնոսա, չէառ յանձն Պոմպէոս առնուլ 'ի նմանէ. այլ առ բժիշկն դարձեալ՝ ասէր, «Ապա ուրեմն եթէ գրդացեալ չէր Լուկուղղեայ, չքոյր Պոմպէի սպրեւլ,» և հրաման տայր ածել ինքեան 'ի դիւրավաճառ իրաց: Իսկ և Կատոնի ինքնին բարեկամ նորա և մերձաւոր՝ յոյժ դժգմնեալ էր ընդ քաղաքավարութիւն կենաց նորա. զի և երբեմն 'ի Սինկղիստոսին պատանի ոմն դժպատեհս ճառ արկեալ երկար և տաղտուկ յաղագս սակաւապէտ կենաց և

Ժուժկալուծեան, յոտն կանգնեալ Վատոնն՝ ասէր. « Երբէք դու վախճան չանիցէս ճառիդ. բազմահարուստ գոլով քո իբրև զՎրասսոս, և կեանս վարելով քո իբրև զԼուկուղղոս, և խօսիս դու աւագիկ իբրև զՎատոնն », : Իսկ կէսք ասէն խօսել զայս այսպէս, այլ ոչ ՚ի Վատոննէ :

Բայց թէ և Լուկուղղոս ինքնին ոչ վայելէր միայն, այլ և խնդայր ևս ընդ այնպիսի քաղաքավարուծիւն կենացն և պարծէր, յայտնի է ՚ի բանից անտի նորա՝ զոր աւանդեն : Քանզի պատմեն՝ գալ երբեմն ՚ի Հռոմ՝ արանց Հելլենացւոց, և Լուկուղղեայ զաւուրս բազումս հրաւիրել զնոսա յընթրիս. իսկ նոցա իբրև արդարև Հելլենացւոց՝ հրաժարել ապա ՚ի կոչնոց նորա, պատկառեալք ընդ մեծապէս ծախսն օր ըստ օրէ վասն անձանց. զայն լուեալ Լուկուղղեայ, ծիծաղեալ ասէ. « ՚Ի ծախուց այտի մասն՝ ո՞վ արք Հելլենացիք, վասն ձեր է անշուշտ. սակայն առաւելագոյնն՝ վասն Լուկուղղեայ », : Է՛ր և երբեմն՝ զի միայնակ ընթրեալ և սեղան մի պատրաստեալ նմա, և ընթրիք չափաւոր, կոչեալ զմատակարարն զայրագինս կշտամբէր. իսկ յասել պաշտօնէին՝ եթէ զի ՚ի հրաւիրելոց դք չեկաց զայն օր, ոչ կարծեաց մեծահաց սեղանոյ ունել պէտս. ետ պատասխանի Լուկուղղոս և ասէ. « Զինչ ա սեսս. ոչ գիտես՝ զի ընդ Լուկուղղոսի ընթրէ այսօր Լուկուղղոս » : Արդ յայնժամ՝ որպէս և բնաւորեցաւ իսկ՝ զբուշաց բազ-

մաց եղելոց 'ի քաղաքին վասն նորա, էր երբեմն զի սարապորդ կացեալ նորա 'ի հրապարակին՝ մատեաւ առ նա Վիկերոմին և Պոմպէոս՝ ընդ որս և բարեկամութեամբ սերտեալ էր. և թէպէտ և գժտութեան եղեալ ընդ նա և ընդ Պոմպէոս վասն զօրավարութեանն, սակայն և ստէպ կենակից բնաւորեցան նոքա ընդ միմեանս քաղցրութեամբ: Անդ ողջոյն տուեալ նմա Վիկերոմինի, հարցանէր՝ զիմորդ սարապէսցին նոքա ընդ միմեանս. ետ պատասխանի Լուկուղոս՝ մտադիւրագոյնս յոյժ. և բռնադատեալ ևս զնոսս գալ 'ի տուն, ասէ Վիկերոմին. « Եւ կարի իսկ քաջ, լիցուք մէք այսօր ընթրել ընդ քեզ, որչափ ինչ միանգամ վասն քո պատրաստեալ իցէ »:

Գժտարեալ Լուկուղոս ընդ բանն, ազաչէր յայլ օր սահմանել զընթրիսն. յանձն չառին նոքա, նա և թոյլ չետուն նմա խօսել ընդ ծառայից, մի արգէօք ինչ մի առաւել քան զսովորականն հրամայեացէ. բայց թոյլ միայն ետուն՝ որ խնդրէր իւրեանց իսկ լու 'ի լու ասել միում 'ի ծառայիցն՝ եթէ զայն օր յԱպողոմինի ընթրել հասանէ նմա, (և Ապողոմին անուն ունէր մի 'ի հրաչակերտ սենեկաց նորա), և այնպէս ապա հնարիմացութեամբ դաւեաց նա զարսն: Քանզի առ մէն մի 'ի սենեկացն՝ ուր միանգամ ընթրէր՝ սահմանեալ էին ծախք ընթրեացն. և միոյ միոյ 'ի նոցանէն էին կարասիք առանձինն, և կահք կազմածոցն՝ առանձինն, զի և 'ի լսել անդ ծա-

ուայիցն զվայր ընթրեացն՝ անդէն խեղա-
մուտ էին չափու ծախուցն և զարդուն և
մեծահաց պատրաստութեան ընթրեացն :
Արդ յընթրել նորա յԱպողովնի սենե-
կին, ծախք սովորականք էին հինգ բիւրուց
գրամակշռոց, որոց և յայնժամ՝ ՚ի ծա-
խել՝ յապուշ հարեալ կայր Պոմպէոս ընդ-
այնչափ արծաթն և ընդ շուտափութիւն
հանդերձանացն :

Բայց յայտոսիկ վարէր զինչնն Լուկուզ
զոս՝ իբրու խոտելով զնոսա իբրև աւարս
պատերազմի և բարբարոսականս ոմանս.
Իսկ ծախք նորա գեղեցիկ և սքանչելի եղէն
վասն մատենից գալրութեանց, քանզի շատ
իսկ և գեղեցկագիրս ժողովեաց կուտեաց
նա ՚ի նոցանէն : Իսկ և պէտք նոցուն՝ շուք
մեծապէս հանդերձեաց նմա քան զժա-
ռանդութիւնն գլխովին, քանզի առհա-
սարակ ամենեցուն առաջի բաց ունէր նա
զմատենագարանն, և արձակ համարձակ
մտանէին Հելլենացիք ՚ի ճեմարանս անդր
շուրջ զնոքօք, և ՚ի գալրանոցս՝ իբրու յօ-
թեվանս իմն Մուտայից, ուր և ստէպ կե-
նակիցք միմեանց անցուցանէին զօրն՝ մտա-
դիւրագոյնս զամենայնն ՚ի բաց դնելով
զչործ : Անդանօր ստէպ և ինքնին Լու-
կուզոս ՚ի ճեմարանն կենակից կենցա-
ղակից գտանէր ընդ բանասէր որերոյն, և
՚ի պէտս քաղաքականս նոցա՝ և ինքնին
դարձեալ պարասպեալ գործակից լինէր
նոցա : Եւ համբուն էր նորա տուն՝ յարկ
և Պրիւտանիոն հելլենացի՝ առհասարակ

որոց միանգամ հասեալ գային 'ի Հռոմ : Բնաւ իսկ իմաստասիրութեան մարգք սիրելի էին նմա , և հետամուտ ըղձակաթ էր գունակ գունակ վարժիցն նորա , այլ յաւէտ անդատին յառաջին տիոցն յոյժ վառեալ 'ի սէր Ակադեմիայ . ոչ որում անուն կարդան Նոյ , (թէպէտ և յայնժամ բարգաւաճ յոյժ էր վարդապետութիւնս Կարնէադէայ 'ի ջանից անտի Փիլոսօֆի ,) այլ Հնոյն որում ռափկան 'ի վերայ կայր 'ի ժամանակին Անտիոքոս Ասկաղոնացի , այր ճարտարաբան և հզօր :

Արդ Լուկուղղոս փութոյ անդութիւն յիւր բարեկամութիւն յանկուցեալ զայս իմաստասէր և ածեալ 'ի տուն իւր , առեալ զնա ախոյեան ընդդէմ հանէր աշակերտացն Փիլոսօֆի . յորոց մին էր և Կիկերոն ինքնին գլխովին , որ և գիրս ամենագրեցիկ արձանագրեաց յիւրն վարդապետութիւն , յորում և Լուկուղղեայ ինքնին բանս 'ի բերան տայ ջատագովս . և ինքն ախոյեան ընդդէմ զինի : Եւ մակագրեալ կայ այս Մատեան՝ Լուկուղղոս . քանզի որպէս և ասացաքն՝ բարեկամք սերտք էին Կիկերոն և Լուկուղղոս , և համաշունչք ևս էին 'ի բան առաջնորդութեան քաղաքին , յորմէ և ոչ իսպառ արդեօք տեղի տուեալ էր Լուկուղղոս . բայց մրցել և այր զարամք ելանել 'ի բարձառաջին աւագութեան և իշխանութեան՝ իբրու ոչինչ անվտանգ իրք և ոչ աներկեան , զայն եթող Կրաստոսի և Կատոնի : Իսկ և

որք խիթացեալք էին 'ի զօրութենէն Պոմպէի, առեալ զերկոսին զսոսա՝ ախոյեանս ճակատեցուցանէին զօրավիդն Սինկղիտոսին . քանզի 'ի բարձերէց աթոռոյն հրաժեշտ տայր Լուկուղոս : Սակայն և իջանէր նա 'ի հրասարակն ձեռն տալ բարեկամացն, և մտանէր ևս 'ի Սինկղիտոսն առ 'ի պէսս նուաճութեան ջանիցն Պոմպէի կամ պատուասիրութեան ինչ խորհրդոց նորա : Ուստի և անվաւերական տայր գործել զսահմանս հրամանին նորա՝ յետ զարքայսն նուաճելոյ նորա . առ այս՝ և բաշխից ինչ զօրականին առ 'ի հրամանէն Պոմպէի՝ խոչընդակն եղև նա ձեռնտուութիւն Կատոլիսի : Ոյր աղադաւ և Պոմպէոս երթեալ սպաւինէր 'ի բարեկամութիւն կամ թէ մանաւանդ 'ի դաշնաւորութիւն անդր Կրասսոսի և Կեսարու . և յորդեալ 'ի նոցա ձեռն զքաղաքն զինուք և զօրականօք՝ վաւերական գործէր զսահմանս հրամանին, 'ի բաց 'ի հրապարակէն հանեալ զԿատոլիս և զԼուկուղոս :

Բայց զգործ զայս խոտեալ սրտմտութեամբ արանց լաւաց և առաքինեաց, անգուտ Պոմպէոսեանք զոմն Բրետտիոս առնուն յանդիման կացուցեալ՝ ասէին ըմբռնեալ զսրիկայն զայն 'ի գործ անդր սպանութեանն Պոմպէի : Քննութիւն 'ի Սինկղիտոսին եղեալ, մատն և գուշակ լինէր այրն և այլոց ևս ոմանց, և 'ի Ժողովրդեան անդ յականէ յանուանէ և Լուկուղիկայ ինքնին, իբրու 'ի նորայն գրգռութենէ

մտաբերեալ 'ի գործ դառնութեանն : Հաւատս և ոչ ոք ընծայեաց բանին , այլ առ հասարակ յայտնի 'ի վերայ կացին կաշառելոյ առն 'ի Պոմպէոսեանց անտի 'ի զըրպարտութիւն Լուկուղղեայ . և առաւել ևս յերևան գային իրք՝ յետ սակաւ աւուրց քարչեալ 'ի բանտէ արտաքս զգիական առն , զորմէ ասէին՝ զիւրովին երթեալ . սակայն դեռ ևս էին իսկ 'ի նմա նշանք խեղցին և հարուածոյն . ուստի և հաստատեցան սպանեալ զայրն 'ի նոցուն իսկ 'ի կաշառողաց անտի նորա :

Եւ ապա յայսպիսեաց աստի մեծապէս ուծացաւ Լուկուղղոս 'ի սիրոյ քաղաքին . իսկ 'ի վտարանդի լինել Վիկերոլինի և յառաքել Վատովինի 'ի Վիպրոս , բնաւ իսկ այնուհետև տեղի տուեալ մենացաւ Լուկուղղոս : Եւ պատմեն՝ մինչև մեռեալ նորա՝ խելաց ծփումն առնել . և իբրու վատեալ առ 'ի տիոցն՝ տակաւ ծիւրիլ և ծընգիլ : Բայց Վուռնելիոս Նեպովս ասէ՝ ոչ 'ի ծերութենէ պարարտութեանն և ոչ առ խօթութեանն ծնգիլ Լուկուղղեայ , այլ հիւժել առն 'ի դեղատուութենէ՝ մատուակեալ նմա 'ի Վալլիստենեայ ազատագրելոյն . սկն ունելով ծառային յինքն զսէր տեառնն յանգուցանել 'ի կարծեալ զօրութենէ անտի դեղոյն : Սակայն և անշուշտ այնչափ ապուշ և խելազիրկ եղեալ Լուկուղղեայ , զի և առ կենդանութեամբն՝ եղբայր նորա ունէր զհոգ զիրացն :

Բայց և 'ի սուգ մեծ համակեցան ժողովուրդք ընդ մահն նորա, իբրու որ անդէն 'ի բարգաւաճ յիւրում զօրավարութեանն և 'ի քաղաքականութեանն պակասեալ 'ի կենաց իցէ այրն . և խռնէին ընթանային 'ի դիակն նորա՝ զոր բարձեալ տանէին 'ի հրապարակ անդր պատանիք աւագ տոհմիկք քաղաքին, և բուռն առնէին տալ նմա թաղումն 'ի դաշտին Արեօի, ուր և թաղեցին խկ զՍիւղղաս : Սակայն յանկարծակի եղեալ բանին, և ոչ հեշտին ըստ արժանի վայրացն կարգեալ զհանդերձանսն, եղբայր նորա յաղերս անկեալ ամբոխին՝ հաւանեցուցանէր 'ի Տուսկղոն յագարակին տալ մեռելոյն դիահանս պատրաստեալ նմա : Ապա և ինքնին եղբայրն ոչ հարուստ մի ժամանակ կեցեալ այնուհետև, այլ որպէս տիոց և փառաց նորա, նոյնպէս և փոքր միւս ևս՝ զուգահետ գտաւ և ժամանակի մահուն նորա : յոյժ եղբայրասէր եղեալ :

ԶՈՒԳԱԿՇՌՈՒԹԻՒՆ

ԿԻՄՈՎՆԻ

ԵՒ

ԼՈՒԿՈՒՂՂԵԱՅ

Եւ արդեօք երջանիկ կարծեսցի Լուկուզդոս վասն ժամանակի մահուն, զի կանխեաց մեռաւ՝ մինչև ամբոխաց շփոթիցն յընտանի մարտից յուզեալ ՚ի քաղաքին ՚ի վերին տնտեսութենէն, և զրաւեցաւ ՚ի կենաց՝ մինչդեռ ազատ հայրենիքն էին՝ թէպէտ և ախտակրեալ, և այս ապա հասարակ է նմա ընդ Վիմոնի : Քանզի և նա մեռաւ՝ յորժամ չև էին ամբոխեալ իրք Հելլենացւոցն, նա բարդաւաճ իսկ էին, սակայն և ՚ի բանակին մեռանէր Վիմոն և ՚ի զօրավարութեանն, ոչինչ տաղտկացեալ ՚ի գործոյն և վերջոսնեալ, և ոչ դարձեալ իբրև մրցանակ իւրում՝ արշաւանին և մարտից պատերազմաց և ախոյենիցն՝ ՚ի ներքս բերեալ զինճոյից կոչունան և զգիներ.

բուսաց, որ աղագաւ հեղնէ Պղատոն զՈր
փէոս 7, որ ասէ. Բարեկեցիկ մարդկանն
մրցանակ 'ի դժոխս առնուլ յաւերժական
արբեցութիւն :

Արդ հանգիստ անդորրաւէտ և 'ի զըպ-
րութիւնան պարապել իմաստնախոհս և
հեշտաբերս, են իսկ գեղեցիկ և վայելուչ
սփոփութիւնք առն ծերունույ՝ որ 'ի մար-
տից պատերազմաց և 'ի քաղաքական ըզ-
բաղմանց 'ի բաց կացեալ իցէ : Սակայն
զգեղեցիկ մրցանան առնուլ շքէլ 'ի հեշ-
տութիւն իբրև 'ի կէտ նպատակի նոցա, և
յետ մարտից պատերազմաց և զօրավարու-
թեանն՝ կեանս կեալ 'ի խաղուց հանդէսս
և 'ի բերկրութիւնս և 'ի տօնս Աստղկանն,
չեն արդեօք գործք արժանիք գեղեցիկ Ա-
կադեմիայ, և ոչ դարձեալ Քսենոկրա-
տեայ հեանողի. այլ որ առ Եպիկուրոս
անդր հակամիտեալ իցէ :

Իսկ որ առաւել սքանչելին է, զի յա-
ռաջին տիան ընդ հակառակս գտան նոքա
'ի վարս իւրեանց. քանզի՝ որպէս թուի՝
Վիմոն յայնժամ անժուժկալ եկաց և
խոտան. իսկ Ղուկուղղոս՝ հրահանգ և
պարկեշտ : Սակայն լաւ ևս է այր՝ որ 'ի լա-
ւագոյնան փոխի. քանզի լաւ ևս է բոյս բա-
րուց՝ յորում մոլութիւնք ծերացեալք վա-
տին, և առաքինութիւնք բարգաւաճ ա-
ռոյգանան :

Բայց և երկոքին նոքա ընչաւէտք էին.
այլ ոչ զնոյնօրինակ՝ ընչաւէտութեամբն
վարեցան. զի և ոչ 'ի կշիռ ոք ձգեսցէ ար-

դեօք ընդ հարաւային պատուարի դղեկին՝ զոր կառոյց Վիմոնն առ 'ի դրամոց պատե-
 րազմացն, զապարանիցն շինութիւնս առ
 'Նէսապօլսեաւ, և զՆովանոցսն ծովահայեաց՝
 բերկրալիս և գեղատեսիլս, զոր կանգնեաց
 Լուկուղոս յանկածէ անտի բարբարո-
 սացն : Եւ ոչ դարձեալ ընդ սեղանոյն Վի-
 մոննի՝ զԼուկուղեայն, ընդ ռամիականին
 այնմիկ հիւրընկալութեան՝ զբազմահան-
 դերձն զայն և զգրգալիցն՝ արժանի առն
 նախարարի . քանզի առաջին սեղանդ 'ի
 ծախս դուզնաբեայ շատ մարդիկ բուծա-
 նէր զոր ամենայն . իսկ վերջինդ՝ մեծապէս
 շոյլութեամբ հանդերձեալ կազմեալ
 կայր առաջի սակաւուց միայն գրգասիրաց :
 Այլ զն և զն Արամազդ՝ թերևս տիք հա-
 սակին նոցա կացին պատճառք տարբերու-
 թեան իրաց նոցա . քանզի և գիտեմք իսկ
 ոչ՝ եթէ և Վիմոնն 'ի գործոց անտի քա-
 ղաքին և 'ի զորավարութենէն յեցեալ 'ի
 ծերութիւն՝ անգործ այնուհետև և ան-
 պիտան 'ի մարտս, թերևս և նա ինքն կեանս
 վարէր առաւել պերճս և գրգասունս . իբ-
 րև առաւել գինեճան էր այրն և զհետ
 կրթեալ էր սփոփութեանց, և իդասէր
 բամբասեալ էր՝ որպէս ասացաք : Այլ գե-
 ղեցիկ մրցանք և նահատակութիւնք՝ հեշ-
 տաբերք և նոքա գլխովին, կարճեալ զա-
 մենայն ցանկութիւն վատթար 'ի մոռա-
 ցոնս դարձուցանեն նոցա՝ որոց անդոտին 'ի
 բնութենէն ախորժակք բնաւորեցան քա-
 ղաքականք և պերճք : Սակայն եթէ 'ի

կռուի անդ անկեալ էր Լուկուղեայ և 'ի զօրավարութեանն, ինձ թուի' և ոչ քննիչ որ անաչառ և ոչ դատաւոր դառն' սողիւտ 'ի նմա գտանէր և ոչ մի : Եւ այսոքիկ աւաղիկ յաղագս քաղաքավարութեան կէնաց նոցա :

Իսկ 'ի մրցանս զինուորութեանն, յայտնի իսկ քաջք և կորովիք գտան երկոքին նոքա ընդ ծով և ընդ ցամաք : Այլ զորօրինակ ըմբիշք պսակաւորք' 'ի միում միայն աւուր տարեալ յաղթութիւն 'ի դօտէկռուի և յայլ ևս մրցանս Պանկրատեանս, անուանեալ կոչէն զայն՝ Յաղթութիւնիք նորահրաշք . այսպէս և Կիմոն 'ի միում անդ աւուր պսակեալ զԵլլադա 'ի կրկին ախոյեանս՝ 'ի կրկնակի յաղթութեանց ընդ ծով և ընդ ցամաք, իրաւապէս արդեօք բարձերէց կայցէ քան զամենայն զօրավարս :

Առ այս և Լուկուղեայ՝ հայրենիքն, բայց Կիմոն՝ հայրենեացն ետ զտէրութիւն : Նա յաւել քաղաքին իշխանութիւն նոր 'ի վերայ թշնամեացն, մինչդեռ տիրացեալ իսկ էր 'ի վերայ նիզակակցացն : Սա առաջնորդ կացեալ քաղաքին՝ մինչդեռ այլոց հնազանդեալ կայր, միանգամայն և տէր 'ի վերայ նիզակակցացն կացուցանէր, և զթշնամիսն պարտեալ նուաճէր, նկուն զՊարսիկսն վանեալ 'ի ծովէն, և զլակեդեմոնացիսն ածեալ՝ կամակար տեղի տալ 'ի տէրութենէն :

Առ այս՝ և գործ զօրավարի գոլով վէհ

և գեղեցիկ՝ ՚ի հլութեան զզորականն պահել մարդասէր բարոյիւք, տեսանեմք զլուկուղղոս յիւրոց անտի արհամարհեալ և խոտեալ. իսկ զՎիմոն և ՚ի նիզակակցաց անտի յար սքանչացեալ: Քանզի ՚ի լուկուղղեայ ՚ի բաց օձտեալ սարտեան իւրքն. և առ Վիմոն եկեալ գային և եկք և օտարք. լուկուղղոս ել մեկնեցաւ բազում ամբոխիւ ընդ իւրով ձեռամբ, և այսրէն դարձաւ ամայի. Վիմոն արձակեցաւ ամբոխիւ ընդ այլոց ձեռամբ, և դարձ արարեկն նովին ամբոխիւ՝ հնազանդեալ միայն ընդ իւրով ձեռամբ. երիս իմն յոյժ գլխուարինս պատրաստեալ իւրում քաղաքին, խաղաղութիւն ընդ թշնամեաց, աւագութիւն ՚ի վերայ նիզակակցաց, և միաբանութիւն ընդ լակեղեմոնացւոցն:

Բայց երկոքին դարձեալ՝ գօտէպինոք քանդել տասպալել տերութիւնս մեծամեծս, և նկուռն ողջոյն առնել զԱսիա, երկոքին ևս՝ անվճարք վրիպեցան ՚ի գործոյն. մին գլխովին առ ՚ի բախտէն, քանզի մեռաւ ՚ի զօրավարութեան անդ և ՚ի բարութեանն. այլ ոչ և միւսն անպարտ գլխովին կացեալ. կամ զի ոչ գիտաց, կամ զի ոչ զօրեաց հանդարտել զաղմուկ և զքրթմնջիւն զօրականին, որով և այնչափ ատելի դտաւ: Այլ արդեօք զնոյն կրեաց և Վիմոն, քարչեալ ՚ի դատաստան յիւրոց անտի քաղաքացեացն, և ՚ի վերջէ վտարանդեալ խեցեկոյս վճռով. որպէս զի՛ ըստ Պղատոնին առասացութեանն՝ ընդ

ամս տասն մի լուիցեն զձայն Կիսնոյնի :
 Քանզի որք միանգամ յաւագակտուութիւն
 անդր միտեալք իցեն, նորա ոչինչ այնպէս
 հեշտընկալք և փարեւիք բնաւորեցան խու-
 ժանին . և ստէպ ևս բռնութիւն 'ի վար
 արկեալ ուղղել և ողջացուցանել զԹերին
 'ի նոսա և զԺամածուեալն՝ ցաւ ածեն նոցա
 և տաղտուկ . զոր օրինակ և կապք պատա-
 նաց բժշկացդ պրկեալք 'ի կազդուրումն
 ընդաբոյս կայից, խախտեալ անդամոցն :
 Սակայն 'ի բանիդ յայդմիկ և ոչ մին ար-
 դեօք 'ի նոցանէ ընդ բամբասանօք ոչ իցէ :

Այլ 'ի մարտ պատերազմին յառաջա-
 դէմ առաւել խաղաց Լուկուղոս, ինքն
 առաջին 'ի Հռոմայեցիս վանեալ բանակաւ
 զՏաւրոս, և անցեալ ընդ Տիգրիս . և հա-
 սեալ կալաւ և 'ի հուր դատեցաւ ակն
 յանդիման արքայիցն զարքունիան զԱսիոյ,
 զՏիգրանակերտ, և զՎաբիրս, և զՍինուպ,
 և զՄծբին . և ձգեալ տարածեցաւ և տի-
 բեաց և յինքն յանկոյց ձգեաց զժողո-
 վուրդս 'ի հիւսիսոյ կողմանէ մինչև 'ի Փա-
 սիս, և յարեւելից՝ մինչև 'ի Մարս, և 'ի հա-
 բաւոյ՝ մինչև 'ի ծովն կարմիր, 'ի միասին
 ընդ արքայութեանցն Արաբացոց . և հա-
 բեալ զօրութիւնս զարքայից, վրէպ միայն
 դատաւ ձերբակալ առնել զնոսա . զի և իբ-
 բև զգաղանս՝ յանապատս և 'ի մայրիս
 անկոխս և անմատոյցս ճողոպրեալք զեր-
 ծան նորա : Իսկ Թէ խպառ հար նա զօ-
 րութիւն նոցա և 'ի նոյն առաւելաւ նա
 քան զԿիսնոյն, քաջայայտ կայ՝ զի անդ

Պարսիկք ոչինչ արդեօք տուգանեալք 'ի
 Կիմոփնէ՝ արագ արագ դարձան և 'ի գիմի
 շէլէնացւոց հարան, և բանակ ևս ստուար
 հարին զնոցա յԵգիպտոս: Իսկ յետ մեկ-
 նելոյն Լուկուղլեայ՝ Տիգրան և Միհրդատ
 նահատակութիւն և ոչ մի այնուհետև 'ի
 ներքս բերին. այլ Միհրդատ վարեալ յա-
 ռաջնոց անտի մարտից պատերազմաց, և
 ոչ մի նուագ ժտեցաւ արտաքոյ զակշին
 երևեցուցանել Պոմպէի զզօրն. նա 'ի փա-
 խուստ ևս դարձեալ՝ տեղի տուեալ 'ի Բոս-
 փորոն՝ անդ ապա մեռանէր: Իսկ Տիգրան
 մերկ և զինաթափ, ինքնին խոնարհեալ ան-
 կանէր առաջի Պոմպէի, և 'ի գլխոյն զպսակն
 առեալ եղեալ առ նորա պատուանդա-
 նին, ոչ եթէ իւրովքն ինչ շնթէր Պոմպէի,
 այլ անկաժիւքն յալթանակին Լուկուղ-
 ղեայ. և շատ իսկ սիրեաց նա առնուլ ապա
 'ի ձեռաց Պոմպէի զնշանակսն արքունի՝
 իբրու որ յառաջագոյն կապտեալ 'ի նո-
 ցանէն: Եւ արդեօք զօրավար վեհ՝ ըստ ո-
 բում և ըմբիշ, համարել արժան է զայրն,
 որ նկուն զախոյեանն թողուցու այնմ՝ ո-
 բում զհետ նորա կռուել հանդերձեալ
 իցէ:

Առ այս և Կիմոփն՝ յորժամ արքային
 զօրութիւն վատթարեալ իսկ էր, և Պար-
 սիկք ինքնին վատասրտեալք առ 'ի մեծա-
 մեծ հարուածոցն և 'ի բազում անգամ
 փախստենէն, զոր անգուլ և կուռ 'ի վե-
 րայ ամին նոցա Թեմիստոկղէս և Պաւսա-
 նիաս և Լէուլաիւքիդէս, յայնժամ յար-

ձակեցաւ 'ի նոսա . ուստի և հեշտին պարտեաց նա զմարմինս նոցա , որոց ոգիքն 'ի վաղնջուց իսկ էին հարեալք : Բայց ընդ Ղուկուղլեայ 'ի վէդ եկն Տիգրան՝ անպարտելն 'ի բազում մարտս պատերազմաց և գոռողացեալն 'ի խորհուրդս :

Իսկ 'ի Թիւ բազմութեան խուժանին ոչինչ զուգակշիռք են մարտուցեալքն ընդ Ղուկուղլեայ և պարտեալքն 'ի Ախմուլնէ : Զ 'ի և քաջապէս զուգակշռեալ զամենայնն՝ դժուարին յոյժ իցէ 'ի ներքս բերել զգատաստանն վասն երկոցուն նոցա . քանզի Թուի և դից ինքնին գլխովն Թիկնաժուք բարեմոյն լինել առ նոսա երկուսին , միումն ազգեալ զոր նահատակելն պարս էր , և միւսումն՝ յորմէ զգուշանալն պարս էր : Արպէս զի և 'ի դից անտի՝ երկուցուն նոցա միանգամայն տալ քուէիցն՝ իբրու լաւ և աստուածաբուն արանց :

ԾԱՆՕԹՈՒԹԻՒՆՔ

1. Քաղղէացիք կոչելն բնակիչք վայրացն . և կոչին ևս սորա Քաղղիբացիք , որ կային առ սահմանօքն հնոյն Տրապիզոնի և Փառնակիոյ :

2. Օրինակ նմանութեան , քան զոր ոչ ինչ գեղեցիկ , ոչինչ ճշգրիտ , և ոչինչ իմաստասիրագոյն : Եւ ակնարկէ Պլուտարքոս նմանութեամբն 'ի հանճարեղ Առաժան Հիպպոկրատեայ 'ի բժշկականին , յորս ասէ առաջին . Η' δέ σέχνη μακρή , ό δέ καιρός όξυς . Արհեմն երիւր , Դէր Ժամանակն սրալար : Եւ զի սրալարեալ փախչի դէս ժամանակն , պարտ է 'ի ձեռաց չհանել զնա . այլ զքաջադիպութիւն ժամանակին վարել կամ 'ի կեանս կամ 'ի մահ , որպէս 'ի դեղս , նոյն և յամենայն 'ի գործս :

3. Տէս զայսմանէ 'ի Պատմ . Հայոց . Հատ . Ա :

4. Արամնիւ կոչեալն 'ի Պլուտարքեայ է մերս Արամնի :

5. Քանզի և Քսերքսէս էր երբեմն զի եհատ ծակեաց զլեռն Աթոս 'ի Յունաստան՝ անցուցանել ընդ այն զնաւս իւր : Իսկ Պաք Տունաւար , փոխանակ ասելոյ՝

Հոռվմայեցի . քանզի արկանէին զանձամբ
 Հոռմայեցիք ազգ ինչ սրատմուճանի, որ
 յն . կոչէր Դիվննօս . և ըտ . Գօլա :

6 . Փլակկոս Ովբասիոս քերթողն է
 Հոռվմայեցի :

7 . Պղատոն 'ի Է . գիրս . Հասարակապե-
 տութեանն՝ որ առ մեօք, ընծայէ զայս ոչ
 Որբիէոսի, այլ Մուսէոսի :

Պ Լ Ո Ւ Տ Ա Ր Ք Ե Ա Յ

ԶՈՒԳԱԿՇԻՌՔ

Ս Ե Ր Տ Ո Վ Ր Ի Ո Ս Ի

Ե Ի

Ե Ի Մ Ե Ն Ե Ա Յ

ՍԵՐՏՈՎԿԻՈՍ

ՈՉԻՆՉ զարմանալի իցէ արդեօք, եթէ
 յանսահման ժամանակին տարուբեր յա-
 ծեալ բախտին, պատահումն զնոյն բազում
 անգամ 'ի ներքս բերցեն դէսլք: Քանզի
 եթէ անսահմանաւոր է պատահմանցդ
 թիւ, ամբաւ իմն ապա մատակարար նմա-
 նութեան գործոց՝ զհարստութիւնն նիւ-
 թոյն ունի ինքեան բախտդ գլխովին: Եւ
 եթէ արդարև 'ի սահմանաւոր թուոց ան-
 կեալ նիւթեալ կան գործք, հարկ է ապա
 բազում անգամ նոյնօրինակ իրաց լինել
 'ի նոյնօրինակ հանդիսից: Արդ քանզի սի-
 րեն ոմանք յայսպիսեաց աստի, և ծաղ-
 կաքաղ ևս ժողովէն 'ի պատմութեանց
 դարձեալ և 'ի լրոց, որչափ ինչ միանգամ
 դէսլք իցեն իրաց՝ նմանօրինակ խորհրդով
 և մտաւորութեամբ գործեցելոց. Օրինակ
 իմն՝ զի երկու կային Ատտէյոսք ականա-
 ւորք, մին՝ Ատորի, և միւսն՝ Արկադացի, և

զերկոսին զնոսա կեղեքեալ գիշատեաց վարազ. և զի՛ և յերկուց անտի Ակտէոյնից՝ մին գէշ արկաւ ՚ի շանց, և միւսն՝ ՚ի տարփածուաց. և զի և յերկուց անտի Սկիպիոնից՝ մին զառաջինն ՚ի սպարտութիւն մատնէր զՎարքեդոնացիս, և միւսն ապա հիմն ՚ի վեր քանդէր. և զի և զՆիդոն հասեալ կալաւ Հերակլէս ՚ի սատոճառս մատակաց երիվորացն Լատմեդոնտեայ, և Ագամեմնոն ապա ՚ի ձեռն փայտակերտ երիվարին. և երրորդ անգամ դարձեալ Քարիդեմոս, զի երիվար մի անկեալ կայր առ սեամս դրացն, ուստի արազ ոչ ժամանեցին փակել Եղիոնացիք: Եւ զի և յերկուց քաղաքաց անտի՝ անուանակիցք երկուց բուսոց անուշահոտից, այն է՝ Յոն և Զֆառնիա, ասեն՝ ՚ի միումն ծնանել քերթողին հոմերոսի, և ՚ի միւսումն՝ մեռանել:

Բեր և մեք յաւելցուք յայտոսիկ ինչ մի, եթէ և ՚ի զօրավարաց անտի քաջամարտիկքն և որք հնարխմացութեամբ միանգամայն և մեծապէս քաջութեամբ բազումս առաքինացան ՚ի մրցանս իւրեանց, միականիք էին նոքա. ըստ որում Փիլիպպոս և Անտիգոնոս և Աննիբազ, և զորմէ առեալս եմք ՚ի գրել՝ Սերտովրիոս. և որ ժուժկալութիւն առ կանայս ՚ի գէմս բերէր առաւել քան զՓիլիպպոս, և հաւատարմութիւն առ բարեկամս՝ առաւել քան զԱնտիգոնոս, և հեզութիւն առ թըշնամիս՝ առաւել քան զԱննիբազ. ոչինչ խոնարհագոյն և ՚ի հանճարն քան զմէն մի

'ի նոցանէն . իսկ վեհ քան զնոսա 'ի բախտին , որ դժպէսի առաւել գտաւ նմա և ոխերիմ ևս քան զմեծազօր զիւր [Թշնամիսն . սակայն և այնպէս հանդուճատիպ Մեռեղեայ գտանէր 'ի փորձ հմտութեանն , և Պոմպէի՝ յարիութեանն , և Սիւղղայի՝ 'ի բախտն գլխովին , և Հռոմայեցւոց առհասարակ՝ 'ի զօրութեանն , 'ի դիմի արձանացեալ նոցա յիւրում վտարանդութեանն և յեկամուտ զօրավարութեան իւրում 'ի վերայ բարբարոսացն :

Արդ՝ հանդուճատիպ սմա գտանեմք առաւել քան զամենայն այր Հելլենացի զՎարդիացին Եւմենէս . քանզի և երկոքին սոքա մեծապէս քաջացան 'ի զօրավարել բանակի , և քաջամարտիկք միանգամայն և հնարիմացք , և վտարանդիք դարձեալ երկոքին նոքա յիւրեանց քաղաքաց՝ 'ի գլուխ կացին օտար ժողովրդոց : Առ այսոքիւք՝ և ձախողակ վիճակեցան բախտի յիւրեանց վախճանի , դաւաճանեալք երկոքին նոքա յարանց անտի՝ ընդ որս 'ի միասին պարտեցին զ[Թշնամիսն :

Էր Կուինտոսի Սերտովրիոսի զարմն՝ ոչ ինչ անփառունակ 'ի Նուստոս քաղաք Սաբինացւոց : Որբացեալ 'ի հօրէն սնաւ պարկեշտութեամբ յայրի մօրէն , և յոյժ էր մայրասէր . և ասէն զանուն մօրն՝ Ռէա : Մեծապէս վարժեցաւ նա 'ի փաստաբանականն , և դեռ ևս պատանեակ՝ զօրացաւ 'ի քաղաքին 'ի ճարտարախօս արուեստէն : Այլ առ շուք պատուոյն 'ի զինուորու-

Թե՛նէն և առ գեղեցիկ մրցանացն, բնաւ խնկ 'ի նոյն սպտուասիրեալ կրթեցաւ : Ապա զինուորեալ առ Կեպիսովնի, յորժամ անդ առաջին Կիսբրացիք և Տեւտոնք հորդան ետուն 'ի Գաղատիա, և նկուն եղեալ 'ի փախուստ խուճապեցան Հռոմայեցիք, սա այս Սերտովրիոս կորուսեալ զերիվարն՝ ինքն վերաւոր ընդ Հռոդանոս անցանէր 'ի լիւզ հանդերձ զբահիւք պատենիցն և վահանաւն ընդ ահագին հոսանսն . այնպէս իմն կորովի էր մարմնով և վշտմբեր առ կրթանաց մարզիցն :

Իսկ և երկրորդ անգամ 'ի հորդան տալ Թշնամեացն ամբաւ խուժանին ահագին սպառնալեօք, զի և հազիւ անդ հանդարտէր այր Հռոմայեցի կալ յակաստանի և անսալ զօրավարին, Մարիոս յայնժամ անցեալ կայր 'ի գլուխ բանակին, և Սերտովրիոս յանձն առնոյր գնալ հետազօտել զբանակ Թշնամոյն : Արկեալ զանձամբ ձորձ կեղտացի և ուսեալ ևս անուանս իմն հասարակս զնոցա բարբառոյն 'ի զրոյցս առ ժամն, չոքաւ խառնեցաւ ընդ խուժադուժան . և շատ ինչ անդանօր 'ի կարևորաց տեսեալ և շատ ևս լուեալ, դառնայր գայր առ Մարիոս : Ապա և մրցանակս տանէր նա յայնժամ զքաջուժեան զօրականին, և 'ի մարտին բազումն նահատակեալ իմաստուժեամբ և արիուժեամբ, արգոյ և սպտուական լինէր առաջի զօրավարին : Բայց յետ Կիսբրացւոց և Տեւտոնեանց մարտին արձակեալ նա 'ի հաղարապետութիւն

յիբերիա առ զօրավարութեամբն Գիդիոսի, կայր 'ի ձմերոցս 'ի կասաղոն քաղաք կեղտիբերացւոց: Իսկ անդանօր զօրականքն բաղմահամբարք՝ խեռացեալք և գինեհարեալք՝ արհամարհեցան 'ի բարբարոսացն, որք և գիշերի առաքեալ խնդրեալ օգնութիւն 'ի մօտաքաղաքացի Գիւրիսացւոց անտի, դիմեալք անկան 'ի տունս և խողխողեցին զնոսա: Գաղտաբար յայնժամ Սերտովրիոս 'ի դուրս ընդ սակաւուց ելեալ և խմբեալ ևս զփախստեայնն, շուրջ եկն զքաղաքաւ և գտեալ բաց զգրուանն՝ ընդ որ բարբարոսք օգնականք սպլոդեալ էին 'ի ներքս, չարար ըստ նոցա. այլ պահնակս կացուցեալ անդէն և զքաղաքն 'ի բուռն կալեալ յամենայն կողմանց, զչափահաս մարդիկն առհասարակ կոտորէր: Յետ այնորիկ զօրականին հրաման տայր մերկանալ 'ի զինուց իւրեանց և 'ի հանդերձիցն, և զբարբարոսացն արկեալ զանձամբ՝ զհետ իւր խաղալ 'ի քաղաք անդր՝ ուստի առաքեցան գիշերային այն հրօսակք: Եւ այնպէս դաւաճանեալ զբարբարոսան 'ի հանդէս զինուցն այնոցիկ, և անդ բաց զգրուանն գտեալ, որեար շատ անդուստ ընդ առաջ գային 'ի քաղաքէն՝ իբրու քաղաքացեաց իւրեանց և բարեկամաց՝ որ գեղեցիկ 'ի գլուխ զգործն տարեալ իցեն: Ուստի և բազումք յոյժ յայնժամ 'ի սուր հարան Հռոմայեցւոց առ դուրս քաղաքին, և կէսք դարձեալ անձնատուրք՝ վաճառեցան:

Յայտմանէ զհամբաւի հարեալ Սերտով
րիոս յԻբերիա, անդէն իբրև դարձաւ 'ի
հռոմ՝ կարգեցաւ դանձաւոր Գաղատիոյ
առ Բաղոս գետովն. և կարի 'ի դէպ:
Քանզի և խորհուրդ կալեալ յայնժամ
զՄարտիրեան մարտին, նմա յանձն լինէր
զօրաժողով առնել և զէնս կուտել. զոր
և գեղեցիկս և արագապէս 'ի գլուխ տա-
րեալ՝ ոչ իբրու զայլս 'ի սպտանեաց յամբ
և գրգասուն՝ այլ երևեցաւ նա ժիր և քա-
ջագօտի:

Ապա յաւագութիւն ամբարձեալ զօրս
վարութեան, ոչինչ կասեալ թուլանայր
'ի զինուորական աշխուժիցն. այլ հանդէս
սքանչելի զբազկացն 'ի դէմս բերեալ և զի
մագրաւ 'ի վտանգս նահատակեալ, մօտ
խլեալ կորոյս զմի ակնն: Ընդ որ մեծապէս
սքանծայր և ասէր, այլոց ոմանց ոչ ցանգ
յանձինս բարձեալ բերել վկայս զիւրեանց
քաջութեանն, այլ 'ի բաց երբէք դնեն
զմանեական և զնիզական և զպսական, իսկ
ինքն հանապազօր ընդ իւր զնշանական շք-
ջեցուցանէ զքաջութեանն, և հանդիսա-
տեսս իւրոյ առաքինութեանն ունի զնո-
սս՝ որ յակն արկանիցեն զաղէսս նորա:
Բայց և ժողովուրդն զարժանին շուք
հատուցանէր առն, քանզի մտեալ նորա
'ի թատրոն՝ 'ի ծափս և 'ի կայթս և 'ի ձայն
ցնծութեան առեալ ժողովէին զնա. ո-
րում և ոչ արքաւազք տիօք և փառօք հեշ-
տեաւ հանդիպեցան:

Սակայն և այնպէս՝ թեկն ապա ամեալ

նորա զժողովրդապետութեանն, չհասաներ խնդրոյն արդեւէալ 'ի հերձուածոյ անտի Սիւղղայի, ուստի և թուի յատելութիւն բերիլ նորա ընդ նմա: Իսկ իբրև Մարիոս նկուն եղեալ 'ի Սիւղղայէ՝ փախեալ, և Սիւղղաս չու արար խաղաց ընդդէմ Միհրդատայ, յայնժամ Հոկտաւիոս հիւպատոս կայր ունէր զկողմն Սիւղղայի. իսկ Վիննաս միւս այլ հիւպատոս նորութեանց զհետ կրթեալ՝ թեակոխէր 'ի վերառնուլ զկողմն Մարիոսի զանկեալն: Յայնժամ Սերտովրիոս չոքաւ միամտեցաւ ընդ նմա, իբրև անդ և Հոկտաւիոս ինքնին թուլակի գործէր և զանդիտէր ևս 'ի բարեկամացն Մարիոսի: Ասլա հիւպատոսք երկոքին մարտ մեծ յարդարեալ 'ի հրապարակին, յաղթական ելանէր Հոկտաւիոս. և Վիննաս և Սերտովրիոս կորուսեալ ոգիս իբրև բիւր մի, 'ի փախուստ գնային: Այլ ասլա յինքեանս զբազումս յանկուցեալ 'ի զօրականէն՝ որ վարատեալ ցանեցան ընդ Իտալիա, զօրաժողով անդրէն ճակատ ընդդէմ յարդարեցին Հոկտաւիոսի:

Իսկ իբրև դարձ 'ի Լիբիոյ արար Մարիոս՝ դալ խմբիլ ընդ Վիննասայ իբրև սուկական ընդ հիւպատոսի, առհասարակ լաւ համարեցան ժողովել զայրն. միայն Սերտովրիոս ընդդէմ դառնայր, կամ՝ զի համարեցաւ՝ ոչինչ այնպէս այնուհետև փոյթ զնմանէն առնել Վիննասայ, առ իւր զօրավար ունելով քաջ ևս քան զնա. կամ՝ զի զանդիտէր ևս՝ դուցէ Մարիոս առ վայ-

բազ բարոյիցն սրտմտութեամբ վեր 'ի վայր արասցէ զամենայնն 'ի յաղթել իւրում: Եւ ասէր Սերտովրիոս, փոքր մի ևս և վճարել ամենայնին՝ իբրև յորացեալ իսկ են նոքա. ապա եթէ առ իւրեանս զՄարիոս ժողովեսցեն, նա ողջոյն զփառան տարցի զգործոյն և զգորութեանն, այր նա գոլով յիշխանակցութիւնն դժուարընդել և անհաւատարիմ: Ապա յասել Վիննասայ՝ ուղղապէս խորհել Սերտովրիոսի, սակայն ինքն վարանի՝ զհարգ զՄարիոս մերժել՝ զոր ինքնին կոչեաց 'ի գործ անգր, յայնժամ Սերտովրիոս կարձեալ զխօսան՝ ասէր. «Այլ ես կարծէի՝ Մարիոսի ինքնին անկոչ գալ յիտալիա, ոյր ազագաւ և զօր տակարն խորհեցայ. ապա եթէ 'ի քոց հրաւիրանաց, չէր արժան և ոչ խորհուրդ անգամ 'ի սկզբանն առնուլ վասն բանիդ, այլ առանց բանս ինչ ընդ միտ ածելոյ՝ անդէն ժողովել և 'ի գործ վարել զնա»: Եւ այնպէս ապա կոչէր Վիննաս զՄարիոս. և յերկա զգորն բաժանեալ, երեքին նոքա կացին զօրավարք:

Իսկ 'ի մարտին վճարել՝ Վիննաս և Մարիոս կիրս իմն յոյժ անագորոյն 'ի դէմս բերին, զի և Ուիլի համարել հռոմայեցւոց զմարտին աղէտան: Բայց յայնժամ Սերտովրիոս միայն՝ որպէս ասեն՝ ոչ զոք սպանանէր առ սրտմտութեանն, և յետ յաղթութեանն դարձեալ ոչ զոք հարստահարեաց. նա և խոժոռեալ էր ընդ Մարիոս, և առանձինն ընդ Վիննասայ խօ-

սեալ և աղաչեալ, 'ի չափու ածէր բերէր զնա : Իսկ 'ի վերջէ՝ քանզի ջողիբք ծառայից նիզակակցացն Մարիոսի 'ի մարտ' սատարք բռնաւորութեան նորա և զօրացեալք առ 'ի նմանէ և յոքնաթիւք ևս, կէս մի 'ի թոյլ տալոյն նորա և 'ի հրամանէն, և կէս դարձեալ՝ ուժգինս անիրաւէին ընդդէմ տերանց, փողոտեալ զտարս, և բռնաբարեալ զտիկնայս և սլոճեալ զմանկունս, ապա Սերտովրիոս ոչինչ հանգուրժեալ, տայր առհասարակ նետահար 'ի մահ՝ վարել զնոսա՝ մինչդեռ նոքա բանակեալ կային համախումբ 'ի միում վայրի. և էին նոքա բազմութիւն ոչինչ սպակաս քան զչորս հազար :

Իսկ յետ մահուն Մարիոսի և սպանութեանն Վիննասայ, կարգէր 'ի հիւպատոս կրսերն Մարիոս յակամայս Սերտովրիոսի և ընդդէմ օրինաց, և անդ յորժամ Վարբոնք և Նորբանք և Սկիպիոնք ձախողակի մարտ եղեալ կռուէին ընդ Սիւլղայի 'ի դարձին նորա, և վատթարեալ կային իրք կէս մի յանարութենէ և 'ի վատութենէ զօրավարացն և կէս մի 'ի մատնչաց անտի, ոչինչ բաւական եղև Սերտովրիոս առ ժամն ձեռն տալ իրացն՝ որ գնալով գնային և յոռանային. քանզի անդ հրամանատարքն ինքնին վատախորհուրդք էին. և ապա ուրեմն իբրև բանակ մօտ Սկիպիոնի հարեալ Սիւլղաս և բարեկամութեամբ գնացեալ ընդ նմա՝ իբրու 'ի հաշտութիւն խաղաղութեան գալ ընդ մի-

մեանս, յանդուցանէր որայր զգորն նորա, և Սերտովրիոս անդուստ նախապատում եղեալ Սկիպիոնի և խրատեալ չլինէր կամագիւտ, ասպա յուսակաուր Սերտովրիոս 'ի փրկութենէ քաղաքին՝ 'ի չուանկանէր յՌբերիա կոյս. զի թէ երբէք կանուխ յաջողեացի հասանել ունել զաշխարհն, անգանօր ամուր ասպատանի եղիցի նա բարեկամացն վտարելոց:

Բայց յուզոջ նա սատիկ և դառնաչունչ պատահեալ մրրկաց, և հարկաւորեալ անցանել ընդ վայրս լեռնուտս, գնոց գնէր զանցան 'ի բարբարոսաց անտի և հարկ ևս հարկանէր նոցա: Յայնժամ 'ի սրտմտութիւն բրդեալ արանցն որ ընդ նմա ընդ դժպատեհ բանն՝ զի Հռոմայեցւոց փոխանակ որ հիւպատոսի հարկս հարցէ մարդախոշոշ խժդժիցն, նա արհամարհեալ զամօթ՝ ասէր գնոց գնել միայն զժամանակն՝ քան զոր արդոյ և պատուական չիք արդեօք՝ որում 'ի մեծամեծս զակն յառեալ իցէ. և այնպէս արծաթով յինքն զբարբարոսան յանկուցեալ՝ անդէն ետ ընդ ետ մտանէր յՌբերիա: Անգանօր գտեալ բազմութիւն մեծ մարդկան և առոյգահասակս, սակայն խեթացեալս առ կուսակալն վասն զօչաքաղութեան նոցա և խեռութեանն՝ որ ընդ ժամանակս ժամանակս առաքէին անդր, ուստի և Սերտովրիոս զճոխան մարդասէր քաղաքավարութեամբ յանդուցանէր, և զխուժանն՝ թեթևութեամբ հարկացն. և առաւել սիրելի զանձն ընծայէր

նոցա զերծ կացուցեալ զնոսա յօթևանաց զօրականին, պատուէր տուեալ ձմերոց առնել յարուարձանեայս և ինքն առաջին անդ հարկանէր իւր խորան: Սակայն և ոչ խապառ ըստ քիմն գնայր բարբարոսացն. քանզի ՚ի զէն ՚ի զարդ վառեալ զհռոմայեցիսն որ չոքան ընդ նմա բնակեւ անդր՝ արք կատարելահասակք, և ձեռն ևս ՚ի գործ արարեալ կազմել մանգղիոնս աղգի աղգի և նաւակերոսս եռաթիոց, ՚ի բռին ունէր զքաղաքսն. զի թէպէտ և հեզ և հանդարտ էր ՚ի խաղաղութեան, սակայն և ահաբեկ զանձն ընծայէր թշնամեացն ՚ի մեծամուր պատրաստութենէն:

Յետ այսորիկ լուր առեալ տիրանալոյն Սիւղայի ՚ի հռոմ, և զի՝ և Մարիոսի և Կարբոնի հերձուածն քակտեցաւ, խիթայր այնուհետև՝ եթէ արագ արագ հասցէ անդր զօրու որ ՚ի զօրավարաց ՚ի մարտ ընդ նմա. վասն որոյ և տայր Յուլիոսի Սալինատովրի առնուլ փակել զկիրձս Պիւրենեան լերանցն հանդերձ վեցհազար զօրականօք: Յետ ոչ բազմաց ինչ եկեալ հասանէր անդր Գայիոս Աննիոս արձակեալ ՚ի Սիւղայէ. բայց տեսեալ զանխօր ամուրսն Յուլեայ, անգանօր առ ստորտովքն նստէր վարանեալ: Այլ ապա նենդասպան եղեալ Յուլիոս ՚ի Կալպուրնիոսէ ումեմնէ՝ մականունն Լանարիոս, և լքեալ զօրականին զբարձունսն Պիւրենեան, հասեալ ունէր զայնոսիկ Աննիոս. և յառաջ ևս խաղացեալ բազմաձեռն գնդաւ

վանէր հալածէր զհակառակամարտան: Իսկ Սերտովրիոս անձեռնհաս ճակատ ընդդէմ յարդարեւ, չոքաւ ապաւինեցաւ 'ի նորն Կարբեդոն երեքհազար արամբք. անդուստ ամբարձեալ 'ի նաւ և հատեալ զժողովն՝ ունէր զՎիբիա 'ի Մաւրուսիա: Անդանօր բարբարոսացն 'ի վերայ անկեալ զօրականին՝ որ յանդգոյշս գնային 'ի խնդիր ջրոյ, զբազումս յիւրոց անտի կորուսեալ Սերտովրիոս՝ միւսանգամ նաւեր յԵբերիա կոյս. անտի վանեալ, խմբեալ ընդ իւր զնաւս հինիցն Կիլիկեցոց՝ խաղաց 'ի կղզին Պատուսա, և անդ ունէր զցամաքն՝ վանեալ զգունդ զօրականին զԱննիոսի:

Յետ սակաւուց հասանէր անգր ինքնին Աննիոս բազում նաւուք հանդերձ հինգ հազար վառելովք: Ընդդէմ նորա կազմեցաւ սատրաստեցաւ Սերտովրիոս 'ի նաւամարտի, և էին նորա միայն մակոյկք թէթեք արագընթացք, բայց ոչինչ սնդակազովք: Անդանօր յուզեալ ամբոխեալ ծովուն 'ի սաստկաշունչ Զեփիւռէ, յամբառնալ ալեացն բազումք 'ի նաւակաց անտի Սերտովրեայ առ թէթևութեանն գնացեալ հարկանէին ընդ ժայռան. և ինքն սակաւ նաւակօք վանեալ 'ի ծովէն բռնութեամբ հողմոյն, և 'ի ցամաքէն դարձեալ 'ի թշնամեաց անտի, այնպէս ծփեալ 'ի խորս աւուրս տասն հազիւ ուրեմն բերէր ընդդէմ ամեհի ալեացն և ահաղին մորկին: Մինչև հանդարտեալ հողմոյն, երթեալ հասանէր նա 'ի կղզիս ուրեք ցիր և ցան և

անջողի, յորս և զեզերեալ նստէր. ան-
 դուստ ելեալ և անցեալ ընդ նեղուցն
 Գաղիլեայ՝ քերեալ առ աջակողմամբն
 արտաքս 'ի խորս յԻբերիա կոյս, վայր մի
 'ի վերոյ բերանոյն Բեաեայ՝ որ 'ի ծովն
 իջեալ Ատլանտեան, յանուն նորա կար-
 դան զչրջակայ մասն Իբերիոյ: Անդանօր
 նմա պատահեցին նաւաղք այն ինչ եկեալ
 յԱտլանտեան կղզեացն՝ 1 որ են կրկին՝
 բաժանեալք ընդ կիրճ մի անձուկ, 'ի բա-
 ցէ կան 'ի Լիբիոյ ասպարէզս բիւր մի, և
 անուն կարդան նոցա Երանելեաց:

Իսկ յայն կղզիան տեղայ անձրև դուն
 ուրեք և չափաւոր, և շնչեն անդ ստէպ
 հողմունք քաղցրասիւզ և ցօղատարափք,
 և արդասաւոր գործեն և լաւ՝ ոչ 'ի վար
 միայն և 'ի տունկ, այլ և պտղածնութիւն
 պարզեւեն անդանօր ինքնաբոյս մրգաց ա-
 ռատ և քաղցր՝ բաւական 'ի բուծանելան
 վաստակ և անքիրտն զժողովուրդն հան-
 դարտեալ: Եւ է յայն կղզիս օդ մշտա-
 զուարճ 'ի քաղցրախառնութենէ եղանա-
 կացն և 'ի բարեխառն փոփոխութեանցն:
 Քանզի հիւսսին հողմունք և արևելեան 'ի
 ցամաքէս մերմէ շնչեալ յայն կողմն, առ
 բացաձիգ տարակայութեանն 'ի միջոցին
 ամբաւութեան ցանեալ վարատին մինչև
 հասեալ անդր: Իսկ ծովայինքն հիւսիս-
 արևմտեան և զեփիւռք շնչեալք անդ շուր-
 ջանակի, բերեալ 'ի ծովէն շաղս անձրևոյ
 ցիր ու ցան և զովարար 'ի պարզ ցօղագին՝
 քաղցր և անոյշ սնուցանեն: Ոյր աղագաւ

և բարբարոսք ինքնին հաստատու[թեամբ հաւատան անդանօր զԵղիւսեան զՄարգն և զԵրանեւեաց զբնակարանն, զոր հոմերոսն երգեաց: Յայսպիսեաց աստի լուեալ Սերտովրիոս՝ վառեցաւ ցանկու[թեամբ երթալ բնականալ յայն կղզիս, և ՚ի տէրութենէ և ողջոյն ՚ի մարտից պատերազմաց հրաժեշտ տուեալ՝ անդանօր կեալ յանդորրու: Խրազգած բանին եղեալ Վիլիկեցոց՝ արք անխաղաղասէրք և անդադարելիք և ընչաքաղցք և աւարասէրք, ելեալք նաւէին ՚ի Լիբիա՝ երթալ և զԻփթեանն զԱսկապիոս ՚ի դահն բաղմեցուցանել Մաւրուսացոց:

Յայնժամ Սերտովրիոս ոչինչ սրտաբեկ՝ հաստատեցաւ և ինքնին խաղալ զնալ յօգնու[թիւն արանցն՝ որ մարտ եղեալ կռուէին ընդ Ասկաղեայ. զի յոյս նորոգածին առեալ իւրն զօրականք և ՚ի մրցանս պատաղեալք, մի թերևս առ կարօտու[թեան ՚ի նմանէն ՚ի բաց փարատեսցին: Մեծապէս խնդացեալ Մաւրուսացոց ընդ դալուսոն նորա, կազմեցաւ պատրաստեցաւ ՚ի գործ անգր. և հարեալ վանեալ զԱսկաղէս՝ նեղէր զնա պաշարմամբ: Իսկ Սիւղղաս ՚ի թիկունս Ասկաղեայ արձակեալ զՊակկիակոս ստուար բանակաւ, ՚ի դիմի հարեալ Սերտովրիոս՝ սպանանէր զՊակկիակոս, և զբանակն նորա խմբեալ ընդ իւրում զօրականին, եկեալ կռուէր ընդ Տիգէնեայ՝ ուր անկեալ ապաւինեալ էր Ասկաղէս հանդերձ եղբարքք իւրովք:

Արդ Լիբէացիք պատմեն անդանօր 'ի վայրին թաղեալ զԱնտէոս . բայց Սերտովրիոս անհաւատացեալ բարբարոսացն յաղագս յաղթ հասակի առն , տայր փորել զքերեզմանն , և 'ի նմա մարմին դտեալ երկայնագէզ հասակաւ՝ որպէս ասեն՝ վաթսնականդնեան 2 , յապուշ հարեալ և պատրուծակս յաղեալ՝ անգրէն զհողակոյան 'ի վերայ բերէր , և հռչակ հարկանէր զուրբ և զհամբաւ զառնն : Եւ պատմեն Տիգլէննացիք , 'ի մեռանել Անտէոսի՝ կնոջ նորա անուն Տիգէ ամուսնանալ ընդ Հերակլեայ , և 'ի նոցանէ ծնանել Սոփակեայ , որ թագ կսպեալ յաշխարհին՝ յանուն ժօր իւրոյ անուանէր զքաղաքն . և թէ՛ 'ի Սոփակեայ ծնեալ Դիոդովրոս՝ բազումս ընդ ձեռամբ նուաճէր 'ի Լիբէացւոց ժողովուրդս , ունելով ընդ իւր բանակ զհելլենացւոց և զՈղլիանացւոց և զՄիւկենացւոց՝ զորս անդ դաղթականս ած Հերակլէս : Արդ՝ այսոքիկ պատմեցան աստանօր 'ի մեծարանս երեսաց Յոբայ՝ քաջ պատմաբանի առհասարակ 'ի թագաւորս . քան զի պատմեն՝ նախնեաց սորա սերել 'ի Դիոդովրեայ և 'ի Սոփակեայ :

Անդանօր ասպա Սերտովրիոս տիրացեալ ամենայնին , որք միանդամ անձնատուր անկան և ողորբաւորք , ոչինչ զրկեաց զնոսա . զգոյս նոցա դարձուցանէր առ նոսա , զքաղաքս , և զիշխանութիւնն . և առնոյր ընդունէր միայն զոր կամակար տային նմա : Ապա խորհուրդ կալեալ՝ յոր կողմն

խաղալ գիմել, գային հասանելին առ նա
 դեսպանք 'ի Ղիւսիտանացւոց հրաւիրակք
 նմա 'ի զօրավարութիւնս . քանզի և աւագ
 և քաջի զօրավարի պէտք էին նոցա առ ա-
 հի երկիւզին Հռոմայեցւոց, և 'ի նա միայն
 ակնկառոյց էին, զի և բարոյից առն 'ի վե-
 րայ կացեալ էին 'ի մերձաւորացնորա : Եւ
 ասէն զՍերտովրիոս ոչինչ գիւրըմբռնելի
 ոչ 'ի հեշտութենէ և ոչ յերկիւղէ, այլ
 անգատին 'ի բնութենէն անզարհուրելի
 այր 'ի դժոխըմբերելիս, և պարկէշտացեալ
 անձն 'ի գեղեցիկ բախտին . առ այս՝ և ոչ
 ինչ այնպէս գիմագրաւ իբրև զօրավարս
 ժամանակին խաղալ գիմել և արագ արագ
 մարտ յարդարել . սակայն և յամենայն 'ի
 դէպս և 'ի պէտս մարտին՝ խարդաւանել
 և զդէպ ժամանակն զբռամբ ածել և
 վայրս անխաբս հասանել ունել և շուտա-
 փոյթ չու առնել և հնարիմացութիւնս
 խորագիտութեամբ 'ի վեր բերել, էր նա
 այսոցիկ ամենայնի 'ի ժամանակին շար-
 տարապետ վեհագոյն . և զի և լիաբաշխ 'ի
 մրցանակս քաջութեանց՝ չափով զսրտու-
 հաս յանցանացն 'ի վերայ ածէր : Թէպէտ
 և անագորոյն և աննուէր նորա հանդէս
 գործոյն 'ի վախճանի կենացն առ սլա-
 տանդան, Թուի իմն ոչինչ հեղ և հան-
 դարտ անգատին 'ի բնութենէն զնա 'ի դէմս
 բերել մեզ, այլ խոհականութեամբ հե-
 զացեալ 'ի պէտս ժամանակին . բայց ինձ
 Թուի՝ ճշմարիտ առաքինութեանն և քաջ-
 արմատ ըստ խոհականութեան բանին՝ եր-

բէք 'ի հակառակն չյուանալ կիրս ըստ բախտին . սակայն և անհնարին չէ, եթէ և արք քաջախորհուրդք և քաջամոյնք 'ի բարս՝ 'ի դժպէի կիրս ըմբռնեալ մեծաց աղէտից, միանգամայն ընդ բախտին չըջեացին և յիւրեանց բարոյից: Զոր և յայնժամ պատահեալ գիտեմ Սերտովլիոսի . այն՝ որ ամայի լքեալ 'ի բախտէն և դառնացեալ 'ի ձախողակ ելիցն՝ ժանտացաւ ընդդէմ արանցն՝ որ հարստահարեցին զնա:

Արդ յայնժամ հրաւիրեալ Սերտովլիոս 'ի Լիւսիտանացւոց անտի, յուղի անկեալ 'ի Լիբիոյ, և զօրավար միահեծան կարգեալ առ 'ի նոցանէ և անդէն 'ի կարգածեալ զնոսա, առնոյր գրաւէր զմերձաւորն Իբերիա. քանզի և շատք անդանօր կամակար յանձն լինէին 'ի նա, յաւէտ իմն՝ առ հեզութեան և ժրութեան քաջութեան առնն, նա և ինքն գլխովին խորագիտութեամբ նիւթէր իրս համոզակեր հանդիսիւ. որոց և առաջին դէպքն այն Եղին, պատահեալ օրինակ զայս. Սպանոս ոմն այր սոսկական և գիւղաբնակ՝ էր երբեմն զի պատահեալ նորածին եղին 'ի դաշտի՝ որ փախուցեալ գնայր 'ի ձեռաց որսորդացն, եղին ոչ կարացեալ ժամանել՝ հետամուտ կալաւ զեղնորթն, յապուշ հարեալ ընդ նորապքանչ գոյնն, (քանզի էր համակ սպիտակ) : Անդանօր մօտ ըստ գիւպաց բանակ հարեալ Սերտովլիոսի, և խնդամտաբար բնաւորեալ առնուլ ընդունել զհիւրոյթս զամենայն զորսոց էրէոց

և զպտղոց անդաստանաց, և մարդասիրապէս ևս վարձատրէր ընծայաբերիցն. ապա և Սպանոսի առեալ զեղնորթն առաջի մատուցանէր նմա: Առ ընկալաւ Սերտովրիոս և խնդամտէր առ ժամն, այլ ոչ մեծ ինչ համարեցաւ. յետ այնորիկ ձեռնընդէլ և հեշտընկալ ուսուցեալ զեղնորթն, զի և 'ի կոչէլն զնա՝ իմանայր էրէն և զհետ ընթանայր նորա ամենայն ուրեք. առ այս՝ և ոչ ահաբեկէր ինչ նա 'ի խռով և 'ի շառաչուն բանակին. և այսպէս տակաւ տակաւ զբան զայն 'ի բարեպաշտութիւն անգր վեր առեալ Սերտովրիոս, ասէր զայն եղնորթն պարզ և գալ յԱրտեմեայ. և հռչակ ևս հարկանէր՝ բազում ինչ 'ի գաղտնեաց ցուցանել նմա 'ի կենդանւոյն. գիտելով չափ զբարբարոսացն զանկակից հեշտընկալութիւն 'ի նորակրօնութիւն անգր:

Առ այս դարձեալ և հնարս այլ նիւթէր նա: Յորժամ 'ի ծածուկ ինքն իրազեկ լինէր զթշնամեաց հրոսակէն 'ի սահմանս տէրութեանն, կամ թէ զմտաբերել 'ի վտարանջութիւն ինչ քաղաքի, այնպէս իմն կարծեցուցանէր՝ եղնորթին պատմել նմա զայն 'ի քուն և հրաման տալ 'ի պատրաստի զզօրն ունել: Դարձեալ և յորժամ լուր զյալթութեանն առնոյր զիւրոց զօրավարացն, 'ի ծածուկ զաւետաբերն պահեալ՝ արտաքս զեղնորթն ամէր բոլրեալ պսակաւ 'ի նշան աւետեաց, և քաջալէր խրախոյս կարգայր խժդժիցն զոճ յազէլ գիցն, իբրու որ մերձ ընդ մերձ առ

ցեն նոքա լուր զգեղեցիկ ելից : Ապա զայս օրինակ հեղացուցեալ զվայրենի մարդիկն , պատրաստս և յօժարամիտս գտանէր զնոսս և յայլ ամենայն գործս . քանզի և հաւանեցան իսկ նոքա 'ի միտս՝ եթէ ոչ պատգամ ուրեմն օտարական առն առաջնորդէ նոցա , այլ աստուած ոմն գլխովին : Առայտքիւք՝ և հաւատօիք ևս 'ի ներքս գային յարդեանց անտի . քանզի գնալով գնայր և բարդաւաճէր զօրուծիւն նորա 'ի վերքան զքան : Քանզի արամբք երկու հազար և վեցհարիւր՝ որոց անուն կարդայր Հասայեղիս , թէպէտ և եօթն հարիւր 'ի Ղիբէացւոց խառն կային՝ անցեալք ընդ նմա 'ի Ղիւսիտանիա , և չորիւք հազարօք՝ յասպարաւորաց Ղիւսիտանացւոց և եօթնհարիւր այրուծիով , մարտ եզեալ կռուէր ընդդէմ չորից զօրավարաց Հռոմայեցւոց . որոց էին երկոտասան բիւր հետեակաց , և վեցհազար այրուծիոյ , երկու հազար աղեղնաւորաց և սարասաւորաց , և քաղաքք բազումք . իսկ ինքն քսան միայն քաղաքաց տիրացեալ էր :

Այլ թէպէտ և այնչափ փոքրոզի զօրուծեամբ ձեռնամուխ 'ի գործն եղև , ոչ ժողովուրդս միայն բազումս ընդ իւրև նուաճեաց , և քաղաքս բազումս հասեալ կալաւ , այլ և 'ի զօրավարաց անտի ախոյենից հար վանեաց զՎոտոտաս 'ի նաւամարտի 'ի կրճի անդ մօտ 'ի Մեղլաուխ . 'ի փախուստ դարձոյց զՓիղիոս իշխան Բետիկեայ մօտ 'ի Բետիս՝ տասպաստ արկեալ

երկուս հազարս 'ի Հռոմայեցւոց . և 'ի
ձեռն իւրոյ գանձաւորին վանեաց զԴոմե-
տիոս և զԼուսիոս փոխանակ հիւպատոսի
զՊիլատոյ Իբերիոյ . 'ի մահ վարեաց զԹովրա-
նիոս զՍիւս զօրավար նոցա՝ զոր արձակեաց
Մեռեղղոս բանակաւ ընդդէմ՝ նորա: Նաև
զՄեռեղղոս ինքնին գլխովն զայր աւագ
և նշանաւոր 'ի Ժամանակին յամենայն
Հռոմայեցիս՝ ոչ 'ի սակաւ ինչ աղէտս ա-
ռեալ պաշարեաց . և այնպէս իմն 'ի նեղն
արկանէր , զի և Լեկիոսի Լոլլիոսի 'ի Նար-
բոնեան Գաղատիոյ խաղալ գալ 'ի Թի-
կունս առնն . առ այս՝ և 'ի շտապ տագնա-
պի առաքել անդր 'ի Հռովմայ մեծին Պոմ-
պէի զօրու հանգերձ : Որպէս զի և վարա-
նեալ իսկ էր Մեռեղղոս հնարել կռուել
ընդ քաջի և ընդ խիզախ առն . զի նա ցանգ
խոյս տուեալ 'ի ճակատամարտ մարտէ՝
բիւրազդի փոփոխէր ԺիրաԺիր և Թեթև
Իբերացի զօրականօքն . իսկ անդուստ Մե-
ռեղղոս 'ի մարտ բնաւորեալ համադունդ
և կարգաւոր , 'ի գլուխ կացեալ էր քա-
ջամուր և միասումբ փաղանգի . և որ քա-
ջապէս կիրթ էր 'ի վեգ գալ ընդ Թշնա-
միսն և վանել հարկանել , այլ ոչինչ ձեռն
հաս էր՝ ըստ որում Սերտովրեանքն՝ լեռ-
նագնաց չու առնել խաղալ , հետամուտ
զհետ պնդել յարափախուստ հողմաթուխ
մարդկանն , և բերել զկիրս քաղցուն և
բուծանել անհուր կերակրովք և անվրան
կալ : Առ այս՝ և 'ի ծերուԹիւն յեցեալ
Մեռեղղոս , և 'ի բազում և 'ի մեծաց մար-

տից հանդարտեալ կեանս վարէր դիրգս, և անդուստ ակոյտեան 'ի ժամունս ունէր զՍերտովրիոս զառոյգ անձն և աշխոյժ, քաջակորով սքանչելի և արագ և ժուժկալ: Որ և ո՛չ 'ի սլարապութեանն անգամ երբէք նա ոչ հատաւ 'ի դիներբուս, և սովորեալ ևս էր ժուժալ քրտնաջան վաստակոց և երկայն ճանապարհաց և անդու տքնութեանց, շատ համարեալ զկեկակրիկն և զանսպաճոյճն. և ցանգ տարաչորջիկ և յորս ելանելով 'ի սլարապութեանն՝ գիտէր խկ քաջ և ճողոպրել փախստեամբ և հետամուտ փակել սաշարել, զի և տեղեակ և հմուտ էր ամենայն սալատ և անասատ վայրացն:

Ուստի և Մեռեղլոս ոչ կարելով մարտ ընդ նմա յարդարել պատերազմի, ինքն զսարտեցելոց մարդկանն կրէր կիրս, և Սերտովրիոս փախստեայ հնարխմացութիւն՝ զհետամուտ յաղթականացն: Քանզի և ո՛չ սլարապ թողոյր նմա սաշար ժողովել զջրոյ և զկերակրոյն, քարընդոսն եղեալ նմա 'ի չու ճանապարհին նորա, և չարչարէր 'ի բանակել նորա. և ուրէք 'ի նստել և 'ի սաշարել նորա, արագ և ինքն 'ի վերայ հասեալ նեղէր զնա կարօտութեամբ, մինչև զօրականին նորա ո՛չ ևս հանդուրժել վշտին: Եւ քանզի և 'ի մարտ մենամարտիկ ձայն տայր Սերտովրիոս Մեռեղլեայ, անդուստ զօրականն աղաղակ բարձեալ ստիպէին զնա 'ի կռիւ զօրավարի ընդ զօրավարի, և հռոմայեցի առն ընդ հռոմայեցւոյ:

խակ 'ի խոյս տալ նորա՝ Թէպէտ և Էպէրէին ևս, նա ծիծաղէր, և կարի խակ քաջ. քան զի առն զօրավարի՝ որպէս Թէոփրաստոս ասէ՝ զմահ մեռանել պարտ է զզօրավարի, և ոչ զվահանաւոր սոսկականի: Ապա տեսեալ Մետեղղոս՝ զի 'ի ծարաւ ջրոյ դիւր ըմբռնելիք են Անդորրայիք՝ որ ոչ սակաւ Թիկունս էին Սերտովրիոսի, (քանզի և 'ի քաղաքին մի միայն ջրհոր էր նոցա. և որ պաշարէր՝ տիրանայր 'ի վերայ աղբերցն որ 'ի բուրաստանն և որ առ պատուարօքն), անդր ապա խաղաց գնաց Մետեղղոս պաշարել՝ եդեալ 'ի մօտ յետ աւուրց երկուց ունել զքաղաքն 'ի պակասել ջրոյն. հրաման ետ զօրականին պաշար հինգօրեայ միայն բառնալ ընդ իւրեանս: Բայց Սերտովրիոս ճեպով 'ի Թիկունս հասեալ քաղաքին, հրաման տայր տիկս երկու հազար ընուլ ջրով, և առ մէն մի տիկ բաշխէր արծաթ բազում. խակ յիբերացւոց անտի և Մաւրուսացւոց նահատակելոց, այրնտիր զկորովինն արարեալ և զարագոտինն, արծակեալ զնոսա զլեառն լեռնայն գնալ պատուիրէր զտիկսն յանձն առնել քաղաքացեացն, և 'ի դուրս ընդ իւրեանս ածել զխուժան քաղաքին, զի կայցէ ջուր բաւական զօրականին յարբումն:

Ղուր զբանին առեալ Մետեղղոս, 'ի խոր խոցեցաւ. քանզի և զօրականին իւրոյ կերակուրք սպառեալ էին: Առեալ յայնժամ զԱկուինոս առաքէր վեց հազար արամբք 'ի խնդիր կերակրոյ: Իրագեկ Սեր-

տովրիոս եղեալ՝ դարանամուտ լինէր 'ի վերայ ճանապարհին . և անդ 'ի դարձին Ակուինոսի դուոյթս տուեալ 'ի հովանաւոր ձորոց՝ երկոց հազարաց արանց 'ի վերայ նորա, ինքն 'ի հանդիպոյ անկեալ 'ի վերայ՝ 'ի փախուստ դարձուցանէր զնա . զկէսս տասպատ արկանէր, և զկէսս ձերբակալ առնէր 'ի շորականէն : Ապա Մետեղղոս ժողովեալ զԱկուինոս կաստեալ 'ի զինուց և յերիվարէն, կորանօք զպաշարուսինն լքեալ դառնայր յետս, մեծապէս հեգնեալ 'ի քրքիջ յԵբերացւոց անտի : Ոյց աղադաւ և սքանչացաւ Սերտովրիոս և սիրեցաւ 'ի բարբարոսացն . առ այս դարձեալ՝ զի և 'ի զէն 'ի զարդ վառեալ զնոսս և կազմութիւն տուեալ նոցա, և նշանս ևս նոցա ըստ Հռոմայեցւոց օրինին բաշխեալ, և այնպէս զվայրագութիւնն 'ի նոցանէն կարճեալ և զգազանութիւնն, 'ի բազմաձեռն գեղգուրայն՝ բանակ զորաց առեալ յարգարէր : Դարձեալ առ այս՝ և արծաթ և ոսկի յոյժ 'ի գործ առեալ՝ զարդարէր ըզսաղաւարտս գլխանոցաց նոցա, և խայտաճամուկ յօրինէր զասպարս նոցա . և ուսուցեալ ևս նոցա քղամիդս ծաղկեայ արկանել և պատմութեան, և զամենայն ըզծախան յանձնէն 'ի ներքս բերեալ, և գեղեցիկ և յարգարուն ցուցեալ, այնպէս յինքն յանդուցանէր զնոսս : Բայց 'ի վերքան զամենայն յանդոյց զնոսս՝ բարեգործեալ առ մանկունս նոցա : Քանզի ժողովեալ 'ի մեծ քաղաքն Ոսկա 'ի քաջազար

մից մանկանցն, և վարժեար հեղինացի և հռոմայեցի դպրութեանց կարգեալ նոցա, թէպէտ և 'ի ներքոյ՝ իբրև 'ի պատանդի ունէր առ իւր զնոսա, սակայն և քաջ կրթէր մարգէր զնոսա՝ զի յարբունս հասեալ 'ի քաղաքին գործս և յիշխանութիւն պարապեցուցէ զնոսա : Մեծապէս խնդացեալ էին հարբ՝ տեսեալ զմանկունս իւրեանց, զի այնպէս հրահանգք և համեստք ժամ 'ի ժամէ ելեալ հեռակէին 'ի վարժարանս . և զի՝ և Սերտովրիոս ինքնին ծախէր վասն նոցա, և ստէպ ինքն նստեալ համար առնոյր զնոցա, և բաշխէր տայր մրցանակս արժանաւորացն, և պարգևէր զնոսա 'ի քայռից անտի ոսկւոյ՝ որոց անուն կարգան հռոմայեցիք՝ Պ․․․․․ :

Եւ էր յայնժամ սովորութիւն զօրացեալ յԻբերիա, զի անձնապահապետք զօրավարին՝ յանկանել նորա տապաստ՝ մահակից նմա լինէին . և կոչէին զայն բարբարոսք՝ Չծն ն․․․․․ : Արդ այլոց զօրավարացն նուազունք էին թիկնապահք և նիզակակիցք՝ յանձն առնուլ զայն գործ . բայց Սերտովրիոսի՝ բազումք բիւրաւորաց մարդկան 'ի նոյն նուիրեալք զհետ գնային : Եւ պատմեն՝ բանակի նորա երբեմն 'ի պարտութիւն մատնիլ մերձ քաղաքի ուրէք, և 'ի վանել յերեսաց թշնամոյն, անդ զանձանց անհոգացեալ իբերացիք և միայն Սերտովրիոսի փրկութեանն պատկառ կացեալք, բարձեալ զնա 'ի վերայ ուսոց այնպէս տեղոջէ 'ի տեղի ածէին

բերէին մինչև 'ի սարխապ անդր, և այնպէս յանդորր զիշխանն հանեալ՝ ապա այր այր 'ի փախուստ խուճապէր :

Բայց ոչ Իբերացւոց միայն ըղձակերտ զանձն ընծայեաց Սերտովրիոս, այլ և Իտալիոյ զօրականին գլխովին . ուստի և անդր յԻբերիա եկեալ հասեալ յայնժամ բազմահարուստ ընչիւք և բազմաձեռն գնդաւ Պերպէննաս վէնտովնէս 'ի կուսակցաց անտի Սերտովրիոսի, և խորհուրդ կալեալ մարտ ինքնին առանձին գնեւ կռուել ընդ Մեանդլեայ, զչարեալ ցասնութն զօրականիք նորա . և բազում ինչ զրոյց 'ի բանակին նորա լսելի լինէր վասն Սերտովրիոսի, ոյր աղաղաւ 'ի խոր խոցէր ինքնին Պերպէննաս՝ այր ճոխացեալ ազնուականութեամբ և ընչաւէտութեամբ : Անդանօր լուր առեալ և զլուոյ անցիցն Պոմպէի ընդ Պիւրենեանս՝ յայնժամ զօրականք Պերպէննեայ զէն 'ի ձեռս առեալ և զգնդաց գրօշական կորզեալ՝ բողոք բարձեալ ընդգէմ՝ նորա՝ ստիպէին առնուլ տանել զնսա առ Սերտովրիոս . և սպառնալիս ևս կապէին թողուլ լքանել զնա և երթալ խմբիլ ընդ քաջի առնն՝ որ զանձն և զընկերսն ապրեցուցանել կարօղն իցէ : Ապա բռնադատեալ Պերպէննաս, առեալ ածէր զնոսա և խմբէր առ Սերտովրիոսի գունդ զօրաց յիսուն և երեք : Իսկ և Սերտովրիոս յաւելեալ առհասարակ և զորս յայսկոյս Իբերոս գետոյն (քանզի և 'ի կողմանց կողմանց խուռն ընթանային առ նա ժողո-

վուրդք), տիրացաւ ստուարացոյց զգունդն. սակայն տաղնապէցաւ յանձն իւր ընդ վայրենի յանդգնութիւն խժգժիցն, որ բողոք բարձեալ անդէն ճեպ ընդ ճեպ ժտեցան անկանել 'ի վերայ թշնամեացն: Նա կայր և ամօքէր ողոքէր զնոսա. իբրև զայրագինս ետես զնոսա և ըմբոստացեալս, թողոյր այնուհետև ըստ կամանոցս կռուել ակն ունէր թէ ոչ սպառսպուռ հարեալք՝ այլ միայն վատթարեալք 'ի կռուին՝ 'ի հնազանդութեան այնուհետև կացցեն նոքա: Որպէս և դէպք իրացն յաջողեալք ըստ խորհրդոյն, ինքն փութացեալ 'ի թիկունս նոցա և ժողովեալ 'ի փախչել նոցա, առեալ յանդորրու ածէր 'ի բանակ անդր:

Ազգա 'ի քաջալեր խրախոյս սրտաբեկութեան նոցա՝ յետ սակաւ աւուրց 'ի մի վայր խմբեալ զամենեւեան եկեղեցի մեծ, տայր ածել զառաջեաւ երիվարս երկու, մին վատեալ յոյժ և ծերացեալ, և միւս ևս՝ յալթ և առոյգագաւակ՝ ագի ունելով գեղեցիկ և թաւամաղ: Առեալ կացուցանէր առ վատելոյն զայր մի յալթահասակ և հաստաբազուկ, իսկ առ քաջի երիվարին՝ զայր փոքրահասակ և նկուն: Տուեալ ապա նշան երկոցուն նոցա, անդէն հաստաբազուկն կալեալ երկոքումբք ձեռօքն զադի զվատելոյ երիվարին, ճիգն զամենայն թափեալ քարէր ձգէր՝ իբրու ողջ առնուլ կորզել զնա. իսկ անգուստ ապիկարն այր՝ զմազս զքաջի երիվարին

կայր և մի մի առեալ խլէր : Արդ իբրև առաջինն ո՛չ սակաւ ինչ սնավաստակ յոգնեալ, և քրքիջ ևս շատ գործեալ 'ի տեսանելիսն՝ 'ի բաց եկաց 'ի գործոյն, իսկ անդ ասլիկարն 'ի սուղ ժամանակի և անքիրան մազազերծ զադին առնէր, յայնժամ յոտն կանգնեալ Սերտովրիոս ասէր այսպէս . « Տեսէք աւագիկ արք նիզակակիցք, զի քան զբռնութիւն զօրաւոր ևս է երկայնատութիւն . և շատ ևս իրք՝ զոր ճեպ ընդ ճեպ հնար չէ գործել՝ տակաւ տակաւ գան 'ի կատարումն : Արպէս զի և համբերատար երկայնատութեան անկուռելի է զօրութիւն . և նովաւ զամենայն ոյժ հարեալ վատթարէ ժամանակն ինքնին, մարտակից բարեկամ որոց միանգամ գէտակն կալցեն խոհականութեամբ քաջագիպութեան նորա . իսկ և ռիսերիմ՝ յոյժ որք միանգամ յանգէպ ժամուն ճեպեալ փութասցին » : Յայսպիսեաց աստի նիւթեալ օր ըստ օրէ Սերտովրիոս 'ի քաջալեր մխիթար բարբարոսացն, ակնկալեալ մնայր գէպ ժամանակին :

Բայց և հնարխնացութիւն նորա առ Քարակիտացւոյքն՝ սքանչացաւ ոչինչ պակաս քան զամենայն նահատակութիւնս նորա . Քարակիտացիք այս՝ ժողովուրդ են 'ի վերոյ գետոյն Տագովի . ոչ բնակեն նոքա ո՛չ 'ի քաղաքի և ոչ 'ի շէնս, այլ կայան բնակութեան նոցա է լեառն մեծ և բարձր, ուր են անձաւք և քարանձաւք գիտելով ընդ հիւսիս . իսկ գաւառն՝ որ 'ի ներքոյ՝

շաղախ խոն կաւուտ և ազդ բերէ հողոյ
 գիւրափխրելի սպնգանման, ոչ ժուժկա-
 լէ ոտից ընթանալեաց, և վայրիկ մի հպեալ
 հոսի մանրամաղ իբրև կիր անշէջ կամ իբ-
 րև աճիւն: Արդ այս բարբարոսք մտեալք
 զօղեալք 'ի դարանսն յայն յահէ երկիւղի
 պատերազմաց, և անդր կուտեալ զկա-
 պուտ և զաւար իւրեանց՝ կային յանդոր-
 բու ապահովեալք իբրու յանքոյթ և յան-
 խաբ վայրս: Իսկ էր յայնժամ Սերտով-
 ըրոս մեկուսի 'ի Մետեղղոսէ, բանակ հա-
 բեալ մօտ 'ի լեառն անդր. և անդուտ
 բարբարոսք անգոսնէին զնա իբրև 'ի սար-
 տութիւն մատնեալ: Կա կամ 'ի սրամտու-
 թիւն բերեալ, կամ թէ ցուցանել նոցա՝
 զի փախստական չէ, աշտանակեալ ընդ
 ծաղէլ աւուրն՝ չոքաւ զննէր զկայսն զայն
 անկասկածելի յամենայն կողմանց. և մինչ
 դեռ անդ յայսկոյս յայնկոյս ընդվայ-
 րայած լինէր և 'ի զուր սպառնալիս գո-
 ռայր, տեսանէր ամբ մեծ փոշոյ ամբար-
 ձեալ 'ի հողոյ անտի և հողմավար գումա-
 բեալ գայր ընդդէմ նոցա: Քանզի՝ (որ-
 պէս ասացի)՝ հիւսիւսահայեացք են քա-
 րանձաւք նոցա. և հողմն շնչեալ յԱրջոյ
 անտի՝ որում կէսք անուն կարդան Կէկիաս,
 յոյժ տիրացեալ գոյ 'ի վայրն, և սաստկա-
 շունչ ևս է քան զամենայն հողմունա վայ-
 րացն՝ թափեալ միանգամայն 'ի գիճին
 դաշտաց և 'ի ձիւնախաղաղ լեռանց. և 'ի
 ժամանակին ևս յայնմիկ 'ի խոր ամարայնի
 սաստկացեալ և յօրացեալ ևս 'ի հալէլոյ

հիւսանն սառամանեացն, քաղցր և անոյշ շնչեալ՝ զովացուցանէր զցերեկ զբարբա-
րոտան և զանասունս նոցա: Ապա մտախորհ
վանն իրացն եղեալ Սերտովրիոս, և տեղե-
կացեալ ևս՝ ի դաւառականաց անտի, հրա-
ման տայր զօրականին զի առեալ կուենսս
՝ ի սպնդային հողոյ անտի և յաճիւնային,
բերեալ հանդէս լերին՝ կուտեսցեն կոյտս
կոյտս. զայն տեսեալ բարբարոսացն և կար-
ծեալ ամբարտակ կանգնել ընդ գէմ՝ նոցա,
ծաղր առնէին: Իսկ Սերտովրիոս անդ ող-
ջոյն զցայգն ՝ ի գործ առեալ զօրականն,
սպա յետ այնորիկ յետս նահանջէր:

Այլ յառաւօտուն սահու զառաջինն
սիւգ հանգարտ շնչեալ՝ յուզէր շարժեր
զմանրամաղան զհողակուտին, և ցան և ցիւր
գնային սիւռէին իբրև փեճեկս նրբինս,
բայց սպա յարևածայրսն ուժգնակի շն-
չեալ Վեկիասս, և փոշոտեալ բարձանցն,
անդ և զօրականն ձեռն ՝ ի գործ հիմն ՝ ի
վեր քրքրեալ յուզէին զհողաբլուրն և ման-
րէին փշրէին զկաւն. և կէսք գարձեալ ե-
րիվարս ՝ ի վեր ՝ ի վայր գնացուցանէին անդր
և ամբոխեալ սաստիկ ևս զփոշելից հողն՝
տային հողմոյն, որ և ողջոյն զաճիւնս-
ցեալն առեալ նիւթ և ամբարձեալ արկա-
ներ թափէր ՝ ի կայս անդր բարբարոսացն.
ոյց և մուտք գրացն կային ՝ ի հանդիպոյ Վե-
կիասին, և լուսանցոյց այլ ոչ գողով ՝ ի
քարանձաւան բայց ՝ ի մտից անտի հողմոյն,
անդէն արագ մէգ մառախուղ իջեալ
զբոք խժգժիցն, հեղձամղձուկ լինէին ՝ ի

տուր և առ շնչոյն՝ ծծեալ զօգն դժոխում
բեր և զաճիւնախառն: Ուստի և ՚ի տաղ-
նապ տարակուսի բերելով վշտին զառուր
երկուս, ապա յերրորդումն անձնատուր
լինէին, յօրացեալ Սերտովրիոսին քան ՚ի
զօրութեան՝ առաւել ևս ՚ի փառս. զի
հնարաւոր խմատութիւն քաջացաւ յայն
ինչ՝ որ ՚ի զինուցն անվանելին էր:

Արդ Սերտովրիոս ցոր վայր մարտե-
ղեալ կուռէր ընդ Մետեղղեայ, թուէր
ինն այնպէս բազում ինչ նահատակել նմա՝
առ ՚ի ծերութենէ հասակին և ՚ի անկա-
կից դանդաղութենէն Մետեղղեայ, որ
նկուն կայր առաջի խրոխտ և խիզախ առն՝
որ ՚ի գլուխ անցեալ էր քան զօրաց՝ ա-
ռաւել ևս ասպատակաց բանակի. իսկ
յորժամ բանակ հարեալ մօտ Պոմպէի որ
անցեալ իսկ էր ք Պիւրեննեանն, ՚ի գործ
վարեաց ընդդէմ նորա բնաւ իսկ զճիգն
մրցանաց զգօրավարաց մարտի, և հնարից
ընդդէմ հնարս նիւթեալ և մեծապէս ըզ-
գուշացեալ՝ ՚ի վերոյ անցանէր քան զՊոմ-
պէոս, յոյժ ապա այնուհետև զհամբաւի
հարաւ այրն և մինչև անդր ՚ի հում, իբ-
րու որ քան զամենայն՝ որ առ նովաւ զօ-
րավարք՝ առաւել ևս քաջ ՚ի մղել մար-
տի: Քանզի և ոչ դուզնաբեայ ինչ էր
համբաւ փառացն Պոմպէի ՚ի ժամանա-
կին ՚ի քաջագօտի նահատակութեանց
առնն ընդդէմ Սիւղղայի, որպէս զի և
Սիւղղայի ինքնին մականունն կարդալ նմա
Մալիս, այն է՝ մեծ. առ այս՝ և զյաղթա-

նակի փառս տարաւ նա՝ մինչև տէգ մօ-
րուացն արձակեալ էր . ուստի և շատք 'ի
քաղաքաց անտի Սերտովրիոսի ականկառոյցք
'ի Պոմպէոս՝ յօժարէին անձնատուր նմա
լինել . բայց ապա յանականենելի գործոյն
որ 'ի Լավրոն՝ հանդարտեալ լուեցին :

Քանզի 'ի պաշարել զայն Սերտովրիոսի ,
խաղայր գնայր Պոմպէոս 'ի Թիկունս նորա
ամենայն բանակաւն : Յայնժամ Սերտով-
րիոսի դիմեալ հասանել ունել բլուր մի՝
անդուստ հարկանել վանել զքաղաքն , ա-
ճապարեաց Պոմպէոս խոչ ընդ ոտն լինել
նմա . բայց Սերտովրիոս կանխեաց կալաւ ,
և Պոմպէոս անդ առկայացուցեալ զզօրն՝
խնդայր ընդ իրացն սրատահումն՝ իբրու որ
ընդ քաղաքն և ընդ իւր զօրն 'ի միջոցին
փակեցաւ Սերտովրիոս . և առաքեաց ևս
առ Լավրոնացիս քաջալեր խրախոյս կար-
դայր նոցա , կալ առ պարսպօքն և հայել
տեսանել զպաշարումն Սերտովրիոսի . իսկ
Սերտովրիոս լուեալ ծիծաղէր , ասէր՝
քաջ իսկ ուսուցանել աշակերտին այնմիկ
Սիւղղայի (քանզի այսպէս կոչէր 'ի խաղոյ
զՊոմպէոս՝) եթէ պարտ և արժան է զօ-
րավարի քան զհանդիսոյն՝ առաւել զառ
'ի յետոյսն դառնալ հայել . զայս ասաց՝ և
ձեռն ձգեալ ցուցանէր պաշարելոցն զվեց
հազարսն հետևակաց՝ զորս Թողեալ իսկ
էր նորա 'ի բուն զակչի անդ իւրում՝ ուս-
տի դիմեալ կալաւ զբլուրն . զի 'ի խաղալ
երբէք Պոմպէի 'ի նա , նոքա 'ի Թիկանց
կուսէն փակեալ անկցին 'ի վերայ նորա :

Անագան ուրեմն իրազգած բանին եղեալ Պոմպէի, ոչինչ ժառանգաւ 'ի վերայ անկանել Սերտովրիոսի, զանգիտեալ առ 'ի ներքս փակելոյ. միանգամայն և ակնկորեալ ամաչէր թողուլ լքանել զվտանգեալ քաղաքացիսն, մօտ նստեալ այնպէս ստիպեցաւ 'ի զնին կորստեան նոցա. զի և բարբարոսք ինքնին յուսակտուրք՝ անձնատուրք 'ի վերջէ ուրեմն լինէին Սերտովրիոսի: Նա շնորհեաց նոցա զկեանսն և յազատութիւն արձակեալ առհասարակ, սակայն հուր հարեալ այրէր զքաղաքն ոչ առ սրտմտութեան ինչ, կամ յանագորոյն ինչ կրից (քանզի և թուի իսկ առնն քաջի՝ քան զամենայն զօրավարս առաւել դժուարն դէլ լինել 'ի հրայրս կրից), այլ յամօթ և 'ի նկուն առնել զորս սքանչացեալ էին ընդ Պոմպէոս. զի ասասցեն ուրեմն բարբարոսք՝ եթէ մօտ անդ նստեալ Պոմպէի և գող ջեռեալ ևս առ հրով նիզակակցացն, չժամանեաց ձեռն տալ:

Սակայն և հարուածս բազումս տարաւ Սերտովրիոս, այլ ցանգ անպարտելի սպահեաց զանձն և զնիզակակիցսն, սակայն և 'ի զօրագլուխս իւր վիրաւորեցաւ: Իսկ ասպա 'ի կազդուրել զանձն 'ի հարուածսց անտի առաւել ևս սքանչացաւ նա 'ի սարտութեան իւրում՝ քան զթշնամեաց զօրավարսն 'ի յաղթութեան նոցա. ըստ որում դէպ եղև տեսանել 'ի մարտին ընդդէմ Պոմպէի մերձ 'ի Սուկրոն. դարձեալ և 'ի կռուել իւրում մերձ 'ի Տուտտիա 'ի

միասին ընդդէմ Պոմպէի և Մետեղղոսի : Արդ զմարտ սպատերազմին 'ի Սուկրոլն ա- սեն գրգռեալ յաճապարելոյ անտի Պոմ- պէի 'ի կռիւն՝ զի մի բաժանորդ յաղթու- թեանն կացցէ Մետեղղոս . նա և Սերտով- րիոս ինքնին խնդրէր մարտ ընդ Պոմպէի գնել մինչև հասեալ Մետեղղէայ : Ուս- ասի և զիւր զօրն յառաջ վարեալ ընդ երեկս աւուրն գրգռեաց զմարտն . ակն ունէր զի եկք և օտարք գոլով նոքա և անհմուտք վայրացն , մութ գիշերոյն մեծապէս քար- ընդոտն կայցէ նոցա՝ և 'ի փախչելն և 'ի հետամուտ վանել :

Իբրև մարտն խառնեցաւ , յաջոյ թև անդր կացեալ Սերտովրիոս զառաջինն ոչ զՊոմպէոս ունէր իւր ասոյեան , այլ զԱ- փրանիոս՝ որ կայր 'ի ձախոյն : Լուր առեալ եթէ անդանօր որք 'ի վէզ ընդ Պոմպէի ե- կին՝ տեղի տուեալ վատթարեցան , զաջոյ թևն անդէն 'ի ձեռս յանձնեալ այլոց զօ- րագլխացն , ինքն փութայր ճեպէր ձեռն տալ սպարտելոյ կողմանն : Ուր և խմբեալ և խրախուսեալ զփախստեայսն և զորս առ ետեղ կացեալ իսկ էին , յարձակէր ան- դրէն 'ի վերայ Պոմպէի 'ի հետամուտ վա- նել նորա , և շտապ տագնապի փախստեան 'ի վերայ հասուցանէր առնն , յորում և և ինքնին Պոմպէոս վտանգեալ առ 'ի մահ և վերս առեալ՝ մազապուր ճողոպրէր . քանզի անգ Վիբէացիք որ ընդ Սերտովրիո- սի ձերբակալ զերիվար նորա արարեալ ոսկեսար և շքեղ կազմածով , 'ի բաժա-

նեւ անդ յիւրեանս զկապուտն և 'ի մաքառեչն, վատացան զհետ պնդել նորա : Բայց 'ի մեկնել անդ Սերտովրիոսի 'ի թևոյն աջոյ, անդէն Ափրանիոս 'ի վերայ անկեալ պարտէր զթևն՝ վանեալ մինչև 'ի բանակեաղ անդր, ուր խառն և ինքն մխեալ 'ի ներքս՝ յաւարի առնոյր . մութ պատեալ էր գիշերոյն և չէր ինչ Ափրանիոս իրազգած փախտեանն Պոմպէի, և ոչ զգորականն սանձել ինչ բաւեր յաւարաց անտի : Մինչ այս մինչ այն՝ անդուստ և Սերտովրիոս դարձ 'ի յաղթուածէնէն արարեալ, և անկեալ 'ի վերայ երամակարձակ զօրուն Ափրանեայ, հարկանէր սատակէր զբազումս 'ի նոցանէ :

Բայց ընդ այգն ընդ առաւօտն վառէր միւսանդամ 'ի զէն և 'ի զարդ մարտ յարգարեւ պատերազմի . այլ լուր առեալ ըզմօտելոյն Մեաեղլեայ, լուծեալ զկարգն՝ ժողովէր զբանակն, և ասէր այսպէս . « Բաջ իսկ՝ զմանուկդ զայդ, եթէ այս պառաւ 'ի վերայ հասեալ չէր, գանիւ խարազանաւ խրատեալ զնա՝ արձակեալ էր իմ 'ի հռովմ, : Սակայն էր Սերտովրիոս 'ի ժամանակին մեծապէս վշտացեալ, զի ուրեք չերևէր եղնորթն նորա, և զուրկ ինքն գտանէր 'ի հրաշալին իւրն մեղքենայէ առ բարբարոսսն, որոց 'ի ժամուն առաւելապէս պէտք էին քաջալեր բանից : Դէպ եղև յայնժամ՝ գիշերաչրջիկ երբեմն եղեալ արանց նորա 'ի վայրսն՝ հանդիպել եղնորթին, և 'ի դունոյն ճանաչեալ զնա ձերբակալ առնէին :

Զայն լուեալ Սերտովրիոս՝ արծաթ յոյժ
խոստանայր արանցն եթէ ումէք 'ի վեր
չհանցեն զբանն : Եւ այնպէս 'ի ծածուկ
կալեալ զեղնորթն , յետ աւուրց սակա-
ւուց զուարթագին ելեալ գնայր ինքն յա-
տեանն , և պատմէր զօրավարացն բարբա-
րոսաց՝ եթէ աւետիս մեծ նմա 'ի քուն
ազգ արարեալ է գից : Ապա ելեալ 'ի բեմն
'ի դատել ըստ սովորութեանն , անդանօր
'ի վայրն արձակեալ եղնորթին 'ի պահա-
պանացն , և տեսեալ զՍերտովրիոս մօտ
ընթանայր խայտալով 'ի բեմ անդր , և
զկայ առեալ՝ եդեալ զգլուխ իւր 'ի վերայ
ծնգաց նորա գրգայր և բերանոյն փայ-
փայէր զաջն նորա՝ սովորեալ առ 'ի նոյն
յառաջագոյն : Անդանօր և Սերտովրիոս
գգուանս ըզձակաթս ցուցեալ եղնորթին
իբրև յանկեղծաւոր մտաց և արտասուս
ևս հեղեալ , յապուշ հարեալ կային հան-
դիսատեղք . ապա և ծափս հարեալ 'ի
ձայն ցնծութեան ընթացակիցք Սերտով-
րիոսի իբրու առն աստուածայնոյ և աս-
տուածոց սիրելոյ՝ լինէին 'ի խորանի նորա
խրախամիտք և քաջալերեալք :

Յետ այսորիկ 'ի դաշտավայրսն Սեգուն
տինացւոց փակեալ և սաստիկ քաղցու նե-
ղեալ զթշնամիսն , գրգռեցաւ ընդ նոսա
'ի կռիւ մարտի՝ 'ի գնալ նոցա ժողովել
համբար : Եւ անդ սաստիկ և բուռն մարտի
մղելոյ յերկոցունց կողմանց , Մեմփոս
քաջամարտիկ քան զամենայն զօրագլուխան
Պոմպէի 'ի գոռին անկանէր մեռեալ :

Յաղթական Սերտովերիոս եղեալ խաղայր
 դնայր ընդդէմ Մետեղլեայ . հարուածս
 մեծամեծս հասուցանէր ախոյեհիցն , յո-
 ռում և Մետեղլոս 'ի վեր քան զտիս հա-
 սակին շահատակեալ քաջութեամբ՝ տի-
 դահար եղեալ վիրաւորէր . իսկ հռոմայե-
 ցնք որք ականատեղք և որք ականջալուրք
 վտանգին՝ զամօթի հարեալք թողուլ լքա-
 նել զզօրավարն՝ 'ի սրտմտութիւն բրդե-
 ցան , և ամուր վահանափակ գործեալ Մե-
 տեղլեայ՝ այնպէս քաջապէս բարձեալ
 տարեալ զնա 'ի բաց , յետս զԵբերացիան
 ընկրկեալ վանէին : Իբրև յաղթական ելին
 նոքա՝ Սերտովերիոս յանգորր հանեալ ըզ-
 փախտեայս իւր և զօրաժողով ևս այլ 'ի
 թիկունս գաղտաբար ածեալ , չոքաւ ան-
 կաւ 'ի քաղաք մի լեռնակողմեան և ան-
 խար . անդ ամրութիւն ածէր պարսպին և
 աղխեալ պնդէր զգրունսն . թէպէտև չէին
 իսկ նորա միտք զդէմ ունել պաշարմանն ,
 սակայն նենդէր 'ի դաւել զթշնամիսն . և
 արդեօք նոքա անդր զիւրեանց բանակն
 առկայացուցեալ սպասեալ մնային հեշ-
 տին հասանել ունել զվայրն . թոյլ ետուն
 փախչել այլոց բարբարոսացն և փոյթ ինչ
 չարարին զօրաժողովին Սերտովերիոսի , որ
 'ի քաղաքս քաղաքս յիւրոց անտի զօրա-
 պետաց արձակեալ իսկ էր վասն նորուն
 իրի , հրաման տուեալ 'ի կատարել բանին՝
 ազդ առնել նմա :

Իբրև նմա ազդումն լինէր , ինքն յան-
 գորրու հատեալ անցեալ ընդ մէջ թշնա-

մեացն՝ դայր խմբէր ընդ զօրաժողովնն և հաստահարուստ այնպէս դիմէր անդրէն՝ ՚ի թշնամիսն . արգելոյր խափանէր զպաշար կերակրոյն նոցա ՚ի ցամաք կուսէն , դարան գործէր , ՚ի ներքս փակէր , և յայսկոյս յայնկոյս ասպատակ կապեալ՝ արագ արագ ՚ի վերայ անկանէր . իսկ ՚ի ծովէ՝ հասանէր ունէր զափուսան ՚ի մակոյկս հինից . մինչև և Հռոմայեցւոց զօրավարք քակտեալ բաժանեցան . Մետեղզոս տեղի տուեալ գնայր ՚ի Գաղատիա , և Պոմպէոս ձմերէր առ Բակկացիս և նեղեալ տագնապէր ՚ի սպառեւ դրամոյն . առեալ գրէր առ Սինկղիտոսն՝ դարձուցանել ածել զգօրն յԽտալիա՝ եթէ արծաթ չառաքեն նմա , իբրև սպառեցան նորա ամենայն ինչք ՚ի կռուին վասն Խտալիոյ :

Իսկ յայնժամ ՚ի Հռոմ համբաւ հարեալ էր , եթէ քան զՊոմպէոս կանուխ Սերտովիոս հասցէ յԽտալիա : Եւ սպա յայս սահման ած ձգեաց Սերտովիոս քաջութիւնն զմեծապօրսն և զաւագ զօրավարս ժամանակին : Նաև ինքնին Մետեղզոս յայտյանդիմանութեամբ քաջ ՚ի դէմս բերէր զահ երկիւղին ՚ի քաջէն և զմեծապէս համբաւ զառնն . որպէս զի և ՚ի ձայն քարոզի հրատարակէր տալ առն Հռոմայեցւոյ սպանողի նորա հարիւր քանքար արծաթոյ և երկու բիւր լծավար գեանոյ . ապա եթէ ՚ի վտարանդեաց ոք իցէ՝ դարձուցանել զնա ՚ի Հռոմ . և այնպէս յուսակտուր եղեալ յայտնապէս սպարտել

զայրն՝ նենգաւ գնոց գներ: Առ այս՝ զի և երբեմն ՚ի կռուի պարտեալ զնա Մետեղ զոս, այնչափ իմն բարձրացաւ փքացաւ և խայտաց ընդ յաղթուածիւնն, զի և անուն տայր կոչել իւր՝ Ինքնակալ. և քաղաքք ինքնին առնուին ժողովէին զնա զոհիւք և բազինս կանգնէին. և ասեն ևս խնդրել նմա՝ պսակս առնուլ գնել ՚ի գլուխ նորա, և ընթրիս տալ մեծահացս և բազմակատարս. ուր և բազմեալ ընկեր նա՝ հանգերձ արկեալ յաղթանակի, և անգանօր ՚ի մենքենայից ոմանց հոլովելոց դային իջանէին առ նա Յաղթուածիւնք ընծայաբերք բոլորից պսակաց և Ախոյեհից ոսկւոյ. անդ և մանկանց երամ՝ և կանանւոյն դասակ նուագս առնուին յաղթական ՚ի պատիւ նորա: Յորս և իրաւապէս այսպանելի գտաւ Մետեղզոս՝ յայնչափ պարծանան և ՚ի ծայրայեղ խնդուածեանն, զի միանգամ վանեաց զՍերտովրիոս ՚ի վերջտոնել նորա. զոր կոչէր նա՝ փախստական Սիւղղայի և նշխար Կարբոնեան վտարանդուածեանն:

Այլ մեծանձնուծիւն Սերտովրիոսի գեղեցիկ, էր նորա առաջին՝ զի յանուն Սինկղիտոսի կոչեաց զՍինկղիտիկոսան՝ որ փախստեայք ՚ի հռովմայ անկան առ նա. և ՚ի նոցուն կարգէ ընտրէր տայր գանձաւորս և զօրագլուխս, և սահմանէր յայսպիսեաց աստի ըստ կարգի հայրենատուր օրինացն. և երկրորդ անգամ՝ զի թէպէտև յայն մտրա սրատերազմին ՚ի գործ վարեաց

զգէնս Իբերացւոց և զարծաթնոցս և զքա-
ղաքս նոցա, և ոչ բանիւք չափ երբէք յանձն
էառ ինքնակալ աւագութի'ի ձեռս տալ
նոցա. այլ տայր բաշխէր նոցա զօրավարս
և ոստիկանս Հռոմայեցիս. իբրու որ զա-
զատութիւն անդրէն 'ի բուռն տալ Հռո-
մայեցւոց, և ոչ եթէ Հռոմայեցւոց ընդ-
դէմ ախոյեան զԻբերացիան կանգնել: Քան-
զի այր հայրենասէր էր նա, և դարձին իւ-
րում յոյժ ըղձակաթ 'ի քաղաք անդր: Առ-
այս՝ և 'ի ձախողակ ելնն ցանգ առաքինա-
ցաւ, և երբէք վատութիւն ոչ խառնեաց
առ թշնամիս իւր. նա և 'ի յաղթութիւնս
իւր առաքէր բանագնաց լինէր առ Մե-
տեղղոս և առ Պոմպէոս, յօժարէր զէնըն-
կէց կեանս վարել սոսկականի, եթէ եր-
բէք յաջողեացի նմա դառնալ 'ի հայրե-
նիսն. իբրու որ քան վտարանդի ինքնակա-
լել ամենեցուն՝ առաւել ևս կամէր ան-
փառունակ քաղաքացի կալ 'ի Հռոմ: Եւ
ասէն՝ ըղձակաթ դարձին լինել մանաւանդ
'ի պատճառս մօրն, որ մանուկ սնոյց զնա
որբացեալ 'ի հօրէն, որում և խանդակաթ
յոյժ էր նա. որպէս զի և 'ի լուր մահուան
մօրն՝ յորժամ բարեկամք նորա անդանօր
յԻբերիա հրաւէր կարդային նմա յառաջ-
նորդութիւն բանակի, վայրիկ մի ևս առ
ցաւոյն վճարէր նա 'ի կենացն. և այնպէս
դեանատարած դառացեալ զաւուրս եօթն՝
ոչ նշանս բաշխէր զօրականին և ոչ ումէք
երևէր 'ի բարեկամացն. մինչև հազիւ ու-
րեմն զօրավարք նիզակակիցք նորա և հան-

գիտապատիւք եկեալ զնովաւ 'ի խորանի նորա , բռնադատեցին ելանել արտաքս՝ խօսել ընդ զօրականին , և ձեռնամուխ 'ի յաջողութիւն լինել ժամանակին : Ուստի և բազմաց թուէր՝ անգատին 'ի բնութենէն հեղ լինել առն և անդորրասէր , և 'ի պատճառաց անտի հարկաւորեալ յանձն առնուլ զզօրավարութիւնն , և 'ի թշնամեաց իւրոց վանեալ՝ յանձին փրկութիւն ստիպեալ զէն առնուլ և անձին պաշտպանել :

Եւ հաւաստիք նորա մեծանձնութեանն կացին՝ և բանագնացութիւնք նորա առ Միհրդատ : Քանզի միւսանգամ Միհրդատ յոտին կանգնեալ իբրու յերկրորդ գօտէ կռուութիւն՝ զգետնեալ 'ի Սիւղղայէ , ժտեցաւ արշաւել ունել զԱսիա . և յայն ժամ ամենայն ուրեք մեծապէս հռչակ հարեալ էր Սերտովրիտի , և ողջոյն Պոնտոս զեղեալ 'ի լուր համբաւոյ նորա՝ իբրու 'ի վաճառս իմն եկամուտս՝ յորոց միանգամ անդր նաւեալ գնային 'ի մախչն արևու : Յօժարեցաւ յայնժամ Միհրդատ հրեշտակութի առաքել առ Սերտովրիտս , գրդեալ մանաւանդ 'ի մեծաբան սուտակասախցն՝ որ զՍերտովրիտս Աննիբաղայ հանգունատիպ եղեալ և զՄիհրդատ ինքնին Պիւռոտի , ասէին՝ ոչ ևս այլ հռոմայեցւոց ժուժկալել առաջի այնչափ իմաստութեան և այնչափ զօրութեան նահատակաց երկոցուն , եթէ երբէք քաջամարտիկն 'ի զօրավարս եկեալ միացի ընդ վեհագունին բոլորից արքայից : Յանձն

առ Միհրդատ, արձակէր դեսպանս յԻբե-
րիա տուեալ զիր առ Սերտովրիոս, և ասել
ևս 'ի բերանոյ, զի արծաթ և նաւս սլատ-
րաստեալ է նմա վասն մարտին . և 'ի նմա-
նէն խնդրէ յանդորր հանել նմա զտէրու-
թիւն ողջոյն զԱսիոյ, զոր ինքնին 'ի ձեռս
եռ Հռոմայեցւոց՝ ըստ սլայմանացն ընդ
Սիւղղայի :

Ապա Սերտովրիոս խմբեալ զատեանն՝
որում անուն կարգային Սինկլիտոս, և
յասել անդ այլոց՝ հաճել հաւանել մտա-
գիւրագոյնս ընդ առաջարկութիւն խըն-
դրոյն, (իբրև զի բան մի խնդրէին 'ի նոցա-
նէ և արձանագրութիւն 'ի նանիր վասն
իրացն՝ որ չէր իսկ յիշխանութեան նոցա,
և ասպա փոխարէն առնուլ իրո իմն՝ որոց
մեծապէս յայնժամ սէտք էին նոցա) :
Այլ Սերտովրիոս ոչինչ հանդարտեաց, և
ասէր՝ եթէ զգէմ դառնայ և ոչինչ Մի-
հրդատայ ունել զԲիթիւնիա և զՎասպա-
դովկիա՝ որ միշտ կացին ընդ ձեռամբ ար-
քայից, և Հռոմայեցւոց չէր ինչ բան ընդ
դաւառացն ընդ այնոցիկ . սակայն վասն
դաւառին՝ զոր իրաւամբք յառաջագոյն
ունէին Հռոմայեցիք, և Միհրդատ ինքնին
յափշտակեաց կալու, և ասպ վանեալ 'ի
Փիմբրիասայ՝ 'ի վերջէ ուրեմն հրաժեշտ
տայր յայնմանէ 'ի հաշտութեանն Սիւղ-
ղայի, երբէք հաւանի ոչ՝ միւսանգամ
զբռամբ ունել նմա զայն . քանզի և սլարա
և արժան է աճել քաղաքին յիւրմէ յաղ-
թութենէն, և ոչ եթէ նուազել ինչ 'ի

տէրութենէն . քանզի առն քաջի և մեծանձին պարտ է խնդրել յազթութիւն գեղեցիկ փառօք . իսկ անփառունակ՝ և ոչ փրկութիւն խնդրել անձին : Եւ ապա այս բանք պատմեալ առաջի Միհրդատայ՝ յասուշ կրթեցին զայրն . և պատմեն ևս՝ ասել նմա առ բարեկամսն այսպէս . « Եւ զինչ ինչ ապա մեզ պատգամ յղեսցէ Սերտովրիոս ՚ի Պալատիոյնէ . եթէ զարդիս յԱտլանտեանն հալածեալ ծով, այդպէս սահմանս կարգէ արքայութեանս մերում , և մարտ ևս սպառնայ ՚ի թևակոխել մեր ՚ի տէրութիւն Ասիոյ » :

Յայսր ամենայնի վերայ պայմանք կռեցան երգմնակուօք , առնուլ Միհրդատայ ՚ի բունն զԿապադովկիա և զԲիթիւնիա , և առաքել առ նա Սերտովրիոսի զօրավար և զօրականս , և Սերտովրիոսի առնուլ ՚ի Միհրդատայ քանքարս երեքհազար և նաւս քառասուն : Եւ էր զօրավարն առաքեալ ՚ի Սերտովրիոսէ յԱսիա Մարկոս Մարիոս ՚ի ծերակուտէն՝ որք ապաւինեցան առ նա : Ապա ՚ի միասին ընդ նմա հասեալ կալեալ Միհրդատ ՚ի քաղաքաց անտի Ասիացւոց , ՚ի մտանել անդ հռոմայեցւոյն ՚ի քաղաքսն՝ վարոցս յառաջոյ ունելով և տասպարս , ինքնին Միհրդատ զհետ ընթանայր նորա՝ մտադիւրագոյնս զերկրորդն կալեալ տեղի և զկերպարան սպասարկուի : Եւ յայնժամ կէսք ՚ի քաղաքացն յանդորր ազատութեան ելին , և կէսք դարձեալ ապահարկ լինէին . և գրով

ազգ առնէր քաղաքացն զչորհ զայն զմար-
գասիրութեանն Սերտովրիոսի . և այնպէս
Ասիա չարչարեալ 'ի մաքսաւորաց անտի և
հարստահարեալ յընչաքաղց և 'ի խեռ զօ-
րականէ անտի պահակերացն , ոգի առեալ
խնդայր ընդ անձկացեալ պատահումն :

Բայց յԻբերիա Սինկղիտիկոսք որ ընդ
Սերտովրիոսի և արք աւագք բարձակիցք ,
իբրև զօրացեալք ակն ունէին այնուհետև
քաջապէս զգէմ ունել թշնամեացն , զահ
երկիւղին 'ի բաց եղեալ անհանձար նա-
խանձաւորութեամբ խանտացին զտէրու-
թիւն նորա : Եւ էր նոցա պարագլուխ
Պերպեննաս , որ սնապարծ ևս վիքացեալ
ընդ քաջազարմութիւնն՝ թեկն ածէր զզօ-
րավարութեան . և սփռէր տարածէր դաղ-
տաբար բանսարկութիւն 'ի մէջ ընկերացն ,
և ասէր . “ Եւ որ այն ապա ոգի չար հա-
րեալ 'ի մեզ , ածեալ ձգէ զմեզ 'ի չարեաց
'ի չարիս : Մեր ինքնին սրտմտեալ էր ընդ
հնազանդութեամբ կալ Սիւղղայի 'ի տան
անդ մերում , այն որ դոգցես ցամաքի ող-
ջոյն և ծովու տիրացեալ իսկ էր . և այսր
մեր 'ի չար ժամու հասեալ՝ իբրու կեալ
յազատութեան , ծառայութիւն կամա-
կար աւաղիկ հարկանեմք՝ թիկնապահք
պաշտպան վտարանդութեանն կացեալ
Սերտովրիոսի . և զանուն տարեալ մեր
Սինկղիտոսի՝ անուն այսպանելի առ 'ի լսե-
լեաց , բերեմք թշնամանաց և հրամանաց
և քրտանց՝ ոչինչ պակաս քան զԻբերացիսգ
և քան զԼիւսիտանացիսգ . ” :

Յայսպիսեաց զըուցաց գրգռեալ շա-
տից, թէպէտև 'ի յայնի վտարանջու-
թիւնն ոչ մտաբերեցին առ ահի տէրու-
թեանն Սերտովրիոսի, 'ի ծածուկ աղար-
տեալ խանգարէին զգործ նորա. չարչա-
րեալ նեղէին զբարբարոսան, դառնապէս
պատուհաս 'ի վերայ կապէին նոցա, և
հարկս ծանունս հանէին 'ի նոցանէ, իբրու-
'ի հրամանէ անտի Սերտովրիոսի: Եւ յայն-
մանէ ապա ապստամբութիւնք և աղմուկք
շփոթից յուզեցան 'ի քաղաքս քաղաքս. և
որք միանգամ 'ի Սերտովրիոսէ արձակե-
ցան անդր դարման տանել իրացն և ողո-
քել համոզել, դարձ արարեալ դային՝
սաստիկ ևս գրգռելով մարտս, և մեծ ևս
վտարանջութիւնս. որպէս զի և յայնժամ
փոխեալ Սերտովրիոս յառաջին իւր հե-
զութենէն և 'ի քաղցրութենէն՝ ձեռն
արկանէր յանիրաւութիւն ընդդէմ ման-
կանցն իբերացոց դաստիարակելոցն յՈս-
կա. զկէսս 'ի նոցանէն 'ի մահ վարէր, և
զկէսս դարձեալ 'ի վաճառ տայր:

Իսկ յայնժամ Պերպեննաս բազումս
ունելով դաշնաւորս 'ի վտարանջութիւնն,
յաւել 'ի նոյն և զՄալլիոս զմի 'ի զօրավա-
րացն: Սա այս Մալլիոս 'ի սերն հարեալ
պատանեկի ուրումն, և խանգակաթս
գրգռեալ զնա՝ 'ի վեր նմա հանէր զգաշ-
նաւոր խորհուրդն. և յորդորէր զնա թո-
ղուլ լքանել զայլս 'ի տարիաժողացն և
յինքն միայն յանկէլ՝ որում ընդ մօտ ա-
ւուրս 'ի մեծ աւազութիւն հասցէ ամբառ-

նալ: Բայց պատանեակն՝ որ առաւել հարեալ էր յայլ ոք՝ Ավփիդիոս անուն, չոքաւ ՚ի վերհան նմա զբանն. Զայն լուեալ Ավփիդիոս՝ զարհուրեցաւ յանձն, քանզի և ինքն ՚ի Թուոյ անախ էր դաշնաւորացն, այլ գիտէր ոչ՝ եթէ ՚ի նոցանէն իցէ և Մալքիոս. ապա լուեալ ՚ի պատանուոյն և զանուանա Պերպե՛ննասայ և զԳրակլինեայ և զայլոց ոմանց՝ զորս քաջ խակ գիտէր ՚ի դաշնաւորաց անախ, խռովեալ ՚ի յողին՝ հնարէր զմիտս գողանալ պատանեկին և այսպանեւ զբանն ասէր. և իրատէր ևս զնա՝ առ ոչինչ զՄալքիոս համարել իբրև ումպէտ այր և յախուռն. և ինքն գնացեալ առ Պերպե՛ննաս՝ կայր և ցուցանէր քանիօն արագափախուստ իցէ քաջադիպուածիւն ժամանակի, և քանի մեծապէս վրտանդն, և սնդէր արագ արագ ձեռն ՚ի գործ առնել: Ի նոյն միաբանեցան և դաշնաւորք, և առեալ այր մի կաշառեցին. յղէին առ Սերտովրիոս տալ նմա նամակ աւետարէր յաղթութեան զմիոյ ուրուք ՚ի զօրավարաց նորա և զմեծի հարուածոյ զԹշնամեացն: Մեծապէս յանձն իւր զուարճացեալ Սերտովրիոս և զոհ ևս յազեալ վասն աւետեացն, յայնժամ Պերպե՛ննաս հաստատէր ընթրիս տալ նմա և բարեկամացն որ անդ, (և էին նոքա ՚ի դաշնաւորաց անախ). և շատ աղերսէր զՍերտովրիոս ինքնին գալ ՚ի կոչունան:

Արդ յընթրիան Սերտովրիոսի ցանգ սովորեալ էին մեծապէս պատկառ կալ սար

կեշտու[թեան . քանզի և երբէք նա չհան-
դուրժէր տեսանել կամ լսել ինչ մի յան-
պարկեշտիցն . և հրահանգեալ ևս էր զիւր
սեղանակիցս՝ կատակս պարկեշտս և ան[թըշ-
նամանադիրս ՚ի վար առնուլ և մտերմու-
[թիւնս մարդասիրել : Իբրև խնձոյքն հա-
սարակէին , սկիզբն խնդրեալ նոցա զպայ-
քարաց և զկռուոյ՝ յայտնապէս խօսս ՚ի
մէջ առին անպարկեշտս . և գինեհարեալս
կեղծաւորեալ զանձինս՝ բազումս լկտէին
շարժել զցատումն Սերտովլիոսի : Բայց նա
կամ զի գժգմեալ ընդ անհամու[թիւնն ,
կամ [թէ ՚ի հատկլեալ խօսելոյն և յար-
համարհոտ լրբելոյն նոցա հակառակ սովո-
րու[թեանն՝ խելամուտ խորհրդոյն նոցա ե-
ղեալ , փոխեալ զգիրսն բազմոցին՝ յոզն
անկանէր իբրու ոչ միտս ինչ զնել այնու-
հետև կամ ունկն երբէք մատուցանել :
Իսկ Պերպեննաս յայնժամ բաժակ մի ա-
նապակի ՚ի ձեռին կալեալ , և յրմպել անդ
իւրում՝ [թողեալ ՚ի ձեռացն անկանել և շա-
ռաչիւն արձակեալ (զի զայն նշան տուեալ
էր նոցա) , անդ Անտովլիոս որ ՚ի վերոյ
Սերտովլիոսի բազմեալ կայր՝ խոցեաց զնա
սուսերաւ . առեալ զվերն Սերտովլիոս՝
իբրև անդէն ուղղեալ կամէր յոտն վազել ,
նա [թափ անկեալ ՚ի վերայ լանջացն , պըն-
դապէս ունէր զերկոսին զձեռս նորա , մին-
չև վերս ՚ի բազմաց անպատասպար առեալ
յայնժամ Սերտովլիոս՝ մեռանէր :

Յետ այսորիկ բազումք յիբերացւոց ան-
տի վաղվաղակի ՚ի բաց սարտուցեալք և

հրեշտակութիւն առաքեալ առ Մետեղ-
ղոս և առ Պոմպէոս՝ անձնատուր լինէին
'ի նոսա : Իսկ Պերպէննաս առեալ զորս
ընդ իւրն էին՝ գուն գործէր ինչ մի նահա-
տակութիւն 'ի ներքս բերել : Ապա զան-
ձամբ զկազմած և զհանդերձանսն Սերտով-
րիոսի արկեալ՝ միայն 'ի նախատինս ան-
ձինն և յայտնի առակել զանձն, իբրու որ
անդատին 'ի բնութենէն ոչինչ քաջացեալ
իցէ ոչ իշխել և ոչ իշխիլ, խաղայր գնայր
'ի գիմի հարկանել Պոմպէի . յորմէ և ա-
րադ արադ հարեալ վատթարեալ և ձեր-
բակալ եղեալ, և ոչ վերջին այս աղէտից
գիտաց բերել նա իբրև այր զօրավար, այլ
տիրացեալ ինքն գոլով գիւանին Սերտով-
րիոսի, խոստանայր Պոմպէի ցուցանել
զինքնագիր նամականի զհիւպատեան ա-
րանցն և զաւագացն Հռոմայեցոց, որ
հրաւէր յիտալիա Սերտովրիոսի կարգային,
իբրև բազմաց ոմանց ինդրել ազարտել զա-
ռաջիկայն և փոխել շրջել զկարգ քա-
ղաքին :

Բայց Պոմպէոս բան 'ի Ժամուն ցու-
ցեալ արդարև ոչ զերիտասարդական մտաց,
այլ զհաստատուն առն և զհանձարեղի,
փրկէր զՀռոմ 'ի մեծաց արհաւրաց և
յամբոխից շփոթից . քանզի 'ի մի վայր կու-
տեալ միանգամայն զնամականին և ըզ-
գրուածսն Սերտովրիոսի, 'ի հուր այրէր առ-
հասարակ . ոչ ինքն վերժանեաց և ոչ այ-
լու՛մ թոյլ ետ վերժանել . և ապա անդէն
արադամահ և զՊերպէննաս կորուսանէր .

Խիթայաւ եթէ 'ի վեր հանցէ այրն զա-
 նուանս աւագորերոյն և աղմուկք յու-
 ղեսցին մեծամեծք: Իսկ յայլոց անտի դաշ-
 նաւորացն Պերպէննասայ՝ որք միանգամ
 ածան առ Պոմպէոս՝ 'ի մահ՝ վարեցան.
 Իսկ որք 'ի Նիբիա փախստեայք չոքան՝ նե-
 տահար կորեան 'ի Մաւրուսացոց անտի.
 մինչև և ո՛չ միում ումէք անձնապուր լի-
 նել բայց յԱլփիդիոսէ նախանձորգէն
 Մալլիոսի. և սա այս՝ կամ 'ի Թաքստի ղո-
 ղեալ, կամ Թէ այնպէս անհոգացեալ՝ անդ
 'ի գիւղ մի բարբարոսաց ջբաւորեալ և ա-
 տեցեալ, ծերացաւ:

ԾԱՆՕԹՈՒԹԻՒՆՔ

1. Են սոքա Քանարեան կղզիքն, որ և՛ Երանեւեաց: Զորոց և զերանաւէտ զմոյն վայրացն՝ յառաջ խաղացեալ պատմէ Պլուտարք:

2. Պլուտարքոս պարզաբար առաջի առնէ՝ զոր միանգամ պատմեն: Եւ միտ դիր՝ երբէք ՚ի հրէշալիսն զանց չառնէ՝ որպէս աստ, նոյնպէս և այլուր, կարգել զյաւելլուածդ՝ Որպէս ասէն. Որպէս պարմեն, Վախնախանգնէան ևն: Եւ զարմանալի է մի և նոյն չափ վաթսուն թուոյ վասն հասակի Տիտանեանցն ՚ի վէպս աղգաց. ըստ որում և ՚ի Գիրս՝ բարձրութիւն պատկերին, զոր կանգնեաց Նաբուգոդոնոսոր. զորմէ հնախօսելով Յովհ. Իմաստ. գրեաց, եթէ « Քաղցէացւոցն տեսեալ զՏիտանեանն զայն վիթխարի . . . վաթանականեան . . . ըստ խրաքանչիւր լեզուաց այլաձևելով զնորա զանունն, Քուշացիք՝ Ներբովթ կոչելով. Բաբելացիք՝ Բեղ. Փղշտացիք՝ Բահաղ. Եղլենացիք՝ Դիոս. Պարսիկք՝ Որմիղգ. Հայք՝ Արամաղգ »: Եւ ինձ թուի անշուշտ՝ եթէ և Լիբէացիք՝ Անտէոս, ըստ առաջիկայ հնախօս պատմութեանն Պլուտարքեայ:

ԵՒՄԵՆԷՍ

ԵՒՄԵՆԷՍ Կարդիացւոյ հայրն՝
 որպէս պատմէ Դուրիս՝ առ աղքատու-
 թեանն սայլորդ էր 'ի Քերրոնիսոն. այլ
 սնաւ նա իբրև զազատորդիս 'ի գարու-
 թիւնս և 'ի մարզս ըմբշաց: Եւ մինչդեռ
 տակաւին մանուկ էր Եւմենէս, հասեալ
 անդր Փիլիպպոս և պարապեալ 'ի զնին
 կայր ասպարիսական խաղուց Կարդիացի
 պատանեացն, և գօտէկոութեան մանկ-
 տւոյն. յորս առաւել իմն առաքինացեալ
 Եւմենէս, և հնարիմացութիւն և քաջու-
 թիւն 'ի դէմս բերեալ, հաճեալ Փիլիպպոս
 առնոյր զԵւմենէս առ ինքն: Այլ թուի
 իմն առաւել տպաւորագոյն՝ զոր այլք
 պատմեն՝ յառաջագէմ լինել Եւմենէսայ
 'ի ձեռն Փիլիպպոսի 'ի բարեկամութեանն
 պատճառս ընդ հօրն Եւմենէսայ, և 'ի հիւ-
 բընկալութեանն 'ի տուն նորա:

Իսկ 'ի մեռանել Փիլիպպոսի՝ առաւելեալ Եւմենէս 'ի հանձարն և 'ի հաւատարմութեան քան զամենայն աւագորեար Աղէքսանդրի, անուանեալ կոչեցաւ զիւանապետ. սակայն էր նորա շուք իբրու զբարեկամաց և զմտերմաց արքայից. զի և 'ի հնդկաց արշաւանին արձակեցաւ նա 'ի զօրավար բանակին. առ այս՝ և զկուսակալու թիւն փոխանորդեաց նա զՊերդիկկասայ, յորժամ 'ի մեռանել Եփեսոսի ունի անցանէր ունէր Պերդիկկաս զբարձն նորա: Ուստի և յետ մահուն Աղէքսանդրի յասել Նէոպոլիտմեայ ասպարապետի, եթէ ինքն ասպար և տեղ բարձեալ տանի, իսկ Եւմենէս զհետ դայ՝ բարձեալ դրիչ և պնակիտ, 'ի ծաղր հատանէին Մակեդոնացիք. գիտելով չափ՝ զի ոչ այնչափ միայն, այլ և 'ի շուք ամբարձաւ Եւմենէս ազգականութեան արքայի: Քանզի յերկուց անտի քերց Բարսիմեայ դստերն Արտաբազի, ընդ որում առաջին ամուսնացաւ Աղէքսանդր յԱսիա և ծնաւ 'ի նմանէ որդի ըզհերակլէս, տայր զԱսպամէ Պաղոմէոսի 'ի կին, և զերկրորդն Բարսիմէ անուն՝ տայր Եւմենեայ, 'ի բաշխել անդ Աղէքսանդրի զայլ ևս 'ի Պարսից օրիորդաց 'ի կանայս բարեկամաց իւրոց:

Սակայն և այնպէս՝ բազում անգամ դրդուեաց Եւմենէս զԱղէքսանդր, և 'ի վտանգ ևս պաշարէր 'ի պատճառս Եփեսոսի ունի: Քանզի այս Եփեսոսի ունի տուեալ Եփեսոսի սրնգահարի տուն մի, զոր յառա-

Զագոյն կալեալ էին պաշտօնեայք Եւմե-
նեայ վասն տեառն իւրեանց, անդ Եւմե-
նէս 'ի սրամտութիւն բրդեալ՝ այնպէս չո-
քաւ առ Աղէքսանդրոս . բողոք բարձեալ
աղաղակէր 'ի միասին ընդ Մենտորի քաջ
սրնգահարի և երաժշտի, և զէնընկէց լինէր
առաջի Աղէքսանդրի, մինչև Աղէքսանդրի
սրամտեալ ընդ զրկանան կշտամբէր զՆ-
փեստիոնն . սակայն և անդէն փոփոխեալ
բրդէր 'ի ցասումն և ընդդէմ Եւմենեայ՝
իբրու առաւել ինքն հարստահարեալ 'ի
համարձակաձայն բանից նորա ընդդէմ
Եփեստիոնի :

Յետ այսորիկ Աղէքսանդրոս արձակեալ
զՆէարքոս նաւուք 'ի ծովն՝ որ արտաքոյ,
խնդրէր դրամս 'ի բարեկամաց, (զի ար-
քունի դանձք սպառեալ էին) . խնդրեալ
և յԵւմենեայ քանքարս երեքհարիւր, նա
առեալ եբեր նմա հարիւր միայն . ասէր՝
հազիւ ուրեմն և զայնչափ արծաթն ժողո-
վել 'ի գործակալաց անտի իւրոց : Իսկ Ա-
ղէքսանդրոս ոչ զչարեալ ինչ, և ոչ դար-
ձեալ զարծաթն առեալ, հրաման տայր
պաշտօնէիցն հուր հարկանել 'ի ծածուկ
'ի վրանին Եւմենեայ . խնդրէր իբրև ստա-
խօս առակել զԵւմենէս՝ 'ի վախուցանել
նորա զգրաման 'ի հրոյն . սակայն կանուխ
հրդեհակէզ վրանն եղեալ՝ վաշաման կրէր
և ինքնին Աղէքսանդրոս ընդ աճիւնանալ
գիւանին : Այլ ապա ոսկոյ և արծաթոյ
հալած գտեալ 'ի հրայրեացսն՝ էր հաղար
քանքարաց ձոյլն : Բայց Աղէքսանդրոս ոչ

ինչ առնոյր 'ի նոցանէ . և տուեալ նամա-
կանի առ նախարարս և առ զօրավարս ընդ
ամենայն տեղիս՝ առաքել առ նա զհա-
ւասարս հրդեհակէզ գրոց դիւանին, հրա-
ման տայր Եւմենեայ առնուլ ժողովել
զամենայնն :

Այլ անգրէն միւսանգամ դժտեալ
Եւմենեայ ընդ Եփեսոսիոնի 'ի պատճառս
ինչ ընծայից, և միմեանց յիշոյնատուք ե-
ղեալ, ոչինչ յայնժամ տուգանք լինէին
Եւմենեայ . այլ յետ սակաւուց 'ի մեռա-
նել Եփեսոսիոնի՝ կարի՛ յոյժ 'ի խոր խո-
ցեալ Աղէքսանդրի և մեծապէս խստիւ
գնացեալ առհասարակ ընդ յաչաղկոտս
առնն առ կենդանութեամբն և ընդ խնդա-
ցողն 'ի մահուանն, առաւել քան զամե-
նեսեան 'ի կտակածի էր վասն Եւմենեայ՝
յուշ ածեալ զբազում անգամ դժտու-
թիւնս նորա ընդ առն : Բայց Եւմենէս
խորագէտ և հնարիմաց, հնարս հնարէր
փրկութեան 'ի մահառիթ բանէն : Չհետ
կրթեալ մտերմութեան սիրոյն Աղէքսան-
դրի առ Եփեսոսիոն, թեւադիր նմա լի-
նէր 'ի մեծապէս շուք վախճանելոյն, և
մտադիւրապոյնս ևս յանձնէն առատ 'ի
նեբբս մատուցանէր արծաթ 'ի կանգնել
չիրմի մեռելոյն :

Յետ այսորիկ 'ի մեռանել Աղէքսանդրի
և 'ի վտարանջել փաղանդին ընդդէմ բա-
րեկամացն արքային, թէպէտև 'ի նեբբոյ
Եւմենէս կուսակից էր նոցա, 'ի վերին ե-
րեսս 'ի բաց զինքն զատուցանէր իբրև սյր

սոսկական, եկ գործով և օտար՝ իբրու ոչ
ինչ 'ի ճահ նմա միջամուխ 'ի սոյքարս
լինել Մակեդոնացոց : Ապա 'ի չու առ-
նել խաղալ այլոց նիղակակցացն 'ի Բա-
բելոնին՝ ինքն կացեալ 'ի քաղաքին ամե-
քէր զհետեակս զօրուն և 'ի հաշտութիւն
կրթէր զնոսա : Իսկ 'ի խմբել այնուհետե
զօրավարացն խաղաղութեամբ և 'ի բաժա-
նել յիւրեանս զնախարարութիւնս և ըզ-
կուսակալութիւնս, յինքն առնոյր Եւմե-
նէս զԱսպարդովիա և զՊատիլագոնիա, որ
առ Պոնտոսին ծովու մինչև 'ի Տրապեզոն,
որում և չև էին տիրացեալ Մակեդոնա-
ցիք (զի անգ թագ կասէր Արիարածէս) .
սակայն սարտ էր Ալեոննատեայ և Անտի-
գոնոսի բազմաձեռն գնդաւ ածել անդր
զԵւմենէս և կարգել իշխան սահմանացն
այնոցիկ : Արդ Անտիգոնոս ոչինչ անսաց
թղթոյն Պերտիկկասայ վասն բանին այնո-
րիկ, քանզի և այր էր ամբարտաւան և ար-
համարհոտ : Իսկ Ալեոննատոս իջեալ 'ի
Փոլսգիա 'ի վերին սահմանաց անտի յանձն
առնոյր զարշաւանն վասն Եւմենեայ . այլ
առ նա եկեալ Եկատէոս բռնաւոր կար-
գիացոց բերան 'ի բերան խօսել և աղա-
չել՝ խաղալ մանաւանդ 'ի թիկունս Անտի-
պատրոսի և Մակեդոնացոց՝ որ սաշա-
րեալ կային 'ի Աամիա, գիմեաց նա անդր
և զԵւմենէս ինքնին 'ի նոյն ստիպէր և գուն
ևս գործէր հաշտեցուցանել զնա ընդ Ե-
կատեայ . քանզի և ընդ ակամբ հայէին
նոքա ընդ միմեանս 'ի հայրենի գժառ-

Թեանց անտի՝ զոր գժտեցան յիրս քաղաքին . և բազում ևս անդամ Եւմենէս յայտնի ամբաստան կացեալ էր զԵկատեայ իբրև զբռնաւորէ , և յորդորեալ ևս զԱղեքսանդր դարձուցանել զազատութիւնն առ Կարդիացիս :

Ոյր ազագաւ յայնժամ խոյս տուեալ Եւմենէս ՚ի կռուոյ անտի ընդդէմ Հելլենաց , ասէր զանդիտել յԱնտիպատրեայ՝ որում և ՚ի վաղնջուց իսկ ատելի լեալ էր , գուցէ դաւաճան կենացն լինել՝ ՚ի հաճել և զԵկատէոս : Ապա Լէոննատոս վստահ յԵւմենէս եղեալ՝ զխորհուրդ մտացն ՚ի վեր հանէր նմա , իբրու որ յայնժամ օգնականութիւնն ՚ի վերին երեսս իցէ , այլ ՚ի մտի ինքն եղեալ է ՚ի ժամանել անդր՝ արագ արագ տիրանալ Մակեդոնիոյ . և ցուցանէր ևս նմա գիրս իմն զՎղէոսպատրեայ՝ հրաւիրակ նմա ՚ի Պելլա , իբրու հանդերձեալ ամուսնանալ ընդ նմա : Իսկ Եւմենէս կամ զանդիտեալ իսկ յԱնտիպատրեայ , կամ թէ յուսակտուր ՚ի գեղեցիկ ելնց խորհրդոյն Լէոննատեայ՝ զի այր ապուշ էր և խիզախ և անհանձար , յարուցեալ գիշերայն չու առնէր հանդերձ աղիսիւն . և էին նորա այրուծի երէք հարիւր և պաշտօնեայ թիկնապահք զինաւորք երկերիւր , և ոսկի՝ հինգհազար քանքարաց արծաթոյ . և եկեալ անկեալ առ Պերտիկկաս՝ և պատմեալ նմա զամենայն խորհուրդն Լէոննատեայ , զօրացաւ առ նմա և մտանէր ևս յատեան խորհրդոյն :

Ապա յետ սահաւուց էջ նա 'ի Կապա, գովկիա ստուար բանակաւ ընդ Պերտիկկասայ՝ որ առաջնորդ էր զօրուն և ձերբակալ արարեալ զԱրիարաթէս և նուաձեալ զգաւառն, անդ նստէր կուսակալ Եւմենէս. տայր զառաջնորդութիւն քաղաքացն 'ի ձեռս բարեկամացն, և կարգէր զօրսսպետս պահապան դնդացն, և թողոյր անդ գատաւորս և դործակալս՝ որպէս ինքն կամէր, և Պերտիկկաս ոչինչ միջամուխ լինէր 'ի բանսն : Ապա ելեալ ինքն չու առնէր ընդ Պերտիկկասայ, շուք հարկանէր նմա, ոչ կամէր որիշ կալ 'ի թագաւորաց : Այլ Պերտիկկաս վստահ եղեալ ինքնին 'ի գլուխ տանել զխորհուրդ մտացն, և զմտաւածեալ եթէ և այլոց ևս դործոց պէտք իցեն առն քաջի և հաւատարմի 'ի վերակացութիւն, առաքեաց զԵւմենէս 'ի Կիլիկիոյ . 'ի վերին երեսս իբրու երթալ նստել յիւրում կուսակալութեանն, այլ 'ի ներքոյ՝ սանձել խաղաղել զհայոց աշխարհն զսահմանակից՝ զոր յուզեալ աղմկէր Նէոպոլոմէոս : Եւ թէպէտ նա հպարտացեալ յողն կայր ամբարտաւանութեամբ, գուն գործէր Եւմենէս կենակից կենցաղակից լինելով 'ի չափու ունել զայրն . անդ և զՄակեդոնացւոց փաղանգն տեսեալ նա յամբարտաւանութե և խրոխտ, ձեռն արկեալ կազմէր հանդերձէր ընդդէմ խումբ այրուծիոյ . բնաւ խկ ապահարկ զգաւառացիսն արարեալ բաւական 'ի ձիաւորել, և երիվարս յանձնէն բաշխէր

տայր արանց գնդին իւրոյ՝ յորս և վստահացեալ իսկ էր . քաջալերէր խրախուսէր ՚ի նախանձ գեղեցիկ և ՚ի պարգևս ընծայից . և մարդէր կրթէր զկորով մարմնոցն ՚ի քիրտն անդուլ . որպէս զի և Մակեդոնացոց կէսք յայնժամ յապուշ հարեալ կային , և կէսք՝ խրախուսեալ քաջալերեցան , տեսեալ ՚ի սուղ ժամանակին ժողովեալ առ նա ոչինչ պակաս քան զվեց հազար և երեքհարիւր այրուծիոյ :

Իսկ իբրև Վրատերոս և Անտիպատրոս ՚ի պարտութիւն մատնեալ զՀելլենացիս , խաղային անցանէին յԱսիա աւերել քանդել զտէրութիւնն Պերտիկկասայ , և լուր ևս հասանէր արշաւանին նոցա ՚ի Վասպաղովկիա , յայնժամ Պերտիկկասա՝ քանզի մարտ պատերազմի յարգարէր ընդդէմ Պտղոմեայ՝ առեալ զԵւմենէս կարգէր զօրավար ինքնակալ քանակին որ ՚ի հայոց աշխարհին և ՚ի Վասպաղովկիա . ոյր աղաղաւ և նամականի ևս տայր՝ զի Աղկետաս և Նէոպտղոմէոս ՚ի Թիկունս կայցեն Եւմենեայ . և Եւմենէս իշխան առաջնորդ լիցի գործոյն՝ որպէս և զխարդ հաճոյ իցէ նմա : Բայց անդ Աղկետաս յայտնի հրաժեշտ տայր ՚ի մարտէն , և ասէր՝ իւրոց մակեդոնացւոցն ամաչել ՚ի դիմի հարկանել Անտիպատրեայ . և զՎրատերոս մտադիւրագոյնս առնուլ ժողովել յինքեանս առ սէր մտերմութեան ընդ առն : Իսկ Նէոպտղոմէոս անշուշտ մտաբերէր մասն լինել Եւմենեայ . և կոչեալ ևս ոչ հնազանդեցաւ :

այլ կարդեաց ճակատեցոյց զիւր զօրն ընդ-
դէմ նորա :

Ապա առաջին այն անգամ կ[թեաց Եւ-
մենէս զպտուղ զիւրոյ նախատեսու[թեանն
և զպատրաստու[թեանցն . քանզի 'ի սար-
տու[թիւն մատնեալ 'ի հեռակազօրն իւր,
զայրուծին յառաջ վարեալ՝ եհար վանեաց
զՆէոպոլիսմէոս և կալաւ զաղինն նորա . և
զհետ մտեալ այրուծիովն վարատելոյ փա-
ղանգին, 'ի նեղ արկանէր զնոսա զէնընկէց
զինա[թափ լինել, և առեալ զերդումն՝ զի
նուորել ընդ ձեռամբ նորա : Բայց Նէո-
պոլիսմէոս ժողովեալ նուազունս 'ի փա-
խստէից անտի՝ գնացեալ անկանէր առ
Կրատերոս և Անտիպատրոս : Այլ սոքա
հրեշտակու[թիւն առաքեալ առ Եւմենէս՝
յորդոր տային կուսակից իւրեանց լինել .
և հաւատարմացուցանէին ևս զնա կալ
հաստատուն 'ի բարձի կուսակալու[թեան
իւրոյ . առ այս՝ և զօր այլ տալ նմա և դա-
ւառ այլ, ե[թէ 'ի [թշնամու[թենէն Անտի-
պատրեայ 'ի բարեկամու[թիւն դարձցի .
դարձեալ և 'ի բարեկամու[թենէն ընդ
Կրատերեայ՝ մի շրջեսցի 'ի [թշնամու[թիւն :
Լուեալ Եւմենեայ զբանսն՝ ասէր, ե[թէ
'ի վաղնջուց [թշնամու[թիւն բերեալ ընդ
Անտիպատրեայ՝ յանձն չառնու յայնժամ
'ի բարեկամու[թիւն դալ, զի ընդ բարե-
կամս գնայ դա աւագիկ իբրև ընդ [թշնա-
միս . իսկ զԿրատերոս մտադիւր ինքն հաշ-
տեցուցէ ընդ Պերտիկկասայ, և դաշինս
ևս տացէ նոցա կռել ընդ միմեանս՝ իրաւս

և արդարս . և ապա 'ի հարստահարել նոցա այր զընկեր , ինքն 'ի թիկունս զըկելոյն կայցէ ոգւով չափ . և մինչև զուխան թողեալ՝ թողցէ զմարմին իւր և ղկեանս :

Մինչդեռ Անտիպատրոս և Արատերոս լուեալ զբանսն Եւմենեայ՝ 'ի խորհուրդ մտանէին ողջոյն վասն իրացն , եկեալ հասանէր առ նոսա Նէոպոլիտէոս փախուցեալ , և պատմէր նոցա զմարտ պատերազմին և աղերսէր ձեռն տալ , առաւել ևս զԱրատերոս . քանզի ասէր՝ մեծապէս անձուկ առ Արատերոս ունել Մակեդոնացւոց , և 'ի տես միայն արտախուրակին նորա և 'ի լուր ձայնին արագ արագ ղինու զարդու ժողովեացին առ նա : Եւ արդարև մեծապէս էր համբաւ Արատերեայ , և յետ մահուն Աղէքսանդրի փարելի էր նա Մակեդոնացւոց . յուշ ածեալ նոցա՝ զի 'ի նոցա սակս ընդ իւր 'ի թշնամութիւն դըրդեալ էր զԱղէքսանդր ինքնին գլխովին . քանզի զգէմ՝ դառնայր նա՝ տեսեալ զԱղէքսանդրոս թեկն ածել զքաղաքավարու թեան կարգի Պարսիցն . և հայրենատուր կարդացն սաշտպան կայր՝ որ խոտեալ թըշնամանեալ կային 'ի գիրգ և 'ի պերճ կենաց անտի :

Ապա յայնժամ Արատերոս առեալ արձակէր զԱնտիպատրոս 'ի Վիլիկիա . և ինքն ածեալ ընդ իւր գունդ բաղում 'ի զօրաց իւրոց՝ խաղաց գնաց ընդ Նէոպոլիտէայ ընդգէմ Եւմենեայ . զմտաւ ածէր անկանել 'ի վերայ յանակնկալ յեղակար-

ծումն ժամու, զի այն ինչ զյաղթութիւնն տարեալ զօրականին նորա՝ թերևս երամակարձակ նոքա՝ ՚ի գիներբուս մտեալ իցեն : Արդ՝ զի նախազգած գալստեանն Կրատերեայ եղև Եւմենէս և կանխեաց կազմեցաւ պատրաստեցաւ, զայս ինչ՝ զուարթուն զօրավարի համարեսցի որք որդեօք, այլ ոչ և ծայր ուշխմութեան. բայց զի դիտաց իսկ քաջ ծածկել նա ՚ի թշնամեաց՝ զոր ինչ օգուտ չէր նմա յիմանալ նոցա. և զի՝ և զօրականին իւրում էտ մարտ գնել կռուել ընդ Կրատերեայ՝ մինչ չև դիտացեալ նոցա՝ ընդ ում կռուել, գաղեալ ՚ի նոցանէ զզօրավարն ասոյեան, այս ապա անշուշտ գործ համարեսցի գեղեցիկ յոյժ մեծի զօրավարի : Ոյր աղագաւ և ինքն հռչակ հարեալ ՚ի զօրն քարոզ կարգայր, եթէ Նէոպտղոմէոս ինքնին միւսանդամ ՚ի վերայ հասեալ գայ ընդ Պիգրեայ հանդերձ այրուծիով Կապադովկացուց և Պափղադոնացուց. բայց ՚ի գիչերին՝ յորում կամէր հորդան տալ բանակին, տեսանէր նա ՚ի քուն տեսիլ օտար : Քանզի թուէր իմն տեսանել Ալեքսանդրոսս կրկին վառեալ ՚ի կռիւ ընդ միմեանս, և երկոքին դարձեալ ՚ի գլուխ կացեալ փաղանգի. և միումն ՚ի թիկունս խաղալ Աթենասայ, և միւսումն՝ Դեմետրի. և հզօր մարտի եղելոյ՝ ՚ի պարտութիւն մատնիլ՝ որ ընդ Աթենասայն էր. իսկ Դեմետրի հասկս մանգաղել և պսակ ՚ի գլուխ բոլորել յաղթականին :

Բայց տեսլեանն այնմիկ խելամուտ այն պէս լինէր Եւմենէս՝ որպէս թէ յիւր կողմն . իբրև մարտ եղեալ կռուէր նա վասն քաջաբեր երկրին, յորում էր յայն ժամ ատոք և գեղեցիկ հասկ 'ի փեճեկին. քանզի և ողջոյն այն սահման վարեալ սերմանեալ էր, և տեսիլ 'ի դէմն բերէր զսաղաղաւէտ ժամանակի, զի և էին անդաստանք վարսագեղք բազմաբեղունք: Եւ առաւել ևս հաստատեցաւ 'ի կարծիսն Եւմենէս, լուր առեալ է թէ թշնամեացն նըշան 'ի կռուին՝ էր Աթենաս և Աղեքսանդրոս . ուստի և ինքն իւրում զօրականին բաշխէր տայր նշան՝ Դեմետր և Աղեքսանդրոս . և հրամանն ևս տայր առհասարակ ամենեցուն պսակել 'ի բոլորս հասկաց և նովին զարդարել զգէնան: Բազում անգամ յօժարեցաւ՝ խնդրէր 'ի վեր հանել զօրավարաց և զօրագլխացն զայրն ընդ որում հասանէ կռուել նոցա . զի մի յայլոցն քօղարկեալ ինքն միայնակ մեծի դաղունեացն գիտակ կայցէ . սակայն և միշտ ժուժկալեաց 'ի խորհրդոյն, և իւրում գիտութեանն ապապարեաց զվտանդն: Ապա 'ի կարգել զօրուն՝ և ոչ զգք 'ի Մակեդոնացւոց 'ի գիմի ճակատեցուցանէր Արատերեայ, այլ կարգէր անդ խումբս երկու զայրուձիոյ զեկաց և զօտարաց, և զօրավար զՓարնաբազ զորդի Արտաբազեայ և զՓիւնիկս Տէնէդացի . և պատուէր տայր նոցա՝ զի անդէն յերևել թշնամեացն՝ մտրակ 'ի կուշտ յարձակեալք խառնեցին

'ի դռնն, ոչ ժամ տացեն պարապոյ վեր-
ջոտնեւ տեղի տալ, և ոչ դարձեալ ունին
երբէք դիցեն բանագնաց պատուիրակաց .
քանզի և մեծապէս խիթայր Եւմենէս՝ թէ
յանկարծ ծանուցեալ Մակեդոնացւոց ըզ-
կրատերոս՝ անցեալք ժողովեսցին առ նա :

Ապա և ինքն 'ի կարգի ճակատեցու-
ցեալ երէքհարիւր ընտիր ընտիր նահատա-
կաց զայրուձիոյն՝ յառաջ խաղայր յաջմէ
կողմանէն կռուել ընդ Նէոպոլոմեայ :
Իբրև հատին անցին զբլուրն՝ որ 'ի միջոցին,
և յակն զնոսա արկին թշնամիք յարձա-
կեալ արագ արագ մեծաւ զօրու թեամբ,
զահի հարաւ կրատերոս, և անդ կայր և
թշնամանս շատ յարձակէր Նէոպոլոմեայ,
իբրու որ նենգաւ գնացեալ ընդ նմա 'ի
բանն յաղագս փոփոխու թեան Մակե-
դոնացւոցն . հայա խրախոյս կարդայր
իւրոց զօրագլխացն և խաղայր ընդգէմ :
Սաստիկ և բուռն էր առաջին մարտն, և
անգէն հարեալ խորտակեցան տէգք և դե-
ղարդուք, և խառնեցան 'ի մարտ սուսե-
րաց : Անդանօր կրատերոս ստուերածս ոչ
ինչ 'ի վերայ ամեալ փառացն Աղէքսան-
դրի և տապաստ զբաղումս արկեալ և բա-
զում անգամ ընդ կրունին յետս զա-
խոյեանան դարձուցեալ, ապա և ինքն հա-
րեալ վերս առնոյր 'ի Թրակացւոյ առնէ՝
որ 'ի կողմանէ յարձակեցաւ 'ի նա, և այն-
պէս թաւալցլոր անկանէր յերիվարէն :
Իբրև այնպէս անկեալ կայր՝ դային առ-
հասարակ անցանէին առ նովաւ և ճանա-

չէին ոչ զնա . բայց Գորգիաս մի 'ի զօրապետաց անտի Եւմենեայ քաջ խի ծանուցեալ զայրն՝ իջանէր յերիվարէն , և շուրջ զմարմնովն պահ ունէր նմա՝ որ 'ի վերջիննս վտանդեալ և յողոց պարզէլ ապաստան լեալ էր :

Յայնմ պահու և Նէոպոլոմէոս ինքնին խառնեալ 'ի մարտ ընդ Եւմենեայ , որ 'ի հարուստ ժամանակաց նոքա ատելէք միմեանց և ոխերիմք , երկիցս պատահեալք՝ ոչ ծանեալ այր զընկեր . ապա յերրորդումն ուշ կալեալ՝ երկոքին միանգամայն ուժգին գոչմամբ շեշտ 'ի միմեանս վարազաբար յարձակեցան մերկացեալք զվազակաւորս : Անդ թափ ընդ միմեանս ահագին գոփմամբ բախեալ երիվարաց նոցա՝ իբրու երկուց ոմանց եռաթիոց , նոքա զբասանական թողեալ՝ բուռն այր զընկերէ հարկանէին , մեծաւ ուժով կապտել զմիմեանց սաղաւարտս և քարշէլ կորզել յուսոց զպատեանս զբահիցն . խի 'ի բռնամարտիկ կռուին՝ զերծեալ նոցա 'ի ներքուստ երիվարացն՝ տասպատ յերկիր անկանէին այր 'ի վերայ ընկերի , և զմիմեանց կալեալ պնդապէս՝ այնպէս գօտէկուիւք լինէին : Բայց 'ի շտապել Նէոպոլոմեայ կանուխ յոտին կանգնել , անդ Եւմենէս հարեալ կտրեալ զթամբ սրունիցն նորա , և անդէն ինքն աճապարեալ 'ի վեր կանդնէր : Յայնժամ Նէոպոլոմեայ մի 'ի ծընգացն վատեալ 'ի հարուածոյն , հաստատեցաւ 'ի վերայ միւսոյն , և այնպէս 'ի խո-

նարհ կացեալ կռուէր հզօրեղասպէս . սա-
 կայն հարուած մահացու շտուեալ ախոյե-
 նին , ինքն կրկին վէրս առեալ առ սարա-
 նոցան՝ նուազեալ տասպաստ յերկիր տա-
 րածէր : Իսկ յայնժամ Եւմենէս 'ի սրբա-
 մտութեան իւրում վառեալ և 'ի հնա-
 ցեալ ատելութեանն , բուռն արկանէր
 կասրտէլ թափել 'ի նմանէ զգէնան և նզովս
 զհետ արձակէր . բայց՝ Նէոպտղոմէոս դեռ
 ևս աղկեալ 'ի բռին զվաղակաւորն՝ խոցէր
 զնա ընդ սրտենիւք զրահիցն 'ի ծածուկ
 ընդ երանամէջն . իսկ 'ի խոցուածոյն ա-
 ռաւել երկեալ Եւմենէս՝ քան թէ փնա-
 սեցաւ ինչ , զի չէր իսկ 'ի խոր և տկար ձե-
 ուին էր հարուածն : Իբրև կասպտեաց մեր-
 կեաց զգիտեանն , ապա և ինքն նեղեալ
 տանջէր 'ի վիրացն , զի և ցաւատեալ էին
 նորա բարձք և բազուկք : Համայն և այն-
 պէս աշտանակեաց յերիվար , խաղայր դի-
 մէր 'ի միւս թև անդր , կարծէր կռուել
 անդ թշնամեացն . իրազեկ եղեալ վտան-
 գին Արատերեայ՝ վազեաց առ նա . տե-
 սեալ զի դեռ ևս շունչն առ նմա էր և ճա-
 նաչէր , իջեալ յերիվարէն՝ կայր և յարտա-
 սուս հատանէր , և զաջոյն կալեալ՝ բազումս
 յիշոցնատու լինէր՝ Նէոպտղոմէայ . 'ի գութ
 խանդաղատանաց խոնարհէր յաղէտան Ար-
 րատերեայ և զբռնաղատութիւն անձինն
 աւազէր 1 , զի Էւմեն բարեկամի և ընտան-
 ւոյ 'ի վէգ եկեալ՝ զայսոսիկ կրեաց ինքն
 և ետ ևս կրել նմա :

Բայց զյաղթութիւն զայս տարաւ Եւ-

մենէս իբրև տան աւուրբք յետոյ քան զառաջինն . և սպա մեծապէս զհամբաւի հարկանէր , զի գեղեցիկ 'ի գլուխ տարաւ զբանն հանճարով և քաջութեամբ : Սակայն և նախանձաբեկ ընդ նա եղէն , և յոյժատեցին զնա միանգամայն և նիզակակիցք նորա և թշնամիք նորա . զի այր մի այնպէս եկամուտ և օտարական 'ի զէն և 'ի բազուկ նոցուն Մակեդոնացւոց զայր հոյակապ զնոցա և զաւագամեծար 'ի կենաց զրաւեաց : Արդ եթէ Պերտիկկասայ յառաջագոյն առեալ էր զլուր մահունն կրատերեայ , արդեօք և ոչ ոք նախաթու բազմեալ էր 'ի վերայ Մակեդոնացւոց . սակայն զհեա աւուրց երկուց սպանութեանն Պերտիկկասայ յԵգիպտոս յալմուկս շփոթից՝ հասանէր 'ի բանակ նորա համբաւատերազմին այնորիկ : Ասա 'ի սրամտութիւն բարկութեան բրդեալ Մակեդոնացիք՝ հաստատեցին 'ի մահ վարել զԵւմենէս . և կարգեցին զօրավար ընդդէմ նորա զԱնտիգոնոս 'ի միասին ընդ Անտիպարեայ : Իսկ Եւմենէս յեա այսորիկ սատահեալ կուտից արքունի երիվարացն արօտականաց 'ի լեառն Իգաս , ընտրէր առնոյր 'ի նոցանէ որչափ ինչ սէտք էին նմա . և գրեալ վասն այնորիկ առ կոյտասպանն , պատմեն՝ ծիծաղել յայնժամ Անտիպարեայ և զարմանալ ընդ նախատեսութիւնն Եւմենեայ , զի այնպէս 'ի պատրաստի կայ նա տալ կամ խնդրել 'ի նոցանէ համար զերացն արքունի :

Ապա զօրացեալ Եւմենեայ այրուձիով, խնդրէր մերձ 'ի Սարգի մարտ պատերազմի յարդարել 'ի դաշտավայրսն Լիւդեայ. պատուասիրէր ցուցանել Կղէոպատրեայ զզօրութիւն իւր. բայց աղաչեալ առ 'ի նմանէ (քանզի զանգիտէր Կղէոպատրէ ամբաստանութիւն կրել առ Անտիպատրոսի), ապա ելեալ գնայր Եւմենէս 'ի Փոխուգիա վերին և ձմերէր 'ի Կեղենէ. ու բանօր Ալկեոաս և Պողեմոն և Գոկիմոս 'ի պայքար ընդ նմա վասն զօրավարութեն ելեալ, ասէր Եւմենէս. « Այս խկ է բանն՝ որ ասէ եթէ 'ի Իոսաբէանն՝ քեզի լիք բանին : Ապա խոստումն զօրականին տուեալ Եւմենէս՝ տալ նոցա ռոճիկ զերից առուրց, առեալ վաճառէր նոցա զաւանս և զամրոցս դաւառին լի մարդկամբք և անասնովք. և անդ գնդապետ վարձկանաց զօրուն՝ մանգղիոնս և մենքենայս առեալ յԵւմենեայ՝ մարտ եղեալ կռուէր ընդ վայրսն. և զօրականք դարձեալ բաժանէին յիւրեանս զամենայն զաւարն, մինչև ընուլ զչափ ռոճիկին : Ապա զայս օրինակ անդրէն միւսանգամ սիրելի ընծայեցաւ Եւմենէս. զի և տեսեալ Մակեդոնացոց երբեմն 'ի բանակին գիրս իմն արկեալ անդ 'ի Թնամեաց զօրապետացն, քանքարս հարիւր 'ի ներքս մատուցանել և պատիւս մեծամեծս առն՝ որ զԵւմենէս սպանցէ, մեծապէս 'ի բարկութիւն բրգեալ հաստատեցին կարգել նմա Թիկնապահս հանապազօրեայս հազար մի 'ի քաջաց զօրակա-

նին, պահել զնա յամենայն ճանապարհս
 իւր և առ նմա ցանգ օթագայել: Եւ ապա
 այժպէս մտադիւրս պահ կալեալ նմա,
 մտադիւրագոյն ևս առնուին 'ի նմանէ զուրբ
 պատուոյն՝ զոր յարքայից առնուն բարե-
 կամք. քանզի և իշխան էր Եւմենէս բաշ-
 խել տալ և արտախուրակս ծիրանիս և
 քղամիդս. և այս ձիրք մեծապէս էն առ
 Մակեդոնացիս 'ի բաշխոյս պարգևաց թա-
 գաւորաց:

Եւ արդ՝ ելք յաջողակք բնաւորեցան
 քաջալերութեամբ խրախուսել և զփոքրո-
 գիսն անգամ, զի և 'ի բարգաւաճել իրացն
 թուի իմն կերպարան պերճ՝ 'ի դէմս բերել
 նոցա. բայց այր մեծանձն և անդրդուելի
 առաւել ևս 'ի վեր վազէ 'ի ձախողական,
 ըստ որում և Եւմենէս: Քանզի նախ 'ի
 պարտութիւն Մնատիգոնոսէ մատնեալ
 մատնութեամբ յՈրկինացիս Վապագով
 կիոյ, թէպէտ և զհետ մտեալ վանէին զնա,
 նա թոյլ չետ մատնչին զերծանել փախըւ
 տեամբ առ թշնամիսն. եհաս և ձերբակալ
 արարեալ զնա հանէր 'ի կախաղան, ապա
 ինքն փախուստ առեալ ընդ այլ ճանա-
 պարհ 'ի հետամտիցն, ընթացաւ զանխուլ
 և անցեալ յառաջ և հասեալ 'ի տեղի պա-
 տերաղմին, կայր և ամփոփէր զգիակունս
 անկելոցն. և պատառեալ զփեղկս դրանց
 զչրջակայ դիւղիցն՝ այրէր զգիակունսն զօ-
 րականին որիչ 'ի զօրասպետացն. ապա կառ
 կառ գործեալ հողակոյտ՝ գնայր 'ի բաց
 'ի վերայ հասեալ ապա Մնատիգոնոս 'ի

վայրն՝ հիացեալ զարմանայր ընդ արիութիւնն առնն և ընդ քաջութիւնն ողորն :

Յետ այսորիկ Եւմենէս յուղեղ ընդ առաջ ելեալ աղիսին Անտիգոնեայ, և անդ ձեռնհաս էր հեշտին հասանել ունել բազում որեար ազատ և շատ ևս ծառայս և մթերս հարուստ զբազում մարտից և զշատ աւարաց . բայց զանգիտէր՝ եթէ ծանրաբեռինք իւրն զօրականք յաւարաց անտի և յանկածէն՝ յամրաքայլք բերցին ՚ի փախուսան, և գրգացեալք վերջասցին յաճել զնալ և սպասել զէս ժամանակին՝ յոր զոյս առաւել հաստատեալ էր Եւմենէս զմարտին զայնորիկ, իբրև ՚ի մտի ունէր այլ ուրեք առնուլ փոխել զԱնտիգոնոս : Բայց քանզի և զժնդակ էր յայտնի ՚ի բաց քեցել զՄակեդոնացիս ՚ի կազմ և ՚ի սլատրաստ աւարէն, հրաման տայր նոցա հաց առնուլ և կերակուր ևս տալ երիվարացն, և ապա խաղալ յաւարն : Իսկ ինքն ՚ի նոյն գաղտաբար առաքէր ասել առ Մենանդրոս ոստիկանն աղիսին Անտիգոնեայ, եթէ հոգ ինքն զնորա կալեալ իբրու բարեկամի և ընտանուոյ՝ ազգ առնէ նմա անձնապահ ՚ի շտապ տագնապի տեղի տալ մեկնել ՚ի զիջագոյն վայրաց անտի այրուծիոյն, և գնալ մօտ ՚ի լեռնակողմն անկոխ յայրուծիոյն և յանքոյթ վայր : Խեղամուտ վտանգին եղեալ Մենանդրոս և ժողովեալ անտի զաղինն, ապա Եւմենէս առեալ արձակէր յայտնի լրտես յառաջոյ . և սատուէր տայր զօրականին վառել կազմել և երիվա-

բացն սանձ արկանեւ՝ իբրու անդէն 'ի վերայ աղիւին յարձակել: Բայց լուր 'ի լրտեսացն առեալ՝ զի զՄենանդրոս չիք հնարունել, զի անկեալ ապաւինեալ կայ 'ի դժուարս վայրաց, յայնժամ Եւմենէս 'ի վերին երեսս մեծապէս դառնացեալ՝ 'ի բաց առեալ տանէր զզօրականն: Եւ սլառմեն՝ եթէ ապա 'ի վկայել ինքնին Մենանդրեայ առաջի Անտիգոնոսի վասն բանին այնորիկ, իբրև 'ի գովութիւն առեալ զԵւմենէս Մակեդոնացիք մարդասիրէին առնա, զի այնպէս ձեռնհաս այլն գերի վարել զմանկունս նոցա և խայտառակել ըզկանայս նոցա՝ տեղի ետ 'ի քաջադէպ ժամուն, ասէր Անտիգոնոս. «Այլ տեղի ետ Եւմենէս՝ ո՞րքանեւք, ոչ եթէ հոգ զձեր ինչ կալեալ, այլ զանգիտեաց՝ գուցէ քար ընդ ոտն շատ դիցէ 'ի փախչել իւրում»: «

Իսկ յետ այնորիկ Եւմենէս ցանդ 'ի թափառել և 'ի խոյս տալ, ածէր հաւանեցուցանէր զբազումս 'ի զօրականէն գնալ ազատ 'ի բաց. կամ զի հոգ զնոցանէն կալեալ, կամ զի չկամէր զհետ իւր խաղացուցանել ամբոխ՝ առ 'ի մարտ սակաւաձեռն, և առ 'ի թաքուտ՝ բազմաձեռն: Ապա գնացեալ ապաւինէր 'ի Նովրա աւան ընդ սահմանագլուխս Լիկայոնեայ և Ապագոսովկիոյ հինգ հարիւր այրուծիով և երկերիւր հետևակօք. անդ 'ի բաց արձակէր և զամենայն բարեկամսն համբուրիւ սիրոյ՝ որ խնդրեցին, զի ոչ կարացին բերել դառնութեան վայրացն և կարօտութեան կե-

րակրոյն : Բայց 'ի գալ հասանել անդր Անտիգոնեայ , առաքէր և կոչէր զԵւմենէս խօսել բերան 'ի բերան՝ մինչև նեղեալ զնա պաշարմամբ . ետ պատասխանի Եւմենէս՝ եթէ բազում են արդեօք բարեկամք Անտիգոնեայ , բազում և զօրավարք ընդ նմա . սակայն 'ի նոցանէ՝ որոց ինքն պաշտպան կայ , կայցէ և ոչ որ 'ի մահուն նորա , բայց խնդրէ 'ի նմանէ պատանդս՝ եթէ կամք իցեն խօսել ընդ նմա : Իբրև կրկին ստիպեաց Անտիգոնոս՝ գալ խօսել ընդ նմա իբրև ընդ քաջագունի քան զինքն , առէ Եւմենէս . « Քաջ առաւել քան զնա համարիմ և ոչ զորք , ջորչափ սուսերին ի մոյ իշխան եմ » :

Ապա Անտիգոնոս յղեալ առ նա յաւանն զիւր թոռնն զՊտղոմէոս 'ի պատանդի՝ զոր խնդրեացն Եւմենէս , իջանէր և ինքն . և անդ երկոքին նոքա ողջոյն տուեալ միմեանց և գիրկ ընդ խառն լինէին՝ իբրու որ բարեկամք և մտերիմք , և բազում անգամ յառաջագոյն կենակիցք կենցաղակիցք լեալ էին : Եւ բազումս անգանօր զբանիւք անկեալ նոցա , երբէք Եւմենէս բան չասէր յաղագս աներկեանութեան անձինն կամ պայմանաց ինչ դաշին , այլ խնդրեալ սրն զագոյնս հաստատել զինքն յաւագութե նախարարութեան իւրոյ և դարձուցանել յինքն զպարգևս ընծայից իւրոց , յապուշ զտեսանելին հարկանէր ընդ արութիւն ոգւոյն և քաջութեանն իւրոյ : Բայց անդր յայնժամ խուռնընթաց գիմէին Մակեդո-

Նացիք՝ անձկացեալք տեսանել զայրն Եւմենէս . քանզի և յետ մահուն Կրատերեայ՝ սաստիկ վասն նորա մանաւանդ շքնչիւն էր ՚ի բանակին : Ուտի և Անտիոքնոս զանգիտեալ վասն առնն եթէ բունն ինչ եղիցի նմա , ձայն բարձեալ արգելոյր զմօտելն , և վիրդս և բռնաքարս ևս տայր արձակել ընդդէմ խուժեւոցն . ապա ՚ի վերջէ ՚ի մէջ բազկաց իւրոց գիրկ ընդ անձն առեալ զԵւմենէս և ՚ի բաց զամբոխն փաբատեալ տիգաւորօքն՝ այնպէս հազիւ ուրեմն յանդորր հանէր զնա :

Ապա Անտիոքնոս սրտանէչ մի ածեալ շուրջ զՆովբայիւ , և գունդ սրահապան թողեալ անդէն , չու առնէր բանակին : Եւ այնպէս սրտեալ սաշարեալ Եւմենէս՝ նստէր անդ յամրի ՚ի վայրին , ուր և առատ էր ցորեան և ջուր և աղ . իսկ այլ կերակուր և այլ հանդերձանք և համեմունք ցորենոյն չէին անդանօր : Սակայն և այնպէս կեանս իմն զուարթ և խրախամիտ տայր նա վարել ընկերացն՝ առեալ զնոսաբոս կարգի իւր սեղանակիցս . և համեղաձաշակ զայն կոչունան յարդարէր նոցա շնորհաշուք բարոյիւք և մարդասէր քաղաքավարութեամբն : Զի և էր իսկ ինքն այր զուարթագէմ , և ոչ իբրև այլքն ՚ի սրտերազմիկ որերոյն և ՚ի զէնան փառարեւոց , այլ կայտառ իբրև զոմն ՚ի սպտանեաց և առոյգ . և էր նորա մարմինն համակ գեղեցիկ յօդաւոր , իբրու որ սքանչելապէս արուեստիւ չափակցեալ անդամոցն մե-

ծապէս ճշգրտութեամբ : Չէր նա կորովի
'ի բանան , այլ լի էր շնորհօք և յաջողեալ
յամոքել հաւանեցուցանել , ըստ որում և
քաջ տեսանեմք 'ի նամականին նորա :

Բայց քանզի յայնժամ տուաւ և քան
զամենայն՝ առ անձկութեան վայրացն
տաղնապ էր սաշարելոցն , յածեալք ըն-
թացեալք 'ի յարկս անձուկս և 'ի միջոց
չըջապատի երկուց ասպարիսաց , և առ-
նուին կերակուր մինչև կրթանս 'ի գործ
առեալ , և կեր տային երիվարացն սարա-
պորդ անդէն դադարելոց , ապա ոչ առ
անթարչամ միայն պահել զաժխոյժս նո-
ցա , այլ և 'ի փախուստ կրթել թէ երբէք
սէտք իցեն , յարկ մի մեծ ևս քան զամե-
նայն յարկս տեղոյն՝ երկայն չորեքտա-
սան կանգնոց տայր մարդկանն 'ի ճեմս ո-
տից , և պատուիրէր նոցա գնալ ընթանալ
և տակաւ սրագ ևս և սաստիկ գործել զըն-
թացան : Նաև երիվարացն հոգ տարեալ ,
զառաջակողմանս նոցա սրատեալ առ սա-
րանոցան տուար փոկովք սնդեալ ընդ
ձեղուն յարկին , ամբառնայր 'ի վեր ճա-
խարակօք՝ զի յետի սրունքն հաստատեալք
ողջ 'ի դետին՝ առաջինքն ծայրիւ չափ
ամբակացն քերէին . մինչդեռ այնպէս ամ-
բարձեալ կային երիվարքն , ձխադարմանք
մօտ նոցա գոռութեան ձայնիւ և 'ի հա-
րուած խարազանի գրգռէին զնոսա . ապա
նոքա անհնարին թափ տուեալք՝ և այսր
անգր յետի ամբակօքն կայթս սաստիկ հար-
կանէին , և գուն ևս գործեալ առաջա-

կողմն ամբակօք դափր հատեալք ունել զգետինն, այնպէս առեալ ձգտեալ ողջոյն զմարմինն և ընդ քիրտն սաստկապէս հարեալք՝ յողւոց թասէին. գեղեցիկս զայն օրինակ կրթեալ զնոսս յարագ 'ի վազս և 'ի կորովն. ապա առաջի արկանէին նոցա գարիս անփեճոկս, զի արագ ևս ծամեալք, և լաւ ևս հալեացեն:

Իսկ իբրև այնպէս յերկարեր սաշարումն, լուր առեալ Անտիգոնոս զմահուն Անտիպատրեայ 'ի Մակեդոնիա, և զաղմկելոյ իրացն 'ի գժտութեանց անտի Աատան գրոսի և Պողիւպերքոնտեայ, ոչ ևս այնուհետև յոյս դուզնաքեայ կալեալ, այլ ողջոյն իսկ զտէրութիւնն անձին գրաւեալ 'ի խորհուրդս իւր, բարեկամ իւր խնդրէր զԵւմենէս նիզակակից գործոց նահատակութեան: Ուստի և առեալ զՀերոսիլումոս 2 առաքէր առ նա, դաշինս կռէր ծանր ծանր երգամարք: Իսկ Եւմենէս ուղղագրեալ զգաշինան, ապա 'ի կամս ազատութեան թողոյր Մակեդոնացւոցն դատել զարժանն: Քանզի Անտիգոնոս հարեանցի և վեր 'ի վերոյ առաջին յիշատակ արարեալ զարքայիցն, ապա զայլ ամենայն երգումն անձին սահէր. բայց Եւմենէս յերգումունն առաջին յիշատակէր զՈլիւմպիա 'ի միասին ընդ արքայիցն. ապա յետ այնորիկ երգնոյր ոչ բարեկամ միայն լինել Անտիգոնեայ և բարեկամացն, և թշնամի՝ թըշնամեացն, այլ և զնոյն օրինակ վարել և առ Ոլիւմպիա և առ արքայսն: Իրաւ զբանսն հա

մարեալ Մակեդոնացւոց և երդմնեցուցել
այնպէս զԵւմենէս՝ լուծանէին զպաշա-
րումնն . առաքէին և առ Անտիգոնոս երդ-
նուլ զերդումն Եւմենեայ : Եւ յայնժամ
դարձուցանէր Եւմենէս զամենայն զպա-
տանդան Կապագոսկիոյ՝ զոր ունէր ՚ի՛Նով-
րա . և առնոյր ՚ի տանողացն երիվարս և
գրաստս և վրանս , և ժողովէր խմբէր զվա-
րատեալ զօրականն ՚ի գաւառէն , և գու-
մարեալ այրուծի իբրև հազար՝ դէմ եդեալ
ճեպով փախչէր յերեսաց Անտիգոնեայ :
Քանզի ոչ միայն հրաման տուեալ էր նա
Մակեդոնացւոց՝ միւսանգամ առնուլ փա-
կել ՚ի ներքս զԵւմենէս , այլ և պատասխա-
նի խիստ գրէր առ նոսա՝ զի յանձին կալան
զուղղագրել երդմանն :

Բայց ՚ի փախտեայ գնալ Եւմենեայ
բերէին առ նա նամականի գրեալ յարանց՝
որ ՚ի Մակեդոնիա զանգիտեալ իմն էին
ընդ բարգաւաճելն Անտիգոնեայ . աղաչէր
և ինքնին Ոլիւմպիա զԵւմենէս՝ գնալ ինամ
ունել վասն որդեկին Ալեքսանդրի՝ զի գա-
ւաճանէին զկեանսն , և առնուլ սնուցա-
նել զնա : Բայց և Պոլիւպերքոնտէս և ար-
քայն Փիլիպպոս թախանձէին զնա մարտ
դնել կռուել ընդ Անտիգոնեայ՝ առեալ
զգօրն Կապագոսկիոյ . առ այս և ՚ի գան-
ձուց անտի որ ՚ի Կուլինգի՝ առնուլ վասն
իւր հինգ հարիւր քանքար . իսկ վասն մար-
տին՝ որչափ ինչ միանգամ կամք իցեն ծա-
խել . և վասն այսորիկ ետուն նամականի և
առ Անտիգենէս և առ Տելտամոս զօրա-

վարս Արդիւրասսպացոց, այն են՝ Արծաթասպարք: Առեալ սոցա զնամականին՝ ՚ի վերին երեսս մարդասիրապէս ժողովեցին զԵւմենէս, այլ ՚ի ներքոյ մեծապէս խանտային՝ զի խոնարհագոյն քան զնա գտան: Իսկ նա դարման նախանձուն տարեալ չէառ իւր զհինգ հարիւր քանքարն իբրև բնաւ իսկ անկարօտ: Այլ և անաստութեան և իշխանասիրութեան նոցա՝ զի ոչ հրամայել գիտէին և ոչ հնազանդել կամէին, խնամ տարաւ հնարիմաց սնապաշտութեամբ: Քանզի ասէր նոցա՝ ՚ի քուն երևեալ նմա Աղէքսանդրի, և ցուցանել նմա խորան արքունի զարդու և ՚ի նմա գահոյք, և ասել՝ անդանօր խմբել զատեան խորհրդոյն, ուր և ինքնին նա մերձ կացցէ՝ զօրավիզն ամենայն խորհրդոց և գործոց նոցա՝ եթէ միայն անասցեն: Եւ այսպէս ասա հեշտեաւ հաւանեցոյց նա զԱնտիգենէս և զՏեւտամոս, զի և ոչ իսկ կամէին նոքա գնալ առ նա, և ոչ դարձեալ ինքն յանձին ունէր առ գուրս գեգերել այլոց: Եւ այնպէս խորան իմն արքունի կանգնեալ և ՚ի նմա գահոյս՝ որում անուն կարգային Աղէսանդրի, անդր խմբէին ՚ի խորհուրդ վասն մեծաց իրաց:

Ապա յետ այնորիկ յառաջագէտ խաղացեալք ՚ի վերնագաւառն, անդ Պեւկեստաս բարեկամ Եւմենեայ եկն նմա ընդ առաջ և ընդ նմա այլք ևս ՚ի նախարարաց՝ հանդերձ զօրու, և այնպէս հասաւ սահարուստ կահեցին զՄակեդոնացիս ՚ի

բաղմուծիւն զինուց և 'ի հանդերձանս
հոյակապս : Բայց նախարարք այս ապե-
րասանք ինքնիշխան աւագութեամբ, և 'ի
կեանս իւրեանց ցովացեալք յետ մա-
հուանն Աղեքսանգրի, 'ի միում անդ վայրի
բռնացեալք և ամէհիք ամբարտաւանու-
թեամբ, այր զընկեր հարստահարէին, և
միարանութիւն չէր 'ի նոսա : Առ այս՝ և
տարասպայման շնթեալք նոքա Մակեդո-
նացւոցն, և անկղիտացեալք 'ի խնճոյս և
'ի զոհոս, 'ի սակաւ ժամանակի առեալ
գործեցին զբանակն՝ տօնավաճառ ան-
ժուժկալութեան . ուստի և այնուհետև
յնտարութեան զօրավարացն գգուանօք ըզ-
միաս պարտ էր հաճել զխուժանին, ըստ
որում և բնաւորեցաւ 'ի ռամկապետու-
թիւնս : Յայսցանէ ապա իրազգած եղեալ
Եւմենէս, եթէ այր զընկեր նոքա արհա-
մարհել արհամարհեն, սակայն առհասա-
րակ երկուցեալք 'ի նմանէ՝ գէսլ ժամանա-
կին գէտ ակն ունին բառնալ զկեանս նո-
րա, կեղծաւորեցաւ նա ինքն պէտս ունել
գրամոց . և առնոյր 'ի փոխ քանքար բա-
զում յարանցն առաւել ատելեաց անձին
իւրոյ, զի յանձն եղեալք 'ի նա, և զի մի
գաւաճանեացէն զնա առ սէր արծաթոյն
իւրեանց : Եւ այսպէս նա յօտարին ընչից
ամուր ապաստանի գործէր փրկութեան
անձին . և ուր այլք ինչս բաշխեն տան յան-
գորր անձանց, նա միայն անգորրացաւ ինչս
ժողովելով :

Բայց Մակեդոնացիք ցորքան ժամանակ

յաներկիւղս կային, քաջ խակ կաշառարեկ լինէին 'ի սպարգևաբաշխից անտի և սպասարկութի գեգերէին առ դուրս նոցա, սա՛հ կալեալ արանցն՝ որ միանգամ զգորավարութեան թեկն ածէին. այլ իբրև անդուստ երևեցաւ Անտիգոնոս և բանակ հարկանէր մօտ առ նոսա զօրու ծանու, և իրքն գլխովին բողոք բարձեալ էին 'ի խընդիր քաջի զօրավարի, անդ ո՛չ միայն ամբոխ զօրականին մերձեցաւ առ Եւմենէս, այլ և այր այր 'ի նախարարաց անտի որ 'ի գըրդանսն յօրացեալք էին՝ եկին խոնարհեցան առ նա և լռիկ հնազանդեցան ունել զտեղի իւրաքանչիւր՝ որպէս և զխորդ հրամայեաց նոցա. ուստի և յորժամ Անտիգոնոս կազմեցաւ պատրաստեցաւ անցանել զգետն Պասիտիգրիս, անդանօր սահապանք իւրաքանչիւր վայրաց՝ և ո՛չ զգացին անգամ. միայն Եւմենէս աճապարեալ ախոյեան 'ի դիմի հարաւ. մարտ յարգարեալ պատերազմի բազում յոյժ 'ի թշնամեացն հարկանէր սատակէր, և 'ի բաղմակոյտ գիականցն ընոյր զեղոյր զգետն, և գերի վարէր ոգիս չորեք հազար:

Բայց մասնաւոր՝ 'ի ժամանակի անդ խօթութեանն Եւմենէայ՝ յայտնի ցուցանէին Մակեդոնացիք, զի եթէ զայլան յիշխանաց առ սեղանապետս ոմանս մեծահաց կոչնոց ունէին նոքա և առ տօնակատարս աշխարհաժողովս, խակ զԵւմենէս միայն ունէին նոքա առաջնորդ և զօրավար քաջ մարտից պատերազմաց: Քանզի անդ

'ի Պարսս կոչունս մեծահասց տուեալ նոցա
 Պեւկեստաս, և առ այր այր ոչխար մի բաշ-
 խեալ առ 'ի զոհ, եդ 'ի մօտի մեծապէս ա-
 լագու թեամբ տիրանալ նոցա. այլ յետ
 սակաւուց չու արարեալ զօրականին ընդ-
 դէմ թշնամեաց, դէպ եղև Եւմենեայ 'ի
 պատճառս դժուարին խօթու թեանն բար-
 ձեալ շալակաւ տանել արտաքս 'ի բանա-
 կէն՝ ոչ լսել զչաչին շառաչին, զի և
 ննջել չկարէր. և իբրև զօրականն վայր մի
 յառաջ խաղաց, անդուստ յեղակարծումն
 յերևան ելին թշնամիք, հատեալ ան-
 ցեալ զկատարս բարձանցն՝ 'ի վայր հորդան
 տային 'ի դիւր անդր: Իսկ 'ի ճառագայ-
 թից արեգականն 'ի բարձունս կատարացն
 նշոյլք հատանէին նոցա 'ի զինուց զարդուց
 ոսկոյ դունդագունդ զօրականին՝ որ կար-
 գեալ այնպէս համախուսեք յառաջ խա-
 ղային. անդ և զբարձրաչէնս յակն արկեալ
 զաշտարակաց 'ի վերայ փղացն, և զծիրա-
 նիան (զի զայն զարդ տանին նոքա 'ի կը-
 ուին), անդէն որ յառաջամարտիկ նա-
 հատակքն էին Մակեդոնացուոց՝ զտեղի ա-
 ուեալ, ձայն բարձեալ կարդային զԵւմե-
 նէս. զի և ոսնփոխ երբէք չլինիցին՝ թէ
 ոչ նա ինքնին 'ի վայրն հասեալ 'ի գլուխ
 կացցէ բանակին. և առեալք զգէնան վար-
 սէին 'ի դետին, և այր ընկերին ազդ առ-
 ներ զտեղի ունել՝ զնոյն և զօրավարացն
 թեւադիր լինել, հանգարտել մնալ և ընդ
 թշնամիսն չխառնել առանց Եւմենեայ:

Չբուր առեալ Եւմենէս՝ 'ի շտապ տագ

նապի հասեալ դայր առ նոսա, ձեւ տու-
 եալ՝ որ բարձեալն տանէին զնա. և աստի
 անտի՛ ՚ի բաց զվարագոյրսն սարուրեալ
 զչալակին, առեալ զաջ իւր՛ ՚ի դուրս կար-
 կառէր զուարթագին. իսկ զօրականն տե-
 սեալ զնա՝ արագ արագ ուղջոյն տային՛ ՚ի
 լեզու Մակեդոնացի. առին ամբարձին
 զասպարսն և զգայիսոնան հարեալ՛ ՚ի վերայ,
 ձայն ցնծութեան բառնային և թշնամեացն
 ասպարէզ կարգային՝ ակներև զգօրավարն
 իւրեանց ունելով: Իսկ Անտիգոնոս լու-
 եալ ՚ի գերւոյն զլսութիւնն Եւմենեայ,
 և զի՛ ՚ի դժուարութենէ ակտին բարձեալ
 տանին զնա, հեշտեալ այնուհետև համա-
 րեցաւ հարկանել զնոսա ՚ի հիւանդու-
 թեան նորա, և փութայր ձեւէր խառ-
 նուրդ առնել մարտին: Եբրև յառաջ նա-
 հատակեցաւ, տեսանէր զձև կարգի նոցա
 և զգեղեցիկ դասաւորութիւն զօրուն, հա-
 րուտ մի այնպէս յապուշ հարեալ զտեղի
 ունէր. ասպա և զչալակն զԵւմենեայ յակն
 արկեալ յայսկոյս յայնկոյս ՚ի թևէ՛ ՚ի թև
 բարձեալ բերեալ, ՚ի քրքիջ մեծ այնու-
 հետև հատեալ Անտիգոնոս՝ ըստ որում և
 բնաւորեալն իսկ էր, ասէր առ բարեկամսն.

“Սա այս շալակ է՝ որպէս երևիզ՝ որ կարգ
 դասաւորութեան ընդդէմ մեր տայ ”.

զայս ասաց, և անդէն ընդ կրունկն տեղի
 տուեալ զօրուն՝ բանակ հարկանէր:

Իսկ որք ընդ Եւմենեայ էին՝ վայր մի ոգի
 առեալ, դարձան անդրէն՛ ՚ի գժտութիւնս
 խուժանին. և խեռացեալք ընդդէմ զօ-

բաւարացն՝ ցանեալ ցրուեցան 'ի ձմերոցս
 գողցես ողջոյն ընդ դաւառս Գաբենա
 ցւոց . զի և վերջինքն յօթեանաց 'ի բացեայ
 կային յառաջնոցն ասպարիսօք հազար :
 Լուր զայսորիկ առեալ Անտիգոնոս , ա
 ճապարեաց ընդդէմ՝ նոցա ընդ ճանա
 պարհ գժուարին և անջրդի , դժուարա
 կոխ՝ բայց 'ի կարճոյ . ակն ունէր 'ի վերայ
 անկեալ նոցա 'ի վարասել նոցա 'ի ձմե
 րոցսն՝ ոչինչ այնպէս հեշտեալ խմբել զօ
 բաւարաց զչօրն : Իբրև եմուտ միեցաւ նա
 յանասպատս անգր դաւառին , անդ մրրիկք
 դառնաշունչք և ահագին սառամանիք
 քարընդոտն լինէին ուղւոյն , և շտապ տագ
 նապի 'ի վերայ հասանէր զօրուն : Ապա
 հարկաւորեալք 'ի զօրավիգն ունել զխիտ
 առ խիտ վառել խարուկաց , յորմէ և ոչ
 զանխուլ եկաց նա 'ի Թշնամեացն . քանզի
 անդ խուժգուժք բնականունդք լերանց՝
 որ 'ի վերոյ անասպատին՝ հիացեալք 'ի տե
 սիլ խիտ առ խիտ խարուկացն , հրեշտակս
 ձիաւորեալ յուղտս արձակէին առ Պեւ
 կեստաս . լուեալ նա և սրակուցեալ և 'ի
 նոյն արհաւիրս և զայլսն տեսեալ՝ 'ի փա
 խուտս խուճասպէր . զնոյն տայր առնել և
 առհասարակ զօրականին՝ որոց միանգամ
 սրատահէր յուղւոջն : Բայց Եւմենէս 'ի
 բաց զերկիւղն փարատեալ՝ դադարեցու
 ցանէր զաղմուկն . և խոստանայր ևս տալ
 դեգերանս խուճասպին Թշնամեաց , և երեք
 աւուրքք քան զակնկալուԹիւնն , անագա
 նել զգալուստ նոցա , իբրև նոքա հանգար

տեցան, առեալ արձակէր պատուիրակս շուրջանակի, հրաման տայր 'ի ճեպ տագնապի խմբէլ զօրուն որ 'ի ձմերոցսն, և այլ ևս զօրականին. և 'ի ժամանակին յայնմիկ ինքն յերիվար աշտանակեալ ընդ զօրավարացն և շուրջ յածեալ, 'ի վայր մի բարձրաւանդակ և յերևան զօրուն՝ որ խաղացեալ գայլն ընդ անասպատն, և չափեալ սահման՝ անդ հրաման տայր խարոյկս խիտ առ խիտ բացատ 'ի միմեանց արկանեւ, զոր բանակք զօրաց բնաւորեցան գործել:

Իբրև այս եղև, անդուստ Անտիգոնոս տեսեալ զխարուկածին բոց 'ի լեռնակողմանսն, յոյժ 'ի խոր խոցեալ սրտառու լինէր. կարծեաց իրազգած թշնամեացն եղեալ՝ խաղալ նմա ընդ առաջ: Ապա զի մի այնպէս պարտասեալ ինքն ստիպեացի 'ի կռիւ ընդ նահատակաց կաբաւել և ընդ հանդարտելոց զօրականին, թողեալ զկարճոյ ուղին՝ տեղի տայր ընդ քաղաքաչէնսն, և 'ի չու հանդարտիկ գիւր առնէր զօրականին իւրոյ: Բայց խոչընդոտն և ոչ մի գտեալ 'ի վերջոտնեւ իւրում, ըստ որում և պատահէ իսկ՝ 'ի ճակատեւ թշնամեաց ընդդէմ միմեանց, և լուեալ ևս 'ի շրջակայ բնակչացն՝ եթէ խիտ առ խիտ վառեալ կան խարոյկք, բայց զօր անդ չեք ուրեք 'ի միջի, խելամուտ ապա լինէր հնարխմայու թեանն Եւմենեայ 'ի դաւել զնա. 'ի ցատումն բրդեալ՝ խաղացուցանէր զզօրն, խնդրէր ճակատամարտ հանդիսիւ սահմանեւ զբանն: Այլ 'ի ժամուն բազումք 'ի

զօրականէն խմբեալ առ Եւմենէս՝ զարմացեալք ընդ հնարաւոր խնաստութիւն առն՝ խնդրէին նմա միայնոյ զօրավարել. ոյր աղագաւ 'ի խոր խոցեալ Անտիգենէս և Տեւտամոս զօրավարք Արդիւրասպացոց խանտային, և խորհեցան դաւաճանել զնա. և զբազումս 'ի նախարարաց անտի սաղրեալ և 'ի զօրավարաց, 'ի խորհուրդ մտանէին՝ երբ և զխորդ դարանակալ լիցին Եւմենէայ: Եւ անդ առհասարակ միաբանեցան՝ 'ի դործ զնա վարել նախ յառաջակայ կռուին, և ապա արագ արագ սպանանել զնա: Յայնժամ Եւզամոս փղապետ և Փեդիմոս գնացեալ գաղտ 'ի վեր զխորհուրդն հանէին Եւմենէայ, ոչ առ բարեկամութեան ինչ և 'ի հաճել զնա, այլ զանգիտեալք կորուսանել զգրաման՝ զոր 'ի փոխ տուեալ իսկ էին նմա:

Իսկ Եւմենէս գովեալ և շնորհս ևս կալեալ նոցա, մտեալ 'ի վրան իւր՝ ասեր առ բարեկամսն 'ի մէջ վճճմակաց գաղանաց շրջել. և այնպէս նստեալ գրէր զկտակ իւր, և առեալ խաթարէր պատառէր զնա մականին զամենայն որ առ իւր. ոչ կամէր եթէ յետ մահուն 'ի գաղտնեաց գրենոյն զրպարտեալք ինչ ինասեսցին գրողքն: Եւ այնպէս զիւր իրսն յարդարեալ, 'ի խորհուրդ մտանէր՝ արդեօք զյաղթութիւնն գլխովին թողնուլ թշնամեացն, եթէ իսկալ 'ի Վասպագովկիա փախստեայ ընդ Մարս և ընդ աշխարհն հայոց: Ոչինչ հաստատեաց մինչև եկին առ նա բարեկամք,

ապա շատ ինչ անհնարին վարանեալ 'ի
խորհուրդս վասն նորուն իրի, առեալ
կարգէր զգօրականն և քաջալէր խրախոյս
կարդայր միանգամայն հելլենաց և խը-
ժադժիցն: Անդ և փաղանդն, զնոյն և Աբ-
գիւրասպայեք խրախուսէին զնա, իբրու-
անշուշտ ոչինչ ժուժկալէլ թշնամեացն
ընդդէմ նոցա: Քանզի այս զօրականք էին
հինաւուրց զինուորեալք առ Փիլիպպոսի
և առ Ալեքսանդրի, նահատակք 'ի մար-
տի, անվկանդք և անպարտելիք. շատք 'ի
նոցանէ զեօթանասնամենիւք ուրեմն էին
և 'ի նոցանէն և ոչ ոք սպկաս էր 'ի վաթ-
մնամենից. ուստի և յառաջ նահատա-
կեալ նոքա ընդդէմ Անտիգոնոսեանցն,
ձայն բարձեալ գոչէին. « Ընդդէմ ձերոց
իսկ հարց մեզանչէք, ո՞ Չարագլուխք »:

Եւ այնպէս մեծաւ ուժով յարձա-
կեալք 'ի դիմի, հարին խորտակեցին առ
հասարակ զփաղանդն. և չեկաց ոք ա-
խոյեան ընդդէմ, և 'ի սուր մաշեցան նոքա
բաղմագոյն մասամբ: Անդանոր ապա իս-
պառ հարեալ վատթարեցաւ Անտիգոնոս.
սակայն և 'ի գունդ այրուծիոյն յալթա-
կան ելանէր. քանզի Պեւկեստաս անարի
վատացեալ 'ի կռուին, հասեալ յայնժամ
կալաւ Անտիգոնոս զամենայն աղին՝ քա-
ջապէս նահատակեալ 'ի վտանգս մեծա-
մեծս. գործակից նմա և վայրն ինքնին լե-
նէր, զի էր անդ դաշտավայր լայնատարր,
ոչ խորագոյնս և ոչ կորդ և կարծր, այլ
իբրև աւազակոյտ ափանց և համակ աղ-

տաղտին արևակէզ, և հարեալ յուզեալ 'ի բիւրուց երիվարաց և 'ի բիւրաւորաց մարդկան 'ի խառնել մարտին՝ ահագին ամբ ելանէր դիզանայր փոշւոյ իբրև կիր անշէջ, և ցիրուցան սպխտակացուցեալ զօդսդ և մռայլ 'ի վերայ տեռանելեացն ածէր. ուստի և հեշտին Անտիգոնոս յաներևոյթս հասեալ տիրացաւ աղխին :

Իբրև մարտին վախճան լինէր, արձակէր Տեւտամոս հրեշտակս առ Անտիգոնոս՝ խնդրէր դարձուցանել զաղխն : Խոստացեալ նորա զայն Արգիւրասսպացոց, առայս և յայլ ինչ ևս իրա բարեկամութեամբ գնալ ընդ նոսա, եթէ միայն 'ի ձեռս տացեն զԵւմենէս՝ յայնժամ ապա յամբարշտութեան իորհուրդն հաստատեցան նոքա տալ կենդանւոյն զայրն քաջ 'ի ձեռս թշնամեացն : Զառաջինն եկին մերձեցան նոքա առ նա, և ինքն անկասկած կայր. մօտ եկին և հայէին 'ի նա, կէսք լային ըզկորուստ աղխին, և կէսք խրախոյս քաջալէր տային նմա իբրու յաղթականի. և կէսք դարձեալ զայլս 'ի զօրավարաց անտի ընդ վայր հարեալ խոտէին : Ապա 'ի վերայ խուժեալ նորա առհասարակ առին կորզեցին զվաղակաւորն, և զձեռօքն շուրջ զգօտին սլարուրեալ սրկեցին զնա : Յայնժամ յԱնտիգոնոսէ առաքեալ Նիկանովր առնուլ տանել զնա, անդ ընդ մէջ Մակեդոնացոցն անցեալ Եւմենէս, աղաչէր խօսել ինչ մի, ո՛չ յողոք անկանել նոցա և ո՛չ սլատասխանի անձին առնել, այլ ինչ

մի ասել նոցա պիտանի: Իբրև առհասարակ լուռութիւն լինէր, նա կացեալ 'ի բարձրաւանդակի և ձգեալ զձեռսն կապեալս, ասէր այսպէս.

“Եւ զոր ասա՝ ո՞վ եղեւնաւորք Մակեդոնացոց, զոր խնդրէր ատոյեան՝ ընդդէմ ձեր կանգնել Անտիգոնոս, մեծ ևս քան զոր դուք ինքնին կանգնէք աւաղիկ ձեր ընդդէմ, գերի 'ի ձեռս նորա զձերդ տալով զօրավար: Եւ ոչ արդեօք անարժան իցէ բանդ և դժպատէհ, յաղթական դուք ինքնին գոլով պարտութիւն խոտովանել 'ի շնորհս աղիսին և կարասւոյն, իբրու որ յաղթութիւնն գլխովին 'ի կարասին իցէ և ոչ 'ի զէնս: Արդ դուք և զձերոյինդ զօրավար 'ի փրկանս առաքէք կարասւոյն. բայց ես ինքնին անպարտելի ածեալ գնամ աւաղիկ՝ պարտեալ զթշնամիսն, սակայն մտանեալ 'ի կորուստ յիմոց անտի նիզակակցաց: Օ՞ն առեալ ես աւաղիկ երդմնեցուցանեմ զձեզ յԱրամազդ ինամակալ բանակաց և 'ի դիս ոստիկանս երդմանց, ա՞ղէ՞ դուք ինքնին աստէն սպանէք զիս. քանզի և անգանօր եթէ սպանանիմ, դարձեալ ձեր է ոճիրն: Ոչինչ արդեօք բամբասեսցէ Անտիգոնոս, իբրև պէտք են նմա Եւմենեայ մեռելոյ՝ և ոչ կենդանւոյ: Ապա եթէ զձեր ձեռս ինայէք շողախել, շատ է զմի յիմոցս ձեռաց ունել արձակ՝ 'ի գլուխ զբանդ տանել: Այ՛ եթէ և սուր մի չվստահանայք յիմ ձեռս, ա՞ղէ՛ կապեալ զիս այսպէս առաջի արկէք

դազանաց . Թէ զայդ առնիցէք՝ իմ իսկ աւաղիկ արձակեալ է զձեզ ՚ի պատուհասէն իմմէ , իբրու որ անշուշտ մեծապէս սրբութեամբ և արդարութեամբ դնացեալ ձեր ընդ ձեր զօրավար ։

Յայսպիսեաց աստի խօսեալ Եւմենէս , անդ առհասարակ զօրականն ՚ի խոր խոցեալ դառնապէս հեծէր . իսկ Արդիւրաս պացիք ձայն բարձեալ աղաղակէին՝ առնուլ ՚ի բաց տանել զԵւմենէս , և մի շաղակրատանաց բանից ունկն մատուցանել . իբրու որ դժնդակ չիցէ արդեօք՝ զի անըզգամ դք այր Քերրոնիսացի ՚ի մարտս բիւրս զՄակեդոնացիսն վաստակեցուցեալ լուծցէ զպատուհասն , այլ դժնդակ այն է՝ զի զօրականք քաջամարտիկք Աղեքսանդրի և Փիլիպպոսի այնչափ իմն ընդ քիրան յոգնեալք , և ՚ի ծերութեան իւրեանց ՚ի դերևս ՚ի մրցանակէն ելեալք՝ ՚ի մուրանաց ժողովեացեն հաց . և նոցուն կանայք աւաղիկ զայս երրորդ գիշեր անկեալ ննջեն ընդ Թշնամեաց : Զայս ասացին և փութապէս ՚ի բաց տանէին զԵւմենէս : Բայց անդուստ Անտիգոնոս երկուցեալ՝ եթէ կոխեսցի այրն ՚ի խուժանէն (քանզի և ոչ դք մնաց անդ ՚ի ղակչին) , արձակէր ՚ի դուրս տասն ՚ի փղաց կորովեաց և տիգաւորս բազումս ՚ի Մարաց և ՚ի Պարթևաց՝ ՚ի բաց զամբոխն փարատել . իսկ ինքն առ վաղնջուց մտերմութեանն ընդ առն՝ ոչինչ պնդեցաւ յոգին այնպէս տեսանել զնա . և հարցեալ ՚ի պահասականացն՝ եթէ զինորդ

սպահել զայրն արժան իցէ, ետ սլատաս-
խանի. “ Իբրև զմի ՚ի վիզաց, կամ զմի յա-
ռիւծոց ”: Այլ վայրիկ մի ասլա մեծա-
պէս արգահատեալ՝ հրաման տայր առ-
նուլ ՚ի նմանէ զշղթայս ծանրաբեռինս, և
տալ նմա զմի յիւրոց սաշտօնէիցն իւղել
օծանել զնա, և թոյլ ևս տայր բարեկա-
մացն կամ որք կամեսցինն՝ կենակից նմա
լինել և ընուլ զպէտս նորա:

Արդ ՚ի խորհուրդ Անտիգոնոս մտեալ
աւուրս բազումս վասն Եւմենեայ, ունկն
զներ և հէարքոսի Կրետացոյ բանիցն և
խոստմանցն, և Դեմետրիոսի որդւոյ իւ-
րում, որ խնդրէին ասլեցուցանել զԵւ-
մենէս. իսկ այլք գողցես առհասարակ
հակառակ ամբարձեալք ստիպէին զայրն
՚ի մահ մատնել: Եւ ստոմեն՝ եթէ հար-
ցանէր Եւմենէս յՈնոմարքոսէ յիւրմէ
սպահասանէն, եթէ “ Առ ինչ ասլա ՚ի
բուռն իւր կալեալ աւադիկ Անտիգոնոս
զայր թշնամի և ռիսերիմ, ոչ վաղվազակի
՚ի մահ վարէ, և կամ թէ մեծանձնութք
յանդորր հանէ ”: Իսկ Ոնոմարքոս թշնա-
մանօք ասացեալ առ նա, եթէ ոչ յայն-
ժամ՝ այլ ՚ի մարտին ժամու սպարտ էր նմա
զքաջութիւն զայն քաջանալ ընդդէմ մա-
հու, “ Օ՛ն և օն Արամազդ, ասէր Եւմե-
նէս, իմ և յայնժամ քաջացեալ է. հարց
դու զորս միանգամ ընդ իս ՚ի վէդ եկին.
այլ ես չգտի զոր յայնժամ քաջագոյն քան
զիս ”: Կրկնեաց Ոնոմարքոս. “ Արդ զի ա-
ւադիկ գտեր զայր քաջ ևս քան զքեզ, զի՞

դու չմնաս դէպ ժամանակին նորա ,, : Ապա իբրև հաստատեաց Անտիգոնոս 'ի մահ մատնել զԵւմենէս , հրատան տայր ոչ ևս տալ նմա կերակուր : Եւ այնպէս զաւուրս երկուս և երիս անսուաղ կացեալ նա , 'ի դուրս մերձե՛նայր մահու . իսկ յայնժամ յեղակարծումն դէպ եղեալ չու առնել բանակին , առաքեցին այր մի գնալ սպանանել զնա : Բայց զգիական Եւմենէայ տուեալ Անտիգոնոս 'ի ձեռս բարեկամացն նորա , թոյլ տայր այրել զնա և առնուլ տանել զնչխարս նորա 'ի սափոր արծաթի և տալ կնոջ իւրում և զաւակացն :

Չայս օրինակ ապա մահ առեալ Եւմենէս , յետ այնորիկ և արժանահաս սպասուհաս զօրավարաց և զօրականին՝ որ մատնեղեն նմա , հասանէր 'ի վերայ 'ի դից անտիոչ յօտարաց ինչ ձեռն , այլ 'ի նորուն իսկ Անտիգոնէայ . քանզի խոտեալ նորա այնուհետև զԱրդիւրասպացիսն զայն իբրև ամբարիշտ որեար և դազանամիտ , 'ի ձեռս տայր զնոսա Հիւբիրոտիոսի կուսակալին Արաքովսիոյ . պատուէր տուեալ զամենայն ազգ չարչարանաց անցուցեալ ընդ նոսա՝ 'ի միջոյ սկկաս առնել , զի և մի ոք 'ի նոցանէն մի դարձցի 'ի Մակեդոնիա , և մի զհելլենականն տեսցէ ծով :

ԶՈՒԳԱԿՇՌՈՒԹԻՒՆ

ՍԵՐՏՈՎՐԻՈՍԻ

ԵՒ

ԵՒՄԵՆԵԱՅ

ԼՅԴՈՒԲԻԿ ԵՆ աւագին՝ զոր յաղագս Սերտովրիոսի և Եւմենեայ 'ի յիշատակաց արժանիան անցաք մեք : Իսկ 'ի զուգակըշ ուութեանդ գտանեմք ինչ հասարակ յերկաքանչիւրոգ . զի օտարք և եկք գոլով գոքա , յօտար աշխարհի և վտարանդիք , զօրավար կացին մինչև ցվախճան այլալէզու ազգաց , և քաջամարտիկ և բազում զօրաց :

Իսկ է և մասնաւոր Սերտովրիոսի , զի զօրավարեաց նա 'ի միտքան հաւանութենէ նիզակակցացն , որ յանձն առին 'ի պառճառս աւագութեան առն : Իսկ Եւմենեայ , զի շատք և նախանձաւորք թեկն ամեալ զզօրավարութեան , ինքն նախաթող ամբարձաւ միայն 'ի պէտս նահատակութեան գործոցն . ուստի առաջնոյն

իրաւամբք արդեօք հպատակեցան՝ որ միան գամ հաճեալ իսկ էին ընդ իշխանութիւն նորա . և վերջնոյն՝ ՚ի պէտս օգտի հնազանդեցան՝ որ միանգամ յիշխել անբաւականք էին :

Քանզի մին գողով Հռոմայեցի՝ զօրավար ՚ի վերայ Իբերացւոցն եկաց և Լիւսիտանացւոց . և միւսն Քէրրոնիսացի՝ ՚ի վերայ Մակեդոնացւոց : Եւ ՚ի ժողովրդոց այտի առաջինքդ ծառայութիւն ՚ի վաղնջուց հարկանէին Հռոմայեցւոց . և վերջինքդ յայնժամ զամենայն մարդիկ ծառայեցուցանէին :

Առ այս՝ և Սերտովրիոս ամբարձաւ ՚ի զօրավարութիւն, յորժամ և սքանչացեալ իսկ էր իբրև այր սինկղիտիկոս և զօրավար : Իսկ Եւմենէս՝ յորժամ խոտեալ իմն էր ՚ի սրաշտաման անդ դպրի, և ոչ ապիկար միայն էր նա յաւագութեան իւրում, այլ և խոչ ընդ ակն մեծապէս եղէն նմա ՚ի բարգաւաճել իւրում . զի բազումք յայտնապէս ընդդէմ դառնային նմա, և բազումք դարձեալ գողարար դաւաճանէին զնա : Իսկ Սերտովրիոսի յայտնի հակառակամարտ գտաւ և ոչ ոք, և նուազունք ոմանք ՚ի նիզակակցացն ՚ի ծածուկ միայն ընդդէմ դարձան նորա . ուստի վասն միոյն վախճան վտանգաց էր՝ յաղթել թշնամոյն . և վասն միւսոյն վտանգք ՚ի վեր բուսանէին ՚ի յաղթութենէն՝ առ ՚ի յաչաղկոտաց անտի :

Իսկ զինուորական նահատակութիւնք

դոցա նմանատիպք են և զուգակշիռք, այլ էին նոքա այլբարունք 'ի միմեանց. Եւ մենէս պատերազմասէր և կռուասէր. և Սերտովլիոս՝ խաղաղասէր և հեզ և հանդարտ. մինչգեռ Եւմենեայ 'ի ձեռս էր յանդորրու վարել կեանս և շքով 'ի տեղի տալ իւրում, յաւերժացաւ 'ի մարտ 'ի պայքար ընդդէմ աւադաց. և Սերտովլիոս անդորրաւէտ անձն՝ սոխպէր առ 'ի մարտ յաներկեանութիւն անձինն ընդդէմ աղարտողաց խաղաղութեան նորա : Քանզի Անտիգոնոս մտադիւրագոյնս արդեօք 'ի գործ զԵւմենէս վարէր, եթէ սատեղի տուեալ առաջին բարձին՝ գոհ էր երկրորդին. այլ Պոմպէոս՝ և ոչ անվիշտ կենացն ներէր Սերտովլեայ : Ոյր աղագաւ և մին կամակար մտօք մարտ եղեալ կռուէր յիշխանութեան պատճառս. և միւսն յակամայս իշխէր՝ զն ընդդէմ յուզէր պատերազմ : Արդ՝ մարտասէր պարտէ համարել զայրն, որ զաւելաստացութիւնն նախապատիւ քան զաներկեանութիւնն գործիցէ. և քաջամարտիկ զայրն՝ որ մարտիւ զաներկեանութիւնն հանդերձեացէ :

Առ այսոքիւք դարձեալ զն 'ի դոցանէ մին մեռանէր, և չէր նախազգած. և միւսն՝ և կանուխ ակն ունէր մահուն. առաջինգ՝ հեզութեան է յայտարար, (քանզի վըստահ 'ի բարեկամն եցոյց զանձն). իսկ երկրորդգ՝ տկարութեան. քանզի կամելով փախչել՝ ձերբակալ եղև : Եւ արդեօք

մահն ինքնին ոչ անսխառունակ ինչ գործեաց ղկեանան միոյն . քանզի յիւրոց անտի նիզակակցաց կրեաց կիրս՝ զոր 'ի թշնամեաց և ոչ ոք անցոյց ընդ նա . այլ միւսդ՝ ոչինչ բաւական 'ի փախչել մինչև ըմբռնեալ, և ապա յետ ըմբռնելոյն՝ կենաց ցանկացեալ, գեղեցիկս այնուհետև՝ ոչ 'ի մահուանէն ապրեցաւ և ոչ մեռաւ . առայս՝ և 'ի խնդրուածաց անտի իւրոց և յողորմանաց՝ և 'ի վերայ հոգւոյն տիրացուցանէր զթշնամին, որ 'ի վերայ մարմնոյն միայն կարծէր ունել իշխանութիւն :



ԾԱՆՕԹՈՒԹԻՒՆԷՔ

1. Ողորմ և աշխարեւի կերպարան կրից բարեկամի յակամայս ոգորելոյ ընդ առն բարեկամի, ճշգրիտ և քաջիկ նկարագրեալ 'ի Պլուտարքեայ :

2. Այս Հերոնիմոս հայրենակից և բարեկամն էր Եւմենեայ : Եւ է սա 'ի նշանաւոր պատմագրաց, և գրեաց սա զկուսակալացն՝ որ բաժանեցին զարքայութիւնն Ալեքսանդրի :

ՅՈՒՅԱԿ

Ե Ր Ր Ո Ր Դ Հ Ա Տ Ո Ր Ո Յ Ս

ԱՐԻՍՏՈՒԿԵՍ	7
ՄԱՐԿՈՍ ԿԱՏՈՎՆ	65
Զոգախնամութիւն	119
ՊԻՒՌԻՌՈՍ	133
ԳԱՅԻՌՈՍ ՄԱՐԻՌՈՍ	213
.	
ԼԻՒՍԱՆԴՐՈՍ	307
ՍԻՒՂՂԱՄ	367
Զոգախնամութիւն	451
ԿԻՄՈՎՆ	465
ԼՈՒԿՈՒՂՂՈՍ	509
Զոգախնամութիւն	607
ՍԵՐՏՈՎՐԻՌՈՍ	619
ԵԻՄԵՆԿԵՍ	669
Զոգախնամութիւն	709
